



8445

FIL 30066

~~37-2-n^o 84115-~~

~~13-6.~~

1

~~13-6~~

2-1-1

1

1-1-1



ATHENAE
RAURICAE.

SIVE

CATALOGUS PROFESSORUM
ACADEMIAE BASILIENSIS

AB A. MCCCCLX. AD A. MDCCLXXVIII.


CUM BREVI SINGULORUM

BIOGRAPHIA.

ADIECTA EST RECENSIO

OMNIUM EIUSDEM ACADEMIAE

RECTORUM.



BASILIAE.

Sumtibus CAR. AUG. SERINI, Bibliopolae.
ANNO MDCCLXXVIII.

92(5)
Ht 3

36066



THE JOURNAL OF THE

ROYAL ANTHROPOLOGICAL INSTITUTE

OF GREAT BRITAIN AND IRELAND

VOLUME LXXV. PART I. 1905.

LONDON: PUBLISHED BY THE INSTITUTE, 21, BEDFORD SQUARE, W.C.

PRINTED BY THE UNIVERSITY PRESS, CAMBRIDGE.

1905.

THE JOURNAL OF THE

ROYAL ANTHROPOLOGICAL INSTITUTE

OF GREAT BRITAIN AND IRELAND

VOLUME LXXV. PART I. 1905.

LONDON: PUBLISHED BY THE INSTITUTE, 21, BEDFORD SQUARE, W.C.

PRINTED BY THE UNIVERSITY PRESS, CAMBRIDGE.

1905.

THE JOURNAL OF THE

ROYAL ANTHROPOLOGICAL INSTITUTE

OF GREAT BRITAIN AND IRELAND

VOLUME LXXV. PART I. 1905.

LONDON: PUBLISHED BY THE INSTITUTE, 21, BEDFORD SQUARE, W.C.

PRINTED BY THE UNIVERSITY PRESS, CAMBRIDGE.

1905.

PROFESSORES THEOLOGIAE.

I. **CASPARUS MANER**, vir præclara eruditione, judicio subtili atque auctoritate magna, qui jam Concilio Basil. interfuisse perhibetur, cujas fuerit, quando, quibusque parentibus natus, non constat. Fuit Theologiæ Magister s. Doctor, ejusdemque sub ipsis Academiæ Basil. auspiciis, i. e. A. 1460. Professor. Ordinis erat Prædicatorum seu Dominicanorum. Theologia nempe erat augustiniana, hinc B. Augustini imago matriculæ Theol. est præfixa, & ordo Dominicanorum, Augustini regulas secutus, primum dedit Theologiæ Professore, itemque Decanum primum Theol., eundem Casparum Maner, qui d. 18. Oct. 1462. primum, & postea tribus adhuc vicibus, ab ordine suo Decanus fuit electus. Functus est munere Professoris publico summa cum laude usque ad annum 1474., quo d. 29. Nov. fato fuerat defunctus.

II. **JOHANNES CREUTZER** probatæ vitæ & doctrinæ, interque primos fuisse dicitur, qui in superiori Germania, missis hominum commentis, decreta Dei auditoribus annuntiabant. Ortus erat ex Gebweiler, Alsatiæ oppido; A. L. M. fuit Erfordiensis, Theologiæ Baccalaureus Heidelbergensis & Canonicus atque Prædicator ecclesiæ cathedr. Basiliensis, nec non Doctor Juris Canon. Basileæ S. Paginæ Professore, publicum egit a. 1462., quo cum Casparo Maner & Wilhelmo Textoris theologicam facultatem repræsentavit. Decanatum philosophicum administravit primus a. 1460. & Rectoratum acad. a. 1461. ob. Dominicanorum Decanus Colmarie.

Scriptit tractatum de illustribus Ordinis sui Viris, qui in Bibliotheca Bas. inter Mss. adservatur: itemque expositionem orationis dominicæ ac de septem pietatis operationibus.

III. **WILHELMUS TEXTORIS**, Artium & S. Paginæ itemque Linguae Hebrææ Professor, natus est Aquisgrani. Theologicam Professionem primum administravit in academia

demia Erfordienſi; unde Baſiliam ſeſe contulit, ubi eandem profeſſionem obtinuit a. 1462., eodemque anno die 4. Oct. primus magiſtralia, i. e. doctoralia, inſignia in Theologia accepit. Decanatum theol. geſſit a. 1469. ſed a. 1472. d. 6. Jun. in plena congregatione Decanatum, Facultatem & Regentiam reſignavit, quæ reſignatio, quod ipſe eſſet ſingulari rei literariæ ornameto ægre quidem, tandem tamen, quia ſecti noluit, acceptata eſt. Rectoris munus ſubiit bina vice a. 1463. & 1467. Canonici quoque exſtitit B. Virginis Baſileæ. Eum a. 1500. adhuc vixiſſe reperitur, quando vero mortem obierit, notatum non invenimus.

Scripſit librum de paſſione Domini. Itinerarium terræ ſanctæ. Sermonem de cœna Domini.

IV. HENRICUS NOLDT ſ. Noll, ſtudioſorum fundamenta jecit, & ſummos in Philoſophia itemque primos in Theologia honores accepit in alma academia Colonienſi. Baſileam veniens in ordinem Prædicatorum ſuſceptus & a. 1469. publicus lectionis bibliçæ Profeſſor fuit conſtitutus; poſtea d. 23. Sept. 1470. Licentiatus, & d. 16. Jan. 1471. Theologiæ Doct. publice renunciatus, hocque nomine eodem anno circa feſtum purificationis Virginis B. in Facultatem theol. fuit adſumtus. Obiit diem Ordinis ſui Decanus II. Decembri 1473.

V. JOHANNES DE GRÜNINGEN Artium liber. & S. Paginæ Profeſſor, d. 14. Febr. 1473. per patentès literas, (verba ſunt matriculæ Theol.) Facultati certificavit, quod in Colonienſi Vniverſitate rigoroſe ad magiſterium in theologica facultate promotus fuerit; ideoque venerabilis iſte vir, præſtitis tamen præſtandis, eodem die in conſortium Magiſtrorum Theol. Baſ. fuit adſcitus.

VI. JOHANNES SYBER de Wangen, A. L. M. S. Theol. Doct. & Profeſſor, itemque Canonicus Petrinus, vir fuit & ingenio & ſolertia ſingulari. Licentiam in Theologia obtinuit d. 6. Apr. 1473., ipſum autem in eadem Doctoratum d. 25. Jan. 1474. In Facultatem Theol. receptus fuit d. 31. Jan. 1474. poſtquam jam d. 23. Oct. 1465. ad lectionem Bibliçam, ſ. publicam Scripturæ S. interpretationem fuiſſet admiſſus. Ejus opera plurimum &

& ulā & delectata videtur academia. Decanatum enim Philosophicum bis a. 1462. & 1472. Decanatum Theologicum octies, & Rectoratum acad. ter, a. 1470. 1482. & 1487. obiisse legitur. Obiit Decanus a. 1502. Legavit Facultati Theol. Bas. 20. florenos Rhenenses, ex quorum censibus annuatim nonnulla erant distribuenda; hos quidem Facultas a. 1505. a Ven. Domino Bernhardo Müller, Canonico & Cantore S. Petri Bas. accepit, sed, cum ei conditiones essent molestiores, a. 1508. eidem restituit.

VII. HENRICUS RIEDTMÜLLER, Theol. Doct. & Prof. natus est Lucisvalli, oppido agri Basil. Ab ineunte ætate studiis, inprimis Theologiæ, animum adplicans, eorundem commodius & felicius tractandorum gratia ordinem sibi sumsit Augustinianorum, cujus etiam Prior exstitit. Ut multa eruditione erat clarus, ita meruit, ut d. 20. Dec. 1474. Licentiatum, & d. 24. Jan. 1475. Doctor Theologiæ publice renunciaretur, cum pridie, pro more, vesperiatum esset. (Vesperiarum loco a. 1551. instituta fuit Disputatio publica, in qua, Præside adhibito quidem Professore, sed non defendente, nisi urgens posset necessitas, disputator objectionibus omnibus ipse per se satisfacere debuit.) In Consortium Facultatis Theol. Riedtmüllerus Doctor atque Professor receptus fuit d. 27. Jan. 1475. & Decanatum Theol. bis administravit, a. 1475. & 1477., vitam cum morte commutavit d. 24. Apr. 1478.

VIII. JOHANNES GEYLER, dictus Keisersbergensis, S. Theol. Doct. & Prof., Rhenano judice, Pericle eloquentior, Socrate continentior, Numaque religiosior, ortus est Schaffhusiæ d. 16. Mart. 1445. patre Joh. Geilero, notario publico Amersvillano, matre autem Anna Zuberæ. Amisso patre cum vix trimatum impleffet, a proavo suo, cive Cæsaremontano, receptus est educandus, cujus beneficio ac cura, post prima literarum tyrocinia ad Friburgensæ gymnasium missus, liberalibus artibus vacavit, magisteriiq; laurea, exigentibus hoc studiis suis, est coronatus, quod factum a. 1463. ex quo tempore publice lectiones habuit philosophicas, itemque a. 1469. Decanatum gessit philosophicum. Exinde mox sese sacris initiari curavit. Et cum sacerdotem nil magis deceat, quam

sacrarum peritia literarum, ne myſteriorum inſcius a plebeio nihil differat, Baſileam venit a. 1471. quo ad Facultatem Artium itemque ad Facultatem Theol. receptus & admiſſus eſt ad lectionem Bibl., adſignatusque ei fuit liber Deuteronomii & Apocalypſeos, pro magiſtro ipſi deputato M. Henrico Noldt; a. 1472. admiſſus fuit ad lectionem primi ſententiarum libri, n. Lombardi, qui agit de Deo ejusque eſſentia; anno ſequenti ad ſecundi atque tertii, denique ad quarti libri ſententiarum lectionem A. 1474. Decanus fuit Artium, eodemque anno vocatur in matricula Theol. Baccalaureus in ſacra Theologia; tandem a. 1475. ſolennitatibus debitis, inſigniis doctoralibus in facultate theologica inſignitus & mox poſtea in conſortium Theologorum fuit receptus, quo nomine publice Theologiam docendi facultatem obtinuit, poſtquam per quinquennium fere literis ſacris gnaviter incubuiſſet. *Utinam atque utinam*, ſcribit Beatus Rhenanus in vita Geyleri, (quam a. 1510. elegantiffime conſcriptam Argent. edidit.) *utinam noſtro ævo ſacerdotes nonnulli literis operam navarent, ne divinarum & humanarum juxta ignari, aſino apud Gabrielem mythologum ſacra deferenti, eamque ob rem a prætereuntibus honore adſecto, perſimiles exiſterent. Sed quid Æthiopem lavo?* Cum jam Geylerus, novellus doctor theologiæ conſultiſſimus haberetur; & eſſet, Friburgum eſt accitus, ubi viri probitas antea omnibus erat cognita, atque chriſtianarum literarum publicus interpres conſtitutus. Itaque d. 7. Maji 1476: a Baſilienſibus diſmiſſionem petiit & obtinuit; Friburgum proſectus profeſſionem theol. ſub ſexaginta florenorum ſtipendio annuo auſpicatus eſt. Vix autem anno elapſo Herbipolim concionator vocatur, promiſſis ducentis annuatim aureis, donec ſacerdotio opulentiore dotaretur. Sed dum Baſileam pro advehendis, quos illic reliquerat, libris petit, a Petro Schotto Argentoratenſi ſenatore, viro tam gravi quam prudenti, rogatus eſt enixe admodum, ut ſi uſpiciam dominici verbi enarrandi provinciam ſubire vellet, Argentorati id ageret, ſe daturum operam, ne digna laborum mercede careret; adſeveravitque porro Schottus, cum patriæ ſecundum parentes omnia debeamus, eo illud maxime faciendum eſſe loco, qui Alſatiæ ſit caput; ut enim Keiſersberga, ubi educatus, ita & Scaphuſium, ubi natus erat Geylerus, tum ad Alſatiam pertinebat. Promiſit Geylerus, & Schottus ſupra quingentos aureos, ut ſacerdotium

dotium Geylero Argentorati a sacrorum Antistite obtineret, impendisse legitur. Jam Geylerus concionator constitutus non minus exemplo quam doctrina populum sibi creditum annis 33. fideliter docuit, nemini unquam adulatus. Quin primores ecclesiasticos, qui dignitatibus magnisque plurium sacerdotiorum censibus pollent, sed his abutuntur, aut meretriculas foventes, aut ventrem pro Deo statuentes, graviter insectabatur. Etiam virgines Vestales, quas Pœnitentes vocant, cum luxu & deliciis diffuerent, sub arctiorem vivendi regulam redegit. Quoties declamaturus erat, dicenda prius ad verbum domi feribebat, hoc enim, rite perpensa loqui, de honore Dei atque salute auditorum esse haud immerito putavit. Bibliothecam habuit omnis generis librorum refertissimam, quam ad successores transire pientissime voluit. Pauperes maxima semper liberalitate fovit. Neminem unquam sine munere passus est abire, quicquid enim ex sacerdotii censu ultra vitæ necessaria supererat, id omne in usum pauperum erogabat. Hospitalitatem quoque in peregre advectos simili studio exercuit. Eruditos ac probitate conspicuos vehementer dilexit, & inter hos maxime Jac. Wimpelingium Selestatinum. Thomam Wolsum juniorem muneribus est sæpiuscule prosequutus. Sebastianum Brandium, Jureconsultum, Basileæ degentem, Argentoratum promovit. Ob summam eruditionem cum vitæ sanctimonia copulatam, ab invictissimo Imp. Cæsare Maximiliano benevolentia haud vulgari dilectus est; hunc interdum ad se accersire, accersitum non tam comiter quam familiariter compellare solitus erat Imperator: hujus etiam in magnis rebus consilium non parvi æstimabat. Sacratissimo Cæsari præcepta quædam collegit, ad quæ se rex componere debeat, ut suis utilitatem, sibi vero gloriam pariat. Cetera fuit Geylerus statura proceræ, capillo crispo, facie macilenta, ac corpore gracili, sed salubri, & rerum dolore excepto, nullis ægritudinibus obnoxio. Morbo denique fatali correptus nihil consternatus dissolvi cupiit & esse cum Christo. Augescente tandem ob tumorem ægritudine, membraque vitalia sensim enecante, naturæ concessit d. 10. Martii a. 1510. totius Alsatiæ lacrymis defletus. Libros scripsit plurimos, quorum plerique typis editi prostant, alii vero passim in Bibliothecis manuscripti adhuc reconditi delitescunt. Eo-

rum catalogus inquire potest in *Amœnit. liter. Friburgensibus*. F. I. p. 71. &c.

IX. MICHAEL WILDEGK, Müllhusinus, A. L. M. & S. Theol. Doct., Canonicus atque Prædicator fuit ecclesiæ cathedr. Basileæ, ubi publice Theologiæ Doctor fuit creatus d. 15. Nov. 1491., simulque Theologiæ egit Professore. Decanatum Theol. 3. Philosophicum 5. & Rectoratum academicum 2. vicibus cum laude sustinuit. Plura de eo desiderantur.

X. MAURITIUS FINIGER, f. Fininger, de Pappenheim, Augustinianus, varios Basileæ ob præclaram, qua pollebat, eruditionem honorum gradus fuit adeptus, & quidem a. 1499. receptus est ad facultatem Theologorum & post publicam responsionem ad lectionem Bibl. admisus, in V. T. ad legendum Oseam prophetam, in Novo autem epistolas Petri apostoli; a. 1501. obtinuit in Theologia Licentiam, eodem anno d. 12. Oct. per Magistrum ipsi adjunctum, spectabilem ordinis Decanum, Joh. Siberum, vespereatus & sequenti die ab eodem doctorali diademate coronatus fuit. Professoris Theol. ordinarii munus tum obtinuit, & a. 1503., mortuis omnibus ejus collegis, ordinem Theol. solus sustinuit. Decanatu functus est quinquies, & quidem ultima vice a. 1520.

XI. LADISLAUS VLRICHER f. Vlrich, de Valdensa, Basileæ d. 23. Jan. 1504. supremum in Theologia gradum, promotore Mauritio Finigero, adsecutus est; postquam Theologiæ Licentius in Vniversitate Colonienſi rite fuisset formatus, prout id Facultati Theol. Bas. per patentes literas certificavit; ad gradum doctoris philosophiæ itidem apud externos fuerat promotus. „ Facultas Theol. „ magnam ob ipsius paupertatem cum eo habuit patientiam, quem proin speciali decreto obligavit, procurare bonum Facultatis, & orare Dominum pro suo „ præceptore. ” Professor exstitit Theologiæ sub annum 1504. & Decanatum Theol. ultima vice sustinuit a. 1506. postea cum scandalo a Basilea recessit, ut refert matricula.

XII. JOHANNES DIECK Basileæ artium Magister creatur a. 1466. M. Joh. de Gengenbach Philosophorum Decano, ubi, nempe in matricula philosophica, ut videtur, a pa-

a patria, Joh. Dieck de Rütlingen vocatur. Theologiæ Licentiatuſ designatur d. 14. Jun. 1482. Profeſſionem Theol. adminiſtraſſe creditur a. 1504. certe dicto hoc anno cum Ladislao Vlricher S. Theol. Doct. ejuſdemque Profeſſore ordinario, ordinique ſacri Decano, Johannem Gebwilerum rigoroſe examinaſſe & ad Licentiam Theol. gratioſe & benigne admiſiſſe in matricula Theologorum perhibetur. Ordini etiam philoſophico Decanuſ præfuit a. 1471.

XIII. JOHANNES GEBWILER, alias Sellatoris, Sattler, Colmarienſis, Plebanuſ in Turken, Baſileam veniens Facultatiſ Theol. Doctores testimoniis fecit certiores, quod artium liber. Magiſter & S. Paginæ Licentiatuſ formatuſ ſit Friburgi, & Magiſtrorum ſuorum conſenſu huc iter ſuum direxerit, quod factum a. 1504. dein a. 1507. idem, ut in matricula vocatur, venerabilis artium liber. Magiſter Johannes Sellatoris Gewiler ſolenniter principiavit in N. T., & eodem anno d. 22. Nov. per M. Mauritium Finiger ſolenniter fuit Theologiæ Doct. promotuſ. Fuit & Canonicuſ Eccleſiæ cathedr. Profeſſioni Theol. præfuit ſub an. 1507. Ordini Theologico Profeſſor adſcriptuſ Decanatuſ ordinis ſui aliquoties geſſit, A. 1526. Senatuſ atque Civitaſ Biennenſiſ ei paſtoris ſui primarii obtulit munuſ, quod & accepit; ſed iſ Biennenſibuſ meliora a Wittenbachio edoctiſ non adreſit, & diſmiſſionem obtinuit.

XIV. THOMAS WITTENBACH, a patria vulgo dictuſ Suiceruſ, A. L. M. S. Theol. Doct. & Profeſſor, natuſ eſt Biennæ Helvetiorum a. 1472. ex antiqua atque nobili familia. Patrem coluit Ulmannuſ Wittenbach, Conſulem Biennenſem. Prima ſtudioꝝ fundamenta jecit Biennæ, in quibuſ quo magiſ proficeret, Tubingam ſe contulit; dein a. 1505. Baſileam petiit, & in omni diſciplinaruſ genere, præcipue vero in Theologia, ſeſe diligenter exercuit. S. Paginæ Baccalaureuſ jam Tubingæ fuerat creatuſ, Baſileæ vero exhibituſ promotioniſ ſuæ testimoniis & præſtito juramento in facultatem theologicam receptuſ & ad primum libruſ Sententiarum admiſſuſ, inſuperque gratiſ fuit habituſ, quia unde daret non habuit, ſe, cum pinguior fortuna ipſi adreſerit, totuſ daturuſ pollicituſ. Quamviſ ergo, ut Juvenaliſ ait,

haud facile emergant, quorum virtutibus obstat res angusta domi, exceptionem hic merito esse faciendam præter alios complures & noster docet suo exemplo Wittenbachius; virtus in adversis patet non secundis, eaque eo major est atque laudabilior, quo plures, quibuscum conflictandum erat, habuit adversarios; quin eximium istum Virum debitum suum cum fœnore solvisse censendum, quod non solum literis elegantioribus sed præsertim puriore doctrina evangelica & exteros & cives nostros imbuerit plurimos, in quibus præcipue nominandi Leo Judæ atque Zuinglius, qui eo hic Basileæ præceptore fuerant usi; & inprimis notandum, ipsum Zuinglium alicubi fateri, se a præceptore suo, Thoma Wittenbachio, Theologiæ Professore Basiliensi, didicisse: *solum mortem Christi esse* *λυτρον* *pro peccatis*, *Indulgentias Papæ figmentum esse*. Sed Wittenbachius civibus suis Evāgelium prædicaturus a. 1522. Basileam relinquens Bienniam concessit, ibique statim pastoris munus ad S. Benedicti subiit. Sacrorum Reformationem omni studio in civitate patria efficere laboravit atque promovere, quod & ipsi prospere cessit, licet ipsi gravia impedimenta, quæ vero singula bono cum Deo superavit, fuerint objecta. Denique cum Deo atque ecclesiæ fidum se servum præbuisset, multisque doctrina atque exemplo profuisset, in cœlis mercedem obtinuit a. 1526. quo per mortem ad vitam transiit perennem atque beatam.

XV. LUDOVICUS BERUS s. Bærus, lat. Vrsus, Basiliensis; vir erat, quod vel solum ipsum commendaret, magno Erasmo carissimus, ut qui eo usus est familiarissime, & in cujus gremium quicquid habebat, etiam in secretiori recessu, effundere non dubitavit; summo loco Berum istum ab Erasmo fuisse habitum, hujus ad illum variæ testantur epistolæ editæ, in quarum una ipsum theologum absolutissimum, patronum & amicum incomparabilem vocavit. Ad eum & hancce epistolam, cujus autographum in Bibliotheca Basil. publica servatur, dedit: *S. Amice incomparabilis, mitto ad te primam manum nugamenti de libero arbitrio. Hic perdidisti dies quinque non sine magno tadio. Sciebam me non versari in mea barena. Rogo dignere inspicere & indicare, ubi a tota scopo aberrarim. Nolim tamen hoc ad alios permanere. Bene vale.* Erasmus etiam in testamento Bero horologium suum

Aurum aureum in signum amicitiae legavit. Natus est autem Berus Basileæ circa finem Sec. XV. patre Joh. Bero, senatore, qui a. 1515. in prælio Marignanensi signifer occubuit; matre, Nic. Grünenzweigii, prætoris Badensis, filia. Ab his puer adhuc Parisios missus est, ibique tam diligenter studia philosophica ac theologica tractavit, ut in eadem academia Parisiensi Philosophiæ itemque Theologiæ Doctor fuerit promotus, & quidem inter commilitones primus, quod ibi loci vix unquam contigit Germano. In collegium Theologorum Basiliensium receptus & publice docendi facultate fuit instructus a. 1513. Canonicus atque Præpositus fuit etiam Collegii S. Petri Basil., & in Academia Rectoratum iterum, Theologicæ vero Facultatis Decanatum sæpius gessit, singulaque sua munera eximia modestia atque pietate exornavit. In disputatione Badensi a. 1526. instituta, una cum Barnaba Abbate Engelbergenfi, Jacobo Stapfero, Equite, ex S. Galli, ut & Johanne Honeckero, Prætore Bremgardensi, præsidem egit a parte Pontificiorum, atque omnium ora in se convertit. Licet autem Berus, in scholastica Theologia versatissimus, in multis capitibus cum Erasmo reformationem desideraverit, & communem cum illo circa Lutheri molimina forent sententiam: *optimam causam ab ipso non optime agi*, tamen, utut Reformationis bonam causam agnovit, tumultus vel alia metuens, ipse, cum Basileæ Reformatio Ecclesiæ successit a. 1529. cum aliis Canonicis, ut & Henrico Glareano & Erasmo Roter., nemine urgente, Friburgum Brisgoiæ secessit, ubi senex extremam fati clausit horam d. 14. Apr. 1554.

Scriptit librum *de preparatione ad mortem*. Basl. 1551. 8. *Commentarium in aliquot Psalmos*, ib. itemque in Quæstionem: *an tempore pestis fugere liceat?* ib.

XVI. MATTHIAS SAMBUCELLUS, (Hœlderlin) A. L. M. patria Sulgenfis, Basileæ literis elegantioribus operam navavit ita diligentem, ut a. 1491. summum in Philosophia gradum mereretur. Studio dehinc Theologico se ad-dixit, & in eo tantum profecit, ut d. 6. Sept. 1513. Doctor Theologiæ crearetur; circa quæ tempora ei & Professio Theol. fuit demandata. Eodem anno 1513. Rectoratum Acad. itemque a. 1516. Decanatum Theol. cum laude sustinuit, quo posteriori anno fato concessit.

XVII. WOLFGANGUS FABRICIUS CAPITO, germ. *Wolf Kœpflein*, vir summi ingenii atque iudicis, qui in Reformationis opere quoad ætatem vel ipsi Luthero est præferendus, ut patet ex ejus epistola ad Bullingerum, in qua ita scribit: *Antequam Lutherus in lucem emergerat, Zuinglius & ego inter nos communicavimus de Pontifice deiciendo, etiam dum ille vitam degeret in Eremitorio*, natus est Hagenoæ, Allatiæ oppido, a. 1478. patre senatore, matre *Agnete*, foemina nobili. Primis literarum elementis imbutus Basileam se contulit, ubi artium liberalium & linguarum studia egregie & solide fuit prosecutus. Sublimiora spirans ad studium theologicum est progressus, a quo tamen eum pater, hypocritin clericorum sui temporis indigne ferens, ad Medicinam transtulit, in qua eos fecit progressus, ut a. 1498. Friburgi summis in ea arte honoribus doctoralibus fuerit ornatus. Defuncto patre ad pristina studia, incitante genio & pietatis affectu, reversus in iis quoque supremum gradum obtinuit. Quin etiam studium Juris adgressus, per quadriennium felix *Zasii* auditor existit, & Juris denique Doctor fuit renunciatus. Licet autem rarissimo exemplo trium facultatum superiorum fuerit Doctor, tamen Theologiæ maxime se consecravit, seque in ea tam de suggestu ecclesiastico quam de cathedra academica frequenter docendo sedulus exercuit. Bruchsellam mox, ut concionatoris munus obiret, vocatus per triennium illi muneri vacavit, cumque sæpius ob Episcopi sui negotia Heidelbergam ipsi esset petenda, a. 1513. in Joh. Oecolampadium ibi tum degentem incidit, & cum eo amicitiam contraxit, quam ad dies vitæ constanter coluit. Hinc, Bruchsaliam nempe, Basileam accersitus, tertio etiam nuncio morem gessit, & in ecclesia, quæ in Summo Templo congregatur, aliquot annis divinum verbum prædicavit, itemque in Academia Professoris Theologiæ munus obivit, quod inter alia confirmant carmina Auditorio Theologico inscripta, quæ hæc sunt:

Hos habuit, pulso felix *Basilea* Papatu,
 Præcones Verbi, Lector amice! sacri.
 Lucem Evangelii primis accenderat annis
Wolfgangus Capito, quem capit aula poli.
Oecolampadius successit ut ignea lampas,
 Fulsit & in Christi splendidiore domo.

Hunc

Hunc excepisti venerande *Oswalde Myconi*,
Sulcerusque tuum mox quoque trivit iter.
 Posthac *Jacobus Gryneus* gramine verbi
 Salvifico Christi pascit & auget oves.

Nec non Capitonem ordinarium Theologiæ Professore[m] Basileæ fuisse ipsa Theologorum matricula docet, quæ ipsum Casparum Hedionem atque Johannem Oecolampadium, suos postea in opere Domini peragendo fidos ad ministros, pro Licentia in Theologia examinasse, huncque a. 1516. publice Theologiæ Doctorem renunciass[e] perhibet. A. 1520. a Cardinali atque Archiepiscopo Moguntino, Alberto, ad consiliarii, concionatoris atque Cancellarii munus obeundum fuit vocatus, quod eo libentius in se suscepit, quod hac ratione etiam Moguntia Christum profiteri liceret. Ibi & Juris Canonici Doctor fuit creatus, & postquam varias legationes cum laude obiisset, a. 1523. a Carolo V. Norimbergæ Nobilitatis insignibus fuit honoratus. Jam a. 1521. Tezelio, illi Indulgentiarum nundinatori, fortiter se opposuit, non intermittens tamen Lutherum submonere, ut in reformanda ecclesia moderatione utatur, vitiaque Prælatorum notare superseदेat. Cum autem Capito se parum vel nihil ad ecclesiæ purgationem proficere posse videret, relicta a. 1523. Moguntia Argentoratum contendit, ibique templo D. Thomæ Præpositus fuit datus, quam spartam pro voto nactam totus exornare contendit, ipsoque facto exornavit, Deo ejus conatibus largiter benedicente, atque Martino Bucero, integerrimo ejus amico, in opere Domini promovendo adjutore strenuissimo. Huc ad ipsum atque Bucerum Jac. Faber Stapulensis & Gerardus Rufus, clam e Gallia profecti, cum ipsis de fidei articulis differuerunt, missi a Margareta, Francisci Regis sorore, Navarra Regina. Ita ut Evangelii initium Gallia ex parte Capitoni & Bucero debeat. Argentorato a. 1525. in patriam Hagenoam pro civium suorum desiderio profectus ipsos in puriori Evangelii doctrina diligenter erudit, & Palmarum festo Cœnam S. secundum Christi institutionem distribuit, Dominica quoque Paschatis, magno hominum, tanquam ad rem insolitam, concursu infantem masculum sine sale oleoque baptizavit. Ad Argentoratenses reversus concionibus atque consiliis prodelle perrexit. A. 1528. Disputationi Bernensi, religionis

nis causa habitæ, interfuit, & cum Helvetiorum Theologis causam communem fecit; vir nempe erat minime contentiosus, qui e. g. de articulo de S. C. ita pronuntiavit: *mittendas esse contentiones, & potius cogitandum de vero ejus usu; fidem nostram Pane & Vino Domini per memoriam carnis & sanguinis illius pascendam.* Denique a. 1541. ad Comitia in negotio religionis Ratisbonæ indicta & ipse a Protestantibus ablegatus specimina ingenii & judicii egregii edidit; sed ut vidit, nihil certi statui, domum reversus est, ubi mense Decembri a. 1541. æt. 63. peste correptus pie obiit. Matrimonium repetitis vicibus contraxit; primum cum Agneta, foemina literata; secundum, illa defuncta, cum *Wibranda Rosenblatt*, Oecolampadii vidua, quæ ante Oecolampadium M. Ludov. Cellario & Capitone demortuo, D. Martino Bucero, viris quatuor celeberrimis, nupserat, quæque Basileæ d. 1. Nov. 1564. ad plures abiit.

Scriptit Capito varia Latine atque Germanice; *Institutiones hebraicas*, 1518. *de formando a pueris Theologo*, 1517. *Exercitationes in Habacucum & Hoseam*; explicationem in hexaëmeron, Arg. 1539. 8. *vitam Job. Oecolampadii*, quæ præmissa est Commentario Oecolampadii in Ezechielem, quem Commentarium ipse edidit Capito Argentinae a. 1534. Epistola ejus ad Farellum exstat in epistolis Calvini Gen. 1576. p. 7. Exstat in Mss. Wolfg. Capito *von drey Strasburger Pfaffen und den geausserten Kirchengütern, daß das lateinische Singen, Lesen, Mess-Halten, Ehrung der Bilder, Anrufung der Heiligen, Fürbitte, S. Aurelii Grab und andere bilig in der Kirche zu Strasburg abgethan seyn* 1525. 4. Commentarium in Hoseam, Arg. 1528. 8. epistolam ad Zuinglium cum duabus epistolis, quibus illum concionatores Argentinenses ad collationem Scripturarum provocarunt. Tig. 1526. 8. epistolam ad Zuinglium contra Babrum Constantiensem, sine anno & loco. 8.

XVIII. JOHANNES OECOLAMPADIUS (Hausfchein) Theologus incomparabilis, omni encomio major, de Basiliensi Academia atque Ecclesia, quin universo Protestantium coetu meritissimus, hanc lucem adspexit Vinjmontii, Cheruscorum oppido a. 1482., parentibus haud infima fortuna utentibus, matre imprimis pia atque honesta. Parentes optimi filium ex liberis unicum literarum ac religionis rudimentis pene lactentem imbuerunt, pauloque adultiorem pater mercaturæ, mater literis destinavit.

vit. Prævalentibus matris precibus puer prius Heilbrunnam, dein Heidelbergam missus, anno ætatis 14. summum in Philosophia honorem obtinuit. Bononiam dein concessit, juri operam daturus; sed mox varia expertus adversa, cœlo mutato, etiam studia mutavit, & jure humano relicto divinarum legum, sive Theologiæ, studio totum se consecravit. Heidelbergam se conferens præter literas humaniores & linguas eruditas cumprimis universam Theologiam indefessus tractavit. Mox pietatis ac eruditionis laude florere incipiens a Philippo Electore Palatino liberorum ephorus vocatus morem quidem gessit, sed brevi strepitus aulici pertæsus patriam repetiit, ubi pii parentes, ipso auctore, facultates suas omnes novo sacerdotio constituendo impenderunt, cui ille primus fuit præfectus. Sed sesquimense tantum elapso majoris acquirendæ eruditionis causâ Tubingam, dein Stutgardiam atque Heidelbergam petiit, ubi a Capnione, s. Reuchlino; græcas, ab Hispano vero aliquo hebræicas literas exactius didicit, & cum Capitone arctissimam, ad vitæ usque finem protractam, amicitiam junxit. Linguarum sacrarum divinarumque rerum jam peritissimus ad suos reversus Christum ejusque Evangelium aliquatenus purgatum non sine fructu nec sine invidia prædicavit. Capito interim Basileæ sacris concionibus ut præesset vocatus omnem movit lapidem, ut amicum illuc pertraheret, effecitque, ut per Christophorum ab Vtenheim, Episcopum, illuc accerferetur, primique templi parœciæ præficeretur. Hæc vocatio Oecolampadio eo fuerat gratior, quia avorum altero Raurico sanguine fuerat ortus. Advenit itaque lætus, munusque novum bono cum Deo fuit adgressus a. 1515., quo eodem anno & Rectoris & Decani Theol. matriculæ nomen suum inferendum, seque in Facultatem Theol. recipi curavit. Exhibitis etiam tum consuetis speciminibus, amicorum frequentibus hortationibus compulsus, primum Licentiati, dein Doctoris Theologi titulum a. 1516. promotore D. Wolfg. Fabricio Capitone, in hac ipsa Academia admisit. Sub idem tempus, quum primum Erasmus, magnus ille linguæ latinæ restaurator & veterum Patrum repurgator, N. T. annotationes editurus Basileam venisset, ab eo Oecolampadius in partes sanctissimi laboris accitus fuit. Opera enim subsidiaria illius, non solum pietate, verum etiam trium linguarum pericia eminentis, adeoque veri Theologi se adjutum

jutum esse, ingenue ipsemet Erasmus fatetur. Paulo post Augustam Vindelicorum Noster, a Canonicis primi templi evocatus, ut concionibus ibi populum erudiret, Basilea discessit. Huic autem muneri non diu vacavit, & ejus gravitatem suamque imbecillitatem modeste adferens causam sese eo abdicavit, magis expedire ratus, in loco solitario studiis & precibus incumbere, quam tanti momenti officio non satisfacere. Puriorum itaque cum nondum ferrent doctrinam Vindelici, in monasterium vicinum, Altonis nominatum, laudeque pietatis commendatum ea lege secessit, ut libere inde exeundi haberet facultatem. Mores autem Monachorum cum famæ non responderent, & Oecolampadius sermonibus atque editis libris frustra laborasset eos corrigere, invidiam vitæque periculum sibi jam imminens, amicorum consilio admonitus quin adactus effugit, biennio fere ibi transacto, seseque primum contulit ad heroem illum incomparabilem, Franciscum de Sickingen, apud quem missam repurgare coepit, & ex Chrysostomo libros quosdam convertit. Cum autem nobilissimus heros ille, justitiæ, religioni, literisque provehendis addictissimus, infelici bello implicitus esset, Oecolampadius iterum Basileam concessit, idque a. 1522. ubi ab Andrea Cratandro, typographo, benigno hospitio fuit exceptus. A. 1524. exauctoratis, qui tum erant, Professoribus a Senatu Theologiæ Professor constituitur, quam provinciam sub stipendio 60. librarum prælectionibus in Esajam capessivit atque administravit. Anno huius præcedente, 1523., Antonio Zanckero, plebano Martignano, podagra adfecto, Oecolampadius ab ipsis hujus templi curatoribus vicarius datus, & quinquennio absoluto, 70. libris salarii loco destinatis, in ejus locum fuit successus. Ita publica auctoritate, adprobante supremo Senatu, Minister ordinatus fideliter præstitit, quæ ejus erant officii, & licet dignitates atque Canonicatus ipsi offerrentur pinguissimi, nialuit tamen, rogantibus auditoribus, exiguo licet stipendio usus, hic permanere, ea tamen sub conditione, ut liberum sibi esset docere, quicquid Canonice Scripturæ traderent, & repudiare, quicquid illæ damnarent; tum ut non cogeretur papisticas caerimonias, quas inutiles esse evinceret, retinere; hoc ipsi concessio, vernacula lingua baptizare, S. Coenam sub utraque specie administrare, preces, lectiones atque exhortationes itidem sermone auditoribus noto habere coepit, cantu-

antiquaque sacra idiomate germano instituit, missam non esse sacrificium pro vivis & mortuis, purgatorium esse figmentum, passionem & mortem Christi unicum & perfectum pro peccatis esse pretium docuit atque probavit; alias item pontificias superstitiones atque erroneas doctrinas adgressus est, atque paulatim abrogavit. Circa eadem tempora, a. 1526. Oecolampadii matre ex hydropè mortua, uxorem duxit viduam M. Lud. Cellarii, Wibrandam Rosenblatt, ex qua, quantum comperire licuit, tres liberos suscepit: Eusebium, Irenen atque Alethæam. Hoc tempore disputationi Badensi & Bernensi, colloquio Vlmensi atque Marpurgensi non sine fructu sed & non sine periculo interfuit. Anno postmodum 1529. divina providentia sic benigne volente, freudentibus quidem atque contraria omnia molientibus adversariis, Oecolampadii præcipue ejusque sociorum, M. Wolfg. Weissenburgii in Xenodochio tum concionatoris, Marci Bersii concionatoris ad Leonhardi, Joh. Luthardi prædicatoris apud Franciscanos & Thomæ Geierfalkii Augustiniani, fido ministerio sacris nostris feliciter reformatis a summo Magistratu Oecolampadius Pastor summi templi atque ecclesiarum Basiliensium Antistes atque Archidecanus fuit constitutus. His ita feliciter confectis, mox Oecolampadius a Deo Brabeuta fidelis sui laboris præclaram adeptus est mercedem. Anthrace nempe in osse sacro exorto præmatura morte, si quod maturo Dei consilio contingit ita licet vocare, calendis Decembris 1531. ætatis suæ 49. in Domino occubuit, præsentibus decem fratribus, quos toto morbi spatio fere continuo sibi habuit præsentibus, & in iis Simone Grynæo, viro summo, qui non solum extremum illius halitum legit atque amici oculos clausit, sed & singulas morbi circumstantias Defunctique orationes diligenter notatas luci publicæ dedit, & quidem a fronte commentarii, quem Oecolampadius scripsit in Ezechielem.

Scripta ejus sunt: De ritu paschali, Bas. 1518. 4. Thalassii hecatontades 4. ex græco in latinum, Aug. 1520. Parad. quod non sit onerosa Christianis confessio. lat. & germ. ib. 1521. 4. concio de sacramento eucharistiæ, germ. ib. eod. sermones de gaudio resurrectionis & mysterio tridui, Basileæ 1521. 4. epist. ad Hedionem de lectione in missa vernac. serm. promulganda, Ebern. 1522. 8. textus libri Geneseos secundum 70. interpretes, ib. 1523. sermo de non habendo pauperum

perum delectu, ib. eod. 4. de passione Domini, de venerando & laudando Deo in Maria, de invocatione Divorum contra Fabrum, ib. eod. 4. enchiridion græcæ literaturæ, ib. eod. 8. de erogatione eleemosynarum, eod. idem germ. per D. Contr. Peutinger, Bas. 1524. 8. epistola ad Wolfg. Capitonem 1523. in Füslii Ep. Reform. Cent. I. n. 4. Demegoriaræ, i. e. conciones 21. in ep. Johannis I. Neoc. 1524. Bas. 1524. it. germ. per Casp. Hedionem translata, Bas. 1525. Theophylacti in 4. Evangelia enarrationes ex græco in latinum versæ, Bas. 1525. genuina verborum Domini: *hoc est corpus meum*, juxta vetustissimos auctores expositio, Bas. 1525. 8. & germ. per Lud. Hætzler, 1526. 8. Commentariorum in Esajam l. 5. Bas. 1525. 4. Col. 1525. 4. Bas. 1548. 4. Eleborum pro Jac. Latomo, Bas. 1525. Annotationes in epistolam ad Romanos, ib. eod. 8. Theophylacti commentarii in 4. Evangelia, Oecol. interprete, ib. eod. fol. epistola ad fratres per Sueviam Christum annunciantes; ib. eod. Apologetica de dignitate Eucharistiæ; sermones 2. ad Theod. Billicanum, quinam in verbis cœnæ aliehum sensum inferant &c. Antisyngramma ad ecclesiastas Suevos, hæc tria juncta, Tig. 1526. 8. ad B. Pirckhaimer epistolæ & responsio de re eucharistica, Tig. eod. & Bas. 1527. 8. Sermones in verba Thomæ: *Dominus meus* & *Deus meus*. Tig. 1526. 8. responsio ad falsum sensum a Luthero tributum verbis: *hoc est corpus meum*, germ. ib. 1527. 4. explicatio capituli I. Ezechielis de officio magistratus & subditorum, germ. ib. eod. Threni Jer. germ. Bas. 1527. & 1545. 8. annotationes in postremos 3. prophetas, Hagg. Zach. & Mal. ib. eod. & Gen. 1578. it. germ. repulsio apologiæ sacrificii eucharistiæ, quam Abr. Pelargus Dominis senatus obtulit, ib. 1528. epistola ad fratres agri Bas. 1528. 8. forma baptismum & S. cœnam administrandi, ægrotos consolandi, germ. 8. Oecolampadii & Zuinglii 2. responsiones ad D. Mart. Lutheri librum, *Bekanntnus*, dictum, germ. Tig. eod. 8. Epitaphia Joh. Oecol. & Zuinglii autoribus variis facta, Bas. 8. concio de amore Dei erga ecclesiam; germ. ib. eod. 8. Cyrilli opera latina Joh. Oecolamp. & Georg. Trapezunt. interpretibus, 3. T. Bas. 1528. fol. græcæ literaturæ dragmata s. enchiridion, Bas. 1521. commentariorum in Daniele l. 2. Bas. 1530. 4. cum exegem. in Jobum, Gen. 1567. fol. confessio fidei ecclesiæ Basili. in Mst. a. 1530. in comitiis augustanis exhibita; & a. 1534. a Myconio auctoritate Magistratus edita; germ. fol. cum glossis marg. Dialogus quid de eucharistia veteres græci & latini senserint, Bas. 1530. Heidelb. 1572. 8. Exegemata in Jobum, Bas. 1532. 4. Chrysostomi homiliæ 66. in Genesin; annotationes in acta Apost. Psephmata in ep. I. ad Cor. sermo de eleemosyna &c. latine versus, in operibus Chrysostomi 1533. Bas. fol. & annotationes in varia Chrysostomi opuscula ab ipso in

in latinum versa. Annotationes in Evang. Johannis, Basf. 1533. 8. Comment. in Jerem. l. 3. & enarrationes in threnos Jerem. Arg. 1533. 4. Comment. in Ezechiel. ib. 1534. 4. Explanatio in epist. ad Hebræos, ib. 1534. Annotationes in Hoseam, Joëlem, Amos. Abdiam, Jonam & 2. capita Michæ, Basf. 1535. 8. Gen. 1578. Annotationes in Genesin, 1536. enarrationes in Ev. Matthæi cum concionibus popularibus in aliquot loca N. T. Basf. eod. 8. epistolarum Oecolampadii & Zuinglii l. 4. quibus junctus sermo de non habendo pauperum selectu; oratio ad clerum Augustanum de expostulatione Christi cum Petro, ablutionem pedum recusante &c. ib. eod. fol. conciones in aliquot Psalmos, 73. 77. & 137. Basf. 1544. Johannis patriarchæ Hieros. vita Joh. Damasceni, lat. Col. 1546. Basf. 1548. fol. Comm. in Jobum, Danielelem, Hoseam, Joëlem - - Gen. 1553. & 1555. fol. Comm. in Esaj. Jerem. Threnos & Ezech. Gen. 1558. fol. exhortatio ad S. literarum lectionem; de discrimine verbi interni & externi; conciones ad pueros cum expositione symboli apost. Bernæ in disputatione habita, de cantico Simeonis. Oratio habita a. 1526. coram senatu Basf. de reducenda excommunicatione apostolica; oratio synodica; consilium, quomodo in ordinem redigendi sacrificuli; catechismus s. institutio puerorum in religione, germ. Opuscula Prosperi, Augustini & Ambrosii contra liberum arbitrium ab Oëcol. congesta cum ejusdem præfatione. De sacrificio Misæ contentio contra Aug. Marium, germ. Basf. 1528. 8. Institutio de Anabaptismo, Magistratu & jurejurando contra Caroli N. articulos, it. germ. Basf. 1527. 4. responsum ad Balth. Hubmeyerum, anabaptistam, germ. ib. eod. themata 114. Basileæ disputata in auditorio theologorum. Acta disputationis Badensis. Dialog. de cœna Domini, Basf. 1590. 8. In latinum transtulit porro, Gennadii ep. de simonia; Greg. Nazianzeni sermonem de moderandis disputationibus; de laudibus Cypriani; de amandis pauperibus; de laudibus Maccabæorum. Gregorii Neocæs. metaphrasin in Eccles. Salom. & canones. Gregorii Nissenii or. de vita Mosis. Joh. Damasceni ferm. quantum defunctis prosint viventium bona opera. Nicephori Chartophylacis epistolam de ligandi & solvendi potestate. Petri archiepisc. alex. canones pœnitentiales; in germanicum vertit Basilii libellum contra usurarios & de regula Monachorum.

XIX. CONRADUS PELLICANUS germ. *Kürsner*, natus est Rubeaci in Alsatia d. 9. Jan. 1478. patre Contr. Kürsner, matre Elisab. Galla. Literis imbuendus anno 1491. commissus fuit Jodoco Gallo, ejus avunculo, Heidelbergæ tum docenti. Inscis parentibus a. 1496.

B

Mona-

Monachorum S. Francisci, f. Minoritarum, ordini se addixit, & eodem anno Tubingam contendit, ubi studia diligenter continuavit, præcipue vero linguæ hebraicæ notitiam comparavit ampliorem. Basileam profectus a conventu Franciscanorum a. 1501. Sacerdos, & a. 1502. Professor atque Lector Theologiæ fuit constitutus. A. 1504. a Cardinale Raymundo Gallo diploma accepit Theologiæ Doctoris, nunquam autem eo titulo usus legitur; ab eodem etiam Prælato itineris in Italiam socius adsumtus fuit Pellicanus, sed in via morbo impeditus substitit, & sanitati restitutus Basileam repetiit. A. 1508. in patriam suam vocatus philosophica & præsertim hebraica publice docuit. Phorcæ dein sui ordinis atque conventus Guardianus exstitit, itemque Secretarius, quo nomine varias gravioris momenti legationes, etiam Romæ, cum laude obiit. Illinc reversus Basileam, summa diligentia studio Theologico incubuit, & a. 1524. a summo magistratu Oecolampadio in Professione Theologica Collega fuit datus, simul Hebræam Linguam publice professus. Sed a. 1526., postquam Reformationis opus Basileæ adprobasset atque promovisset, provinciam linguæ Græcæ atque Hebraicæ docendæ post obitum Jac. Ceporini a Tigurinis ipsi oblatam accepit, & ibidem in Professione Theol. consenuit, atque Bibliothecarius publicus exitum vitæ habuit d. 6. Apr. a. 1556.

Plura conscripsit atque edidit, quæ juncta 7. volumina constituunt, in quibus Grammatica & Lexicon Hebr. commentarii in omnes V. T. libros itemque in Pauli aliorumque Apostolorum epistolas, inprimis sunt notandi. Etiam in utraque bibliotheca publica Tigurina, tam civica quam Canoniorum, prostant complura operum ipsius volumina MS. maximam partem autographa.

PROFESSORES VETERIS TESTAMENTI.

I. PAULUS CONSTANTINUS PHRYGIO, patriam habuit Selestadium, Alsatia oppidum, & in eo prima studiorum jecit fundamenta. Iis plura superstructurus doctores atque duces elegit Basiliensium Eruditos, apud quos per annos complures theologico atque historico studio vacavit. Hoc postquam strenue fecisset, a. 1513.

una

una cum Matthia Sambucello, Sulgenſi, Doctoris Theologi axiomate fuit inſignitus, triennio ante in Facultatem theol. receptus. Luce Evangelica Baſileæ ex tenebris producta, ipſe a. 1529. primus evangelicus Paſtor ad D. Petri conſtituitur, quo munere ſingulari non modo fide ſed & dexteritate deſunctus eſt. Anno quoque 1532. in ipſa Academia *παλιγγενεσις* Profeſſio V. T. ei fuit demandata, ſimulque anno ſequenti Academiae Rector deſignatur, quæ dignitas ipſi ad alterum quoque annum procerum voluntate eſt prorogata. Huldricus vero Dux Wurtembergicus, tum Baſileæ aliquantiſper exul, perſpecta Phrygionis inſigni eruditione atque pio zelo, Ducatui ſuo ope Philippi Haſſiæ Landgravii reſtitutus, eum ad munus Paſtoris atque Profeſſoris Tubingæ ob-eundum a Baſilienſium Magiſtratu depoſcit atque im-pe-trat. Quo a. 1535. profeſtus, Eccleſias illas repurga-vit & Academiam a ſe reſtauratam illuſtravit. Abſolu-to tandem ibi laborum curſu, coeleſtem patriam adit Cal. Aug. 1543.

Ingenii monumenta reliquit: *Chronicon regum regnorum-que omnium. Commentarios in Exodum, Leviticum & Mi-cham prophetam; itemque de cauſa Bobemica.*

II. ANDREAS à BODENSTEIN, CAROLOSTADIUS, in-certo nativitatis anno, ortum ducit ex perantiquo, a Carolo Calvo condito, Franciæ orientalis oppido, Ca-roloftadio, a quo cognomen accepit. In patriæ quali-cunque ludo prima poſuit literarum fundamenta, quibus eruditionis ſublimioris molem ſuperſtructururus, varias & regiones & ſcholas publicas adiit, cum primis autem Ro-mæ Theologiam, qualis tum tradebatur, excoluit. Ex Italia in Germaniam redux ſedem fixit Wittenbergæ, ubi ſub ejuſdem Academiae auſpicia, a. 1502. gradum in Theologia ſupremum cum ipſa Profeſſione theol. fuit adeptus, poſtquam antea in templo arcis Canonicum at-que Archidiaconum egiſſet. Etiam ſtudio Juris vacaſſe & Doctoratum in eo obtinuiſſe vel inde colligitur, quod in theſibus Wittenbergenſibus a. 1520. impreſſis ſe J. V. D. vocaverit. Lutherum a. 1512. Theologiæ Docto-rem ſolenni more renunciavit ipſo S. Lucæ die, unde etiam Lutherus Caroloftadium Præceptorem & Majorem ſuum, dum bene inter eos conveniebat, vocare non dubitavit. Etiam Caroloftadius inter primos Witten-
B 2 bergæ

bergæ Doctores Lutheri doctrinam voce & scriptis defendit. Luthero indulgentiarum nundinationes; & Tetzeli ampullas impugnanti fidus adstitit *συνμαχος*. Joh. Eccii obeliscos aliquot, quibus Lutheri sententias notavit, Caroloſtadius in suis, quæ exstant, Conclusionibus refutavit; dein, Joh. Georgio, Saxonix Duce adſentiente, disputatio indicta fuit Lipsiæ a. 1519. in qua Eccius 13., Lutherus contra totidem, & Caroloſtadius 17. positiones conscripserunt. Vetuit Eccius, ne disputationis Acta a Notariis scripto exciperentur, neve excepta typis ederentur; sed neutrum obtinuit, etenim statim acta disputationis publici juris sunt facta, de quorum tamen fide varie, ut fieri solet, fuit disceptatum. Ceterum exitus hujus disputationis, notante Luthero, non veritatis inquisitio sed temporis fuit perditio. Rediit Lipsia Caroloſtadius Wittenbergam cum Luthero & Melanchtone, quos eo comitabatur, & eodem anno 370. conclusiones contra Eccium; sequenti vero anno 20. theses adversus Papatum proposuit. A. 1521. Luthero in Pathmo (Wartenburgi prope Isenacum) delitescente, opera Caroloſtadii privata Missa Wittenbergæ abrogata aliique ritus ecclesiastici fuerunt mutati; ex templis imagines ejectæ, confessio auricularis sublata, discrimina ciborum, sanctorum invocatio remota, symbola S. Cœnæ laicis in manus data, in foro non ex jure humano sed ex lege Moſis pronunciandum præscriptum, & hujusmodi; quin etiam scholas titulosque academicos sublatos voluit Caroloſtadius, literarum cultum abjecit & ad labores manuum singulos hortatus est. Eodem anno ad aliorum Ministrorum exemplum uxorem duxit Caroloſtadius. Sed Lutherus ex Eremitio suo anno sequenti reversus plura quidem à Caroloſtadio peracta adprobavit, haud pauca vero improbavit; quin & approbata etiam improbavit, quod non ordine ipsoque non consulto fuerint tentata. Quod cum publicis aculeatis concionibus Lutherus argueret, Caroloſtadius se offensus putans publico etiam scripto se defendit. Atque hoc fuit initium funesti inter utrumque dissidii, quod postea in bellum Sacramentarium exarsit. Caroloſtadii igitur imaginum aliarumque ceremoniarum impugnatio, itemque ejus de S. C. sententia cum Luthero displicuisse, & vicissim multa Lutheri Caroloſtadio non adrisissent, iste maluit solum vertere, quam in perpetua arena cum

cum antagonista, causæ communis detrimento, versari. Oblatum itaque sibi ab Orlamundæ, Thuringiæ oppidi, proceribus pastoris munus accepit, mox tamen a Wittenbergensibus revocatus. Interim Carolostadius reditum negans, instigante Luthero, loco suo movetur, & Thuringiæ finibus excedere compellitur. Argentoratum dein, hinc Basileam profectus nonnullos de Eucharistia libellos edi curavit, quorum summa hæc erat: *Corpus Christi non esse in Cæna, aut comedi corporaliter, sed celebrari ibi corporis pro nobis traditi, & sanguinis pro nobis fusi memoriam. Tropum igitur inesse verbis institutionis, & tōto non panem sed corpus Christi denotare, ut sensus sit: accipite, edite panem hunc in mei memoriam. Hic enim sedet corpus meum, quod pro vobis traditur. Ad tropum confugiendum esse, ne panem pro nobis crucifixum esse adfirmare necesse habeamus. Sed isti libelli diverse fuerant accepti; a Tigurinorum aliis prohibiti, ab aliis ad legendum, cum iudicio tamen, commendati; Oecolampadii de iis sententia hæc erat: *Licet auctor veritatis apicem non attigerit, summam tamen rei non penitus esse improbandam.* Carolostadius postea 1525. Rothenburgum veniens vitæ periculum incurrit ob seditionis motæ suspicionem, sed in sporta de muro demissus evasit. Libello postea apologetico emisso mitius de Luthero pronunciavit, quod viam ei munivit, ut, Luthero intercedente, sub fide publica in Saxoniam redire potuerit a. 1526. quo ipsi filiolus natus erat, cujus ex sacro Fonte susceptores erant: Justus Jonas, Melancthon & uxor Lutheri. Vixit deinde cum uxore tribusque liberis in extrema paupertate privatus ruri Kembergæ; anno vero 1529. cum suis orientalem Frisiam & sequenti anno Argentoratum, Basileam atque Turicum denuo petiit, quem cum Zuinglius videret, a violenta illa verborum Cœnæ interpretatione recessisse, & commodiorem amplexum, Diaconum Ecclesiæ constituit, mox vero Pastor Alttettersis fuit electus; post Zuinglii autem obitum securitatis causa abdicato pastornatu iterum Tigurum rediit & concionibus populum erudit; hinc a. 1534. Basileam accersitus ineunte a. 1535. disputationem publicam habuit & in Theologorum collegium publico suffragio cooptatus est, eodemque etiam anno Phrygioni alio translato in Pastoris Petrini & Professoris V. T. munere itemque a. 1536. in Decani Theol. officio, cui per 4. annos*

annos præfuit, successit. Denique d. 24. Dec. 1543. pie placideque peste defunctus mortalis esse desiit. Filius ejus Adamus, medicus, Theophrasti Paracelsi imitator atque interpres primus, ob. a. 1577. æt. 49.

Edidit: Propositiones contra Eccium, Witteb. 1519. 4. de aqua lustrali contra Guardianum Franc. Seyler, ib. 1520. de Papa Romano, ib. eod. de virtute indulgentiarum, ib. eod. explicationem loci Matth. XI. 12. ib. 1521. de libris Scripturæ S. canonicis, 1521. 4. de cœlibatu, monachatu, & viduitate, eod. 4. concionem de usu Sacramentorum, ib. 1522. admonitionem ad D. Ochsenfurt, ib. eod. sermonem de sinu Abrahamæ & purgatorio, eod. de ambobus S. Cœnæ symbolis, quid significant, ib. eod. de votis monast. explicationem Num. c. xxx. ib. eod. sermonem de confessione auriculari, ib. 1524. de excommunicatione in Rom. IX. 3. ib. eod. in quæstionem, num quis sine intercessione B. Mariæ salvus possit fieri? ib. eod. de fide & incredulitate, luce & tenebris, libero arbitrio, peccato in Spiritum S. &c. ib. eod. in quæst. an in causis voluntatem Dei tangentibus lentius sit procedendum? ib. eod. de abusu panis vinique eucharistici, eod. sermonem de angelis & diabolis, Argent. 1524. 4. conclusiones X. apolog. pro Scriptura; de nuptiis & sacerdotibus matrimonium contrahentibus; de sanctitate christiana; de varietate simplicis voluntatis Dei; de patientia; Conclusiones d. 12. Nov. 1520. Basileæ ventrilatas; axiomata disputationis pro receptione ad facultatem Theol. Bas. Jan. 1535. Locos communes Script. S. 12. Febr. 1540. Basil.

III. SEBASTIANUS MUNSTERUS, Efras Straboque Germanus, in lucem editus est a. 1489. Ingelheimii Palatinatus oppido, in quo primis literarum rudimentis fuerat imbutus. Anno dein ætatis suæ 14. Heidelbergam missus studiis diligenter incubuit & biennio post ordinem Minorum adsumsit. Mox adiit Tubingam, quaque erat ingenii facilitate atque felicitate tribus linguis principibus pariter & artibus; inprimis vero hebrææ linguæ, historiæ item & disciplinis mathematicis operam dedit, tantosque in his omnibus progressus fecit, ut illo seculo in hisce nulli secundus haberetur. In Hebraicis audiit a. 1509. Conr. Pellicanum Rubeaci itemque Tubingæ Joh. Reuchlinum s. Capnionem, græcarum & inprimis hebraicarum literarum restauratorem in Germania primum atque maximum, qui tanto in has literas agebatur fervore, ut Romæ agens Rabbino Abdiæ

dæ pro singulis horis singulos aureos solverit διδάσκειν. In Mathematicis autem itidem Tubingæ circa a. 1515. præceptorem habuit Joh. Stoflerum Justingensem, virum in sua arte peritissimum. Heidelbergam reversus in parochia castri Electoris Ludovici aulicum concionatorem egit. Fama autem eruditionis ejus longe lateque sparsa accidit, ut a. 1529. ab Academiæ Basiliensis præsidibus rogaretur, ut Professoris Linguae Sanctæ munus in se suscipiat, cui petito etiam adnuit vicesque Pellucani, sui olim præceptoris, ad Tigurinos jam vocati, obeundas sumsit. Postea, verba sunt matriculæ Theol. ad a. 1545., insignis vir Sebastianus Munster per aliquot annos Theologicam professionem & antiquum Testamentum ex Hebraica veritate diligenter & docte explicavit. Doctoris tamen Theologi titulum ejus eruditioni maxime debitum non admisit, ex modestia potius quam contemptu & superstitione, & ad exemplum forte Ofwaldi Myconii & Simonis Grynæi eundem titulum respicientium; certe in aliis testimonia illa eruditionis publica probavit, multisque honores academicos ut decenter ambirent auctor fuit. Hanc tamen ejus modestiam Academia remuneravit, assignato ei loco, inter Doctores & Magistros medio, qui Licentiatorum est. A. 1547. Academiæ Rector dictus est, qui & operam suam in rebus arduis Academiæ probavit. Ceterum Munsterus vir fuit statura parvus sed robustus laborisque patientissimus. Tamen progrediente ætate vires animi corporisque sensim imminui sentiens vacationem theologicæ professionis petiit & obtinuit; in hebraica vero professione adhuc permansit, plusque temporis suis lucubrationibus impendit. Ad extremam ætatis metam vegetus & viribus integer, summo bonarum literarum damno literatorumque luctu ipso Ascensionis Christi die 23. Maji a. 1552. ex anthrace extinctus ad superos ascendit.

Lucubrationum ejus variæ exstant editæ: Dictionarium hebraico latinum, 1523. 1525. & 1535. Versio latina & notæ in proverbialia Salomonis, Heid. 1524. Eliæ ben Levi composita verborum & nominum hebr. cum notis, 1525. Eliæ ben Levi hebraicæ institutiones, inscriptæ: capitula Cantici, 1527. calendarium hebraicum, 1527. grammatica chaldaica, eod. Aruch, s. dictionarium chaldaicum. R. Aben Esræ commentariolus hebraicus in decalogum, cum versione, eod. historia-

historiarum judaicarum l. 5. ex Josepho hebræo in latinam linguam translatus, 13 articuli fidei Judæorum R. Moſis: Joſſippi compendium historiarum Joſephi, complectens acta 70. interpretum; gesta Maccabæorum, & Herodum, & excidium Hierosolymitanum; item 10. captivitates Judæorum incerti auctoris; omnia hebraice cum latina interpretatione, Wormatiæ 1529. dictionarium trilingue, hebraicum, græcum & latinum, 1530. fol. Germaniæ descriptio, Bas. 1530. 4. R. Moſe Kimchi grammatica juxta hebraïsmum versa, 1531. introductio in tabulam cosmographiæ insularum incongnitarum, 1532. fol. horologographia, 1533. 4. præcepta mosaica 613. cum expositione Rabbiorum, hebr. & lat. 1533. 8. Biblia S. hebraica cum translatione latina & annotationibus 1534. 1535. fol. 2. Vol. it. 1539. 1546. canones super novum instrumentum luminarium, 1534. ilagoge elementalis in hebr. linguam, 1535. lectio hebraica in evangelium Matthæi, 1535. tabula conjugationum hebraic. eod. Organum uranicum, 1536. fol. hebraicæ grammaticæ pars de verborum conjugationibus & eorum affixis, eod. Vocabula hebr. irregularia in ordinem alphabeticum digesta, eod. grammatica hebr. Eliæ ben Levi scholiis illustrata, & institutio elementalis in eandem linguam, 1537. 8. Fides christianorum & judæorum, hebr. & lat. 1537. fol. annotationes in Matthæi Evangelium hebraicum, 1537. fol. Lond. 1660. Messias christianorum & hebræorum, hebr. & lat. 1539. 8. dictionarium hebr. eod. 8. accentuum hebr. liber, & liber traditionum Eliæ ben Levi, eod. colloquium cum judæo pertinaciter suis de Messia opinionibus adducto, hebr. & lat. eod. Tabulæ Ptolomæicæ, & appendix geographica, 1540. fol. versio latina & notæ in l. Tobia, 1541. 4. 1549. 8. Joſephi ben Gorion historia judaica, hebr. & lat. cum notis, 1541. fol. opus grammaticum hebr. 1542. 1549. 8. Cosmographia universalis, lat. 1543. 1545. 1550. Germ. 1544. 1546. 1550. 1559. 1564. 1578. 1621. fol. Annotationes in R. Abrahami sphaeram mundi, & in Eliæ Mizrahi, s. orientalis, compendium arithmeticæ, 1546. 4. tabulæ novæ ad geographiam Ptolomæi, 1546. Rudimenta Mathematicæ, 1551. fol. Isaïas hebr. & græce cum versione latina. R. Simeonis logica latina facta. Scholia in l. Pomponii Melæ & C. Jul. Solini. Explicatio tabulæ Nic. de Cusa. Tabula, exhibens Basileam cum ejus territorio geographice. Evangelium Matthæi & epistola ad Hebræos, hebr. & lat. c. N. Bas. 1557. 8.

IV. MARTINUS BORRHAUS, dictus Cellarius, vitæ lumen adiit Stutgardia a. 1499. Completis tyrocinii domestici diebus academiam vilitavit Tubingensem, ubi Reuchlino duce primis literarum hebraicarum rudimentis fuit

fuit imbutus, & primum Melanchtoni venit in notitiam. Heidelbergam profectus studia philosophica felici cum successu profectus est, & magistri artium titulo condecoratus. Theologiæ jam præcipuam operam navaturus Wittenbergam concessit, & veterem usum, qui inter ipsum & Melanchtonem intercesserat, renovavit. Sed & aliam hic, eamque infelicem amicitiam contraxit cum Marco Stübnero, Anabaptistarum sectæ coryphæo. Cum autem nec Lutherum nec Melanchtonem adplaudentes haberet, relicta Wittenberga a. 1525. Borussia petiit, ubi fanaticismi suspectus jussu Principis in custodiam datus fuit laxiorem, in qua nihil correctus sententiam suam anabaptisticam publicis scriptis defendit. Ea solutus captivitate, res Anabaptistarum labascere, spemque de meliore mundo conceptam in irritum cecidisse videns, fdis tandem Oecolampadii monitis aurem præbuit & ad sanio rem mentem rediit. Tristem interea ejus studia passa fuerant institutionem, quo enim victum sibi pararet, iis neglectis, opificio fenestrario sese addixit. Sed sanio rem cum recepisset mentem ad pristina studia reversus in iis adeo profecit, ut doctissimis illius seculi Philosophis atque Theologis fuerit æquiparandus. Basileam a. 1536. delatus, deserto Cellarii & adsumto Borrhai nomine, primum Rhetoricæ atque Oratoriæ, dein a. 1544. V. T. Professionem obtinuit, & utramque magno cum adplausu atque audientium fructu administavit. Theologiæ Doctor demum a. 1549. fuit creatus. Rectoratum Acad. bis, a. 1546. & 1552., diligenter gessit, licet ἀπολιτικώτερος fuerit seseque totum literis devoverit. Vir erat Borrhaus staturæ pusillæ, corpore autem robusto atque obeso. In linguis hebræa, Syra atque Chaldaica versatissimus; in rebus Theologicis discutiendis acutissimus. Bibliothecam suam Academiæ donavit, quæ post ejus fata publicæ Bibliothecæ inserta, ejusque rei memoria publica inscriptione fuit conservata. Anno denique funesto atque fatali 1564., qui in urbe nostra 7. hominum millia, inque iis Professores 6., Pastores eccles. 5. Senatores 13. abstulit, venerandus etiam iste Theologus d. 11. Oct., quarto a decubitu die peste fuit sublatu s.

Philosophica atque Theologica scripta varia orbi tradidit, ut: Elementale Geographicum. Bas. 1539. Comment. in Aristotelis I. de arte Rhetorica. Annotat. in Aristotelis

Politica. Elementa Mathematica; de censura veri & falsi l. 3. quibus logicam Aristotelis illustravit, 1541. 4. de pronuntiato; de syllogismo l. 3. de veteris & novi hominis ortu & natura, Bas. 1549. 12. de operibus Dei electionis & reprobationis; de usu, quem desperabundi Franc. Spiræ tum exemplum tum doctrina afferat, 1550. 8. Elementa Math. ab Orontio Fineo elegantissimis figuris illustrata. Paris. 1550. In Cosmographiæ Elementa commentatio Astronomica, geographica Bas. 1555. 8. comm. in Salomonis Ecclesiasten; comm. in Pentateuchum, 1555. fol. comm. in l. Josuæ, Judicum, Ruth, Samuelis & Regum. Comm. in Esajam, Jobum & apocalypsin. de ortu, natura, usu ac discrimine Jubilæorum, quos Deus instituit; quæstiones 40. de justificatione, fol. Bas. 1561. Epistolæ duæ ad Bullingerum in epist. Füsliini Cent. I. n. 59 & 63.

V. SIMON SULCER Bernensis ditionis vico *Hasli* originem debet, quam accepit d. 22. Sept. a. 1508. a parentibus Beato Sulcero, Monachorum Hinterlappensium Præposito & Margaretha Bærthlin. Primis literarum apicibus in patria initiatus Bernam primum, dein Lucernam, illic Rubello hic Oswaldo Myconio præceptoribus usus, denique Basileam studiorum causa migravit, ubi in mathematicis præsertim Henr. Glareanum audivit. Theologiæ postea se consecravit, & Basileæ quidem Oecolampadium & Phrygionem, Argentorati vero, quo postmodum contendit, Bucerum, Capitonem atque Hedionem magistros habuit. Basileam reversus, a. 1538. Artium Magister solenniter fuit renunciatus, postquam jam a. 1532. Professio Logica cum Collegii Oeconomia ei fuisset delata. Interea uxorem duxit Elisabetham Merian, Huldrici Meriani, Senatoris, sororem, viduam Werlini, opificis alicujus stannarii, quæ ad Sulcerum adduxit duos ex Werlina conceptos liberos, filium & filiam, filia Werlina vivo Sulcero nupsit Melchiori Hertenstein, postea Senatori, filius, Georgius Werlinus, vivo itidem vitrico, pastor creatus est Hauingæ in Marchionatu, Lutheranus scilicet ex Sulceri institutione; suos istos privignos Sulcerus prole carens bonorum suorum hæredes instituit, & filio cessit Bibliotheca cum Mltis, in quibus etiam Acta nostra Ecclesiastica, an per errorem an vero de industria quis decernet? secum abstulit, quæ deinde ipso a. 1616. defuncto inter ministros marchicos varie fuerunt

fuerunt distracta. Respublica Bernensis civem suum
 jam inclarescentem ad se vocavit, eumque bonas li-
 teras publice profiteri iussit. Quod quidem fecit, sed
 genio ejus ad majora adspirante, Basileam rediit &
 Oeconomiam illam iterum suscepit, in Hebraicis Mun-
 sterum, in Theologicis Simonem Grynæum diligenter
 audiens. Contentione interim Sacramentaria inter præ-
 cipuos Ecclesiæ Reformatores oborta, & longe lateque
 serpente, Sulcerus sub annum 1538. ad Saxonicas ec-
 clesias profectus, cum ipso Luthero de eo negotio con-
 ferre studuit, qui ipsum quoque in partes suas pertra-
 xisse videtur. E Saxonia Basileam reversus, iterum Ber-
 nam ad munus ecclesiasticum, cui per decennium sin-
 gulari facundia præfuit, obeundum est vocatus, bonis
 cunctis gratissimus. Verum contentione illa eucharis-
 tica Bernæ quoque invalescente a. 1548. Basileam,
 pristinam studiorum matrem, repetit, privatam primum
 vitam tolerans, paulo tamen post collegii Augustinia-
 næ Oeconomia denuo ei fuit demandata, donec anno
 sequenti in locum Wolfg. Wissenburgeri, ob perpe-
 tuas distillationes vocisque raucedinem pastorum de-
 ponentis, nempe in parochiam Petrinam, itemque a.
 1552. Sebast. Munstero defuncto, in cathedram he-
 braicam fuerit suffectus. Mox vero, sc. 1553. prima-
 riæ Pastoris atque Sacrorum Antistitis loco beati Myco-
 nii munus suscepit, retenta tamen per aliquot adhuc
 annos professione hebraica, qua se demum a. 1556.
 abdicavit, licet Wissenburgero rude donato a. 1554. in
 N. T. Professione successerit. Circa hæc tempora Caro-
 lus, Marchio Badensis, cum ditionis suæ ecclesias re-
 formare statuisset, Sulcerum cum D. Jac. Andreæ &
 D. Jac. Heerbrando, Theologis Würtembergicis, ei
 negotio præfecit, & ad augustanæ confessionis formulam
 omnia disponere iussit; id quod etiam a. 1556. summa
 cum gravitate perfecerunt; insequentibus quoque tem-
 poribus Sulcerus ecclesiarum Marchicarum sollicitam
 gessit curam, earumque ministros officii sui assidue
 commonere, utque omnia in Synodis decenti peragan-
 tur ordine, hortari perrexerit. Theologicam autem Pro-
 fessionem nondum Theologiæ Doctor administravit,
 hunc gradum demum a. 1563., quo Rectoratum gessit,
 sibi conferri passus. Tum autem accidit, ut, pro more
 cum ex eo quæreretur, an legitimo thoro fuerit natus,

ille

ille quidem confiteretur, patrem ipsius clandestinum, pro temporum illorum iniuria, cum matre sua habuisse conjugium, & aliquot ex ea suscepisse liberos, quorum unus ipse fuerit, simul vero adseveraret, patrem luce evangelica collustratum monasticam vitam deseruisse & animo sibi proposuisse, publice coram coetu christiano conjugium declarare atque confirmare, quominus autem istud exsequeretur consilium, ipsum morte ei superveniente impeditum fuisse. Quod adsertum cum duobus juratis adprobaret testibus Sulcerus, Ludovico & Bartholomæo Archeris, civibus Bernensibus, Senatore altero, literis sigillo munitis jurato id adserentibus, minime gravati sunt Theologi, eum gradum solenniter ei conferre, quod factum est d. 28. Febr. 1563. Anno hunc sequenti Borrhao defuncto in Professione V. T. successit, a qua tamen a. 1575. sponte recessit. Cathedram vero Hebraicam morte Lepusculi a. 1576. vacuefactam iterum ambivit, & licet Canonicatu Petrino præter antistitium frueretur, tandem ob merita & senium ei gratificandum duxere Patres d. 18. Febr. 1578. Diebus denique atque laboribus confectus d. 22. Jun. 1585. ex militante ecclesia in triumphantem fuit translatus, postquam singulari doctrina atque pietate vineam Domini utraque manu, Ecclesiam quidem per annos 47. Scholam vero annos 55. coluisset. Academicum Rectoratum quartum gessit, a. 1552. 1562. 1568. & 1575. Mediocri fuerat Sulcerus statura, corporeque ob perpetua studia tenuior. Oratione pollebat flexanima, qua præter alios & ipsum J. Jac. Grynæum in suam de S. Cœna, quæ cum Lutheri conveniebat interpretatione, pertraxit sententiam, qui vero mature in viam rediit ipse, aliosque secum reduxit, itemque Basiliensem Confessionem, cujus glossas sibi adversas Sulcerus immutaverat, & genuinæ editionis exempla suppressa fecerat rariora, in lucem iterum, quoad marginalia correctiorem, produxit. Quanta etiam Sulcerus apud magistratum valuerit auctoritate, vel inde licet colligere, quod eo Antistite atque auctore frequentior campanarum usus introductus, & Organorum, quæ a Reformationis tempore in templis obmutuerant, lusus fuerit revocatus. Nec reticenda est magni hujus Viri in Studiosos Theologiæ pietas, qua ipsis & post fata prodesse studuit. Tria nempe pro iis legavit

vit stipendia, quæ nomine ab ipso accepto Sulcerianum maximum, minus atque minimum vocantur. Minimum 25. librarum destinatum est, ut ex ejus censibus duo lecti Alumnorum peregrinorum conserventur. Minus 125. librarum peregrino Theologiæ studioso, maximum vero 1300. librarum Basiliensi Theol. studioso designatum est, eorumque redditus hodie adhuc pro Testamenti litera distribuntur. His accessit & quartum ex liberalitate ipsius uxoris profectum, Merianum inde vocatum, fortis 200. librarum, iisdem usibus consecratum.

Sulcerus, quod ad ejus Scripta adinet, in Latinum & Germanico transtulit Acta Synodi Bernensis. Bas. 1532. 4. Thesaurum locorum communium ex sacris & profanis utriusque linguæ auctoribus collegit & præfationes pluribus auctoribus præmisit; edidit Axiomata 54. de invocatione Dei, Bas. 1563. Diss. de vera ecclesia, 1575. Epistolæ ejus ad Calvinum in epistolis Calvini Gen. 1576. p. 41. 51. 136. 148. occurrunt.

VI. JOH. JACOBUS GRYNÆUS, insigne Academiæ atque Ecclesiæ Basiliensis ornamentum, ortum ducit a piis parentibus, Thoma Grynæo, Veringensi, & Adelheida Stuber, Tigurina; nativitas ei obtigit Bernæ 1. Oct. 1540. Prima literarum elementa a patre, tum Bernensi sacris destinatæ juventuti a consiliis, mature accepit, illo autem a. 1546. Basileam ad literas Græcas atque Latinas docendas vocato, ludo literario Basil. puer sex annorum immissus, & a. 1551. ex eo emissus, Philosophorum publicas lectiones frequentare incepit annum agens nondum duodecimum. Studiis philosophicis feliciter absolutis, felici forte Theologiam addiscendam elegit, magistris usus Martino Borrhao & Simone Sulcero. Hujus cum inprimis ageret admiratorem, accidit, ut incautus in ipsius de S. Cœna sententiam, Luthero propriam, pertraheretur; quam demum integro exacto decennio deposuit. Circa annum 1559. in parœcia Rœtelana primum vicariam, mox, fratre Theophilo Hauingensi ecclesiæ ut præesset vocato, ordinariam ad ecclesiam illam ædificandam locavit operam, cum patre a tribus jam annis ecclesiæ Rœtelanæ pastore ipse ejusdem ecclesiæ Diaconus junctis viribus laborans, postquam a Sulcero superiorum ecclesiarum

Marchi-

Marchicarum Superintendente manuum impositione in illud munus inauguratus fuisset. Huic muneri cum per quadriennium præfuisset, majoris rerum divinarum cognitionis comparandæ causâ in animum induxit Academiam Tubingensem adire, consentientibus quidem piis parentibus, sed renuente aliquantum ipso Marchione, qui, ut ipsum retineret, majus salarium promissit; verum desiderium pecuniarum, si quod habuit, desiderio scientiarum præponderabatur, & ut apud animum suum statutum habuit, Tubingam contendit, & Doctores in Philosophia atque Theologia præclaros ibi frequenter audivit. Plurimum autem in humana atque divina scientia, præeuntibus præsertim Theologis, Jac. Andreæ, Heerbrando atque Schnepfio, progressus, in illa etiam de ubiquitate corporis Christi opinione, quam jam a Sulcero imbiberat, haud parum confirmabatur; dolorem tamen haud exiguum capiens ex eo, quod Theologos summos, maximi a se habitos, ab illa autem sententia aversos, asperioribus interdum verbis perstringi observaret. Amicorum denique suâsu in hacce Academia Theologiæ Doctoris, cujus adtributa jam habuit, etiam nomen accepit, & præmissa dissertatione publica nonnullisque prælectionibus a. 1564. insignia doctoralia in publica panegyri fuit adsecutus, de qua promotione vir modestissimus per jocum dicere solebat: *se Metelli fato doctorem creatum*. Ex Tubinga dein paravit discessum, quem eo magis acceleravit, quod ipsi tristis de patre ejus peste defuncto adlatus fuerit nuntius. Ad iter autem cum sese accingeret, obtinuit vocationem paternum munus in se suscipiendi; cui vocationi etiam morem gessit, & Rætellanæ ecclesiæ, cujus antea fuerat Diaconus, jam per integrum decennium pastor præfuit profuitque, ab a. 1565. usque ad a. 1575. Quo decennio a. 1569. nuptias cupiens mentem aperuit Simoni fratri, Medico, qui ipsi Laviniam a Canonicis, Bononiensis civis Catalani & Lucretiæ Florentinæ filiam, de ipsius pietate & industria commendavit, cum ea etiam & quidem Heidelbergæ nuptias celebravit, cumque ea per quadraginta annos pie vixit, susceptis ex ea septem liberis & in his unico filio, quibus vero omnibus, unica excepta filia, fuerat orbatus. Quod vero præcipue hic est notandum, id est, quod beatus Grynæus circa hæc tempora in Scripturæ S. Patrumque

que veterum itemque recentiorum scriptorum lectione atque meditatione adtentior, sententiam illam, quam hactenus de S. Cœna foverat, meliora edoctus, deposuerit, publice professus: *Manducationem corporis Christi in S. Cœna non esse aliam quam mysticam, quæ tota sit fidei & fide peragatur unice.* Sed talia cum protulisset, mox apud fratres in offensa esse, imo, quum a. 1570. celebri illi Concordiæ formulæ subscribere renueret, undique vir pius calumniis atque iniuriis cœpit laceffi. Hæc autem, veritatem nihil negligens, patienter tulit, donec, divina sic volente providentia, a. 1575. Sulcero Professionem V. T. renunciantem, eadem Professio a Magistratu Basiliensi ei fuisset oblata. Hanc nempe avidus accepit cumque suis Basileam illico contendit, idque Marchione consentiente, qui gratiofus non solum Grynæi nostri fratrem, Theophilum, in fratris locum substituit, sed & Ecclesiarum Marchicarum inspectionem cum annuo honorario Grynæo jam Professori continuavit. Novum istud munus administrans id unum egit, ut pie docendo scribendoque, cumprimis autem doctrinam de S. Cœna pure tradendo gloriæ Dei inserviret. Quos vero labores, quæ pericula, quas contentiones, quas calamitates hoc tempore sustinuerit, quod de Cœna Domini vere mystica secus doceret, quam volebant, qui in Lutheri verba jurarant, dici vix potest, nec credere liceret, nisi nimium esset confirmatum. His tempestatibus per novem integros annos agitabatur Grynæus; anno vero 1584. cum Academiæ Rector esset electus, advenerunt literæ Joh. Casimiri Ducis Palatinatus administratoris, quibus ad instaurandam Ecclesiam atque Academiam Heidelbergensem a magistratu Basiliensi petitur & ab eodem, ita suadentibus Academiæ proceribus, ad trimestre indulgetur. Graviora autem, quæ ibi inveniebat, negotia ejus moram ad biennium usque protrahebant, quo tempore ipsi Principi bonisque omnibus suo studio, consilio atque pietate sese reddidit probatissimum. Biennio isto nondum elapso, Grynæus noster jam secunda vice Sulcero fuit suffectus, idque in gravissimum Antistitis officium; accepto hoc nuncio Basileam festinavit, munusque suum a. 1586. pridie Cal. Febr. fuit auspiciatus summo piorum plausu atque delicio. Mox vero iterum Heidelbergam uxorem liberosque inde petiturus profectus est, & Principi, Ecclesiæ

clesiæ atque Academiæ cum valedixisset, magna cum honorum testificatione fuit dimissus. Ab eo tempore Grynæus triplex Basileæ munus obivit. In Ecclesia pastoris S. Templi atque Antistitis; quod solum virum postulat fortem atque prudentem; huicque muneri concionando, ægrotos consolando, consulendo, moderando, ecclesias in agro visitando aliisque modis ex assensu satisfecit. In Academia administranda ei fuit N. T. Professio, in quam publice privatimque diligenter legendo atque disputando totus vacavit. Tertium denique, quod ei incumberebat munus, erat visitatio Gymnasii, cujus prudentem ac strenuum egit reformatorem; singulis etiam annis binis vicibus pro officio publice in choro S. Templi gymnasii discipulorum actum celebravit promotorium, in quo præmia diligentibus distribuebantur & oratio admonitoria mox ad docentes mox ad discentes vernacula lingua habebatur. Extra ordinem etiam lectiones dedit historicas, quibus præter alios non raro Principes, Comites, Barones, Nobiles interfuerant; alia negotia, in quibus variæ fuerunt legationes ecclesiasticæ, Mombelgardensis, Mullhusina, Bernensis atque Lausannensis, nobis brevitati studentibus sunt prætereunda, in quibus omnibus singularem fidem, dexteritatem, prudentiam atque pietatem demonstravit. A. 1596. Grynæo nostro Rectoratum Acad. III. gerente, Templum cathedrale restaurari curavit Ampliss. Magistratus. Tunc Academia ad Pentecosten 1597. ad sumtus, qui impendebantur, maximos aliquantum sublevandos ex peculio suo, submonente Magistratu, contribuit libras 250. quo nomine insignia Academiæ manu Hier. Fischeri sumtu Acad. 15. librarum depicta, anno sequenti majori, quæ in choro est, fenestræ illata fuerunt, ubi adhuc conspiciuntur. Ad extrema magni hujus viri properamus. Præter adversitates, quas plurimas tulit acerbis, præter jacturam amicorum fere omnium, præter labores continuos atque arduos, præter ingravescentem senectutem, quæ ipsa jam morbus est, oculorum usum 5. ante obitum annis amisit, & in concionibus, quas cæcus habuit, textum per Studiosum prælegi curavit; nec non haud raro dolores passus est colicos atque nephriticos, eosque intensissimos, quibus paulatim fuerat absumtus atque consumtus, donec lenta febris gloriosæ
ejus

eius vitæ finem imposuit gloriosum atque beatum, quod accidit d. 30. Aug. a. 1617.

Monumenta pietatis atque eruditionis ejus exstant varia. Monumenta S. Patrum græcorum & latinorum orthodoxographa, 2. T. Basf. 1569. fol. theses de sacramentis, de hominis restitutione & in epistolam ad Romanos, ib. 1574. 8. Commentarius in Haggæum, Gen. 1581. 8. theses analyticæ in ep. ad Galatas, Basf. 1582. 4. Trostbüchlein in Pestzeiten cum explicatione Pf. 91. ib. eod. 8. disp. de censura veræ & falsæ religionis, ib. 1583. 4. defensio sententiæ, quæ statuit, pie facere principes & magistratus evangelici nominis, quando idola e templis & aliis locis publicis ex præscripto legis divinæ submovent, ib. 1583. Comment. in Malachiam, eod. 4. theoremata de agno Dei jam inde a jactis mundi fundamentis mactato, ib. 1584. 4. theses de episcopo christiano, ib. 1586. 4. theses de sacro fenario testium de nostra per Jesum Christum restitutione, ib. 1586. 4. demonstrationes evangelicæ ex evangelii & actis apostolorum, ib. 1587. 4. διδασκαλία de apostasia, ib. 1588. 4. Disputationes theol. in unum corpus collectæ, 2. T. Gen. 1584. 1586. 4. theorematum & problematum theol. P. 2. Basf. 1589. 4. commonefactio de eucharistia, Herbörn. 1589. 8. theses de serpentum progenie, Basf. 1589. 4. Urim & Thummim s. de oraculo Dei in rebus obscuris, 1589. 4. exegetis ep. ad Romanos, Basf. 1591. 4. theses de ultimo adventu Jesu Christi ad judicium, Basf. 1595. 4. theses de peccato originis, ib. eod. 4. Epistolarum selectarum I. 2. a Sculteto editi Offenb. 1612. 8. Epitome Bibliorum. Scia-graphia theologiæ secundum tres methodi formas. Character Christianorum s. theses de fidei, spei & charitatis doctrina, Basf. 1578. 8. enarratio aliquot Psalmorum, item Jonæ, Habacuci; explanatio Matthæi; commonefactio de officio piorum; axioma: Justus autem sua fide vivet, Basf. 1610. 4. concio germ. in quæstionem: An tempore pestis fuga sit licita? ib. 1614. 4. chronologia brevis historiæ eccles. theorema de perfecta totius obedientiæ Jesu Christi imputatione. De mysticis factis, quorum in Scriptura S. mentio fit &c. theses de scala a terra ad cælum pertingente; edidit etiam opera Jrenæi &c. institutionem de S. Cœna, germ. aliasque conciones atque disputationes. Epistolarum ejus 66, ab Apino editæ sunt Norimb. 1720. 8.

Cum Grynæus iste Heidelbergæ versaretur, & Coccius ægrota-
ret, Sulcerus autem diu rude donatus fuisset, sicque Theo-
logicæ lectiones penitus intercidissent, a. 1584. constituti fuere
succenturiati, M. Christian. Vrstisius, D. Joh. Brandmuller
& M. Joh. Beatus Helius, qui partitis inter se tum horis &
operis, tum stipendio Grynæi, Theol. Professionem admini-
strabant,

strabant, donec de Ordinario deliberaretur. Ordinarius autem non fuit electus, nisi postquam & Sulcerus & Coccius N. T. Prof. fatis cessissent. Tum redintegratione horum minorum adhuc dilata, ex tribus illis Vicariis

VII. CHRISTIANUS VRSTISIUS, Vet. Test. Professor electus est d. 5. Aug. 1585. Vir fuit Vrstisius claris natalibus ortus, patrem habuit Pantaleonem Vrstisium, senatorem Basiliensem, & lucem hanc primum adspexit ineunte a. 1544. Græco nomine, ut tum moris erat, interdum sese vocavit *Allasiderum*, quod idem sonat cum Germanico ejus nomine *Wurfteisen*. Inde a pueritia animum ad bonas artes adpulit, eaque usus opportunitate, quam ipsi patria suppeditabat, Gymnasium nostrum frequentavit, ex quo ad audiendas publicas Philosophorum lectiones a. 1558. emissus, a. 1560. primam Lauream & a. 1562. doctoris philosophici titulum cum laude fuit consecutus. Ad altiora jam adspirans acrius studiis, imprimis historico, mathematico atque theologico operam dedit, & in singulis ita fuit progressus, ut postea triplici muneri, triplici huic studio respondentem, cum insigni nominis sui fama atque Reipublicæ atque Academiæ emolumento fuerit perfunctus. Primum, quod obtinuit, munus erat Diaconatus ad S. Theodori, a. 1564. electus, ei vero, quia difficulter percipiebatur, sequenti anno post dimisso, oblata fuit professio Mathematica, quam adhuc juvenis a. 1564. obire cœpit. Ad altiora dein adscendere fuit jussus, eique Theologica cathedra fuit commissa, in qua primum vicarius a. 1584. & sequenti anno Ordinarius V. T. exposuit, retenta etiam mathesi, hinc & collegii philosophici membrum permansit; hoc novo & ab illo priori munere aliquantum diverso ut secundum leges academicas rite fungeretur, de adsumendo Doctoris Theologi titulo meditabatur, Grynæi expectans Heidelbergam adventum, quem promotorem desideraverat. Illo autem a. 1586. reverso, Vrstisius noster eodem anno præter sui opinionem sed summo suo merito ad quartum a prioribus maxime diversum, gravissimum nempe Archigrammatei munus ab amplissimo Magistratu fuit vocatus, nostrarum scilicet rerum peritia nullus tum erat civium, qui Vrstisium æquaret nedum antecelleret, & talem virum illa præsertim tempora requirebant. Spes itaque adfulgebat maxima,
viri

vir hujus peritissimi opera Rempublicam nostram ad plures annos maximo suo commodo esse usuram. Sed aliter erat in fatis. Accidit nempe, ut vir iste pietate, prudentia, eruditione atque diligentia prorsus singularis in ipso vitæ, laborum atque honorum decursu acerba fatorum lege a. 1588. d. 30. Martii fuerit abreptus, relicta vidua Valeria Murer septemque liberis, ex quibus filius Emanuel Medicinæ operam dedit, quam & Biennæ feliciter exercuit.

Vrsitii scripta varia existant edita atque inedita. Chronicon nempe majus itemque Epitome historiæ Basiliensis, illud in Fol. Germ. a. 1580. hæc in 8. Lat. a. 1577. edita & a. 1752. cum aliis studio J. Henr. Bruckeri, Histor. Prof. recusa. Posterior etiam in Germ. sermonem translata & insignibus supplementis aucta prodiit Bas. a. 1757. cura Venerandi Theologi & historiæ præsertim patriæ peritissimi, Jac. Christoph. Beckii; illud vero, Chronicon majus cum auctario viginti annorum, ad a. 1600. continuatum, denuo edidit antiquarius noster præstantissimus, Dan. Bruckner; J. V. L. atque Reipublicæ Archivarius a. 1765. qui & alteram L. annorum continuationem hoc a. 1778. prelo subiecit. Collegit & Vrsitius Germaniæ historicos illustres ab Henrico IV. usque ad a. 1400. Francof. 1585. fol. & 1670. editos; Descripsit & S Templum Basiliense cum circumiacente regione, quæ descriptio nondum lucem publicam adspexit, sed scripta tantum intra privatos parietes delitescit. Edidit porro doctrinam arithmeticam; quæstiones in Purbachii theorias planetarum; Bas. 1568. 8. Collegit & duos codices diplomaticos, qui nuper emtionis jure ad summum Reipublicæ Magistratum Bibliothecæ Academicæ inferendi transierunt. Alia ejus opera MS. hodie adhuc ab hæredibus servantur.

VIII. JOHANNES BRANDMULLERUS, quo, ut Ramus loquitur, Oecolampadianæ sinceritatis germanior non erat successor; natus est Biberaci in Suevia, patre Gregorio, matre Vrsula Bienera, civibus honestissimis, sed ad operam restiariam detractis, d. 4. Apr. a. 1533. Infantiam atque pueritiam egit cum summa modestia & obedientia. Adolescentem parentes, utut in tenui fortuna constituti, ad studia inclinantem perspicientes pio adfectu Tubingæ primum musis tradiderunt; is vero paulo post a. 1551. Argentoratum & mox Basileam petiit; hic cum diligentissime studiis incubuisset, a. 1553. cum Sebast. Castalione ab Henr. Pantaleone summos in Philosophia honores magna cum laude adeptus

tus est. Ad graviora jam sese convertit, & delibata Medicina & Jurisprudencia, paternæ voluntatis memor, totum se studio Scripturæ S. dedit, & Ministerii Candidatus ordinatus in agro nostro publicas conciones habuit. Perspecta ejus eruditione atque pietate, jam a. 1554. Pastor Tervillensis & Almesvillensis, anno sequenti Collegii Inspector & Professoris Rhetorices Vicarius & paulo post communi ecclesiæ consensu ad S. Theodorum Diaconus fuit constitutus. Porro d. 21. Maj. A. 1565. in eadem Parœcia Pastoratum obtinuit. In gerendo sacro hoc munere sese verum præstitit Pastorem. In docendo fuit perspicuus, in concionibus ardens & devotus, in Scriptura S. potens, in consolando amicus & gratus, in reprehendendo gravis & severus. Nullus apud ipsum personarum respectus, pauperis æque ac divitis patronus. Integer, rotundus & apertus, nullius offensæ aut odii tenax. Pacis & concordie studiosus, benignus & hospitalis, in pauperibus officiosus & liberalis; elegantiorum ingeniorum fautor; in restituendis bonis moribus sedulus, hinc bonis omnibus acceptissimus. Non tantum autem Ecclesia sed & Academia tanto hoc Viro delectata ejus etiam dotibus eximiis perfrui optavit. Quo consilio ei d. 24. Febr. 1581. Professionem Hebraicam obtulit, quam una cum Pastoratu per quadriennium administravit. A. 1584. Theologiam vicario nomine docuit, & ejusdem anni d. 24. Jun. ab Huldricio Coccio, Theologo, tiaram doctoralem accepit; denique die 22. Sept. 1586. Vrstisio alio translato in Professione V. T. datus fuit successor. Frequens habuit literarum commercium cum Bullingero, Gualtero, aliisque Theologis Helvetiæ. Conciones fertur habuisse 11337. Ceterum in conjugio vixit duplici, in quorum primo 12. liberos, secundo vero unicum filium genuit, quorum quinque tantum funera patris viderunt; in quibus filius Jacobus patri ab a. 1589. ad vitæ usque extrema in Ecclesia fidum se præstitit administrum. Tandem dies ecclesiæ, academici ejusque familiæ tristissimus, ipsi vero lætissimus illuxit, quo, deposito quod mortale erat, beatam immortalitatem fuit adgressus; dies hic fuit 7. Mart. a. 1596.

Typis

Typis ab eo edita hæc sunt: *Dialogi XII. de fructibus fidei.* Germ. 4. *Conciones funebres atque nuptiales*, Lat. 8. Bas. 1608. *Duo Dialogi de resurrectione & vita æterna.*

IX. AMANDUS POLANUS a POLANSDORFF parentes habuit nobiles, Henricum syndicum & Martham Cominiam, a quibus genitus est Troppaviæ in Silesia, natusque d. 16. Dec. 1561. Primis doctrinæ elementis in patria institutus, & a. 1577. scholæ Vratislaviensi commissus, integrum sexennium ita transegit, ut felicissimi ingenii, indefessæ industriæ, prosperi studiorum successus, inculpatæ vitæ encomia meruerit. Ex ista schola profectus adiit Tubingam, & doctores illius Academiæ audivit, præsertim Theologos, studio enim sacro jam totus erat devotus. Cum vero doctrinam orthodoxam præcipue quoad articulum de Electione ex Rom. IX. 11. publice privatimque adversus Jac. Andream constantissime adfereret, sicque gravia Theologorum complurium odia incurreret, ex consilio amicorum a. 1583. Basileam abiit, J. Jac. Grynæo de meliori commendatus. Occasionem hic nactus Theologos probatissimos audiendi atque consulendi utilitati suæ intervenit, suamque in rebus divinis cognitionem haud parum promovit. Dein nobilioribus adolescentibus instruendis cum Basileæ tum Genevæ, Heidelbergæ atque alibi per aliquot annos condixit operam, donec Basiliensibus redditus, d. 29. Oct. 1590. summis in Theologia honoribus condecoratus, & sexennio post d. 13. Apr. 1596. promotoris sui Brandmulleri in exponendo V. T. successor esset factus. Uxorem tunc duxit Mariam Grynæam, J. Jacobi, Antistitis, filiam, eaque defuncta Salomeam Wasserhun. Uti Polanus linguarum hebraicæ, Græcæ Latinæque cognitione rerumque theologicarum tum quoad doctrinam tum quoad ecclesiasticam historiam excelluit peritia, ita hisce omnibus & aliis prodesse studuit, in officio publico administrando diligentissimus, cumque etiam morum integritate fuerit ornatissimus, & hac via plurimum Doctor evasit. Etiam post mortem bonis literis prodesse quæsit, cum in testamento Academiæ nostræ 900. florenos legaverit, ex quorum redditibus studiosus Theologiæ necessaria vitæ & studiorum præsidia sibi compararet. Postquam hoc modo commodis publicis paruisset, etiam a supremo

mo præmiorum distributore accepit præmium in cœlis perenne, quod corpore febris ardente consumpto ei obigit d. 17. Jul. 1610.

Libri ab eo consignati atque editi sunt: *Symphonia Cabalica*, Basf. 1607. 8. Gen. 1612. 8. *Commentarius in Daniele*; *Analysis in Hoseam atque Malachiam*, Basf. 1597. 8. cui posteriori additæ sunt 4. Orationes acad., quarum una agit de vita & obitu *Oecolampadii*. *Didascalia de Prædestinatione*, ib. 1598. 8. *Plures Dissertationes theol.*, quæ collectæ editæ sunt Basf. 1597. 8. N. T. germ. 1603. 8. Mellificium in Symb. apost. Amberg. eod. Syntagma Theologiæ christ. Francof. 1655. fol. Comment. in Ezech. Basf. 1608. 4. Exegesis aliquot vaticiniorum V. T. ib. eod. 4. atque alia.

X. SEBASTIANUS BECK, Theologus suo sæculo summarissimus, diem natalitium habuit 1. Oct. a. 1583. parentes vero cives Basilienses honestissimos, Valentinum Beck & Martham Iseliam. Ab iis mature publico literarum ludo immissus, optimorum præceptorum diligenti institutione, puer sedulus atque obediens ita profecit, ut mox in castra academica fuerit translatus. Philosophiæ autem Studiosus creatus talis non nomine saltem sed & ipso facto esse voluit. Non enim Beckius noster ex vulgo fuit studiosorum, qui nullis artium humaniorum præsiidiis instructi, illota veluti facie, ad sacra properant, studiaque præmatura in sanctuarium protrudunt; sed cum sacra Dei oracula studiorum metam elegisset, hoc solum sibi negotii in ista ætate dari credidit, ut clarissimorum Professorum ductu & auspiciis artium humaniorum stadium, quo decet studio, decurreret, nec animum ad divinioris Sapientiæ indaginem transmitteret prius, quam eum Philosophiæ solidioris ac purioris cognitione subegisset. Ita propædeuticis disciplinis rite instructus & Magisterii titulo condecoratus, animum ad realia adplicuit, & quidem studium S. Literarum excolendum elegit. Duces hic secutus est fidos atque optimos, J. Jac. Grynæum & Amandum Polanum, ordinarios Theologiæ Professores præstantissimos; horum institutionem atque consilium ita tenuit, ita horum vestigiis institit, ut absoluto sexennio ab ipso Grynæo dignus haberetur, cui, anno nempe 1610., Polano peste pie defuncto, vices Professoris Theologi demandanda-

mandarentur; quam vicariam provinciam cum sibi adiunctis itidem extraordinariis collegis, Wolfg. Meyero & J. Georg. Grossio, summa fide atque diligentia administravit; utque publica hæcce institutio & legibus Academicis convenientior esset majorique cum auctoritate fieret, sequenti statim anno 1611. d. 21. Maji trigæ huic virorum Grynæus Doct. & Ant. S. Doctoratus mitram imposuit. Mox vero, nempe 5. Jun. 1612. Beckius ordinarius V. T. & 24. Febr. 1618. N. T. Professor fuit electus, quo posteriore munere ad dies vitæ summa cum laude erat perfunctus. Eodem hoc anno 1618. accidit, ut Belgica terra Arminianorum turbis inquietata tandem Synodum nationalem ex plerisque Europæ Reformatæ Provinciis dissensionum sedandarum causa convocaverit & etiam Magistratum nostrum rogaverit, ut sibi unum vel alterum Theologum cum in finem concederet. Adnuens Magistratus istud officii Beckio nostro atque D. Wolfg. Meyero commisit, qui una cum Reinh. Ryffio, Theol. Stud. iter eo susceperunt & tandem salvi Dordraci advenerunt. In ipsa vero Synodo Beckius ut lites, salva tamen veritate, maturis sanctisque consiliis sopirentur, periculum fecit; nihil autem cum effecisset, veritatem strenue adversus adversarios defendit, quod factum præcipue Sess. 78. sic enim Acta perhibent: Febr. 11. a. 1619. *die lune post meridiem Clarissimus Vir Doctor Sebastianus Beckius ad omnia Remonstrantium argumenta, quæ in Collatione Hagensi adversus efficacitatem gratiæ Dei in hominis conversione, & pro gratia resistibili adducuntur, publice respondit.* Soluta Synodo Beckius cum honorum testificatione dimissus primum Angliam dein Galliam visitavit, & iustratis visu dignissimis atque salutatis Eruditis præcipuis incolumis suorum gaudio in patria advenit, & sponsalia, quæ jam ante belgicum iter cum Anna Maria Burcard contraxerat, lætus complevit, ex qua deinceps undenam prolem, quaternam masculam & foemineam septenam suscepit, ex quibus tres filii atque unica filia ejus vitæ superstites fuerunt. In aliis negotiis Academicis Rectoratum quintum, & Decanatum Theol. raro vel unico exemplo vices & quater omni fide atque dexteritate gessit. Inter hos labores firma Dei gratia usus valetudine senex sine senio evasit, & tandem vitam cum

morte, vel potius mortem cum vita commutavit d. 9. Mart. a. 1654. apoplexia percussus.

Edidit varias dissertationes, de Scr. S. auctoritate, perfectione & necessitate, 1612. 1613. de Scr. S. lectione concedenda in lingua nota, eod. de Patris, Filii & Spiritus S. distinctione, eod. de æterna Spiritus S. deitate, eod. de invocatione sanctorum, 1614. de justitiâ Dei punitiva, 1616. de libris apocryphis, 1620. de jejunio, 1621. de persona Jesu Christi, 1622. Theses anal. in ep. ad Titum, 1622, 1623. de incarnatione Jesu Christi, 1624. de adoratione sanctorum, 1625. de sacramentis papistarum erroribus opposita themata, 1626. de certitudine salutis fidelium, eod. de libero hominis arbitrio, 1627. de veritate divinæ & humanæ naturæ in Jesu Christo incarnato, 1630. de fine passionis & mortis dominicæ, 1633. aliasque; nec non ejus testimonium de doctrina theol. J. Phil. Pareo Basileæ collata editum est Hanov. 1647. 4.

XI. JOHANNES WOLLEB, Basiliensis, natus est d. 30. Nov. 1586. parentibus probis atque honestis; patre Oswaldo, senatore, cujus abavus ex Vria, Helvetiæ pago, oriundus, a. 1444. Basileæ civitate fuerat donatus. Puer in ludum literarium patrium ablegatus pro ingenio omnium doctrinarum capace in literis adeo profecit, ut mature admodum Philosophorum publicis lectionibus traditus & primam & secundam in Philosophia lauream obtinuerit. Philosophico jam redimitus diadema, festino cursu sapientiæ cœlestis adyta intrat & incredibili sedulitate in studium sacrum incumbit. In divini verbi ministrorum ordinem cum fuisset receptus, non ita multo post a. 1607. Communis in urbe nostra Diaconatus & a. 1611. Pastoratus ad S. Elisabethæ ei fuit commissus. Postea cum in artibus & linguis, maxime vero in S. Theologia insignem doctrinam variis speciminibus comprobasset, & inprimis in sacro Verbi ministerio magna fide, diligentia, morum integritate, auditorumque cum fructu & adplausu annos fere octo versatus fuisset, post beatum D. Grynæi obitum a. 1618. d. 21. Jul. primum ad summi templi Pastoratum, cum sancto piorum gaudio, dein in locum D. Seb. Beckii ad N. T. Professionem promoti, d. 23. Oct. 1618. ad cathedram V. T. fuit vocatus. In utroque hoc officio cum aliquandiu singulari cum dexteritate & laude versatus fuisset, ab ampliss. Senatu academico aliisque bonis & pruden-

prudenter viris, ut secundum consuetudinem Academicam, gradum Doctrinæ peteret & susciperet, admonitus est. Facultatis ergo legibus se subjiciens, iisdem publice privatimque egregie satisfecit, & inter alia disputationem inauguralem de divina prædestinatione dextre sustinuit; sicque tandem d. 30. Nov. 1619. in braebuterium publicum honorifice productus, cum prius de veri sensus Scripturæ S. & controversiarum religionis iudice præclare disseruisset, honoribus officio & virtutibus ejus debitis, Doctoratus Theologici gradu & insignibus in maxima spectantium frequentia *voluptas* condecoratus fuit a Sebast. Beckio Decano & Promotore, qui paucis post diebus eundem D. Wollebium in Facultatis Theologicæ collegium cooptavit. Tandem Wollebius pietate defunctus optatam cursu contigit metam d. 24. Nov. a. 1629., quo pestis contagione infectus naturæ debitum persolvit, relictis duobus filiis, Joh. Jacobo & Theodoro, illo ad D. Elisabetham, hoc ad S. Martinum pastore, prius Linguae Græcæ Professore, qui vero ambo eodem anno 1667., ille 54., hic 42. ætatis anno itidem ex peste mœsta morte fuerunt defuncti.

Ex scriptis D. Wollebii præter plures conciones funebres, quæ majori ex parte junctæ prodierunt a. 1657. 4. præterque complures dissertationes academicas typis expressas præcipue notandum est *Compendium christiana Theologiae*, Bas. 1626. & 1634. editum, quod ob concinnum suum ordinem atque soliditatem a pluribus doctoribus publicis commendatum & in prælectionibus fundamenti loco positum, etiam, quod tum temporis præstantissimis tantum contingebat scriptis, in Anglicum sermonem translatum & typis excusum fuit sub nomine *Wollebius christian Divinity*.

XII. THEODORUS ZUINGER, Theologus doctrina, pietate veroque zelo nobilitatus, diem natalem, qui erat 21. Nov., vidit Basileæ a. 1597. parentem veneratus est Jacobum Zuinger, Phil. & Med. Doct. Linguae Græcæ Professore P., magni illius Philosophi, Polyhistoris atque Medici, Theodori. Zuingeri, filium, matrem vero Juditham Brand. Inter paternas publicorumque præceptorum institutiones crevit puer ætate & sapientia indies profecit. Sed vix dum inter Philosophiæ cultores fuit receptus, casu concussus fuit acerbissimo, parentem nempe utrumque eodem die, sex fortasse ho-

ris interitis, peste correptos amisit d. 11. Sept. 1610. Jugum ergo tulit jam in pueritia, idque suo bono; co-
 lecti nempe Patri se pietate atque obedientia magis ma-
 gisque conjungens, etiam Ejus opem expertus est exi-
 miam; non enim perpetuo deserit Dominus, sed idem
 & affligit, & pro sua singulari clementia miseretur; ita
 ut illud Davidis suum facere atque gloriari potuerit:
Me pater materque deserunt, sed tu, Domine, Deus sa-
lutis meae, me receptas. Philosophicis jam disciplinis at-
 que sapientiae studio diligenter cum incubuisset, praemia
 solennia, & quidem priora ex manibus Frid. Castalionis
 a. 1611., magistralia autem a. 1613. ex manibus Frid.
 Wertenbergii accepit. Sublimius jam studium electurus
 diu haesit in ancipiti, num Theologiam an vero Me-
 dicinam suam faceret. Ab una parte eum suspensum de-
 tinebant ipsi non ignota vota paterna, quibus ecclesiae
 ministerio erat dicatus, ab altera vero imagines atque
 exempli avi patrisque, bibliotheca medica instructissima,
 liberalitate quoque Guilielmi Aragosi parentis ipsius lus-
 trici splendide aucta, itemque adparatus instrumento-
 rum chymicorum aliarumque rerum huc pertinentium
 a beato parente magnis sumtibus acquisitus, tandem
 Medicinae detulit primas, & paternum studium ingreditur.
 Eo autem vix inchoato in morbum hungaricum
 incidit, quocum ut conflictatur, & fere succumbit,
 pia supremo Archiatro nuncupat vota, si reviviscere
 dederit, eidem in ecclesia perpetim sese inserviturum.
 Sanitati restitutus promissis, ut par erat, satisfecit &
 studio sacro nomen dedit. Scholam igitur theologicam
 ingressus in ea sibi non otiaandum sed laborandum esse
 duxit, ut tantus ex ea exiret, quanti e medica proces-
 serant ejus Majores. Instrumentalibus itaque primum
 disciplinis, linguae latinae, graecae atque hebraicae, lo-
 gicae, historiae, antiquitatibus atque aliis, dein & rea-
 libus, lectioni atque meditationi Scripturae S., theolo-
 giae dogmaticae atque polemicae pernox atque perdius va-
 cavit, omneque tempus literis dedit sanctissimis; praeci-
 pue vera aureum illud volumen, Calvinii institutiones
 christianae religionis omni cogitatione pertractavit &
 quasi in succum & sanguinem mutavit; etiam sub Doc-
 torum suorum praesidio saepe in arenam descendit, saepe-
 que in suggestum ascendit; donec annos quatuor in
 hisce studiis versatus ad S. Ministerium fuit admissus.

Quo

Quo facto a. 1617. iter literarium in Germaniam, Belgium atque Angliam cum fructu suscepit, per Galliam redux patriæ redditur, in qua mox diligentiae præmia accepit. Anno nempe 1619. Communis Diaconatus, a. 1620. Archidiaconatus, anno ætatis 23. nondum exacto, & septennio elapso, a. 1627. Pastoratus ad D. Theodori ei fuit delatus; quibus omnibus muneribus tam industrie præfuit atque dextre, ut consummati Theologi spem cominus adfulgentem excitaret. Biennio post diræ urberis universam depopulante, etiam præter Pastores Petrinum & Leonhardinum, vir de ecclesia, academia, civitate meritissimus Joh. Wolleb, S. Th. Doct., V. T. Prof. atque Antistes summo civitatis luctu atque damno abreptus, solusque ex Pastoribus quatuor urbis Zuingerus noster, spes altera Basileæ, fuit relictus, qui tamen & ipse febre, extrema quævis minitante, laborabat, sed Dei gratia ex morbo convaluit & Cal. Jun. a. 1630. publico sub adplausu Ecclesiarum nostrarum Antistes summique templi Pastor fuit electus, sicque Noster, quemadmodum beatus ejus parens puerulum die Oecolampadii emortuali natum ipsius successorem fore optaverat, Oecolampadii suggestum & simul cum Professione V. T. ejusdem cathedram obtinuit; pro more etiam d. 30. Nov. ejusdem anni publice Theologiæ Doctor fuit proclamatus, postquam antea quætionem insignem: *quid de Majorum nostrorum, qui sub Papatus tenebris vixerunt, salute sentiendum sit*, luculenta oratione discussisset. A. 1629. sæviante peste, etiam vilissimas casas imperterritus intrabat, cumque Medicis delituerentur, domo mittebat pharmaca pauperibus, & consilia fuggerebat a Majoribus accepta. Ex cathedra vero V. T. pro Patrum academicorum decreto a. 1654. ad N. T. transire debuisset, nisi aliter a Deo fuisset decretum. Sub finem ejus anni enim in morbum incidit graviolem, cui & succubuit die 27. Dec., sicque in eo amisit ecclesia Pastorem fidelem, vigilantem, prudentem, qui toti gregi prospexit, omnium ordinum sanos atque ægrotos diligenter visitando, instruendo, consolando, commonendo, disciplinam ecclesiasticam urgebat graviter, ministerii dignitatem tuebatur fortiter, scholas observabat diligenter, Ministris dabat consilia prudenter, eos amabat intime, pacem colebat sancte; sed & Academia damnum passa est gravissimum, Theologo orbata pio

ac

ac erudito, diligenti ac indefesso operario, senatore prudente, studiorum promotore illustri. Verum & ejus domus columnam deperdidit unicam; uxor maritum suavissimum, liberique patrem deplorarunt ipsos adamentem. Duplex autem beato Zuingero fuerat conjugium, unum cum Anna Maria Wertenmann d. 20. Aug. 1621. celebratum, ex qua filiolum suscepit, quem autem duodecennem ex morte amisit; alterum cum Magdalena Buxtorff, Johannis Prof. filia, iniit connubium, quæ quinque ei liberos, duos filios filiasque tres peperit, ex quibus duo in juventute mortui, filius autem Johannes paternam cathedram occupavit, filia Margaretha nobili viro Phil. Adamo Fabro, & altera Maria Magdalena Lucæ Gernlero, Antistiti Basiliensi meritissimo nupsit.

Scripta Zuingeri publica hæc sunt: *Theses de quæstione: an electionis nostra decretum nitatur fide prævisa?* quas sub præsidio Altingii Heidelbergæ d. 5. Jul. 1617. alacriter defendit. *Theatrum sapientiæ cælestis s. analysis institutionum Calvini*, 1652. 4. *Analysis epistola ad Romanos*, 1655. 4. plures *disputationes theol.* atque *conciones XI. funebres vero conciones CXLV.*; præsertim vero sermone germanico: *Explicatio doctrinae de S. Cæna*, 1655. 4. in quo egregio libro in aliis etiam causas reddit atque sese contra secus sentientes defendit, quod ipso suadente atque urgente duo, qui ex Papatu hæcenus reservati fuerant, defectus fuerint sarciti; nempe loco panis orbicularis tenuissimi, qui hostiarum nomine notus est, panem ordinarium atque fermentatum introduci, & cum antea istæ hostiæ integræ distribuerentur, hunc panem singulis fractum porrigi curavit, ut ita fractio corporis Christi in memoriam ritusque ab ipso Christo adhibitus in usum revocetur; idque peregit omnibus fratribus in generali Synodo consentientibus, summoque Magistratu probante atque confirmante; hocque modo S. Cæna magno cum adplausu & gratiarum actione, tantoque cum fidelium confluxu, ut nunquam antea frequentiores visæ sint synaxes, primum in S. Templo fuit celebrata postridie Cal. Oct. an. 1637.

XIII. JOHANNES BUXTORFF, vir suis majorumque meritis longe celeberrimus, in lucem editus est Basileæ d. 13. Aug. 1599. magno filio pater obtigit magnus, Joh. Buxtorff, Linguae Hebrææ in Academia Basil. per 40. annos Professor meritissimus, mater autem Margaretha

retha Curio, gente nobili atque literata oriunda. Filium pater adhuc balbutientem primis latinæ, græcæ & hebraicæ linguæ rudimentis ipse intinxit etiamque quadriennem ludo literario publico iisdem literarum elementis instruendum tradidit. Accepta insuavi ad suaviora studia præparatione, expleto ætatis a. 12. in lucem academicam fuit emissus, & pro ingenii felicitate animique alacritate non tantum ætate pares longe post se reliquit, sed & natu majores scientiis philologicis præcurrit. Postquam primam atque secundam lauream philosophicam, & quidem hanc ab ipso parente, fuit adeptus, anno æt. 16. studium theologicum excolendum elegit, in quo, methodo usus optima, ita fuit progressus, ut primo tractaret philologica, atque præsertim linguas Scripturæ S. originales penitus addisceret; potissimum autem pro innato sibi desiderio indefessam operam posuit in accuratiorem linguæ hebrææ cognitionem, quam ut obtineret, etiam chaldaicæ atque syriacæ dialecti sibi notitiam comparavit; studio vero rabbinico imprimis delectabatur, & sub signis paternis scripta Rabbinorum philosophica, historica, theologica perlegit, Masoram etiam, allegoricos atque cabbalisticos commentarios, quin utrumque Talmudem avidis oculis perlustravit, sicque rerum Judaicarum, etiam abditissimarum, peritiam acquisivit perfectiorem. Sed hisce propædeuticis Buxtorffius non ita inhæsit, ut realia negligeret, quin in ipsam Theologiam simul multum curæ atque laboris infudit, non solum publicos Doctores sanctos atque eruditissimos, Grynæum, Beckium atque Wollebium frequenter audiendo, sed & præter Scripturam S. scripta præsertim Vrsini, Zanchii atque Calvinii diligenter volvendo atque meditando. Hisce ita instructus scientiis primo a. 1617. Heidelbergam, dein a. 1619. Dordracum petiit, illic magnos Theologos, Pareum, Scultetum, Altingium, hic plures Synodi Patres venerabiles salutavit, audivit sibi que conjunxit. Synodus Dordracena cum ad finem venisset, Noster cum legatis Basiliensibus, Beckio atque Meyero, regiones Batavas peragravit & in Angliam trajecit; inde reversus & Galliam lustravit, tandemque Basileæ salvus iterum advenit. Hic mox tentaminibus atque examinibus Theologorum sese subjecit, iisque cum laude superatis Evangelii Minister fuit ordinatus. Genevam dein anno sc.

1623. adiit & non tam celeberrimorum Theologorum discipulum quam complurium non tyronum tantum sed & magistrorum in literatura hebraica egit magistrum. Fama eruditionis ejus sparsa, illustrissimæ Reipublicæ Bernensis procures ei cathedram Logicæ Lausannensem obtulerunt, quam modeste renuit patriamque repetiit. Hic anno jam 1624. communis ecclesiæ Basiliensis Diaconus & post triennium ecclesiæ Petrinæ Diaconus, annoque 1630. in locum Buxtorffii Patris pie defuncti Professor Linguae Hebrææ fuit designatus, quam ultimam provinciam, gregi cum ipse, ipsique grex iste fuerit charissimus, ægre & non nisi ex consilio medicorum, qui duriores concionatoris labores imbecilliori ejus corpori noxios judicabant, suscepit. Hanc cathedram cum jam per duodecim annos ornasset, sufficientibus ad id permotus causis, d. 30. Jun. a. 1642. Doctoratus Theologici gradum una cum Frid. Spanhemio adscendit. Hic Spanhemius Geneva ad professionem theologicam Lugduni Bat. obeundam vocatus, cum aliis auctor fuit, ut Buxtorffius noster mox a Groningensis, mox a Lugdunensis Academiæ curatoribus ad Hebraicas literas docendas lautis conditionibus accerferetur. Qua re comperta, nostræ academiciæ procures omne studium in viro tam erudito retinendo collocarunt, & suis monitis effecerunt, ut jam diu exoptata tertia Professio Theologica, nempe Locorum communium atque controversiarum, ab ampliss. Magistratu crearetur & Buxtorffio nostro offerretur, quod factum d. 30. Jan. 1647. eamque acceptam d. 8. Apr. h. a. feliciter fuit auspicatus. Omni fide autem cum novam hanc professionem una cum hebræa per septennium administrasset, nova provincia ei fuit commissa d. 1. Sept. 1654., nempe Veteris Testamenti explanatio, quam Hebrææ professioni, quam ad dies vitæ retinuit, magis convenientem lubens suscepit, & pro viribus ut & munus bibliothecarii, cui per aliquot annos præfuit, diligentissime gessit atque optime. Sed tot tantisque laboribus vir optimus tandem succubuit. Pluribus jam morbis, crebris distillationibus, febribus, dysenterico atque crudelissimo malo hypochondriaco jam diu vexatus atque debilitatus, tandem d. 17. Aug. a. 1664. morte occumbens triumphavit. In coniugio quater vixerat Buxtorffius, 1. a. 1627. cum Helena Wertenmann, 2. hac defuncta sesquianno post cum

cum Salomea Werenfels; 3. puerperio ista extincta, a. 1634. cum Juditha Episcopia & denique & ista sibi a. 1637. abrepta, quadriennio elapso cum Elisabetha Lützelmann, quæ itidem septennio ante matitum decessit. Ex singulis suscepit liberos, qui plerique in juventute fuerunt ex mortalitate abrepti, excepto Johanne, conjugii tertii prole, qui deinceps Senator atque Satrapa Varnsburgensis fuit electus, & Joh. Jacobo, ex quarta uxore nato, qui Parenti in Professione Hebræa successit. Quanti Buxtorffius noster ab Eruditis sui temporis fuerit habitus, testantur eorum elogia & amicitiae cum ipso contractæ, itemque commercium epistolicum, quod habuit cum musis Angliæ, Belgii, Galliæ atque Germaniæ, itemque cum Romanæ ecclesiæ, nec non Judaicæ synagogæ præsulibus; quæ singulæ ad ipsum datæ epistolæ, XII. Tomis in fol. comprehensæ, nec non Buxtorffii scripta inedita, ut sunt: *Critica S. Abarbanelis commentarius in Danielelem ab ipso in latinum translatus* &c. in Bibliotheca publica Basil. adservantur.

Edidit: Lexicon chald. & syr. Bas. 1622. 4. consilium universale de studio hebraico methodice, compendiose & utiliter instituendo & promovendo, quod editum est cum epitome grammaticæ hebr. Buxtorffii, patris, 1629. 1658. &c. R. Mosi Maimonidis doctorem perplexorum ex hebraico in latinum translatum, Bas. 1629. 4. Concordantias hebr. Bas. 1632. fol. Mercurium quadrilinguem, 1637. 8. Lexicon chaldaicum, talmudicum & Rabbanicum, ib. 1639. fol. diff. de nominibus Dei hebr. 1646. & 1645. diff. in Gen. l. 1. 2. 1641. Quæstiones de Scriptura S. 1642. Exercitationem de historia S. Cœnæ, eod. diff. de decalogo in genere, 1643. diff. de incarnatione Filii Dei, eod. diff. de linguæ hebr. origine & antiquitate, 1644. 1645. diff. de perseverantia Sanctorum, 1644. diff. de linguæ hebr. confusione &c. 1645. diff. de linguæ hebr. conservatione &c. eod. diff. de literarum hebr. genuina Antiquitate, eod. diff. de primæ Cœnæ Dominicæ ritibus & forma, eod. diff. de Antichristo, 1646. Vindicias exercitationis de institutione S. Cœnæ, contra Cappellum, eod. 4. diff. de Scriptura S. 1647. diff. de Baptismo, eod. dissertationes in decalogum IX. 1647—1664. Tractatum de punctorum vocalium & accentuum V. T. origine, antiquitate &c. 1648. 4. Florilægium hebr. eod. 8. diff. de exemptione Clericorum, 1649. diff. de Scripturæ S. efficacia, eod. diff. de libero hominis arbitrio, 1651. diff. de sufficientia meriti Christi, eod. diff. de prædestinatione divina, eod. diff. de communicatione idiomatum &c. 1652. diff. de abominatione missæ,

missæ, eod. diff. de legis & evangelii convenientia & discrepantia, eod. diff. de fide, eod. diff. de justificatione, eod. diff. de sponsalibus & divortiis, cum Abarbanelis diatriba de poena excidii, eod. diff. de primatu Petri, 1653. diff. de Scriptura S. eod. diff. in 1. Joh. I. 7. eod. Anticritica contra Cappellum, eod. 4. diff. de Ecclesia, 1654. diff. de fide falsifica, eod. diff. de providentia Dei actuali, eod. diff. de libertate christiana, 1655. diff. de Conciliis, eod. diff. de bonis operibus, eod. diff. de sanctificatione, eod. diff. de peccato originali, eod. diff. de promissis & minis 1656. diff. de forma unionis personalis in Christo &c. 1657. Exercitationes ad historiam arcæ fœderis, ignis sacri & cœlestis, Urim & Thummim, Mannæ, petræ in deserto & serpentis ænei, 1659, 4. diff. de raptu Eliæ in 2. Reg. 2. 1660. Librum Cosmof. colloquium de religione, hebr. & lat. c. n. eod. 4. diff. de longevitate primorum parentum, 1662.

XIV. LUCAS GERNLER, Theologus eruditione & exquisito iudicio præstantissimus, ortus est parentibus optimis, civibus Basiliensibus honestissimis, patre Johanne Gernlero, venerando ecclesiæ Petrinæ pastore, matre Maria Just, Henr. Justi, pastoris Petrini atque Professoris celeberrimi filia; incidit ejus nativitas in d. 19. Aug. a. 1625. A piis parentibus puer pie educatus fuit & gymnasio nostro publico commissus, quod cum a. 1640. reliquisset, humanioribus literis assiduam dedit operam, & in philosophicis scientiis haud vulgarem sibi comparavit cognitionem; utraque philosophica laurea ornatus ad altiora tetendit, & ad patris avique exemplum Deo atque ecclesiæ se totum devovit. In nova hac schola iterum omnem adhibuit industriam, sacram Scripturarum lectioni gnaviter incubuit, libros theologicos sedulus perlegit, linguas sacras exacte addidicit, exercitia disputatoria atque concionatoria frequenter pergit, sanamque atque solidam Theologiam ex puris præceptorum aliorumque auctorum fontibus hausit; non tamen philosophica neglexit, sed ex lectione auctorum optimorum & stilum suum formavit, latini sermonis puritatem atque elegantiam adsecutus, & historiarum, antiquitatum aliarumque utilissimarum rerum thesaurum collegit, ex quo mature nonnulla deprompta disputationibus philosophicis, physicis, ethicis atque politicis ab ipso emissis inseruit. Ante tempus consuetum sicut philosophicos honores obtinuit, ita & nondum finito theologi

logici studii tempore, scientia enim annos antevertit, a 1645. in numerum S. Ministerii candidatorum fuit receptus, præstitis cum laude iis, quæ erant præstanda. Minister ordinatus desiderio flagrabat & externas ecclesias visendi, & primo quidem se contulit Genevam, purioris doctrinæ sedem antiquam; hinc anno sequenti profectus, Lugdunum Gallorum atque Parisiorum Lutetiam, postea Angliam, in reditu Belgium atque Germaniam non tantum a limine salutavit, sed præcipue harum regionum Theologos celeberrimos inquisivit, a quibus humanissime exceptus multum honoris atque scientiarum accepit, quorum etiam multos sibi perpetuos amicos conciliavit, ut plurimæ ad ipsum datæ epistolæ hodie in archivo Ecclesiastico servatæ abunde testantur. In patriam reversus Gernlerus mox publicis negotiis fuit adhibitus. Initium fecit in aula nobilissimi ac strenuissimi Domini Joh. Lud. ab Erlach, Domini in Castell, christianissimi Galliarum regis præfecti militum, præsidis Rheni & gubernatoris Brisacensis, cui a concionibus fuit per octo circiter menses. Basileensis ecclesiæ communis Diaconus a. 1649. electus hocce munus omni assiduitate curavit. Triennio transacto duxit uxorem Mariam Magdalenam Zünger, Theodori Antist. filiam, quæ ei novem liberos peperit, quorum quatuor statim a partu, primogenitus Theodorus decennis & Lucas novennis, decesserunt; Joh. Henrico, Theodoro altero & Maria Magdalena, patri solatio relictis. A. 1653. Gernlero munus Archidiaconi fuit commissum & anno 1656. ipse S. Templi Pastor atque Antistes simulque d. 25. Jan. 1656. Professor Loc. comm. & controv. Theol. magno consensu fuit electus, quam spartam postea d. 3. Mart. 1665. cum V. T. professione permutavit, postquam antea d. 22. Apr. a. 1656. Theologiæ Doctor publice fuisset renunciatus, habita oratione de illustri quæstione: *An & quatenus electi de sua electione & salute hoc in seculo possint ac debeant esse persuasi?* Qua ratione, qua dexteritate atque prudentia, qua pietate atque diligentia, quo cum fructu atque utilitate Gernlerus singula hæc gravissima munia obierit, si esset commemorandum, integrum volumen esset scribendum. Sufficiat verbo significasse, eum ex asse omnibus satisfecisse officiis, fidumque se Deo præstitisse operarium, quæ summa laus jure habetur. Non possumus tamen

nobis temperare, quin nonnullas, pium ejus zelum te-
stantes, actiones notemus. Gernlerus primus fuit auc-
tor Magistratui fundandi orphanotrophæi domusque dis-
ciplinæ, & licet plures atque duriores ei positi fue-
rint obices, non tamen destitit, donec utilissimum hocce
institutum perficeretur. Formulam illam consensus hel-
veticæ novatoribus oppositam omni, quo potuit, ar-
dore urfit atque promovit, prudenti tamen usus mo-
deratione. Preces publicas hebdomadarias non nisi in
uno civitatis templo fundi solitas omnibus cœtibus fe-
cit communes. Sclopetariorum & Sagittariorum exer-
citia, ut & solennia in tribus celebrata convivio, ex
die dominica in profanos reiecit. Gymnasium nova classe
adauxit. Bibliothecæ Academicæ tunc cimeliarchio Amer-
bachiano, pretio 9000. florenorum comparato, & bib-
liotheca Hagenbachiana, ab ejus possessore testamento
legata, insigniter auctæ a Magistratu locum & amplio-
rem & augustiorem, quem adhuc occupat, impetravit.
Tempus denique advenit, ipsi quidem mature sed civi-
tati nostræ præmature, quo laboribus exemptus laboris
mercedem acciperet; ei hoc obtigit d. 9. Febr. a. 1675.
qua pia ejus anima corpore soluta ad cœlestia gaudia
fuit translata.

Præter complures *conciones funebres*, quæ junctim editæ
sunt 1678. 1685. 4. aliaque *conciones germanicæ*, editas, in
quibus notandæ XXX. quas tempore pestis in 2. Sam. 24. ha-
buit & edidit a. 1674. 4. Latina Gernleri scripta hæc sunt:
Diatribæ de origine animæ rationalis 1651. *Disputationes*
XI. in confessionem helv. 1661—1674. variæ aliæ *disser-
tationes Theol.* *Oratio* in obitum Seb. Beckii 1655. & *Joh.*
Buxtorffii 1665. *Oratio secularis de Academia Basil. ortu*
ac progressu 1660. opusculum, quod hodie adhuc plurimo-
rum admirationem, paucissimorum vero habet imitationem.
Nondum typis exaratum hinc inde adhuc reperitur *Collegium*
Gernleri in *Syllabum controversiarum Theol.*, non quidem
absolutum, morte, ut finem imponeret, ipso præpedito.

XV. JOHANNES ZUINGER, durum illud Pontificiorum
flagellum, usuram vitæ primam cepit Basileæ d. 26. Aug.
a. 1634. de stirpe genitus pia atque præclara, patre
nempe Theodoro Zuingero, S. Theol. Doct. atque Prof.,
ecclesiæque Basil. Antistite, matre vero Magdalena Bux-
torff, Joh. Buxtorffii S. Th. Doct. & Prof. filia. Puer
trivia-

trivialis scientiæ magistris traditus ipsorum auditiones adeo coluit adtente, ut jam a. 1647. in Academiam fuerit translatus. Hic otium & tempus in artibus ingenuis contrivit & omnibus disciplinis philosophicis eruditus a. 1648. primam lauream, annoque 1650. magisterii dignitatem obtinuit. Jactis feliciter fundamentis istis, animum jam ad altiora, nempe ad exemplum, monitum atque votum venerandi Parentis, proprio etiam genio invitatus, ad studium sacrarum Literarum adplicuit. Hoc fine Theologorum scholas frequenter adibat & ab eorum ore totus pendebat. Quamvis enim ingenio præ aliis polleret, non tamen, spretis Magistrorum consiliis, *αυτοδιδάκτος* esse studebat; quin divini memor præcepti legem ab ore sacerdotum petebat, probe perpendens, *αυτοδιδάκτους* facile in novatores degenerare, & plerumque in eorum censum venire, quos scientia inflat. Non tamen, quod alterum extremum est, in verba juravit magistrorum, sed ab iis audita domi exacte examinavit, an ita sese haberent; in lectionibus excepta privatim diligenter repetiit; ad lectiones audiendas rite se præparavit; Sacram Scripturam, systemata theologica, autoresque alios volvit atque revolvit; cum amicis de rebus divinis contulit; nec non publica exercitia disputatoria, in quibus mox actorem, mox defensorem, egit, frequentavit. Ita regni cœlestis res edoctus, & veteris novique Testamenti doctrina imbutus ex promptuario suo & recentia depromere potuit & vetera; adiit ergo sacerdotes, seseque iis ostendit examinandum, facultatem ab iis petens, & alios docendi, quæ ipse didicerat. Hæc haud gravatim ipsi concessa, isque a. 1654. S. Ministerio fuit initiatus. Peregrinandi dein eum invasit libido, & primo quidem linguæ gallicæ addiscendæ causa Genevæ contendit, ubi anno adhuc 1654. de peccato originali publicam disputationem sustinuit; Parentis lethalis morbi nuncio accepto, præcipitato cursu Basileam remigravit; post paternas exsequias, quibus vix interesse potuit, denuo Genevæ petiit, ibique germanici coetus pastor fuit electus. Cum autem continua ibi febre laboraret, post octimestre ex consilio medicorum Genevæ valedixit & Basileam rediit a. 1656. publice a se scriptam de Satisfactione Christi disputationem defendit. Eodem anno Heidelbergam, Ultrajectum, Amstelodamum, Lugdunum Bat., Groningam,

ningam, hinc peste pulsus Bremam, &, peste & hic grassante, Marburgum visitavit, Eruditorum præcipue consortium quærens atque amicitiam, quam & facile obtinuit. Hic postquam de libero hominis in conversione arbitrio publice disputasset, reditum in patriam paravit, in qua salvus advenit d. 3. Oct. 1656. eadem hora, qua in Senatu Academico *ομεθυμαδον* Professor Linguae Græcæ fuit designatus, quam professionem statim ipsis idibus Nov. fuit auspicatus. Sequenti anno fausto omine nuptias celebravit Græcus cum virgine non fide græca, *πιστον γαρ ελλας διδεν ουδεν*, sed virtute germana, Esthera Burcard, quæ eum undena prole patrem fecit, non nisi autem quatuor filii & unica filia ad adultam ætatem pervenerunt, ex filiis *Theodorus* fuit postea Med. Doct. & Prof. *J. Rodolphus* S. Th. Doct. & Prof. atque Antistes; *Jacobus* Chirurgus & *Johannes* Pharmacopola. Græcam cathedram Zuingerus noster omni fide ornavit; Philosophorum ordini adscriptus præter alia munia ipsi delata gessit curam Gymnasii atque Bibliothecæ Academicæ, illius Visitator hujus curator fuit diligentissimus; hoc posteriori munere inprimis oblectabatur, ut qui librorum avidissimus etiamque peritissimus erat amator. Electus autem fuerat Bibliothecarius a. 1662. cumque mox postea Bibliotheca Acad. insignibus accessibus locupletata in locum, ubi adhuc exstat, transferretur, Zuingerus is fuit, qui a. 1671. herculeo prorsus atque ingratisimo labore universam hanc bibliothecam disposuit, secundum facultates distribuit, numeris notavit, &, quod stupendum, integras voluminum scriptorum atque impressorum myriadas ordine alphabetico secundum scientias, scamna atque numeros propria manu consignavit, qui catalogus sex spissa volumina constituit, & pro hac laborum perfunctione honorarium aliud accipere noluit, quam Frobenianam operum Erasmi, cuius duo aderant exempla, editionem. Insuper, n. d. 21. Febr. a. 1665. gradus Doctoris Theologiæ ei collatus, dieque 3. Martii ejusdem anni is Professor Locorum comm. & controv. Theol. rite fuit electus. Hic autem nondum substitit, sed d. 21. Maj. a. 1675. ei V. T. & denique d. 10. Jul. A. 1685. N. T. professio fuit demandata. Quibus omnibus muneribus summa fide, diligentia atque prudentia perfunctus est usque ad beatam ejus *αναλυσιν*, quæ ei contigit catarrho apoplec-

apoplectica d. 26. Febr. a. 1696. cum lecto detentus studiis ex N. T. aliquid prælegeret atque explicaret. *Beatus sane est servus, quem, quum venerit ejus herus, offenderit officium facientem.*

Quantus fuerit Theologus Zuingerus noster, quam vastæ eruditionis, quantus heros in theologia præsertim polemica, speciatim adversus Pontificios controversiis, ostendunt ejus scripta, quæ hæc fere sunt: *Oratio de barbarie superiorum seculorum*, 1661. *Disputationes* 42. *de peccato*, 1668 — 1693. *de seculo corporis Christi* 6. 1682 — 1685. *de rege Salomone peccante* 28. 1687 — 1696. aliæque disputationes, tam philosophicæ quam theologicæ, plures,

XVI. PETRUS WERENFELS, vir de Ecclesia atque Academia nostra præclare meritus, in lucem editus est Lucisvalli, oppido ditionis Basiliensis satis amœno, idque d. 20. Maji a. 1627. parentibus J. Jac. Werenfelsio, tum Lucisvallenfi postea vero per 40. fere annos Martiniano pastore, & Jachele Ryff. Rudimenta studiorum puer sexennis posuit sub gymnasii Basiliensis magistris, & in eo ludo talia ingenii, iudicii, memoriæ atque diligentiae edidit specimina, ut facile esset conjicere, eum ad magna esse prognatum. Emenso gymnasii curriculo a. 1641. ad lectiones publicas, sequenti anno ad pensum secundæ classis philosophicæ & a. 1644. ad ipsum magisterium artium fuit promotus. Philosophicis studiis absolutis, quæ tamen postea haudquaquam neglexit, sed diem noctemque continuavit, præcipuum suum opus constituit divinorum eloquiorum indagationem, quam ut feliciter institueret, omni opere fuit adnissus. Comparatis iis, quæ Dei ministrum constituunt atque exornant, superatis etiam, quæ institui solent, speciminibus atque examinibus, a. 1648. verbum Dei publice prædicandi facultatem obtinuit, quam diligenter exercuit, tam in agro quam in urbe, præsertim vero parentis podagræ pastores vices sustinens. A. 1650. in aula illustri Comitis Friderici Casimiri antiquioris prosapiæ, comitis de Ortenburg in finibus Bavaricæ inferioris & Austriæ superioris, non procul a Passavio sacrum egit præconem. Triennio post, ut Basileæ communi Diaconatu fungeretur, revocatus advenit; mox vero petente reformato cœtu Argentoratensi, cui nuper Frider. Casimirus comes Hanoviensis in pago suo Wolphsheim

una ab Argentina hora distante ædificandi templi facultatem concesserat, a Conventu Basiliensi ecclesiastico pastor illius cœtus fuit destinatus. Anno elapso, qui erat 1655. Archidiaconus nostræ ecclesiæ electus huic muneri tribus lustris summa fide, cum vitæ etiam periculo, præfuit; anno enim 1667. & 1668. pestifera lue urbem nostram vastante, & Ministris S. Templi partim senio confectis, partim lue abreptis, onus fere omne ægrotos visendi atque consolandi cum beato Gernlero portavit. Jam a. 1656. thori sociam Werenfelsius noster sibi adjunxit Margaretham Grynæam, Samuelis Grynæi Pastoris Leonh. filiam, quæ ipsi quinque filios totidemque filias peperit, ex quibus 16. nepotes & 2. pronepotes prognatos vidit; in filiis præcipue nominandus Samuel Werenfelsius, Theologus atque Philosophus omnibus numeris absolutissimus. Ab Archidiaconatu Werenfelsius ad Pastorum Leonh. a. 1670. hincque a. 1675. d. 11. Maji ad S. Templi Pastorum fuit vocatus, atque postridie a summo Magistratu Ecclesiarum nostrarum Antistes atque Archidecanus constitutus; simulque d. 21. Maj. ejusdem anni cathedra Loc. comm. & controuv. Theol. a Senatu acad. ei fuit delata. Ab hac cathedra d. 10. Jul. 1685. ad V. T. & denique d. 15. Sept. 1696. ad N. Test. fuit translatus. Academicas istas functiones ut rite obiret, d. 5. Oct. 1675. publice sibi Doctoris Theologi titulum imponi passus est, postquam in actu promotorio disseruisset *de variis modis & methodis doctorum pontificiorum*, ut ajunt, *convertendi Acatholicos*, seu verius, *variis technis & methodicis pervertendi & ad Romanam communionem retrahendi vere Catholicos*. Denique cum Werenfelsius & in ecclesia & in academia utilitati communi diu atque fideliter servisset, eamque pro viribus a Deo concessis quam maxime promovisset, a supremo Ecclesiæ Pastore atque Doctore dimissionem obtinuit d. 23. Maj. 1703. & ex febre pleuritica defunctus præmia in cœlis tulit amplissima.

Testes eruditionis æque ac laboris, utriusque insignis, prostant conciones in *Dominicalia*, Bas. 1702. 4. itemque conciones grassante peste habitæ in *Pf.* 91. Bas. 1669. 4. nec non plures *dissertationes theol.* etiam *conciones funebres* atque aliæ CXCII. 6. spissa volumina conficientes; itemque oratio panegyrica sermone latino in *Lucam Gernlerum* Antistitem pie defunctum dicta d. 15. Mart. 1675.

XVII. JOH. RODOLPHUS WETTSTEIN, splendidissima olim Academiae Basiliensis corona, primam lucem intueri coepit in hac ipsa urbe Basilea d. 1. Sept. a. 1647. natus parentibus optimis, Joh. Rod. Wettstein, S. Theol. Doct. & Prof. & Margaretha Zæslin. Nostrium singulare familiae suae ornamentum futurum egregia & matura in puero indoles promittebat. In patria urbe postquam primis literarum elementis imbutus esset, ad Latinam Graecamque linguam exactius addiscendam & humanitatis studia ulterius prosequenda a venerando Patre Tigurum mittitur annos fere natus tredecim ad Casparum Suicerum, cujus ut & aliorum magistrorum fida institutione per biennium magno cum fructu fuerat usus; ad patrios lares reversus primam laboris mercedem, utramque nempe lauream philosophicam & quidem supremam a. 1663. dignus accepit. Latii Graeciaeque non hospes sed civis redditus Wettstenius jam in atria regis regum, in quibus diem unum praestat habitare quam alibi mille, penetrare desideravit. In devium autem cum facile deflectat iter incauta juvenus, fidos atque peritos ex consilio Parentis nactus est duces, Gernlerum atque Zuingerum, atque ab iis ut & ipso Parente scientiam accepit theologicam, & paucos intra annos summos in rerum divinarum cognitione fecit progressus, quorum primum exhibuit experimentum publicum, cum quarto studii theol. anno dissertationem de Justificatione peccatoris coram Deo adversus insurgentium objectiones mascole defenderet. Eodem tempore a. 1668. dignus fuit habitus, qui in numerum Evangelii ministrorum reciperetur. Wettstenium juvenem salis atticæque litteraturæ haud parum fuisse venatum, ex eo adparet manifeste, quod vacante apud nos a. 1667. cathedra græca non solum disputationem conscripserit sermone partim græco partim latino, sed & cum unus opponentium illi illusurus obsoletorum vocabulorum farraginem nullum prorsus sensum fundentem proposuisset, ipse statim fraudem detexerit, singula verba repetens, explanans atque unde desumpta essent aperiens. Adversarius vero cum vidisset, sibi non cum tyrone esse congreduendum, ad magis seria sese convertit; sed Wettstenius ab ipso postulavit, ut argumenta græca lingua proponere pergat, se Græce responsurum promittens; quod vero cum opponens licet græce doctissimus non

præstaret, Wettstenius objectiones latinas græce repetiit atque dissolvit. Hoc eruditionis luculentissimo specimine exhibito iter ingressus est literarium, & Helvetiam, Galliam, Angliam, Belgium, Germaniam non magis pedibus quam laudibus peragravit, ubique eruditissimorum virorum amicitiam comparans & bibliothecas perlustrans, ex quibus utilissima excerpta orbi fuisset communicaturus, nisi oculorum hebetudo continua lectione præmature attracta eum impedivisset. Suis restitutus primo à Senatu acad. a. 1670. Dialecticam vicario nomine docendi obtinuit officium; triennio post d. 19. Sept. 1673. Oratoriæ & d. 4. Jan. 1684. Linguae Græcæ ordinarius electus fuit Professor. Anno dein 1685. d. 2. Jun. una cum J. Jac. Hofmanno, Histor. Prof. P., Wettstenius ἀξιώμα Doctoris Theol., ambobus his cathedram Theol. ambientibus, publice à Ven. Petro Werenfelsio accepit, ejusdemque anni 10. Jul. Loc. comm. & controuv. Theol., d. 15. Sept. 1696. V. T. & denique d. 5. Oct. 1703. N. T. Professor fuit electus. Animus non est verbis deprædicare, quanta fide atque diligentia Wettstenius omnibus istis muneribus præfuerit; quicquid enim diceremus, infra meritorum ejus dignitatem subsisteret. Hoc autem adhuc commemorandum, eum matrimonium contraxisse cum Vrsula Mangold idque felicissimum; septemgeminam ex ea suscepit prolem, sed duo tantum filii tresque filiae parentis obitum luxerunt; major filiorum, Joh. Rodolphus, moriente patre, pastor erat Orphanotr., minor, Joh. Caspar, postea serenissimæ principis de Wallis fuit à Sacris & Bibliotheca. Denique Wettstenius febre peripneumonica & asthma spasmodico obiit d. 21. Apr. a. 1711.

Vivit tamen vivetque in scriptis, quæ sunt: Origenes contra Marcionitas &c. Gr. & Lat. cum notis plurimis, Bas. 1674. 4. Orationes IX. de Linguae Gr. Pronunciatione; pro fide Helvetica; de accentuum Gr. antiquitate & usu; de facto scriptorum Homeri; de fœderibus; de fide helvetica; de exilii miseria; de exilii solatio, Bas. 1686. 8. in gratiam etiam Joh. Felli contulit Photii Nomocanonem, suasque notas & V. L. cod. MS. Bas. ipsi novæ editioni inferendas amice communicavit. Exstant etiam variae Philos. & Theol. ejus Dissertationes; nec non thermæ Favarienses carmine elegiaco descriptæ, 1672. 4. historia vitæ & mortis Joh. Zuingeri, 1696. 4. &c.

XVIII. SAMUEL WERENFELS, Theologus ad unguem, in omnibus doctrinæ salutaris partibus probe subactus, filius fuit Petri Werenfelsii, S. Theol. Doct. ac Prof. itemque Sacrorum Antistitis Bas. & Margarethæ Grynææ; natalem diem coluit 1. Mart. a. 1657. Pater filium hunc, de quo, propter maturam in tenella ætate indolem, summa quæque ominabatur, habuit in deliciis, omnesque suas curas in ejus educationem defixit. Ipsum Deo ac patriæ consecratum primis literis in schola publica imbuendum curavit, in qua summo parentum atque præceptorum gaudio ingenii & eruditionis futuræ prima statim specimina dedit, commilitones omnes multis post se passibus relinquens; hinc a. 1670. gradum fecit ad Academiam, in qua non tantum linguam latinam atque græcam diligentius addidicit sermonisque latini elegantiae atque suavitati operam dedit, sed & animum suum omnis generis doctrina, præsertim saniori philosophia, excoluit. Quo factum, ut ipsi a sapientissimo Ordine a. 1671. primi & a. 1673. secundi atque summi in Philosophia honores decreti atque collati fuerint. Artibus philosophicis bene instructus ipsum jam Theologiæ studium adgreditur, & optima iterum usus methodo ante omnia una cum philosophia, quam nondum seposuerat sed diligentius porro exercuerat, linguæ hebraicæ atque græcæ sedulus vacavit, indignum ratus, se interpretem oraculorum divinorum profiteri, linguæque, qua consignata sunt, rudem esse atque ignarum; præterea etiam historiæ tam profanæ quam sacræ atque ecclesiasticæ notitiam comparavit ampliorem, utpote quæ ad recte intelligendas Literas S. multum conferret. In studium dein biblicum mente & animo totus institit, de legē divina, qua delectabatur, dies noctesque cogitans. Systemata etiam theologica, in quibus, quæ in Scriptura sparsa occurrunt, collecta & concinno ordine disposita sunt, diligenter perlegit, perpendit atque probavit. Sacro hoc adparatu instructus sese Theologis præbuit examinandum; & ab iis a. 1677. Ministerii Candidatus cum adplausu fuit receptus. Hoc examine superato iter instituit Tigurum, Bernam, Lausannam atque Genevam; ei peregre redeunti animus quidem fuit populum de suggestu concionibus instituere, sed cum afflictā valetudo corpusque debile duriores holce non ferret labores, aliam viam elegit, qua non minus Ecclesiæ

clesiæ patriæ prodesset, & totum jam se Academiæ consecravit. Proceres etiam academici, perspecta ejus voluntate atque eruditione, mox ei docendæ Logicæ vicarium commiserunt officium, polliciti, se, proxima data occasione, ordinarium munus ipsi delaturos; fidem servandi ansam Patres conscripti citius nacti, ei d. 21. Jul. a. 1685. cathedram græcam demandarunt. Anno sequenti nova cupido exteras regiones visendi eum incescit, & Gilberto Burneto Anglo & Frid. Battierio nostrate comitibus Heidelbergam, dein in Belgium, inde in Flandriam & Brabantiam, Frisiam, ducatum Bremensem contendit, & perlustrata magna Germaniæ parte integra valetudine domum rediit, & Græca publice docuit usque ad a. 1687. quo d. 18. Febr. ad Oratoriam fuit translatus; cathedra hæc fuit ipsi pergrata, eaque obeunda inprimis delectabatur, occasionem nactus, latini sermonis lepores, in quibus jucunda semper ipsi fuit oblectatio, recolendi aliisque commendandi. Sed eum ad majora destinatum divina providentia ad ipsam, cui ancillatur philosophia, vocavit theologiam, factum id est d. 15. Sept. 1696. quo, absque competitore, a Senatu acad. Professor Loc. comm. & controv. Theol. fuit constitutus. Eodem anno, & quidem d. 9. Jun., postquam in duabus prælectionibus, disputatione publica atque examine rigido solidæ suæ eruditionis & profundæ sacrorum elogiorum cognitionis documenta dedit certissima, a J. Rod. Wettstenio in splendidissima panegyri, in qua præter civitatis consules atque tribunos, utriusque ordinis senatores, antistites atque hospites innumeros, etiam sereniss. princeps, Fridericus Magnus, Marchio Durlacensis cum sereniss. conjuge & filio comparuerunt, Theologiæ Doctor fuit creatus; orationis, quam tum Candidatus habuit, hoc erat argumentum: *Qua ratione Pontificii doceant, hæreticis fidem non esse servandam?* In obeundo hoc munere id egit Werenfelsius, ut non controversias diu jam demortuas sed recentiores easque momentosissimas exactissimo judicio tractaret, easque clarius expositas solidissime refutaret. Hoc dum ageret animi recreandi causa denuo peregrinationem adgressus est primo Neocomum, ubi cum Frid. Osterwaldio, dein Genevam, ubi cum Alph. Turretino, & denique Lutetiam Parisiorum, ubi cum Bernh. Montefalconio, Benedictinorum literatissimo, arctissimam contraxit amicitiam.

etiam. Novis comparatis viribus ad pristina, in patriam redux, reversus negotia omni studio Nasiræis nostris prodesse laboravit. Sed aliud ei paulo post perficiendum obtigit pensum; die nempe 5. Oct. a. 1703. iussus est a Senatu Acad. Professionem V. T. in se suscipere; morem gessit Noster etiamque hanc spartam egregie ornavit, Hermeneuticæ S. præcepta tradens & Psalmos Davidis non tam theoretice quam practice auditoribus exponens. Circa hæc tempora illustriss. Frisæ ordines Werenfelsio nostro Professionem Theologicam in Academia Franequerana vacantem honorifice obtulerunt, quam vero ex Academiæ atque Ecclesiæ procerum ipsiusque Summi Magistratus voto atque precibus, qua potuit modestia, recusavit. Postea illustriss. Angliæ de propagando in partibus transmarinis evangelio societas, nec non deinceps Academia scientiarum regia Berolinensis Werenfelsium nostrum in collegium suum adsciverunt atque cooptarunt. Ineunte hoc seculo Osterwaldium atque Turretinum, cum quibus vetus ei intercessit necessitudo, repetitis vicibus maximo suo ac ipsorum gaudio visitavit; a. 1711. mortuo Basileæ altero ecclesiæ gallicæ pastore precibus Presbyterorum motus functiones pastorales aliquandiu summo cum adplausu concionando administravit noster Werenfelsius. Denique eidem ex decreto Academiæ Procerum d. 26. Maj. 1711. Professio N. T. obtigit, cui ad extremam usque senectutem omni fide vacavit, cumque senio impeditus id publice amplius præstare non posset, privatim id fecit haud exiguo auditorum suorum fœnore, quibus loco duarum lectionum hebdomadatim tres prælectiones dicavit. His omnibus laudabiliter perfunctus muneribus gloriosam vitam beata morte explevit d. 1. Jun. 1740.

Ejus lucubrationes, quæ, quoad bonis literis suum constabit pretium, maximi æstimabuntur, partim philosophicæ partim theologicæ, postquam variis vicibus sparsæ adparuerunt, tandem in unum corpus collectæ prodierunt Lausannæ a. 1719. forma quarta voluminibus duobus, quæ editio postea aliquoties apud Batavos fuit recusa. In istis autem, ut vocantur, Opusculis non continentur ejus conciones Gallice habitæ, quæ editæ sunt a. 1715. 8. & in germ. translatae a. 1717. Francof. 8. nec actus promotorius Hier. Burcardo Antistiti habitus, qui editus est Bas. 1709. 4. Singula autem hæcce opuscula

cula Simonem Grynæum, Ministrum Petrinum, in germanicum sermonem transtulisse scimus atque optamus, ut lectorum commodo typis expressa propediem divulgentur, quod utrique auctori haud exiguo honori cessurum confidimus.

XIX. HIERONYMUS BURCARD, Suada inprimis clarus, fatus est patre J. Balth. Burcard, Reipublicæ nostræ Consule, matre Salomea Gottfrid, & vitæ primordia cepit d. 30. Maj. 1680. In horum parentum sinu educatus per omnem honestarum artium cultum pueritiam transegit; in libris, chartis, noctu, diu, assiduus adeo profecit, ut in ipsa herba non obscure messem futuram ostenderet. Labores scholasticos emensus in Academiæ gremium fuit susceptus a. 1692. Neocommum dein missus, ut gallicam linguam addisceret, non solum huic linguæ sed & græcæ atque latinæ, etiamque ceteris Philosophiæ partibus adeo diligenter dedit operam, ut anno vertente redux lauream philosophicam & sesquianno circumacto Magistri artium titulum obtinuerit. Singulares in eo cum observarentur animi dotes, isque incredibili Deo in Ecclesia serviendi flagraret studio, parentes amplissimi voluntate suâ ejus accesserunt voluntati, hocque consensu Noster potitus d. 2. Nov. 1695. S. Theologiæ studio nomen optimis dedit omnibus. Jam omne tempus Literis tribuit sacris, sacraque studia omni coluit diligentia, eoque cum successu, ut omnibus, quibus pro more subiciebatur, censuris cum laude superatis a. 1699. Evangelium publice prædicandi facultas ipsi fuerit concessa. His peractis cum animo suo habuit statutum ac deliberatum, exterarum ecclesias, earumque doctores atque ritus propius cognoscendi, quod sibi in posterum usui fore rectissime judicavit; Belgium ergo, Angliam, Galliam atque Helvetiam peragravit & in istis regionibus solertissimum suum ingenium diligenter exercuit. Ab itinere redux citius diligentia præmia tulit, incipiens a ministerialibus officiis imis, ad summa non per saltum sed gradatim progressus munera. A. 1700. electus fuit pastor Orphanotrophei & a. 1701. ad D. Jacobi; d. 8. Aug. 1702. Diaconatum obtinuit Micropolitanum; ita primus existit gentis Burcardianæ, qui in urbe nostra ad Officium S. fuit promotus; d. 23. Oct. 1703. ad Elisabethanum, d. 1. Maj. 1708. ad Petrinum & denique d.

19. Mart. 1709. ad ecclesiæ cathedralis pastorem fuit vocatus. Eodem hoc anno pro more tunc recepto, quo singuli Antistites simul Theologiæ fuerant Professores; d. 22. Mart. Burcardo nostro professio Loc. comm. ac controuv. Theol. & denique d. 26. Maj. 1711. cathedra V. T. fuit demandata. Ut autem Theologicam professionem rite & cum dignitate obiret, more consueto a Facultate Theologica axiomâ Doctoris Theologi ex petiit, quod viro tantis donis ornato & tantam spem de se, tam præclare huc usque cunctis muniis perfuncto, concitanti neutiquam denegandum censuit, ideoque ad d. 25. Jun. 1709. promotore Sam. Werenfelsio, ingenti omnium ordinum confluxu & adplausu publice S. Theologiæ Doctor renunciatus est, cum prius *de ecclesiæ perennitate providaque Dei circa illam cura* erudite, solide & perspicue disseruisset. Vitæ torique sociam sibi elegit atque adiunxit Burcardus d. 23. Mart. 1703. Catharinam Ryhinar, quæ ipsi octo liberos peperit, quorum autem quatuor funera ipse curavit. Ex duobus ipsi superstitibus filiis totidemque filiabus præcipue nominandus est Joh. Balthasar, qui jam ab a. 1740. cathedram theologicam summo suo merito occupat, utque diu adhuc occupet atque exornet omnes desideramus atque optamus. Plurimis denique atque gravissimis, quos Antistes sustinuit, laboribus debilitatus angoreque pectoris laborans d. 7. Maj. a. 1737. animam Creatori reddidit.

Germanica lingua exarata & typis excusa hæc ejus habemus: Meditationes pœnitentiales 1725. 8. conciones funebres LXI.; concionem inauguralem templi Huningani, 1710; concionem ex occasione Jubilæi Reformationis habitam, 1719; aliasque aliis occasionibus editas. Latine autem præter nonnullas dissertationes theol. ejus exstat oratio panegyrica in obitum J. Rod. Zuingeri, S. Theol. Doct. atque Professoris itemque Antistitis habita d. 14. Nov. 1709.

XX. JOH. LUDOVICUS FREY, vir ille Dei omni præconio major, natus est d. 16. Nov. 1682. patre Joh. Ludovico Frey, Senatore, matre Maria Magdalena Gentler. In ipso disciplinæ publicorum atque privatorum Magistrorum tradito statim cœlestes illi mentis igniculi, qui postea tantum splendoris emiserunt, coruscare cœperunt; non tantum ea, quæ in scholis tradi solent trivialibus;

vialibus, statim mente comprehendit atque memoria tenuit, sed & literas coluit ad pensum ejus nondum pertinentes; puer enim decennis, ipse locuples est auctor, proprio Marte brevi tempore linguæ hebrææ, cujus postea fuit callentissimus, rudimenta ex Grammatica cepit. A. 1696. ex auditione istorum magistrorum egressus studio sapientiæ sese dicavit. Græcos Latinosque auctores melioris notæ ad unum omnes, hystoricos, philosophos, poëtas, oratores, perlegit; rationalem philosophiam, metaphysicam, Mathesin, Physicam, Opticam, philosophiam moralem non a limine tantum salutavit, sed in earum adyta penetravit. Jure igitur merito liberalium artium Magister ab ordine sapientissimo fuit creatus a. 1699. ejusdemque anni d. 16. Maj. Theologiæ studiosum sese profiteri cœpit, qualemque ore scriptoque professus est, talem & ipso facto præstitit. Ampliorem hebraicæ linguæ cognitionem comparavit ex institutione Jac. Buxtorffii. Theologiam saniozem hausit ex ore Wettstenii & utriusque Werenfelsii, Patris & Filii, quos non solum publice privatimque docentes audivit sedulo, sed & sectari omnibus viribus contendit. Pro ingenii felicitate & indefessa sedulitate non tantum intra Sacris destinatum quadriennium Theologiam quoad omnes ejus partes diligentissime profecutus sed & philosophicis studiis, quæ ei adeo in deliciis erant, adhuc fuit immoratus, quin linguæ etiam chaldaicæ, Syriacæ atque Arabicæ adeo diligentem navavit operam, ut haud vulgarem earum linguarum notitiam, nullo usus duce, acquisiverit. Ipso petente a. 1703. post consueta examina, in quibus conceptæ de se exintia spei ex asse satisfecerat, catalogo Evangelii ministrorum fuit insertus. Eruitionem locupletaturus eodem anno & alias adiit Academias, Tigurum Bernamque transiens Genevam contendit, ibique transacta hyeme Lugdunum indeque Lutetiam Parisiorum eo potissimum scopo sese contulit, ut ab Abbate de Longuerue pleniorẽ in lingua Arabica notitiam acciperet; ad propositum etiam ibi pervenit finem; humanissimus nempe Abbas perspecta juvenis cupiditate ejusque in hac lingua satis magna peritia, operam suam ultro ipsi obtulit, quam avide arripiens Noster quotidie a summo mane usque ad meridiem eum visitavit & historiam Timuri explanantem audivit. Mense Augusti 1704. reliquit Lutetiam, & in Belgium sese contulit,

contulit, quo lustrato sequenti anno per Germaniam reversus patriam petiit. Suis jam prodesse cupiens aliquoties sacros sermones publice habuit, &, quo magis inclinabat animus, Theologiæ studiosis collegia aperuit tam theologica quam philologica, præsertim lingua hebraica eos instituens, idque ex Senatus Acad. auctoritate, qui eum linguas orientales, hebræam, Arabicam, Syram, Persicam &c. docere iussit. Occasio etiam una atque altera tum ipsi fuit oblata in arenam academicam descendendi, semel vacante cathedra linguæ græcæ, iterumque cessante historiarum professione, quarum illa Sam. Battierio, hæc Jac. Christ. Iselio, haud invidente Nostro, obtigerat. Janua quidem Freyio nostro in Ecclesia Deo serviendi fuit aperta, cum a. 1710. ad pastorem Huninganum vocaretur; sed subito rerum facies fuit conversa. A. 1711. vacantem cathedram Theol. duo viri raræ eruditionis, Jac. Christ. Iselius, Hist. Prof. & Freyjus Huninganus pastor, ambierunt pariter idque magnis conatibus, adeo ut Patres acad. dubios redderent, cui palmam deferrent; tandem, auctore Sam. Werenfelsio, d. 15. Sept. h. a. hæc causa ita fuit decisa, ut Iselius Loc. comm. & Controv. Theol. Professor nominaretur, Freyjo vero Iselii cathedra historiarum cum titulo atque officio Professoris Theologiæ extraordinarii singulari suo merito decerneretur. Nactam duplicem spartam Freyjus omnibus viribus exornare contendit, & quidem quo Theologiam secundum Academicæ decreta rite profiteretur, uno actu cum Iselio d. 23. Aug. 1711. ab Hieron. Burcardo Antistite Theologiæ Doctor fuit creatus, habita oratione *de admirando Evangelii progressu*. Ab hac historiarum ordinaria & Theologiæ extraordinaria professione vocatus fuit ab ipso Civitatis Senatu majore d. 20. Maj. 1737. ad ordinariam V. T. Professionem, quam, dum vixit, retinuit, & summo auditorum emolumento administravit. Theologus ceterum fuit Freyjus incomparabilis. Plerumque fieri solet, ut Theologi suas operas partiantur, & in una tantum vel altera Theologiæ parte excellent: sunt qui totos se dedunt lectioni Scripturæ S. & scrutationi sensuum ejus profundorum; alii locis communibus; alii controversiis; alii casibus conscientiæ & praxi; alii philosophiæ; alii philologiæ ac linguis orientalibus; alii historiæ sacræ atque Ecclesiæ patribus incumbunt.

Noster

Noster vero ingenii felicitate, membræ capacitæ & studii sedulitate admiranda hæc omnia ita conjunxit, ut in quanam parte magis excelluerit, aut plus potuerit, definiri vix possit. Sed aliis inserviendò denique quoad corpus consumtus fuit, spiritu astra petente, d. 28. Febr. 1759.

Scripsit dissertationem de natura mentis humanæ 1699. de sententia Mohammedis de Jesu Christo 1703. de conjungendò studio linguarum orient. cum studio linguæ Græcæ 1705. de Cyro 1706. de officio doctoris christiani dissertationes 4. 1711—1715. porro edidit excerpta ex commentario Ms. R. Aharonis hebr. & lat. c. N. Amst. 1705. Suiceri thesaurum eccles. auctiorem & correctiorem edidit Amst. 1728. 2. T. fol. *Aerlæva* Joh. Grynæi Theologi cum ejus biographia 1746. 8. symbolam suam, quoad orientalia, anglica atque basiliensia contulit ad majus Lexicon historicum 4. T. in fol. hic impressum; patres Apost. cum suis aliorumque notis nitidissime Gr. & Lat. imprimi curavit Basileæ a. 1742. 8. denique epistolam emisit apologeticam ad Jac. Krighout, 1754. 4. Post fata rei theologicæ prodesse studuit non tantum legato florenorum centum augendæ Bibliothecæ alumnorum Collegii superioris destinatorum, sed & præsertim instituto nobilissimo, quo ordinavit, ut a designatis curatoribus vir constitueretur idoneus, qui Theologiæ cultoribus absque eorum impensis per singulas hebdomadas aliquot lectiones habeat theologicas atque philologicas, & subinde vel dissertationem vel orationem edat, cujus argumentum sit vel demonstratio veritatis atque divinitatis Scripturæ S. vel genuinæ ejus explanationis vindiciæ, vel denique pax atque concordia christianorum. Huic instituto adnexuit bibliothecam suam exquisitissimam, volumina 8. millium comprehendentem & 20. millium florenorum pretium excedentem, una cum domicilio satis spatioso, atque amœno; cetera huc pertinentia in vita Joh. Grynæi Theologi occurrent. Primum lectorem ipse dixit collegam suum atque cognatum, de quo statim tanquam ejus successore nonnulla dicenda.

XXI. JAC. CHRISTOPHORUS BECK, vir commodis studiorum atque studiosorum natus, quem Deus rebus nostris diutissime adhuc interesse atque præesse patiatur, annum natalem habuit hujus seculi undecimum diemque natalem Martii 1. Parentes honestissimi hunc suum filium ingenio optimo præditum & incredibili literarum studio flagrantem videntes, divinæ providentiæ filique indoli adversari religioni duxerunt, quin, quæ ab ipsis dependebant,

pendebant, quæque filii propositum promovere posse credebant, omnia promtissimo contulerunt animo. Suo igitur genio relictus omnibusque subsidiis instructus, a prima juventute elegantioribus literis egregiam navavit operam. In numerum philosophiæ studiosorum a. 1725. receptus id egit sedulo, quod verbis fuit professus, omnesque philosophiæ partes diligenter tractavit. Accepto laborum præmio, prima Laurea d. 3. Jun. 1727., philosophiæ vero doctoris titulo d. 31. Maj. 1729. ad altiora scandere cœpit, Deoque olim in ecclesia vel academia servire cupiens d. 1. Dec. a. 1728. theologicæ matriculæ nomen inscripsit. Quantum & in hac schola profecerit, suis examinadoribus, ecclesiæ, academix multis modis, universo etiam orbi suis scriptis probavit abunde, ut verbis haud sit opus, cum res ipsa alta voce loquatur. Tam in philosophicis quam in theologicis adiutorem habuit singularem Jac. Christoph. Iselium, Theologum nostrum celeberrimum, ipsique adeo fortunato esse contigit, ut per aliquot annos hospitio atque familiari adloquio magni hujus viri uteretur. Tentaminibus atque examine pro S. Ministerio a. 1732. summa cum laude superatis, operam suam pastoribus in agro atque civitate obtulit atque commodavit; etiam jam Professor in templo nostro Leonhardino aliquoties concionatorem egit; quam nervose id præstiterit, ex collectione concionum Altmanniana, in qua duæ ejus conciones occurrunt, conjici potest. Ipsum ad utrumque, non saltem ad docendum de suggestu sacro, sed & de cathedra academica, esse paratum, mox docuit specimine publico, quod d. 13. Nov. 1733. pro vacante cathedra rhetorica exhibuit; quadriennio autem post, edito iterum specimine, ipsam historias publice docendi provinciam d. 12. Sept. 1737. favente sorte obtinuit. Hanc dum ornaret cathedram, complures historici potissimum argumenti edidit dissertationes, itemque vindicias musarum helveticarum, quæ in Tempe Helv. leguntur. Magnum etiam molitus est opus historicum cum amico, Aug. Joh. Buxtorffio, pastore, nempe supplementum lexici historici universalis, quod Basileæ prodiit 2. Vol. in Fol. a. 1742. & 1744. hoc eodem anno posteriori Tiguri excudendam curavit introductionem in historiam Helvetiorum, quæ ibidem a Sprengio nostro in linguam germanicam translata ipsius cura recusa fuit

a. 1768. Simplici labore vir laboriosissimus non contentus ecclesiæ atque academix simul inservire ut posset quæsit, ideo cum a. 1740. theologica cathedra vacaret, eam ambivit; hoc scopo primum d. 27. Sept. 1740. pro dignitate Doctoris S. Theologiæ rite consequenda dissertationis de fide hominis christiani partem priorem, & d. 25. Nov. 1740. ejusdem partem alteram pro cathedra theol. obtinenda publice defendit, sortem fatalem expertus. A. 1744. iterum vacuam cathedram theologicam d. 6. Jul. novo specimine de Confessione fidei basileensis ecclesiæ petiit, & cum nullum competitorum haberet, d. 8. Jul. omnium suffragiis obtinuit. Eodem etiam adhuc anno d. 28. Oct. a Collega Joh. Balth. Burcardo Theologiæ Doctor creatus fuit atque renunciatus. Hanc, quæ Locos comm. & controversias Theol. tractandas præcipit, provinciam sedulus administravit usque ad a. 1759. quo ex procerum acad. voluntate professionem V. T. administrandam suscepit. Porro a. 1757. communi commodo Vrsitii historiæ basiliensis epitomen in germanicam linguam conversam multisque additamentis locupletatam; eodemque anno fundamenta theologiæ naturalis & revelatæ; nec non a. 1765. Synopsis institutionum universæ Theologiæ; itemque a. 1770. concordantias biblicas verbales atque reales Germ. 2. Tom. in Fol. evulgavit. Jam a. 1738. d. 11. Nov. D. Hier. Burcard, Antistitem, & d. 18. Apr. 1760. D. J. Lud. Frey oratione panegyrica laudavit, quæ utraque typis excusa prostat. Rogatus a Ven. Conventu eccles. a. 1753. libellum lingua germanica composuit, quo dogmatum separatisticorum falsitas detecta refutatur. Alios labores chartæ, laudesque promeritas, modestiæ Beckii parentes, silentio præterimus. Hoc unum addimus, ipsum, Lectorem Instituti Freyio Grynæani ab ipso Freyio designatum, non tantum prælectiones præscriptas ab a. 1759. huc usque diligenter habuisse, sed & jam XIII. dissertationes philologico theologicas, ut institutum postulat, publici juris fecisse. Basilea erudita, quam magno studio exaravit, preloque paravit, typographum, cum eruditorum cohorte, expectat. A triginta jam annis Bibliothecarii vices summa cum diligentia sustinet; Rectoratum acad. IV. Decanatum vero Theol. XIII. gessit. Dulci interim a 30. circiter annis fruitur, & pro votis nostris adhuc diu fruetur,

fruetur, conjugio cum Maria Magdalena Zuinger, J. Rodolphi Medici filia, ex qua filium filiamque suscepit, quos ante plures jam annos acerbo fato sibi ademptos deflevit.

P R O F E S S O R E S N O V I T E S T A M E N T I .

I. OSWALDUS MYCONIUS, qui & Molitoris nomine venit, (Geishüsler) natus est Lucernæ Helvetiorum sub annum 1488. ibique tyrocinii rudimenta posuit atque deposuit. Studia prosequuturus Basileam petiit a. 1510., ibique a. 1514. Decano Philof. M. Petro Wenck, S. Theol. Baccal. Philosophiæ Baccalaureus fuit creatus. Perspecta Viri eruditione atque diligentia primo ad D. Theodorum, dein ad S. Petrum ludimagister publica auctoritate fuit constitutus. Hoc munere aliquot annis perfunctus eundem laborem suscepturus a. 1516. Tigurum vocatur, ibi ministerio etiam ecclesiastico adhibitus per triennium substitit & Lucernatum scholam primariam rectorus Tigurinis valedixit. In patria partes duriores sibi impositas egit optime & juventutem sibi commissam omni fide literis melioribus instruxit; cum autem purioris doctrinæ evangelicæ præcepta discipulis instillare inciperet, a. 1523. dimissus & a Geroldseckio Monasterii Eremitæ Helvetiorum curatore, non sine permissu magistratus pagi Suitensis, expetitus fuit, ut Monachis illic degentibus Theologiam prælegeret; undè anno sequente Tigurum vocatus, non sine dolore Geroldseckii, discessit & ad pristinos labores fuit reversus. Zuinglio autem in pugna capellana a. 1531. interemto, sibi metuens, denuo venit Basileam, idque stimulante Thoma Platero, ibique d. 22. Dec. 1531. Pastor ad S. Albani eligitur. Vix autem cum hujus muneris auspicia cepisset, Oecolampadio pie defuncto successor datur & in summi templi pastorum inducitur a. 1532.; quam vero stationem vir modestissimus non nisi sub hac conditione accepit, ut sibi cedere liceat, quamprimum se dignior fuerit repertus. Una cum isto pastorum ecclesiarum Basiliensium inspectionem obtinuit, nec hanc tantum sed & cathedram N. T., quam a. 1532.

occupavit, fidem faciente programme Oswaldi Beri hoc anno typis vulgato. Theologiæ Doctoris autem gradum, quem leges academicæ a professore publico postulant, accipere noluit; potius professione abire quam istud nomen adire paratus. Nec desunt, qui adfirmant, ipsum ex dicta causa professione sese abdicasse; sed firmioribus documentis potest probari, ipsum publice in N. T. legisse adhuc a. 1541. non in ordinaria quidem sed peculiari, quæ adhuc hodie visitur, cathedra. Ceterum Myconius, perhibente Lycosthene, vir erat eruditione, sanctitate ac innocentia vitæ inprimis clarus, & eruditionis nomine Erasmo atque Glareano, quorum discipulus fuit, haud parum æstimatus. Inter ipsum etiam & pictorum principem, Joh. Holbenium, intercessit notitia, ex qua derivandum, quod Holbenius in exemplo Erasmi encomii moriæ ad Myconium pertinente animi causa varias figuras ad marginem penna designaverit, quæ artificiosissimæ figuræ postea æri fuere incisæ, sed successu nequaquam optimo, ut cuilibet has cum holbeniana pictura in bibliotheca publica Basil. adservata conferenti primo statim adspectu patebit. Objicitur quidem a nonnullis Myconio, quod quoad doctrinam de S. Coena steterit a partibus Lutheri; sed gravia sunt, quæ in contrarium possunt adferri, quæ vero hic diducere nec scopus permittit nec spatium; ipsa autem ejus scripta mox nominanda quemlibet lectorem evincant contrarii. Postquam Myconius per xx. circiter annos dextre atque diligenter sacra obiisset publica, d. 15. Mart. a. 1551. in summo templo vix dimidiam horam concionatus ex *λεωποδυμια* in suggestu concidit, a quo tempore ex S. C. Thomas Geyrfalck pastor Elisabethanus & summi templi diaconus ipsius vices gessit, donec d. 15. Oct. a. 1552. beata morte obdormivit.

Scriptum atque typis editum reliquit epistolum laudem Helvetiorum complectens; Tig. 1518. Commentarium in Glareani de Helvetia carmen, primum sub nomine Osw. Myconii, Lucernani, Bas. 1519. 4. & dein sub nomine Osw. Molitoris Lucerini ib. 1554. 8. Suasoria ad sacerdotes helvetiæ, ut de Tigurinis male loqui desinant, Tig. 1524. 4. Narrationem de vita & obitu Zuinglii, in epistolis Zuinglii & Oecolamp. Bas. 1532. 4. & 1536. fol. Tractationem de liberis recte & ingenue educandis; de crapula & ebrietate; de fœnore & usura. Expositionem in Evangelium Marci, 1534. Enarra-

Enarrationes in Ps. Cl. Bern. 1548. Oecolampadii catechismum ex germ. vertit in latinum, 1545. Confessionem fidei Basiliensem jam a. 1530. ab Oecolampadio compositam & ad comitia Augustana missam a. 1534. aliquoties edidit cum glossis. Ab ipso etiam atque symmisticis in synodo Basil. 1536. exarata & postea Wittenbergæ Luthero oblata fuit confessio helvetica, quæ prior solet vocari; epistolam misit paræneticam ad fratres ditionis Bas. complectentem, quomodo se docendo gerere debeant præsentibus turbis, prid. cal. Febr. a. 1534. Epistolæ ejus ad Bullingerum occurrunt in Füslini Ep. Ref. Cent. I. n. 32. 34. 35. 38. 43. 46. & 47. nec non epistolæ ad Calvinum in epistolis Calvini Gen. 1586. fol. p. 40. 44. 57. & 79. Præfatus etiam est in Oecolampadii enarrationes in Matthæum & Marcum. Inedita reliquit commentaria in Esaiam, Jeremiam, Jonam, Matthæum, Lucam, Johannem &c. nec non descriptionem tumultuum Bernensium subditorum a. 1528. & 1529.

II. SIMON GRYNÆUS bono publico natus est circa oppidum Sueviæ Veringen, ditionis comitum de Hohen-zollern, a. 1493. parentibus nobilitatis antiquissimæ, agriculturæ nempe deditis; horum provida cura primum in patria dein Pforzhemii, ubi Melanchtonem habuit condiscipulum, literis fuit institutus. Hinc Viennam Austriæ concessit, omneque tempus studiis dedit; ibi liberalium artium magister creatus literarum græcarum cathedram conscendendi mandatum accepit; has literas cum aliquandiu Viennæ docuisset publice, & studio medico atque theologico operam dedisset, Budæ per aliquot annos scholæ præfuit. Hic ob puriorem religionem, quam agnitam adferebat, pericula obiit atque labores, quin Monachorum technis in carcerem conjectus nobilium Hungarorum intercessione ægre libertatem obtinuit. Relicta Pannonia Wittenbergam pervenit, ubi Luthero & Melanchtoni propius innotescens de variis religionis capitibus cum ipsis contulit. Hinc in patriam reversus a Ludovico Electore Palatino a. 1523. Heidelbergam, ut græcas literas doceret, fuit vocatus, quod magna dexteritate præstitit, evangelicæque doctrinæ subnascentis primordia plurimum promovit. Cum a. 1529. religionis causa conventus Imperii Spiræ Nemetum indiceretur, a Principe suo illuc missus Grynæus Fabrum audivit pro concione dogmata quædam sibi falsa visa pertinacius defendentem, cumque in platea offensum ad

blandum colloquium invitavit; quod cum Faber declinaret, dolere se, inquit Grynæus, virum eruditione & auctoritate pollentem manifestos errores, apertis Scripturæ S. & primæ ecclesiæ testimoniis contrarios defendere; additisque aliis paulo falsioribus, tandem Faber, cognito Grynæi nomine, obtestans amicitiam in crastinum ad longius colloquium ipsum provocavit, quod Grynæus, serio secum agi putans, promisit. Vix vero relicto Fabro ut ad suos rediit amicos Grynæus, & mensæ adsedit, senex quidam singularem gravitatem vultu, oratione & habitu præ se ferens, ignotus omnibus comparet, & Melanchtoni evocato ostendit, jamjam lictores regis jussu adfore, qui Grynæum prehensum in carcerem abducant. Quo facto Melanchton illico Grynæum ad Rhenum deduxit sicque hic periculum evasit. Jis autem vix digressis, lictores Grynæum petituri aderant, quibus infectis rebus erat recedendum. Inquisitum postea fuit diligenter in illum senem, sed nihil de eo potuit compertum haberi, usque adeo, ut fuerint, qui angelum crediderint. Grynæus Heidelbergensibus redditus mox a Basiliensibus invitatur, ut in academia sua literas græcas profiteretur. Ipsemet Oecolampadius d. 31. Mart. 1529. Grynæo hanc in rem in aliis ita scripsit: *Gymnasium literarium hic negligebatur, nunc illud non modo instaurare, sed nobilitare cogitamus, cupientes cum pietate bonas plantari literas. Atque ob eam causam, bonos eruditosque viros, quotquot alere poterimus, advocamus, invitamusque; justis etiam suntibus neutiquam parsum, sed dignis stipendiis incitaturi. Porro quoniam per amicos cognovimus, quo pacto istic res tuæ habeant, Et quam non abhorreat a sinceritate fidei animus tuus, quæ plerisque concessa non est: unde spei quippiam est, te quoque induci posse, ut hac migres, professione græcarum literarum functurus. Quod munus hic obire si non detrectabis, dabimus operam, ut non penitendo salario hic agere queas, Et ampliore quam ulli professorum hactenus nostri numeravit. Ita enim mihi de benevolentia Senatus persuadeo. Tribunus plebis, nunc primaria in hac urbe auctoritatis, ante annum cum legatum civitatis nostræ apud Principem vestrum ageret, morum tuorum suavitatem, sermonis comitatem, ac boni nominis fragrantiam, adeo bene erga te adfici cepit, ut nihil non quod honeste poterit, tuo nomine, in tui gratiam facturum*

facturus sit. Te enim, ut pios omnes, amat ac observat, etiam desiderat: eoque conscio tibi scribo, beatos nos eximimus, si te collegam habituri simus. Bene vale, mi Simon, venique statim. Hanc conditionem accepit Grynæus & literas Græcas publice docuit. Etiam cathedram Theol. extra ordinem conscendere iussus epistolam ad Romanos explicavit. Sequenti anno, 1530., in Angliam profectus aliquot ejus regni bibliothecas, juvante eum Thoma Moro, oculis lustravit; hoc honoris ibi habitum fuit ipsi, ut ejus effigies in bibliotheca anglicana regia inter Theologos Helvetios poneretur. Anno deinceps 1534. ab Huldrico principe Württembergico cum aliis Tubingam vocatus est Grynæus, ut scholam atque ecclesiam ibi reformaret. Inde biennio post Basileam reversus, a. 1537. Erasmo ægrotanti & morienti, variis ipsi pietatis præstitis officiis, ad extremum usque halitum adstitit & N. T. ordinarium egit professorem. A. 1540. Melanchtoni, Capitoni, Bucero, Calvino aliisque ad solenne colloquium Wormatiense proficiscentibus adjunctus fuit socius magistratus nomine. Biennio ante lis Grynæo fuit mota a Carolo studio ob gradum Doctoris, quem accipere renuebat; Carolo studio nempe postulavit a Grynæo, ut, si sacras Literas docere vellet publice, Doctorem se renunciari pateretur. Missi componendæ liti ab Argentoratensi magistratu Capito, Bucerus atque Sturmius, qui nihil profecerunt. Casparus etiam Hedio periculum fecit, Grynæum a sententia revocandi, eique formulam proposuit, qua ipse a Joh. Eberbachio, Parocho Moguntino, Theologiæ Doctore, Moguntinæ Theologiæ Doctor fuerit proclamatus, quæ hæc fuit: *Ego, auctoritate non Romani Pontificis, sed Christi Jesu, cælestis Doctoris, cui Pater testimonium dedit: Ipsum audite; qui suis discipulis dixit: Ite, docete omnes gentes: Te Casp. Hedionem &c. sed & iste nihil effecit, Grynæusque in sententia perstitit.* Rec-toris Acad. tamen munus accepit a. 1541. quò eodem anno 1. Aug. ex peste obiit. Deploravit eum Basilea ut virum non solum linguarum, Latinæ, Græcæ atque Hebraicæ, peritissimum, non solum tanquam matheseos quin universæ philosophiæ callentissimum, sed quam maxime ob Theologiæ profundam cognitionem & ante omnia ob pietatis vere christianæ exercitium, cujus exemplo vivo jam carere habuit necesse. Duas

duxerat Grynæus uxores; unam Heidelbergæ a. 1523. Magdalenam Spirensē infœcundam, alteram Catharinam Lombardiam, ex qua unicum sustulit filium, sed qui plurimum loco esse possit, Samuelem J. C. de quo suo loco.

Scripta Sim. Grynæi sunt: Præfatio in Plutarchi vitas Latine & Græce impressas, Bas. 1533. præf. in Euclidis elementa geometrica græce excusa, de disciplinis mathematicis, ib. 1533. Præfatio in Pollucis Onomast. ib. 1536. historia vitæ & obitus Joh. Oecolampadii, quæ præmissa est commentario Oecolampadii in Ezechielem itemque epistolis Oecol. & Zuinglii. Præclare etiam de Astronomia meruit, magnamque apud illius cultores inivit gratiam, quod primus cum præfatione edidit textum græcum *magna compositionis Ptolomæi cum commentariis Theonis Alex.* Bas. apud Walderum 1538. fol. nitide excusum. Præfationes in scriptores novi orbis, in Absyrtum & reliquos Græcos Hippiatros, in Lexicon Græco Latinum, in Justinum, in Hugonis Latimeri orationem de regni statu per Evangelium in Anglia reformando &c. Opera Platonis a Marf. Ficino versa emendavit, Bas. 1539. Somnium ad Jac. Sturmium carmine heroico, ib. 1541. Medicinæ encomium ib. 1542. 8. de meteoris ignitis & cometis, 1580. Basiliensium Monumentorum antigrapha, 1602. Lignit, 8. Ex Græco in Latinum vertit ac edidit Agelilai vitam in Parallelis Plutarchi. Plutarchi libellum; *fitne rationis aliqua in bestias vis.* Bas. 1534. Aristotelis elenchorum l. 2. Ejusd. libellum de virtutibus & de mundo. Homilias Chrysostomi in I. ad Corinth. a 21. usque ad 44. Ejus ad Calvinum & Farellum occurrunt epistolæ in epistolis Calvini, Genev. 1576. fol. pag. 362. 363. 364. 365. Ab hæredibus inedita servantur: commentarius in ep. ad Romanos; liber de cœna Domini; nec non opus epistolarum &c.

III. WOLFGANGUS WISSENBURGIUS Basileæ natus a. 1496. patrem habuit Jacobum, senatorem pium atque integerrimum. Wolfgangi, seu potius Guolphangi, nomen Noster peculiari occasione obtinuit. Parentes ejus, ut prolem masculam consequerentur, ad thermas Badenses Marchionis abivere, hocque nomine in itinere prope Argentinam in æde S. Guolphangi preces fuderunt. Noctu insequente somniabat mater, preces suas intercessione S. Guolphangi esse exauditas, ideo in honorem hujus Divi filio nato ejus nomen indiderunt pii parentes. Prompto felicique ingenio puer bonis literis mature atque diligenter operam dedit, a pio quodam sacerdote

sacerdote Monacho Basileæ in suburbio, quod a Lapidibus nomen habet, prima rudimenta edoctus, sub quo adeo profecit, ut a. 1510. ad lectiones publicas admiffus, deinceps a. 1512. Laureatus Artiumque postea Magister fuerit promotus. Vfus est eo tempore in disciplinis mathematicis præceptore Henrico Glareano, ea felicitate, ut Mathematicum professio ei a. 1520. demandaretur, cui diu cum fructu vacavit. Sacro interim studio operam dedit diligenter & a. 1522. sacerdos fuit inauguratus. A. 1524. parochia in æde Franciscanorum & Xenodochio ei fuit commissa, in quo munere Christum mascule & summa diligentia prædicavit, atque lectis Martini Lutheri scriptis, Oecolampadio confestim se junxit, cujus postea in restauranda ecclesia fidum & strenuum egit adiutorem. Primus is fuit, qui in ecclesia sua Missam germanica lingua legit. Religionis mutatione a. 1529. feliciter expedita, & civitate tota in quatuor parochias divisa, ipse Transrhenanam fortitur; in qua functione quum multo ecclesiæ emolumento per undecim annos fuisset versatus, a. 1541. S. Grynxo in Professione N. T. succedit, postquam anno superiore 5. Cal. Nov. exhibitis eruditionis suæ secundum novas institutiones speciminibus publicis S. Theologiæ Doctor, isque post Reformationem primus, Decano & promotore Andrea Bodensteinio Carolostadio, solenni ritu fuisset designatus. Professor dictus pastortui quidem valedixit, tamen ad aliquot annos Archidiaconi Truckenbrothii vices egisse legitur. Denique mortuo Carolostadio a. 1544. pastortum Petrinum suscepit, quem per decennium industria & fide optima administravit. Cum vero jam per 40. fere annos ecclesiæ & academix inserviisset, & inserviundo consumi inciperet, atque senectutis, ut querebatur ipse, tardioris jamque non bene memoris, impeditæ quoque vocis difficultate laboraret, pastoris munus resignavit, retenta tamen adhuc professione, qua vero & mox a. 1554. sese abdicavit, rude, quam meruit, donatus. Reliquum vitæ tempus piis meditationibus & studiis privatis impendit, donec senectutis sarcina pressus & laboribus exhaustus, cum per aliquot annos graviter decubisset, d. 9. Mart. 1575. vita decessit.

Ejus scripta hæc fere sunt: Descriptio terræ sanctæ, Scripturæ S. accommodata. Oratio de auctoritate Synodorum &
 E 5 de

de vero usu cœnæ Domini. Ptolomæum adornavit novistabulis. Varias epistolas nonnullis auctoribus editis præfixit. Jussu Magistratus 20. theses theol. erroribus Leonhardi prædicatoris petrini oppositas publice defendit a. 1524. Iterum 20. theses theol. edidit a. 1540. Excerpta ex Patribus doctrinam de S. Cœna spectantia fecit, quæ lingua germ. cum ejus præfatione edita sunt Basil. 1561. 4. In epistolis Reform. Füsclin. Cent. 1. n. 98. & 99. ejus leguntur epistolæ,

IV. SIMON SULCERUS, cum Wissenburgerus, ipso petente, rudem accepisset, a. 1554. cathedram N. T. obtinuit & Matthæum publice explicavit. Hanc cathedram per decennium occupavit, d. 20. Nov. 1564. ad professionem V. T. promotus. V. Prof. V. T. n. 5.

V. HULDRICUS COCCIUS genitus est a. 1525. patre Ulrico Kœchlin, cive Friburgensi Helvetio & matre Barbara Weingarten, quæ Kœcholino mature defuncto nupsit Nicolao Essig, ludimagistro Micropolitano, qui privignum suum Huldricum, bonæ indolis puerum, literis adplicuit, eaque lege adoptavit, ut nomine *Essig* cognominis loco uteretur. In vitrici familiam adoptatus & literis diligenter institutus a. 1542. philosophiæ studiosus, biennio post Laureatus & a. 1546. Artium Magister fuit salutatus. In literis humanioribus addiscendis singularem adhibuit diligentiam, magnamque in iis acquisivit cognitionem, quo factum, ut jam eodem anno, quo ad summos in philosophia honores pervenit, in pædagogo ad literas græcas publice docendas fuerit vocatus; cum autem Thomas Grynæus ad Græca aptior videretur, Coccius ad Willichii Dialecticam a. 1548. & a. 1560. ad Logicam, cui per quadriennium vacavit, fuit translatus. Ad tempus aliquod pædagogi præfectum itidem egit Coccius, isto autem munere a. 1555. sese abdicavit. Præter negotia ista publica Coccius egregie etiam studiis theologicis fuit operatus, ut non modo academix sed & ecclesiæ utiliter & cum nominis sui fama præesset; etenim pastor fuit primum suburbicarius, idque satis mature, antequam in pædagogo docere cœpit; deinde vero a. 1552. ecclesiastem egit martinianum, idque tum memoria dignum ipsi accidit, quod a. 1556. 12. Cal. Febr. cum Deputato Lœracum, pagum in marchionatu vicinum, fuerit missus, ut ibi primam haberet concionem evangelicam. Denique

que a. 1562. pastoratus Petrinus ei fuit commissus, cui ut ceteris muneribus ecclesiasticis antea gestis indefessa industria, fervente zelo & sanctæ vitæ exemplo præfuit. Placuerat autem Academiæ, & in ea ordini Theologorum, hunc virum sibi denuo vindicare, eumque 12. Cal. Dec. 1564. ad professionem N. T. vocavit, quam assidue administravit, & quidem integro quinquennio, antequam Doctoratum theologicum acciperet, qui ipsi postulantibus Reipublicæ civilis & literariæ principibus tandem 2. Febr. 1569. fuit collatus. In conjugio duplici per 40. annos vixerat Coccius; prima uxor erat Margaretha Merian, uxoris Sulceri soror, unde forsan derivandum, quod Coccius cum adfines Sulcero causam communem fecerit, Lutheranismum in nostra urbe introducendi; renitentibus autem Theologis pastoribusque ceteris fere omnibus, quin & ipsis civibus, nihil effecerunt; hac uxore defuncta Coccius d. 31. Jan. 1571. ad secundas nuptias transiit & puellam duxit 20. annorum, Vrsulam Fæsch, ipsum jam canum nonnullis ideo cavillantibus. A festo Joh. B. 1584. morbo impeditus a publico munere quievit, & tres simul, ægrotante etiam Sulcero Grynæoque absente, constituti sunt horum Theologorum vicarii, Vrstisius, Brandmullerus atque Helius. Denique Coccius aqua intercute vitam finit d. 10. Febr. 1585. quo ipso anno n. d. 22. Jun. etiam Sulcerus decessit. Reliquit duos eruditos filios ex priori conjugio, Samuelem & Thomam, ambos Philosophiæ Professores, de quibus suo loco dicitur.

Scripsit indicem & præfationem in opera Divi Gregorii Pontificis, quæ excusa sunt Bas. in offic. Froben. 1551.

VI. JOH. JAC. GRYNÆUS S. Theol. Doct. & V. T. Professor, Heidelbergæ, quo petente Duce Palat. Casimiro & indulgente Magistratu Bas. , ut ecclesiam atque academiam Heidelbergensem restauraret, a. 1584. secesserat, d. 17. Jul. 1585. a Senatu Bas. per literas revocatur, eique professio N. T. administranda defertur, quam omni fide optime curavit, idque ad beatam usque ejus ἀναλυσιν, quæ contigit d. 30. Aug. 1617. V. Prof. V. T. n. 6.

VII. SEBASTIANUS BECK, S. Th. Doct. a Professione V. T. ad cathedram N. T. vocatur d. 24. Febr. 1618. hancque

hancque administravit summa cum laude atque utilitate, donec in cœlestem academiam fuit translatus d. 9. Mart. 1654. V. Professores V. T. n. 10.

VIII. THEODORUS ZUINGERUS, S. Theol. Doct. & Ecclesiarum Basil. Antistes a cathedra V. T. ad explicandum N. T. fuit vocatus d. 1. Sept. 1654. sed priusquam hanc professionem auspicaretur, infirmitate oppressus magno ecclesiæ & scholæ theologicæ detrimento labori succubuit d. 27. Dec. 1654. V. Professores V. T. n. 12.

IX. JOH. RODOLPHUS WETTSTENIUS prænobili stemmate natus lucem vidit d. 5. Jan. a. 1614. patrem habuit virum ampliss. J. Rod. Wettstenium, Reip. Bas. Consulem prudentissimum, qui inter alias legationes & illa functus est gravissima, qua totius Helvetiæ nomine ad conventum Monasteriensem a. 1646. itemque a. 1650. Viennam ad ipsam Cæsaream Majestatem Ferdinandum III. fuerat missus, ut patriæ securitati & libertati caveret, utraque legatione felicissime perfunctus. Sua enim unico prudentia, suis consiliis & incredibili labore id effecit, ut ab omnibus Paciscentibus & ipso imperio Romano Reipublicæ Helvetiorum libertas, *αὐτανομία* atque supremum imperium agnosceretur, idque instrumento pacis Westphaliæ disertis verbis infereretur; ipse etiam Wettstenius ab Imperatore Nobilium Ordini fuerat adscriptus. Matrem vero Noster nactus est Annam Mariam Falkner, ex antiquissima atque nobilissima familia oriundam. A parentibus genere ac pietate nobilibus puer nobilem atque liberalem obtinuit educationem, optimisque publicis atque privatis præceptoribus fuit commissus; quorum fide propriaque diligentia cum, benediciente Deo, disciplinas ingenuas, linguam græcam atque latinam haud mediocriter comprehendisset, præceptorum suorum judicio dignus fuit habitus, qui scholis exemptus trivialibus a. 1628. ad academiam amandaretur. Novam hic præstitit adfiduitatem Wettstenius, nec eum generis sui tenuit fiducia; non ludo, non otio, non apinis tricisque, & si quid vilius istis, sed totum se bonis tradidit literis, gentis suæ nobilitatem nova aucturus nobilitate; illud acutissimi morum censoris, Juvenalis, secum perpendens: *Stemmata quid faciunt?*

cum? quid prodest, Pontice, longo Sanguine censer, pictosque ostendere vultus Majorum &c. illud Maroniam suum fecit: *tentanda via est, qua me quoque possim Tollere humo: victorque virum volitare per ora.* Wettstenius itaque ad labores impiger omnes philosophiæ partes strenue pertractavit, cursuque philosophico absoluto laboris præmia digna tulit, summos nempe, quos Philosophi dare possunt, post primos; adeptus honores, quod factum a. 1629. & 1631. A disciplinis, quæ verbis atque rationibus bonos cives formare laborant, ad eam conversus disciplinam, quæ divinis oraculis bonos atque beatos efficere studet christianos, nihil fecit reliqui, quod ad rem pertineat. Continuato philosophiæ ac philologiæ studio literis sacris diligentissimam navavit operam, ut Theologiam dogmaticam atque polemicam animo atque memoria tenuerit universam. Ita præparatus examen petiit pro S. Ministerio publicum, illudque cum d. 28. Oct. 1634. subiisset, spem, quam de se excitavit, optimam ex asse implevit, Ministeriique Candidati ordinationem accepit. Eodem isto anno, perspecta insigni in Græcis literis peritia, Academiæ proceres Wettstenium istas literas vicario nomine docere iusserunt, finitoque sequenti anno isto vicariatu, ipsoque ad concionatoria exercitia converso, denuo Academiæ patres ipsum revocant & Rhetoricam cathedram ipsi vicaria opera ornandam committunt. Mox autem d. 3. Mart. a. 1637. ordinariam Linguæ Græcæ professionem Senatorum academicorum suffragiis adeptus id egit unice, ut auditorum promoveret profectus, ipsis ex Homero sermonis elegantias, ex scriptis N. T. pietatem sedulo instillans. Anno insequente peritiam suam apud externos locupletaturus iter literarium instituit in Helvetiam, Galliam, Angliam, Belgium atque Germaniam, eoque magno cum fœnore feliciter confecto ad pristinos labores fuit reversus. In Græcis tradendis cum Wettstenius integrum sexennium consumsisset, professio ardua, organi nempe Aristotelici, superiorum voluntate ipsi obtigit, quam tam analytice quam practice administravit. Septennio abhinc elapso novam spartam, Bibliothecæ nempe publicæ curam, omni modo exornavit, ipsamque hanc Bibliothecam insigniter auctam atque illustratam consilio suo atque auxilio fecit. Anno nempe 1662., cum instructissima bibliotheca Amerbachiana

chiana una cum pretiosissima, ex Erasmi præcipue reliquiis consistente, cimeliotheca ab hæredibus vendenda esset Batavis, Wettstenius noster omnem movit lapidem, ut thesaurus iste maximus alio non migret, suisque precibus atque mōitis apud Consulem Patrem effecit, ut ille Magistratus sumtibus bibliothecæ academicæ inferendus acquireretur; octo millia thalerorum solvit nempe pro eo amplius. Magistratus, ipsaque Vniversitas ex suo peculio thaleros mille adjecit. Statim etiam postea eodem Wettstenio Consule, instigante filio Professore nostro, Bibliothecæ publicæ amplior atque illustrior locus fuit concessus, quem hodiernum occupat, domus nempe spatiosa, a Musca nomen gerens, cujus aula olim a. 1431. conclavi inserviebat, in quo Felix V. Patrum Concilii Basil. suffragiis Pontifex Maximus fuit creatus. Domesticas curas Wettstenius a. 1643. divisit cum Margaretha Zæslin, quæ charissima uxor ei 12. filios peperit & 5. filias, ex quibus filiis Joh. Rodolphus Patris græcam atque theologicam cathedram adscendit. Noster Wettstenius ut sibi ad professionem theol. gradum faceret, amicis hortantibus a Theologorum ordine insignia doctoralia petiit & promotore Theod. Zuingerō d. 11. Dec. a. 1649. obtinuit, habita præter alia specimina publica oratione *de origine errorum & dissensionum in religione*. Postea, nempe d. 1. Sept. 1654. professio Loc. comm. & contrōv. theol. & denique d. 25. Jan. 1656. professio N. T. ei fuit demandata, cui vir in theologia patristica imprimis versatus diligentissime præfuit. Wettstenio jam diu Theologo, formula illa celebris consensus ecclesiarum helveticarum reform. autore J. Henr. Heideggero in publicum prodiit a. 1675., etiamque Basileæ Ministris subscribenda fuit data. Wettstenius autem, qui easdem circa gratiam universalem tenebat cogitationes, quæ in hac formula in theologis Salmuriensibus improbatæ fuerunt, hanc formulam subscribere renuit, & quominus ab aliis subscriptio fieri debeat omnia impendit; licet autem istud non impetraverit, ipse tamen pro auctoritate atque æstimatione, qua pollebat, ad subscriptionem neutiquam coactus, nullumque ideo redituum vel æstimationis suæ detrimentum fuit passus. Haud diu autem postea nec ab aliis ista subscriptio fuerat requisita, eaque, petente Theologorum ordine, d. 26. Maj. 1722. a summo Magistratu prorsus fuit abrogata.

gata. Senex Wettstenius faturque dierum ad patres fuit collectus d. 11. Dec. a. 1684.

Plura typis parata habuit, paucissima vero in lucem prodire passus est, ne intempestivo aliquo conatu famæ aucupium quævisse videretur, a quo ejus ingenium prorsus abhorrebat. Edita exstant præter nonnullas dissertationes sequentia: Certum animæ solatium a. 1638. ex Rom. VIII. 14. Marci Diadochi sermo contra Arianos a. 1642. ex Ms. codice Bibl. Bas. primum editus Gr. & Lat., recusum cum libello Origenis de Oratone a. 1694. Oratio in obitum Theod. Zuingeri a. 1655. Origenis exhortatio ad Martyrium, quam nullibi forsan nisi in Bibl. Bas. exstantem primus exscripsit & Filio excudendam tradidit, quod iste præstitit a. 1674. cum eam tractatui Origenis contra Marcionitas a se edito adnecteret. Refutatio fabulæ XI. M. VV. Tractatum item Vinc. Bandelii de conceptione B. Virginis Mariæ recudi curavit. Scripsit etiam Eucharisticon Encomio Ironico Dorschei oppositum, quod vero luci publicæ non exposuit.

X. JOHANNES ZUINGER professionem N. T. auspicatus d. 28. Aug. 1685. eandem administravit, donec animam finivit, quod accidit d. 26. Febr. 1696. V. Prof. V. T. n. 15.

XI. PETRUS WERENFELS auspicia cepit professionis N. T. d. 14. Oct. 1696. eamque quoad vixit retinuit; mortuus d. 23. Maji 1703. V. Prof. V. T. n. 16.

XII. JOH. ROD. WETTSTEIN adiit professionem N. T. d. 14. Apr. 1704. eique præfuit usque ad a. 1711. quo d. 21. Apr. ad superos secessit. V. Prof. V. T. n. 17.

Edidit præter ibi memorata *flores eloquentia*, Bas. 1684. 8.

XIII. SAMUEL WERENFELS explanationem publicam N. T. exorsus est d. 20. Nov. 1711. eamque continuavit usque ad 1. Jun. 1740. quo fato fuit defunctus. V. Prof. V. T. n. 18.

XIV. JOHANNES GRYNÆUS, Grynæorum nobilis verum nimis eheu tenera suboles, in lucem editus est Leuffelsingæ, pago ditionis Basiliensis extremo, d. 8. Jun. 1705. patre Samuele Grynæo, pastore Leuffelsingensi, & matre Anna Catharina Fæsch. Defuncto parente puer cum matre Basileam petiit & classes Gymnasii frequen-

frequentavit. Eas permenſus a. 1717. facultatem accepit philoſophorum lectiones audiendi, quod adeo fecit diligenter atque attente, ut privata accedente inſtitutione propriaque adjuncta induſtria, a. 1718. primam Lauream & a. 1720. Magiſterii artium honorem fuerit adeptus. Altiora jam ſpirans ſtudio Juris ſe dicavit, & opera uſus publicorum Profeſſorum, Chriſtii atque Wertiſtenii, tantos cito in utroque Jure fecit progreſſus, ut a. 1724. J. V. Licentiatus denominaretur; ſequenti vero anno pro ſummis in utroque Jure honoribus rite conſequendis d. 29. Jun. 1725. theſes juridicas miſcellaneas edidit atque defendit. Ex occaſione ſtudii legum profanarum inceſſit Grynæum cupido leges divinas exactius cognoscendi, cumque id ſine hebraicæ linguæ cognitione fieri non poſſe cognoceret, adiit J. Ludov. Freyium, magnum illum orientalium linguarum magiſtrum, ipſiusque operam efflagitavit. Hic pro voto naſtus diſcipulum non hebraica tantum lingua ipſum imbuivit ſed & Rabbiniſmo, Syriaciſmo atque Arabiſmo initiavit, idque haud leviter, in intima potius harum dialectorum penetralia cum eo penetrans, Talmudem, Alcoranum atque ipſum Arabſchiadem haud perfunctorie perluſtrando. Quin cum nobiliſſimus FAHD, Sidonis incola, qui præter vernaculam, arabicam, nulla alia lingua utebatur, per integram hebdomadam apud Ven. Freyium, in cujus ædibus & Grynæus habitabat, commoraretur, non tantum ambo iſti Amici eum loquentem intellexerunt, ſed & ipſi arabica lingua reſponderunt, eique digreſſo nonnullas epiſtolas tranſmiſerunt arabicas. Ad ipſa etiam Perſica atque Æthiopica fuiſſet progreſſus Freyius, niſi Grynæo a linguarum ſtudio ad ſtudia rerum tranſire placuiſſet. Freyius autem pro ſingulari, quâ pollebat, prudentia, in Grynæo acre ingenium, ſubactum judicium veræque pietatis ſenſum obſervans nihil intermiſit, quin omnem impendit operam, ut Grynæus relicta Jurisprudencia Theologiæ unicè ſe traderet, quod tandem fecit d. 27. Apr. a. 1731. nomen ſuum inter Theologiæ ſtudioſos profeſſus. Inter iſta autem orientis linguarum ſtudia ceteras elegantiores literas non abjecit Grynæus, ſed perpetuo in iis ſeſe exercuit, & ſubinde publica diligentiaæ ſuæ edidit ſpecimina, ut d. 9. Dec. 1727. cum pro vacante cathedra philoſophiæ moraliſ; d. 22. Oct. 1731. pro Logicæ & d. 20. Mart. 1733. pro Linguaæ Hebrææ cathedra

cathedra disputaret, qua ultima vice fortem habuit re-
nuentem; triennio vero postea Senatus acad. ipsum ejus-
dem Linguae hebraeae vicarium constituit Professore,
quam provinciam per biennium optime gessit. Freyius
autem Grynæum totum jam suum ad theologica studia
inclinavit & ut aliquando theologica professione funge-
retur omni modo paravit. Obtulit se jam occasio a.
1737. quo d. 17. Dec. Loc. comm. ac contr. Theol.
Professor P. fuit denunciatus. Antequam istud munus,
cujus obtinendi causa d. 3. Dec. 1737. theses theol. pub-
lice defendit, capefferet, pro more d. 30. Jan. a. 1738.
postquam solitum examen subiisset & præter alia exer-
citia etiam disputationem d. 25. Oct. a. 1737. ventilan-
dam proposuisset, a Freyio suo tiam Doctoris Theolo-
gi sibi imponi passus est. Ab ista cathedra ad cathedram
N. T. vocatus solennia ejus auspicia cepit d. 15. Nov.
1740. eamque summa fide administravit usque ad vitæ
finem, qui nimis cito adpropinquavit d. 11. Apr. 1744.

Opuscula hujus viri longiori vita dignissimi collecta edi-
dit cum auctoris Biographia J. L. Frey, Bas. 1746. 8. ea-
que inscripsit: *Αεΐζωνας* Joh. Grynæi; etiam in Mus. Helv.
P. I. ejus leguntur animadversiones ad Reimannum de Athe-
ismo Mohammedanorum; nec non epistola ad Zimmermann-
um, in qua disquiritur: an Mahomed impostor fuerit an
fanaticus? hæc duo in *Αεΐζωνας* non occurrunt. Sed non
scriptis tantum verum & alio modo Basiliensis juventutis post
fata adhuc Doctorem agere voluit Vir iste optimus. Ad no-
bile nempe Institutum Venerandi Freyi, quod in ejus vita
descripsimus, promovendum beatus Grynæus summam 4000.
florenorum eo fine destinavit, ut futurus Lector eorum an-
nuos census honorarii loco perciperet; itemque Freyio com-
misit ex Bibliotheca sua eos eligere & in ipsius huic Institu-
to dicatam Bibliothecam transferre libros, quibus ipse care-
ret, quosque dignos haberet.

XV. JOH. BALTHASAR BURCARD de stirpe amplif-
sima & virorum de Republica, Ecclesia & Academia
nostra præclare meritorum feracissima ortus, hanc lu-
cem adspexit primum d. 9. Febr. 1710. Patrem vene-
ratus est Hieronymum Burcard, S. Theol. Doct. &
Professorem, itemque Ecclesiarum Antistitem, matrem
vero Catharinam Ryhiner. Ab his parentibus a parvu-
lo sacras literas liberalesque disciplinas edoctus, magi-
strisque privatis optimis usus, pro egregia sua indole,
F adeo

adeo celeres fecit progressus, ut jam a. 1721. ad vitam academicam transiret. Eodem anno Viviscum linguæ gallicæ addiscendæ ergo missus tanta diligentia & philosophiam & gallicam linguam fuit profectus, ut jam a. 1722. relicto Vivisco primam & biennio post secundam lauream philosophicam acciperet. Liberalibus disciplinis innutritus atque haud leviter imbutus, d. 3. Maj. 1724. nomen dedit studio theologico, in quo iterum omnem adhibuit operam tum in academia patria tum in schola Tigurina, quam a. 1726. visitavit. Philologico atque theologico adparatu jam satis instructus, ipso petente, ad tentamina atque examina pro S. Ministerio admittebatur, annoque 1728. in numerum Candidatorum recipiebatur. Eodem hoc anno juvenis licet, dignus tamen habebatur, qui illustriss. D. Dominico Passionei, tunc Romani Pontificis ad Helvetiæ pagos catholicos Legato, postea Cardinali, hebraicarum, chaldaicarum atque syriacarum literarum magistrum petenti, de meliori commendaretur. Egregio hoc munere per semestre egregie defunctus & haud exigua cum honorum testificatione dimissus patriam petiit & ad studia theologica reversus est. Haud diu post, quo eruditionem apud externos etiam augeret, duplex iter literarium suscepit, brevius unum, longius alterum; nempe primum a. 1730. cum magnum philosophum Christianum Wolfium auditurus, Marpurgum Cattorum abiit, quantumque profecerit ibi, anno jam sequenti ostendit, cum cathedram logicam ambiret. A. 1732. iterum alias regiones visitavit, in Belgium profectus per sex menses Lugduni Bat. perque Galliam redux sex alteros menses Lutetiæ Parisiorum substitit. Conquisitis undique omnigenæ eruditionis opibus in patriam properavit, Academiæ emolumento, quod in thesauris latebat, deprompturus. Citius etiam ei oblata fuit occasio publice demonstrandi, quantum valeat eruditione; cum enim a. 1733. professio hebræa vacaret, pro ea obtinenda cum adplausu omnium eruditum specimen, fortuna tamen invita, edidit; mox vero eam magis faventem fuit expertus, cum d. 15. Dec. 1733. professor Rhetorices eligeretur. Cum etiam a. 1738. Professor vicarius linguæ hebrææ esset constituendus, & ista provincia ipsi ab ampliss. Senatu academico perhonorifice fuit delata. Vtramque hanc spartam summa cum laude neque minore fide atque dili-

diligentia administravit, donec, divina sic volente providentia, fervus iste bonus & fidelis, quoniam in paucis fuerat fidus, multis atque amplioribus fuerit præfectus; die nempe 28. Nov. 1740. sortem dirigente supremo Numine, professio theologia locor. comm. & controv. ei obtigit, quam, accepto d. 16. Jan. 1741. Doctoris Theologiæ titulo, biduo post optimis omnibus fuit auspiciatus. Ab hac revocatus cathedra N. T. expositionem suscepit d. 4. Sept. 1744. eamque adhuc continuat, utque Academiæ atque Ecclesiæ commodis adhuc diu continuat, votis expetimus nostris. Rectoratum acad. III. Decanatum vero theol. XVII. omni fide atque dexteritate administravit.

Scripsit hactenusque edidit sequentia: d. 10. Dec. 1723. dissert. de mente humana. d. 18. Nov. 1727. theses ex Jure nat. d. 23. Oct. 1731. diss. de assensu, recusam in Mus. Helv. P. 4. d. 17. Mart. 1733. diss. de Judæis corruptionis V. T. falso insimulatis; d. 20. Oct. 1733. theses rhetoricas; thesium philosophicarum collectiones 3. Theses theologicas d. 20. Sept. 1740. itemque d. 18. Nov. 1740. Orationem de criminibus, Josepho patriarchæ a Morgano impactis, habitam, cum Rectoratum auspicaretur, d. 21. Jun. 1746. ea inserta est Museo Helv. P. 3.

PROFESSORES LOCORUM COMMUNIUM ET CONTROVERSIARUM THEOL. EXTRAORDINARII.

I. JOH. GEORGIUS GROSS Basileæ natus d. 28. Mart. 1581. ab ipsis incunabulis ad literarum studia diligenter sese retulit & pro pia mente ingeniique felicitate celeres in iis fecit progressus. Philosophica studia cum absolvisset, dignaque diligentia præmia accepisset, die sc. 14. Nov. 1598. primam, & d. 30. Mart. 1601. secundam philosophiæ lauream, ad literas sacras animum adplicuit, in iisque totus vixit. Quin nondum ex schola philosophica dimissus, & Laureati demum titulum adeptus, jam, anno nempe 1598. nomen suum matriculæ theologicæ inscripsit & studia theol. cum philosophicis iuncta tractare incepit. Vix dum ad S. Ministerium fuit ordinatus, pastor electus fuit ad D. Margaretham a. 1604. & triennio post d. 7. Jun. 1607. pastoratus Elisabethanus

fabethanus ei fuit delatus; denique d. 14. Jul. 1611. gravissimum munus pastoris Petrini obtinuit; quibus singulis muneribus singulari fide atque diligentia præfuit. Horas, quas paucas invenit, succisivas piæ meditationi, lectioni præstantissimorum librorum theologicorum & scribendis variis lucubrationibus impendit, illud Scipionis Africani suum faciens adferensque, nunquam se minus otiosum esse, quam cum otiosus, nec minus solum, quam cum solus esset. Perspecta Viri pietate, eruditione atque diligentia, Patres academix conscripti ejus operam & in schola theologica utilem fore judicarunt, eique ideo a. 1610. extra ordinem commiserunt, ut locos communes & controversias theologicas, nondum enim tum ordinarius erat hujus pensî Professor, publice doceret, quod muneris is lubenter suscepit atque strenue peregit. Die 21. Maj. a. 1611. ipsi ut & Wolfg. Meyero & Sebast. Beckio in brabeuterio, gratulantibus piis, collatum est secundum leges *αξίωμα* & testimonium S. Theologiæ Doctoris, promotore & designatore J. Jac. Grynæo, qui illis tribus auctor fuerat, ut boni publici & posteritatis causa personam Theologorum decenter & susciperent, & ad Dei gloriam ecclesiæque & scholæ theol. ædificationem tuerentur. Postea d. 3. Jun. 1612. Decano eodem Grynæo & Collega Seb. Beckio Grossius noster ut & Wolfg. Meyerus ad facultatem theol. adsciti sunt, idque hoc fine, ut, tum majore cum auctoritate extraordinarias prælectiones theol. instituere integrum iis foret, tum etiam hæc eorum confociatio serviret conjunctioni facultatis theol. & totius S. Ministerii. Obiit Grossius d. 8. Febr. 1630.

Reliquit scripta sequentia: Diss pro gradu Doct. d. 4. Maji 1611. in Habac. II. 4. d. 31. Oct. 1611. elenchum controversiarum de Justificatione. Vindicias Scr. S. P. 5. Elenchum controversiarum de paschate christi. d. 10. Apr. 1613. de virgineo partu d. 31. Dec. 1613. refutationem descensus localis Christi ad inferos d. 5. Maji 1614. de bellis christiano-
rum & de circumcisione Christi a. 1614. & 1615. de terræ motibus a 600. retro annis Basileæ obortis, 1614. de interitu pagi *Phurs* &c. 1618. Bericht von dem Cometen des Jahrs 1618. eod. 4. concionem de mulieribus gravidis in Gen. III. 16. 1619. concionem fun. in Apoc. III. 21. 22. 1622. concionem fun. 1. Sam. I. 20. &c. 1629 de christiana republica, s. de felici gubernatione populi Dei, l. 3. Bas.

Baf. 1612. 8. tractatum de formandis orationibus oratoriis
 l. 4. ib. 1613. 8. fasciculum orationum publice habitarum
 Basileæ, ib. theatrum biblicum ex scriptis Theologorum ve-
 terum, ib. 1615. & 1618. 2. T. 4. thesaurum concionum
 S. ib. 1616. 1617. 4. consilium de linguis hebr. gr. & Lat. fa-
 cile addiscendis, ib. 1619. compendium philosophiæ, Me-
 dicinæ, Jurisprudentiæ & Theologiæ, ib. 1620. 8. Theolo-
 giam popularem, ib. 1622. 8.

II. WOLFGANG MEYER ex familia nobili atque an-
 tiqua de Republica atque Ecclesia Basiliensi optime me-
 rita oriundus in mundum intravit d. 27. Mart. 1577.
 parentibus Jacobo Meyero, pastore Albano, d. 27. Nov.
 1604. in ipso suggestu S. Templi defuncto, & Agneta
 Capitone, Wolgangi Fabricii Capitonis trium faculta-
 tum Doctoris & Professoris filia. A teneris unguiculis,
 observata ingenii felicitate morumque suavitate, literis
 destinatus ante omnia classes Gymnasii nostri frequen-
 tavit, easque mira solertia atque utilitate percurrit;
 a. 1593. ad Academiam translatus philosophicis disciplinis
 tam diligenter incubuit, ut d. 29. Apr. a. 1595. gradum
 primæ Laureæ & d. 5. Aug. 1596. philosophicæ
 docturæ dignitatem obtinuerit. Ad Sacra, quo
 animus maxime tendebat, jam se convertit, adeoque
 celeres in iis fecit progressus, ut jam d. 23. Dec. 1596.
 præside Polano dissertationem de cœnæ Domini partibus
 cum laude sustinuerit. In juvenili pectore flagrabat ignis
 atque indelebilis cupido exterarum regiones præsertim Ang-
 liam perlustrandi, principesque Theologorum illic com-
 morantes adloquendi atque audiendi; inprimis gestie-
 bat, Academiam Cantabrigiensem adire, illiusque docto-
 res toto orbe celeberrimos salutare; huc autem specia-
 tim eum invitabat beneficium regis Eduardi VI. in D.
 Bucerum ob magna ejus in ecclesiam anglicanam merita
 collatum, ab Elisabetha regina & Jacobo rege postea
 confirmatum, quo sumptibus regiis in collegio Cantabri-
 gienti vivere omnibus ejus posteris fuerat concessum;
 avia nempe ejus, Wibranda a Rosenblatt, hujus Bu-
 ceri, mortuis jam tribus maritis, Lud. Cellario, Joh.
 Oecolampadio & Capitone, Meyeri nostri avo materno,
 fuerat uxor. Literis igitur commendatitiis ad Elisabe-
 tham Angliæ reginam instructus d. 12. Mart. 1597. iter
 ingreditur & felici cursu perrexit usque ad Weseliam,
 inde vero Trajectum versus tendens a grassatoribus hi-

spanicis sclopetis petitus, vulneratus atque spoliatus fuit, eorum denique ex manibus elapsus iterumque Wefeliam adsecutus Literatorum munificentiam percepit largissimam. Animo corporeque ex timore vulneribusque recreatus iter continuavit, salvusque in Angliam advenit, ubi omnia ex voto ipsi cessere. Cum integrum quadriennium Cantabrigiæ in Theologorum castris summis studiis & vigiliis excubasset, eamque operam inter privatos præsertim Collegii parietes studendo, respondendo, opponendo, aliisque exercitiis navasset, ut Theologiæ Licentiatus communibus Academiæ atque Collegii suffragiis fuerit renunciatus, reditum in patriam paravit, in qua per Galliam redux d. 27. Sept. 1601. sospes advenit, ostensisque præclaris testimoniis sine mora in numerum Evangelii ministrorum fuit receptus; ea tamen fuit modestia, ut d. 26. Apr. 1602. inter Theologiæ Studiosos nomen suum profiteretur, eaque fuit pietate, ut patri jam senili atque debili perpetuo opera sua adesset, ejusque vices pastorales obiret, donec vita cessit, in cujus deinceps locum ipse fuit successus d. 10. Sept. 1605. Hunc jam suum cœtum Albanum omni cura pavit atque sedulitate, Sequenti anno d. 15. Sept. nuptias celebravit cum Maria Brand, Bernhardi, Tribuni plebis, filia, ex qua filium filiamque suscepit, illaque d. 17. Nov. 1610. defuncta, matremque mox filiolo secuto, amicorum suasu ad secunda vota transiit d. 20. Jan. 1612. cum Valeria Rüdin, quæ ipsi octo liberos peperit, sed tribus filiis duabusque filiabus moesti parentes ipsi iusta fecerunt; ex quibus funeribus acerbissimum erat primogeniti Jacobi, qui postquam Theologiæ cultor per quadriennium Cantabrigiæ ex stipendio regio familiæ Meyerianæ studiis invigilasset, in patriam reversus anno æt. 21. d. 19. Nov. 1634. peste fuit abreptus. Duo tamen parentum gaudio superstites manserunt filii, Emanuel atque Jacobus Maximilianus. Interim, sc. a. 1610. Meyero nostro a senatu academico, auctoritate summi Magistratus, collata fuit extra ordinem cathedra theologica, de qua locos communes atque controversias theologicas studiosis proponeret atque exponeret, quod & gnauiter fecit, idque ut majori perageret auctoritate, d. 21. Maj. 1611. solenni ritu tiara doctoralis ei imposita, ipseque d. 3. Jun. 1612. in collegium theologorum fuit receptus. Postea a. 1618.

a. 1618. una cum D. Sebast. Beck jussu Magistratus ad Synodum Dordracenam profectus d. 10. Febr. 1619. de *perseverantia Sanctorum* coram omnibus Deputatis differuit, pauloque post jussu præsidis ad proceres Republicæ, ad Patres synodi & fratres Remonstrantes publicam instituit commonefactionem, quæ omnium plausibus fuerat excepta. Hinc in Angliam trajecit, ubi Jacobum regem salutavit, ipsique obtulit librum Martini Bucerii Latina civitate a se donatum, & eidem Regi dedicatum: *de defensione christiane reformationis ecclesiarum evangelicarum*; ac deinde amicos Cantabrigienses resalutavit. Ipsi domum reverso mox iterum extraordinaria negotia fuerant demandata; anno nempe 1620. a Mullhusinis expetitus, quo ipsorum res sacras reformaret, & a Magistratu ad semestre concessus, ibidem crustulos illos nummularios azymos e S. Cœna eliminans panem nutritium reposuit, & ita prudenter cum singulorum adprobatione cuncta peregit, ut Mullhusini tantum virum sibi vindicare studerent. Sed patriam is prætulit, in quam etiam reversus est, multis gratiarum actionibus & Magistratui & ipsi a Mullhusinis habitis. In munere duplici, ecclesiastico atque academico, strenue pergens tandem labori succubuit; cum nempe d. 5. Sept. 1653. concionem nuptialem haberet, fulmine apoplectico percussus subsequenti nocte animam efflavit.

Lingua germanica composuit atque edidit libellum, sub titulo: *Diabolus alba veste tectus*, quo nefariæ fraudes hypocritarum sub pietatis larva latentium, argute depinguntur 1623. 4. Varios tractatus anglicos *Guil. Perkinsi*, *Andr. Willeti* & *Guil. Pryn* in latinum transtulit. Præter complures dissertationes theol. & conciones funebres edidit & germanice libellum de *lavacro regenerationis*, quod sub typo thermarum Badensium in terra helvetica saluberrimarum, spiritu profundo, & magna judicii acrimonia, enucleavit 1649. 8. Etiam d. 14. Jan. 1611. beatam memoriam D. D. Amandi Polani oratione panegyrica immortalitati consecravit. Munsteri Cosmographiam usque ad a. 1628. adauctam edidit, nec non *Spiegel der geistlichen Arzney aller Kranken* &c. Bas. 1612. 8. *Arcam Noæ*, germ. 1634. tractatum de *duplici bonore S. Ministerii*, germ. 1652. 8. &c.

— — — — —

PROFESSORES LOCORUM COMMU- NIUM AC CONTROVERSIARUM THEOL. ORDINarii.

I. JOHANNES BUXTORFF, Filius, S. Theol. Doctor & Linguae Hebraeae Professor primus fuit, qui Locos communes & controversias Theologicas, vel ut hodie loqui amant, Theologiam dogmaticam atque Polemicam, publica auctoritate tanquam ordinarius Professor docuit atque tractavit. Diu quidem fuerat desideratum, ut hujusmodi cathedra erigeretur, idque ut eo citius fieret atque facilius, varia Legata in hunc finem fuere destinata. *Sebast. Günzerus*, Aromatarius, mille libras a. 1639. pro tertia professione theologica instituenda donavit & ordinavit, ut interea temporis, donec Controversiarum professio per aliorum quoque munificentiam maturuerit, census istius fortis annuus cederet partim summi templi Pastori, partim Ministro Verbi ad S. Martinum; *Joh. Gogelius*, Mercator, ducentas libras ad promovendam Professionem Controversiarum fisco theol. tradidit a. 1645. & *Lud. Kenig*, bibliopola, ad eundem usum a. 1651. quingentas libras theologicæ facultati solvit. Tandem piorum optatis respondit fortuna. Cum enim Buxtorffius iste mox a Groningensis, mox a Lugdunensis academix curatoribus sub lautissimis conditionibus ad hebraicas literas docendas invitaretur, Basiliensis Academix proceres omnem impenderunt operam, quo virum tam eruditum atque utilem sibi retinerent; efflagitarunt nempe a summo Magistratu, ut tertiam theologicam professionem institueret atque Buxtorffio deferret. Magistratus optimus, Academix gloriæ atque commodi studiosissimus, ad consilium Senatorum academicorum se flecti passus d. 30. Jan. 1647. hanc novam cathedram instituit, salarium definivit, eamque Buxtorffio honorifice obtulit, una cum professione linguae hebraeae, obeundam. Buxtorffius non minus patriæ commodis deditus novam hanc cathedram accepit eamque primum conscendit d. 8. Apr. 1647. & in ea docere perrexit usque ad a. 1654., quo die 1. Sept. ad cathedram V. T. adscendere fuerat iussus. V. Prof. V. T. n. 13.

Ejus, præter ibi adlata, legitur epistola *de recte instituendo studio Rabbínico*, in Mus. Helv. P. 9.

II.

II. JOH. RODOLPHUS WETTSTEIN electus 1. Sept. 1654. hanc professionem lectione inaugurali auspicatus est d. 17. Jan. 1655. eamque administravit, donec ipsi professio N. T. obtigit, quod accidit d. 25. Jan. 1656. V. Prof. N. T. n. 9.

III. LUCAS GERNLER electus d. 25. Jan. 1656. auspicia cepit d. 1. Maj. 1656. ad Professionem V. T. translatus d. 3. Mart. 1665. V. Prof. V. T. n. 14.

IV. JOHANNES ZUINGER electus d. 3. Mart. 1665. professionem adiit ejusdem anni d. 28. Apr. eique præfuit usque ad d. 21. Maj. 1675. quo ad professionem V. T. fuit vocatus. V. Prof. V. T. n. 15.

V. PETRUS WERENFELS electus d. 21. Maj. 1675. lectionem inauguralem habuit d. 27. Oct. 1675. hancque professionem obiit usque ad 10. Jul. 1685. quo V. T. professor fuit designatus. V. Prof. V. T. n. 16.

VI. JOH. RODOLPHUS WETTSTEIN electus d. 10. Jul. 1685. professionem hanc orditus est d. 4. Sept. 1685. eique vacavit, donec d. 15. Sept. 1696. professor V. T. designaretur. V. Prof. V. T. n. 17.

VII. SAMUEL WERENFELS electus d. 15. Sept. 1696. professionem hanc auspicatus est d. 28. Oct. 1696. & in ea substitit usque ad d. 5. Oct. 1703. quo ad V. T. fuit transvectus. V. Prof. V. T. n. 18.

VIII. JOH. RODOLPHUS ZUINGER, divinæ domus studio mature confectus, prognatus est d. 12. Sept. 1660. parentibus celeberrimis, Johanne Zuingero S. Th. Doct. & Prof. ac Esthera Burcard. Ab ineunte ætate literis probe imbutus & a teneris pietati fuit adsuetus. Fundamenta studiorum posuit in Gymnasio nostro literario, ex quo a. 1673. ad publicas lectiones Philosophorum fuit promotus. Triennium philosophicis studiis destinatum ita transegit, ut a. 1675. prima Laurea & a. 1676. magisterii dignitate suo merito optimoque jure fuerit cohonestatus. His feliciter jactis fundamentis quid esset superstructurus anceps neutiquam hæsit, & protinus theologicum studium fuit amplexus, nomen suum anno

F 5

adhuc

adhuc 1676. inter Theologiæ cultores professus. In re-
rum divinarum inquisitione atque contemplatione dili-
genter versatus & theologiam tam theoreticam quam
practicam gnaviter profecutus, modeste a præceptoribus
diligentiæ suæ præmia petiit. Hi nihil morati, post-
quam in consuetis disputationibus atque examinibus ip-
sum talem, quin majorem, deprehenderunt, quam spe at-
que exspectatione conceperant, eum a. 1680. in numerum
Evangelii ministrorum gratulantes susceperunt. Hac Evan-
gelium prædicandi nacta potestate, Tigurum primum,
dein Genevam, profectus, non solum studia philosophica
atque theologica diligenter continuavit, atque cum
clarissimis viris sermonem familiarem instituit, sed &
tam in suggestu sacro quam in cathedra academica ipse
cum adplausu sæpius actorem egit, adeo ut Carolus Fri-
dericus, princeps Anhaltinus, eum Genevæ cum delecta-
tione concionantem audiens, ipsi licet juveni proprium
gregem pascendum obtulerit, quam honorificam vero
vocationem quominus sequeretur, patris voluntas ob-
stitit. Suis restitutus & in civitate & in agro sæpius
conciones ad populum habuit, veramque pietatem pro-
movere studuit. A. 1686. præconis castrensis munus sus-
cepit, & legioni helveticæ stipendiis Galliarum regis
militanti divinum Verbum mox in Gallia, mox in Bel-
gio, strenuus prædicavit. Itinerum vero continuorum
atque molestorum pertæsus patriam repetiit & Thurni-
sii, pastoris Albani, rude donati, vices subiit, donec
a. 1691. pastoratus Lucifvallensis ipsi fuit commissus, cu-
jus gravissimi muneris partes licet duriores indefessus
perfecit usque ad a. 1700., quo cœtus Elisabethanus ip-
sum pastorem vocavit; hinc autem mox advocatus & d.
25. Sept. 1703. summi templi pastor simulque ecclesia-
rum Antistes fuit designatus. Eodem etiam anno d. 5.
Oct. a senatu Academico Professor Locorum commu-
nium ac Controversiarum Theol. constitutus pro more
recepto insignia doctoralia accepit d. 6. Mart. 1704.
postquam prius præter alia egregia specimina *de conven-
ientia futurorum V. & N. T.* præclare differuisset. In
hac excelsa quidem sed molesta admodum atque pericu-
losa statione positus Zuingerus nihil omisit eorum,
quæ vel ad ecclesiæ ædificationem, piorum confirmatio-
nem, impiorum correctionem, ægrotorum atque paupe-
rum solatium, vel ad Academix gloriam atque emolumen-
tum

tum, verbo, quæ ad plantandam pietatem, eradicandam nequitiam & literarum incrementum facere poterant. Quot vero quamque duri obices a superioribus atque inferioribus Viro huic divino, zelo Eliæ adflato, fuerint positi, verbis exprimere haud valemus. Sed is citius malis ereptus in sede beatorum accepit præmia; supremus in his terris vitæ ejus fuit dies 18. Nov. a. 1708. quo ex adfectu ilia- co & catarrho apoplectico vitam finivit. Prima conjux, Catharina Mitz, peperit ei 7. liberos, ex quibus nomi- nandus Andreas, qui Pastor Leonhardinus meritissimus obiit d. 22. Apr. 1764. ex secunda, Anna Rosina Bat- tier, suscepit filiam.

Edidit conciones funebres XXVI. atque dissertationem de causa reprobationis impulsiva, 1680 de potestate clavium diff. duas, 1704. & 1706. diff. de morientium adparitione 1704. diff. de satisfactionis Christi veritate, 1706. item libellum germanicum, cui titulum fecit *solatium Israël*, in quo sen- tentiam de futura gentis hebrææ solenniori conversione aper- uit, 1685. 12. *magnam Angliæ mutationem* ex Anglico fecit germanicam 1690. 8. concionem germ. contra artes ma- gicas, 1692. 4. & orationem in obitum Petri Werenfelsii, 1704. 4.

IX. HIERONYMUS BURCARD electus d. 22. Mart. 1709. auspicia hujus professionis cepit d. 28. Jun. 1709. ad professionem V. T. translatus d. 26. Maj, 1711. V. Prof. V. T. n. 19.

X. JAC. CHRISTOPHORUS ISELIN, Theologus; Poly- histor atque Antiquarius eximius, natus est d. 12. Jul. 1681. patre Joh. Luca Iselio, matre Maria Salomea Birr. Puer optimo ingenio præditus & mira discendi cupidi- ne flagrans, fidis cito privatis atque publicis magistris traditus, industria sua ita profecit in literis, ut d. 16. Mart. 1694. in gremium Academiæ reciperetur, miran- tibus jam cunctis ejus peritiam, ætatem longe superan- tem. Philosophicum studium adgressus, id sibi ala- crius prosequendum statuit, & ante omnia latini græci- quæ sermonis elegantias arripuit, eamque græcæ linguæ copiam brevissimo acquisivit tempore, ut jam a. 1695., cum in publica disputatione pro vacante cathedra græca respondentis vices ageret, opponentium argumenta latine prolata græcè repeteret. Quantum etiam jam tum in la- tini sermonis castitate, mythologia, antiquitatibus atque pœsi valuerit, argumento est *carmen illud heroicum*, quod

quod ex occasione Gallorum Rhenum trajicientium composuit & a. 1696. in vulgus emisit. Ceteras etiam Philosophiæ partes præcipue Mathesin, duce Jac. Bernoullio, mathematicorum tum facile principe, diligenter excoluit, & ita titulos atque honores philosophicos optime meruit, quos, primos quidem d. 3. Dec. 1695., secundos vero atque summos d. 17. Aug. 1697. utrosque a J. Jac. Battierio accepit, edito prius atque defenso d. 7. Maj. 1697. egregio specimine de *historicis latinis melioris ævi*. Eodem anno 1697. d. 10. Maj. inseruit nomen suum matriculæ theologicæ &, quod Deus optime vertit, sese totum studio sacro dicavit. Insequenti anno petiit Genevam, linguæ gallicæ, quam a præceptoribus accepit & ex libris hauritam tenuit, magis excolendæ causa, ibique & italicam & hispanicam linguam addidit, multum etiam conversatus cum celeberrimis viris, Philosophis ac Theologis, amicitiam cum ipsis, diligentissime postea excultam, contraxit. Hinc, septem elapsis mensibus, in Galliam Narbonensem contendit, curiosisque oculis Græcorum atque Romanorum reliquias lustravit, inscriptionesque, quas deprehendit, illustriores descripsit. Post duorum mensium in Gallia moram ineunte anno 1699. patrios lares repetiit, & singulari studio in linguas orientales ipsamque Theologiam incubuit. Theologis ut ostenderet, qualem in sacris acquisiverit eruditionem, dissertationem conscripsit de *Babylone bestiarumque & meretrice apoc.* quam d. 24. Jun. 1701. publice, cunctis gratulantibus, defendit; quo facto, superatis consuetis examinibus, omnium suffragiis Ministri evangelici titulum obtinuit. Sacris intentus Iselius non tamen studia philosophica negligenda, minus abjicienda duxit, quod multi suo & rei literariæ damno faciunt, sed historiarum præcipue & elegantiorum literarum studio se jam majori ex parte permisit, linguis item orientalibus atque philologiæ sacræ haud proletariam operam navavit. Vacante cathedra linguæ hebrææ publicum edidit specimen suæ in hac lingua peritiæ, dum d. 7. Aug. 1704. *observationes atque conjecturas ad orientalem philologiam & critice pertinentes* publice propugnavit. Eodem tempore obtinuit vocationem Marpurgi Eloquentiam atque historias profitendi, quam & accepit, quamque duplicem provinciam oratione de *arctissimo eloquentiæ & historiarum in studiis vinculo* d. 11. Dec.

Dec. 1704. auspicatus, postea ita administravit, ut omnem curam atque laborem in id impenderit, ne vel ipsum suscepti muneris, vel Principem collati beneficii unquam pœniteret. Dum hic ageret, in lucem emisit Panegyricum Seren. Principi Carolo dictum a. 1705. Laudationem funebrem Seren. principi Ludovicæ Dorotheæ Sophiæ dictam d. 28. Jan. 1706. & dissertationem de Magorum in Persia dominatione d. 7. Jan. 1707. Sed patria tanto viro longius carere noluit, eumque in locum Hofmanni historiarum professoris defuncti d. 20. Sept. 1706. suffecit. Revocatus Iselius atque reversus novam cathedram, in qua antiquum pensum, quod ipsi adeo in deliciis erat, fuerat tractandum, alacri animo d. 5. Febr. 1707. primum conscendit, hancque spartam mire ornavit. Circa hæc tempora edidit orationem funebrem Paulo Reboletto d. 14. Maj. 1710. dictam; d. 20. Mart. 1711. dissertationem de inscriptione lapidis Tergestini; d. 11. Jun. 1711. orationem in dedicatione novi Brabeuterii dictam, quo nomine a gravissimis Scholarhis calicem deauratum accepit, quem is Academiæ legavit; orationem funebrem, quam habuit d. 21. Apr. 1712. J. Rod. Wettstenio, Theologo. Hujus ambiturus cathedram primo, ut doctorales acciperet dignitates, examen solenne subiit, & binas pro more lectiones itemque publicam disputationem d. 23. Jul. 1711. de Canone N. T. S. 1. habuit; Theologiæ dein Doctor creatus fuit d. 23. Aug. 1711. ab Hieron. Burcardo, Antistite, in quo actu Iselius *dogma transsubstantiationis in pura antiquitate non esse fundatum* gravi, facunda & erudita oratione exposuit. Die 31. Aug. 1711. secundam partem dissertationis de Canone N. T. (cujus postea d. 19. Jul. 1712. tertia & d. 7. Jul. 1713. quarta pars prodiit,) pro obtinenda cathedra theol. edidit, atque miro adplausu defendit. Denique Academiæ patres conscripti Iselium tum propter excellentissimas animi dotes, tum propter inusitatam prorsus & vastissimam omnium literarum inprimis antiquarum & Romanarum scientiam facundiamque copiosissimam, rerum etiam theologicarum accuratam cognitionem, cum rara probitate, pietate & zelo conjunctam, supra seculi nostri captum positum, d. 15. Sept. 1711. Professore Locorum comm. & contr. theol. omnium votis dixerunt, quam professionem d. 8. Dec. 1711. solenni prælectione

lectione capeffivit. Bibliothecarii munus a. 1716. ei commiffum omni diligentia fummo Bibliothecæ ipfius ac Eruditorum tam exterorum quam noftratum emolumento adminiftravit. Non folum Bibliothecæ curam geffit follicitam, fed & variis modis ejus augmentum promovit, moriens etiam centum ducatos aureos ejus uſibus deftinavit. Ruæum in edendo Origene, Cortium in edendo Salluſtio, Breitingerum in edendis 70. Interpretibus, Bengelium in edendo N. T. ſua opera multum adjuvit, Codices Mſt. Bibliothecæ noſtræ conferendo, variantes lectiones notando, illiſque viris præclaris communicando. Acta etiam Concilii Baſilienſis tribus vicibus, mox in gratiam Infantii Boruſſiæ Regi a concionibus, mox in gratiam Franc. Honorii, comitis a Trautmanſdorff, Imperatoris ad Helvetios Legati, mox in gratiam illuſtriſſ. Dageſſæi, Galliarum regis Cancellarii, ipſo dirigente, quin propria manu excerpente, majori ex parte fuere deſcripta. Ab his continuis atque graviffimis laboribus ut ſe reficeret, novæque ſuæ eruditioni faceret acceſſiones, iter literarium inſtituit in Galliam, Lutetiæ Pariſiorum inprimis adſexus, in qua urbe Bibliothecas publicas vere regias omni ſolertia perluſtravit & cum viris eruditiffimis frequentes contulit ſermones; quanti habitus hic fuerit Iſelius, inter alia indicat, quod is d. 15. Cal. Febr. 1718. a regia Pariſiorum Academia, quæ eſt de inſcriptionibus & elegantioribus Litteris, a Ludovico XIV. inſtituta, una voce & conſenſu, adprobante Rege, honorarium ejus membrum fuerit denominatus; qui honos eo magis æſtimandus, quo difficilior ad eum aditus patet, cum tres tantum peregrini ejus fieri participes poſſint. Integrum annum cum Iſelius Lutetiæ tranſegiffet, ab itinere, quod in Angliam cogitabat inſtituere, revocatus nuncio, Academiæ Baſil. Rectoratum ſibi impoſitum adferente, reditum in patriam paravit & d. 13. Cal. Quintil. 1717. ſupremum hunc magiſtratum adivit oratione publica, qua celebravit munus librarium lautiſſimum planeque eximium, quo vir ampliſſ. ac munificentiff. D. ANTONIUS HÖGGERUS, Dynaſta, Bibliothecam Academiæ Baſil. ipſo Iſelio ſuaſore ac auctore locupletavit. Munus hoc ampliſſimum per Iſelium ab Höggero oblatum pretium 14. vel 15. millium librarum gallic. excedit, & complectitur ſupra 70. volumina elegantiffime

gantissime compacta tabularum niæ incisarum, a præstantissimis artificibus elaboratarum, itemque alia volumina propemodum trecenta, quibus exquisitissimi libri continentur. Rectoratum acad. Iselius iterum gessit a. 1735. eumque auspicatus est oratione *de utilitatibus & commodis, quæ ab academiis ad urbes atque regiones, in quibus florent, vigentque, dimanare consueverunt*; hæc edita est in Tempe Helv. T. I. §. 3. Sed finis tandem his aliisque laboribus impositus fuit beata morte, quam magnus Iselius, vir, ut Guilielmus Archiepiscopus Cantuariensis in literis ad eum scriptis ipsum compellare solebat, immortalitate dignus, sustinuit d. 13. Apr. 1737.

Præter jam commemorata in lucem edidit a. 1716. dissertationem de controversiis ecclesiæ anglicanæ quoad distinctionem Presbyterorum atque Episcoporum. Collectionem concionum pœnitentialium a. 1719. sæpius enim Gallice atque Germanice fuerat concionatus. Buddæi Lexicon histor. univ. 4. T. in fol. insigniter auctum edidit a. 1726. opera nonnullorum amicorum adjutus. Depulsionem calumniarum &c. 1734. 4. Vitam Lud. Berii & Christi. Vrstisii, pluraque alia conscripsit, quæ partim in Actis Paris. Bibl. rais. Misc. Duisburg., Mercure Suisse, Musæo atque Tempe Helvet., Bibl. Brem. alibique, & etiam seorsim comparent. Mille & sexcentos florenos Legati nomine studiosorum pauperum commodo Academiæ solvit per hæredes.

XI. JOHANNES GRYNÆUS electus d. 17. Dec. 1737. munus auspicatus est d. 4. Febr. 1738. eique præfuit usque ad a. 1740. cujus anni d. 15. Nov. professionem N. T. fuit adgressus. V. Prof. N. T. n. 14.

XII. JOH. BALTHASAR BURCARD electus d. 28. Nov. 1740. professionem hanc adiit d. 18. Jan. 1741. eamque administravit, donec Professor N. T. constitueretur, quod accidit a. 1744. V. Prof. N. T. n. 15.

XIII. JAC. CHRISTOPHORUS BECK electus d. 8. Jul. 1744. capessivit munus d. 30. Oct. 1744. idque obiit ad a. 1759. quo d. 27. Apr. professionis. V. T. auspicia cepit. V. Prof. V. T. n. 21.

XIV. EMANUEL RYHNER, ex doctrina atque pietate nobilis, natus est d. 7. Jun. 1695. patre Benedicto Ryhinero,

Ryhinero, CCviro, matre Dorothea Socin. Pia mater puerum morte præmatura optimo patre orbatum studiose curavit, omnemque cogitationem in bonam ejus educationem defixit. Ludo literario publico, ne domestica libertas in licentiam solveretur, mancipatus, stadium strenue cucurrit; eoque emenso, philosophicarum disciplinarum studium omni diligentia profecutus; & postquam a. 1707. Vivisci linguam gallicam didicisset, a. 1709. Laurea philosophica & a. 1711. insignibus doctoralibus sive titulo A. L. Magistri fuit condecoratus. Ab istis philosophicarum disciplinarum præfidiis bene instructus, theologicum studium, ad quod animus maxime inclinabat, alacriter suscepit & d. 22. Jan. 1711. nomen suum huic studio solenniter dedit. Quadriennium sacrarum literarum studio destinatum ita transiit, ut non contentus vulgari doctrina, ad altiora & ipsa eruditionis veræ adyta penetrarit, cujus luculentum specimen edidit dissertatione de Tyro eruditissime conscripta & strenue defensa d. 2. Apr. 1715. quo eodem anno & S. Ministerii candidatus & Orphanotrophii Pastor fuerat constitutus. Graviori huic oneri sustinendo humeros juniores nondum pates judicans vir modestissimus superiorum consensu, vicario substituto, iter literarium instituit, majorem eruditionem & in rebus ecclesiasticis uberiores peritiam comparaturus. Belgium itaque, Galliam atque Angliam peragravit, ubique quæ vidit atque audivit in usum convertens. In reditu per aliquod tempus apud legionem helveticam Demmelianam stipendia apud Gallos merentem Sacra administravit. Postquam domum rediit, ab Orphanotrophio a. 1720. ad communem Diaconatum, & inde a. 1722. ad coetum S. Albani fuit vocatus. Huic dum præfuit, studia academica minime neglexit sed diligenter continuavit; publice id ostendit d. 25. Nov. 1727. cum pro vacante cathedra Juris nat. atque Philosophiæ mor. adumbrationem philosophiæ practicæ institutionum competitorum examini submitit. Tum quidem ternario numero honorifice fuit insertus, sortem autem sibi habuit adversam. Decennio post, a. 1737. ad Pastoraturn ecclesiæ Leonhardinæ promotus, nihil ad ejus curam pertinens reliquum fecit, atque cum vita inculcata, tum saluberrima doctrina animas sibi commissas ædificavit. Quod cum per annos 18. assidue peregisset, tandem viribus

viribus corporis alacritati animi non respondentibus, rude ut donaretur petiit, quam & ab ampl. Magistratu d. 8. Aug. 1755. cum honoris testificatione impetravit. Valetudine paulatim restaurata, coepit ultro Theologiae studiosis, haud infcio nec invito, sed potius lætante Theologorum ordine, privata opera ad practicam potissimum Theologiae partem viam præire. Tandem cum summo Numini placuisset, summum Virum, Joh. Ludov. Freyium, S. Theol. Doct. atque Prof. ex ærumnosa hac vita in vitam lætitiarum plenam transferre, visum est collegio theologico, Ryhinerum nostrum, tanquam virum insigni eruditione, pietate ac rerum ecclesiasticarum usu valentem, Senatui academico proponere ceu talem, quo Ecclesia & Academia posset ornari. Ille una cum Scholarhis unanimi consensu rem ad summum civitatis Ordinem refert, ac sine ulla difficultate d. 4. Apr. 1759. obtinet facultatem, Ryhinerum ad cathedram professoris Locorum comm. ac Controversiarum Theol. vocandi. Id factum, ipseque hanc provinciam alacri promptoque animo suscepit. Postridie Cal. Maji 1759. in Conventu Theologorum & Pastorum de fide & doctrina salutari ut mentem suam aperiret rogatus erudite ac orthodoxe disseruit, ac porro ad quæstiones propositas solidissime respondit. Geminum deinde specimen lectionum publicarum edidit, ac dissertationem inauguralem d. 29. Maji de Resurrectione Jesu Christi cum omnium adprobatione habuit atque defendit. Quibus omnibus rite peractis d. 7. Jun. 1759. insignia atque privilegia Theologiae Doctoris accepit, munusque suum bono cum Deo d. 12. Jun. fuit adgressus. Sed hæc bona nobis haud diu durabilia esse voluit summus rerum Arbiter. In ipso enim Theologorum conventu cordis palpitationem, malum, quo a longo jam tempore vexabatur, gravius sentiens domum properavit, eademque adhuc hora apoplexia obiit d. 19. Jul. 1764. Uxorem reliquit viduam Annam Mariam Zæslin & ex sex liberis tres filios atque filiam, hanc nuptam Joh. Henrico Falcknero, J. V. D., Juris Professori atque Reip. Syndico, filios Emanuelem atque Benedictum CCviros & Joh. Henricum Med. Doct., Ethices Professore atque Bibliothecarium.

Præter jam notata edidit concionem in Ps. CXLVIII. 8. a. 1739. nec non conciones funebres XXXIII.

G

XV.

XV. JOH. WERNERUS HERZOG, natus est d. 25. Sept. a. 1726. ex publico ludo literario a. 1741. ad lectiones philosophorum publicas emissus, biennio post primæ in Philosophia laureæ, annoque 1744. Magisterii Artium gradum fuit adeptus. Postquam dein per quinquennium studio theologico vacasset, a. 1749. in numerum S. Ministerii Candidatorum fuit receptus. Cessante a. 1759. linguæ hebrææ cathedra d. 18. Sept., dein a. 1760. vacante cathedra Juris naturæ & gentium d. 16. Sept. & a. 1762. vacua cathedra linguæ græcæ d. 14. Sept. publicam defendit disputationem, binisque vicibus sorti subjectus, binis etiam vicibus, ut & aliquoties munus ecclesiasticum sortitus, sortem habuit fatalem. Denique cum a. 1764. professionem Locorum comm. ac Controv. Theol. solus ambiret, eam d. 25. Jan. 1765. obtinuit, postquam præter alia specimina d. 14. Dec. 1764. pro gradu Doctoris Theologi dissertationis de Æternitate poenarum infernalium partem priorem, & d. 25. Jan. 1765. ejusdem partem posteriorem obtinendæ cathedræ causa publice defendisset. Die 5. Mart. ejusdem anni Theologiæ Doctor renunciatus, triduo post professionem solenni prælectione auspicatus est.



PROFESSORES JURIS.

I. PETRUS ZUM LUFT, Basiliensis, doctrina vitæque integritate insignis, patrem habuit Rodolphum, avum Ulricum, qui in republica Basiliensi circa a. 1377. innotuit, a cujus artificio ephippia tria rubeo distincta septo insignium loco ipsius posteris fuerunt. Nomen hæc familia acceperat a domo vici specularii ita denominata. Petrus noster fuit Doctor Decretorum s. Juris Canonici, itemque Canonicus atque Decanus capituli Petrini; postea etiam ecclesiæ cathedralis exstitit Canonicus, nec non Episcopi Vicarius. Jam a. 1461. Doctorum Senior fuit adpellatus. Fundata Vniversitate Basiliensi primus a. 1460. Decanatum Juridicum gessit, quem & a. 1461. 1462. & 1469. sustinuit. Bina etiam vice Academiæ hujus fuerat Rector, a. 1461. & 1467. Quantum literas amaverit atque promoverit, exemplo est ejus famulus, Petrus, cujus studia ita adjuvit, ut post heri fata a. 1477., Decano Matthæo Müllero, Juris Licentiatu renuntiaretur. Obiit d. 20. Nov. 1474.

II. JOHANNES HELNICH de Bercka, Art. Lib. & S. Canonum Doctor, Canonicus ad S. Petrum Basileæ & S. Severum Erfordiæ, vocatur in archivo acad. Ordinarium primus Facultatis Juridicæ Acad. Basil. Decanatum gessit a. 1463. 1464. & 1472. Rectoratum vero a. 1463. A. 1462. ablegatus fuit a Magistratu Basil. ad Pium II. Pontificem M. ut videret, num Bullæ censurarum, quæ contra civitatem nostram emissæ fuerant occasione dissidii inter Dietericum de Isenburg & Adolphum de Nassau, qui Papæ favore & auxilio ad sedem Moguntinam erat promotus, ejusdem Pontificis consensu emanarint? Qua in legatione effecit, ut Papa, postquam intellexisset, Basilienses contra Adolphum arma non sumsisse, excommunicationis poenam illico relaxaverit.

In Bibliotheca publica Academiae nostrae servantur in MS.
2. Vol. in fol. hoc titulo: *Job. Helmich &c. Lectura super primo & secundo libro Decretalium. — super tit. de Testam. & ult. vol. de success. ab intest. & de sepult. tert. lib. Decretal. recitatae Basileae in lectionibus ordinariis, & calamo exceptae a Jacobo Louber de Lindau Carthuf. Ord. a. 1473.*

III. PETRUS DE ANDLO, nobili genere natus, distinguendus est a Doctore Georgio de Andlo, qui ex eadem nobilissima Andloviorum familia, jam a longo tempore in Alsatia, olim vero Romae in Italia florente, originem duxit, & Basiliensis atque Lutenbacensis ecclesiae Praepositus, ac academiae Basiliensis primus Rector, obiit d. 7. Mart. a. 1466. Petrus vero de Andlo, qui itidem fuerat Praepositus ecclesiae Lutenbacensis S. Michaelis, fuerat Academiae Basil. Vicecancellarius, Canonicus Colmariensis, Juris Canonici Doctor ejusdemque Professor, sive, ut tum vocabatur, in sexto Decretalium Lector. Academiae Rector fuit a. 1471. Jureconsultorum Decanus a. 1465. 1470. & 1475., quo anno Facultatis Senior vocatur.

Scriptit a. 1460. duos libros *de Imperio Romano, Regis & Augusti creatione, inauguratione, administratione & officio, juribus, ritibus & ceremoniis Electorum aliisque Imperii partibus*, qui editi sunt Argent. 1603. recusi ibid. 1612. 4. & inter tractatus varios de S. R. Imperii regimine, Norib. 1657. 4. — In MS. Bibliothecae publicae Bas. ejus exstant *Collectanea conclusionum super regulis juris l. 6. collecta in 4. — Conclusiones in Clementinas & VI. Decretalium*, recitatae in ordinariis lectionibus & scriptae manu Jacobi Louber, a. 1471. fol. — *Recollecta ex lectione, tertia vice instituta, D. Dominici de S. Geminiano super VI. libro Decretalium*, a. 1477. 4.

IV. GERHARDUS IN CURIA, de Bercka, J. V. D. Ecclesiae S. Petri Canonicus, fuit Ordinarius sexti Decretalium. Rectoratum gessit a. 1462. Decanatum sui ordinis a. 1466. 1471. & 1476.

V. JOHANNES GRUTSCH, Decret. Doctor, Canonicus & Custos ad D. Petri fuit Acad. Rector a. 1466. Facultatis Jurid. Decurio a. 1467.

VI. MATTHAEUS MULLER s. Molitor, in archivo Jurid.

id. vocatur famosus & egregius vir, Sacr. Canonum Doctor creatus fuit Basileæ a. 1464. fuit & Canonicus Petrinus itemque Officialis curiæ Episc. Decanatum jurid. gessit a. 1468. 1473. & 1477.

VII. GEORGIUS BERNOLDT de Nürenberga, dicitur in epitaphio venerabilis & egregius vir; Basileæ Decret. Doctor fuit creatus a. 1468. & ecclesiæ majoris Basil. fuit Canonicus. Decanatum ordinis J. C. gessit primum a. 1474. quo anno Christophorus de Vtenheim, præpositus ecclesiæ S. Thomæ Argentin. postea Episcopus Basil. Decret. Doctor fuit renunciatus. Eadem Decani dignitate postea adhuc quarta vice est defunctus a. 1479. 1487. 1494. & tandem a. 1503. supremum diem clausit d. 11. Maj. 1510.

VIII. FRIDERICUS DE GUARLETIS Juris Civilis Doctor Decanatum gessit quinques a. 1478. 1485. 1493. 1502. & 1510. Senioris nomine venit quartum Decanus:

IX. JOHANNES BEZ de Durlach Basileæ creatus est Juris Licentiatus a. 1467. & Decret. Doctor a. 1473. Ordinis jam fuit Senior a. 1480. quo primum Decanatum gessit, postea a. 1488. & 1495. eodem honore fuerat mactatus. Juris Canonici fuerat Ordinarius, cum tertium Decanatum ageret. Adjunctus fuit a. 1482. a Magistratu Basil. *Petro Numagen*, cum iste jussu Ratorum Pontificis M. inhibitionem faceret contra *Episcopum Suesanum*, qui occasione causæ Archiepiscopi Crai-nensis Basilienses diversis iniquis sententiis laceraverat.

X. ADAMUS CRIDENWYSS, civis Basiliensis, Sitometræ filius, promotus est in Philosophia Baccalaureus a. 1461. annoque 1464. Magister artium fuit creatus. A. 1476. cum Decanatum philos. administraret, nimis fervidum privilegiorum Acad. propugnatorem egit; noctu enim cum unus ex officiariis Episcopi a Studioso graviter vulneratus hicque Episcopi jussu in carcerem conjectus fuisset, indignatus, hanc incarcerationem inscio Decano fuisse peractam, adhibita vi studiosum ex carcere liberari curavit. Id vero acerbe ferens Episcopus, Universitatis Cancellarius, philosophicam facultatem privilegio Magistros creandi ad tempus privavit, quam vero

pœnam rogatus mox remisit. Kreidenweiss studium Juris prosecutus Licentiam obtinuit a. 1476. postea Decret. Doctor Decanatum Jurid. administravit a. 1481. Eodem anno cum aliis consiliarius erat in causa inter Joh. Sulger & Academiam Friburgensem super decimis Villin-ganis controversa, a Curia Ensisheimiana ad Sigismundum archiducem remissa.

XI. ARNOLDUS RICH de Richenstein, nobili genere natus, Juris Doctor fuit proclamatus a. 1478. Canonicus existit etiam ecclesiæ majoris. Decanatu jur. functus a. 1482. Rectoratu vero a. 1478.

XII. JOH. VLRICUS SURGANT de Altkirch philosophicam Lauream nactus est Basileæ a. 1466. A. L. M. promotus Parisiis. Basileam reversus in Jure Doctor creatur a. 1479. Rectoratum Acad. IV. Decanatum jurid. III. sustinuit. Existit etiam ecclesiæ colleg. S. Petri Canonicus, itemque Curatus Pastor Ecclesiæ S. Theod. in minori Basilea, & catalogus Baptizatorum ab eo conscriptus & a. 1490. inchoatus, adhuc existat. Ob. a. 1503.

XIII. JOH. MATTHIAS de GENGENBACH gradum magisterii artium accepit Parisiis. Basileæ vero Decret. Doctor fuerat creatus a. 1480. Fuit etiam Theologiæ Baccalaureus, item ad D. Petri Canonicus, nec non divinæ Poeticæ Ordinarius. Juris Pontif. dicitur Interpretes, adeoque ejus publicus fuit Professor. Rectoratu acad. functus a. 1481. Decanatu vero jurid. a. 1484.

XIV. BERNHARDUS OEGLIN s. *Oiglin*, de Altkirch in Alsatia honores philosophicos adeptus est Basileæ, & quidem primam Lauream a. 1467. secundam vero Magisterii a. 1471. Deinceps studio Juris, inprimis Pontifico, operatus, ejusdem Licentiatus a. 1478. & a. 1481. Doctor solenniter est renunciatus. Munera gessit amplissima, Casparis quippe Episcopi existit in spiritualibus vicarius generalis, Universitatis Vicecancellarius, & a. 1485. ordinis Ictorum Decanus, utut junior & ultimus in collegio doctorum, quam dignitatem postea III. repetiit. Legitur etiam fuisse Canonicus ecclesiæ cathedr. & Officialis

lis curiæ Basil. nec non tribus vicibus ordinis philos.
Decanus, quaterque academiæ Rector.

XV. ANDREAS HELMUTH, ex minore Basilea oriundus, Magisterii gradu cohonestatus fuit a. 1457. Juris Licentiatus creatus a. 1484. postea Juris Pontif. Doctor Decanatum jurid. ter, philosophicum sæpius administravit. A. 1481. cum aliis consiliarius erat in causa inter Joh. Sulger & Academiam Friburgensem super decimis Villinganis controversa, a curia Eufishemiana ad Sigismundum archiducem remissa.

XVI. SEBASTIANUS BRAND de Argentina Basileæ literis operam daturus advenit a. 1475. natus vero est a. 1458. & pro more illius seculi germanicum nomen latino commutans se *Titionem* vocavit. a. 1477. in Jure Baccalarius, a. 1483. Licentiatus & a. 1489. Doctor fuit creatus. Tam Basileæ quam Argentinæ publice docuit magno auditorum emolumento. De eo hæc habet Tritheimius: „Sebastianus *Titio*, alias *Brand*, argentinenſis „natione teutonicus, utriusque Juris professor insignis, „& tam in divinis scriptis, quam aliis secularis literaturæ disciplinis egregie doctus; poeticam non mediocriter callens: ingenio subtilis: eloquio disertus; „consilio ac actione præcipuus: qui sua eruditione ac lucubrationibus Basileam, inclytam Germaniæ urbem „mirum in modum exornat.” Decanus jurid. fuit a. 1492. postea a. 1494. patriam repetiit ibique archigrammateus mortuus est a. 1520. relicto filio Onophrio, qui a. 1492. Basileæ Rectoris matriculæ nomen suum inseruit.

Scriptit atque edidit plurima, in quibus præcipue laudatur Satyra, carmine latino & rhythmis germanicis exarata, *Stultorum* nempe *navicula*, seu ut ipse vocavit: *Navis Narragunia*, in qua causam & radicem stultitiæ sagacissime investigavit, mores hominum argute carpsit, & salutaria remedia prudenter subiunxit. Editæ sunt primo germanice, Bas. 1495. 4. dein lat. ib. 1498. postea cum expositione Jodoci Bada Ascensii, ib. 1506. Lond. 1509. Lat. & angl. per Alex. Barclay, 1570. 4. lat. ex versione Jac. Locher, c. f. Bas. 1572. 8. ad scripta ejus porro pertinet *Modus studendi in utroque jure*, Bas. 1514. 4. *Promptuarium totius Juris civilis & criminalis*, 1. III. Francof. 1600. fol. *Der richterliche Klage Spiegel* &c. Argent. 1518. 1521. 1538. 1542. 1550. 1553. fol. Hagen.

Hagen. 1529. fol. *Tengleri speculum laicorum* denuo edidit germ. cum præfatione, Argent. 1538. 1550. fol. *Brevis actorum Concilii Basil. descriptio*; nec non *tractatus de impostoribus illis ex Prædicatorum ordine*, qui a. 1509. *Bernæ vicicomburii supplicio fuerunt adfecti*, in 4. Ejus carmina in laudem Sanctorum plurima atque alia recenset Adami in Vitis J. C. qui consulendus.

XVII. JOHANNES de ETTENHEIM, vel ut sæpius vocatur, Johannes Instititoris de Ettenheim, studiorum fundamenta jecit Basileæ, a qua regia urbe diligentia præmia tulit; primam lauream philos. a. 1461. secundam, n. magistri artium titulum a. 1464. In Jure creatus fuit Licentiatuſ a. 1476. & Doctor a. 1485. Decanatum philos. gessit aliquoties; Rectoratum a. 1493. ubi in matricula S. Canonum Doctor atque in novis Juribus Ordinarius vocatur; & Decanatum jurid. a. 1499. & tunc nominatur secundus ordinarius.

XVIII. VLRICUS KRAFFT, Vlmensis, Friburgi Brisgovia & in philosophia & in jure Doctoratum obtinuit, ejusque academici Rector exstitit a. 1493. Basileæ quidem jam commorabatur a. 1475. & literis operam navavit, sed nullo honoris gradu hic accepto Friburgum se contulit. Inde a. 1495. reversus utriusque Juris Doctor in facultatem jurid. fuit receptus, Ordinarius futurus in Jure Civili. A. 1500. Decanatu jurid. functus appellatur Professor ordin. Jur. civilis. Anno nempe 1494. consules civitatis primum decreverunt, ordinarium in Legibus dare Professore. Rector fuit a. 1495. & 1500. Primum Rector vocatur Legum Doctor & ejusdem facultatis ordinarius; iterum Rector dicitur Canonicus ecclesiæ S. Petri Bas.

XIX. HIERONYMUS de WEIBLINGEN ex Nœrdlingen, primum ad philosophos Basilienses animum adjunxit & ab iis, quos dare solent, honores, primum a. 1475. secundum a. 1477. accepit. Studio dein Juris in vigilavit, in eoque a. 1484. Licentiam & a. 1494. Doctoratum obtinuit; in utroque loco vocatur Jeronym. Baiblinger de Norlingen. Decanus Philosophicus fuit sæpius; juridicus a. 1501. quo tempore etiam Canonicus fuit ecclesiæ majoris Basil. Academici Rector fuit ter, a. 1480. 1485. & 1499.

XX.

XX. WILHELMUS GRIEB, Basiliensis, natus est a. 1462. Lauream philosophicam nactus a. 1483. privilegia vero magistralia a. 1485. scientiæ juris studuit, &, ut videtur, Doctoris gradum apud externos accepit; cum enim Basileæ a. 1492. in facultatem jurid. reciperetur, vocatur J. V. D. G. . . enensis. Rectoratum acad. & Decanatum jurid. bina vice gessit. Obiit a. 1513. relictis ex nobili uxore, Vrsula de Jestetten, duobus filiis & filia una. Eundem nominatum invenimus Wilh. Grieb de Bynningen, qui vicus est prope Basileam, ubi forsan ipse vel parentes villam vel arcem possederunt. Ceterum Griebiorum familiam Reipublicæ nostræ senatores, tribunos plebis, belli duces atque legatos strenuos dedisse, Chronica nostra confirmant.

XXI. JOHANNES TUNSEL, alias *Silberberger*, ex minore Basilea ortus, egregia erat indole ingenioque excellenti; bonis literis probe instituendus patrio tradebatur lycæo, musisque cum litasset, ab ipsis vicissim meritorum tulit præmia, a. 1484. prima & a. 1487. secunda laurea condecoratus. Medicinæ dein operam dedit, in eaque supremam lauream doctoralem adeptus praxi medicæ haud segniter operatus est. Postea etiam pro singulari, quo gaudebat, ingenio omnem adhibuit curam atque diligentiam, ut utriusque juris, civilis atque canonici, solidam acquireret notitiam. Hac adepta a. 1497. Canonum Doctor receptus & a. 1503. Juris civ. Licentiatus fuit promotus. A. 1501. ad facultatem & consilium & a. 1506. in *Ordinarium Regentum ea conditione fuit receptus, ne in futurum se de regimine Facult. medicinæ intromittat, practica demta, nec ejusdem medicinalis facultatis membrum existat, nisi a facultate jurid. super his secum fuerit dispensatum.* Rectoratum Acad. obiit bis & Decanatum jurid. quinquies. Ceterum fuit ex illis, qui juxta D. Lud. Berum, D. Augustinum Marium & Joh. Sattler, dict. Gebwyler, post solennem disputationem Badensem partibus Oecolampadianis restiterunt, pontificiis vero subscripserunt.

XXII. GERHARDUS de LUPABUS, de S. Theobaldo, Jur. utr. Doctor receptus fuit a. 1496. Decanatum jurid. gessit a. 1508. & 1513. quo anno postremo ejus absentis vices obiit Joh. Tunsel dict. Silberberger.

XXIII. ADAMUS MÜLLENBERG de Dieffenhoven, Canonicus Ecclesiæ Petrinæ Basil. & comes Palatinus, Canonici Juris Licentiam a. 1503. & Doctoratum a. 1504. obtinuit, annoque sequenti in Consilium fuit receptus. Functus est Decanatu jurid. a. 1509. Academiæ vero Rectoratu a. 1503. & 1509. Hoc edidit programma :

Nos Adam de Müllberg ex Dieffenhoven Rector Universitatis studii Basiliensis universis optimarum litterarum amatoribus cum subscriptorum noticia salutem. Licet superioribus annis, tum pestis feueria, tum bellorum incommodis, Universitas nostra Basiliensis ruinam passa sit, hac tamen tempestate, qua ex diuina clementia & pestis grassari desit, & bella sopita sunt, prouidus Reipublicæ Basiliensis sentiens, ad instaurandam gymnasii gloriam ordinavit amodo futuras in omni facultate lectiones. Profundissimus enim diuinarum litterarum professor Laudislaus Vlricher Veldencensis in Theologia. Consultissimus & ingenio subtilissimus utriusque censure interpres Johannes Cinus, Hispanus, in Legibus & Decretalibus cum circulis vespertinis. Prudentissimus vir Licentiatuſ Johannes Mornach in novis iuribus. Expertissimus medicinarum doctor Johannes Wonegger in medicina, stipendio publico lecturi sunt, & quoniam discipline Liberales, ad superiores facultates solidum fundamentum prestant, erunt etiam hic philosophiæ magistri, oratorique & poetrie docti, qui in septem artibus in omni philosophia & humanitatis literis eruditionem disseminabunt. Quod ideo cunctis sapientie cultoribus per presentes significare volumus, ut ad amentissimam urbem, cui facile omnis necessarius victus suppetit, studii causa venire se posse sciant. Vbi litterarum morum virtutumque doctrinandi diligentiam cum securitate largissime inuenient. Datum Basilee sub nostri Rectoratus sigilli impressione decima octava mensis Marcii, anno Domini millesimo quingentesimo quarto.

(L. S.)

XXIV. ARNOLDUS ZUM LUFFT, Basiliensis, Petri zum Lufft ex fratre nepos, Canonicus fuit ecclesiæ cathedral. Basil., hunc tamen gradum non sine difficultate obtinuit atque servavit. Vitisius rem ita refert : „ Arnoldus zum Lufft ante consecutum Doctoris titulum, „ permutatione quadam cum Johanne de Reſe, Coloniam „ secessuro, apud Cathedrale collegium, anno ipsius „ patruo fatali, canonicatum obripuerat, impetrata „ Sixti Pontificis ratificatione. Quod ut Canonici ir- „ ritum facere possent, communi consilio sanxerunt, ne „ quisquam

„ quisquam civium Basiliensium, dignus indignusve, in
 „ consortium eorum cooptaretur, admittereturque, nec
 „ cuiquam facellanorum ulla tribuum societate uti lice-
 „ ret, verentes ne forte ad aliquem authoritatis gra-
 „ dum evecti, patriæ amplius quam par videretur, per-
 „ mitterent. Quæ res inter clerum atque senatum non
 „ parum simultatis excitavit, civibus id sibi ignominio-
 „ sum ducentibus, effecitque, ut in ecclesiastica etiam
 „ ditione contra Burgundi ferocitatem tutanda, diffici-
 „ liores essent. Sed & Arnoldo sacerdotium istud ma-
 „ guo labore sumtuque stetit, Canonicis aliquandiu Pon-
 „ tificis poenale monitorium spornentibus, ut excommu-
 „ nicationis sententia eos urgere necesse habuerit. Po-
 „ stea vero Julius Pontifex II. ob res ab Helvetiis con-
 „ tra Gallos a. 1512. in Insucribus præclare gestas,
 „ Basiliensibus inter cetera privilegia & hoc dedit, ut
 „ qui ex eorum cœtu eruditione vitæque honestate Doc-
 „ toris nomen legitime consecutus esset, summorum
 „ primi templi sacerdotiorum capax esse posset.” Ar-
 „ noldus noster primum Decretorum & a. 1499. Legum
 „ Doctor fuit promotus & tunc erat officialis curiæ Basil.
 „ Academiæ fuit Vicecancellarius a. 1511. quo Decanatum
 „ jurid. sustinuit. Rectoratum Acad. administravit a. 1500.
 „ & 1508. Obiit a. 1517.

XXV. AUGUSTINUS LUTTWANG f. Lutenwang, na-
 tione Suevus, fuit Rector ecclesiæ paroch. Kaufburæ,
 item Canonicus atque Decanus ecclesiæ colleg. ad S. Pe-
 tri Basil. Legum Licentiatus dictus a. 1498. & Juris
 civ. Doctor a. 1500. Decanatum jurid. gessit a. 1514.
 Rectoratum Acad. a. 1510. & 1517. Jam a. 1510. dici-
 tur Legum civilium Interpres & minoris Basileæ paro-
 chus.

XXVI. JOHANNES MOERNACH, f. Johannes Textor-
 is de Moernach, Basileæ laurea philos. a. 1474. cœrona
 vero magistrali philos. a. 1477. cinctus, juri operam de-
 dit & in utroque Jure Licentiatus a. 1499. Doctor vero
 creatus fuit a. 1508. Ordinis philos. Decanus sapius,
 juridici vero sextum exstitit, a. 1515. 19. 22. 25. 26. &
 1528. Pontificii juris fuit Ordinarius jam a. 1504. De eo in
 matricula Theol. hæc exstant: *A. 1484. venerabilis vir M.
 Johannes Moernach admissus est ad lectionem bibl. designati*
sunt

sunt eidem libri Job. 3^o ep. Pauli ad Roman. Dispensavit facultas cum eodem super defectu nasalium, intuitu singularum virtutum ejus, quod cum nullo alio ullo unquam tempore facere deliberavit sed semper manere cum statuto. Dispensavit itaque usque ad Licentiam inclusive, quia nondum XXX. Annum compleverat. A. 1488. d. 17. Maj. admissus fuit venerabilis artium Magister 3^o S. Theologiae Baccalaureus Mernach ad lecturam Sententiarum. Praefatus Mernach duxit uxorem completo primo sententiarum a. 1489. 3^o dimisit studium suum cum ridiculo.

XXVII. JOH. HENRICUS WENTZ natus est ex familia Basiliensi meritis incluta. Studio philosophico sese consecrans animum doctrina excoluit, primosque fructus laureae philos. A. 1493. secundos, magistrales, a. 1495. merens cepit. Decanatu philos. a. 1504. & 1509. juridico vero a. 1517. Rectoratu a. 1502. & 1512. fuit perfunctus. Insignia Doctoralia accepit a. 1510. Canonicus quoque fuit & deinceps Praepositus ecclesiae colleg. S. Petri Basil. itemque Juris Professor ordinarius, in sextum Decret. publice profitens. Obiit d. 25. Jan. 1518.

XXVIII. LUCAS KLETT J. V. D. fuit promotus a. 1515. Decanatum jurid. gessit a. 1520. 1523. & 1527.

XXIX. JACOBUS de GOTTESHEIM de Ast, dioec. Argent. Philos. Doctor, S. Legum renunciatus fuit Doctor a. 1509. Juris Civilis Professor Rectorem acad. egit a. 1510. fuitque Ordinis Decanum a. 1516.

XXX. JOHANNES CYNUS, Hispanus, receptus fuit J. V. D. a. 1503. & Jurid. facultatis Professor fuit ordinarius a. 1504.

XXXI. NICOLAUS BRIEFER, civis Basiliensis, vir pius & antiquitatis studiosissimus, cujus sive pater, sive avus, Johannes, a. 1477. in Nancejana pugna, Caroli Burgundionum ducis nece memorabili, Basiliensium signifer fuit, academiae nomen dedit a. 1500. ad pedes philosophorum accurate institutus, in pietatis exercitiis, ceterisque bonarum artium studiis, adeo feliciter profecit, ut jam a. 1501. ad gradum Baccalaureatus adscenderit.

Hic

Hic gradus ad ampliores honores consequendos calcar ei addidit. Sive enim istud nominis atque honoris derivetur a *bacca* atque *lauro*, quæ genuini philosophorum cinguntur filii, hæc ipsa coronatio incitamentum fit laborum ingenuis juvenibus; *honos enim alit artes*; sive autem academicus iste honos deducatur a *bacillo*, quemadmodum Rhenanus, vir antiquitatum callentissimus, in scholiis ad Tertullianum observavit, in vetustissimis Parisiensis academix membranis, quibus constitutiones academicæ perquam accurate diligenterque conscriptæ continebantur, *Bacellarios* dictos fuisse, qui primum philosophicum honorem fuerunt adsecuti, ejus notatio prægnantissima hæc esset, ut bacellarii per porrectionem baculi tanquam signi admonerentur, se jam receptos esse in *Regnum Palladis*, in quo tractentur scientiæ & disciplinæ, homine liberali & ingenuo dignæ. Quicquid sit, Brieferus noster laurea philosophica redimitus strenuus porro in stadio proposito perrexerit, & indefessus ad metam contendit, quam & adsecutus est, a. 1504. philosophiæ atque liberalium artium magister creatus. Ad quos academicorum honorum gradus sicut doctrina & morum commendatione ascendit, ita etiam adeptos fructu doctrinæ & modestiæ plurimum ornavit. Tandem relicta Platonis academia & Aristotelis lyceæ, in quo diu magno cum fructu ambularat, ad Themidis sacra properavit, quod iter adeo feliciter ac velociter ipsi successit, ut mox non tantum utriusque Juris Licentiatus pronuntiatus, sed & in collegium Jureconsultorum receptus atque Juris professor constitutus fuerit. Hæc enim de eo habet Ramus in Basilea: *Nicolaus Brieferus ius civile magna cum laude docuit, sed historia imprimis excelluit*; id autem publica auctoritate factum fuisse, sequentia verba docent, ubi adserit, *Bas. Amerbachium, Adamum Petreium* (Petri) *Sam. Gryneum*, omnes, ut constat, Juris professores, *in eam ipsam cathedram fuisse ingressos*. Ceterum Canonicus, ut & Decanus, fuit capituli Petrini Basileæ; philosophicæ facultatis Decanatum a. 1514. 1517. & 1519. Academix vero Rectoratum a. 1520. 1528. & 1539. & facultatis juridicæ Decanatum a. 1538. strenue gessit atque laudabiliter. Interfuit etiam a. 1528. disputationi Bernensi, religionis causa institutæ, & in ea præsidis officio fuerat functus. Sepultus fuit in templo S. Petri Basileæ, & epitaphio honoratus,

noratus, in eo autem epitaphio annus mortis ipsius jam ante seculum & supra fuit oblitteratus. Hoc constat ex Scheuchzeri Bibl. Helv. p. 147. eum a. 1546. adhuc vixisse; illo enim anno Joh. Stumpfio, chronici helvetici auctori, *catalogum episcoporum Basiliensium*, nec non *historiam succinctam civitatis Basiliensis* transmisit, quæ ambo cum aliis Brieferi ad Stumpfium datis epistolis in bibliotheca civica Turicensi adhuc servantur.

Exstat præterea in MS. *Genealogia Comitum Habsburgensium* ex fundatione Murensi, libro Torneamentorum, Gebwilero & aliis collecta.

XXXII. CLAUDIUS CANTIUNCULA, Metensis, apud acad. Bas. Rectorem nomen dedit a. 1517. fuit J. V. D. & ex publico stipendio Legum Professor jam a. 1519. cum acad. Rectoratum administraret. Arduum atque amplissimum munus Cancellarii aultriaci in Ensisheim magna gessit prudentia atque singulari eloquentia. Ceterum vir fuit ut aliis Eruditis ita & Erasmo familiaris, qui de eo testatur, eum omnia sua copiose, splendide & graviter expedire, nihilque in eo absolutissimi rhetoris desiderari posse. Eidem Erasmus, cum declamationem in ipsius laudem exarasset, hæcce rescripsit: *Probo mirorque tuum ingenium ac facundiam; & boni consulo tam amicum de me tuum errorem. Ceterum malim delegisses aliud argumentum exercendo stylo. Nam istiusmodi laudibus me onerant, qui extinctum cupiunt. Alia ejusdem Erasmi de Cantuuncula in ipsius Epistolis præclara prostant testimonia. Et Magistratum Basil. eum magno loco habuisse, argumento est. quod cum in publicum prodiiisset Oecolampadii de Eucharistia libellus, eumque tantisper vendi prohibuisset, donec a censoribus examinaretur & probaretur, præter Erasmum Roter. & Berum præpositum etiam Cantuunculam Jurisconsultum, quid de scripto illo sentiat, consuluerit. Quid responderit, non constat; Erasmi vero responsum hoc fuit: S. P. Magnifici Domini, celsitudinis vestra hortatu perlegi librum Joh. Oecolampadii de verbis Cenæ Domini, mea sententia doctum, disertum & elaboratum; adderem etiam pium, si quid pium esse posset, quod pugnat cum sententia consensuque Ecclesiæ, a qua dissentire periculosum esse judico. Et ad amicos: Oecolampadius emisit libellum,*

lum, tam accurate scriptum, tot machinis argumentorum, totque testimoniis instructum: ut posset vel electos in errorem pertrahere. Obiit Cantiuncula in Cancellarii munere senex, & apud suos sepultus est.

Exstant ejus: *Paranesis de ratione studii legalis ad amicum anonymum.* Bas. 1522. 4. Lugd. 1541. fol. Bas. 1549. Francof. 1552. fol. Lugd. 1566. 8. Spiræ 1588. 8. Col. 1607. *Paraphrases in libros III. priores Inst.*, Ferd. Imper. dedicatas. Lovan. 1549. fol. Lugd. 1534. 1550. 8. *Topica Legalia.* Bas. 1520. *De officio judicis tractatus.* Bas. 1543. 4. Ven. 1584. *De potestate Papæ, Imperatoris & Concilii.* *Oratio apolog. contra eos, qui legibus cum Evangelio parum convenire adfirmant.* Bas. 1522. 4. de perfecto J. C. Lugd. 1566. 8. *Consilia s. Responsa* Col. 1571. per Gul. Cnutellum edita, fol.

PROFESSORES PANDECTARUM.

I. BONIFACIUS AMERBACH, f. *Amorbach*, Basiliensis, natus a. 1495. patrem habuit Johannem, typographum celeberrimum, ex Reutlingen Suevorum oriundum, civemque Basiliensem factum, matrem vero Barbaram Ortenbergiam. Horum parentum cura bonis literis institutus fuit puer diligenter, præcipue privata opera Joh. Cononis, Norimbergenfis Monachi, græcæ linguæ callentissimi, Latinæ scientissimi, singularique per omnem vitam integritate præditi, quem pater Amerbachius Patavio, ubi græcas literas profitebatur, Basileam venientem conduxit, partim ut ejus opera in excudendis Hieronymi operibus, partim in trium filiorum, Brunonis, Basili & Bonifacii, institutione uteretur. Hoc duce Bonifacius quicquid ad elegantiores literas pertinet avide arripuit, & a publicis professoribus dignus fuit habitus, qui a. 1511. laurea philosophica & biennio post magistrali corona redimiretur. Eo tempore principum eruditorum princeps, Erasmus, urbis nostræ speciatimque Joh. Amerbachii, cujus ædes inhabitavit, hospes gratissimus, Bonifacii nostri moribus impense delectabatur, conatibus ejus erigere favebat, eundemque postea in amicis interioris admissionis habuit, cujus fidei & extremæ voluntatis sanctimoniam commisit, quam ita pie solverat nolter, ut multis, expressa testatoris voluntate

luntate ad ipsum spectantibus, in gratiam amicorum Erasmi nec non pauperum studiosorum virginumque honestarum egentium, quibus Erasmus aliquid destinaverat, sua sponte cesserit. Bonifacius philosophiæ artibus ac titulis condecoratus Friburgum contendit, ubi laribus Huldrici Zasii adscriptus in Juris studio plurimum profecit, tandemque, juridica studia etiam in Italia atque Gallia alacriter prosecutus, omni suo merito Avenione summum Doctrinæ gradum obtinuit. Jam eleganti legum cognitione jurisque scientia celebris Amerbachius Basileam vocatur circa a. 1525. eique publico stipendio juris civilis interpretatio committitur, quam diu unus ac solus loco plurium tanta dignitate sustinuit, ut illius auctoritate præcipue stetit visa sit. Quinetiam Reipublicæ Syndicus in ambiguis difficilibusque causis de jure respondendo talem sese declaravit, ut Basiliensium Papinianus merito audierit. Etiam Principibus variis de summis rebus rogatus consilia dedit optima, & amplissimis præmiis propositis aliquoties evocatus patriam, cui plura se debere credidit, sua sorte contentus, prætulit. Uxorem duxit dotatam, Martham Fuchs, & ex ea suscepit filium Basilium, de quo mox, & tres filias, Esteram, Faustina & Julianam, ex quibus media Huldérico Iselio J. C., de quo statim, feliciter nupsit. Singulare fuerat istud, quod filius Rector una cum patre ad Episcopum Basil. legati fuerint missi. Rector autem Bonifacius erat quintum, & quidem bis, cum jam ob oculorum & capitis invaletudinem professione sese abdicasset. Ceterum vir fuit Amerbachius noster proceræ staturæ, imberbis, toga ad talos demissa, incessu gravis pariter ac modestus. Jureconsultus cetera moribus sanctissimis, eruditione consummata, ingenio sublimi, judicio subacto, eloquentia gravi, qua veteres expressit, ut ipse erat vetustatis studiosissimus, unde Jurisprudentiæ oraculum dicebatur. In oborto religionum discrimine Reformationum partibus sese palam addixit, dum alii, neglecta conscientia simulando, alii solum vertendo suæ fortunæ consulere studuerunt. Amicus & blandus exstitit omnibus, maxime peregrinis, in pauperes plus quam liberalis. In matricula jurid. ipse ad a. 1551. testatur, se pridem professionem deposuisse, ob causas jam supra adlatas. Denique, sic ei parentavit matricula jurid. *Patriæ, Jurisprudentiæ, & omnis Philosophiæ*

loſophiæ ornamentum, Bonifacius Amerbach, obiit d. 24. Apr. 1562. Reliquit Bibliothecam juridici atque hiſtorici argumenti inſtructiſſimam, nec non collectionem antiquorum nummorum aliarumque antiquitatum ſatis copioſam, quæ a genero Iſelio filioque Baſilio aucta, & ab utriuſque hæredibus emta Bibliothecæ publicæ academicæ fuit inſerta.

Scriptit *Epistolam de urbe Baſilea*, quæ occurrit in Seb. Munſteri *Cosmographia*; item *commentationes* *περι επιεικειας και του επιεικου*; nec non *περι του εκουσιου και ακουσιου*. Ejus epistolæ atque alia magno numero MS. custodiuntur in Bibliotheca publica Baſ.

II. VLRICUS ISELIN, cultor juſtitiæ ſeverus & verus pietatis indagator, originem ducit a ſtirpe Baſilienſi nobili atque antiqua; primus hujus ſtemmatis, qui Baſileæ a. 1364. advenerat, erat *Henricus Iſenle de Roſenfeld* ducatus Wurtembergici, cujus filius Conradus a. 1403. inter cives noſtros fuit receptus. Natus eſt noſter a. 1524. patre Johanne Luca Iſelin, Senatore, matre Eliſabetha Bera, Johannis mercatoris filia & Ludovici Theologi ſorore. Ab ineunte ætate bonis literis ducatus, Joh. Oporino & Sim. Grynæo in humanioribus præceptoribus uſus; a. 1536. ad lectiones publicas fuit promotus. Lutetiæ dein atque Valentiniæ ad Rhodanum, nec non in aliis Galliæ atque Italiæ Academiis ſtudium Juris fervide tractavit, Alciato, Zaſium atque Amerbachium ſibi inprimis ſequendos proponens, atque etiam Doctoris gradum obtinuit Papiæ, promotore magno Alciato, a. 1547. Gradu ornatus in patriam poſt 9. annorum peregrinationem a. 1547. redux, illo ipſo anno primum Codicis; dein a. 1548. Pandectarum Profeſſor fuit conſtitutus in locum Bonif. Amerbachii, cujus ſequenti anno filiam duxit uxorem, Fauſtinam, quæ præter ſeptem alios liberos ei peperit filium virtutum & dignitatum hæredem, Ludovicum, J. V. D. Profeſſorem atque Syndicum, de quo ſuo loco, & Joh. Lucam, Centurionem in Belgio agentem. Peste præmature exſtinctus eſt d. 25. Jul. 1564. Morti cum adpropinquaret, arculam obſignatam, chirographiſque repletam, Regentiæ miſit, rogans, ut, ipſo deſuncto, ea aperiretur, chirographaque debitoribus inſoluta traderentur, addito ſuo ſigillo, quo quicquid eſſet ſignatum, firmum eſſet ratumque. Vir nempe erat, qui jam antea multas

H

elemo-

eleemosynas in pauperes erogaverat. Sed hæredes in aliam abierunt sententiam, & Magistratus intercessione arculam integram a Regentia postularunt & obtinuerunt.

Scriptit *Praelectiones in Rubr. C. de edendo.* Bas. fol.

III. BASILIUS AMERBACH, patriæ suæ oraculum, erudita genitus fuit stirpe; Bonifacius Amerbach, J. V. D. ac Professor, Reip. Syndicus, ei fuit pater, mater vero Martha Fuchs. Lucem adspexit primum a. 1534. In eo jam puero, perhibente Theod. Zuingero, senilis gravitas, judicii maturitas & singularis existimatio probitatis erat conspicienda. Hac benigna nascendi sorte, fidaque ac sedula in eo formando parentis cura tanta fide atque diligentia, etiamque felicitate, in rem suam fuerat usus, ut supra ætatem saperet, singulisque sui admirationem injiceret. A. 1549. Academiae civibus adscriptus sequenti anno lauream philosophicam obtinuit. Magisterii titulum apud externos videtur accepisse, nulla enim in nostris indicibus inter Magistros ejus reperitur mentio. Patris exemplo Themidi sacra fecit, eumque præeuntem sedulo fuit secutus. Dehinc uberius cognitionis acquirendæ causa in Italiam a parente fuit amandatus, quam non modo universam curiosis oculis lustravit, sed & Bononiæ, ubi ad aliquod tempus substitit, Doctoris Juris titulo & insignibus fuit exornatus. In Italia, pretiosarum antiquitatum patria, degens, omni studio, quicquid impetrare licuit, conquisivit, patris Ceimeliarchium splendide aucturus. In patriam redux a. 1561. Academiae Rector, quem gravem honorem deinceps adhuc quater graviter sustinuit, & sequenti anno Codicis Just. Professor fuit constitutus. Biennio post in locum adfinis Iselii, sicut Iselius a. 1547. gener locero Bonif. Amerbachio successit, surrogatus Professionem Pandectarum obtinuit, & ne quid paternæ gloriæ ac muneris filio decederet, ampliss. Magistratus Syndici partes ei gratiose demandavit; quo factum, ut quantum Respublica atque Academia in patre fecit jacturæ, id in filio fuerit restitutum. Hisce muneribus nempe omnibus diligenter præfuit atque prudenter, plurima in Rempublicam atque Academiam conferens commoda. Ex quibus unum vel alterum nominasse sufficiat. Cum a. 1585. arduum transactionis negotium Rei publicæ

publicæ Basil. cum Episcopo & Canonicis intercessisset, ipse suo consilio, prudentia atque dexteritate illud haud parum promovit & ad felicem finem perduxit. Sua etiam beneficentia atque liberalitate effecit, ut in gymnasio patrio in usum studiosæ juventutis nova classis constitueretur, quæ hodiernum ejus nomen gerit. Verbo, vir fuit pietate, eruditione, prudentia, auctoritate atque beneficentia admodum illustris. Uxorem duxerat a. 1561. Asteriam Rüdin, Jacobi tribuni plebis filiam, quæ unicum ei filium peperit, Bonifaciolum dictum; lætitia autem atque spes, quam inde conceperat, mox evanuit, cum a. 1564. intra trium hebdomadum spatium patrem, uxorem atque filiolum, & hos quidem uno fere horæ momento d. 13. Apr. acerbiori fato amisit. Propter ætatem & negotiorum civilium molem professione cessit a. 1589. ipseque tandem peripneumonia absumptus animam expiravit d. 25. Apr. 1591. unaque cum eo Amerbachiorum familia fuit extincta.

Plura ejus MS. conservantur in Bibliotheca academice Basil.

IV. SAMUEL GRYNÆUS Basileæ natus d. 8. Jun. 1539. patre Simone, viro, ut loquebatur Erasmus, undecunque doctissimo, matre Catharina Lombardia, statim in infantia ingenium doctrinarum omnium capax exseruit, ideoque parentes tum animis quasi providentes, quantus ejus usus olim in republica literaria esset futurus, mature in ludum literarium patrum ipsum ablegandum censuerunt, in quo exiguo temporis spatio quam plurimum profecit, fida usus institutione viri bonis ingeniis formandis nati, Thomæ Plateri, Gymnasiarchæ omnium optimi. Ex Gymnasio in Academiam a. 1551. transmissus non secutus est illos, qui vitam otiosam sine ullo labore traducunt, sed id egit strenue, cujus causa hic aderat, cumque suam in discendo diligentiam præceptoribus, Thomæ Grynæo, Joh. Nysæo atque Vlrico Coccio, tum Philosophiæ professoribus, satis probasset, eruditionis atque laboris præmia, primam nempe lauream accepit; dein Joh. Fuglini, C. S. Curionis, Seb. Castellionis & Joh. Bechii, in secunda versatus classe, lectiones summo cum fructu audivit. Majores adhuc ut in studiis faceret progressus,

H 2

Argen-

Argentinam a parentibus fuit missus, ubi in ædibus *Petri Dasypodii* commoratus, inprimis *Joh. Sturmium*, per totam Europam ob singularem eloquentiam & multarum rerum scientiam celeberrimum, docentem audivit. Hinc post annorum aliquot intervalla domum rediens per aliquot annos suis fruitus fuit; postmodum Tubingam profectus juris civilis disciplinam adgressus est, in qua brevi eos profectus fecit, ut multis admirationi ob modestiam, plurimis ob progressum in studiis adamatus fuerit. Tubinga digressus rediit Basileam circa a. 1562. ac studium juris summa cum diligentia profectus est, publicos Juris doctores, Bas. Amerbachium, Joh. Sphyractem & Joh. Hopperum audiens frequenter atque consultans. Sed ingruente lue epidemia, multa hominum millia absorbente, Dolam Burgundionum concessit, quo eo commodius posset juris disciplinam profectui, siquidem id ob distractionem academice Basileæ fieri non poterat.. Postquam pestis desisset, rediit Grynæus in patriam a. 1565., & cum divitias ingenii sui explicuisset, a philosophica facultate summum in Philosophia gradum in publica solennitate d. 5. Jun. ejusdem anni obtinuit. Adeptus hunc gradum dignus judicatus est eodem adhuc anno, qui in Professorum numerum cooptaretur; demandata nempe ei erat professio Oratoria, cui tanta cum laude præfuit, ut novus videretur Demosthenes Athenis christianis exortus. Anno vero 1569. Doctoratus Juris insignibus condecoratus biennio post a. 1571. Institutionum Professor fuit constitutus. Postea d. 16. Oct. 1584. Codicis & denique d. 9. Jun. 1589. Pandectarum Professor, annoque 1591. Reipublicæ Syndicus fuit electus, in quibus muneribus omnibus obeundis eruditionis, fidei, dexteritatis, industriæ, pietatis singularia edidit specimina. Ipso vero monente ac stimulantē, cum jam vires inciperent deficere, J. Jac. Fæsch a. 1598. & 1599. professionem Pandectarum vicaria opera administravit, nondum Juris quidem Doctor renunciatus, quem titulum demum d. 1. Mart. 1599. obtinuit. Tanquam singulare notandum, Grynæum nostrum ab a. 1571. usque ad a. 1599. Candidatis 364. titulum Juris utriusque Doctor, rite semper promotorem creatum, contulisse. Uxores habuit binas, primo Elisabetham ex familia Beierorum natam, ex qua sustulit unicum filium, Simonem, legum, cum pater moreretur,

tur, studiosum, paternorumque vestigiorum æmulum. Hac pie defuncta duxit Annam Rüdinam, quæ unici filii & duarum filiarum ex eo facta est mater, quam moriens viduam reliquit. Vir autem iste egregius, qui profuit omnibus, nocuit nemini, ex asthma & hydrope d. 3. Apr. 1599. corpore solutus cœlestia gaudia petiit.

V. JOHANNES GUT natus est d. 12. Febr. a. 1555. in pago Oetliken, superioris Marchionatus Bada Dur-lacenlis. Pater ei fuit Franciscus Gut, fidus ejusdem ecclesiæ pastor, mater vero Barbara Wessnerin. Ab his piis parentibus optimæ indolis puer bene atque sol-licite educatus, & mature bonis literis ac moribus fuit imbutus; in his ut majora caperet incrementa, Aca-de-miæ Basiliensi a. 1572. fuit commissus, in qua maxime diligentem se exhibuit. Studiis philosophicis absolutis laborumque præmiis pro more acceptis, totum se stu-dio Juris dedit, ejusque felicius persequendi causa po-tissimas Germaniæ Academiæ invisit, inprimis Spiræ Nemetum praxi juridicæ animum & operam addixit. Hinc ephorus rogatus variorum nobilium, inprimis au-tem liberi cujusdam Baronis cum eodem Viennam Au-striæ adiit, aliquot annis ibidem commoratus. Tot ergo peregrinationibus literariis ex dignitate & multiplici suo emolumento superatis, supremum Doctrinæ juridicæ gra-dum non sine nominis sui gloria Basileæ a. 1582. solen-niter est consecutus, & quod se eruditione omnigena, experientia diffusa, humanitate singulari, candore sin-cero bonis quibuscumque de nota optima commendasset, dig-nissimus habitus est, cui successu temporis triplex pro-fessio juridica, & infima quidem, quæ Institutionum est, anno 1586., media, quæ Codicis, triennio post, suprema, quæ Pandectarum sive Digestorum d. 2. Nov. 1599. conferretur, quibus singulis muneribus, ut & Rectoratui acad. quinquies & Decanatui jurid. multo-pere, singulari industria, fide atque gravitate supra an-nos 43. præfuit, quo temporis spatio 362. J. V. D. at-que Licentiatos publice proclamavit. A. 1587. matri-monium iniit cum Catharina Frey, Matthæi Wenzii vidua, quæ cum aliquot liberis ipsi fuit superstes. Ca-tarrhis suffocativis atque apoplecticis identidem recur-rentibus egregius iste juris justitiæque cultor placida mor-te obdormivit d. 27. Dec. 1629.

H 3

VI. JOH.

VI. JOH. JACOBUS FAESCH, nobilissimæ ac antiquissimæ, de Republica atque Academia præclare meritæ, Fæschiorum genti originem debet; floret nempe ea Basileæ jam ab a. 1409. quo Heinzmannus & Burghardus Væschii ob res in obsidione arcis Isteinenfis fortiter gestas civitate nostra fuere donati. Pater nostro contigit Remigius Fæsch, octies Tribunus plebis, novies Consul renunciatus, mater vero Rosina Beck, a quibus parentibus amplissimis in lucem fuit editus a. 1570. & ab iisdem omni cura educatus. Bonis literis moribusque tam in publico quam privato ludo literario bene intinctum filium jam Philosophorum institutioni tradiderunt parentes magis imbuendum a. 1584. horumque lectiones publicas atque privadas ita sedulo atque adtente audivit, ut triennii spatio utramque lauream philosophicam adipisceretur. Dein studium Juris omni diligentia capeffivit, Jurisque antecessores nostros, Gutium, Grynæum atque Iselium, frequentavit. Peregrinis quoque sapientiæ præceptis domestica aucturus atque perfecturus, iter literarium cum duobus fratribus Rüdinis, parique fratrum, Jacobo & Bonifacio Zuingeris, instituit, & primo quidem in Italiam; Patavii autem cum subsisterent, unus sodalium, Bonifacius Zuinger, morbo correptus fuit extinctus. Visa deinde Roma, Neapoli, Florentia, Sena, Bononia, Venetiis, lustrata tandem tota Italia, post biennium ad suos rediit. Hic autem non diu moratus in Galliam contendit, & Genevæ Reipublicæ Consulem, Melch. Hornlocherum, ad Henricum IV. Legatum præstolatus cum eo Lutetiam Parisiorum fuit profectus, Interpretis loco ei futurus. Peragrata Gallia, cujus celebria tribunalia visitaverat, Spiram Nemetum petiit & ad Imperii tribunal penetrans causidicos præstantissimos non sine voluptate, nec sine fructu audivit. Mox autem ardentissima febre laborans paululumque restitutus ex consilio medicorum domum reverti paravit, digna virtute sua præmia laturus. Consuetis jam tentaminibus atque examinibus pro obtinendo Doctoris Juris gradu sese subjecit, & eruditam disputationem *de Fidejussoribus* publice defendit, quo facto ei in publica panegyri dignitas doctoralis a. 1599. fuit collata, habita prius oratione eleganti in nobilem quæstionem: *Num furti crimen capitis supplicio puniendum sit?* Eodem adhuc anno Institutionum

tutionum cathedram, a. 1612. Reipublicæ Syndicatum, a. 1612. Professionem Codicis & denique d. 23. Jul. 1630. Pandectarum Professionem omni suo merito obtinuit. Ex assē etiam cunctis suis muneribus satisfecit, jus docendo, de jure respondendo, consulendo, ubique suam probitatem, docendi peritiam, facundiamque ostendens. Fasces academicos gessit sextum. Decanatum jurid. administravit sæpius. Promotor, raro exemplo, erat octuagies, Juris Doctores 230. Licentiatos 35. creavit. Matrimonium contraxerat cum Anna Maria Bauhin, ex qua duos filios quatuorque filias vidit. Filiorum uni, juniori, J. Casparo, juveni, alteri vero Joh. Jacobo funus fecit jam adulto; is enim J. V. D. atque Professor obiit d. 29. Sept. 1648. in ejusque gratiam Pater, ut Filius immediate in Professione Institutionum succedat, a. 1637. Professioni Pandectarum valedixit. Iterum tamen d. 26. Nov. 1647. Professionem Codicis suscepit. Diebus denique, curis atque laboribus consumtus vitæ cursum finivit d. 17. Febr. 1652.

VII. REMIGIUS FAESCH, Joh. Rodolphi Consulis & Annæ Gebwyler filius, in hunc mundum bono publico editus est d. 26. Maji a. 1595. Ex tribus filiabus tredecimque filiis Remigius noster erat natu maximus, isque primas parentum, quas in bene educandis liberis posuerunt, curas percepit. Traditus mature præceptorum Gymnasii institutioni, pro ea, qua pollebat, ingenii felicitate, egregie in literarum rudimentis profecit. Ex disciplina vero scholastica ad liberalem Philosophorum institutionem emissus fuit a. 1609. in eoque stadio tanta solertia cucurrit, ut a. 1611. Baccalaureus, & a. 1613. Philosophiæ Doctor pro summo suo merito fuerit creatus. Artem dein boni & æqui addiscendam, sicque magnum suum patrum, J. Jac. Fæschium JC. imitandum sibi proposuit, hocque consilio, postquam Genevæ gallicæ linguæ copiam comparasset, per Lugdunum Bituricum, (Bourges) celebre illud Themidos delubrum, abiit, in quo aliquamdiu commoratus Lutetiam Parisiorum adiit. Ex Gallia in Germaniam & quidem Marburgum Cattorum perrexit, & *Vultei* atque *Sixtini* JCtorum opera atque benevolentia usus, salutatis etiam aliis Germaniæ urbibus, in patriam rediit, & post examen consuetum pro summis in utroque Jure

honoribus capeffendis differtationem *de Fœderibus* erudite confcriptam fortiter defendit. Nondum tamen eruditione, quam haud contemnendam poffedit, contentus, fed eam adhuc locupletaturus, novam peregrinationem fufcepit in Italiam, & Mediolano, Patavio, Ferraria, Bononia aliisque locis luftratis, Romam tandem, quo maxime tendebat, pervenit, & vifis videndis per illuftriores Campaniæ urbes, Velitras, Terracinam, Nolam, Capuam, Neapolim perrexit, exinde Romam reverfus per Viterbum & Siennam Florentiam adiit, ubi celeberrimæ medicæ Bibliothecæ & thefauri antiquarii propius investigandi caufa aliquamdiu fubftitit, inde Pifam, Luccam, Genuam, Placentium, Parmam, Mantuam, Patavium, Vincentiam & tandem Mediolanum delatus, una cum Patre, tranfalpina legatione tum defuncto, Bafileam reverfus a. 1628. a patruo fuo J. V. D. fuit renunciatus, nec multo poft, Melchiorẽ ab Infula Profefſione pariter ac civitate decedente, Institutionum Imper. Profefſor unanimi confenſu furrogatus. Jura itaque docere cœpit ſumma fide pariter ac dexteritate, qua non litabat oſtentationi in ſubtilioribus, parum aut etiam nihil profuturis, fed ad uſum & praxin cuncta dirigebat: hinc quid olim, quid noviter obtinuerit, quid etiam noviffime & Camerali, ut vocant, jure, cujus ille non minus ac Juſtiniani erat callentiſſimus, continuo ſubjungebat, exemplo acutiſſimi Zaſii, qui veritatem ex Juris textibus, non Doctorum auctoritate eruendam cenſebat; ita noſter magni æſtimabat Accuſſum, Bartholum, Baldum & quofvis eruditione & auctoritate præſtantes Jurium interpretes, majoris tamen ipſam veritatem & Juris *audientiam*, ea interim elegantia & dexteritate uſus, ut dubium faceret auditoribus, verbis ne plus an rebus valeret. Quibus de cauſis a Profefſione Institutionum primum a. 1630. ad Codicis, deinceps d. 18. Apr. 1637. ad Pandectarum profefſionem fuit evectus. Singulis iſtis muneribus ſumma fide præfuit & prudentia. Theoriæ etiam junxit Praxin, & non tantum privatis fed & Principibus conſilio ſuo profuit, maxime ducibus Wurttembergicis & marchionibus Durlaceniſibus, ipſius operam in rebus arduis expetentibus; præter hæc etiam variis Principibus & Rebus publicis nomine collegii jurid. reſponſa impertiebatur. Academiæ ſceptrum geſſit

ter;

ter; Decanatum jurid. obiit vices, & ad celsiss. Principem, Episcopum Basil. Academiæ nomine legatus fuit iterum. Inter hos labores, nullis nec curis nec sumtibus parcens, collegit Bibliothecam omnium Facultatum libris rarioribus, tam manu exaratis quam impressis refertam; itemque Cimeliarchium sive naturæ sive artis operibus, nummisque præsertim Græcis & Romanis, instructissimum. Hanc pretiosissimam collectionem, quæ ab auctore *Musæi Fæschiani* nomine venit, una cum spatiosa domo, fruendam legavit primo suis Fæschiani nominis propinquis, ea lege, ut non solum hujus administrationis capax sed & Juris utriusque Doctor existeret, qui ea frueretur; dein autem, deficiente Fæschio hisce qualitatibus instructo, omnem apparatus librarium æque ac Cimeliarchium almæ Academiæ Basiliensi tradendum, possessione harum rerum cum proprietate, quam hinc inde ab obitu destinaverat, conjungenda, domum vero cum adjacente horto vendendam pretiumque proximis suis adgnatis distribuendum præcepit. Symboli loco utebatur: *Heu de multis nimium satagimus miseri.* Placida morte terris ereptus cœlisque redditus fuit d. 27. Mart. a. 1666. Epitaphium, quod ipse sibi concinnavit, memoria dignum est, & sic se habet:

A. Ω.

REMIGIUS FESCHIUS

Doctor Legum
 fidus & sincerus
 cujus unicæ deliciæ
 libros versare
 abdita rimari
 vera eruere
 vetusta ornare
 hortulum colere
 in omnibus Dei sapientiam
 mirari venerari adorare

H 5

pro

pro virium modulo & gratia sibi concessa
 Deo proximo sibi vivere
 incredibili flagrans desiderio
 Conditoris Redemptoris ac Consolatoris sui
 farcinam
 in spe viva resurrectionis
 & consilii sanctorum omnium
 nec invitus nec inopinus
 deposuit

απαίς και αγαπος.

Prodiit ipsius opera; *Jul. Pacii a Beriga J. C. Institutio-
 num Imperialium analysis, & Selecta, in gratiam Juris stu-
 dioforum ad mentem ipsius auctoris quam diligentissime reco-
 gnita, & debito suo nitore restituta*, Bas. 1641. 12.

VIII. JACOBUS BRANDMULLER, legum clarissimus
 ac certissimus vates, mundi hujus incolae esse coepit d.
 12. Sept. 1617. Puerulum pii parentes vixdum ab ube-
 ribus depulsum primis literarum elementis ipsi imbue-
 runt, moxque singulari animi alacritate deprehensa ma-
 turum judicarunt, qui publicorum pædagogorum curæ
 committeretur; sub illa cum aliquot annos exegisset, &
 multa diligentiae præmia promeruisset, Montispelgardum
 missus est, ut linguæ gallicæ rudimenta poneret, ac in
 illo nobili ludo literario eas artes, quibus puerilis ætas
 ad humanitatem informari solet, altius imbiberet: quod
 ille cum mira ingenii velocitate esset adsecutus, magnam
 de se spem concitavit hominis inter celebriores aliquan-
 do collocandi. Nec fefellit augurium eventus. Itaque
 cum annos aliquot Montispelgardi moratus esset, patriæ
 redditus, mox ad lectiones publicas admissus est. Cum
 legitima trium annorum stipendia in Philosophorum ca-
 stris confecisset, præmiis titulisque ornatus & honesta
 missione dimissus, a. 1634., quo A. L. M. creatus fuit,
 de ulteriori studiorum genere cogitare coepit. Ad Theo-
 logiam invitabant exempla patris, avi atque proavi paterni,
 ut & bibliotheca, aliaque subsidia theol. haud contem-
 nenda; sed licet sacras literas debita veneratione prosequeretur,
 animus tamen ad Jurisprudentiam propendebat.

Naturam

Naturam itaque ducem secutus se ad album tulit atque rubricas, ita tamen, ut philosophiæ bonarumque literarum studium, cui mirifice erat deditus, non deponeret, sed diligentissime continuaret, Tullii præceptum sequens, quo docuit, disciplinam juris penitus ex intima philosophia esse hauriendam. Fundamentis Jurisprudentiæ in patria jactis, a. 1635. laribus valedixit, & Lausannam est profectus; hinc Genevam perrexit & *Jac. Gorhofredo* innotuit; inde viso Lugduno Lutetiam Parisiorum contendit; hic divinæ suæ memoriæ ac stupendæ diligentiae nonnullis commilitonibus de titulorum in Digestis dispositione contendentibus luculentum specimen edidit, illos titulos omnes a capite ad calcem non interrupto ordine recitando. Caletum postea, indeque trajecto, freto Londinum petiit atque Oxonium; ex Anglia transmissio oceano germanico in Belgium venit, & Roterdamo, Delphis, Amstelodamo aliisque urbibus confideratis Lugduni pluitius hæsit, & maximis viris, *Salmasio*, *Heinsio*, *Cunæo*, *l'Empereur*, aliisque, familiariter fuerat usus. Tandem cum satis terrarum peragrasse visus esset optimo patri, domum revocatus, salutatis in transcurso Sicambriis, Ubiis, Vangionibus, Nemetibus, Tribocis, rediit Basileam, & cum aliquantum adhuc temporis in legum studio posuisset, a. 1639. solenni Doctorum Juris examini sese submisit, simulque eruditam disputationem speciminis loco edidit, gradum vero demum a. 1649. accepit. Jam ante hæc tempora insignem philosophicæ ac juridicæ peritiæ thesaurum & aliis fruendum aperuit, omnis generis lectiones Studiosis concedens; etiam rogatus L. Flori compendium historiæ Rom. permissu Senatus acad. publicis prælectionibus illustravit. Fama ejus jam longe lateque sparsa accidit, ut antequam munere publico esset ornatus, ex tota Germania complures Legum Cultores huc confluerint, quo ab eo in literis humanioribus, præsertim vero in jure civili, imbuerentur. Sed nec Academia intermisit prima data occasione diligentiam ejus remunerari, Theodosianæ illius memor: *Virtutum præmia bene merentibus tribui convenit*; eumque d. 8. Sept. 1652. Institutionum Professore constituit. Huic muneri qua dequit fide, qua polluit dexteritate supra 14. annos præfuit, itemque, quod officii ratio non postulabat, hebdomadarias disputationes instituit, auditoribus & hoc modo profuturus.

turus. Hisce laboribus cum totus esset immerfus, a Senatu Acad. d. 25. Mart. 1667. ad Pandectas publice interpretandas fuit vocatus. Novum hoc munus novum ei dedit calcar, omnes suas vires in bonum publicum impendendi, Jurisque cultorum commoda promovendi. Interea matrimonium iniit cum Salomea Koenig, ex qua 30. annorum spatio 14. liberos suscepit, quorum partem maximam tenera ætate ereptam deslevit; filiam unicam Cleophen, J. Jac. Buxtorffio L. H. Professori desponsavit; filium Emanuele ipse J. V. D. creavit; Jacobum Theologiæ, Johannem Typographiæ destinavit. Sed fatalis hora de improvviso celeriusque omnium opione ei supervenit d. 14. Aug. 1677.

Edidit diff. *de Lege*, 1640. *Or. in obitum Bernb. Brandii*, Trib. pl. 1650. *Rectorem Acad.* 1658, fol. *Mare patulum*, 1659. *Manuductionem ad Jus canonicum ac civile*, 1661. *Dubia Juridica*, 1663. *Schottani examen jurid. cum annotationibus*, V. III. Bas. 12. *Differentias Juris civilis & Canonici*, Bas. 1660. 4. *Commentationem ad proximum Institutionum*, Bas. 1667. ad L. 38. *de condict. in debiti*, ib. 1666. *de transactionibus*, ib. 1667.

IX. NICOLAUS PASSAVANT natus fuit Basileæ d. 3. Apr. 1625., parentibus Reinhardo Passavant, mercatore, & Sara Dauphin; avum habuit Nicolaum Passavant, mercatorem, qui una cum uxore, Nicola Marteleur, a. 1594. tumultus bellicos evitaturus ex Burgundia Basileam se contulit, ubi, reformatis sacris addictus, in civitatem fuit adscriptus. Noster ab illis parentibus Gymnasio nostro publico erudiendus tradebatur, eoque feliciter emenso, Argentoratum fuit missus, ubi studia philosophica atque juridica diligenter tractavit. Itinere literario per Galliam atque Belgium confecto Basileam reverfus est a. 1654., eodemque anno d. 13. Dec. J. V. D. creatus uxorem duxit Juditham Morlett, per XXV. annos thori sociam sed prole carentem. Reipublicæ Advocatus s. Syndicus a Magistratu designatus fuit a. 1660. Munia amplissima ab exteris oblata recusavit, patriæ plura se debere judicans, quæ & ejus merita magni fecit atque remuneravit. D. 3. Jul. a. 1667. professio Institutionum & d. 11. Dec. a. 1677. Pandectarum professio ei honorifice fuit commissa, quam & optima fide obiit. Præter consuetos honores acad., Academicæ

demiae Rectoratum & Ordinis jurid. Decanatum, alii etiam ei fuere collati, non solum enim membrum fuit collegii presbyterorum ecclesiae gallicanae, sed & binis vicibus academiae jussu legatione fungebatur apud Episcopum Basil., & Galliarum Regem in vicinia nostra commorantem Reipublicae nomine salutavit. Optatam denique cursu laborum atque honorum pleno contigit metam, & marasmo senili hanc vitam finit d. 31. Maj. 1695.

X. J. JACOBUS BURCARD natus est d. 2. Mart. 1642. patre Luca Burcard J. V. D. & Codicis Professore; matre Elisabetha Mitz. In Gymnasio atque Lyceo patrio postquam continuo labore animum doctrina excoluisset, & singulos Philosophorum honores obtinuisset, scientiae juris studuit, & summum Doctoris titulum jam dudum promeritum demum accepit d. 6. Jul. 1669. antea autem iter literarium instituit per Galliam, Italiam, Germaniam, in quo itinere Romam, Neapolim, Vesuvium, Genuam, Florentiam, Viennam Austriae, Lutetiam Paris. tribus vicibus, pluresque alias urbes & notatu memorabilia haud sine fructu fuit contemplatus. Anno 1673. electus est Professor Juris in Universitate Gallica Sedanensi. A. 1675. a Sereniss. Principe Nassoviae vocatus est ad Professionem jurid. in illustri schola Herborenensi in locum Doct. Joh. Voëtii, cujus dein celebris Athenaei Rectoratus nec non manus Consiliarii Principis Henrici ei fuit commissum, ejusdemque Principis nomine varias gravioris momenti legationes obiit. Cum autem d. 15. Febr. a. 1678. ejus parens in Regentia professionem Codicis, servata tamen sede in Regentia, collegio jurid. atque Capitulo Petrino, resignaret, simulque filium istum, ut in professione jurid. succederet, de meliori nota commendaret, resignatio fuit accepta, & noster Joh. Jacobus in eodem confesso Institutionum Professor in locum Sim. Battierii, ad quem successionis jure professio Codicis devolvebatur, omnium votis fuit constitutus, ea tamen lege, ut si ante Parentem e vivis excessurus esset, huic jus filio iterum succedendi maneret illibatum. Causae vero praegnantēs, imprimis controversia, quam nomine scholae Herborenensis in causa legati Causseniani habuit cum Academia Marpurgenſi, obstiterunt, quo minus absque mora se potuerit

potuerit in patriam conferre & professionem sibi demandatam administrare. Hinc licentiam ad unum & alterum annum in statione sua permanendi petiit & facile impetravit. Tandem reversus d. 6. Jun. 1681. professionem Institutionum imperialium oratione de *successione* & d. 22. Febr. 1682. professionem Codicis est auspicatus. Huic muneri cum aliquamdiu singulari industria præfuisse, d. 17. Sept. 1695. ad cathedram Pandectarum fuit translatus. Cum autem d. 20. Sept. 1706. in pleno senatu acad., præsentibus etiam D. Scholarchis, proponeret, se juxta Pandectas lubenter simul *Jus Canonicum*, sicubi e re Academiæ visum fuerit, publice lecturum explicaturumque esse, placuit Senatui acad., adprobante summo Civitatis Magistratu, eidem titulum & officium docendi simul in posterum Juris Canonici gratiose concedere, ita, ut singuli ejus successores eundem titulum idemque officium gerant; simul etiam in eodem confessu d. 20. Sept. 1706. Institutionibus Imperialibus *Jus publicum*, & Codici *Jus feudale* fuit annexum. Denique cum hisce muneribus bono publico diu satis præfuisse, ex catarrhis pectoralibus obiit d. 28. Aug. 1720.

In lucem edidit specimen de *tutela* & plures alias disputationes; itemque *tabulam in titulum 6. libri 4. Institutionum imperialium de Allionibus*.

XI. JOHANNES WETTSTEIN, J. V. D. & Reipublicæ Syndicus, filius fuit Joh. Friderici Wettstein, Reipublicæ nostræ a secretis consiliis, variis iisque arduis splendidisque legationibus defuncti; nepos vero Joh. Rodolphi Wettstein, Consulis, a Ferdinando III. nobilitate donati. Johannes noster natus est a. 1660. civis Academicus inscriptus a. 1674. primam lauream a. 1676. secundam, Magisterii, a. 1678. a philosophorum collegio bene meritus accepit; orationem habuit, cum Philosophiæ Doctor crearetur, de *beneficentiâ erga exules*, carmine græco conscriptam. Juri dein civili operam dedit diligentissimam, & peregrinatione per Germaniam atque Galliam feliciter facta, docturæ in utroque Jure ornamenta d. 27. Oct. 1685. a Seb. Fæschio ei publice fuerunt tributa, habita oratione de *jure principis circa religionem*. Logica vicario nomine publice docenda ei commissa fuit a. 1686. mox vero a. 1687. Professor Linguæ

guæ græcæ, & d. 27. Sept. 1695. Professor Ethicæ fuit designatus; die vero 20. Sept. a. 1706. adprobante summo magistratu novus ei titulus a senatu acad. fuit concessus, nempe *Professoris Juris naturalis & gentium*, cum adjuncta spe successionis indubitæ ad primam professionem Juris vacantem, quæ spes impleta fuit d. 27. Febr. a. 1714. cum Professor Institutionum & Juris publici fuit vocatus. Ab hac autem cathedra successionis jure transiit ad cathedram Pandectarum & Juris canonici d. 17. Dec. 1720. quam occupavit usque ad a. 1731. quo ad superos abiit.

Edidit collationem Juris Romani & Basiliensis, Basil. 1685. theses philos. 1686. diff. de mansuetudine, eod. specimen philolog. 1687. diff. de summo bono 1690. theses jurid. 1695. diff. de Amicitia, 1700. specimen observationum jurid. 1714.

XII. JOHANNES TONIOLA natus est a. 1664. patre M. Johanne Toniola, cœtus Italici, qui Basileæ colligitur, concionatore, matre vero Esthera Ryhiner. Postquam ad publicas lectiones promotus & in artibus ingenuis haud parum progressus fuisset, a. 1680. philosophica Laurea & a. 1682. magisterii dignitate fuit condecoratus. Studium Juris postea omni diligentia prosecutus primus fuit professorum, qui per sortem a. 1718. apud nos introductam munus publicum obtinuit, quod contigit d. 17. Dec. 1720., quo Codicis & Juris feudalis Professor fuit electus; in optionis ternarium conjecti cum eo fuerant Franc. Christ & Nic. Bernoulli, J. V. Doctores. Ad gradum J. V. D. Toniola promotus fuit d. 22. Apr. 1721. denique jure successionis ei obtigit professio Pandectarum & Juris Can. a. 1731. quam administravit usque ad ejus obitum, qui contigit d. 28. Aug. 1746.

Edidit theses philos. d. 6. Apr. 1686. fasciculum thesium jurid. d. 25. Oct. 1720. & disquisitionem feudalem d. 17. Dec. 1720.

XIII. JOH. RODOLPHUS THURNEISEN, vir ingenio, eruditione, solertia celebris, ingenuis parentibus editus est d. 5. Nov. a. 1716. patre Jacobo Thurneisen, senatore integerrimo, matre Maria Fæsch. Puer miro ingenio in disciplinam traditus fuit gymnasii nostri magistris, & rudimenta tyrocinii deposuit a. 1729. Academiæ

miæ civibus adscriptus philosophica studia diligenter tractavit, in iisque adeo fuit progressus, ut a. 1731. primam & a. 1733. secundam in Philosophia Lauream pro merito acciperet. Literis humanioribus jam satis imbutus disciplinæ Juris sese addixit, & juxta jus naturæ atque gentium juri publico atque civili nec non canonico diligentem operam navavit; solertiæ suæ publicum mox exhibuit specimen ex occasione vacantis professionis Ethicæ Jurisque naturæ ac gentium, cum d. 5. Febr. 1734. dissertationem de officiis hominis erga se ipsum defenderet. Quid in Jurisprudencia valeret, partim suis Magistris in tentaminibus atque examinibus privatis, partim disputatione de recusatione librorum furtiva a. 1738. habita publice ostendit, Licentiam in utroque Jure adeptus. Vacante a. 1741. cathedra Rhetorica iterum Candidatorum turbæ se immiscuit, & d. 31. Jan. theses de diversis dicendi generibus propugnavit, idemque cum laude præstitit d. 7. Maj. a. 1743. cessante cathedra Oratoria, nonnullas iterum oratorias theses defendens. Sed præmiorum messis nondum erat matura. Adsumpto autem d. 13. Jul. a. 1743. J. V. D. titulo, paulatim ad altiores dignitatis gradus adscendere coepit. Quippe a. 1744. Reipublicæ Advocatus s. Syndicus, eodemque adhuc anno d. 22. Dec. Professor Historiarum forte fuit electus, quam provinciam d. 2. Mart. 1745. prælectione *de judicio historico* solenniter fuit auspicatus. Sed hic non diu subsistit, jam d. 2. Dec. 1746. ad cathedram Pandectarum atque Juris Canonici vocatus, cujus muneris auspicia cepit d. 17. Jan. 1747. lectione *de usu Critices in eruenda legum sententia*. Thorii sociam sibi legit Rosinam Fæsch, duorum filiorum matrem ex ipso factam, Joh. Henrici, mercatoris, & Joh. Jacobi, J. V. D., paterna vestigia diligenter prementis. Ceterum vir fuit singulari facundia, vivaci ingenio, profunda legum peritia atque eximia assiduitate, qui nulli labori pepercit Reipublicæ academiciæque commodum adlaturus. Adhibitus ideo fuit gravioribus negotiis, in quibus fuit legatio a. 1752. ad Episcopum Basil., Academiciæ nostræ Cancellarium celsissimum, Reipublicæ atque Academiciæ mandata exsecuturus. Litibus implicitis prudenti consilio patronus adstitit fidus. Maxime autem duram cepit provinciam, gravemque sustinuit dignitatem a. 1760. quo Academiciæ fasces gessit, quoque conditiæ Academiciæ nostræ

nostræ memoria solenniter erat celebranda. Sed quæ peragenda erant omnia mira facilitate, facundia, dexteritate, prudentia strenue peregit, omnium plausus ferens nominisque sui famam immortalitati mandans. Obtigit ei hydrope laboranti *sub ætate* d. 26. Febr. 1774.

Edidit præter jam memoratas adhuc alias dissertationes, itemque *Orationem Secularem*, qua fata atque merita Academiæ Basil., seculo a fundatione tertio perspicua facta, insigni exposuit eloquentia.

XIV. JOH. HENRICUS DAVID in lucem editus est d. 24. Dec. a. 1726. optimo patre præmatura morte orbatum puerum, docilitate atque animi alacritate adornatum, pia mater in oculis tulit atque studiis dedicavit. Jactis in gymnasio nostro virtutis atque literarum fundamentis, almæ matri, Academiæ, alumnus traditus fuit a. 1741. & ducibus publicis Professoribus, privataque opera *J. Georg. Ertzbergeri*, in flore ætatis magno ecclesiæ atque literarum damno ex Diaconatu Petrino in cœlestem academiam translatus, propriaque assiduitate, in philosophicis atque elegantioribus disciplinis eo est progressus, ut a. 1742. primam & a. 1744. secundam Lauream tulerit meritissimus. Animum dein inclinavit ad Jurisperitiam, maximo cum fructu privata institutione usus viri ampliff. *J. Rod. Thurnisii*, J. V. D. atque Prof. quem & in philosophicis fidum habuit magistrum. Post commorationem aliquot annorum in Helvetia atque Gallia factam Juris Professoribus examinandum se præbuit, eoque examine cum laude superato, pro gradu Doctoratus obtinendo d. 1. Febr. a. 1752. disputationem edidit *de dolo defuncti in heredem transeunte*, eamque mascule defendit. Eodem adhuc anno d. 7. Sept. Oeconomia Ven. Capituli Petrini ei fuit demandata, quam vero administrationem se a musis ipsi adeo dilectis abstrahere minime est passus, quin omnes horas, quas muneris negotiis vacuas habuit, illis sacrificavit, non intermittens, etiam cultoribus elegantiorum literarum atque jurisprudentiæ opera sua prodesse. Tandem placuit divinæ providentiæ, eum a statione ipsius ingenio ac eruditioni minus respondente ad magis convenientem, ad cathedram Pandectarum & Juris can. d. 30. Sept. a. 1774. evocare, quam spartam, accepto d. 17. Jan. 1775. J. V. D. titulo, d. 20. Jan. 1775.

1775. prælectione solemnī de *perpetuo morum populi cum legibus nexu* adiit, magnoque auditorum commodo exornat, diuque adhuc pro nostris communibusque votis exornabit.

PROFESSORES CODICIS.

I. PETRUS PIERÆUS, alias *Pitrellius*, Codicis Justiniani publicus interpretes fuit a. 1536. Antea Bonif. Amerbach non Pandectas solum sed & omne jus unus & solus docuit; huic enim officio par erat satis. Illius autem sublevandi causa, quamprimum fieri poterat, & alii publici constituti fuere Doctores Jurisque Professores, in quibus Pieræus primus est, qui Codicis fuerat Professor. Is a. 1536. una cum Bon. Amerbachio, cujus olim fuerat discipulus, de instaurando studio juris dedit consilium; adeo enim illud erat neglectum, ut ab a. 1516. usque ad a. 1563. nullus Doctor Juris hic creatus reperiatur; postea autem frequentes iterum & horum Doctorum fuere promotiones. Ille Petr. Pieræus, s. Pitreus ab *Hemrico*, Coadiutore Wormatiensi, Præposito Ellwangenſi, comite Palatino Rheni ac duce Bavariz in Cancellarium fuit adsumtus a. 1530.

In Bibliotheca Acad. Basil. variz ejus exstant epistolæ MS. ad Bonif. Amerbachium datæ.

II. JOH. VDALRICUS ZASIUS, filius fuit Vdalrici Zasii Constantiensis, J. C. Friburgensis longe celeberrimi, Erasmi atque Bonif. Amerbachii amici intimi, de quo ille ad istum ita scripsit: *Legibus casareis pristinum elegantia nitorem atque etiam geminæ literaturæ gloriam feliciter restituit apud Gallos Guilielmus Budæus, apud Germanos vir omnibus modis incomparabilis*, Vdalricus Zasius, *tanta romani sermonis ubertate scatens, ut Vlpianum quempiam loqui putes, non hujus ætatis Jure consultum*. Hunc filium genuit Zasius jam sexagenarius in secundo conjugio, quod a. 1520. contraxerat cum famula sua *Barbara*; ex sex liberis noster erat natu major, a. 1521. natus. Juvenis erat ingenii acrimonia, memoriæ præstantia dicendique promptitudine patri haud absimilis; primum in Friburgensi gymnasio literis dedit operam; mox vero Academiæ civibus ibidem fuit adscriptus

adscriptus d. 27. Maj. a. 1534., dein post patris mortem, quæ contigerat 8. Cal. Dec. a. 1535., in celeberrimis quibusque Italiæ gymnasiis academiisque bonis literis & imprimis Jurisprudentiæ sub auspiciis viri doctissimi, *Mariani Soccinini*, operam dedit, sumtus subministrante, *Joh. Pamungartnero*, domino in Ehrbach &c. consiliario Cæs., defuncti patris amico & patrone integerrimo. Jurium Licentiatus a. 1541. & mox anno insequente doctor in Academia Friburgensi renunciatus, Sabaudix ducis Cancellarium oratoremque in Germania egit. Basileam dein venit a. 1543. eodemque anno Senatus Acad. eum Professore Codicis constituit. Cum autem Zafius pontificiæ religioni adhæreret, adeoque ea electio S. C. diei 12. Apr. a. 1539. quo omnes religioni pontificiæ addicti a professionibus fuerant exclusi, adversaretur, Magistratus eam indigne tulit, & mox a. 1544. edictum sancivit, ex quo Basiliensium præ aliis in professorum designatione ratio erat habenda. Itaque Zafius uno tantum anno hoc munere fungebatur. Privatus tamen singulari dexteritate atque gravitate Jura interpretatus est usque ad a. 1552., quo tempore, genio ejus ad altiora quævis adspirante, Basilea ac theoria jurid. relicta, negotiis publicis tractandis sese totum tradidit. In aulam itaque Cæsaream ex eruditionis & facundix fama, qua pollebat, adlectus primum coepit esse Ferdinando I. a consiliis, cujus in Imperio res maximas singulari dexteritate & moderatione expedit, omnium benevolentiam & adfectum aucupatus. Deinceps quoque a Maximiliano II. in consilium est cooptatus & ad ipsam tandem Vicecancellarii Imperii dignitatem evectus. Præmatura autem morte obiit. Cum enim d. 26. Maj. a. 1565. una cum *Seldio* sub vesperam Eberthorffio ex senatu ibidem a Cæsare coacto Viennam esset rediturus, properante curru, equis panico terrore concitatis, *Seldius* ex rheda desilivit & ex casu protinus fuit extinctus; *Zafius* vero dextra capitis parte graviter læsa tum quidem vivus evasit, sed nunquam prorsus ex illo casu atque vulnere convaluit, potius magis magisque debilitatus denique Viennæ Austriæ 5. Cal. Maj. a. 1570. fato concessit.

Edidit catalogum *Legum antiquarum una cum adjuncta summaria interpretatione*. Argent. 1551. 8: Venet. 1584. & cum Annot. Lud. Charondæ, Paris. 1555. 8. nec non quædam

dam parentis: *Responsa singularia*, sive *intellectus juris singularis nova forma & mutato ordine, nec non insigni accessione locupletatos*; libro primo præmisit dedicationem ad Ferdinandum Cæsarem; libri secundi priorem partem Joh. Paumgartnero, Consiliario regio, suo patrono, posteriorem Matthæ Held, Caroli V. Procancellario, inscripsit.

III. MARTINUS PEYERUS, J. V. D. *præfectus Neukirchensis & Dominus in Haslach*, ortum duxit ex antiqua atque nobili familia Scaphusiensi, patremque habuit Johannem, consulem Scaphus. Filius Martinus citius Themidi se consecravit, non ignarus, illam juris & æqui prudentiam suos mystas ad imperia & rerumpublicarum gubernationem via regia deducere. Basileæ loco Zassii d. 4. Mart. 1545. Professionem Codicis obtinuit, & diligenter obiit; a multis Principibus & Imperii comitibus instar oraculi in perplexis casibus Politicis consultus, ad votum semper respondit. V. Pantaleonis prosopogr. T. 3.

IV. VLRICUS ISELIN, J. V. D. d. 7. Mart. 1547. Codicis Professor designatus, a. 1548. ad Pandectarum Professionem pervenit. V. Prof. Pand. n. 2.

V. BASILIUS AMERBACH, Basiliensis, Legum Doctor Bononiensis, a. 1562. Codicis Just. Professor designatus & hoc nomine in collegium ordinis J. C. cooptatus fuit; a. 1564. ad Pandectas fuit translatus. V. Prof. Pand. n. 3.

VI. MARTINUS HUBER, Basiliensis, patrem habuit Johannem Huber, Med. Doct. & Prof., Matrem vero Margaretham Wœelflin. In Italia, cum in patria philosophica studia absolvit, & Jurisprudentiæ fundamenta jecit, Juris studium perfecit & Bononiæ titulum J. V. D. obtinuit. Reversus in patriam Codicis Just. Professor electus & in collegium J. C. receptus fuit a. 1564. Sed eodem adhuc anno peste consumtus fuit anno æt. 24. funus curante mœstissimo parente.

VII. CASPARUS HERVAGIUS, pietate erga Deum, meritis erga quosvis sed sacrum inprimis ordinem eximius, Principibus consulendo, Academiæ Basil. docendo, privatis de jure respondendo, sancti purique justitiæ

tiae sacerdotis munus explevit. Filius fuit Joh. Hervagii, typographi, & Gertrudæ Lachneriæ, Joh. Frobenii, typographi, viduæ. Philosophica studia in patria, juridica vero in Gallia tractavit, & Pictavii Juris Doctor fuit creatus. Codicis Professor Basileæ denominatus est d. 11. Apr. 1565. eique muneri omni fide præfuit, donec Archivo Rœtelano præficeretur, idque a. 1571., in quo splendido atque gravissimo munere summa fide, iustitia, humanitate & industria est versatus, Principi gratissimus, subditisque pariter adamatus. Obiit Rœtelæ ex apoplexia d. 17. Nov. a. 1577. æt. 49. & sepultus est Basileæ. Superstites habuit Sabinam Scherliam, conjugem, & V. liberos.

VIII. ADAMUS HENRICPETRI ortum duxit ex antiquissima & inprimis de arte typographica præclare merita Petrinorum familia Basiliensi, lucemque primum adspexit a. 1543. Pater ei fuit Henricus Petri, typographi Adami filius, itidem typographus, senator atque Triumvir, qui 108. vicibus nundinas Francofurtenses adiit, & nonis Aug. a. 1556. a Carolo V. fuit nobilitatus; mater vero Anna Hütischina, quam ipsius pater a. 1529. monialem duxerat. Posterius hujus Henrici, qui susceperat, ex modo dicta conjugē V. filios & XII. filias, ut se ab aliis distinguerent, nomini Petri Henrici nomen junxerunt, seseque Henricpetrinos vocarunt. Adamus noster Henrici filiorum quartus mature studiis est mancipatus, & ita elegantes in iis pro ubertate ingenii fecit progressus, non modo in patria, sed præcipue in exteris Germaniæ, Galliæ, Italiæ Academiis, ut Dolæ, Patavii, Paviæ & Ferrariæ, ubi plures annos commoratus fuerat, ut a. 1564. axioma J. V. D. impetraverit pariter & meruerit a Ferrariensibus. Proceres Academiæ patriæ, peste grassante variis & speciatim duobus Juris Professoribus orbatæ, eum d. 20. Jan. 1565. quam honorifice non tam vocarunt quam exorant, ut professionem Institutionum in se susceperet; ei acceptæ non minus nominis sui fama quam studiosæ juventutis emolumento & Academiæ ornamēto præfuit usque ad a. 1571. cum professio Codicis ei fuit demandata, quam pari fide, dexteritate & industria administravit, confluentibus ad eum audiendum hinc inde magno numero studiosis, quorum etiam magnam

partem, & quidem 72., ad gradum doctoralem prove-
xit. Ob variam autem rerum agendarum peritiam,
linguarum cognitionem, legum scientiam a Civitatis
magistratu ad amplissimum munus Archigrammatei d.
20. Oct. 1584. vocatus fuit, cui vix uno anno vacavit,
morte abreptus d. 27. Apr. 1586. Catharina Richer, a.
1566. ei matrimonio conjuncta, præter 4. filias unicum
filium ei peperit *Jacobum*, J. V. D., de quo inter Rhe-
tores quædam occurrent.

Scriptit: *General Historien &c. l. historiæ univers. rerum
præcipuarum, quæ ubique locorum acciderunt &c. a. 1551.*
—1561. quam revisam, auctam & continuatam edidit filius
Jacobus Henric Petri, J. V. D. Bas. 1600. fol. c. f.

IX. FRANCISCUS HOTTOMANNUS, primæ notæ Ju-
risconsultus, familiam ducens ex antiqua atque nobili
apud Silesios florente gente Otmannorum, natus fuit
Lutetiæ Parisiorum d. 23. Aug. 1524. patre Petro, summæ
curiæ adfessore, avo Lamberto Hottomanno, cive Vra-
tislaviensi, qui castra Ludovici XI. secutus Lutetiæ Pa-
risiorum sedem fixit. Franciscus a privatis præceptoribus
primis literarum elementis imbutus anno ætatis 15.
Academiam Aureliensem adiit, triennio vero ibi trans-
acto pater ipsum revocavit aulicæ ministri ex eo
formaturus. Filius autem theoreticis magis quam prac-
ticis Juris studiis delectatus, humanioribus literis Juri-
que Romano omne suum otium dicavit, eo successu, ut
ipse jam alios a. 1546. Parisiis Jura doceret. Cum au-
tem Reformatorum doctrina, quam pater improbat, ipse
valde adrideret, tuncque Reformati in Gallia atro-
ces persecutiones paterentur, Lugdunum abiit a. 1547.
unde Lausannam vocatus literarum elegantiorum pro-
fessorem egit, indeque Argentoratum professionem juris
subiturus fuit accersitus, & civitatis jure donatus. Po-
stea dux Borussiae Albrechtus Regiomontii, comes Has-
sienfis Marpurgi, dux Saxonie Lipsiæ vel Wittenber-
gæ, regina Angliæ Elisabetha Oxonii Juris cathedram
sub lautissimis conditionibus ei obtulerunt, sed nihil ho-
rum accepit. A Reformatis autem Galliæ revocatus
aulam regis Navarrensis adiit, & a principibus regis
reformatis binis vicibus in Germaniam auxilii petendi
causa missus omni fide atque facundia & istud officii per-
egit.

egit. Valentiam dein vocatus moxque Bituricum per aliquot annos jura publice docuit; hinc securitatis causa alio migravit, jussu autem Margarethæ, Henrici II. sorore, illuc rediit, sed uno atque altero anno elapso in vitæ periculum incurrit, & lanienam Parisiensem a. 1572. germanorum studioforum opera difficulter evasit. Genavam fugiens benigne receptus & publica auctoritate Juris professor constitutus fuit. Mox vero Geneva relicta Basileam profectus est, ubi eum d. 4. Cal. Nov. a. 1581. Jure consulti in Collegium suum receperunt & a. 1584. Codicis professionem Academiæ proceres ei decreverunt atque obtulerunt, quam vero, ut & professionem Lugduno Batavam, modeste recusavit. Basileam ob pestem ibi grassantem relinquens Montem Belligardum petiit, ubi uxor ejus Claudia Brueria mortua, relictis quatuor filiabus, duobusque filiis, Johanne atque Daniele. Hinc Genavam denuo adiit, apud sorores uxoris defunctæ commoratus. Hoc tempore Henricus, Rex Navarræ, consiliarium ipsum constituit intimum, majori honore quam emolumento. Denominatio regii historiographi, quam regni Cancellarius, Hospitalis, in gratiam Hottomanni proposuerat, adplausum non inveniebat, adeoque spes, quam inde ceperat, evanuit. Chymix senex operam dedit, sed infelici cum successu. Tandem Sabaudix duce, Genavam bello infestante, iterum Basileam profectus ibi d. 12. Febr. 1590. ex hydrope mortuus est. Catalogus librorum, quotquot scripsit, vulgatorum & vulgandorum, satis amplus conspicitur in memoria ejus nomini dicata, & Augustæ Raur. a. 1590. impressa, in qua & hoc Theod. Bezzæ in eum occurrit epicedium:

Ex hoc viator paucula
 Dignare saxo discere,
 Quem diviti Lutetiæ,
 Quem ditibus parentibus,
 Honoribus quem maximis,
 Christi crucis ludibria,
 Et quidquid immanis jubet
 Vis impiorum perpeti,
 Decies quaternos quattuor
 Fortem per annos vidimus
 Perferre, tempestatibus

Nullisque territum malis:
 Quo fensa juris intima,
 Legumque griphos omnium,
 Mirabili facundia,
 Veræ æquitatis ex penu,
 Promente, tota Gallicæ
 Et totius Germanicæ
 Plausere pubis pulpita,
Hotmanus hic magnus jacet.

Hottomanni opera per Jac. Lectium collecta prodierunt 3.
 Tomis Genev. f. Lugd. 1599. fol. Præter ea, quæ in col-
 lectione Operum exstant a Jac: Lectio adornata edidit com-
 plura alia partim *απορρυμτος*, partim sub nominibus fictis, qua-
 lia sunt: *Anti-Tribonianus*, gall. 1567. Paris. 1603. 1609.
 1616. 8. lat. Hamb. 1647. 8. & cura G. Beyerli, Lips. 1704.
 8. ad *Remundum Rufum defensorem Romani Pontif. contra*
Carol. Molinaum de statu primitivæ ecclesiæ ejusque sacerdo-
tis. Genev. 1653. 8. *Papæ Sixti V. fulmen brutum in Hen-*
ricum regem Navarræ & Henricum Borbon. Princip. Cond.
vibratum &c. 1585. 1586. 1602. 1603. 8. & Gall. 1585. 8.
de furoribus gallicis & cede Admir. Castilionii atque illu-
strium Virorum &c. narratio, ab Ernesto Eremundo Frisio.
 Edimb. 1573. 4. Lond. 1573. 8. Lugd. B. 1619. 8. Amst.
 1641. 8. *Matagonis de Matagonibus Monitoriale adversus*
Italo-Galliam Anton. Matarelli, 1575. 1578. 1584. 1594.
 8. *Strigilis Papii Massoni* &c. per *Matagonidem de Ma-*
tagonibus &c. 1576. 1578. 8. *Nullitatis protestationes ad-*
versus formulam concordie per Joannem Palmerium, 1579.
 8. Jo. Francisci Aspasii Salassi V. D. M. in virulentam
 planeque sophisticam *Andree Pouchenii criminationem*, quam
 adversus Jo. Palmerii justas & necessarias protestationes con-
 scripsit, pro eodem Palmerio vera & modesta defensio. Genev.
 1580. 8. Francisci & Joannis Hotomannorum, patris ac filii,
 & clarorum virorum ad eos epistolæ ex bibliotheca Jani
 Guil. Melii, J. C. Amst. 1700. 4. Franc. Hotomanni epistola
 ad Henr. Bullingerum a. 1588. scripta edita est in Füsli-
 ni epist. Reform. C. 1. n. 90. Opuscula Hotomannorum, fra-
 trum, Antonii & Francisci, prodierunt gallice, Paris. 1616.
 8. eorundem *de veteri ritu nuptiarum & jure connubiorum*
observationes, cum B. Brissonii libello ejusdem argumenti,
 Antism editæ sunt Amst. 1641. & 1662. 12.

X. SAMUEL GRYNÆUS, J. V. D. Reip. Syndicus &
 Institutionum Professor, electus fuit Professor Codicis d.
 16. Oct. 1584. hancque cathedram eximie ornavit, dum d.

5. Jun. 1589. in cathedram Pandectarum fuit evectus.
V. Prof. Pand. n. 4.

XI. JOHANNES GUT, J. V. D. Instit. Professor, ad cathedram Codicis translatus fuit d. 9. Jun. 1589. & in ea permanfit usque ad d. 2. Nov. 1599. cum ei professio Pandectarum fuit demandata. V. Prof. Pand. n. 5.

XII. LUDOVICUS ISELIN, Juris sacerdos præstantissimus, mundi hujus civis factus est d. 2. Jul. a. 1559. patre J. Vlrico Iselin, J. V. D. atque Professore, matre Faustina Amerbach. A teneris unguiculis ad virtutem & laudem constans semper & directum iter tenuit, ita ut in eo adhuc juvene ea fuerit consilii maturitas & prudentia, quæ raro in iis, qui confirmata ætate sunt, reperitur. Tanta fuit in eo naturæ bonitas & felicitas, tanta ad honestatem propensio, ut a juvenilibus vitiis quam alienissimus senilem plane, id est gravem, continentem, frugalem & ab omni levitate ac stultitia remotam perpetuo vitam egerit. His tot tantisque animi dotibus ea accessit doctrina & eruditio, ut omnibus stupori fuerit atque admirationi. Juvenis admodum patre orbatus avunculo Basilio Amerbachio tanquam altero patre usus est, quem ut parentem coluit, & a quo vicissim tanquam filius diligebatur. Hoc Thalete viam virtutis ingressus liberalioribus illis studiis fuit imbutus, quibus ætas puerilis ad humanitatem informari solet, & tam præclara felicitis sui ingenii specimina ductori suo prodidit, ut vir ille sagacissimus excellens hoc ingenium patriæ suæ finibus continendum non putaverit; quapropter uberioris culturæ gratia in Gallias ablegavit, ubi tum vivebat celebre illud Themidis oraculum, *Jacobus Cuiccius*; de hoc juris & justitiæ fonte cum Biturigibus per triennium integrum plus satis hausisset, eos sane fructus domum reportavit, quos maturos maturus ætate & judicio per 24. annos de gravissimis rebus consulendo, respondendo, judicando, Reip. atque Acad. nostræ exhibuit. Ex Gallia redux Institutionum professor a. 1586. fuit constitutus, sed avunculus ejus Amerbachius apud proceres Acad. eum excusavit, eo quod Italiam Europæ oculum nondum perlustrasset, quam ad felicitis hujus ingenii con summationem & prudentiæ civilis perfectionem, siquidem

dem ea non tam ex libris quam ex usu & diversarum gentium moribus & institutis probe cognitis acquiratur, ab illo perlustrari cupiebat. Hac itaque abunde perlustrata domum reversus a. 1589. promeritos summos in utroque Jure adipiscitur honores, simulque eodem anno d. 9. Jun. omnium procerum consensu ad professionem Institutionum aecitur, in quo munere obeundo præcellentis sui ingenii divitias ita explicavit, ut dexteritatem in docendo, fidem & prudentiam in consulendo, respondendo, judicii acumen in difficillimis legum nodis solvendis, suavitatem in eloquio, familiaritatem in adloquio erga omnes abunde probaverit. Ad Reip. Syndicatum a. 1599. vocatus munus illud per 15. annos ea fide gessit, ea integritate & industria, ut omnium calculos retulerit. Eodem anno 1599. d. 2. Nov. professio Codicis ei fuit commissa, quam ad dies vitæ studiosissime administravit. Junxerat sibi conjugem Annam Ryhiner, ex qua sex liberos accepit, quorum autem quinque, filium & quatuor filias, lue epidemica grassante, intra semestre spatium, a d. 21. Aug. 1610. ad 24. Jan. 1611., acerbissimo luctu amisit. Ipse autem, melancholia consumptus, eos secutus fuit d. 20. Dec. 1612., relicto unico filio, *Basilio*.

Exstant in Bibl. publ. Acad. Bas. in MS. ejus *Termini juridici germanice redditi*, 4. *Resolutiones variarum legum & capitulorum extra ordinem*, 4. *Prælectiones de Jurisdictionibus*, 4. *prælectiones ad tit. Dig. Solutio matrimonio*, 4. *Expositio legis Gallus Aquilius 29. ff. de liberis & postb.* 4. *prælectiones de processu criminali* a. 1588. 4. *prælectiones de furto*, a. 1588. 4. *prælectiones in duos libros terribiles de delictis privatis & extraordinariis, nec non de publicis criminibus*, 4. *Annotationes in tractatum de criminibus, ex annotationibus Laurentii Castellani*, a. 1586. 4. *Annotationes ex Jacobo Menocchio in L. I. C. de Edendo*, a. 1586. 4. *Prælectiones de actionibus*, 4. *Prælectiones in Tit. ff. de regulis Juris*, 4. *Annotata in varias materias Juris*, 4. *Responsum betreffend den freyen Zug der Burgern und Hinderleffen zu Basel; item den Abzug, wenn frembde zu Basel erben*, a. 1607. 4.

XIII. JOH. JACOBUS FÆSCH, J. V. D. ex cathedra Institutionum in cathedram Codicis promotus fuit d. 24. Aug. 1613. eamque occupavit usque ad d. 23. Jul. a. 1630. quo ad Pandectas tranſiit. V. Prof. Pand. n. 6.

XIV.

XIV. REMIGIUS FÆSCH, J. V. D. & Institutionum Professor, Codicis Professor fuit denominatus d. 23. Jul. a. 1630. mansitque in hac statione ad 18. Apr. 1637. abhinc ad Pandectas vocatus. V. Prof. Pand. n. 7.

XV. JOH. JACOBUS HOFMANN charis parentibus genitus est Basileæ d. 16. Febr. 1591. patre Joh. Henrico Hofmann, Senatore, Scholarcha & Ædili, matre Justina Gebwyler. Ab ineunte ætate virtutis arduam viam & salebrosas calles studii literarii, quod Gymnasium vocant, est ingressus, & per gradus omnes rite incedens adscendensque tandem a. 1607. ex eo est egressus. Inde a. 1609. prima Laurea, secunda, quæ Magisterii est insigne, a. 1611. pro merito suo est exornatus. Neque vero hoc adeptus acquievit, sed philosophiam veram & solidam, vitiorum expultricem, virtutis altricem, sedulo porro excoluit; inprimis autem præter Mathesin, eloquentiæ, sed floridæ, masculæ & cum dignitate conjunctæ diligenter studuit, animo præfagiens munus, cui in Academia non longe post esset præficiendus. Sed ut fata ipsum altioribus destinarant, ita ad altiora quoque studia summa cum animi contentione adspiravit. Nomen itaque Themidi ut dedit, pro ea, qua pollebat, industria ingeniique felicitate, intra breve temporis spatium sub publico & privato præceptorum ductu tantum profecit, ut a. 1612. m. Dec. eruditionis suæ specimen dissertatione ad l. 1. ff. qui testam. fac. poss. feliciter ediderit. Noluit interim esse terræ unius mancipium, nec patriæ glebæ nimis ardentem adhærescere, unde in externas regiones sese contulit, præsertim Galliam, præcipue Biturigibus, urbe pluribus Jure consultis celeberrima, commoratus. In patriam a. 1617. reversus eruditione, consuetudinis adfabilitate pariter ac facilitate, morumque comitate apud bonos quosvis, summos, medios, imos, eam iniit gratiam, qua sibi viam ad secuturos honores paravit. Doctoris titulum adsumpsit Basileæ d. 8. Jul. 1628. & Juris cultoribus privatam operam ab illo tempore addixit atque præstitit; professionem prius mereri quam ambire desiderans, famamque in Academiam inferre quam ab ea accipere. Sed mox tamen in honores adsurrexit. Primum demandata ei fuit Eloquentiæ professio, quod accidit 10. Cal. Nov. 1629. Mox a. 1630. d. 23. Jul. professio Institutionum,

in

in qua obeunda cum nonnulla passus esset adversa, denique d. 18. Apr. 1637. professio Codicis ei fuit collata, quibus muneribus singulis diligentissime vacavit. Præter theoriam etiam praxin exercuit omni fide atque prudentia; sed cum bonis plurimum profuit, malam malorum gratiam iniit; quæ causa fuit, cur filios, quos numero quatuor habuit, a studio Juris olim capeffendo graviter dehortatus sit. Conjugium ei fuit duplex: unum cum Vrsula Burcard, una prole mascula beatum; alterum, illa cum filiolo a. 1631. in puerperio defuncta, cum Helena Iselin an. 1633., ex qua v. l. liberos vidit, septimum sperare licuit posthumum, semestri post patris mortem in hanc lucem editum, ex quibus primogenitus Joh. Henricus V. D. M. Mariæ Julianæ ex illustri Hohenloënsium familia oriundæ Principi Bad. Durl. a concionibus, deinceps ad Diaconatum in æde S. Petri Basileæ, tandem ad Archidiaconatum vocatus, gloriæ Dei & ecclesiæ ædificationi inserviit. Noster Hofmannus, longiori vita dignissimus, mature obiit dysenteria, præviis doloribus nephriticis intensissimis, d. 1. Sept. 1644.

XVI. JOH. JACOBUS FAESCH, Filius, patre natus est Joh. Jacobo Fæsch, J. V. D. ac Pand. Prof., matre Anna Maria Bauhin; natalem habuit d. 5. Aug. 1610. Parentum optimorum voluntate & cura mature studiis est adhibitus; decurso stadio philosophico, Jurisprudentiæ se totum devovit, ea industria eoque successu, ut 14. Cal. Sept. a. 1634. summo suo merito utriusque Juris Doctoris titulum atque insignia reciperet; erat enim ab ineunte ætate ingenio felicissimo, imo admirando, judicio acri, memoria tenacissima, & diligentia singulari. Cum ejus parens d. 5. Mart. 1637. professionem Pandectarum resignasset, rudemque pro voto accepisset, filius ejus cognominis, quem pater hanc in rem de meliori commendaverat, a senatu acad. d. 18. Apr. 1637. Institutionum Professor designatus fuit, hancque postea cathedram d. 30. Maji 1645. cum cathedra Codicis permutavit; utraque vero professione postquam per decennium dextre fuisset perfunctus, an. 1647. minus prospera culpa sua passus Mullhusium concessit, inde vero sequenti anno revocatus, in itinere tristi

tristi fato equo excussus, statim ab ingressu in nostram urbem obiit d. 29. Sept. 1648.

XVII. JOH. JACOBUS FAESCH, Pater, qui in gratiam unici filii, Joh. Jacobi, a. 1637. professione decesserat, jam inverso factorum ordine, a Senatu acad. per Rectorem & unum ex Scholarchis rogatus, præviis tamen quibusdam conditionibus, professionem Codicis d. 26. Nov. 1647. filio succedens, iterum suscepit, & obiit d. 17. Febr. 1652. V. Prof. Pand. n. 7.

XVIII. LUCAS BURCARD natalem habuit d. 2. Dec. a. 1614. parentes vero Jacobum Burcard, J. V. D. & Philosophiæ practicæ apud nos Professore & Elisabetham Lichtenhan. Ludo literario immissus in eo perrexit usque ad a. 1629., quo, sæviante peste, parentum consilio Montem Belligardum petiit, inde autem a. 1630. reversus ad lectiones publicas promotus, an. 1631. prima Laurea, & a. 1633. Magisterii gradu fuit decoratus. Dein scientiæ Juris ad consilium & exemplum parentis diligenter operam dedit, ipsumque ducem gnaviter fuit secutus. Studiorum causa postea iter suscepit Lausannam & a. 1635. Genevam; sequenti anno Galliam peragravit, domumque reversus studia juridica continuavit, donec a. 1639. superato examine & habita disputatione inaugurali Licentiam in utroque Jure obtinuit. Die 4. Nov. ejusdem anni itineris in Italiam comitem eum adsumsit Ernestus, Hassiæ Comes, & præsertim Venetiis atque Paduæ Juris antecessoribus familiariter fuerat usus. Suis feliciter restitutus a. 1640. J. V. D. fuit creatus. Sequenti anno thori sociam sibi adjunxit Elisabetham Mitz, quæ quatuor filios atque filiam fuit enixa, ex illis J. Jacobum maximo suo gaudio paterna vestigia prementem & in honores paternos succedentem vidit. Pius filius pium patrem jam debilem sublevaturus, adnuente Senatu acad., aliquamdiu ejus vices obiit, donec pater in gratiam filii a. 1642. officium resignavit, qua resignatione & inde secuta promotione factum, ut Burcardo nostro eodem anno cathedra Logicæ fuerit decreta. Haud diu post, nempe d. 30. Maji 1645. professio Institutionum & d. 8. Sept. 1652. professio Codicis ei obtigit. Rectoratum acad. quartum, Decanatum jurid. 14. itemque vicario nomine

mine 2. & Ven. Capituli Petrini Decanatum 7. cum laude administravit. Senectute ingravescente idem pietatis officium filio J. Jacobo præstitit, quod ipse a patre accepit; nempe ut locum cedat filio, d. 15. Febr. a. 1678. professionem resignavit, filium successorem expectens, quod factum; administravit tamen adhuc professionem, donec filius ex schola Herbornensi advenit, nempe ad d. 6. Jun. 1681. quo filius Institutionum cathedram solenniter auspicatus est. Obiit d. 14. Jul. 1695.

XIX. SIMON BATTIER parentibus ortus est bonis atque honestis, natusque d. 1. Mart. a. 1629. patre quidem Simone Battier, mercatore, matre vero Valeria Burcard; avus ei erat Jacobus Battier, natione Gallus, Lugduno oriundus, qui tempore laniæ Parisinæ e diris Guisianorum manibus elapsus primum Montisbelgardum dein Basileam venit, & civitate donatus fuit. Noster, puer sexennis, patrem optimum, vix dum notum, præmaturo fato extinctum luxit; mater vero, ad quam gravis educationis cura devoluta, quæque sex liberis fuerat obruta, huic oneri ferendo impar, ex amicorum consilio hunc filium, in quo magnam discendi cupiditatem & animum ad studia inclinantem animadvertenterat, Friderico Seylero, tum Gymnasii nostri Conrectori solertissimo, educandum atque instituendum tradidit, qui filii loco ipsum habens eundem primis literarum rudimentis sollicitus imbuat. Ex Gymnasio in Academiam translatus, matrique iterum redditus, philosophiæ sedulam navavit operam, & impensiori linguarum cum teneretur desiderio, Philologiæ studium de industria tractavit; dignus dein habitus, qui a. 1646. prima laurea & a. 1647. secunda, magisterii nempe laurea, coronaretur. Absoluta elegantiori & ad superiorem facultatem necessaria Philosophia, ad Jurisprudentiam se convertit, utque in ea felicius progrediretur, historiam præcipue Romanam diligenter evoluit & virilis præterea eloquentiæ studiosum solertem se præstitit; vivos mortuosque Juris Antistites frequens adiit atque consuluit, omne jus ex fontibus haurire gestiens. Sacerdotibus Themidos studiorum rationem postea reddidit & ab iis dignus habebatur, qui Themidi felici jungeretur connubio. Ipse autem Doctoris titulum tum accipere

accipere noluit, prius exterarum regiones atque consuetudines contemplari desiderans. Igitur primum Genevam petiit, & biennio circiter ibi transacto in Italiam iter secundum promovit, visa Verona, Vincentia, Patavio, ubi aliquantisper substiterat, Ferrariam, Bononiam, Imolam, Laurentum, Romamque intravit, ubivis antiquitatis vestigia, mores, statuta explorans. Roma discedens Neapolim, amœnas Bajas, hinc Florentiam, Pisam, Lucam, Mediolanum invisit, dirisque alpium nivibus superatis per Helvetiæ urbes, Tigurum, Scaphusiumque ad suos pervenit; hic vero nequaquam otium secutus sed illico labores adiit & disputationem *de relictis ad pias causas* eleganter conscripsit, quam d. 3. Non. Oct. 1655. publice cum adplausu propugnavit. Fama ejus ad externos perlata, accidit, ut a celliss. Principe, Carolo Ludovico, Electore Palatino ad Professionem Juris in Academiam Heidelbergensem per Sebast. Ramspeck, Basiliensem, ibidem tum temporis Professore, fuerit vocatus. Patriæ autem, cui post Deum omnia debebat, se suasque vires consecrare statuit & hanc vocationem recusavit; eodem autem adhuc anno 1655. 13. Cal. Dec. ex voto ei cessit cathedra Rhetorica, quæ ei eo fuerat gratior, quod ab ineunte adolescentia puriori linguæ latinæ sermone, mascula eloquentia & optimorum oratorum lectione quamplurimum fuerit delectatus. An. 1656. d. 15. Apr. J. V. D. promotus & a. 1657. fœdere sacro sociatus fuit Margarethæ Seyler, Friderici filiæ, ex qua præter filiam Rolinam tres filios suscepit, Fridericum, Pastorem Albanum, omni scientia theologica instructissimum, Simonem, Cancellariæ addictum, & Joh. Jacobum, J. V. D. ejusdemque Professore celeberrimum. A cathedra Rhetorica ad Professionem Ethices vocatus fuit d. 11. Sept. 1668. cui iterum magna fide præfuit, donec d. 11. Dec. 1677. ad professionem Institutionum Imperial. transferretur. Denique Professor Codicis constitutus fuit d. 15. Febr. 1678. quam tamen professionem ob absentiam D. D. Jacobi Burcardi, novi Professoris Institutionum, demum d. 13. Jun. 1681. auspicatus est. Huic autem brevissime vacavit, jam d. 18. Jul. 1681. apoplexia extinctus.

Edidit dissertationem *de relictis ad pias causas*, 1655.

dissertat. *de virtute*, 1660. *assertiones ethicas*, 1665.

dissertat. *polit. de legatis & legationibus*, eod. disput.

de

de præmiis & congrua illorum distributione, 1666. disp. de liberalitate, 1667. Positiones aliquot controversas ex diversis utriusque juris civ. & can. articulis coactas, 1666. exercitationem de republica mixta, 1672. disp. de majestate, 1674. disp. de exercitio jurium Magistratus, eod. diff. de pacificationibus, eod. tractationem politicam armorum, hisque connexorum, eod.

XX. JOH. JACOBUS BURCARD, Lucæ filius, J. V. D. & Institutionum Professor designatus fuit Codicis Professor d. 16. Dec. 1681. hancque cathedram auspicatus est d. 22. Febr. 1682. ornavit eam usque ad d. 17. Sept. a. 1695. quo ei professio Pandectarum fuit demandata. V. Prof. Pand. n. 10.

XXI. SEBASTIANUS FAESCH, natus d. 8. Jul. 1647., patrem habuit Christophorum Fæsch, J. V. D. & Historiarum Professore, matrem Chatharinam Güntzer. In Gymnasium nostrum missus pro ingenii alacritate pensum suum lepide adcuravit, & ex eo 12. Cal. Apr. 1661. emissus sui ordinis decurio orationem publice habuit *de vita M. Tullii Ciceronis*, non sine præfatio, eum aliquando Ciceronis felicem æmulum futurum. Jam Philosophorum scholis traditus græco latinoque sermone, nec non eloquentiæ, ethicæ atque historiæ diligentissimam navavit operam, facundiæque suæ specimen edidit illustre, cum d. 15. Apr. 1662. orationem in laudem Jac. Burcardi, J. V. D. & Philosophiæ pract. Professoris, a J. Frid. Burcardo, J. V. D. Oratoriæ Professore compositam, pro rostris diceret; nec consuetum pensum absolvisse contentus, linguæ etiam hebraicæ ut notitiam acquireret, haud vulgarem adhibuit diligentiam. Lauream philosophica meritissimus fuit ornatus d. 13. Cal. Dec. a. 1662. carmine elegiaco *in laudem Pœseos* effuso. Realem postea philosophiam hausit ab ordinariis Professoribus, donec Magisterii axiomata 4. Cal. Jul. 1664., oratione inaugurali, græco itidem carmine, *de literarum græcarum ad studium Juris necessitate* præmissa, cum adplausu fuit consecutus. Deinceps studium Juris feliciter est adgressus, haud secus habita philosophia atque philologia, quam ut & rem antiquariam atque numismaticam diligentissime porro excoluit. Postea excursus fecit in Galliam, atque primum Gratianopoli per 14. menses studium Juris profecutus Lugdunum se recepit,

recepit, delectatus inprimis *Jacobi Sponii* humanitate, institutione atque amicitia, apud quem diutius commoratus, donec Lutetiam Parisiorum gradum promovit, inde salutatis viris eruditionis fama præstantibus Caleto in Britanniam trajecit, aliquandiu Londini persistens. Oxonium dehinc profectus, ubi opportune Theatri Scheldeniani dedicationi interesse datum fuit. Exinde Cantabrigiam quoque visit, sibi que principum Literatorum amicitiam comparavit, ex quibus præcipue nominandus *Thomas Gale*, qui cum superioribus annis Jamblychum philosophum ex veteribus MS. emendaret, & observationibus illustraret, exemplo ex Bibliotheca Fæschiana antiquo a Fæschio nostro multum fuit adjutus, cujus officii ipse honorificam mentionem in præfatione fecit. Relicta Britannia Belgium peragravit & per Germaniam redux salvus in patria advenit, totus deinceps studio Juris operaturus. Postea a. 1671. solita examina pro gradu in Jure supremo consequendo cum laude sustinuit, & insignem de *Insignibus* disputationem defendit. Circa hæc tempora in familiarem pervenit amicitiam *Caroli Patini*, tum Basileæ degentis, *Tobias Holanderi*, Consulis Schafhusiani atque *Andr. Morelli*, antiquariorum celeberrimorum, quæ magnæ ei gloriæ fuit atque utilitati. Editis porro aliquot speciminibus pro obtinenda cathedra juridica atque philosophica, mense Septembri a. 1678. Italiam perlustrare cœpit, nempe inspecta Vienna Austriæ per Stiriam, Carinthiam & Julii Forum, Venetias, dein Patavium contendit, ubi apud Patinum, Medicinam publico stipendio profitemtem ad tempus hæsit, & *Academiæ Recuperatorum* unanimi collegarum suffragio adscriptus, Reipublicæ Venetæ laudes in illustri omnium ordinum panegyri græco latinoque carmine, paulo post in lucem edito, diserte & eleganter est prosecutus. Inde Romam perrexit, & summa cum voluptate magnificas monumentorum reliquias & rudera, illustrium virorum cimelia, & præsertim numismatum latinorum græcorumque copiam avidis oculis consideravit, in quibus posterioribus emicuit singularis raritatis nummulus æreus, *Pylæmenis Evergetæ* regis Paphlagoniæ, quem domum reversus commentario, a. 1680. typis edito, illustravit. Florentiam regressus atque Patavium, Mediolanum pervenit, ubi inprimis illustris Comitissæ *Franc. Mediobarbæ* byragi

arctiorem amicitiam meruit, quem & Numismata Imperatorum auctiora edentem opera sua multum adjuvit, quemadmodum id singulis fere operis sui paginis illustris Auctor commemorat. Tandem patriæ redditus d. 15. Nov. a. 1681. insignibus doctoralibus jam dudum promeritis fuit condecoratus. Porro ejusdem anni 1681. d. 16. Dec. Institutionum, & d. 17. Sept. 1695. Codicis professio ei fuit delata, cui maxima cum laude & diligentia non secus atque Syndicatus Reipublicæ muneri, quod ampliff. Magistratus a. 1686. ei obtulit, vacavit, donec d. 19. Maji a. 1706. ad munus Archigrammatei fuit vocatus, quo ad finem usque vitæ perfungebatur. In omni autem vita monstravit abunde, se non solum doctum esse Jurisconsultum, æquitatis & justitiæ amatorem tenacissimum, sed etiam pium probumque christianum, sobrietati, castitati atque temperantiæ simul maxime deditum. Nephriticis interim atque calculi vesicæ doloribus tantopere fuit excruciat, ut tandem illis succumbere necesse habuerit d. 27. Maj. a. 1712.

Edidit præter commemorata etiam *orationem fun. in obitum Jac. Brandmulleri* JC. a. 1678. it. *manipulum quaestionum Juris illustrium*, 1681. *Nummos græcos Imperatorum Rom.* 1697. ab ipso excusos refert Leu in *Lexico*, quos videre hætenus nobis non fuit datum.

XXII. BONIFACIUS FAESCH, patre genitus Joh. Ludovico, senatore, matre Sara Burcard, d. 25. Aug. 1651. a prima infantia bonarum literarum cultor fuit strenuissimus, virtutisque primum brabeum publicum, Lauream philosophicam, a. 1666. secundum, Magistri artium titulum, a. 1668. accepit. Hoc omnium disciplinarum communi fundamento rite posito, Jurisprudentiæ, studio familiæ suæ hæreditario, operam dedit diligentem, & supremum Doctoris gradum adeptus est d. 14. Sept. 1675. Itinere longiori per Italiam, Galliam, Angliam, Belgium, Germaniam atque Hungariam feliciter atque cum fructu confecto, in patria gradatim ad honores ascendit promeritos, & Academiæ commodis plurimum inserviit. Prima, quæ ei offerebatur, occasio studiosæ juventutis utilitati parendi, erat vicariatus Logicus, qui ei loco Sam. Burcardi supra 20. annos Logicæ Professoris emeriti a Senatu acad. d. 21. Jul. 1685. fuit

fuit oblatus. Hanc vicariam autem operam mox cum ordinaria Professione Rhetorica permutavit, quæ ei deferrebat^{ur} d. 5. Jan. 1686. Hinc d. 5. Jul. 1689. translatus fuit ad Ethicam; sed nec hic substitit, ad altiora nempe vocatus fuit a proceribus academicis, qui in inferioribus fidus fuit deprehensus, d. 17. Sept. 1695. Institutionum & d. 20. Sept. 1706. Codicis Professor constitutus, cum adjuncto novo titulo atque officio, Professoris scilicet Juris feudalis. Denique a. 1706. Reipublicæ Syndicus fuit denominatus, cui vero muneri haud diu vacavit, cum jam d. 23. Dec. 1713. humanis fuit ereptus; relicta, cum filia, nupta J. Henr. Ryhihero, vidua Catharina Burcard.

Plures edidit dissertationes jurid.

XXIII. JOH. JACOBUS BATTIER in lucem hanc editus d. 6. Febr. a. 1664. patrem veneratus est Simonem Battier, J. V. D. ejusdemque Prof., matrem vero Margaretham Seyler. Ex pulvere scholastico in Academiæ solem perductus humanioribus literis sedulus invigilavit, & adepta utraque laurea philosophica, una a. 1679. altera a. 1680., patris voluntate studium Juris arripuit, in quo ipso parente duce, eoque demortuo, Nicol. Pasavantio, præceptore usus, accedente propria diligentia ingenique felicitate tantos profectus fecit, ut anno 1685. examen pro gradu cum laude sustinuerit, etiamque a. 1689. dissertationem inauguralem *de suffragiis & eorum jure* fortiter defenderit. Eruditionem autem, quam in disciplinis philosophicis acquisiverat insignem, variis occasionibus publice ostendit, ut d. 25. Apr. 1687. specimine philolog. pro vacante cathedra linguæ Græcæ, d. 7. Jul. 1693. disp. *de dispensatione & illius jure*, d. 11. Aug. 1693. manipulo thesium pro prof. Rhetorica. A. 1695. d. 17. Nov. *de obsidibus & eorum jure*; d. 12. Maj. 1697. *de induciis bellicis*, d. 15. Aug. 1699. *de ostracismo*, & sic porro. Etiam diligentiae mature tulit ampla præmia. Anno enim 1689. vicariatum professionis Logicæ; anno 1690. d. 14. Jan. gradum Doctoris utriusque Juris, & a. 1693. profess. Rhetoricæ obtinuit. Antea autem, indulgente Senatu acad. d. 23. Mart. 1691., iter literarium per Germaniam, Belgium & Angliam instituit, vices Logicas interea obeunte fratre Frid. Battierio, tum Communi Diacono, postea Pastore Albano eruditissimo;

ex itinere d. 28. Oct. ejusdem anni redux pristina negotia summo studio prosecutus fuit. A. 1695. specimen edidit pro professione Juridica. A. 1696. d. 22. Sept. professio Oratoria ei fuit commissa; d. 20. Sept. 1706. constitutus fuit Professor Institutionum & Juris publici; denique d. 27. Febr. 1714. ad professionem Codicis & Juris feudalis transiit. Jam a. 1695. ab ampliff. Magistratu Reipublicæ Syndicus & a. 1712. a Proceribus acad. primus Vniversitatis *Actuarius* fuit designatus. Alia, quæ gessit, munera præterimus. Quod maxime ipsi laudi ducitur, hoc est, quod singulis muneribus singulari fide, diligentia atque prudentia fuerit perfunctus. D. 8. Jul. 1695. sibi junxit uxorem Veronicam Helin, 6. liberorum matrem factam; ex tribus filiis unus a. 1705. alius J. V. C. a. 1719. in Anglia fuit defunctus. Obiit vir egregius maximo suorum, academix atque Reipublicæ damno d. 14. Sept. 1720. ex Lithotomia, quinta post operationem die.

Præter supra commemorata edidit *Orationes duas* a. 1702. quarum una secularis agit de *Fœdere a Basiliensibus cum Helvetica gente* a. 1501. feliciter contracto; altera panegyrica, qua *Helvetiis pro præsidio Basileensibus* a. 1702. submisso gratias aguntur. Orationem item, qua *Jac. Bernoullio*, Math. Prof. parentavit a. 1705. d. 23. Nov. Scripsit & in juventute commentarium in *Homerum* nec non in *Grotium*, quorum verò neutrum aliis impeditus negotiis publici juris fecit.

XXIV. JOHANNES TONIOLA, J. V. D. cathedram Codicis adiit d. 30. Apr. 1721. electus d. 17. Dec. 1720. ab ea abiit a. 1731. ad Pandectas translatus. V. Prof. Pand. n. 12.

XXV. NICOLAUS BERNOULLI, probitate præcipue atque eruditione clarissimus, natus est d. 10. Oct. a. 1687. parentibus Nicolao Bernoullio, senatore, & Vrsula Stæhelin. Liberalibus disciplinis innutriendus primo Ludimagistris publicis committebatur; horum vero ferulæ subductus & Academiæ civibus a. 1700. adscriptus Philosophorum lectiones publicas atque privatas frequens atque adtentus audivit, eo cum successu, ut a. 1702. primam lauream & a. 1704. magisterii gradum meritissimus obtinuerit. Præter indolem bonam acri atque felici utebatur ingenio, & juvenis adhuc mathematicis

ticis inprimis delectabatur scientiis, & eruditionis publicum edidit specimen, cum pro obtinenda magistrali dignitate sub præsidio patrui sui, *Jacobi Bernoullii*, Mathes. Prof. disputationem *de seriebus infinitis earumque usu* fortiter propugnavit. Ita præclare jactis doctrinarum fundamentis, jurisprudentiæ totum se dedit, nec fores tantum ejus ingressus, sed ad ipsa penetralia contendit. Non tamen seposuit, quod ei adeo in deliciis erat, Matheseos studium, sed mens ejus generosa nobilissimam hanc Philosophiæ partem sedulo perlustravit. Mense Martio a. 1705. missus est a parentibus Groningam ad alterum patrum, *Johannem Bernoullium*, Mathemata ibi docentem, cum quo eodem adhuc anno mense Septembri Basileam rediit, ad Professionem Matheseos in patria obeundam illo vocato. Aliud dein a. 1710. iter instituit per Helvetiam in Galliam, & salutata Berna atque Geneva Lugdunum & dehinc Lutetiam Parisiorum est profectus; hic Eruditis primi ordinis, *Abbati Bignon*, *R. Patri Malebranche*, domino *Fontenelle*, *Reaumur*, *Cassini*, *Varignon*, *Montmort* aliisque non de facie tantum innotuit, sed interioris admissionis felicitate ab ipsis fuit dignatus. Patrios lares dein petiit, sed iis haud diu adhæsit; mox enim a. 1712. in Belgium atque Angliam contendit, ibique *Newtonum*, *Halley*, *Burnetum* & *de Moivre*, summos viros, sibi conciliavit amiciores, sibi que habuit benevolentissimos. Sub finem hujus anni relictâ Angliâ, per Hollandiam atque Brabantiam Lutetiam Parisiorum revisit, & hospitio usus domini *de Montmort*, mense Maii a. 1713. salvus domum fuit reversus. Eodem adhuc anno a *Societatibus scientiarum Anglicana atque Borussica*, & a. 1724. ab *Academia Bononiensi* socius fuit adlectus. Jam a. 1709. d. 14. Jun. pro Licentia edidit eruditam disputationem *de usu artis conjectandi in Jure*, iterumque a. 1714. d. 22. Febr. theses jurid. vacua sede jurid. A. 1716. magnus *Leibnitius*, quem Noster suis studiis ceperat, insigni illi Eruditorum patrono, *Cardinali Quirini* de meliori ipsum commendavit, quem & eminentissimus Præsul sibi commendatum habuit, eundemque per nobiles aliquot Venetos academiæ Paduanæ proceribus prædicavit tanquam dignissimum *Hermanni*, *Francfurtum* ad Oderam vocati, in cathedra mathematica successorem, idque eo effectum, ut concordibus suffragiis

Matheſeos Profeſſor fuerit designatus. Hoc nuncio accepto, ſtatim eo iter inſtituit, per Mediolanum atque Veronam Venetiis adveniens patronos ſuos, *Maffei, Poleni, Michelotti & Valisnieri*, ſalutavit, tandemque Paduam attigit, ubi d. 22. Dec. 1716. munus ſibi commiſſum auſpicatus eſt. Sequenti anno, accepto nuncio de patris morte, cum ſuperiorum permiſſu, Baſileam petiit, tumque d. 25. Maj. a. 1717. ἀξίωμα J. V. D. accepit, Paduam menſe Octobri reverſus. Hinc a. 1719. abiit, ægerrime dimiſſus, & Baſileæ binis vicibus, a. 1720. pro Codicis & a. 1722. pro Inſtitutionum cathedra obtinenda; erudita ſpecimina edidit, ſed ambabus vicibus ſortem renuentem habuit; eodem tamen anno, ſorte favente, d. 8. Apr. 1722. profeſſio Logica & d. 28. Maj. 1731. Profeſſio Codicis & Juris feudal-
lis ei obtigit. Poſtea etiam Canonicus Petrinus & eccleſiæ gallicæ Presbyter, Ordinis jurid. Decanus ſæpius & Academiæ Rector quintum fuit designatus, ſingulis hiſ aliisque muneribus perfecta fide atque induſtria, Academiæ emolumento ſuique nominis ornamento inſigni perfunctus. Sociam conjugalem ſibi legit atque adjunxit d. 3. Jun. a. 1720. *Annam Mariam Birr*, quæ filium, humanis rebus ſtatim ereptum, & filiam *Vrſulam* ſuperſtitem, *Emanueli Falknero*, ſenatori, nuptam ipſi peperit. Hacque uxore defuncta a. 1747. alteram duxit *Catharinam Battier*. Catarrhus tandem apoplecticus ejus glorioſæ vitæ finem impoſuit ipſumque in meliorem tranſtulit d. 29. Nov. a. 1759.

Scripta ejus edita ſunt; *Diſſ. de uſu artis conjeſtandi in Jure*, Baſ. 1709. *Addition au memoire de Mr. Jean Bernoulli touchant la manière de trouver les forces centrales dans les milieux reſiſtants &c.* Mem. de l'Acad. Roy. de Paris 1711. p. 53. *Solution du problème inſeré dans le Journal des Sçavans* a. 1711. p. 186. *touchant la lotterie de Lorraine*, Journ. des Sçav. 1711. n. 28. p. 444. *Recueil des lettres a Mr. de Monmort inſerées dans le traité de M. de Monmort tit. Eſſay d'analyſe ſur les jeux de bazard*. Sec. Edit. Par. 1713. *Theſes jurid. miſc.* Baſ. 1714. *Solutio generalis problematis 15. propoſiti a D. de Moivre in tractatu de Menſura Sortis*, inſerto *Act. Philoſ. Anglic.* n. 329. pro numero quocunque colluſorum. *Transact. Philoſ.* n. 341. *Annotationi ſopra lo Schediaſma del S. Conte Jacopo Ricato*, publicato nel T. 19. de Giorn. de Lett. d'Italia, art. 7. colla meſſa *Soluzione propria del problema inverſo delle forze centrali*

trali agenti in Mezzo non resistente dedotta da'principi medesimi del S. Newton. Giorn. de Letter. T. 20. Art. 13. Risposta all' Art. 8. T. 21. del Giorn. de Letter. ib. T. 24. Art. 4. Osservazione intorno il teorema proposto dal S. Conte Giulio Carlo de Fagnani nel Art. 11. del T. 27. nel Giorn. de Lett. ib. T. 29. Art. 5. Dimostrazione analitica di un teorema, in qual serve per la solutione del problema proposto del T. 20. Art. 13. del Giorn. de Lett. d'Ital. ib. T. 29. Art. 6. Calculus pro inveniendâ lineâ curvâ, quam describit projectile in medio resistente, insertus responsioni Job. Bernoullii ad nonneminis provocationem. Act. Lips. 1719. M. Maii p. 224. Tentamen solutionis generalis problematis de construendâ curvâ, quâ alias ordinatim positione datas ad angulos rectos secat. Ib. 1719. m. Jun. p. 295. Analyſi del problema proposto nel T. 20. Art. 13. del Giorn. de Lett. d'Ital. d. Giorn. T. 33. Art. 4. Theses jurid. controversæ, Bas. 1720. Modus inveniendi æquationem differentialem completam ex data æquatione differentiali incompleta, inserviens determinationi trajectariarum orthogonalium insertas Sect. 2. Exercitationis Geometricæ de trajectoriis orthogonalibus. Nic. Bernoulli Job. fil. Act. Lips. suppl. T. 7. S. 7. p. 311. Responsio ad Art. 7. T. 31. Diar. Erud. Italiæ. Act. Lips. 1720. m. Jul. p. 304. Demonstrationes theorematum patris sui in Act. Lips. 1719. p. 269. editorum ib. 1720. m. Oct. p. 471. Theses Logica de methodo analytica & synthetica, Bas. 1722. Theses jurid. misc. ib. eod. Responsio ad ea, quæ Julius Carolus de Fagnanis edidit in Art. 6. T. 1. Suppl. Diar. Erud. Ital. ut & in Sect. 2. T. 8. suppl. Act. Lips. p. 75. continens præter alia novum theorema pro integratione æquationum differentialium secundi gradus, quæ nullam constantem differentialem supponunt. Act. Lips. Suppl. T. 9. S. 3. p. 98. Theses jurid. misc. Bas. 1731. item ad ejus opera pertinet regula generalis inveniendi divisores racionales compositos quantitatis algebraicæ &c. inserta Commercio epist. Leibnit. Bernoull. Lausan. 1745. 4. T. 2. p. 189—209. Epistola ad Leibnitium, ib. p. 393—395. Edidit præterea patris, Jac. Bernoullii, artem conjectandi, opus posthumum, cui præfationem præmisit, Bas. 1713. 4.

XXVI. JOH. HENRICUS FALCKNER ortus est ex familia patricia jam supra quinque secula in civitate nostra florente, natusque d. 6. Sept. 1729. parentibus Daniele Falkner, Emanuelis, Consulis, filio, & Maria Veronica Gernler. Puerum cupiditate literarum raptum ab iis neutiquam deflectere, quin genio permixtum ad eas stimulare atque pro viribus adjuvare studuerunt parentes nobilissimi.

nobilissimi. Privatis itaque atque publicis magistris erudiendum commiserunt puerum discendi cupidissimum, quorum institutione ita profecit, ut, exactis tyrocinii diebus, a. 1742. coram Professoribus Philosophiæ sisti, eorumque disciplinæ tradi potuerit. Horum præcepta avidè excepit & in omnibus philosophiæ partibus, literis præsertim elegantioribus, ita se exercuit, ut superatis cum laude examinibus philosophicis a. 1744. primam, & a. 1746. secundam Lauream, f. Magistri Artium honores, publice atque suo merito retulerit. Musis cum ita litasset, Astrææ, alteri Jovis atque Themidos filiæ, sacra facere cœpit, ducem inprimis secutus antecessorem juris, J. Rod. Thurneisen, Reip. Syndicum. Non vero studium philosophiæ seposuit, sed illud cum studio juris sororio nexu conjunctum diligenter excoluit. Hujus nonnulla publice dedit argumenta. Primum pugil prodiit in publicum d. 2. Maj. a. 1747. exercitationem historico politicam de *Helveticorum legatorum singulari specie*, qui vulgo *Repræsentantes* vocantur, occasione vacantis cathedræ historiciæ, propugnans. Dein exteras nationes visurus, & præsertim institutione celeberrimi viri, *Andree Weissii*, Basil. J. V. D. tumque in Academia Lugduno Batava Juris publici Professoris, usurus, in Belgium concessit, cum eo, benigne exceptus, familiariter vixit, & ex ejus sermonibus multum eruditionis percepit. Inde vero vacuè factam Philosophiæ mor. & J. N. & G. cathedram ambiturus, in patriam festinavit & inter Candidatos nomen inscripsit. D. 13. Maj. a. 1749. suam de nonnullis hujus disciplinæ capitibus sententiam scripto publico proposuit atque defendit. Ita etiam placuit Academiæ proceribus, qui ut in veteranis ornandis nihil prætermittere, ita in fervidi atque felici ingenii igniculis magis magisque excitandis nihil solent omittere; reputantes, felicioribus ingeniis nihil magis obesse, quam si omnes suos conatus ad virtutis normam exactos & supra communem aliorum fortem se evehere adnitentes spretos aut neglectos sentiant, ut urnæ eum iniicerent, ex qua feliciore sorte exiit eadem, qua disputavit, die, noctamque spartam ingressus est d. 4. Jul. 1749. prælectione, qua *naturam humanam certissimam cynosuram Juris nat. esse* demonstravit. Hoc munere cum diligentissime fungeretur, honoribus doctoralibus d. 18. Maj. a. 1753. fuit condecoratus, habita

bita prius d. 20. Mart. 1753. publica disputatione, qua varias observationes juridicas ventilandas proposuit. Postea d. 20. Sept. 1757. iterum observationes jurid. edidit obtinendæ cathedræ jurid. causa, sed fors iniqua eum fuit frustrata. Magis favente vero forte paulo ante fuerat usus Reipublicæ Syndicus, nec non paulo post, die nempe 29. Apr. 1760. Codicis & Juris feudalis Professor constitutus, præmissa iterum d. 22. Apr. 1760. dissertatione, qua nonnullas observationes jurid. publici juris fecit; novam hanc provinciam adiit d. 13. Jun. 1760. prælectione inaugurali, qua *methodum in jure docendo a temporibus Justiniani Imp. ad hac usque tempora observatam* exposuit. Legatione functus est nomine Academiæ ad ejusdem Cancellarium, Episcopum Basil. omni fide, dexteritate atque gravitate anno 1772. Munera academica hactenus gessit varia, Rectoratum Acad. Decanatum Petrinum atque ordinis jurid. aliquoties, semperque singulari prudentia atque haud exiguo academici emolumento.

PROFESSORES INSTITUTIONUM.

I. JOHANNES SPHYRACTES, germanice *zeuch den hammer*, f. *Geichtenhammer*, natus fuit a. 1508. Operam suam dicavit primo scholæ Petrinæ, cui moderator præfuit a. 1529. & 1530. Postea in Galliam abiit, juris prudentiæ studio ductus; ei diligenter invigilavit, & J. V. L. titulum obtinuit. Juris docendi provinciam nactus est Basileæ a. 1537., quo anno in collegium Jureconsultorum receptus fuit sub nomine Professoris Ilagoges Justinian. & in matricula Rectoris, cui eodem anno nomen dedit, vocatur ordinarius Institutionum Professor. Vir refertur ingenio felici, eruditione multa, Græce Latineque doctus, firmaque memoria. Legitur etiam fuisse Canonicus atque Præpositus Petrinus. Rectoratum gessit a. 1545. & 1558. Altera vice Rector Codicis adpellatur Professor. Eo secundum Rectore Davidis Georgii Belgæ pestifera secta, quæ diu intra ejus privatos parietes delituerat, magna sapientissimi Senatus diligentia in lucem protracta est, atque omnium ordinum sententiis condemnata; qua in re Sphyraçtes, tanquam vir pius & facundus, sedulam operam navavit.

K 5

Ipse

Ipse etiam Rector hujus rei historiam concinnavit, quæ Basileæ a. 1559. hoc titulo impressa est: *Davidis Georgii Holandi hæresiarchæ Vita & Doctrina. Quandiu Basileæ fuit: tum quid post ejus mortem, cum cadauere, libris, ac reliqua ejus familia actum sit. Per Rectorem & Academiam Basiliens. in gratiam Amplissimi Senatus ejus urbis conscripta.* In statione autem Professoris solide & dextre docendo Sphyractes substitit tantum usque ad a. 1548. quo rude fuit donatus. Ob. a. 1578.

II. BERNHARDUS BRAND, J. V. L. Institutionum Prof. P. Senator, Signifer, Præfectus, Tribunus Plebis, vir versatilis ingenii atque fortunæ, in quem tritum illud quadrare videtur:

Si fortuna volet, fies de Rhetore Consul;

Si volet hæc eadem fies de Consule Rhetor,

ex castris musarum in castra Martis transiit, ex Professore factus miles, ex milite senator, ex senatore tribunus plebis, ex hoc satrapa, inde ad pristinam dignitatem tribunitiam bono publico revocatus. Sed rem ordine exponemus. Natus est ex familia minoris Basileæ antiquissima atque nobilissima, patre Theodoro Brand, quinquies Tribuno plebis, septies Consule, matre Christina Kœsin; annus natalis ei fuerat 1523. Adultior factus, dum optima ejus & in quidvis flexilis indoles deprehenderetur, literarum studiis, quibus pater impense favebat, ut qui Academiam tempore Reformationis fere collapsam & aliquot annis quasi sepultam restauravit, eique pristinum nitorem, privilegia, beneficia auctoritate sua restituit, dicatus est, in iisque pro mira ingenii alacritate & felicitate eos fecit progressus, ut eximiam sibi domi forisque imprimis in Gallia, quam trina vice pro varia sibi oblata occasione adiit, rerum quarumvis præstantissimarum, præsertim Jurisprudentiæ cognitionem, juxtaque Licentiæ gradum acquisiverit, quo ornatus a. 1548. Institutionum Juris Professor renunciatus est, cui tamen muneri non nisi per quadriennium sed fide optima præfuit. Cum enim illa ætate grave bellum inter Carolum V. & Henricum II. arderet, Helvetiique vi foederis huic sex millia peditum concederent, ad quorum supplementum Basilienses quoque militem legebant, sive gloriæ, sive paterni exempli æstro percitus Brandius militiæ

litæ nomen dedit, ægre ferente patre atque focero, qui malebant eum ab arte quam a Marte inclarescere. Exuta itaque toga professoria militarem induit, vexillum arripit, itinera, labores, pericula subit intrepidus. Sed horum tandem pertæsus a fagis redit ad togam a. 1560., quo ipso anno Reip. patriæ senator, & post decennium Tribunus plebis dictus est. Triennio post dimissionem a dignitate tribunitia & collationem præfecturæ Varnsburgensis petiit & obtinuit, quasi in Tusculano aliquo studiis pristinis vacaturus. Sed bono publico temporumque difficultatibus ita postulantibus a S. P. Q. B. ad clavum Reip. & pristinum tribunitium munus revocatus, eo dextre iterum fuit perfunctus. Jam a. 1562. Brandius noster cum aliis Legatis Friburgum Brisgoiæ ad Ferdinandum Imperatorem fuit missus, eum in urbem nostram submisit invitaturus, quem & d. 8. Jan. 1563. cum VI. senatoribus sub civitatis nostræ porta excepit. Idem quoque eodem anno cum Henrico Falknero, Archigrammateo, ad Cæs. Majest. ablegatus fuit, a quo confirmationem privilegiorum splendida aurea bulla obtinuit, quæ quotannis in tempe petrina die, qua novus Magistratus renunciari solet, publice fuit prælecta, donec Helvetii plenam ab Imperio exemptionem sunt adepti, simulque Brandius in numerum Equitum Nobilium Imperii R. cooptatus fuit. Ut erat quietis & rei rusticæ amantissimus, emit, quo curis fatigato secedere liceret, castrum in agro Basil., cui nomen Wildenstein, quod in meliorem cultum revocavit. Conjugem amplexus est Rachelem Hervagiam, typographi Johannis filiam, ex qua sustulit Theodorum, senatoria dignitate & triplici satrapia cum laude defunctum; alteram Margaretham Wagner, quæ ei peperit Annam, Jacobo Henricpetri J. C., Juditham Jacobo Zuingerio Medico, Saram primum Wernero Eglingero, J. V. L. præfecto Marchico, dein Nicolao Rippelio Conf. Mariam Wolfgango Meyero Theologo nuptas, ut & filium unicum Bernhardum, Tribunum plebis. Denique Professor noster Tribunus plebis pestilente sopore occubuit d. 13. Jul. 1594.

Scripsit sermone vernaculo *Epitomen historia a condito mundo ad a. 1553. c. f.*

III. MARCUS HOPPERUS, vir quondam Academiæ nostræ utilissimus, nomen dedit matriculæ philos. a. 1533. & ab eadem Facultate a. 1538. primam Lauream, & a. 1541. Magistri artium honores accepit, quo eodem anno in Collegium Philosophorum receptus legitur, cuius membrum mansit, donec titulo J. V. D. fuit condecoratus. Academia eum mature usibus suis adhibuit. Etenim primum Græcas literas est professus ex Homero a. 1544. Cum iisdem etiam Logica ex Cæsario docenda ei fuit commissa a. 1545., quam utramque Professionem retinuit usque ad a. 1549. quo in cathedram Physicam fuit promotus; in quibus cunctis muneribus dextre & utiliter pro singulari philosophica & philologica eruditione, imprimis Græca, qua excelluisse dicitur, est versatus, donec ineunte a. 1557. Institutionum Professionem obtinuit, quam solita fide, Academiæ ornamento & Jurisprudentiæ alumnorum emolumento administravit. Doctoris Juris gradum demum accepit a. 1563. Etiam apud Theologos immatriculatus reperitur d. 22. Jul. 1546. adeo in omni scibili videtur versatus fuisse. Uxorem duxit Mariam Petri, Henrici typographi & senatoris filiam. Obijt tandem Academiæ Rector d. 21. Jul. 1564. ex peste. Exigua fuisse statura videtur, quod in matricula acad. ut & in programme Magistregii, nomen ejus in diminutivo, *Hepperle*, occurrat. Ceterum sapientia, doctrina, humanitate singulari excellens:

Vir sine fraude bonus, vir sine labe pius.

Antea Sylvi, s. *Pii* II. opuscula varia conquisivit, quæ in unum volumen congesta cum præfatione Hopperi exhibuit Henr. Petri in fol. Bas. 1571. itemque *Luciani* Opera edidit Gr. & Lat. 4. Vol. in 8. 1563. *L. Apuleji*, Platonici, opera, quæ exstant, omnia, cum Phil. Beroaldi & God. Stewechii annot. 3. Vol. 8. Bas. 1560. & ib. 1597. Lugd. 1604. T. 2. 8. *D. Andrea* presbyteri concionem de *salutatione angelica* e græco sermone in latinum transtulit, excusam Basil. ap. Henr. Petri, cum aliis quibusdam orthodoxis scriptoribus, a. 1550. transtulit etiam 15. librum *Eusebii de præparatione evangelica*, excusum cum Eusebii operibus apud eund. 1579. fol. scripsit præterea *præfationes* in Damascenum, Eusebium, & Strabonem; fuit etiam ex concinnatoribus Dictionarii græco latini, quod prodijt Basil. 1563. 1572. 1584. fol.

IV. ADAMUS HENRICPETRI J. V. D. Institutionum Professor fuit constitutus d. 20. Jan. 1565. eamque spartam administravit diligenter, donec ei a. 1571. professio Codicis fuit demandata. V. Prof. Codicis, n. 8.

V. SAMUEL GRYNÆUS, J. V. D. professionem Institutionum, a cathedra Oratoria vocatus, obtinuit a. 1571. & in ea permansit obeunda, dum ei novum pensum tribueretur, Codicis Professor designatus d. 16. Oct. a. 1584. V. Prof. Pand. n. 4.

VI. HIPPOLYTUS a COLLIBUS natus Tiguri d. 20. Febr. a. 1561. patrem habuit Paulum Colle, f. Colli, ex antiqua atque nobili Italiæ familia, rebus in toga sagoque egregie gestis clara oriundum. Domicilium pater habuit Alexandriæ ditionis Mediolanensis & purior, Evangelii luce illustratus aliquamdiu domesticam ecclesiam non sine summo periculo egit. A servulo deinde monitus, ut tandem in locum tutum concederet, ipse verbum hoc quasi ab asina Bileami profectum accepit, statimque opibus divenditis primum in Rhætiā, dein Tigurum cum familia se contulit. Ut primum Hippolytus ex pueris excessit, indolem prodidit præclaram & ingenium disciplinarum capax. Parentes itaque in pædagogio Neuhausiano Electoralis Palatinatus pietatis atque optimarum artium primitiis ipsum imbuendum curarunt. Usus est ibi cum aliis præceptore *Frid. Sylburgio*, cui cum videretur ingenio esse liberiore, &, quæ est juventutis incuria, negligentiore: auctor ei fuit, ut studiis relictis ad alia animum adpelleret. Sed longe aberravit ille suo iudicio; unde Hippolytus postea ipsi dixit: *Ecce, si tuo obtemperassem consilio, jam non essem, qui sum.* Italiam deinde, antiquam prosapiæ suæ patriam, petiit, ubi totum se studio Juris mancipavit, eo cum successu, ut Basileæ a. 1583. non sine summo encomio & adplausu J. V. D. crearetur, & d. 26. Oct. a. 1584. Institutionum Professor rite constitueretur, in qua provincia administranda summa cum laude per biennium ea nominis fama est versatus, ut ab inclyta Academia Heidelbergensi juris docendi causa vocaretur, ubi summum Academiæ magistratum a. 1588. cum laude gessit. Hinc vero cum ob privatas cum Julio Pacio controversias jam alio cogitaret, a Basiliensibus revocatus Archigramma-

tei

tei muneri præficitur, quod præclare gessit, sed iterum
 brevi tantum tempore. Vocatus enim mox ad Christia-
 num, Anhaltinum principem, cancellarii munus susti-
 nuit, & cum a. 1591. princeps ille equitatum & pedita-
 tum in Galliam suppetias Henrico IV. Gallix & Navar-
 ræ regi laturus, duceret, cum eodem abiit, & a con-
 siliis ei fuit militaribus. Paulo post in Angliam ad Eli-
 sabetham reginam, atque porro ad ordines Imperii præ-
 cipuos fuit ablegatus. Cum singulari etiam in lega-
 tione ad Fridericum IV. Electorem Palatinum ire iussus
 esset, statim Elector cum eo agendum curavit de opera
 sibi addicenda, in quod cum consensisset, præses curiæ
 dicafteriivæ & consiliarius est declaratus. Hoc officio
 annos 19. ita functus est, ut pietatis, prudentiæ, justi-
 tiæ, eloquentiæ & virtutum aliarum, quæ in consiliario
 fideli requiruntur, laude concefferit nemini. Inprimis
 autem commendatæ in eo fuerunt duæ virtutes, taciturni-
 tas prudens & ἀφιερύγεια, sive pertinax contemptus mu-
 nerum, quæ etiam sapientum oculos occœcant. Adlec-
 tus deinde in consilium principis arcanum a. 1597. &
 a. 1603. Heidelbergensi diocesi præfectus, commodis
 eorum, quos fidei suæ creditos norat, sollicitè consu-
 luit. Variis postea gravioribus legationibus iterum fuit
 adhibitus; in Poloniam; a. 1600. in Belgium pacis cau-
 sa inter regem Hispaniarum & ordines Belgii confœdera-
 tos; Hagæ Comitum anno fere integro commoratus;
 in Galliam propter controversiam de agro Juliacen-
 si, a. 1610. cum duce Wurtembergico in Angliam propter
 unionem sacram ad Jacobum regem, ubi inter Bonnam
 & Coloniam hispanorum militum crudelitatem non sine
 præsentissimo vitæ discrimine effugit; a. 1611. in Bohe-
 miam, Pragæ iterum extremo periculo expositus; Pas-
 savientibus enim militibus hanc urbem ex improvise oc-
 cupantibus, tres hebdomadas inter sacrum & saxum hæ-
 sit. Iterum tamen legatus eo profectus a Rodolpho Cæ-
 sare optata impetravit. Denique febre ardente d. 2.
 Febr. a. 1612. fuit extinctus. De parentum suorum
 exilio & damno sæpe solitus erat dicere: *Alii conquie-
 runtur, se religionis causa omnia perdidisse: ego vero
 nunquam eo dignitatis pervenissem, nisi mea reliquissem.*
 In morbo supremo, cum medici de venæ sectione con-
 sultarent, & quidam suaderent, quidam dissuaderent,
 & contra regulas Galeni & medicinæ id esse dicerent:

Ipse

Ipse dum vos, inquit, deliberatis, ego secundum regulas Galeni & medicina moriar. In conjugio vixit unico annos 19. in quo pater factus est 5. liberorum, quorum tres præmisit, filium & filiam superstites reliquit.

Scripta ejus edita sunt: *de contractu depositi*. Basil. 1587. 4. *de Regulis Juris*, Bas. 1590. 8. *Princeps, Consiliarius, Palatinus, & Nobilis*, Hanov. 1595. 1615. 8. & cum notis Naurathi, Francof. 1670. 8. *de incrementis urbium*, Hanov. 1600. 8. exstat etiam cum Joh. Boteri Tr. Helmst. 1665. 3. & cum Tr. Petr. Ponceti de Civibus, Incolis &c. ac additionibus notisque Mart. Naurathi, Francof. 1671. 1681. 8. *Harpocrates, s. de ratione filendi*, Lugd. 1603, 8. Oratio in comitiis coram rege Poloniæ Sigismundo III. habita, Col. 1612. 8. *Emblemata singularia*; tecto sæpius usus fuerat nomine, mox *Lampurnanum*, mox *Wernerum Gerardum*, mox *Sinibaldum Vbaldum* sese nominans.

VII. JOHANNES GUT, J. V. D. Institutionum Professor eligitur d. 25. Jul. 1586. ad Professionem Codicis translatus d. 9. Jun. 1589. V. Prof. Pand. n. 5.

VIII. LUDOVICUS ISELIN, J. V. D. Professionem Institutionum adeptus d. 9. Jun. 1589. eam administravit ad d. 2. Nov. 1599. cum Codicis professio ei fuit delata. V. Prof. Cod. n. 12.

IX. JOH. JACOBUS FAESCH, J. V. D. in cathedram Institutionum evectus fuit d. 2. Nov. 1599. præfuit ei, donec d. 24. Aug. 1613. Codicis professio ei demandata fuit. V. Prof. Pand. n. 6.

X. MELCHIOR DE INSULA, Dominus de Hunnewald, J. V. D. *Iust. Imp. Prof. P. christianissimi Galliarum regis consiliarius, cubicularius & legatus residens ordinarius*, vir animi magnitudine, morum gravitate, oris facundia, rerum publicarum notitia celebris, natus est Basileæ Idib. Sept. a. 1580. patre Francisco de Insula, nobili Ligure, qui postquam sub patruo suo Joh. Baptista de Insula Archistratego militaris scientiæ fundamenta aquilifer in Italia jecisset, in Germania Caroli V. Imper. Commissarium Belgicum, supremumque annonæ militaris præfectum fidum & industrium egit. Acciderat autem, ut in Mediomatricibus oculo vulneratus Argentoratum

gentoratum esset deportatus, ubi ad *αθηναίω* concionum Joh. Calvini Reformatæ religioni se addixit, & dimissione a Cæsareis officiis bellicis impetrata Basileæ sedem fixit, ubi a. 1581. obiit. Mater autem Nostro contigit ex familia, nobilitate inclyta, e Galliis oriunda, *Maria de Hautee de Montmerail*. Huic claræ majorum profapiæ verum nobilitatis decus ex bonis literis superaddere secum statuens, totum se studiis dedit, & jactis primis fundamentis a. 1594. ad publicas lectiones audiendas est admissus, sequentique anno prima laurea decoratus. Postea ad exemplum Basiliæ Amerbachii, patris sui lustrici, jurisprudentiæ se addixit, non umbratili illi tantum, quæ in legum interpretatione versatur, sed masculæ & luculentæ, quæ in judiciis, quæ in senatu, quæ in aulis principum, & universa hominum vita se conspiciendam præbet, unde non in patria modo celebres audit Jureconsultos, *Grynæum, Gutium, Lud. Iselium, & J. Jac. Feschium*, sed & gradum in utroque Jure summum a. 1601. adeptus illustres peregrinationes suscepit, & primum Heidelbergæ aliquamdiu commoratus, deinceps in Galliam, Angliam atque Italiam iter fecit, Basileam reversus studio juris universo, quam theoreti-co quam practico, totus incubuit, & d. 28. Sept. 1613. Institutionum professionem nactus est, quam omni gravitate, eruditione & inprimis facundia obiit, & a. 1618. ad Episcopum Basil. Academiæ nomine legatus abiit. Præter eximiam juris civilis scientiam variarum linguarum notitiam sibi familiarem reddidit, etenim latina, gallica, italica non difficilior quam vernacula est usus, hispanica, anglica, belgica modice, nec etiam orientalium ignarus perhibetur, & quod præcipue ipsi viam ad amplissimas quasque dignitates munivit, juris publici pro vasti ingenii capacitate erat callentissimus. Unde cum tantus vir unius lycei angustiis contineri vix posset, liberio-rem & sublimiorem auram spirans, sponte sua academiæ & patriæ a. 1628. valedixit, cum familia universa Argentoratum commigrans. Postquam a decennio Mauritio, Hassiæ Landgravi, a consiliis fuisset, Ludovicus XIII. Galliarum rex cubicularii regii munus a. 1628. ei commisit. A dicto Landgravi a. 1630. ad comitia Ratisbonensia & sequenti anno ad comitia Lipsiensia a protestantibus Electoribus & Principibus instituta, Plenipotentarius fuit missus, qua ardua pariter & illu-
stri

stri legatione ex Principum suorum placito eo cum successu est defunctus, ut anno proxime sequenti novis & variis legationibus non ornatus modo sed vel oneratus videri possit. Etenim mense Julio a. 1631. a Rege christianiss. ad sereniss. Electores, Saxonicum & Brandenburgicum, postea ad Suecorum Regem, Gustavum Adolphum, bina vice, dein ad ducem Wurtembergicum, tandem ad civitatem Argentoratensem fuit ablegatus, ubique summa fide usus atque felicitate. Quibus amplissimis meritis permotus Rex Galliarum non dubitavit, ei munus splendidum, Legati Residentis in Germania a. 1632. committere, eique Argentoratum sedem designavit. Prius matrimonium inivit a. 1605. mense Aprili cum nobili *Elisabetha Covet de Viviers*, pastoris Gallicani Basiliensis filia, ex qua filios duos, Franciscum & Melchiorem, totidemque filias, Magdalenam & Elisabetham, suscepit, illos quidem acerba morte peremptos luxit, Magdalenam vero nobiliss. *Danieli Terchat*, domino *de Alteman*, equiti, in matrimonium collocavit. Ad secunda vota transit cum nobili pariter virgine, *Dionysia*, Domini *le Bey Batilii*, consilarii regii, & parlamenti Metensis præsidis, filia, quæ ei peperit Franciscum, qui sub annum 1642. sesquianno ante parentem chiliarchæ vices subiens in Italia apud urbem Tortonam ex lapidis ictu periit, ut & filias tres, Susannam, Mariam, Esterem, patri superstites factas. Denique febris ardente correptus III. Non. Mart. a. 1644. huic mundo valedixit Argentorati, magna pompa elatus.

XI. REMIGIUS FAESCH, J. V. D. electus fuit Institutionum Imper. Professor d. 26. Sept. a. 1628. ad Codicis Professionem translatus d. 23. Jul. 1630. V. Prof. Pand. n. 7.

XII. JOH. JACOBUS HOFMANN, J. V. D. Eloquentiæ Professor, Institutionum cathedram adscendere iussus est d. 23. Jul. 1630. ab officio d. 29. Aug. 1632. amotus, in idem autem inductus d. 9. Maji 1633. ad Codicis professionem pervenit d. 18. Apr. 1637. V. Prof. Cod. n. 15.

XIII. JOH. JACOBUS FAESCH, J. V. D. Institutionum constitutus Professor d. 18. Apr. 1637. transit ad
L Codicis

Codicis Professionem d. 30. Maj. 1645. V. Prof. Cod. n. 16.

XIV. LUCAS BURCARD, J. V. D. Logices Professor, ad Institut. professionem promotus fuit d. 30. Maj. 1645. eamque obivit, donec d. 8. Sept. 1652. professio Codicis ei fuit delata. V. Prof. Codicis n. 18.

XV. JACOBUS BRANDMULLER, J. V. D. Instit. Professor designatus est d. 8. Sept. 1652. in eaque cathedra substitit, donec d. 25. Mart. 1667. eam cum Pandectarum cathedra mutare iussus est. V. Prof. Pand. n. 8.

XVI. NICOLAUS PASSAVANT, J. V. D. Reip. Syndicus, nominatur d. 3. Jul. a. 1667. Instit. & d. 11. Dec. a. 1677. Pand. Professor. V. Prof. Pand. n. 9.

XVII. SIMON BATTIER, J. V. D. Ethicæ Professor, Passavantio in professione Instit. surrogatur d. 11. Dec. 1677. Codicis Professor constitutus d. 15. Febr. 1678. ob absentiam successoris in professione Inst. perrexit usque ad a. 1681. quo d. 13. Jun. Codicis professionem adiit. V. Prof. Cod. n. 19.

XVIII. J. JACOBUS BURCARD, J. V. D., Basiliensis, antea Juris Professor Herborensis, d. 15. Febr. 1678. Institutionum Professor constituitur, d. 16. Dec. a. 1681. ab hac professione abiit ad professionem Codicis vocatus. V. Prof. Pand. n. 10.

XIX. SEBASTIANUS FÆSCH, J. V. D. d. 16. Dec. a. 1681. Institutionum fit Professor, hancque provinciam administravit, dum d. 17. Sept. 1695. ad professionem Codicis fuit translatus. V. Prof. Cod. n. 21.

XX. BONIFACIUS FÆSCH, J. V. D. Ethices Professor, Institutionum cathedræ præficitur d. 17. Sept. a. 1695. eamque occupavit, donec d. 20. Sept. a. 1706. in cathedram Codicis transveheretur. V. Prof. Cod. n. 22.

XXI. J. JACOBUS BATTIER, J. V. D. Eloquentiæ Professor, Institutionum Professionem nactus est d. 20. Sept.

Sept. a. 1706. una cum penſo Juris publici, ſed d. 27. Febr. a. 1714. ad profeſſionem Codicis atque Juris feudalſis tranſiit. V. Prof. Cod. n. 23.

XXII. JOHANNES WETTSTEIN; J. V. D. Philoſ. Pract. atque Juris naturæ & gentium Profeſſor, ad Profeſſionem Inſtit. & Juris publici tranſlatus eſt d. 27. Febr. 1714. qua vero ſe abdicavit, d. 17. Dec. a. 1720. ad Pandectas & Jus canonicum vocatus. V. Prof. Pand. n. 11.

XXIII. FRANCISCUS CHRIST, vir præſenti ingenio promtaque lingua præditus, natus eſt d. 10. Aug. 1688. patre Jacobo Chriſt, mercatore, matre Anna Maria Fatio. Obſervata pueri optima indole ingeniique velocitate ſtudiis mature fuit conſecratus; quo finè Gymnaſii noſtri claſſes adire juſſus eaſdem ſtrenuus percurrit & a. 1703. bonarum literarum cultor ſolemniter promotus Philoſophorum prælectiones ſedulo audivit; a Magiſtris diligentiae præmia bene promerita mox accepit, a. 1704. Laureatus & a. 1706. Philoſophiæ Doctor publice creatus. Animus altiora ſpirans ad Jurisprudentiam inclinabat, quumque perversi animi eſſe putaret, ante quærere gloriam, quam exercere laborem, maximo conatu, tantaque in legum ſtudiis diligentia, tantoque proſectu verſatus eſt, ut jam a. 1710. rigorofum, ut vocant, examen cum laude ſubiret, & d. 27. Mart. 1711. eruditam diſſertationem *de Sorte* maſcule defenderet. Aliis jam eruditione ſua inſervire cupiens, privata collegia aperuit, & in humanioribus ſtudiis philoſophiæ cultoribus prævit. Poſt ſpecimen d. 5. Febr. 1712. occaſione vacantis cathedræ Logicæ editum Neocomum proſectus eſt, ut linguæ gallicæ facultatem acquireret. Biennio tranſacto a. 1714. Lutetiam Pariſiorum petiit, inde in patriam ad priſtina ſtudia reverſus denuo ſtudioſis prodeſſe quæſivit. Poſtea a. 1717. duplicibus fratrum bigis, Effingerorum de Wildegg & de Salis Rhætorum nobilium, ephorus conſtitutus, integrum biennium itinere per Galliam, Angliam, Belgium, Germaniam conſumſit, & in patriam redux d. 19. Dec. 1719. J. V. D. fuit proclamatus. Matrimonium celebravit d. 29. Jan. 1720. cum Juditha Fæſch, 4. filiorum & filiæ uniſus matre facta, ex quibus unicus filius,

Hieronymus, patris funera vidit, Jacobo, natu maximo, a. 1743. in nundinis Francofurtensibus sponso defuncto. Sorte favente accidit, ut Christius noster d. 4. Mart. 1721. pro merito Professionem Institutionum & Juris publici obtineret. Sed haud diu ipsi hanc spartam exornare datum erat. Jam enim a. 1722. ad gravissimum Archigrammatei atque Scholarchæ munus fuit evocatus, cui dein ad vitæ usque finem omni diligentia, fide atque prudentia vacavit. Ducentumvir a. 1731. & a. 1734. Reipublicæ Syndicus electus in utroque honore atque officio civem probum verumque Christianum se præstitit. Dysenteria humanis ereptus fuit d. 14. Oct. 1744.

XXIV. JOH. RODOLPHUS a WALDKIRCH, civis Basiliensis, natus est a. 1678. primam Lauream philosophicam obtinuit a. 1695. artium vero Magister creatus a. 1696. Juri cum diligentem operam navasset, & consueti specimina edidisset, a. 1704. in utroque Jure Licentiam adeptus & deinceps socius itineris adhibitus fuit a baronibus Döringenbergenfis, istoque itinere feliciter finito, d. 14. Jan. 1711. J. V. D. fuit proclamatus. Insignis ejus eruditionis fama ad externos etiam progressa, ab illustribus Reip. Bernensis antistitibus vocationem a. 1718. primum Lausannæ, dein, mutato consilio, Bernæ Juris publicæ docendi accepit, quam provinciam magna sui laude auditorumque utilitate administravit, donec in patria d. 15. Sept. 1722. Institutionum & Juris publici Professor sorte fuit electus. Obiit d. 10. Jun. a. 1757.

Edidit Bernæ adhuc versatus lingua vernacula *Introductionem in historiam Fæderum atque Politicæ Helveticorum*, 2. T. in 8. Basil. 1721. quæ auctior fuit recusa a. 1757. necnon libellum, cui *justa tortura* nomen fecit Bern. 1710., in quo quando & quomodo in rebus criminalibus tortura sit adhibenda, distincte docuit; recusatus est Bas. 1773. 8.; item *Annotata in Puffend. de O. H. & C.* cum compendio *Jurisprudentiæ naturalis*. Bas. 1711. diss. inaug. *de sanore nautico*, d. 27. Febr. 1704. *Manipulum positionum jur.* 23. Febr. 1714. *Compendium histor. a. M. C.* ad 1714.

XXV. JOH. RODOLPHUS ISELIN, natus d. 20. Jun. 1705. patrem habuit Joh. Jacobum Iselin, senatorem, matrem

matrem vero Mariam Elbs. A puero ad literas adhibitus primum in patrio ludo tantos pro ingenii docilitate atque laboris assiduitate in iis fecit progressus, ut a. 1718. Academicus fuerit denominatus. Dein in scholis philosophorum ita se in linguis atque scientiis exercuit, ut a. 1720. Laurea & a. 1721. Corona magistrali publice fuerit redemptus; in priori actu *de naturali hominum æqualitate* differuit, in secundo autem *justitiam esse civitatis animam & societatis vinculum* facundo ore demonstravit. Jactis hisce fundamentis, in Jurisprudentiæ studium totus incubuit, antecessores juris diligenter publice privatimque docentes audivit, antiquitates legesque romanas, nec non hodiernos ritus atque statuta indagavit, & stupendo labore integram omnis juris doctrinam animo complecti studuit. Nec his contenta mens generosa, sed superato cum laude examine jurid. amplificandæ eruditionis causa iter instituit in Germaniam, Belgium atque Galliam, principes eruditorum salutans sibi que devinciens, cujus tum atque deinceps contractæ amicitiae jura sancta servavit semper atque illibata, prolixo atque continuo literarum commercio eadem renovans atque confirmans. Adhuc cum esset in via, a. 1725. *regia Berolinensis scientiarum academia sodalis* fuit adlectus, quam academiam deinceps & aliæ certatim fuere secutæ; regia nempe *scientiarum Parisiensis, Academia Etrusca Cortonensis, Romana Arcadum, Odrasii Lampsaceni* nomine ei indito, *academia Nanceiensis*, atque aliæ, membrum suum, socium atque amicum honorifice eum nominarunt. Reversus in patriam disputatione publica aliisque modis ordini J. C. insignes in doctrina præsertim civili profectus sufficienter probavit, & unanimiter dignus fuit habitus, qui laurea Doctorali in jure utroque solenniter condecoretur, quod decretum ordinis publice executus fuit J. Rod. a Walldkirch, J. V. D. & Prof. d. 9. Jul. a. 1726. postquam Candidatus orationem habuit *de usu & præstantia antiquitatum in jure*; hos honores præter eruditos Basil. ei gratulati sunt *Just. Henning. Böhmer, Nic. Hier. Gundling, Job. Huld. Heydenus, C. F. Drollinger, Joh. Casp. Santaroc*, quorum plausus juncti fuere excusi. Postea a. 1728. suscepit munus Præpositi collegii alumnorum; a. 1734. in collegium jurid. Bas. receptus & a. 1736. a *Marchione Bada Durlacensi consiliarius aulicus* fuit designatus.

nominatus. Civibus interim atque exteris, quin regibus atque principibus, prudentissimis consiliis adfuit, Themidosque præsertim alumnos ad literas elegantiores, juris publici atque civilis cognitionem diligenter deduxit. Ceterum cunctis adfabilis & in omnes officiosus. A. 1746. Curatores Academiæ Lugd. Bat. ei professionem Juris publici obtulerunt, quam vero justis ex causis non accepit. *Hallerus* etiam ipsum, sed irrito conatu, *Göttingam* pertrahere studebat. Tandem, cum aliquoties gravissima Reipublicæ atque Academiæ munera fors iniqua ei negasset, d. 5. Oct. a. 1757. Professor Institutionum & Juris publici fuit electus, quam provinciam d. 6. Dec. 1757. prælectione *pro Juris publici prudentia* auspiciatus est, eamque adhuc eximie exornat.

Scriptit ediditque dissertationem *de origine fontium* d. 23. Maj. 1721. *brevem Rom. judiciorum historiam*, 5. Cal. Dec. 1722. *Positiones philosf. prid.* Id. Dec. 1724. d. 21. Jun. 1726. pro obtinendo gradu Doct. Jur. diss. *de dominio eminente*. Diss. *de Amore sui* d. 30. Maj. 1727. Diss. *de officiis erga patriam* d. 5. Dec. 1727. pro cathedra Jur. N. & G. Diss. exhibentem *fasciculum thesum jur.* d. 31. Mart. 1731. vacante prof. Codicis, *Tentamen hist. & pol. de transitu Aldringeri ducis per territorium Basil.* a. 1633. *Æg. Tschudii Chronicon belo.* Germ. T. 2. Fol. 1734. cum notis. Diss. *de jure legationum belo.* d. 1. Mart. 1737. Diss. *de institutis militaribus Helv.* d. 2. Apr. 1737. Diss. pro cathedra histor. d. 27. Aug. 1737. *de gestis inter Sigismundum & Carolum pugnacem*. Diss. *de pænis J. N. licitis*. *Laudationem fun. Jac. Christ. Iselii*, Theologi d. 16. Sept. 1738. *Petri de Vineis epistolas* 2. V. in 8. 1740. *Programma de Jure monetandi Basil.* a Jul. 11. concessio, 1743. *Obs. jur. pro cath. jur.* d. 25. Oct. 1746. *prælectionem de Juris prudentia in Rep. usu atque necessitate*. Turici 1758. *Orationem de pietate politica*. Tur. 1763. *Ottonis ad Justiniani Instit. Commentarium*, cum var. lectionibus, Bas. 1760. 4. maj.



PROFESSORES MEDICINÆ.

I. **W**ERNERUS WOELFLIN, s. *Wolf*, primus fuit, qui in Academia Basiliensi Medicinam publico stipendio docuit, ejusque publicum Professore[m] egit. Literis quidem proditum est, a. 1431. tempore Concilii *Andream Richilum*, natione Germanum, insignem Medicum, floruisse Basileæ, qui jussu Sigismundi Imp. ab Ænea Sylvio Doctoratus medici insignibus in solenni panegyri ornatus, Imperatoris Friderici III. Paparum Pii II. & Pauli II. archiater, a Friderico Imp. in nobilium ordinem cooptatus & tanto honore habitus fuit, ut illi sæpius ob unicum morbum feliciter curatum mille aurei & amplius honorarii loco fuerint soluti; sed de hoc, quia ante constitutam Vniversitatem nostram, nondum Professor, floruerat, plura non adferimus, & Wœlflino merito inter Professores Medicos primas deferimus. Is natus est Rotenburgi ad Neccarum, Sueviæ oppido, ubi & educatus. Ut felici erat ingenio, a teneris annis incubuit bonis literis, & florentes Academiæ adiit, eo successu, ut Philosophus pariter ac Medicus doctissimus exstiterit. Philosophiæ Baccalaureus legitur creatus a. 1444. Postea Magisterii etiam dignitatem adeptus Medicinæ operam dedit, medicique doctoris titulum ac privilegia accepit. Intelligens, a Pio II. novam Academiam Basileæ institui, auspiciis ejusdem interesse constituit, primique Rectoris electioni adfuit. Electus vero & ipse fuit ob morum integritatem & omnigenam eruditionem, cujus solida exhibuerat specimina, Medicinæ Professor, ejusdemque Facultatis primus Decanus a. 1460. quod utrumque munus magna dexteritate & industria administravit. Medicorum etiam exstitit Nomotheta, qui primas Medici ordinis lēges ac statuta conscripsit & publice promulgavit. Ceterum civibus medicinam faciendō singularem fidem operamque indefessam probavit. Anno a fundata Academia tertio sextus ejus Rector fuerat electus; regimen nempe, quod ab

a. 1532. annuum est, antea erat semestre. Tandem ætate & meritis gravis fatis concessit, relictis aliquot liberis, qui ipsi in cœnobio Monialium ad Lapidem hoc monumentum erigi curarunt:

Heic tumulati sunt
Wernherus & Bernhardus
Wolffii
Medicus ille,
sub Academiæ auspicijs
Primus Med. Collegii Decurio;
hic vero Jure consultus
Anno M. D. XX.
sublatus.

Ejus nepos Wernerus Woelflin, senator, defunctus est pr. Cal. Maii a. 1578. Neptis Margaretha Woelflin, Joh. Hubero Medico nupta, obiit d. 19. Cal. Sept. a. 1579. & Catharina Woelflin, neptis, J. Henr. Irmii, centurionis, uxor ob. d. 29. Maj. 1598. cum qua ista familia fuit extincta.

II. ANDREAS ONDORP, alias de Alemaria, f. Alemariensis, in matricula Rectoris vocatur Artium & utriusque Medicinæ Doctor; a Luc. Gernlero Medicus dicitur Basiliensis, idemque, testante archivo academico, a. 1484. Academiæ Rectoratum gessit. Plura de eo reperire non licuit.

III. JOHANNES de TUNSEL, dictus *Silberberg*, ex minori Basilea ortum duxit, & non tantum Philosophiæ atque Juris Pontif. sed & Medicinæ Doctor exstitit; Medicinam diligenter exercuit itemque in Medicorum collegium fuit receptus. A Jure consultis autem cum in Facultatem cooptaretur, promittere debuit, se Medicorum ordinem deserturum, nullumque porro cum illo habiturum esse consortium, excepta tamen praxi medica, cujus exercitium ei liberum permittebatur. V. Prof. Juris n. 21.

IV. JOH. ROMANUS WONNECKER, Artium liberalium, Medicinarum & Juris utriusque Doctor, Academiæ

miæ Rectoratum gessit a. 1519. & 1522. Medicinam publico stipendio conductus docuit jam a. 1504. De isto medico plura non potuimus notata invenire, nisi quod is, cum fasces Acad. iterum teneret, inter Rectores primus fuerit, qui in Matricula de *Martini Luteri*, Thuringi, *tempestuosa dicacitate* (ita ipsi videbatur) fuerat conquestus.

V. GUILIELMUS COPUS, nativitate civis Basiliensis, in patria studiis innutritus est, bonarumque artium & linguarum fundamenta feliciter jecit, quibus fastigium eruditionis superstructurus, Lutetiam Parisiorum se contulit, ibidem S. Medicinæ industrie pariter ac feliciter operatus, multo cum adplausu summum in ea facultate gradum obtinuit; cui studio pro ingenii ubertate disciplinas Mathematicas junxit, omnium amorem & admirationem sibi concilians. Græce Latineque etiam fuit doctissimus, ut Erasmus de eo dixerit: *Medicinam ejus opera primum loqui cepisse*. Quanto honore atque existimatione eum habuerit Erasmus, non inde tantum liquet, quod de eo cecinerit: *Unica nobilium medicorum gloria Copus*, sed & quod gravi morbo afflictus, spreto omnium, qui tum Basileæ erant, Medicorum consilio atque auxilio, omnem salutis spem in hoc solo posuerit, & remedium ab eo efflagitarit, ut testantur Erasmi literæ a. 1526. Parisios ad ipsum missæ. Parisiis etiam ob exactam doctrinam felicemque artis medicæ industriam tanto honore habitus fuit, ut Medica professio ei commissa & Galliæ regi, Francisco I., a. 1530. archiater fuerit constitutus. Hic omnem movit lapidem, ut e scholis medicorum parisiensibus medicos *Arabes*, & ut illos vocitare solebat, *latino barbaros* eliminaret, eorumque in locum græcos introduceret, & editis eorum versionibus familiares artis medicæ cultoribus redderet. Magna nominis celebritate vixerat adhuc sub Ludovico XII. & Lutetiæ diem obiit. Reliquit filium *Nicolaum*, qui in collegio S. Barbaræ professorem, egit & d. 10. Oct. 1533. Academiæ Parisinæ sceptrum accepit. Hic cum Calvino commercium habuit literarium, eoque detecto, instigantibus Franciscanis, a Parlamento, ut sui causam ageret, citatus comparere voluit, in viâ vero admonitus, ne id faceret, reversus fuga salutem quæsit, relictis facultatibus fere omnibus; inscius

vero sigillum academix secum abstulit, & Basileam petiit; trecenti autem nummi coronati ei promittebantur, qui ipsum vivum vel mortuum esset traditurus.

Guilielmus *Hippocratem*, *Galenum*, *Æginetam* testes eruditionis atque industriæ suæ reliquit, id est, non pauca horum auctorum transtulit, nempe *Galenī libros sex de locis affectis*; l. 1. *de morborum differentiis*; l. 1. *de morborum causis*; l. 3. *de symptomatum causis* & differ; qui omnes cum latinis Galeni operibus variis in locis exculi sunt. *Ægineta præcepta* & *Hippocratis prognostica* itidem latinitate donavit.

VI. THEOPHRASTUS PARACELSUS, sive Philippus Aureolus vel Aurelius Theophrastus Paracelsus, dictus Bombast ab Hohenheim, ingenio magnus, & si literæ accessissent, in suo genere maximus, natus est Eremitæ Helvetiorum, pago duobus milliariis Tiguro distante, a. 1493. Patrem habuit Wilhelmum Paracelsum, Licentiatum Medicinæ, ex principe quodam extra thorum natum. Patris auxilio primum, deinde a chymistis insignibus, *Basilio Valentino* & *Sigismundo Fuggero* institutus, alios etiam doctissimos viros in Germania, Italia, Gallia, Hispania, singulisque fere Europæ regionibus diligenter audivit, &, adhibita singulari industria, tantum profecit, ut multi testati sint, in universa philosophia tam ardua, tam arcana & abdita eruisse præter ipsum mortalium neminem. Quin etiam, alter velut Euclides aut Plato, ad ipsos usque Ægyptios atque Arabas transiit, ac discendi cupiditate aliquot annos apud illos permansit. Jam cum præstantissima quæque peregrinando didicisset & abstrusa multa cognovisset, ita ut multos hinc inde homines gravissimis desperatisque morbis, lepra, hydrope, podagra, aliisque malis liberarit, a Basiliensibus a. 1521. commendante eum Oecolampadio, amplo stipendio invitatus Medicam professionem obiit, & duabus quotidie horis tum *activæ* tum *inspectivæ* medicinæ, & *physicæ* & *chirurgiæ* libros, quorum ipsemet auctor erat, summa diligentia magnoque auditorum fructu publice est interpretatus; illos vero suos commentarios non ab Hippocrate, aut Galeno, aut aliis emendavit, sed quæ summa rerum doctrina, experientia atque labore ipse fuit adsecutus, in illis proposuit. Docuit autem præter Academiarum morem vernacula lingua,

gua, vel saltem mixtim, Latinis partim, partim Germanicis verbis, ut nimirum ab omnibus intelligeretur. Cum autem *Chymia*, vel ut Arabes loquuntur, *Alchemia*, sive, quemadmodum ipse Theophrastus hanc artem nuncupavit, *Spagirica* ita se tradiderit, ut in ea ad miraculum usque excelluerit, tam in philosophando quam in medendo viæ a consueta diversæ instituit; principia rerum statuit tria: *sulphur*, *falem* ac *mercurium*. Medicinam docuit quatuor suffultam columnis, quarum prima sit *philosophia* s. *Physica*, secunda *Astronomia*, tertia *Alchymia* & quarta *virtus* s. *religio*. Alia hujus viri singularia omittimus. Basileæ cum doceret, ibidem commorabatur nobilis canonicus, *Cornelius a Lichtenfels*, vir deploratæ valetudinis. Eum Theophrastus, pactus pretium centum florenorum, quos se numeraturum canonicus ultro pollicebatur, tribus pillulis *Laudani* sui, medicamenti genere, saliva subacti, quo in extrema tantum necessitate utebatur, feliciter restituit. Canonicus parci promus tam brevi spatio & quidem re, ut videbatur, exili sanatus, pactis stare noluit. Sordidus homo Medicum in jus vocat, cumque judex mercedem ad minores terminos redegisset, Theophrastus tam vile pretium arti suæ statui ægre ferens, importunius in prætorem est invecus, ita ut læsi magistratus poena metueretur. A quibusdam igitur magnæ auctoritatis viris, qui honori ipsius studebant, monitus Theophrastus ut se subduceret, triennio post, ex quo Basileæ advenerat, in Alsatiâ descendit, relictis Joh. Oporino, quo quasi promo condæ utebatur, vasis chymicis plurimisque libris, quos ipsi sæpius vino madidus dictaverat. Inter vivos esse desiit d. 24. Sept. a. 1541. & sepultus fuit Juvaviæ, quod hodie est Salisburgum, in alpibus Noricis ibique Episcopus Salz. ei Epitaphium erigi curavit. Moriens omnes suas facultates inter pauperes distribuendas ordinavit. Plura ejus commentariorum exstant volumina partim edita, partim MS. præstantissima eorum editio habetur, quæ 3. V. in Fol. a. 1658. prodit.

Ex iis nonnulla nominabimus: *Explicatio figurarum magicarum, quæ Norimbergæ inveniuntur*, germ. *Hand und Denk-Bibel*, Amst. 12. & Mullhauf. 1736. 8. *de vita longa* l. 4. Bas. 1560. 8. descriptio *Laudani*, quo usus est in deploratis morbis, ib. eod. 8. l. *de duplici anatomia*, id. 1561. 8. de

de gradibus, compositionibus & dosibus receptorum ac naturalium l. 7. Mylæcii 1562. 4. interpretatio aliquot aphorismorum Hippocratis, Aug. Vind. 8. Tract. de morbis tartareis, Bas. 1563. 8. 1570. 8. Argent. 1568. opus chirurgicum, germ. interprete Adamo a Bodenstein, Francof. 1566. fol. defensiones septem, Argent. eod. 4. de urinarum ac pulsum judiciis: tum de Phsyionomia: item de morborum Phsyionomia fragmentum ib. 1568. priores duo libri eodem anno Coloniz quoque editi sunt a Birkmanno. Pyrophilia vexationumque liber, cui accesserunt tractatus metallorum septem &c. Basil. Philosphia magna Collectanea quædam per Ger. Dorn latine reddita, ib. 1569. Chirurgia vulnerum &c. per eundem lat. reddita ib. de Meteoris &c. per eundem lat. &c. ib. 1570. Archidoxorum de secretis naturæ mysticis libri 10. de tinctura physicorum &c. eodem interprete ib. & germ. Monach. 1570. Occulta philosophia, Archidoxa &c. ib. 1570. Chirurgia minor, quam alias Bertheoneam intitulavit, cum ejusdem tractatibus de Apostematibus &c. ex versione Dorni, Bas. Liber Paramirum, in quo universalis theorica physices & Chirurgiæ origines & causæ morborum traduntur &c. Bas. 1570. de spiritibus planetarum fove metallorum l. 3. &c. ib. 1571. 4. Septem defensiones adversus amulos suos &c. Colon. 1573. de natura rerum & de natura hominis, 1573. de præparatione Ellebori, item de Perforata: liber editus a Bodensteinio 1568. Libri 9. de mysteriis naturæ &c. de Mineralibus &c. Colon. 1570. angl. ce vers. Lond. 1650. 4. Tractatus quinque: 1. de rebus naturalibus. 2. de quibusdam verbis. 3. de Metallis. 4. de Mineralibus. 5. de Gemmis. Argent. 1570. Astronomia magna &c. Francof. 1571. de thesauris Fabarianis in Helvetia, Argent. 1570. germ. Bas. 1576. 4. de proprietatibus perfecti chirurgi, Argent. de spiritu vitæ & ejus virtute &c. Bas. a Bodensteinio primum publicati a. 1572. Metamorphosis &c. ib. eod. libri Paragraphorum XIV. latino sermone integritati restituti, & explicationibus illustrati a D. Toxite primum editi, Argent. 1578. 8. Aurora thesaurusque philosophorum &c. per Ger. Dorneum &c. Bas. 1577. 8. angl. Lond. 1659. 8. de lapide philosophorum tractatus germanice editi &c. Antwerp. 1572. Thesaurus thesaurorum &c. germ. Argent. 1574. de tribus principiis omnium generatorum &c. ed. Ad. Bodenstein, germ. Bas. 1574. 8. de secretis creationis, a Toxite editus liber, Argent. 8. Centum quindecim curationes, experimentaque, e germ. in lat. versa, 1582. 8. Sextus liber de morbis calculosis & podagricis &c. germ. Basil. 1574. 8. Libri 3. de cura morbi gallici, germ. Norimb. 1530. 4. Argent. 1579. 8. de Peste tract. germ. Basil. 1575. lat. Oppenh. 1613. 4. Francof. 1622. 4. Testamentum & Inventarium Paracelsi,

Paracelsi, germ. Argent. 1574. 8. *Onomasticon vocum & præparationum aliquot collectum per Adam. a Bodenstein*, Bas. 1575. 8. *de restituta utriusque medicina vera praxi* l. 1. Lugd. 1578. 8. *de summis naturæ mysteriis commentarii* 3. Bas. 1584. 8. *Wundartzney*, ib. 1586. 8. *Secretum secretorum*, ib. eod. 8. *vom wahren Heiligtum*, Neust. 1618. 4. *de limbo aeterno*, Magd. eod. 4. *Geheimnisse aller seiner Geheimnisse*, Francof. 1770. 8. *natürliches Zauber-Magazin*, &c. ib. 1771. 8. *Opera omnia* germ. Tomi X. Bas. 1589—1591. 4. it. Tom. II. Argent. 1616. fol. eadem Latina reddita Tom. II. Bas. 1575. 8.

VII. HIERONYMUS ARTOLPHUS, A. L. M. & Medicinæ Cand. ex Curia Rhætorum oriundus, natus est sub finem Sec. XV. bonisque literis ab ineunte ætate operam dedit. Nomen in Academia nostra professus, & in matriculam studiosorum receptus fuit a. 1509. Baccalaureus cum Bonif. Amerbachio a. 1511. & a. 1513. Magister Artium creatus. Dein Medicinæ operam dedit, gradumque in ea adsecutus est. Virisio eruditus Professor vocatur, sed non addit, nec alibi investigari potuit, quid proprie professus fuerit. Interim, dum certior ei assignari poterit locus, Medicus inter Medicos stationem agat. Hoc constat, eum a. 1539. Decanatum philos. gessisse, eumque ipsi continuatum fuisse per biennium, ipsique Decano a. 1540. a Scholarchis atque Regentia commissum fuisse, ut Artium jura reformaret atque restitueret, studiosos in classes distingueret, omniaque in meliorem ordinem redigeret, quod & summa industria peregit, ipsiusque institutum ab Ordine suo ratum habitum publice fuit promulgatum. Academicum sceptrum gessit a. 1538. qui annus nobilitatus fuit frivola quæstione, quam nonnulli nomine Academiæ misere ludentes moverunt, disceptantes: *an Academia Ecclesiæ Christianæ pars esset?* Sanior pars, quæ bona fortuna superior evasit, contendit, Academiam id esse in Ecclesia, quod oculus in corpore; aliis adseverantibus, Academiam, cujus vocabulum cum parum piis scholis conveniat, parum dignam esse Ecclesiæ. Quæ vero controversia non nisi interposita summi Magistratus auctoritate dimitti potuerat. Obiit tandem vir doctissimus & de re literaria optime meritis magno studiosæ juventutis damno atque desiderio ex peste a. 1541. quo duorum insignium Theologorum filii, *Eusebius Oecolampadius*

padius & Guilielmus Zuinglius occubuerunt. Reliquit filium homonymum, qui patre Rectore Academiæ civibus fuit adscriptus.

VIII. GUILIELMUS GRATAROLUS, A. L. M. & Med. Doct. eximius, patriam habuit Bergamum, celebrem Italiæ civitatem, annumque natalem 1516. Pater ei fuit celebris Medicus, a quo artem medicam exquisitissime didicit. Cum in patria summos in philosophia atque medicina honores adeptus esset, cum uxore, *Barbara Nicolai*, nepteque *Elisabetha Gratarola*, Protestantium religionem libere professurus, a. 1549. in Germaniam abiit, & aliquamdiu Basileæ privatus vixit. Anno dein 1551. Marpurgum vocatus Medicam professionem administravit. Basileam autem mox, anno nempe 1552. repetiit, ubi in Medicorum collegium receptus medicinam strenuissime docuit atque felicissime exercuit. Ordinis Medici Decanatum gessit a. 1567. Quanta peritia valuerit, illustri exemplo atque argumento est *Conr. Lycosthenes*, qui post Deum magni hujus viri studio ex gravissimo morbo revaluit. Ipse in prodigiorum ac ostentorum chronico p. 640. rem ita narrat: „ Cum „ apophthegmatum meorum editionem jam ad prælum „ pararem, egressus musæum d. 21. Dec. 1554. dira me „ paralytis corripuit. Quo sensim in terram dimissus, „ uno momento non tantum vocem, sed dextram cor- „ poris partem, totumque ejus sensum & motum a ca- „ pite usque ad calcem (solo visu ac auditu exceptis) „ adeo amisi, ut, nec verbum unum proferre ad 12. „ dies, nec pedibus insistere, nec digitum unum ad „ tres integros menses lecto infixus, movere potuerim. „ Videbantur membra non in ligna sed in lapides du- „ rissimos conversa esse, dum sanguis læsæ partis ex „ humorum frigiditate & nervorum meatuumque ob- „ structione adeo gelidus, ac induratus, ut nec frica- „ tionibus, nec fomentis, nec aliis mediis quibus- „ cunque, calefieri vix tandem potuerint. Amisi tunc „ (dictu mirum) humoribus a capite per cerebrum de- „ fluentibus, adeo omnem memoriam, ut orationis „ Dominicæ verba, literarumque omnium notæ peni- „ tus exciderint. Meæ autem calamitatis testes sunt „ amicissimi mei, qui me animo quidem ac ratione sal- „ vum, sed tantum nutu loquentem non intelligentes, „ literis

„ literis alphabetico ordine in tabula creta depictis, ad-
 „ monebant, ut dicturus sinistræ manus indicio literas
 „ suo ordine ostenderem, ut sic ex literis syllabas, ex
 „ syllabis voces integras facientes, inde animi mei co-
 „ gitata, utcunque tantum elicerent: sed chyrohium
 „ vulnus ac immedicabile malum videbatur. Quo fac-
 „ tum est, ut non ipse modo, sed omnes morbi atro-
 „ cissimi spectatores de vita mea desperarent. Verum
 „ Deus misericors, cujus virtus in infirmitate nostra
 „ perficitur, assiduas meas ac suæ ecclesiæ pro me pre-
 „ ces exaudiens, *D. Wilhelmi Grataroli*, Bergomatis,
 „ insignis Medici opera majori ex parte restituit. Si
 „ quid igitur ex ea vitæ parte, quæ adhuc relidua mi-
 „ hi est, musis aut obelo dignum a me acceperis, Deo
 „ potissimum optimo maximo ac inde Gratarolo medi-
 „ co adscribas velim.” Sed Gratarolus ipse præmatu-
 „ ra morte occubuit, prole carens, d. 16. Apr. 1568. re-
 „ licta uxore, *Barbara Nicolai*, quæ a. 1569. maritum
 „ est secuta. Vitam Grataroli *Petrus Nigidius* senior ele-
 „ ganter his versibus expressit:

Doctrinam Papæ Gratarolus corde perosus
 Germanos cupide visere cœpit agros.
 Nobilis hunc misit Cartis Basilea, sed anno
 Vix semel exacto rursus eo rediit,
 sive quod Hassiaco non posset vivere cœlo,
 Sive quod in votis urbs Basilea foret.
 Hæc vita functi gelido nunc clara sepulcro
 Insignis claudit corpus & ossa Viri.

Grataroli opuscula edita sunt Lugd. 1558. 8. *Orationes*
 & opuscula varia de medicina & re rustica, Arg. 1563. 8.
 de memoria reparanda, augenda, conservanda, ac de remi-
 niscentia, Tig. 1553. 8. Bas. 1554. 8. Lugd. 1558. 16. de
 Prædictione morum naturarumque hominum facili ex inspec-
 tione partium corporis, Bas. 1554. 8. Tig. 1558. 8. de Lit-
 teratorum & eorum, qui magistratibus funguntur, conser-
 vanda præservandaque valetudine, Bas. 1555. 8. Francof.
 1596. 1617. 12. Paris. 1561. 12. de vini natura, artificio
 & usu, deque omni re potabili, Bas. 1565. 8. de regimine
 iter agentium, vel equitum, vel peditum, vel navi, vel cur-
 ru seu rbeda libri 2. Bas. 1561. 8. Arg. 1563. 8. Col. 1571.
 Prognostica naturalia de temporum mutatione perpetua, Bas.
 1552. 8. ib. 1554. 8. de iberis Rhaticis, Venet. apud
 Juntas, cum aliis similibus, in opere de Balneis, 1553. fol.

Notæ

Nota in Pomponatium de incantationibus, Bas. 1556. 8. *Equorum & domesticorum aliquot animalium remedia annis 25. collecta. Vere Alchimie modus*, Bas. 1561. 8. *de peste theses*, Bas. 1565. 8. *de notis Antichristi; praxis medica*; scripsit præterea *correctiones & additiones* in librum italicum falso attributum Gabr. Fallopio, cujus titulus est: *Secreta Fallopii. Censuram* in primum librum Alexii Pedemontii, in quo medica tractat. *Modum faciendi quintam essentiam simplicium; de viribus, usu ac missione aquæ ardentis*, Bas. 1573. 8. *Joannem de Rupecciffa de extractione quintæ essentia omnium rerum, potissimum pro usu medico, auxit optimis rebus, ejusdem aut similis argumenti*, Bas. 1561. 8. *Chemicorum precipuorum volumen, cum præfationibus, prolegomenis & obscurorum aliquot locorum declarationibus*, Bas. 1561. fol. 1572. 8. Præterea aliorum opera partim dudum edita, partim nunquam edita, correxit, uti sunt: *Petri de Albano vel Apano libellus de venenis*, ad manuscriptum exemplar: cui adjecit insuper multa ejusdem argumenti utilissima, nec antea in lucem edita, 8. *Chirurgicus libellus* per justa capita distinctus, gallica lingua scriptus. *Scriptores, qui consilia & curationes de sudore anglico annotarunt. Theatrum Galenicum Aloisii Mundella, completum & in meliorem ordinem redactum*, Bas. 1568. fol. *Thaddæi Florentini & Guilielmi de Brixia consilia medica. Wilhelmi Aneponymii dialogus de substantiis physicis; incerti auctoris libri tres de calore vitali, de mari & aquis, de flammæ origine industria G. Grataroli ab interitu vindicati*, Arg. 1567. 8.

PROFESSORES MEDICINÆ PRACTICÆ.

I. OSWALDUS BERUS, Academix Basiliensis *Janus* vocatus, ut qui Jani cujusdam bifrontis ad instar, uti veterem Academiam, errorum inundatione vastatam, Rector illius ultimus, clausit, ita per *καθάρσεων* repurgatæ fores referavit, clavi moderamen primus ipse contingens, natione fuit Athesinus, natusque a. 1482. A prima ætate bonas literas, & quidem, quas vocant, humaniores, paucis illo tempore excultas, amavit atque excoluit. Mature Argentorati scholæ Carmelitane gubernacula tenuit, in quo munere impigre est versatus, non modo juventutem bonas literas sed & bonos mores docendo, cum in unum volumen collegerit & in schola

schola tractaverit, quicquid optimi auctores de juventute bene instituenda scripserunt. Jam a. 1510. Basileam venit, nomenque in Rectoris matricula professus est. Præter Philosophiam, in qua Doctoratum obtinuit, Theologiæ & Medicinæ vacavit, utriusque partis hominis Medicus futurus, maxime tamen corporis Medicinam excoluit, & supremum in hac arte gradum ascendit; professio etiam Medica ei fuit commissa, quo vero anno id acciderit, non est notatum; hoc constat, eum per 55. annos collegii medici membrum extitisse, citius ergo in illud receptus fuisse oportet. Ceterum non partem aliquam Medicinæ sed universam Medicinam ob Medicorum raritatem auditoribus exposuit, ipseque gratiosum ordinem per complures annos solus sustinuit, per 20. fere annos continuos Decanatum Med. administrans. A. 1529. cum Academia ob sacrorum immutationem a plerisque Professoribus aliisque Doctoribus defereretur, ejus Rectoratum gessit difficillimum, & ab eo providus Civitatis Magistratus Cal. Junii Academicæ archivum, fiscum, sceptrum argenteum a. 1516. restauratum, itemque sigillum argenteum a. 1516. confectum, (a fundata Academia ad illum usque annum sigillum plumbeum erat) petiit, sibi que, ne quid a malevolis alienaretur, adseruit. Abhinc per triennium fere Academia quasi sepulta jacebat, vacuis & docentium & discipulorum subsellis. Anno vero 1532. rebus, Dei gratia, in melius conversis, prudentissimi atque optimi Magistratus cura etiam Academia resurrexit, undique lautis salariis optimis doctoribus accitis. In his primarius erat Berus noster, quem Magistratus denuo Medicinæ Professore, restauratæ Academicæ Rectorem simulque civitatis Archiatrum constituit, omnia ei redens, quæ apud se deposita habuit, Academicæ insignia atque documenta, cum omnibus Privilegiis, Juribus atque immunitatibus, die sc. 12. Sept. a. 1532. Rectoratum postea adhuc duabus vicibus sustinuit laudabiliter, rudeque donatus in extrema senectute præclaram vitam finit a. 1567. uti testatur hoc ei positum Epitaphium: *Heus viator: tristis spiritus & mentem consumit & ossa. Oswaldus ego Berus fui, non Cons ille senex, sed urbis hujus Hippocrates. Vixi latus, latus obiui, & Domino vigilans Domino tandem obdormivi.*

M

Quid

Quid ultra? mortalitatis exuvio post VXC. et. an. heic deposito cum Christo latus resurgam. An. Ch. 1567.

Scriptit commentaria in *Apocalypsin*; 1. de veteri & novitio Deo; de veteri & nova fide, vernacula lingua 1521. 4. in lat. transl. ab *Hartmanno Dulichio*, 4. *Catechesin puerorum in fide, in literis & in moribus*, ex *Cicerone*, *Quintiliano*, *Plutarcho*, *Angelo Politiano*, *Rod. Agricola*, *Erasmo*, *Melanchthone* atque aliis, tomis digestam quatuor; item *Programma* Cal. Nov. a. 1532. publica auctoritate editum, quo *Academiæ Basil.* restorationem solenniter indicavit, exterosque ad eam frequentandam invitavit, quod hic subjungimus:

Rektor Gymnasii Basiliensis studioso juveni S.

Si nihil (ut dicunt) in omni vita difficile magis est, quam rectum quod sit, verumque, qualibet in re tueri, & medium, quum cetera circum omnia in errorem ducant, sequi: magna admiratione dignus Senatus noster est, majorum vestigiis, per quæ velut unam, veramque vivendi viam vulgo curritur, sic insistent, ut quum depravatam religionem ab illis acceptam declinasset, cetera præclara eorundem instituta omnia, summa cum veneratione servavit, nec (qui barbaris mos est) ad virtutem temere grassando in vitium impegerit: late scilicet ab his dissentiens, qui quicquid majores constituerunt, tanquam sacrum amplectuntur tenentque: multo vero ab illis maxime, quibus nihil quam quod sit novum, satis bodie placet. Igitur ad fontes doctrinæ sacræ sic perventum nobis est, ut nihil ex omni laudabili majorum instituto perierit: præsertim vero studia liberalia, artesque bonæ, majori privilegio, majori apud nos plausu nunc coluntur: statque suus literis bonor, & vere debita Musis sceptra fulgent adhuc: adhuc ordines classesque professionum sunt: adhuc tyrocinia, & ab his deinde ad majora gradus: adhuc laborum & diligentia testimonia tituli, jucunda studiosis præmia, distribuuntur: idque sine fraude, sine quaesturpi omnia, omnia certo cum fructu: ac ut in summa dicam, adhuc non nomine tantum, sed re *ῥομαιοι* durat. Quæ quidem publice testari nihil necesse sit, nisi fama sparsa fuisset, gymnasium & studia literarum apud nos abolita esse. Neque enim baderam istam, lector bone, vino parum vendibili adornamus, fucumve tibi facimus: experiri modo velis. Lectiones dicam, dicam professores. Vetus & novum instrumentum in sua utrunque nativeque lingua, illud *Phrygio*, hoc *Myconius* edisserit, pari dexteritate, pari uterque fide: estque pro naviis *Theologicis* illis, in schola *Christiana* audire nunc *Mosen* & *Apstolos*, oracula divina, vicibus panden-

pendentes. In jure professor Amerbachius est, unus omni juri edisserendo par satis: qui ipse quoque veterum placitis crepundia Justiniani, per vices, tyronum gratia, praelegendi miscet interim, dum laborum socius (quod mox futurum est) aliquis adjungatur. Nos ipsi Medicinam sic prostitemur hactenus, ut quum e fontibus ipsis, Græcis illis principibus Hippocrate & Galeno, purissimos latices exhibere nequiverimus, ex baud procul inde fluentibus rivis, latina illorum translatione propinemus: ea plane spe, ut confidamus baud ita multo post his ipsis apud nos futurum locum. Linguas Sebastianus Munsterus, Simon Grynæus, Albanus Torinus docent, suis quisque lucubrationibus editis tibi lector non ignoti, nihil non facientes, dum consulant studiosis. Jam Mathematica δειν πᾶν, Dialectica τὸν τῆς φιλοσοφίας ἐπὶ, conatu pari, pari diligentia, illa quidem Guolphangus Vuisburgus, hæc Simon Sultzerus tradunt, cum solertissimis disciplinis solertissimi homines baud frustra contendentes. Hæc ita quotidie procedunt, lector, horis locisque suis distributa, ut auscultare singula possit hospes, atque id nasquam pedem movens. Est enim domus eadem, in qua venientes commode rebus omnibus accipiantur, & discipline necesse studiosis, horis omnibus fluit. Taceo privatas interim, cum in linguis, tum in disciplinis exercitationes, consuetudinem & conversationem domesticam cum doctis: urbem puritate, aura, proximarum alpium statu, meridiei plagam infestant felicissime temperante, pulcherrimoque flumine veterem novamque Basileam placidissime medias interlabente, saluberrimam: magno præterea divitique, propter vicini Brisgoi Elaticique agri fecunditatem, rerum omnium proventus beatissimam: ad hæc veteri civium humanitate mire hospitum. Quamquam quid attinet, Basileam inexhaustam tot jam annis Latinorum, nunc jam etiam Græcorum, ac mox, nisi fallor, Hebraicorum omnis generis librorum matrem, propter egregia beneficia nulli doctorum ignotam, bonis omnibus charissimam, commendare verbis? Ades igitur lector bone, dabimus operam, ut quæ progenitrix librorum est, quaque reviviscenti vetustati obstetricatur tam feliciter, eadem domus (si sata finant) Musarum fiat. Bene vale. Basileæ, Cal. Novemb. Anno M. D. XXXII.

SENATUS CONSUL.

(L. S.)

(L. S.)

M 2

II. SE-

II. SEBASTIANUS SINCKELER, Medic. Doct. & Prof. Decanatum Med. gessit a. 1532. & ab eo, ut & *Albano Torino*, Collega, *Conradus Gesnerus*, Tigurinus, Doctoratu medico insignitus legitur. A. 1534. Theoreticæ Professor fuit constitutus, hinc in matricula academica a. 1536. Medicinæ Doctor ordinarius vocatur. Eodem anno nomine Ordinis sui consilium dedit de emendando studio Medico, quod cum iis, quæ *Andr. Carlostadius*, Theologus, & *Bonif. Amerbachius* atque *Petrus Pitrellius*, Jure consulti, quod ad ipsorum Facultates adinet, de eodem argumento composuerunt, hodie adhuc in Archivo acad. legitur. A Professione autem Theoretica ad Practicam fuit vocatus an. 1545. Osw. Bero honorifice ab officio dimisso. Quamdiu vero in docenda medicina practica fuerit versatus, non liquet; hoc tradit *Vrftisius* in Ms. Berum a. 1547. Seb. Sinckeleri ægrotantis vices sustinuisse.

III. JOHANNES HUBER, Basiliensis, primum hujus coeli spiritum hausit a. 1507. patre genitus Martino, Ravensbergo Suevo, Basileæ autem civitate donato. Puer in ludo patrio prima elementa didicit, postea Sélestadium missus *Joh. Sapido* in disciplinam est traditus; deinceps in patriam reversus *Henr. Glareanum* audivit. A. 1525. augendæ eruditionis causa Lutetiam petiit, tantæque diligentia in literis versatus est, ut Magistri artium titulum merens acceperit. Inde ad alias Galliæ Academias conversus Medicinæ incumbere cœpit, in primis Montispeffuli & Tolosæ, ubi etiam ob insignem eruditionem, præcipue Linguae Græcæ peritiam, Rector academix est designatus. Exactis tandem in Galliâ annis XI. Medicique Doctoris gradu pacto, in patriam rediit a. 1536., & medicinam exercere incepit, eo successu, ut non civibus modo sed & nobilibus, comitibus, & vel ipsis principibus gratus esset & desideratus; omnium horarum homo, qui & seria agere, & jocos spargere, prout res postulabat, didicerat, gravitatem comitate temperans. Proceres Academix a. 1544. professionem Physices ei demandarunt, itemque mortuo, ut videtur, Sinckelero, a. 1549. professionem Medicinæ practicæ, quam, vivo Bero, rude donato, vicario nomine, ipso autem a. 1567. defuncto, ordinarius omni fide atque diligentia administravit, eodem anno & Archia-

Archiater constitutus. Ingenti verò bonorum luctu mortalitati exemptus est d. 10. Febr. a. 1571. ex chordapso, relicta *Margaretha Welfin*, uxore, XVII. liberorum matre; filiisque, *Job. Rodolpho*, qui a. 1594. Consul, & *Job. Wernero*, Medico, qui Philos. pract. Professor fuerat electus; præmissis vero *Martino JC.*, Codicis Professore.

Scriptis in Rasis lib. IX. practicum *de vera ratione mendi.*

IV. FELIX PLATERUS editus est in lucem Basileæ a. 1536. patre Thoma Platero, Gymnasiarcha, matre Anna Dietschin. Adolescentiam rei medicæ totam devovit, & in ea ita cito propria magis industria quam præceptorum institutione profecit, ut jam a. 1557. ab Osw. Bero Basil. Medicinæ Doctor crearetur. Qui honores tantum abest, ut animum sciendi cupidum expleverint, ut potius ad summam artis medicæ perfectionem accenderint, adeo ut in universa Medicina vix quicquam fuerit a plurimorum sensu remotum, quod ille non proprio Marte, ingenii promptitudine, iudicii acrimonia penetrarit, quo tantam nominis famam sibi comparavit, ut post varias peregrinationes susceptas a. 1570. Basileæ professionem Medicinæ Practicæ, eodemque adhuc anno munus Archiatri civitatis reportarit, quo utroque munere, raro exemplo, annis 57. fuit perfunctus; cumque hæc ejus ad cathedram medicam evectio fama ad oras externas esset delata, repente magno numero ex variis, etiam distitis, regionibus Basileam, ad eum tanquam alterum Hippocratem, certatim confluerunt studiosi, quorum ipse plurimis, nempe CLX. tiaram doctoralem imposuit. Non solum autem in cathedra docuit, sed & ipso facto exercuit Medicinam felicissime, civibus ideo atque peregrinis, principibus etiam desideratissimus, potissimum christianissimæ *Catharinae*, magni *Henrici IV.* sorori unicæ, nec non illustriss. ac potentissimis Saxoniae, Lotharingiae, Wurtembergiae & Brandenburgiae principibus, quibus sæpe sanitatem, & deploratam quidem, divina ope, artis suæ ministerio restituit, a quibus utut sæpe vocatus, rogatus, amplissimisque præmiis sollicitatus, maluit tamen in patria modice quam in aula splendide vivere, ut est patriæ fu-

mus alieno igne luculentior. Basileam a. 1564. & 1610, peste ita vastante, ut esset

Luctus, ubique pavor, & plurima mortis imago.

Felix Platerus ea remedia laboranti civitati adtulit, quibus plurimi ægroti sanitati restituti, plures a contagione fuerunt conservati, malumque ipsum mitigatum & tandem, Deo bene fortunante, penitus extirpatum fuit. Præter hasce virtutes medico proprias in omni vita coluit innocentiam, qua omnibus studuit, nocuit nemini; temperantiam, qua modico honorario fuit contentus, sæpius etiam liberalem & gratuitam operam iis, qui re minus erant lauta, impertitus; humanitatem, qua summis, mediis, imis facilem & amabilem se præstitit. Musica utraque, ea quæ voce & quæ instrumentis exercetur, mirifice capiebatur, utriusque peritissimus. Conjugem sibi accivit *Magdalenam Jeckelmann*, quacum LVI. annos, sine prole, pie atque honeste exegit. Splendidis, quas possidebat, ædibus junctum habuit hortum spatiosum, vere medicum, plantis indigenis atque exoticis satum, ipsiusque manu excultum. Cimieliarchum etiam rerum naturalium copia præclarum magno studio atque sumtu instruxit, nostra vero ætate, extincta ejus familia, dissipatum. *Academiæ* fascis sexta vice gessit cum laude & sine exemplo. In terris, ut cœlo frueretur, esse desiit d. 28. Jul. a. 1614. hydro-pisî atque phthisi absumptus.

Edidit tractatum de *mulierum partibus genitalibus*, Bas. 1586. 4. Argent. 1597. fol. 1. de *alimentis*; 1. de *medicamentorum compositione*; tractatum de *corporis humani structura*, c. f. Bas. 1583. fol. ib. 1603. tract. de *functionum lesionibus* l. 2. Bas. 1602. 8. *Praxeos medicæ* Tom. tres, Bas. 1602, 1625. 1656. 1666. 4. *Observationum* L. III. ib. 1614. 1641. 1680. 8. tract. de *doloribus* l. 1. Bas. 1603. 8. Tract. de *vitiis, quæ corpori accidunt* l. 3. Bas. 1608. 8. 1. de *Febribus*, adjunctis historiis 20. Francos. 1597. *Questionum medicarum paradoxarum & endoxarum centuria posthuma* prodiit Bas. 1625. 8. Paris. 1632. 8. itemque tract. de *origine partium, earumque in utero conformatione*, Lugd. Bat. 1640. 8. Nonnulla etiam scripsit, quæ hætenus non sunt edita.

V. CASPAR BAUHIN in mundi hujus scenam intravit d. 17. Jan. a. 1560., matre *Johanna Fontanea*, patre *Johanne Baubino*, Ambiano, Medico-Chirurgo consummatissimo, *Catharina Navarrae Reginae* Medico ordinario, qui a. 1532, lecto Parisiis N. T. ab Erasmo edito pontificiam religionem deferuit & securitatis causa in Angliam trajecit; quem triennio post Lutetiam reversum & per sesquiannum fere ob purioris religionis cultum vinculis constrictum atque jamjam comburendum, *Margarita Francisci* I. regis soror precibus suis liberavit, & Medicum suum constituit, qui vero mox iterum nova Evangelii per totam Galliam oborta persecutione, suadente ipsa Regina, primum Antverpiam, cumque nec hic satis tutus esset, deque vita periclitaretur, monente civitatis præpositi uxore, cui necis ejus consilium innotuerat, Germaniam atque tandem anno æt. 32. Basileam petiit, ob præclara merita civitatis jure donatus, obiitque a. 1582. æt. 71. Noster Bauhinus difficillimo atque singulari partu natus a piis parentibus, ut Deo in ecclesia serviret, destinatus quidem fuit, sed cum primos pueritiæ annos continuis febribus, oculorumque atque capitis doloribus transigere debuisset, eaque linguæ tarditate laboraret, ut vix anno ætatis quinto articulate loqui posset, sententiam suam mutare coacti sunt, alia tamen via, qua se Deo gratum proximoque utilem exhiberet, eum incedere jusserunt. Puer sexennis, quem alter fidei sponсор, *Casparus Helletus*, Belga, tanto favore complexus fuit, ut eum totius bibliothecæ suæ omniumque mobilium bonorum hæredem ex assè instituerit, Gymnasii nostri classes intravit easque a. 1572. ad lectiones publicas promotus reliquit. Firmissimis in philosophia jactis fundamentis, & utroque honoris gradu adepto, quadriennio post, natura & paterno exemplo invitante, Medicinæ se totum consecravit, & ducibus patre aliisque præceptoribus, accedente indefessa diligentia, ingeniique excellenti præstantia, omnes ejus partes sibi fecit notissimas, etiamque Anatomiam & Botanicam, quarum tunc neutra publice docebatur. His nondum contentus, sed scientiam magis adhuc ditaturus, a. 1577. in Italiam profectus, Patavii substitit, ubi in Physicis *Franc. Piccolhomineum*, in Medicis *Hier. Mercurialem*, *Hier. Capivaccium* aliisque audivit, præcipue vero anatomico atque botanico

studio incubuit, hujusque causa hortos nobiliores totius Italiæ fere omnes, agros montesque non sine periculo studiosissimus observator lustravit. Absolutis cum fructu atque deliciis peregrinationibus italicis, suos iterum visitare statuit, sed vix iis salutatis a. 1579. novum iter in Galliam instituit & per annum circiter Monspelii versatus peritiâ suam haud parum locupletavit. Dein Montisbelgardi apud fratrem Johannem, principis Wurtembergici archiatrum commoratus per mensem, etiamque in Germaniam profectus Tubinga tandem a. 1580. a patre revocatur, & doctrina atque peritiâ medica prægnans rediit. Thesaurum autem eruditionis magno sumtu atque labore comparatum sibi soli retinere noluit, sed eum mox aliis fruendum aperuit, Anatomiam atque Medicinam privatus docens atque exercens, etiam a. 1581. auctoritate Senatus Medici, cum a decennio nulla habita fuisset anatome publica, per dies complures cadaver virile ea dexteritate secavit atque demonstravit, ut omnium votis Anatomicus ordinarius expecteretur; sed nondum hujus Professionis aderat maturitas. Eodem autem anno 1581. laurea Apollinea decoratus fuit Medicus noster, uxoreque optima beatus, *Barbara Vogelmann*, filia viri ordinis equestris atque Cancellarii Principis Wurtembergici, *Hectoris Vogelmanni*. Sequenti statim anno novi honores secuti; nempe privato consilio Senatus Medicus ei Anatomiam & Botanicam docendam commisit, & d. 23. Apr. a. 1582. ordinariam linguæ Græcæ professionem eidem decreverunt Academiæ proceres. Cui cum per sexennium omni laude præfuisset, tandem decernente summo Magistratu tertia Medica professio, Anatomiae sc. & Botanicæ, creata, nosterque Bauhinus primus ejus Professor fuit constitutus, idque omnium votis atque adplausibus, eam d. 15. Oct. 1589. auspicatus erat publice. Hæc autem promotio externos majori copia ad nos adduxit, fama ejus absque publicis edictis atque programmatibus invitatoriis longe lateque sese diffundente; tanta copia, ut Bauhinus Agonothetæ officio plus quam quadragies perfunctus, mystas apollineos examinarit 698. & corona phœbea exornarit ultra ducentos. In hoc campo strenuus fuit versatus, donec d. 13. Oct. a. 1614. professio Medicinæ practicæ successionis jure ei obtigit; simulque eodem anno Magistratus eum sui civiumque

quæ suorum Archiatrum constituit; nec non Dux Wurtemb. proposito stipendio amplissimo inter primarios suos Medicos accensuit. His cunctis muneribus fide perfecta perfunctus præmia a supremo accepit Brabeuta d. 5. Dec. 1624. Ex tertio demum conjugio suscepit atque reliquit unicum filium, *Joh. Casparum*, paternarum virtutum atque dignitatum hæredem.

Scripta ejus edita hæc sunt præcipua: *Franc. Rousseti L. de partu casareo* e gallico in latinum transtulit & edidit, Basf. 1586. 4. 1588. 8. 1591. 8. *Appendix ad Franc. Rousseti librum de partu casareo*, varias & novas historias continens, quibus quæ in illo tractatu continentur, comprobantur. Exstat in Gynæciorum libris a Spachio editis p. 480. Arg. 1597. fol. *Anatomes l. 1. de humani corporis partibus externis*, Basf. 1588. & 1591. 8. *Anatomes l. 2. partium similiarium spermaticarum tractationem per quatuor causas ex Hippocratis, Aristotelis, Galeni & recentiorum doctrina traditam continens*. Basf. 1592. 8. *Nota in Aloys. Anguillaram de simplicibus*. ib. 1593. 8. *De plantis Absinthii nomina habentibus*. Montisbel. 1593. 8. *Phytopinax, s. enumeratio plantarum* 2160. ab herbariis nostro seculo descriptarum cum earum differentiis, cui plurimarum hætenus ab iisdem non descriptarum 164. succinctæ descriptiones & denominationes accessere; additis aliquot hætenus non sculptarum plantarum vivis iconibus, Basf. 1596. 4. *Anatomica corporis virilis & muliebris historia*. Lugd. 1597. 8. Basf. 1609. 8. *Animadversiones in historiam generalem plantarum Lugduni editam; item catalogus plantarum in Lugdunensi opere bis terree positarum*. Franc. 1601. 4. *Oratio de homine*, Basf. 1614. 4. de Hermaphroditarum monstroforumque partuum natura, Theologor., Jureconsultor., Medicor. Philosoph. & Rabbinoꝝ sententia, libri 2. hætenus non editi, plane philologici, infinitis exemplis illustrati. Oppenheim. 1614. 8. Franc. 1604. & 1629. 8. *Institutiones anat. Hipp. Arist. Galeni auctoritate illustrata*. Basf. 1604. 4. Franc. 1616. 8. de Locopositione medicamentorum s. medicamentorum componendorum ratio & methodus in prælectionibus publicis proposita, Ofenbach. 1610. 8. Franc. eod. de lapidis Bezoar orientalis & occidentalis, cervini item & germanici ortu, natura, differentiis, veroque usu ex veterum & recentiorum placitis liber, Basf. 1613. & 1625. 8. De remedium formulis, Græcis, Arabibus, & Latinis usitatis, exemplis ad plerisque morbos accommodatis, illustratis, plurimis ratione inventis, experientia confirmatis, secretique loco habitis, & comprobatis l. 2. Franc. 1619. 8. *Προδromος theatri Botanici, in quo plantæ supra 600. ab ipso primum descriptæ cum plurimis figuris*

figuris proponuntur. Editio altera. Franc. 1620. 4. Basf. 1671. 4. De corporis humani fabrica l. 4. Methodo anatomica in praelectionibus publicis proposita : ad Andr. Vesalii tabulas instituta, sectionibusque publicis & privatis comprobata, multis denique novis inventis & opinionibus aucta, Basf. 1590. 8. Franc. 1621. 4. Theatrum anatomicum infinitis locis auctum ad morbos accommodatum & ab erroribus ab auctore repurgatum, observationibus & figuris aliquot novis aeneis illustratum. Opera Job. Theod. de Bry. 1621. 4. Catalogus plantarum circa Basileam sponte nascentium, cum earundem synonymiis & locis, in quibus reperiuntur, in usum scholæ Medicae, quæ Basilea est. Basf. 1622. 8. Pinax theatri Botanici s. index in Theophrasti, Dioscoridis, Plinii & Botanicorum, qui a seculo scripserunt, opera, plantarum circiter 6000. ab ipsis exhibitarum nomina, cum earundem synonymiis & differentiis, methodice secundum earum genera & species proponens, opus 40. annorum. Basf. 1596. & 1624. 4. ad Auctoris autographum denuo edit. Basf. 1671. 4. Epistola aliquot Medicae exstant cum cista Ned. Job. Hornungi. Norimb. 1625. 4. & Lipsf. 1661. 4. Jac. Theod. Tabernmontani herbarium cum multis figuris &c. germ. Basf. 1625. fol. Vivæ imagines partium corporis humani aeneis formis expressæ & ex theatro anatomico Casp. Bauhini desumptæ, Basf. 1620. 4. itemque opera & sumtibus Matth. Meriani, Franc. 1640. 4. Theatri Botanici s. historiae plantarum ex veterum & recentiorum placitis propriaque observatione concinnata l. 1. Basf. 1658 fol. Stirpium aliquot obscurius denominatarum explicatio exstat cum Dionysii Jonquet borto. Par. 1659. De monstris Institutiones anatomicae sexta editæ. Theatrum practicum non divulgatum. Petri Andr. Matthioli opera, quæ exstant omnia, Franc. 1598. fol. hoc est : commentarii in 6 libros Pedacii Dioscoridis Anazarbei de medica materia, adjectis in margine variis græci textus lectionibus ex antiquissimis codicibus desumptis, qui Dioscoridis depravatam lectionem restituant, a Casp. Bauhino post diversarum editionum collationem infinitis locis aucti : Synonymiis quoque plantarum & notis illustrati : adiectis plantarum iconibus supra priores editiones plus quam 300. (quarum quam plurimæ hic primum describuntur) ad vivum delineatis. De ratione distillandi aquas ex omnibus plantis, & quomodo genuini odores in ipsis aquis conservari possint. Item apologia in Amatium Lusitanum, cum censura in ejusdem enarrationes epistolarum Medicinalium l. 5. Dialogus de morbo Gallico, cum locupletissimis indicibus. Editio 2. curante Joh. Casp. Bauhino, fil. Basf. 1674. fol. Guil. Varignana secreta medicinae ad varios curandos morbos verissimis auctoritatibus illustrata, cum additionibus C. Baubini, Basf. 1597. 8. Introductio pulsuum synopsis continens, Basf. 1602. 8. Episto-
la

In anatomica curiosa ad Voglerum patrem, inserta Ephem. Nat. Cur. Dec. 1. p. 596.

VI. THOMAS PLATER procreatus est d. 24. Jul. a. 1574. patre Thoma Platero, Gymnasiarcha, & *Esibera Gross.* De hac memorabili nativitate hoc singulare refert a. 1614. Felix Platerus, Thomæ nostri frater: *Patrens meus p. m. Thomas Platerus defuncta prima uxore matre mea a. 1572. Et ætatis suæ 73. secunda ducta uxore, sex ex illa liberos intra decennium procreavit, duos filios Et quatuor filias, quarum ultima anno ætatis illius 81. biennio ante obitum ejus, nata fuit. Et quod memorabile est, inter duos ipsius filios me Felicem a. 1536. Et Thomam a. 1574. natum intervallum intercurrit annorum 38. Et tamen hic meus frater, cujus avus esse possem, capillos pluribus canis habens conspersos, forte quod patre sene natus sit, me senior videtur esse. Puer 9. annorum patre orbatus, fratre Felice usus est patre, a quo filii loco habitus optimam educationem atque institutionem accepit. Studiis dicatus & a. 1590. Rectoris acad. matriculæ insertus philosophiæ diligentem operam navavit, & uno eodemque anno, 1592. & Laureatus & Magister fuit creatus. Arti medicæ omnibus viribus incumbens nihil intermisit, quo celebrem Fratrem Felicem, si superare non esset datum, saltem æquaret, ejusque vestigia legeret; ipsi etiam contigit adeo esse felici, ut sicut facultatum ejus hæres evasit, etiam ejus virtutes atque eruditionem adsecutus easdem dignitates obtineret. Medicinæ Doct. a. 1600. creatus medicinam gnavus felixque exercuit, magnumque ægris sese exhibuit auxiliatorem. Muneribus etiam Academicis adhibitus maximo fuit emolumento; d. 13. Oct. 1614. Anatomix & Botanicæ, & d. 10. Maj. a. 1625. Medicinæ Practicæ Professor, nec non eodem hoc anno Poliater constitutus, singulis munerum partibus ex asse satisfecit. In conjugio blande vixit cum *Chrischona Jeckelmann* per 22. annos, liberosque sex suscepit, in quibus emiuerunt *Franciscus J. V. L.* cœlebs defunctus & *Felix*, Med. Doct. Physic. Prof. postea senator atque Archiater, de quo suo loco. Thomas autem iste obiit prid. Non. Dec. a. 1628.*

VII. JOH. JACOBUS A BRUNN auram cœli nostri primum

mum captavit d. 30. Sept. a. 1591. illustrissimis prognatus genitoribus, patre quidem *Bonaventura a Brum*, Tribuno plebis, Consulis homonymi filio, matre vero *Anna Polybia*, *J. Jac. Grynei*, Theologi consummatissimi, filia. Annos quinque natum avus maternus nepotem suis laribus excepit, gymnasioque addixit, illic pietatis hic eruditionis semina concepturum uberima. Emenso hoc stadio novum intravit a. 1606. & philosophorum prælectiones publice privatimque sedulus magno studiorum incremento audivit; prima philosophorum corona a. 1608. ornatus ipsa philosophiæ penetralia accessit, in iisque per triennium commoratus atque singularem a. 1611. apicem honorum philosophicorum attigit. Superior jam eligenda erat Facultas, ad quam ingenium suum conferret. Ad Medicinam invitabat natura, ad Theologiam majorum imago. Tandem, consentientibus avo atque parentibus, natura vicit, quæ juxta aptos doctores aptumque studiis locum, tempus, industriam atque institutionem a puero, primum est atque primarium, cujus, Hippocrate judice, compos esse debet, qui Medicinæ scientiam vere & apte sibi comparare velit. A tam felici ergo natura ceterisque, quas modo nominavimus, facultatibus bene instructus Brunnius studium medicum alacris adgreditur, nihilque vasta ejus prolixitate deterritus strenue prosequitur, optimis usus præceptoribus, *Nic. Stupano*, *Casp. Bauhino* & imprimis *Fel. Platero*, suo ex sacro fonte susceptore. Sed memor jam, Medicinæ patronos, Hippocratem atque Galenum, non instar testudinis patriis laribus adfixos hæsisse, sed ad perficiendam scientiam orbem terrarum peragrasse, idem consilium cepit, & a. 1613. in Galliam se contulit, sedem figens Montispelii, familiaritate usus *Petri Morelli*, Medici clarissimi, ibique primam in Medicina lauream accepit. Postea, relicta hac Academia, reliquam Galliam, Angliam, Belgium & Germaniam peragravit, & quicquid notatu scituque dignum erat, diligenter observavit, tandem vero rerum scientia multiplicique doctrina excellens a. 1615. felix faustusque patriam iterum salutavit urbem, eodemque anno editis speciminibus artis Medicæ Doctor publice fuit promotus. Jam ad gaudiorum complementum nihil restabat, nisi ut

legitimo

- - - *legitimo castam sibi fœdere Nuptam
Jungeret*, - - -

Id fuit adsecutus, cum *Vrsulam Falkeisen*, Ezechielis Pastoris filiam, vitæ sociam obtineret, ex qua filiolum *Joh. Jacobum*, suscepit, quem vero tristissimo fato jam a. 1622. sibi ereptum deslevit. Interim civibus atque exteris opera sua prodesse studuit, profuitque plurimis. Academia autem sibi insignem istum Eruditum conjunctionem reddere & ex vasta ejus peritia utilitatem capere contendit, quo fine ei d. 21. Jun. 1625. professio Anat. & Botan. posteaque d. 21. Maj. a. 1629. professio Medicinæ Practicæ fuit oblata; nec spe sua excidit Academia, utramque enim hanc spartam Brunnus accepit atque ita per plures annos ornavit, ut academix honori studiosæque juventuti commodo fuerit maximo. Postquam autem satis in terris laborasset atque profuisset, corpore consumto, spiritu alstra petiit d. 22. Jan. 1660.

Scripta ejus edita sunt; *Manuductio ad consultationem Medicam recte instituendam*. Decas controversiarum de temperamenti natura & speciebus, Bas. 1616. 4. *Systema materiae, representans omnia medicamenta*, Bas. 1630. 8. *Vita & mors J. Jac. Grynai*. Bas. 1618. *Morelli methodum præscribendi formulas remedium correctiorem* edidit Bas. 1630. 8. Lips. 1645. 8.

VIII. JOH. CASPAR BAUHIN, Ludovici XIV. Galliarum regis medicus atque Consiliarius, parentes habuit *Casparum Bauhinum* Med. Doct. atque Prof. & *Magdalenam Burcard*, quæ hunc filium enixa est d. 12. Mart. 1606. Vnicum filium parentes nobilissimi sollicito educarunt, musisque dicarunt. Rudimenta virtutis atque literarum accepit tam ab ipsis parentibus quam a gymnasii nostri præceptoribus; in numerum studiosorum philosophiæ a. 1619. receptus disciplinas instrumentales atque reales suo quasque ordine sibi familiares reddidit; inprimis linguæ latinæ atque græcæ notitiam sibi comparavit ampliorem, brevique, optimos auctores legendo atque relegendo, puri sermonis tersique stili obtinuit facultatem. Quo studio atque labore meruit, ut a. 1620. prima & a. 1622. secunda laurea coronaretur. Ex philosophico vestibulo recto pede ad Apollinis fanum festinavit, parentem, avum, patrum olim imitatione expressurus atque compensaturus. Medicinæ elementa felicissima

felicissima memoria fanoque iudicio adjutus, adhibita etiam singulari diligentia, biennii spatio ita addidicit, ut pater judicaret, eum jam cum fructu exterarum academiarum posse adire. Anno igitur 1624. iter parat, non vagabundum, sed vere literarium, nil quidquam volvens animo, quam ut ingenti cum studiorum fœnore ad suos redire queat, undique formicarum more coacervaturus, quibus & sibi olim civibusque suis prodesse & gloriam a majoribus acceptam si non augere, saltem conservare atque posteris integram relinquere posset. Hoc consilio iter in Galliam ingreditur & recto tramite Lutetiam Parisiorum pergit, celeberrimorum Medicorum atque Chirurgorum consortium quærens, quod & facile invenit. In studiis autem medicis cum totus esset occupatus, mortis paternæ nuncius eum domum vocavit; hic autem non diu moratus, sed rebus suis dispositis, iterum Lutetiam petiit, quo anatomica atque botanica studia, medico tam necessaria, omnibus viribus prosequeretur; tempore autumnali a. 1625. hinc profectus, opportune per hyemem sectionibus anatomicis interesse potuit, nullamque occasionem omisit, quin avide quamque arripuit, in isto studiorum genere proficiendi, non intermittens tamen acquirere, quæ ad praxin medicam facere videbantur, experientiæque thesaurum insigniter auxit, præcipue usus familiaritate Regis Reginaeque medici ordinarii, Domini *Guilielmi Truellini*. Tempore æstivo sequentis anni 1626. cupido Nostrum incescit, & Angliam videndi, Londinum ergo perrexit, hinc Oxonium atque Cantabrigiam, Londonoque denuo petito, post menstruam commorationem in Belgium trajecit, sedemque elegit Lugdunum Batavorum; hic moratus usque ad vernum tempus a. 1628. botanici studii causa tertia vice Lutetiam Paris. proficiscitur, & per aliquot menses hortos regios aliaque viridaria quotidie excurrens curiosis oculis lustrat. Inde ejusdem studii causa Montispeffulum se contulit, atque reditum in patriam parans illinc Massiliam, Avenionem, Valentiam, Viennam, Lugdunum atque Genevam perrexit, tandemque multiplici eruditione medica ditatus salvus patriæ redditur, eodemque anno 1628. Medicinæ Doctor creatur, postquam præter alia specimina prius disputationem de *peste* & orationem habuisset de quæstione: *cur hominum quam aliorum animalium corpo-*

ra pluribus morbis sint obnoxia? Ab hoc tempore Medicinam exercere incepit, tanto, fortunante Deo, ad plausu atque fuccessu, ut civibus gratissimus exterisque desideratissimus existeret; nec tantum vicini nobiliores sed & principes remotiores ejus consilio fuerant usi, duxque Montisbelgardenensis atque Marchio Bada-Durlacensis Medicum suum eum cooptarunt. Quin & ipse met Gallix rex, Ludovicus XIV. fama Bauhini per ipsius ad Helvetios Legatos, quibus ægrotantibus peritiæ suæ argumenta dederat certissima, ad eum perlata, Medicum suum ordinarium eundem constituit, exhibito annuo salario, honoribus, privilegiisque, quibus regii Medici frui solent, concessis, ut diploma regia manu subscriptum fidem facit. Nec praxin tantum feliciter sed & theoriam diligenter exercuit, cujus inprimis an-
 sa ei fuit oblata, cum d. 29. Maj. a. 1629. Anatomix atque Botanicæ Professor ordinaretur. Huic autem cum magno studiosorum fructu sui que nominis fama per triginta annos & supra præfuisset muneri, ad aliud fuit vocatus, nempe d. 31. Aug. 1660. ad professionem Medicinæ Practicæ, cui non minori fide atque diligentia, dum vixit, vacavit. Rectoratus acad. officium quin-
 quies, Decanatus Med. decies novies administravit, & septuaginta & uni Doctoratus Med. insignia contulit. Inter hos labores connubium iniit duplex, primum d. 11. Jul. a. 1631. cum *Barbara Bitto*, quæ sex filios & quatuor filias ei peperit, quorum filius unus duæque filix in prima infantia Creatori redditi sunt; ex superstitibus filiis tres Medicinæ, duos Theologiæ addixit, *Johannem* vidit pastorem Mullhusinum, dein Muttetonsem, *Hieronymum* sibi in Botanica professione subrogatum & *Samuelem* in Palatinatu pastorem. Sed hos posteriores morte acerbissima sibi ereptos luxit; ex Hieronymo duos osculatus nepotes, *Joh. Casparum*, Medicinæ & *Joh. Ludovicum* Juris Cultorem; ex nepotibus *Danielem Battierium*, filix *Magdalena*, Casparo Battierio mercatori nuptæ, filium ipse a. 1679. Medicinæ Doctorem renunciavit, paulo post vero Lutetiæ Paris. maligna febris extinctum. Hac uxore d. 9. Jan. 1649. defuncta, alteram duxit a. 1654. *Annam Mariam Meyer*, ex qua duos suscepit filios totidemque filias, a filiorum altero, *Friderico*, Medic. Doct. negotiorum per plures annos

annos sublevationem, altero, *Christophoro*, S. M. C. plurima solatia tulit. Tandem

per varios casus, per tot discrimina rerum,
ad beatas sedes pervenit d. 14. Jul. 1685. Marasmo senili consumptus.

Edidit opus a Parente inchoatum, *Theatrum* nempe *Botanicum*, ejusque librum l. a. 1658. reliqui ob negotiorum multitudinem non fuisse secuti; diss. de peste 1628. 4. diss. de morborum differentiis & causis, 1670. diss. de epilepsia, 1672. *Matthioli opera* cum notis Patris, 1674.

IX. JOH. RODOLPHUS BURCARD, Medic. Doct. & Practices Professor; vir ingenio & judicio, si quis alius, pollens, integer præterea atque in arte sua maxime circumspectus, prognatus est d. 29. Jun. a. 1637. parentibus & majoribus de Republica & Academia præclare meritis. Pater ipsi contigit *J. Jac. Burcard*, Reip. Consul, mater autem *Catharina Iselin*, Joh. Lucæ, Senatoris, filia; qui ambo parentes filium hunc aliquot annis supervixerunt; ille enim d. 1. Nov. 1690. post 76. æt. annum apoplecticis insultibus, hæc a. 1696. marasmo senili aliquot etiam annis septuagenaria major obiit. Avus paternus ei fuit *J. Rod. Burcard*, J. V. D. Philos. Pract. per xv. annos Professor, dein Archigrammateus, post Senator, tandem Tribunus Plebis, qui, ut suo loco memorabitur, occubuit a. 1657. Postquam autem sub sollicita tantorum parentum cura adolevit Noster, Gymnasiique publici classes percurrit, lectiones philos. publicas frequentare coepit a. 1651. hinc facto instrumentalis philosophiæ cursu ad gradum primæ Laureæ promotus est a. 1653. emensoque postea realium disciplinarum studio Magisterii gradu, l. doctoræ philos. lauro decoratus fuit a. 1654. Cum vero tum ad sublimiora studia accedendum esset, invitante sic naturæ inclinatione, medicam artem sibi addiscendam elegit, inque ea fundamenta posuit sub manu ductione Professorum tum publice docentium, *Eman. Stupani*, *J. Jac. a Brunn* & *J. Casp. Baubini*; elapsis hinc aliquot annis, studii magis excolendi gratia literarium iter suscepit, atque Genevam, Parisios, Lugdunum, Monspeffulum, ubi aliquandiu substitit, lustravit, postea Massiliam petiit, unde maritimo itinere in Italiam transiit; portum primo Genuensium

nunsem subiens, deinceps vero Liburnum, Florentiam, Pisam, Bononiam, Romam, Neapolim, Venetias, Paduam aliaque loca vidit, donec tandem a. 1659. domum reversus Medicinæ curriculum absolvit, atque a. 1660. d. 26. Maj. gradum in Medicina Doctoralem recepit. Anno sequente 1661. d. 13. Mart. a proceribus acad. Mathematicum Professor fuit electus; sed non diu huic muneri vacavit, quin jam d. 17. Oct. 1664. Anatomicus & Botanicus, d. 30. Sept. a. 1667. Theoricus & d. 29. Dec. 1685. Practicus fuit constitutus, etiamque a. 1679. a summo Magistratu Poliatri officium ei fuit delatum; quibus muneribus omnibus magna fide, dexteritate atque prudentia erat perfunctus. A. 1662. uxorem duxit *Margaretham Schœnauer*, Theobaldi, senatoris, filiam, ex qua protulit filios quatuor, qui omnes in tenera ætate extincti, & totidem filias, quarum natu maxima, *Margaretha*, a. 1683. nupsit *Theodoro Zuingerò*, Eloquentiæ primum, dein Physicæ ac porro Medicinæ Professore. Tristi autem fato ex ardente febre d. 9. Febr. a. 1687. ex vita decessit.

Edidit diss. de *Melancholia*, 1660. exercit. de *dysenteria*, eod. *positiones mathematicas*, 1661. diss. de *morbo hungarico*. *Observ. de Cukrivoro Basileensi*. Misc. Cur. 1672. p. 333.

X. JACOBUS ROTH in vitam introiit 3. Non. Sept. a. 1637. pater ei fuit *Albertus Roth*, fori judicialis adfessor atque mercator, Alberti senatoris filius, mater autem *Catharina Getz*, Jacobi Goetzii, consulis, neptis. Pia parentum cura, genii quoque proprii impulsu, bonis literis animum a prima ætate adplicuit, in quibus tantum profecit, ut superatis minus gratis Gymnasii exercitiis a. 1653. in studiosis academicis haberi meruerit; prima laurea a. 1655. Magisterii vero axiomate a. 1656. decoratus, totum se studio Medico mancipavit, usus in patria Medicis experientissimis, *Eman. Stupano*, *J. Jac. n. Brunn*, *Joh. Casparo* & *Hieronymo Bauhinis*. Peregrinatione quoque studii Medici provehendi gratia cum *Christophoro Glasero*, Chymico regio, sobrino suo a. 1664. Lutetiam Parisiorum instituta, & feliciter exacta, Basileam redux a. 1665. Med. Doctor solenniter fuit renunciatus. Theoriæ praxin juncturus ægrotis ex voto industrie consuluit, periculosissimis imprimis temporibus,

N

dum

dum dira pestis a. 1667. & 1668. Basileæ sæviit, deinceps quoque a. 1674. & 1675. cum febris epidemia urbem infestavit, sic ut haud raro inter vivos & mortuos medius steterit

ac si dura silex, aut stet Marpesia cautes.

præcipue cum grassante peste ab ampliss. Magistratu juxta *Jacobum Enderlinum* & *Felicem Tschientschium* Medicus nosocomio præfectus periculosum plenumque alex opus, divino fretus auxilio, intrepidus subiit, & utroque laborum socio sub ipsis initiis sublato, solus ea præstitit, quæ vix in unum hominem cadere potuisse esset credendum. Deinceps ad curandam luem contagiosam in Nosocomio & Ptochotrophio, auctoritate publica, denuo vocatus est, decreta ei ex Senatus consulto in laborum & periculorum præmium, proxime vacatura quavis conveniente Professione. Hinc *Joh. Henr. Glasero* fato suo functo Anatomix & Botan. Professor a Senatu acad. VI. Cal. Apr. a. 1675. designatur. Anno vero 1685. d. 29. Dec. post mortem *Joh. Casp. Bauhini* ad professionem Theoret. & denique d. 18. Febr. 1687. ad professionem Practicam est translatus. In qua triplici professione exornanda, studiosis insuper officia sua commodando, ægrotorum quin & desideriis indefesse gratificando, quoad vires corporis animique concesserunt, versatus est diligentissimus. Honores academicos quocunque dextre gessit, inprimis Decani Medici nona & Rectoris bina vice sustinuit cum laude officium. Matrimonium iniit duplex, prius quidem cum *Barbara Muller*, ex qua duas suscepit filias, patri superstites; posterius vero cum *Sara Passavant*. Denique quinquennii fere spatio, fractis sensim per plures apoplecticos catarrhos viribus, laboris erat impotens, tandemque fato fuit defunctus d. 23. Maj. a. 1703.

Edidit diff. *de elementis & temperamentis*, 1695. diff. *de nasfectione*; *theses medicas*, 1665. disp. *de calido innato*, 1673. *theses rhet.* 1668. *Horatium* cum versione Germ. Bas. 1671. 8. *Observ. de cultivovoro Basileensi*, in Misc. Acad. Nat. Cur. Dec. I. Obs. 179.

XI. NICOLAUS EGLINGER originem duxit a *J. Hem. Eglingero*, collegii salitorum secretario, & *Anna Herzog*, d. 29. Maj. 1645. Semina virtutis atque literarum

rum cepit in gymnasio patrio, quod cum a. 1658. ad lectiones publicas promotus reliquisset, philosophiæ studium diligenter excoluit, & absoluto triennali curriculo philosophico Magister artium fuit creatus. Disciplinis philosophicis eruditus, Medicinæ, cui illæ egregie famulantur, operam navavit, omneque illi tempus tribuit. Institutione inprimis usus fuit *J. Casp. Baubini* Med. Doct. ac Prof. nec non avunculi sui *Bernh. Verzascha*, Med. Doct. archiatri atque senatoris. Eruditionis dein medicæ specimen edidit publicum, dissertatione inaugurali de *peste* a. 1666. habita, tumque Doctoris medici honores atque privilegia meruit atque obtinuit. His studiis ad finem perductis, peregre abiit in Galliam, Angliam, Belgium atque Germaniam, quæ domi didicit, perfecturus atque adaucturus. Præcipue Lugdunum Bat. sedem elegit, *Sylvii*que publice ibi docentis lectiones magno cum fructu audivit. Majoribus apud exteros studii medici, chymici, botanici, anatomici atque philosophici acquisitis incrementis, domum rediit, & medicinam exercere cœpit. Academiæ autem patres ejus merita agnoscentes, eaque & remunerari, fructusque ex illis percipere studentes, d. 20. Sept. 1675. Physices Professore ipsam denominarunt, quam provinciam integro decennio haud exiguo auditorum commodo administravit; præterquam enim quod in philosophia naturali fuerit versatissimus, facultate etiam pollebat insigni, cogitata clare atque perspicue exponendi. Ex ista autem cathedra ad altiorem adscendere fuit jussus d. 29. Dec. 1685. cathedram nempe Anatomicam atque Botanicam, ipsius eruditioni magis convenientem, in qua vero non diu sedit, jam d. 18. Febr. a. 1687. ad docendam medicinam Theoreticam vocatus; denique supremam etiam Medicinæ practicæ professionem nactus est d. 10. Jun. 1703. quam cum officio Poliatri, quod ipsi a. 1687. commissum fuerat, diligentissimus obiit. Uxores duxit duas, moribus utramque compositis, quarum vero neutra ipsi iusta solvebat ultima. Primum iniit matrimonium d. 14. Aug. 1676. cum *Rosina Mangold*, ex qua unicam filiam sustulit; hac a. 1680. defuncta, d. 28. Jan. 1684. duxit alteram, *Juditham Burcard*, Christophori, Tribuni plebis, filiam, quæ ei duos filios totidemque filias peperit, filiola una in tenera ætate, filiorum alter *J. V. L.* ante patrem obiit; filiam alteram feliciter nuptam,

tam, filiumque alterum, *Christophorum*, vestigiis paternis diligenter insistentem, Medicinæque Doctorem creatum maximo suo gaudio vidit, postea Rhetoricæ Professor idem fuit electus. Noster autem præclaram vitam subito finivit catarrho suffocativo d. 1. Aug. a. 1711.

Edidit diss. *in universam physiologiam*, 1660. diss. *de angina*, 1661. *positiones ex universa Medicina*, 1666. diss. *de peste*, eod. disp. *de meteoris*, 1675. *centuriam positionum botanico anatomicarum*, 1685.

XII. THEODORUS ZUINGER, nobili stemmate oriundus, natalem habuit d. 26. Aug. 1658. parentes vero *Johannem Zuinger*, Theologum, & *Estheram Burcard*. Ipsum ad studia natum fuisse, prima jam ætate ex docili atque liberali ingenio, quo erat præditus, conjectu erat facillimum, ideoque & illis mature fuit devotus. Scholæ latinæ classes citius visitare cœpit & singula pensâ perfecte absolvit, idque eo animo, qui non calcar, quo instigaretur, sed frenum, quo cohiberetur, desiderabat, adeo literarum erat avidus musarumque cupidissimus. Fortuitus autem eventus ipsum duodecennem progressu arcebat; nimia enim, quam inter canendum adhibebat, vocis intensione tantam raucedinem atque dyspnœam sibi adtraxit, ut per sesquiannum sonora voce careret & universo corpore tabescere inciperet. Acidulis autem Sualbacensibus, Deo benedicente, restitutus ad literarum studium rediit, & a. 1672., habita in promotione vernali *de Sole* oratione, arctiorem cum musis adfinitatem contraxit. Philosophiæ itaque cultor omnem adhibuit operam in frequentandis publicis privatisque lectionibus, optimisque etiam evolvendis auctoribus, has scientias pertractantibus, sicque latinæ græcæque linguæ, Rhetoricæ atque Logicæ, Matheseos, Physicæ, Ethicæ etiam, & omnium huc pertinentium scientiarum atque artium, tantam acquisivit peritiam, ut professoribus ejus progressus explorantibus ex asse satisfaceret, & ab iis digna studio præmia referret, primam quidem Lauream a. 1673. artium vero Magistri titulum a. 1675. Jam altiora scanfurus studium medicum fuit amplexus, Anatomix, Chymix, Botanicæ, Chirurgiæ, Theoreticæ atque Practicæ Medicinæ singularem operam navans; ex consilio præceptorum ex ipsis præcipue hausit fontibus,

patres

patres atque principes sacrae Medicinæ, Hippocratem atque Galenum, diligenter consulens; non tamen neglexit evolvere & in usum convertere, quæ recentiores vel invenerunt primi, vel quæ ad meliorem veterum intellectum fuere commentati. Positis fundamentis solidioribus, constituit & exteras regiones pervadere, illincque eruditionis thesaurum collectum domum adferre. Primum excurrit Scaphusium a. 1678. & postquam per quindecim menses clarissimorum Medicorum, *Wepferi*, *Harderi*, *Hurteri*, *Scretæque* hospitio, institutione, consuetudine usus fuisset, Tigurum perrexit a. 1679. ibi in *Muralti*, *Hospiniani*, *Wagneri*, inprimis *Com. Gesneri* atque *Jacobi Johannisque Scheuchzerorum*, herorum in Medicina atque historia naturali insignium, notitiam venit atque familiaritatem, plurimum exinde utilitatis medicæ adeptus. Hoc adparatu medico instructus, a. 1680. Basileam petiit, civibus suis communicaturus egregiam, quam multo labore atque sumtu comparaverat, rei medicæ peritiam, eaque ipsis profuturus. Rite autem ut id faceret, prius artis magistris sese examinandum exhibuit, simulque dissertationem de *παιδοτροφία* publice defendit; quæ singula cum fauste cessissent, eodem anno 15. Cal. Nov. Laurea Apollinea redimitus, privilegiisque doctoralibus insignitus fuit. His autem nondum uti, nec praxin medicam exercere voluit, sed ampliorem adhuc eruditionem acquisiturus primum Genavam petiit ibique per annum fere commoratus fuit; postea, sicuti antea Scaphusii atque Tiguri Mathesi, Botanicæ atque historiæ naturali inprimis incubuit, ita nunc Anatomiam præcipue exculturus Parisios dein Argentoratum perrexit, sectionibusque C. H. frequens interfuit atque adtentus spectator. Hinc domum vocatus, bono cum Deo a. 1682. suis fuit restitutus, primumque curis animi nupturientis indulgit; invenit uxorem maxime convenientem a. 1683. *Margaretham Burcard*, filiam Joh. Rodolphi Burcard, Med. Doct. atque Prof., cum qua felix ei fuit atque fecundum conjugium; liberos nempe ex ea procreavit XI., sex filios & quinque filias, ex filiis duo ecclesiarum agri nostri pastores fuere constituti, tresque Medicinæ operam dederunt, ex quibus *Joh. Jacobus* Med. Lic. anno æt. 23. obiit Genevæ d. 9. Oct. a. 1708. *Joh. Rodolphus* vero atque *Fridericus* ad nostra usque tempora Med. Docto-

res atque Professores sacram hanc artem feliciter exercuerunt, magnoque fructu publice privatimque docuerunt, ut mox fufius dicetur. Jam eruditione sua proximo adfecto prodesse studuit, praxinque clinicam cum in civitate tum in vicinia diligenter exercuit, successu ut plurimum usus felici, quo factum, ut brevi spatio domi forisque a quibuslibet summis & infimis in magno pretio haberetur. Spem hinc ceperunt Academiae proceres, & se ex tam erudito viro emolumentum esse capturos, si eum sibi vindicarent; hoc consilio ei d. 21. Febr. 1684. Eloquentiæ & d. 18. Febr. 1687. Physicæ professionem demandarunt; nec spe sua fuerant frustrati patres conscripti, quin spem eorum licet luculentam adhuc superavit Zuingerus, qui tanto in hæc studia erat fervore, ut & physicam experimentalem, antea inter nos nondum usitatam, primus instituerit, sumtibusque suis haud exiguis instrumenta comparavit. Interim Æsculapius noster in se expertus est, quod Celsus scripserat, literarum disciplinam animo quidem necessariam sed corpori esse inimicam. Mense nempe Augusti 1693. studiorum intemperie sibi contraxit febrim continuam, acutam, malignam, in lentam tandem mutatam, cum qua per totam proximam hyemem ei erat conflictandum, donec adpropinquante vere a. 1694. arthritide vaga superveniente præter opinionem sed ex voto cunctorum pristinae sanitati fuit restitutus. Eodem anno mense Septembri tam valetudinis curandæ quam negotiorum causa iter instituit in Germaniam, ex quo, Viennæ Austriæ per aliquot menses commoratus, adituque ad S. Cæsar. Majestatem plus una vice impetrato, salvus domum est reversus. Circa hæc tempora ingens ei honos obtigit, quo ab Academia Naturæ Curiosorum Cæsareo Carolina sub nomine *Aristotelis* 1. itemque regia Berolinensi sodalis fuit cooptatus. A. 1700. Curatores Academiae Lugduno Bat. ad obeundam professionem Medicinæ Theoreticæ, Landgravius Hassia cassellanus, ipseque Fridericus I. rex Borussiae a. 1703. ad sanitatis suæ curam, loco ordinarii Medici, gerendam sub amplissimis conditionibus eum gratiosissime vocarunt, neutri tamen, patriæ dulcedine ductus, paruit vocationi. Dux etiam Wurtembergensis nec non Marchio Bada Durlacensis tanto honore ipsum adfecerunt, ut eum in numerum consiliariorum & Archiattrorum suorum receperint, quos

&

& Abbas Beinwilensis, Magistratus Delemontanus, Capitulares vallis monasteriensis aliique fuere secuti. Virum vel regibus atque principibus charum academia etiam patria, quantum in ea fuit, honoribus fuit profecuta, eumque d. 18. Dec. 1703. professorem Anatomix & Botanicæ constituit, quo duplici officio, per hyemem quidem sectionibus atque demonstrationibus, per æstatem vero excursionibus in agros, egregie fuit defunctus. A. 1710. cum grassante Friburgi Brisgovix lue epidemica febris Petechialis, qua sextidui spatio supra 500. homines correpti plurimique mortui sunt, a magistratu nostro Medicus illuc mittendus peteretur, istud officii Zuingero nostro fuit delatum, qui nihil rei difficultate & periculo motus citra moram eo est profectus, ibique inspectis omnis conditionis ægris, commune cum loci Medicis consilium iniit, interdium ægrotos visitans, noctu scribens atque consulens. Consilium ex decreto typis mandatum parens hygiæ & panacæ Deus ita prosperavit, ut intra mensis spatium illa lues prope modum omnis Friburgi cessaret. Postea Zuingerus noster, die sc. 26. Maj. a. 1711. Theoreticæ &, antequam hanc auspicatus fuisset, d. 15. Sept. a. 1711. Practicæ Professor, nec non d. 12. Aug. 1711. ab ampliss. Magistratu Basil. Poliater *ομοθυμαδον* fuit electus. Legationem academicam, alia munera scientes præterimus, bina vice cum laude obiit ad Reverendiss. Episcopum Basil. a. 1717. & 1722. Ita cum diu multumque proximo inserviisset, animam Deo reddidit, corpore ex nephralgiæ paroxysmis confecto, d. 22. Apr. 1724. Ille quidem plenus annis abiit, plenus honoribus, illis etiam, quos recusavit, nobis exemplar ævi prioris.

Edidit disp. de *synocho putrida*, 1677. disp. de *padotrophia*, 1680. *positiones misc. e variis philosophia partibus*, a. 1684. disp. de *virtute heroica* a. 1686. *theses philos. misc.* eod. *orationem panegyricam* in obitum Job. Casp. Baubini, 1687. *Sichere und geschwinde Arzt*, 1687. sub nomine *Nathanælis Sforziæ*, & a. 1695. ac 1703. Bas. addito suo nomine; *Verzeichs herbarium* c. f. Gesnerianis & Camerarianis auctius recudi fecit Bas. 1696. fol. vires potissimum medicatas auxit, species non medicas cum medicatis enumeravit, varias icones addidit. *Scrutinium Magnetis physico medicum*, 1697. *lucubrationes de plantarum doctrina in genere, cum continuatione*, 1698. *diff. de vita hominis sani*, 1699. *programmata invitatoria partim ad operationes partim ad collegium experi-*

experimentale physico mechanico chymicum, 1699. 1700. 1701.
typum consultationum medicarum, 1699. *Weckeri* l. 17. de
Secretis cum additionibus, 1701. *disp. de acquirenda vita*
longavitate, 1703. *Germ. Nordhaus.* 1726. & 1727. 8. *diff.*
de Vromantias usu & abusu, 1705. *Epitomen totius me-*
dicinæ, 1706. *fasciculum dissertationum medicarum selecta-*
rum, quæ privata ejus cura, institutione & auxilio publice
ventilatæ sunt, 1710. *theatrum praxeos medicæ*, 1710. *Exa-*
men & usage de l'eau minérale dans le petit Champois de la
Vacherie du Fortbourg, appartenente a la ville de Dellemont
proche du Près de Voete, 1711. *disp. de methodo docendi me-*
dicinam mathematica. 1714. *disp. de plantis nasturcinis*; 1716.
Trigam dissertationum medicarum, Bas. 1716 4. *Padoia-*
trejam practicam cum specimine materiæ Medicæ & reme-
diorum formulis. Bas. 1722. 8. In *miscellaneis Academiae*
naturæ Curiosorum Dec II. anni 2. de *excreſcentia carnea*
uterina. Dec. II. anni 6. *Mercurii crudi effectus in colica*
ſpaſmodica, a ſecum duritie alium contumaciter obſtruente,
oriunda. Obſ. 231. *Palpitatio cordis diuturna*, a polypis in
utroque cordis ventriculo enatis, producta lethalis. Obſ. 232.
Caries maxillæ ſuperioris extruſum dentem ſubſecuta. Obſ.
 233. *Anatome Maniaci*. Obſ. 334. In Dec. II. anni 9.
Admirandi partus gemellarum vivarum umbilicotenus ſibi in-
vicem connatarum. Obſ. 134. *Ciliorum color nigerrimus*
ſubito in album mutatus. Obſ. 135. *Hydrops ovarii mu-*
liebris ſtupendus, in exenteratione mulieris cujuſdam repe-
tus. Obſ. 136. *Calculi & arenula copioſa in ſecundina*
humana reperta. Obſ. 137. *Grando palpebræ oculi feliciter*
diſcuſſus. Obſ. 217. *Anatome pueri variolis malignis ex-*
tincti. Obſ. 218. In Dec. II. a. 10. *Tertiana febris ſpaſ-*
modica. Obſ. 199. *Grando palpebræ oculi feliciter & promte*
diſcuſſus. Obſ. 200. *Puellus ſine cerebro natus ad momen-*
tum vivens. Obſ. 201. In Dec. III. a. 1. de *hiſtoria &*
anatome ruſtici, *hydrophobia ſecundo menſe poſt acceptum a*
cane rabido vulnus, correpti & extincti. Obſ. 194. De
mira rabiei canis cauſa. Obſ. 105. De *arthritis vermino-*
ſa in manu podagrici. Obſ. 106. De *Mercurii vivi effectû ſecun-*
da vice in eodem homine obſervato. Obſ. 107. De *ſero lactis per-*
petuo lacteo in viro. Obſ. 108. In Dec. III. a. 5. & 6. De *ſca-*
bie cum tremore, ad tabem inclinante. Obſ. 6. de *pudendo-*
rum muliebrium excoriatione & intumeſcentia, poſt partum
difficilem. Obſ. 7. De *anatome viri aſthmate & hydrope*
thoracis deſuncti. Obſ. 8. De *aſthmate lymphatico cum fe-*
bri catarrhali feliciter curato. Obſ. 9. De *fiſtula oſſis ſqua-*
moſi, *abſceſſum auris ſecuta*, feliciterque ſanata. Obſ. 10.
 De *febri maligna continua feliciter curata*. Obſ. 11. De
iſchuria per plures dies durante. Obſ. 12. De *exenteratio-*
ne cadaaveris puelli, phthiſi & hydrope extincti. Obſ. 276.
 De *fractura coſtarum*, cum ſubſequenti vulnere, ſyderatione,
 hydrope

hydrope pulmonis atque morte. Obs. 277. Anni 5. & 6. appendice. *De Chrysopæia, varia litteratorum epistola communicata per Dn. D. Theod. Zuingerum P. P. Bas. Acad. Cur.* In Dec. III. a. 7. & 6. *De syrupo prophylactico ad prolongandam vitam & podagra aliorumque morborum insultus arcendos, mitigandosque experto.* Obs. 10. *De fractura ossium cruralium multiplici, cum junctura tali dislocatione, feliciter curata.* Obs. 11. *De historia fistulae lumbaris, e rene dextro calculoso scaturientis, & subtercutim, musculosque clunis dextræ reptantis, lethifera, cum cadaveris anatome.* Obs. 12. *De ulcere antiquo, in meatu urinario, feliciter curato.* Obs. 13. In Observationibus Physico Medicis Academiæ Naturæ Curiosorum. Cent. VII. & VIII. *De cardialgia hirudinea.* Obs. 25. *De variis infectis per vomitum excretis a virgine quadam fascinata.* Obs. 26. *De spasmo periodico musculorum cervicis.* Obs. 27. *De hemisphæria chronica euporisto remedio tandem curata.* Obs. 28. *De partu octimestri monstroso.* Obs. 29. *De vesica ruptura lethali.* Obs. 30. *De duplici pollice infantis recens nati & altero eorum feliciter extirpato.* Obs. 31. *De mensibus e dorso cute fluentibus.* Obs. 86. *De hectica a scirrhusitate pylori ac pancreatis proveniente lethali.* Obs. 87. In actis Physico Medicis Acad. Nat. Cur. Vol. I. *Gemella, quarum altera nigra, altera alba.* Obs. 77. *Exenteratio cadaveris viri hydrope thoracis extincti.* Obs. 78. *Macula scorbutica nigra, per universum corpus dispersa.* Obs. 79. *Vteri prolapsi exsection non lethalis.* Obs. 80. In collectionibus Vratislaviensibus actorum nat. & medic. tentamine XIII. p. 274. *de febribus erraticis Basilea grassantibus a. 1720.* Lexicon porro edidit Latino Germ. & Germanico Lat. sub nomine *Spieseri*, Bas. 1700. 8. *specimen Physicae eclectico experimentalis* Bas. 1707. 12. sub nomine *Jac. Zuingeri. Compendium medicinae universæ* Bas. 1724. 8.

XIII. JOH. RODOLPHUS ZUINGER, vir

- - - - - *qualem vix repperit unum,*
Millibus e cunctis hominum consultus Apollo.
 prognatus est parentibus nobilissimis, Theodoro Zuingero, Med. Doct. atque Prof. & Margaretha Burcard, d. 3. Maj. 1692. In puero adhuc tenero bonum ingenium nec non acre judicium acutissimus observavit genitor, eumque ideo citius musis devovit atque gratiis, quas & ad extremum usque halitum coluit junctissimas. Primis literarum atque scientiarum elementis quo imbueretur, ludo literario patrio fuit traditus, idque felicissimo cum successu, non tantum enim commilitones

cursu æquavit; sed & facile primus exstitit, primasque tulit, locum semper tenens principem. Ita omni suo merito ex pædagogio in Academiam, sapientiæ officinam, a. 1704. promotus illud tritum: *dic, cur hic; hoc age*: studiosissime observavit, & quem professus est, philosophiæ studiosum, ipso facto strenue exhibuit. Præmia etiam a Professoribus tulit dignissima, Laureati gradum a. 1706. Magistrique artium dignitatem a. 1707. adsecutus. Ad Medicinam nunc, studium patrium atque gentilitium, transiit, in qua addiscenda omnem diligentiam adhibuit, paternamque præcipue institutionem in rem suam omni studio convertit. Inclinate anno 1709. Argentoratum petiit, per hyemem sectiones anatomicas, quarum illic major quam in patria erat copia, frequentaturus. Acquisita & hujus Medicinæ partis accuratori peritia, domum reversus, exiguiæ suæ in Medicina eruditionis argumenta dedit certissima, tam in tentaminibus atque examinibus, quam in disputatione d. 14. Jul. 1710. de *cerebri humani structura naturali* habita; summi itaque in Medicina honores ipsi decreti & a Nicol. Eglingero collati fuere d. 30. Sept. 1710. Anni spatio Laufannæ atque Genevæ transacto, d. 16. Febr. a. 1712. professio Logica ei fuit adsignata, cujus auspicia cepit solennia d. 3. Maj. a. 1712. prælectione, qua ex veteribus illos recensuit, qui Logicam artem excoluerunt. D. 16. Apr. 1714. curarum vitæque sociam sibi junxit Mariam Magdalenam Frey, Joh. Ludovici Frey, senatoris, filiam, ex qua tres filias suscepit, *Agnetem, Johanni Buxtorff*, Med. Doct. atque Poliatro, *Margaretham, Eman. Stückelbergero*, mercatori, quæ jam a. 1750. æt. 30. defuncta, & Mariam Magdalenam, Jac. Christoph. Beck, Theologo, nuptam; filiarum natu maxima decem liberorum mater in aliis peperit Joh. Ludovicum Buxtorff, Med. Doct. atque Poliatrum, nec non Joh. Rodolphum Buxtorff, Rhetorices Professore, nepotes venerando Avo dilectissimos. Sed Zuingerus noster non solum cathedram suam exornavit, sed & ægrotis eruditione sua prodesse studuit, idque juvenis admodum; ipsi enim non accidit, quod novitiis Medicis fere accidere solet, ut, quantacunque scientia sint instructi, pauci tantum spem suam in illis reponant, expectantes, donec fama experientia confirmetur. Statim nempe ab ægrotis divitibus pariter ac egenis fuit requisitus,

situs, quorum numerus indies in tantum excreverat, ut eorum multitudine pene obrueretur. Noverant enim singuli, patrem ei esse Medicum perfectissimum, in cuius secreta consilia admissus eruditionem multiplici experientia comprobata jam acceperit, quemque adhuc ducem ac in dubiis casibus consultorem habeat optimum, ut filium qui elegit Medicum, ipso etiam patre Medico usus fuerit censendus. Non itaque mirum, Zuingerum nostrum citius ad ægrotorum levamen frequentius vocatum atque expetitum fuisse. Hanc famam maximopere adauxit felicissimus successus, quo in curandis morbis quam plurimum fuerat usus. Apud plurimos etiam commendatissimus erat sincera in Deum pietate, nec non humanitate atque adfabilitate prorsus singulari, quam utramque ad extrema usque illibatam retinuit. Nec fama intra angustos civitatis atque ditionis nostræ limites substitit, sed & ad externos promanavit; hinc non solum per literas consilia medica majori copia ab eo fuere desiderata, sed & titulis atque honoribus principes etiam viri eum fuere profecuti. In quibus fuit Marchio Bada Durlacensis, qui eum præfecturæ Roetelanæ Physicum nominavit a. 1720. ; & triennio post membrum societatis Naturæ Curiosorum Germaniæ sub nomine Avicennæ II. fuit adoptatus. Academia etiam nostra ex singulari ejus peritia Medica utilitatem capere desideravit, eumque a cathedra Logica ad cathedram Medicam vocavit; primo quidem d. 16. Dec. a. 1721. Anatomia atque Botanica, & a. 1724. Medicina Practica publice profitenda ei fuit demandata, quam provinciam d. 30. Aug. 1724. prælectione de *Medici practici officio* capessivit; & per LIII. annos continuos maxima nominis sui fama & auditorum utilitate administravit. Sceptum acad. tenuit tribus vicibus; Medici ordinis Decurio fuit tredecies. Ab an. 1759. etiam fuit Inspector Instituti Freyio-Grynæani. Hæc & alia munera gessit summa fide, diligentia atque prudentia; exemplo omnibus imitando, paucis expresso. Marasmo senili absumtus terræ valedixit, sideraque petiit d. 31. Aug. 1777. postquam supra LXV. annos Professoris ordinarii vices sustinisset; cui simile exemplum non habemus.

Scriptit atque edidit: *Dissert. de cerebri humani structura naturali*, 1710. *diff. de usu & functionibus cerebri, indeque dependente inclinatione atque ingeniorum diversitate*, eod.

eod. *diatriben de præjudictis mentis*, 1712. *artem cogitan-*
di erotematicam cum præludio philosophiæ, 1715. 8. *parado-*
xon logicum: quod omnis homo bene ratiocinetur, 1718.
Specimen institutionum medicina secundum moderna princi-
pia mechanica. Hippocratis aphorismos, Gr. & Lat. 1748.
 quibus addidit *speculum hippocraticum de notis & præsignis*
morborum, quod separatim excusum Florentiæ 1760. *diff.*
de metodo medicinam docendi mathematica, 1714. *diff. de*
divinitate medicina, 1724. *problemata medica de prole cra-*
nii experite, 1728. In obs. phys. med. acad. nat. cur. Cent.
 7. & 8. *de dislocatione vertebrarum cum abscessu abdominis*
succedente lethali, obs. 81. *historia quadam empyematis fu-*
nesti, obs. 82. *exenteratio puella phtisi extincta*, obs. 83.
 In actis phys. med. acad. nat. cur. V. 1. *proles pustulosa*,
 obs. 81. *appendix præternaturalis cæca intestini ilei*, obs. 82.
vesica bovis gemina, obs. 83. *fœtus circiter quadrimestris*,
abortu editus, cum sterno concavo & regione umbilicali val-
de prominente &c. obs. 84. In actis Helvet. Phys. med.
 V. 1. *hydrocephalus cum defectu calvarie*. *Midus cruentus*
cum vesica tota callosa, in tabem desinens. *Lacertus aquati-*
cus vious a puella per album redditus post gravia pathemata
convulsiva. V. 2. *hernia umbilicalis incarcerata, ileo super-*
veniente, sphacelata & exulcerata. *Curaciones electricæ he-*
miplecticorum. V. 3. *diarium physicomedicum a. 1755*. V. 4.
Dysuria ex ulcere intestinali in vesicam pervio, in marasnum
desinens. *Vomitus puellæ diuturnus, haustu mercurii vi-*
sublatus. *Diariolum nosologicum*, 1759. V. 5. *historiola co-*
licæ Cœnobialis Beirnwilensis, nec non alia ibidem passim sub
Anonymi atque Philatri nomine occurrentia. In epistolis
 Lat. ad Hallerum missis P. 1. V. 1. ep. 17. 18.

XIV. ACHILLES MIEG, ex erudita, præcipue in Pa-
 latinatu florente, familia oriundus, in lucem editus est
 d. 22. Jun. 1731. Puer admodum scholam frequentare
 iussus, primæ rudimenta literarum & utriusque linguæ,
 Latinæ ac Græcæ, Grammaticam didicit. Adparuit in
 eo adhuc puero præclara indoles, & in tenera adhuc
 ætate ingenii vis & præstantia insignis, quæ patrem per-
 movit, ut eum studiis totum traderet. Ex voto hæc
 cefferant juveni, qui liberiori auræ academicæ permis-
 sus, studiorumque amœnitate captus, magna quadam vi
 ingenii per omnia auctorum genera pervolitabat, Græ-
 cos, Latinos, poëtas, oratores, historicos, medicos,
 chirurgos percurrrens, quasi omnia simul animo esset com-
 plexurus. Impetravit autem laudabilis suæ diligentiae
 præmia Philosophorum decreto, primam nempe Lau-
 ream

ream a. 1746. habita oratiuncula *de arte Cabbalistica*, dignitatem vero Doctoris philosophiæ a. 1748. publica oratione *acui ingenium studio, studium præmio*, demonstrans. Philosophorum cancellis emissus prolixum Medicinæ studium fuit adgressus; prima ejus præcepta accepit a patre charissimo, Chirurgo perito, his avide hauſtis, Medicinæ professores sedulo audivit Theoriæ atque Praxeos medicæ isagogen tradentes, botanicas excursionem fecit frequentiores, & anatomicas demonstrationes, quibus inprimis delectabatur, frequentavit adtentissimus. Verbo, pro ingenii velocitate, discendi cupiditate & laboris incredibili patientia nihil intermisit, quod medicum bonum formaret atque perficeret. Quo factum, ut summa laude tentamina atque examina medica, nec non disputationem *de Flatibus* inauguralem superarit, & Doctoris medici titulum meritissimus acceperit d. 4. Jun. a. 1756. Assiduam dein ab indefessam operam posuit in medicina exercenda, quæ praxis, Deo benedicente, feliciter ipsi hætenus successit, utque plures adhuc in annos felicissime cedat, ex animo precamur. Ut vir est laboriosissimus, non contentus erat plurimorum, quos per civitatem habet dispersos, ægrotorum visitatione atque medicinæ alumnorum institutione, sed & variis occasionibus Academiæ operam suam obtulit. A. 1753. d. 16. Jan. pro cathedra Anat. & Bot. edidit *Specimen I. obs. Anat. Bot.*; a. 1771. d. 6. Sept. vacante cathedra Logica disputavit *de origine Paralogismorum*, sed optionis ternario injectus sortem habuit renuentem; a. 1773. d. 21. Maj. pro sede Rhetorica disputavit *de requisitis boni oratoris*. A. 1776. d. 19. Nov. edidit *specimen II. observationum anat. bot. & physiol.* pro vacante cathedra Anat. & Bot. iterum sorte adversa; denique sortem expertus est benignam d. 26. Nov. 1777. cathedram Medicinæ Practicæ ipsi adsignantem. Membrum porro cooptatus est Facultatis Med. Bas., Societatis Physicæ Tigurinæ & Physico Medicæ Bas. Primus & huc usque unicus fuit, qui Basileæ *inſitionem variolarum*, jam in centum circiter personis tentavit, idque felici hætenus successu. Observationes autem proximi seculi docebunt, quid de audaciori ista medicina sit statuendum.

Præter adlatas disputationes edidit in Actis Helvet. Phys. Med. Vol. 3. *diatriben de sectione casarea feli domesticæ adhibita*,

adhibita, quæ undecimo post id factum die, vivum catulum per naturalem viam adhuc edidit. Observ. de ossis bregmaticæ fractura cum insigni fissura, inde per suturam squamosam, partem cognominem ossis temporum, atque ejusdem processum petrosum propagata. V. 4. Homalocentrurum novum graminis genus. V. 8. Illustrationem quarundam Holci specierum. In epistolis ad Hallerum missis ejus sunt P. 1. V. 5. 144. 163. 171. 182. 188. 192. 197. 198. 205. 223. 235. P. 4. V. 4. 2. 20. 21. 32. 35. 37. 41. 44. 46. 47. 49. 61. 71. 111. 115. 129. T. 6. ep. 334.

PROFESSORES MEDICINÆ THEORETICÆ.

I. OSWALDUS BERUS a. 1532. omnem medicinam, theoreticam atque practicam, ob medicorum raritatem, solus docuit atque exercuit. V. Prof. Med. Pract. n. 1.

II. SEBASTIANUS SINCKELER Theoreticam Medicinam tradidit ab a. 1534. dein Practicam docuit. V. Prof. Med. Pract. n. 2.

III. ALBANUS THORINUS, alias *Thorer*, patriam habuit Vitodurum, annusque natalis ei fuit 1489. Ad academica studia domi rite præparatus, Basileam venit a. 1516. nomenque eo anno Rectoris matriculæ inseruit. Jam academix alumnus philosophica studia diligenter tractavit, & inprimis linguæ latinæ atque græcæ sedulam operam impendit, quo factum, ut unanimi ordinis sapientissimi voto Laureatus primum a. 1520., dein a. 1522. A. L. M. pronunciaretur. Victus comparandi & ingenii exercendi causa aliquamdiu scholæ Petrinæ præfuit, & juventutem in primis artium rudimentis optime instituit. Verum animus generosus ergastulo hoc solvi cupiens ad sublimiora adspiravit, coëptisque respondit eventus, cum a. 1532. Professor Rhetoricæ vocaretur, quod munus Latina docendo egregie administravit. Sed altius adhuc volare contendit, nec sine successu. Statuit nempe peculium scholasticum in artem Medicam addiscendam insumere, hocque consilio in Galliam abiit, ibique summa & incomparabili industria, brevi temporis spatio tantum sibi comparavit eruditionis

nis & scientiæ Medicæ thesaurum, ut magno suo merito apollineam coronam adipisceretur. Medicinæ Doctor Basileam reversus ibidem Medicinæ Theoreticæ Professor constituitur a. 1537. & Medicinam docendo atque exercendo magnam non tantum apud suos auctoritatem, sed & gratiam apud Principes & famam apud literatos acquisivit, tribus simul illustrissimis Germaniæ principibus a Medicina. Inter istos officii labores morbo longiori conflictatus tandemque oppressus fuit d. 23. Febr. 1550.

Publicis etiam scriptis fuit celebris, quæ sunt : *Soranus Ephef. Oribasius, Plinius, Apuleius & Antonius Musa de betonia*, quos in lucem edidit junctos, Bas. 1528. fol. *P. Aegineta opera* versa ab Alb. Torino, Bas. 1532. fol. Interpretatus est & *Philareti l. de pulsibus & Theopbili de urinis*, 1533. Paris. 1567. fol. Item *Polypi, Hippocratis discipuli, opuscula Græca cum Hippocratis operibus*, 1544. it. *C. Apitii de re culinaria l. X.* edidit & *Platina l. de honesta voluptate & obsoniis*, 1541. Latinitate donavit porro *Dioclis Caristii l. de tuenda sanitate; Agapeti diaconi de officio regis libellum*, 1541. *Job. Damasceni de febrium curatione digesta & ejusdem aphorismos*, 1542.; *Epiphanii l. de Propetarum vita & interitu* 1529.; *Chrysolora Grammaticam*, 1528.; *Alexandri Tralliani libros XII. de arte med. cum epistola apologetica ad Andernacum*, 1539. 8. & paulo ante mortem *Philothei commentarios in aphorismos Hippocratis*, 1550. transtulit etiam in germanicum magnum illud *Vesalii opus anatomicum*, Norib. 1551. fol. nec non *Theopbili libellum de urinis*, lat. Paris. 1567. fol.

IV. ISAACUS KELLER, dictus *Cellarius*, a. 1530. Basileæ fuit natus & in Academiæ gremium susceptus a. 1546. Studia philosophica diligenter excoluit, & utramque dignitatem philos. obtinuit, unam a. 1547. alteram a. 1550. Medicinæ jam ante gradum Magisterii adeptum dedit operam, omnibusque viribus tantam in ea acquisivit eruditionem, ut Doctoris Medici titulum meruerit, & jam a. 1551. Professionem Medicinæ Theoreticæ obtinuerit. Vir dicitur fuisse comis, facilis, jucundus, disertus, multumque ipsum commodi studiose juventuti adtulisse usque ad a. 1580. quo ob male administratum patrimonium S. Petri Basil. æreque alieno oppressus ex civitate excessit.

V. THEO-

V. THEODORUS ZUINGERUS, primus ex gente Zuingeriana, quæ hæctenus Academiæ nostræ 8. Professores, Ecclesiæ in civitate & in agro Pastores 6. in his duos Antistites & adhuc superstitem *Jacobum*, Pastorem atque Decanum Lucisvallensem, & Medicos 5. dedit omnes præstantissimos, eruditorum choro adscriptus, natus est parentibus *Leonhardo Zuinger*, pellione & *Christina Herbster*, *Johannis Herbsteri*, pictoris, filia & *Joh. Herbsteri* f. Oporini Professoris atque Typographi sorore, d. 2. Aug. a. 1533. Leonhardus, Nostri pater, civitate nostra donatus fuit a. 1526. & oriundus erat ex Episcopicella, oppido Thurgoviæ, familia nobili atque antiqua, ex qua *Johannes Speiser*, dictus *Zuinger*, a. 1452. præfectum egit in cella Episcopi, vice Episcopi Constantiensis, *Jacobus* vero ob præclara in S. R. Imp. merita a Maximiliano I. nobilitatis insignibus a. 1492. fuit decoratus, hicque 9. liberos inque illis Leonhardum, pellionem, genuit. Antiquitus etiam eandem gentem literarum studia in deliciis habuisse, fidem faciunt documenta Academiæ nostræ, quæ perhibent, *Pelagium Spiserum*, Episcopicellanum, Magistrum Heidelbergensem, Decanatu philos. a. 1464. & 1465. functum, aliumque *Johannem* a. 1511. Decret. Doctorem creatum fuisse. Puer quinquennis, Theodorus noster, patre orbatus, ope tum *Joh. Oporini*, avunculi, tum *Conradi Lycosthenis*, dicti *Wolfhart*, Theologi atque Historici eximii, cui mater Christina post parentis obitum nupserat, pie est adjutus, & pro rata, quæ in ipso deprehendebatur, indole studiis mature satis est adhibitus. Traditus fuit una cum *Basilio Amerbachio* disciplinæ *Thoma Plateri*, in qua tantum profecit, ut facile cunctos commilitones ingenio, judicio, industria, eruditione anteverteret. Ut erat natura festivus, statura mediocri, corpore agili, in dramate scenico a præceptore publice exposito, *Cupidinis* personam gratiosa gestuum varietate, actionis decentia, pronunciationis elegantia ita sustinuit, ut omnium oculos, ora atque animos in se converterit, majorum imo maximarum rerum præfagia excitans. In academiam e gymnasio a. 1548. translatus professores publice docentes diligenter audiit, donec cupido eum invasit, exteris academiis visendi. Iter ingreditur, librorum sarcina pressus, sed levi viatico instructus, animo tamen alacri, confidens, se

se doctorum virorum liberalitatem carminibus suis provocaturum. Lugdunum Gallorum perveniens, biennium transegit apud typographum *Gothofredum Berin- gum*, cui operam suam locavit, vacuasque horas literis impendit. Collecto ex labore viatico Lutetiam est profectus, ubi iterum biennium commoratus clarissimis vi- ris, præcipue autem *Petro Ramo*, professori regio, in- notescere & in deliciis esse coepit, qui ipsum honorifi- ce & liberaliter, *coronato aureo* dono dato, excepit. Quam ejus humanitatem *Zuingerus* abunde satis postea rependit, dum *Ramum* religionis causa Basileæ exulem suscepit. Per quinquennium integrum apud externos pie atque honeste versatus & haud exiguum sapientiæ the- saurum sortitus, reditum in patriam paravit atque a. 1553. perfecit; ibi tamen non diu moratus, sed aucto- re atque suasore *Petro Perna*, Lucensi typographo, apud Basilienses ob religionem exule, iter in Italiam suscepit, & primo quidem Patavium, postea Venetias perrexit. Postquam per quinquennium in Italia substitisset, & eruditionis thesaurum acquisivisset, tempus monuit, ut patriæ usibus sese redderet; accepta itaque Patavii Doc- toris Medici dignitate, in patria sospes advenit, & pub- lica disputatione admirandæ suæ eruditionis specimen edidit. Amici, ne iterum alio tenderet, aureis catenis ligatum detinere studuerunt, præcipue *Bonif.* atque *Ba- sil. Amerbachii*, *J.C.* itemque *Joh. Huberus*, Medicus, qui procurarunt, ut *Valeriam Rüdin*, Lucæ Iselii vi- duam, quam tum forte ditissimus mercator ambibat, uxorem duceret. Pater nolens jure suo uti, filiæ fecit optionem, malletne cum mercatore laute & splendide vivere, an vero cum Doctore pulsem avenaceam for- bere; hæc autem Doctori manum dedit; tum enim ad- huc bonis literis suis constabat honos & pretium. Con- sentiente etiam patre, *Jacobo Rüdino*, Tribuno plebis, nuptiæ fuerunt celebratæ, atque *Zuingerus* ducta uxo- re dotata, jam ab aliis curis liberior, amplioribusque studiorum præsiidiis instructus, animum ad magna ere- xit. Ceterum conjugium hoc 8. liberis erat foecundum, filia *Christiana* primum *Wern. Hubero*, Med. Doct. & Ethic. Prof. dein *Mart. Chmielecio*, Med. Doct. & Prof. *Valeria* *Henr. Ryhinero*, Pharmacop. & *Dorothea Sam. Verzaschæ* Med. Doct. fuerat nupta; filius *Bonifacius* æt. a. 21. obiit Paduæ a. 1588. & *Jacobus* Med. Doct.

Ling. Gr. Prof. erat designatus, de quo suo loco dicitur. Curis ergo domesticis solutus Zuingerus, novo studio in literas incubuit, eo successu, ut nulla Philosophiæ fuerit pars, quam ille non & ingenio penetraverit, & iudicio accurato tractaverit, & singulari methodo resolverit. In Medicina nil fuit tam abstrusum, quod ille non planum fecerit, sive quis Galeni sequeretur artem, sive Paracelsi novitatem tueretur. Hoc a nonnullis vitio datum fuerat Zuingero, quod animum maximarum rerum capacissimum ad Theologiæ quoque studium adjunxerit, & falcem in alienam messem immiserit; quasi vero non cujuslibet esset Christiani, Scripturas scrutari, fideique atque spei rationem reddere, proximoque præluere non vita saltem sed & literis atque sermonibus. Interim Zuingerus academicæ juventuti eruditione sua commoda maxima adferendi varias occasiones obtinuit. Linguae Græcæ nempe Professor electus fuit a. 1565. dein a. 1571. philosophiam practicam s. Ethicam publice docere cœpit; utrumque præstitit magno discipulorum fructu & methodo singulari ac felici, vere enim erat διδάκτωρ, & exacte norat modum, quo ingenia varia ac diversa excitanda, alenda & acuenda sint. Denique a. 1580. ad Medicinam Theoreticam docendam fuit vocatus, quod diligentissime præstitit, nec tamen intermisit proporro omnis generis ægrotis consilio prodesse; nam natura erat facillimus, & citra personarum respectum tam summi quam imi subsellii hominibus suppetias ibat; ita quidem, ut praxis medica certo sensu plus ei obfuisse quam profuisse a nonnullis judicaretur; pauperibus nempe non tantum medicinam gratis faciebat, sed & beneficiis adfistebat lautioribus; pecunia atque pharmacis, quæ ipse parabat, chymicam artem callens atque exercens. In hospites etiam admodum erat liberalis, domique suæ plures excepit. Pietatis, quæ summa laus est, eximius erat cultor; conciones & preces publicas crebro frequentavit; privatim statim horis Scripturam S. aliosque libros theologicos cum domesticis legit, Scriptaque N. T. in textu græco assidue atque adtente in museo suo evoluit. Inter hæc pietatis atque muneris exercitia febre epidemica correptus mortem, quam sibi in diem a decubitu XI. prædixit, non tam passus, quam constanti ἀληθοφροσιν vitæ melioris adgressus est d. 10. Mart. a. 1588. elatusque est honorifice universo civitatis comitatu & planctu.

Edidit

Edidit *Nautileum somnium*, 1560. 4. *Tabulas & commentarium in artem medicinalem Galeni, ejusdemque librum de constitutione artis medicæ*. 1561. fol. *Theatrum vitæ humanæ* a 1565. 1571. 1586. 1596. & 1604. IV. T. fol. *Tab. in Aristotelis l. X. Eubicorum ad Nicomachum*, 1566. fol. & 1566. 4. *Leges Ordinis Medici Basiliensis*, Bas. 1570. fol. *Morum philosophiam poeticam*, 1575. 2. T. 8. *Methodum similitudinum*, 1575. 1595. & 1602. 8. *Methodum rusticam Catonis & Varronis præceptis aphoristicis per locos communes digestis*, 1576. 8. *Methodum apodemiam*, Bas. 1577. 4. & Argent. 1594. 4. *Tabulas in 22. commentarios Hippocratis, nec non sententias insignes Hippocrateas per locos communes digestas*, 1579. fol. *de historia*, eod. 8. *Argumenta, scholia & tabulas in l. X. Eubic. Aristot. ad Nicom.* 1582. fol. *Argumenta, scholia & tabulas in l. 8. Polit. Arist.* eod. fol. *Orationes gratulatorias*, Bas. 1586. 4. *Cygneam cantionem*, 1588. 4. *Analysin Psalmorum Davidis, symboli apostolici & orationis dominicæ*, 1599. fol. *Physiologiam medicam*, 1610. 8. *Eusebii, episcopi, opera tabulis illustrata, consilia & epistolas medicas*. Primum in lucem edidit a. 1563. Franc. Catanei Diacetii opera, cum præfatione, in qua suam in platonica atque aristotelica philosophia scientiam ex aquo probavit; etiam cum Scapulæ lexico edidit græcarum dialectorum hypotyposin, nec non aliquot consilia medica apud Scholsium, Han. 1611.

VI. PHILIPPUS SCHERB, natus a. 1555. Episcopiceللæ in Thurgovia Helvetiorum, patrem habuit Melchiorẽ Scherb, Philippi filium, Constantiensem, Episcopiceللæ a. 1550. civitatis jure donatum ibidemque Poligrammateum constitutum, matrem vero Annam Calbartiam. Puer, ad omnes res lepidior, tempestivius literis initiatus fuit a parentibus, easdemque tum in Italia, tum præsertim Basileæ fervidissime excoluit, eoque in philosophia atque arte medica fecit profectus, ut d. 6. Sept. 1580. insignia medica solenni cerimonia acceperit; publica oratione scrutatus, *utrum crystallinus humor primum visus sit organum, an aliqua in oculo pars?* Adeo etiam academice Basiliensis proceribus probata fuit ejus eruditio, ut ei non solum a. 1580. ordinariam Logicæ professionem, sed & a. 1581. vicariam professionis Organi Aristot. detulerint, quo ad a. 1583. fuerat functus. His non contenti a. 1584. ex cathedra Logica ad cathedram Philosophiæ moralis eundem transfulerunt, quod officium dextre egit ad a. 1586.

quo Altorfium, Philosophiæ & medicinæ docendæ sparsa ornatus, secessit, ubi etiam ad dies vitæ perstitit, licet ei a. 1588. a Basiliensibus professio Medicinæ Theoreticæ decreta, & a civitatis Magistratu amplius, quam solvi solebat, salarium oblatum fuerit. Altorfii Scherbius maximo cum fructu provinciæ suæ præfuit, & omni laude superiorem se præbuit doctorem. Graphice eum depinxit Casp. Hoffmann, ejus discipulus, in epist. dedic. thesium medicarum Scherbii his verbis: *Disperam, si ulla oratio adsequi potest summam ingenii acrimoniam, conjunctam cum judicio subactissimo. Adparet hoc ex thesibus ipsius: sed & ex lectionibus, quas hodie vocant, a discipulis exceptis. E quibus nisi quis subito agnoscit, non sapuisse illum vulgaria, sed ad cotem Aristotelis & Galeni exacuta: na ille parum salis in se habet. Has autem cum habebat, aut illas cum disputabat, quanta erat corporis dignitate, vocisque suavitatem! Tum vero quam pollebat *δυναμει*, quam illi dicunt *εμπνευστικη*. Nempe, tam erat utrobique perspicuus, & tam poterat irrepere in animos audientium, mistis opportunissime joci cum seriis, ut, qui Scherbium non intelligeret, nihil intelligeret. Utebatur etiam sermone, non exquisito illo, quem fastidiosi quidam Ciceroniani crepant; non etiam sordido illo, quem Barbari sectantur: sed (uno verbo) *διδακτικω*. Cum enim latinissime alias loqueretur, non respuebat terminos artis, ut adpellant. Factum hinc est, ut frequentissimum haberet auditorium, cum ventitarent ad illum etiam ex illo hominum genere, quod alias philosophos ex alto despiciunt, vel quia marsupium illi obolet, vel quia conversatio hæc indigna videtur esse genere & sanguine suo. Factum hinc etiam est, quod quidam eo proveci sunt amoris, ut quidvis notare vellent, atque etiam publici juris facere. — Quo magis veniam merebitur *ο μακαρις* noster, si in politicis, quæ edita sunt, non pauca sint, quæ a tali viro non expectes. Interea Scherbius nuptias celebravit Norimbergæ a. 1591. cum nobili virgine, Helena Rotenburgia, cum qua lætissimus vixit ad a. 1604. quo anno acerbissimo luctui ob eam sibi morte ademptam indulgit; nec minori luctu postea fuerat affectus ob filium unicum, non indoctum quidem, sed adeo prodigum atque degenerem, ut coactus fuerit excubito-rem diurnum agere ad portam. Parens vero, isto jam nomine satis miser, insuper erat hæreditarius podagricus, diuque*

diuque & multum conflictabatur cum hoc morbo, postremis præsertim vitæ annis; tametsi pristinum animi vigorem & academici inserviendi studium quodammodo retinuerit. Hujus testem adpellamus *Conr. Rittershusium* in epist. ad *Kirchmannum*, quæ exstat in *Gudianis* p. 238. ubi dicit: *D. Scherbius noster ex febre valde est debilis, ut metuat suæ ipse vitæ; quamquam ad mortem præsentem est animo, vel ideo, ut brevi sit cum conjugæ, quam præmisit.* — *Magnum lumen nobis exstinguitur; quamvis enim jam ab aliquot annis id morbi nebulis obscuratum quodammodo videri potuit, tamen domi adhuc splendebat, contractioribus quidem, sed tamen satis dilucidis & illustribus radiis.* Tandem post longam molestamque ægritudinem secuta est beata ejusdem analysis d. 11. Jul. 1605. de cujus morte *Piccartus* scripsit: *si cum Catone virtus etiam mortua recte dicebatur, cum Scherbio pietas, medicina, philosophia & virtus in cineres abibunt.* De faceto vero ejusdem ingenio insuper quædam ut commemoremus, id quidem ex variis ejus scriptis elucet, præcipue vero ex familiaribus ejus colloquiis atque epistolis, ex quibus nonnulla exempla adtulisse forsitan haud erit ingratum: De patria sua interrogatus joculari dictione ad *Helvetiam*, pecoribus præstantissimis abundantem, adludens sese *einen Küb-Melker* vocare consueverat. Singulare etiam illius exemplum præbet titulus alicui dissertationi præfixus, qui hic est: *De differentiis definitionum, ad quarum vel exotericam oppugnationem, vel acroamaticam expugnationem, Ph. Scherbius Prostates, & Conr. Albinus Hypostates, in XIII. d. Nov. omnium ordinum academicos Epistatas, Parastatas, comiter invitant, officiose vocant, amice provocant &c.* Etiam epistola aliqua ad amicum scripta idem ostendit, cujus hoc est argumentum: *Relabor ad jocum: an liceat baden ei, qui erysipellate laborat? Respondeo physice, metaphysice, & mathematice, imo ne dubites, medice, sed non feminine; licet, si non actu quis laboret, & valde licet, quia balneum aquæ dulcis (antegressa, aut purgatione, aut sanguinis missione) bilis fervorem temperat, hepatis quoque calorem mitigat. Sed obiicitur gravissima auctoritas femininarum? Resp. femina taceat, non solum in ecclesia, sed & in schola Galeni, excipio morbos muliebres. De his malo ego quoque coram tecum loqui, quam longius scribere. Heic homines nihil aliud loquuntur*

quantur quam Schopperitates. (adludit ad plausus, quibus a. 1590, Jac. Schopperus, Theol. Prof. & Antistes exceptus fuit.) *Liceat enim mihi (ut Ciceroni Lentulitatem & Appeitatem fingere licuit) in rebus quoque novis novum vocabulum fingere.* Sol, ut puto, propius ad nos accedet posthac, & pro Tannzapfen, melle, lacte, vino abundabimus! o fortunatos agricolas! utinam modo spes non sit somnium vigilantis. Bene vale, & concipe *Φρονιμα νεωκισον.* Tibi autem hoc soli. Vinum meum incipit prospicere ad metam; per occasionem queras velim, quid jam forum vinarium ferat, auctane pretia? wann ein gut Zeichen im Calender stehet zu kaufen? credo, wann einer Geld im Beutel hat &c. Æque autem promptum paratumque Scherbium ad seria proferenda, quam ad iocosa fuisse, tot ejus commentationes, medici pariter ac philosophici argumenti, sane perquam graves ac seriæ, luculenter ostendunt. Animi vero singularem moderationem ipse probavit in controversia, propter aristotelicam philosophiam, habita cum Ramistis; quorum quidam, Henningus Rememaunus, geminato magna protervitate scripto, Franc. 1595. edito, adoriens Scherbium, ab hoc, bonitate causæ suæ confiso, nequicquam responsi tulit. Nugas tamen & ineptias hominis pro merito confutavit, & ab iis tam Galenicæ medicinæ, quam peripateticæ familiæ, scholarumque Germaniæ dignitatem, tum etiam seorsim Scherbium, indigne tractatum vindicavit Andr. Libavius, peculiari schediafmatum medico philosophicorum, sale & pipere sat liberaliter conspersorum volumine, quod prodiit Francof. 1596.

Scripta ejus edita hæc fere sunt: *Δοξα e philosophia humana desumpta*, Bas. 1585. *de differentiis analytices & dialectices*, ib. eod. *Theses Medicae* Lipsi 1614. *Commentarius in Politicam Aristotelis*, ib. 1617. *Theses philos.* Helmst. 1619. *Theses philos. in unum corpus redacta*, n. 18. Amberg. 1603. Helmst. 1659. quæ editio tribus disputationibus auctior est. *Dissertatio pro philosophia peripatetica adversus Ramistas*; hæc exstat in Philosophia Altorfina per J. Paul. Fetswingerum edita, & de ea Morbosii in Polyh. p. 62. judicium hoc est: *Elegantissima est Scherbii disputatio pro philosophia peripatetica adversus Ramistas, adeo brevis, nervosa & elegans, neque sine flore eloquentia, ut vel vasto libro accuratius aliquid scribi non posset.* *Oratio de idoneo iudice earum controversiarum, quæ in artibus nasci solent, ex sententia Galeni*, a. 1592. primum edita, postmodum ea accessit ad eandem Philos.

Philos. Altorf. *Discursus politici in Aristotelis de Republica libros*, Francof. 1610. 8. *Theses medicae 19 collectae* & edita a Casp. Hofmanno, Lipsi. 1614. 8. ad calcem harum thesium accessit *examen Panaceae Amwaldinae*, habitum ad instantiam magnorum virorum a Phil. Scherbio. *Epistola ad Sigism. Schnitzerum*, exstat in *cista medica Job. Hornungi* p. 343. *Epistola ad Andr. Libavium* præfigitur hujus medico philosophicis schediasmatibus, Francof. 1596. 8. *præfatio epistolica ad Ernestum Sonerum*, in *Andrea Casalpini de Metallicis libros*, Norimb. 1602. editos. *Syloa medicamentorum compositorum per C. Hofmannum* Lipsi. 1617. 8. edita, ab aliis Scherbio, ab aliis alii, tribuitur. Diff. de morbis *colliquativis* a Scherbio conscripta lucem publicam nunquam vidit. Sed ejus liber de *natura politica* & *recta juvenum institutione* prodiit Francof. 1608. 8. *epistola Scherbii ad Theoph. Maderum* exstat in Cent. Epp. philolog. ex *Bibl. Goldasti*, Lipsi. 1674. 8. p. 334.

VII. JOH. NICOLAUS STUPANUS, magni Aristotelis atque Galeni felix interpres atque æmulus, natione fuit Rhætus, ex antiqua eaque nobili familia oriundus. Procreatus fuit Pontasini, superioris Engadini civitate a. 1542. d. 9. Dec. patre *Nicolao Stupano*, senatore atque judice, matre *Vrsina*. Majorum exemplo, quorum tres quatuorve summos Philosophos atque medicos numeravit, excitatus, itidem camœnarum amore captus a. 1557. Basiliensem earum sedem petiit, & publicum gymnasium frequentare coepit. Fato autem sinistro hic fuerat usus; cum enim hospiti convictus pretium aliquanto serius, quam speraverat, solveretur, is moræ impatiens Stupanium Gymnasio temere exemptum opificio sartorio adhibuit, studiisque valedicere jussit. Quam primum autem id rescivit *Barthol. Sylvius*, quem in patria fidum habuit præceptorem, multis redditus & denuo gymnasio fuit illatus. Triennio post ex pulvere scholastico in solem Academiæ perductus philosophicas artes atque disciplinas diligenter addidicit, inprimis *C. S. Curionis* institutione usus, eo successu, ut philosophica brabea, primam quidem lauream a. 1563., magisterii vero honores a. 1565. dignissimus acceperit. Majorum exempla imitaturus, postquam philosophica studia, inprimis linguæ latinæ atque græcæ cognitionem, fundamenti loco posuisset, studium medicum feliciter est exorsus, summaque diligentia, quam ei adhibuit, tantos in eo

O 4

fecit

fecit progressus, ut non solum a. 1569. summos in Medicina honores obtineret, sed & Academia, perspecta omnigena & singulari ejus eruditione, variis professionibus obeundis ipsius operam deposceret. Etenim d. 1. Febr. 1571. ad Logicam docendam a senatu acad. rite fuit vocatus, cui muneri dextre satis supra quadriennium præfuit; hinc d. 10. Oct. 1575. ad professionem Organi aristot. traductus eandem pari ornamento atque emolumento administravit, donec d. 24. Febr. a. 1589. superiorum jussu Medicinam Theoreticam profiteri cœpit; in hoc munere ob malevolorum nonnullorum senatorum calumnias, *Cassp. Baubinum*, in illud intrudere cogitantium, quod vero Bauhinus minime adprobabat, demum d. 30. Jun. a Senatu fuit confirmatus. Theoretico autem huic studio Stupanus totum se dedit adeo, ut ejus fastigium supremum conscenderit. Ipsius etiam fama pellecti mystæ apollinei undique adcurrerant, eumque magno cum fructu audiebant. Præterea studio tenebatur disciplinarum mathematicarum, quarum callentissimum fuisse scripta publica testantur. Continuis tandem atque gravissimis laboribus frangi cœpit, unde ad tempus filio *Emanueli*, ne quid publico decederet, vires subeundas, adprobante senatu acad. commisit usque ad a. 1620. quo exhibitis literis supplicibus, quibus petiit, ut ob tot annorum merita & senectutis infirmitates filius iste a sexennio vicarius sibi in Professione medica successor constitueretur, desideriis ejus satisfactum, filiusque Emanuel d. 26. Febr. ipsi fuit successus, sicque vivi parentis hæreditatem filius adiit. Ipse vero senectutis sarcina pressus anno sequente, qui fuit 1621. d. 11. Aug. diem suum obiit. Ceterum conjugium iniit geminum, alterum cum *Regula Frey*, unica, alterum cum *Catharina Iselin*, duodena prole fœcundum.

Scripta ejus sunt sequentia: Oratio de Coelii Secundi Curionis vita ac obitu, Bas. 1570. 4. *Pandulphi Collenutii historia Neapolitana* l. VI. latine translata a Nic. Stupano, Bas. 1572. 4. forsitan est idem opus, quod infra sub nomine *Collectionis hist. Neap.* occurrit. *De Holometri fabrica & usu, instrumento geometrico ab Abele Fulvio invento*, & Stupani opera sermone latino explicato, Bas. 1577. fol. *Novum Galeni theatrum*, ib. *theses de morbo ejusque differentiis in genere*, ib. 1592. *theses de symptomatibus*, ib. eod. *theses de vera & genuina cerebri structura*, Bas. 1594. 4. *theses de variolis & morbillis*,

morbilis, ib. 1596. *medicina theorica in theses contracta*, 1614. *Bina epistola medica*. Ex italico in latinum tranſtulit *Patricii dialogos de legenda ſcribendaque hiſtoria ratione*, 1570. 8. *Collectionem hiſtoriae Neapolitanae* l. 6. ib. 1572. 4. *Alexandri Piccolomini de ſphæra* l. 6. Baſ. 1588. 4. Ejusdem *compendium de ſtellis fixis*, & de magnitudine terræ & aquæ. *Job. Petri Contareni hiſtoriam de bello Veneto a Scilimo* 2. illato, Baſ. 1573. 4. *Nic. Machiavelli de principibus & diſcurſus de Republica*. Baſ. 1580. 8. *Petri Pitati opus de ortu & occaſu ſtellarum fixarum* revidit & caſtigavit, Baſ. 1568. 4.

VIII. EMANUEL STUPANUS parentibus natus optimis d. 13. Dec. a. 1587. patrem quidem habuit *Job. Nicolaum Stupanum*, Med. Doct. ac Theoret. Profefſorem, matrem vero *Catharinam Iſelin*, qui ipſum bonis literis cura non minus quam voto confecrarunt. Abſoluto curſu Gymnaſii a. 1603. in ſtudioſorum philoſophiæ numerum fuit adlectus; ſequenti anno Genevam miſſus non ſolum linguam gallicam ſed & ſtudioſum philoſophicum adeo diligenter excoluit, ut a. 1607. Baſileam redux primum privatim Baccalaureus & paulo poſt A. L. M. publice fuerit renunciatus. Ex hoc tempore non modo voluntate parentis ſed & proprio incitante genio, paterna lecturus veſtigia, Medicinæ operam dedit, uſus non tantum privata atque publica parentis optimi, verum & clariff. ejusdem collegarum, *Casp. Bauhini*, & *Fel. Plateri* fida inſtitutione, quibus tam præclaris adjumentis, accedente indefeſſa induſtria tantum profecit, ut poſt peregrinationem in Italiam ſuſceptam 4. Non. Nov. a. 1617. inſignia Doctoris medici magno ſuo merito fuerit confeſcutus. Uti philoſophiæ & utrique philologiæ, græcæ & latinæ, juxta ſtudioſum medicum, operam haud vulgarem impendit, ita omnigenæ eruditionis ſuæ varia & egregia edidit pro temporum occasione ſpecimina, trium profefſorum philoſophiæ ſucceſſive vices ſuſtinens, a. 1611. *Jac. Zwingeri*, Græci, itemque *Henr. Juſti*, organi ariſtot. Profefſoris, & a. 1614. *Frid. Caſtellionis*, Rhetoris. Quantum & in Medicina valeat, oſtendit publice, cum parenti ſeni ac debili opera ſua adſtitit, ejusque cathedram vicario nomine, primum privata voluntate parentis ab a. 1614. dein publica ſenatus acad. auctoritate ab a. 1617. conſcendit. Qua promta officiorum ſuorum exhibitione,

hibitione, magnoque per eam in academicam juventutem collato commodo ita se senatui acad. commendavit, ut, petente id parente, d. 26. Febr. 1620. ejus successor fuerit constitutus; quam provinciam d. 28. Mart. 1620. præloquio de *fraudibus Paracelsistarum* adiit, laudabilique diligentia administravit, magna Hippocratis & Galeni nomina, ut par est, inprimis veneratus, in quibus quicquid est præcipuum vasta, qua pollebat, memoria est complexus, sic ut, ubi opus, vel ipsissimis eorum verbis non minus græce quam latine, prolixè & ad stuporem responderet. Præterea non publicis modo exercitiis, legendo, disputando, sed & privatis institutionibus, dum ætas viresque permittebant, sedulus & fidus vacavit, inde nomen & apud externos fortitus. Muneribus ac dignitatibus acad. cunctis sæpe riteque est defunctus; ordinis sui decurio XII. Rector III. Uxorem duxit *Juditham Zernlin* 10. Cal. Febr. a. 1617. ex qua 14. suscepit liberos. Sefquianno ante obitum in via ad concionem & synaxin sacram lapsus est passus, ut a publico abstinere necesse haberet. Omnibus curis mundanis in uxorem & primogenitum devolutis, supernis unice fuit intentus, quæ patienti desiderio expectavit & ad 4. Cal. Mart. a. 1664. est fortitus.

Edidit *Aphorismorum Hippocratis enarrationes* & *commentaria aphor.* 1615. 8. *Leonb. Fuchsi Institutionum med.* 1. V. correctiores & auctiores edidit Bas. 1618. 8. *præloquium in professionem medicam pro Hippocratis Medicina*, 4. *orationem de vita* & *obitu Casp. Baubini*, ib. 1625. 4. *Lexicon medicum Græco lat. a Barthol. Castello inchoatum*, ab ipso vero illustratum atque perfectum 1628. 8. *J. Riolani systema artis medicinalis Theor. & Pract.* nova forma adornavit, emendavit & indice auxit, 1629. 8. Ejusd. libr. *de ratione curandorum morborum* correxit & locupletavit, eod. 8.

IX. HIERONYMUS BAUHIN primam diem habuit 4. Cal. Mart. a. 1637. genitores vero *Joh. Casparum Bauhin*, Med. Doct. & Practicæ Professore, & *Barbaram Bitton*. Huic benigniori nascendi forti in prima ætate accessit sollicita & prudens parentum cura, qui eum non modo domi erudierunt, sed & præceptoribus publicis erudiendum tradiderunt, quorum ductu virtutis & literarum elementa ipse assiduus auditor probe percepit, & a. 1650. ex gymnasii pomœriis in Academiæ castra transivit.

transiit. Hic sub signis philosophorum strenue militavit, præterque reliquas artes atque scientias inprimis Dialecticam, linguam græcam atque philosophiam naturalem, disciplinas futuro medico præsertim utiles atque necessarias, diligenter excoluit. Exacto autem triennio studio philosophico destinato a. 1653. d. 26. Jul. titulo Philosophiæ Doctoris ornatus Medicorum scholam intravit, & sub auspiciis *Em. Stupani, Jac. a Brunn* & præsertim optimi parentis ex veterum Medicorum Hippocratis & Galeni fontibus, laudabili majorum exemplo, medendi artem didicit, nec prius in neotericorum scriptis vagandum censuit, quam ex horum medicinæ principum placitis solida fundamenta posuisset. Omnes licet Medicinæ partes excussisset, sibi que familiares reddidisset, præ ceteris tamen studio Botanico delectatus legitur, qua herbarum peritia & commilitonibus suis magno eorum emolumento prævit. Postquam autem integrum quinquennium in studium medicum impendisset, animumque eximia rerum medicarum scientia imbuisset, superatis cum laude consuetis speciminibus, d. 3. Aug. a. 1658. Doctoris medici titulo fuit condecoratus. Cum jam ea esset continentia judicii que maturitate, ut vitia hujus seculi cavere, & quæ studiis honestisque moribus plenius efformandis apta feligere posset, in Italiam fuit missus, Patavii primum subsistens, ubi exercitia medica, inprimis anatomica, frequentavit, & a celeberrimis viris, *Frisimelica, Molineto, Marqueto, Ferrario, Rhodio, Offredo* aliisque proluxa favoris officia accepit. Patavio valere jussu Romam, Bononiam, Florentiam, aliasque ejus regionis civitates salutavit, non tam ædificiorum splendorem stupens, quam eruditorum virorum amicitiam quærens. Basileam cum rediit, patrem in cadaveris foeminei dissectione occupatum invenit, cujus ad ducem Wurtembergicum Montisbelgardi ægrotantem vocati atque profecti statim vices obiit, illamque dissectionem dextre perfecit. Hisce peractis & Galliam visitavit, Lugduni præcipue commoratus atque Lutetiæ, ubi *Patino, Mentelio, Sponio* quin & illustrissimo Domino *Caumartin*, regis olim ad Helvetios legato familiariter usus & ab isto perquam hospitaliter exceptus fuit. Domum cum petiit, & aliis, quæ magno labore atque sumtu comparaverat, communicare, praxinque medicam exercere cœpit, idque celerissime

herrime atque felicissime. Studia etiam philosophica continuavit, ejusque specimen publicum edidit vacante cathedra Logica, de *Syllogismo* disputationem defendens d. 22. Apr. 1659. Sed majoribus erat destinatus, quæ mox fuere insecuta. Non tantum nempe rex christianissimus eadem quæ patrem complexus est gratia filium, huicque diploma misit, quo erat sancitum, ut consiliarius atque medicus regius post fata parentis existeret, quæ vero res inverso factorum ordine ceciderat; sed & Academiæ Bas. senatus d. 31. Aug. a. 1660. communibus suffragiis professionem Anat. & Botanicam ei decrevit, quam duplicem spartam, in locum laudemque parentis succedens, maximo cum fructu administravit, donec d. 17. Oct. a. 1664. ad medicinam theoreticam docendam fuit vocatus, quam provinciam non minori fide atque industria obiit. Negotiis quam plurimis atque gravissimis obrutus adjutricem quæsitit atque invenit optimam, *Annam Fesck*, quæ sancto vinculo ei juncta fuit mense Martio a. 1664. & ex qua duos filios suscepit, *Joh. Casparum* & *Joh. Ludovicum*, ille moriente patre 18. menses natus, deinceps Medicinæ operam dedit, quam Montisbelgardi apud ducem Wurtembergicum, cujus medicus erat atque consiliarius, diligenter exercuit, & d. 19. Mart. a. 1705. diem suum obiit; hic vero 18. hebdomadas natus, cum pater morte defungeretur, studia dein juridica fuit prosecutus & J. V. L. atque Reip. nostræ Senator, antea etiam prætor, obiit a. 1735. Sed felicitas Bauhini nostri in terris fuerat brevissima; morbo hungarico enim correptus d. 23. Jan. a. 1667. vitam hanc clausit, ad cœlestem atque perennem felicitatem translatus.

Edidit *Tabernamontani librum de re herbaria*, multis aditamentis auctiorem, quam olim ab avo, Casparo Bauhino, fuerat editus, Bas. 1664. fol. diff. *de peripneumonia*, 1658. *Prolegomena medica in succinctas theses redacta*, 1665. 4. *theses medicas de peste*, Bas. 4.

X. JOH. RODOLPHUS BURCARD, Medicinæ Doctor, a cathedra Anat. & Bot. ad cathedram Medicinæ Theoreticæ fuit vocatus d. 30. Sept. a. 1667. eamque occupavit, donec d. 29. Dec. a. 1685. ad docendam Medicinam Practicam transferretur. V. Prof. Med. Pract. n. 9.

XI.

XI. JACOBUS ROTH, Med. Doctor ex cathedra Anat. & Bot. in cathedram Medicinæ Theoret. fuit translatus d. 29. Dec. a. 1685. eamque possedit ad d. 18. Febr. a. 1687. ad Medicinæ Pract. professionem promotus. V. Prof. Med. Pract. n. 10.

XII. NICOLAUS EGLINGER, Med. Doctor, prius Anat. & Bot. Professor, Theoretices Professor fuit designatus d. 18. Febr. a. 1687. hancque spartam ornavit, dum d. 10. Jun. a. 1703. Medicinæ Pract. professionem obtinuit. V. Prof. Med. Pract. n. 11.

XIII. JOH. JACOBUS HARDER lucem ortumque vitalem accepit d. 7. Sept. a. 1656. debuitque post Deum parentibus, *Joh. Comr. Harder*, Archigrammateo atque Scholarchæ, post senatori atque Reip. Quæstori & *Annæ Mariæ Gemusæus*. Absoluto penso scholastico a. 1668. philosophorum institutioni traditus pro ingenii felicitate atque multa, quam adhibuit, diligentia eo est progressus, ut a. 1670. unam, & a. 1671. alteram lauream philos. reportarit. Hisce scientiis atque titulis ornatus ad magis realia se convertit, & studium Medicinæ elegit, quod omnibus velis egit remisque, indefessam in Anatomiam, Botanicam atque universam medendi artem impendens assiduitatem. Aucturus apud exteros scientiam Genevam, Lugdunum atque Lutetiam Parisiorum abiit, hic per annum fere substitit, & Anatomix præsertim atque Chirurgiæ diligentem operam navavit. A. 1675. in patriam reversus statim d. 9. Jun. dissertationem *de animâ sentiente* edidit ac defendit, vacantem professionem Physices ambiens. Sequenti anno 1676. consuetis editis speciminibus d. 10. Cal. Jun. summos in Medicina honores fuit adsecutus. Ab isto tempore male adfectis ægrotantibus solatio atque auxilio esse studuit, itemque philosophiæ cultoribus opera sua profuit. Mox vero amplior campus ei fuit apertus, occasioque data, eruditionem suam insignem declarandi atque ea studiosorum conatus promovendi. Die nempe 19. Febr. 1678. Rhetorica & d. 5. Jan. 1686. Physica professio ei fuit delata, quam utramque diligenter administravit, donec ad altiora fuit evectus, quod factum, cum d. 18. Febr. 1687. Anatomix & Botanicæ, & denique d. 10. Jun. a. 1703. Theoreticæ Medicinæ Professor

Professor constitueretur. In majoribus peragendis non minorem fidem adhibuit atque sedulitatem quam in minoribus, quin se ipsum superare & magis magisque proximo servire continuo contendit. Nec intra paterna mœnia fama ejus substitit, sed longe lateque fuit diffusa, ejus consilia medica etiam a principibus viris avidè atque frequenter expetita, honoresque in eum undique fuere effusi. Jam a. 1681. in academiam S. R. Imp. Naturæ Curiosorum sub nomine *Pæonis* receptus, ejusdemque Præsidis *Adjunctus* a. 1689. fuit designatus. A. 1682. a Marchione Bada-Durlacensi Medicus familiaris, a. 1684. Physicus provincialis & a. 1707. consiliarius intimus fuit constitutus. Archiatrum suum a. 1699. dux Wurtembergicus, a. 1700. præfectus Altschhausenensis, a. 1701. comites Leiningenses, a. 1705. comes Hassiæ Cassell. nec non dux Holsatiæ atque comes Hanoviensis ipsum denominarunt honorifice, lautisque præmiis adfecerunt; præterea a. 1683. in academiam *Recuperatorum* cooptatus & denique a. 1694. ab Imperatore Leopoldo I. Comes Palatinus Cæsareus creatus & amplissimis privilegiis fuit donatus. Vitæ sociam sibi adlegit junxitque d. 23. Oct. a. 1679. *Barbaram Burcard*, sedecim liberorum ex ipso factam matrem, ex quibus duo tantum filii filiæque quinque eum luxerunt, in illis fuit *Joh. Rodolphus*, Phil. & Med. Doctor. Vitam ipse explevit d. 28. Apr. a. 1711. febris peripneumonica intra sex dierum spatium extinctus.

Libri ejus editi sunt: *Επιχειρησις physiologica in anima humana seu intellectiva naturam inquirens*, Bas. 1671. 4. diff. de *lithero nigro*, ib. 1673. 4. diff. de *Asthmate*, Bas. 1676. 4. diff. de *nostalgia* (*Heimwebe*) 1678. *prodromus physiologicus naturam explicans humorum nutritioni & generationi dicatarum*, 1679. 8. *Examen anatomicum cochleæ terrestris domiporæ*, ib. eod. 8. *Pæonis & Pythagoræ exercitationes anatomica & medica* bis 50. 1684. 8. *Epistola aliquot de partibus genitalibus cochlearum, generatione item insectorum ex ovo ad Ant. Fel. Marsilium & Luc. Sebræckium*, Aug. Vind. 1684. 8. diff. *viscerum præcipuorum structuram & usum adumbrans*, Bas. 1686. 4. *Thesaurus observationum medicarum*, 1736. fol. *Apiarium*, observationibus medicis centum & physicis experimentis refertum, ib. 1687. 8. In *Ephemeridibus Acad. Nat. Cur. de puella rene dextro cum succenturiato carente*, 1682. *de rupicaprarum interaneis & Agagropyliis: de Mola generatione & differentiis*, 1683. de *noxiiis*

noxiis cicutis terrestr. 1684. de viperarum morfu & anatome muris alpini, 1685. de mingendi difficultate cum urina purulenta. 1687. Glandula ventriculi scirrboſa cum pylori & pancreatis scirrbo inſigni: Enterocoele ex inteſtini coli prolapſu: de corpusculis in duodeno conſpicuis: de dysſenteria poſt febrem continuam malignam: anatome erinacei terreſtris. Meſenterii tumor in cervo, 1688. Sinus frontalis in vitulo: polypus Gelatina ſimilis: Lien magnus: cor & pericordium monſtroſa: de glande ſclopeto emiſſa pulmonis lobum alterum cum œſophago perforante, cui natura ſelicem medelam paravit, 1690. de glandulis inteſtini duodeni, 1693. de polypo cordis portentoso: de motibus epilepticis in prinipara: de motibus convulſivis alternis diebus recurrentibus: de ſuore albo mulierum ſeu lymphæ varii coloris e naturalibus copioſe fluente: de muliere vermicoma: de puella novenni prægnante, & de uovula deſecta, 1694. de funeſta uteri ruptura ipſo partus tempore, 1697. In Ephemeridibus Germanicis: Conſtitutiones epidemica Baſilienſes, a. 1699. 1701. & 1702.

XIV. THEODORUS ZUINGER, antea Anat. & Botan. Profeſſor, ad Profeſſionem Medicinæ Theoreticæ fuit evectus d. 26. Maj. a. 1711., quam vero non eſt adgreſſus, ad Profeſſionem Medicinæ Practicæ d. 15. Sept. a. 1711. vocatus. V. Prof. Med. Pract. n. 12.

XV. EMANUEL KOENIG exorſus eſt hanc vitam d. 1. Nov. a. 1658. parentibus uſus *Eman. Kenig*, typographo & *Anna Cathar. Scharf*. Inter libros natus & educatus incredibili librorum flagrabat ſtudio, eorumque lectione quam maxime delectabatur. Hoc obſervantes pii parentes, puerique ingenium feliciffimum animadvertentes, deſideriis ejus adnuerunt, miſiſque eum conſecrarunt. Exacto feliciter a. 1674. Gymnaſii penſo, curſuque philoſophico dimidia ex parte abſoluto, a. 1675. primos in philoſophia honores, quos Lauream adpellare mos eſt, obtinuit, cumque & altera curricula philoſophici parte laudabiliter fuit deſunctus, a. 1677. honores & dignitates Magiſterii ſeu docturæ philoſophicæ ceu teſtimonia præmiaque laborum accepit. Ad Medicinam animum adplicans omnibus viribus in medendi ſtudio incubuit, nocturniſque impalleſcens Hippocratis, Galeni ſuique ævi Æſculapiorum chartis, tantam in hac ſaluberrima arte ſibi comparavit notitiam, ut jam d. 31. Oct. a. 1682. ob ſtrenue navatam operam doctoratus medici gradum, dignitatem atque privilegia obtineret.

ret. Sequenti abhinc anno peritiam medicam domi acquisitam apud exteros insigniorem reddere statuit, & iter literarium in Galliam atque Italiam instituit. Genævæ a *Theoph. Bonneto*, Lugduni *Sponii* patre ac filio, Montispeffuli *Petro Magnoto*, *Barbeyracio*, *Chiraco* & *Vieussenio*, Florentiæ a *Redio* & *Bellino*, Bononiæ a *Malpighio*, Patavii a *Dominico de Marchettis* & *Car. Patino*, qui filiam suam ei uxorem obtulerat, quem favorem vero deprecatus erat, aliisque viris primi ordinis comiter exceptus magnoque honore habitus fuit. Comparata cum præstantissimis Galliæ atque Italiæ Medicis, Anatomicis atque Botanicis amicitia, captaque ex eorum consuetudine insigni utilitate ac in rebus medicis peritia, exteris quidem regionibus valedixit, sed veterem usum cum exteris eruditis sancte atque constanter servavit, & non solum cum plerisque modo nominatorum sed & cum *J. J. Wepfero*, *Tob. Hollandero*, *Conr. Peyero*, *Car. Drelincourtio*, *Bohnio*, *Schræckio* & *Wedelio* commercium literarium habuit & diligenter exercuit. Amicitia etiam, quæ inter *Wedelium* & *Koenigium* intercesserat, effecit, ut *Koenigius* a. 1682. a præfide Academiæ Nat. Cur. *Leopoldinæ*, *Mich. Febrio*, ejusdem academiæ socius, sub nomine *Avicennæ*, denominaretur. Patriæ jam eruditione sua variis modis prodesse contendit, & in cathedra docendo & ægrotos visitando. Primo quidem d. 19. Dec. a. 1695. Professio Linguae Græcæ & d. 18. Dec. a. 1703. Professio Physicæ ei fuit demandata. Hac provincia bene administrata, alia ei fuit commissa, nempe professio Medicinæ Theoreticæ, quæ ei fuit decreta d. 15. Dec. a. 1711. quamque d. 8. Febr. *Salomoni* sacra a. 1712. lectione *de Medicina Regis Salomonis philosophiæ Chaldaeorum* & *sanguinis circulationi innixa ex Ecclesiast.* 12. solenniter fuit auspiciatus. Ex *Ursula Weifs*, uxore, præter sex alios liberos, sustulit filium *Emanuellem*, Med. D. & Prof. de quo mox dicetur. His omnibus pie atque feliciter peractis, podagra excruciatu, terræ valedixit d. 30. Jul. a. 1731.

Scripta ejus sunt sequentia: *diff. de adfectibus*, 1677. *diff. de regno animali*, 1682. *Regnum vegetabile*, 1680. 1688. ejus T. 2. 1696. ambo tomi 1708. 4. *Regnum animale*, 1682. 1708. 4. *Regnum minerale*, 1686. 1703. 4. *Logica inutilis Helmontiana tripes*, 1686. 4. *Pyramis logica*, 1689. *Scholia*

Scholia in observationes chirurgicas & medicas Job. Muralti, 1691. 8. *Cbymia physica circa corporum naturalem & artificialem statum*, 1693. 4. *aureus thesaurus medicamentorum novorum &c. germ.* 1703. 1723. 8. *Spicilegium botan. & anat.* 1703. *Georgica belvetica curiosa*, germ. 1705. 8. *Exercitatio medica curiosa, vere curiosa, de eo quod summum est in medicina*, 1711. In *Miscellaneis & Ephemeridibus Nat. Cur.* a. 1682. *Cerebrum pomi magnitudine e cranio carcinomate exeso protuberans*, obsl. 167. *Morsus lupi rabidi talismate Saturniño sanati*, obsl. 168. *Radix Carolina vis defatigans*, obsl. 169. a. 1684. *Alimentorum assumentorum cita per vomitum ejectio*, obsl. 94. *Ileosus in agone mortis Celotomia restitutus*, obsl. 95. *Insomnium de apris, ex rasura dentis aprî præscriptione*, obsl. 96. a. 1685. *de fragaria botryformi uno petiolo novem fraga gerente*, obsl. 30. *de cerasis botryformibus*, obsl. 31. *de stridoris seu cantus Gryllorum organo*, obsl. 32. *de motu cordis post abscissos omnes nervos spiritus, ipsi communicantes per 42. horas persistente*, obsl. 33. *de noctua anatome, ejusque mira oculorum fabrica*, obsl. 34. a. 1686. *Empyema thoracis caseosum*, obsl. 98. *alexipharmaea lumbricos necantia*, obsl. 99. *Sanguis tertianarii venenosus*, obsl. 100. *Lupi piscis & mugilis ventriculi conformatio*, obsl. 101. *decoctum febrifugum certissimum*, obsl. 102. a. 1687. *Amuletum e cranio hominis violenta morte extincti, adversus atrophiam paralyticorum*, obsl. 37. *Pomum belleboratum certum remedium adversus contumacissimam febrem quartanam*, obsl. 38. *Post nucleî cerasi crusta lapidea obducti e pectore excretionem rejuvenescentia*, obsl. 39. a. 1688. *de vitrificatione metallorum*, obsl. 66. a. 1689. *de Glossopetris in Helvetia repertis*, obsl. 143. *de iride solari in planitie terra figura hyperbolica conspecta*, obsl. 144. *Gemelli sibi invicem adnati feliciter separati*, obsl. 145. *de modo exaltationis metallorum*, obsl. 146. a. 1690. *Vlcus fistulosum ani sanatum*, obsl. 128. *homo caudatus*, obsl. 129. *phantasia depravata periodica*, obsl. 130. *Vesicatoriorum in febre maligna abusus*, obsl. 131. *signorum cælestium certis corporis partibus dominantium veritas*, obsl. 132. *hydrops post febrem malignam sanatus*, obsl. 133. *epistola de elixire Sophorum*, obsl. 150. a. 1691. *Urina non nisi emulgendo per urethram redita*, obsl. 113. *Processus cornuformis digiti longitudine e pollice pedis enascens*, obsl. 114. *nova radices exoticae Hipecocanna dicta, virtus antidynterica*, obsl. 115. *Calculus sub lingua excisus*, obsl. 116. *apostema hepatis diarrhœa sanatum*, obsl. 117. a. 1693. *de Topico antiquartio Helmontiano*, obsl. 148. *de spiritu Bezoardico Dn. D. Buffi*, obsl. 149. *de radice & herba Caryophyllata v. opthbalmica*, obsl. 150. *de Antibhydropico Helmontiano v. ro*, obsl. 151. a. 1694. *de rana piscatricis anatome*, obsl. 139. a. 1697. &

1698. *de tinctura corallorum veriore*, obs. 140. *de tinctura antimonii veriore*, obs. 141. In Ephemeridum Centuria III. *Vera & philosophica auri diaphoretici Poteriani præparatio*, obs. 52.

XVI. JOH. RODOLPHUS MIEG primordia hujus vitæ cepit d. 3. Jul. a. 1694. Studiis puer, perspecta ejus bona indole atque ingenii velocitate, mature a parentibus fuit dicatus, atque Gymnasii præceptoribus erudiendus missus. Perceptis primis literarum elementis, atque ad academica studia tractanda animo satis præparato, a. 1707. ad lectiones publicas, biennio post ad gradum primæ Laureæ & a. 1711. ad Magisterii dignitatem magna cum laude fuit promotus. Rite posito sublimiorum scientiarum omnium fundamento, sana philosophia, studio Medico se devovit, & illi totus vacavit. Contigit ei adeo esse felici, ut non publica saltem sed & privata institutione frueretur viri in arte Medica summi, *Theod. Zuingeri*, avunculi sui optimi, quo duce plurimum in hac arte progressus sub ejusdem præsidio eruditam dissertationem *de plantis Nasturcinis* publice cum laude defendit. Auctore atque suafore eodem avunculo inprimis Anatomix atque Chirurgix operam dedit, hancque Medicinæ partem scitu maxime necessariam magis exculturus mense Decembri a. 1714. Argentoratum est profectus, ubi *Scheidium*, *Hemmingerus*, *Saltzmanum*, *Bæclerum* aliosque diligenter audiuit, anatomicis demonstrationibus atque chirurgicis in nosodochio susceptis operationibus frequens interfuit, nec non varias sectiones atque operationes ipse peregit. Heidelbergam dein perrexit, & clariss. *Nebelii* fuit auditor; hinc Argentoratum pristinumque studium repetiit. Ineunte a. 1716. domum rediit, mox vero Tigurum atque Scaphusium, itemque tertia vice Argentoratum visit atque revisit. Per Burgundiam atque Lotharingiam in patriam redux tentaminibus atque examini-bus Medicorum sese subjecit, iisque nec non publica disputatione feliciter superatis d. 16. Apr. an. 1716. summos in arte apollinea nactus est honores. Quæ magno labore atque sumtu ipse didicit, jam alios docere incepit, collegia privata melampodis filiis aperiens; nec non ægrotis auxilio esse morbosque propulsare studiosè laboravit. Anno 1721. d. 3. Oct. pro cathedra Anat. & Bot. & d. 4. Mart. 1722. pro cathedra

thedra Logica specimen edidit disputatorium; a. 1724. pro obtinenda professione Anat. & Bot. iterum disputavit eandemque d. 19. Dec. obtinuit. Eam autem auspicatus est d. 22. Jan. a. 1725. oratione inaugurali *de usu Anatomies in Medicina atque Chirurgia*. Diligentia etiam atque eruditio, quam in secundo C. H. monstravit, amplius civitatis Magistratum commovit, plura, quam hactenus factum erat, cadavera theatro anat. permit-
tendi, hybernumque auditorium Med. restaurandi, quo nomine Miegius oratione publica, sic volente Ordine Medico, Magistratui gratias egit solennes. Ipsius anno 1728. ægrotantis vices egit *Albr. de Haller*, quem d. 12. Dec. 1777. humanis ereptum tota luxit Europa. Ab ista vero cathedra Miegius transiit ad professionem Medicinæ Theoret. d. 13. Sept. a. 1731. cui, licet a. 1732. professio Medica Herbornensis amplis conditionibus ei fuisset oblata, ad finem vitæ diligentissimus vacavit. Eodem anno 1732. Archiater Nassoviensis honorifice fuit denominatus. D. 25. Apr. 1720. uxorem duxit *Elisabetham Bischoff*, Christophori, senatoris, filiam, quæ ipsi tres filios, totidemque filias peperit; illos creatori reddidit, has sibi superstites habuit. Ipse vero uxori, filiabus, necessariis, mundo valedixit d. 7. Mart. a. 1733.

Edidit a. 1725. orationem panegyricam in obitum *Theod. Zuingeri*, Medici, nec non diss. *de mundo*, 1710. diss. *de Nasturcinarum plantarum structura*, viribus & usu in vitâ humana salubri, 1714. examen theoretico practicum medicum plantarum nasturcinarum, eod. theses medicas, eod. theses medicas, 1721. theses philos. misc. 1722. theses medicas, 1724. theses anatomicas, 1726.

XVII. EMANUEL KOENIG, Med. Doct. & Theor. ces Professor, rudimenta lucis accepit d. 14. Oct. an. 1698. pater ipsi fuit *Eman. Koenig*, itidem Med. Doct. & Theor. Professor, mater vero *Vrsula Weiss*. Cum vivaci, veloci atque docili fuit ingenio, eum literis probe imbuendum una mente & voce decreverunt parentes. Ludo itaque literario fuit immixtus, isque, quæ ibi tradi solent, rite perceptis, ex umbra prodiit in lucem, academici civibus a. 1710. adscriptus. Neocomum linguæ gallicæ addiscendæ ergo eodem anno profectus præter linguam gallicam & græcam atque latinam ulterius fuit profectus, optimosque auctores legendo & stilum for-

mavit & historicarum atque philosophicarum rerum acquisivit peritiam. Reversus domum studia philosophica diligenter tractavit atque continuavit, ut a. 1712. ad gradum primæ Laureæ & a. 1714. ad gradum Magisterii pro jure atque merito fuerit promotus. Medicinæ jam ex professo, vestigia paterna secuturus, diligenter operam dedit, sedula atque fidissima parentis optimi opera usus, & in ista humano generi saluberrima arte tam cito profecit, ut post solennia tentamina atque examina, itemque publicam disputationem de *stimulis vilorum corporis humani*, jam d. 13. Jul. a. 1718. Medicinæ Doctor fuerit creatus. Amplam scientiam ampliorem redditurus ad Batavos fuit profectus, & Lugduni præsertim moratus magnum *Boerhaviu*m cum fructu audivit. Hinc Lutetiam Parisiorum abiit, Anatomix præcipue causa, & demonstrationibus anat. itemque chirurgicis operationibus in nosodochio frequens atque adtentus interfuit. Patriæ redditus insigni eruditione sua non tam Medicinam exercendo quam docendo eidem prodesse studuit. Ut enim magna sanctitate omnia gerebat, ita circa vitam hominis, qua nihil in terris pretiosius homini datum est, paulo erat scrupulosior, veritus, ne aliquo modo detrimentum ei inferret; ut adeo paucissimi ejus consiliis optimis fuerint usi. Eo autem erat avidior, privatim atque publice Medicinæ studiosos informandi, Medicosque optimos fingendi. Academix etiam operam suam aliquoties obtulit, sed per sortem iniquam aliquamdiu ea fuit repudiata. Nempe a. 1721. pro Anatomia, a. 1722. pro Logica, a. 1724. iterum pro Anatomia, a. 1727. pro Physica atque Philosophia morali disputavit. Sed hæc omnia frustraneo conatu. Nondum tamen deterritus post fata parentis denuo specimina edidit pro cathedra Anatomica & Botanica, quam tandem d. 1. Febr. a. 1732. obtinuit, idque officium iniit d. 10. Mart. a. 1732. prælectione publica, qua *Anatomen ad veram cognitionem morbiferarum causarum manuducere* ostendit. Hanc autem cathedram jam d. 3. Jun. 1733. cum professione Medicinæ Theoreticæ commutavit. Demandatum hoc munus, ut cetera omnia, quæ ei fuerant commissa, singulari fide, dexteritate atque prudentia administravit. Bina etiam vice legationem ad celsiss. principem, Episcopum Basiliensem, Universitatis Basiliensis Cancellarium, Academix nomine cum gravi-

gravitate sustinuit. Apoplectico autem fulmine percussus vir iste forma, adfabilitate, eruditione, pietate præstantissimus meliorem vitam adiit d. 12. Sept. a. 1752.

Edidit in Actis Helvet. Physico Medicis Vol. I. a. 1751. *observationem de ore & proboscide vermium cucurbitinorum*. Inter epistolas ad Alb. Hallerum ab Eruditis missas P. I. V. I. occurrunt & Kœnigii epistolæ n. 53. 59. 92. 109. 132. 185. diss. *de stimulis villorum corporis humani*, 1718. *theses medicas*, 1721. *considerationes logicas*, 1722. *adversaria medico botanica & anatomica*, 1724. *theses physicas*, 1727. *cogitata de jure naturali & moribus hominum*, 1727. *theses medicas*, 1732. *Praxi Medica Fel. Plateri a. 1736. editæ præfationem præmisit.*

XVIII. FRIDERICUS ZUINGER, Med. Doct. Theoretices Prof. Marchionis Bada Durlacensis Consiliarius aulicus & Medicus, nec non Societatis Physico Medicæ Basiliensis membrum, Societatisque germ. Basil. fodalıs, ortum duxit a Theodoro Zuingero, Med. Doct. atque Praxeos Professore & Margaretha Burcard d. 11. Aug. a. 1707. Hi parentes cum in filio adhuc puero non obscura indolis egregiæ indicia animadverterent, pro pietate sua ipsum bonis literis, ut per ætatem fieri potuit, mature ac diligenter imbuendum curarunt. Cum prima primarum artium rudimenta feliciter percepisset, ac certiora jam indolis ingeniique signa dedisset, a. 1719. Philosophiæ studiosus creatus animum ad linguarum eruditæ studium universæque philosophiæ studium adplicuit; in singulis autem philosophiæ partibus tam cito profecit atque excelluit, ut a. 1721. primam & a. 1723. secundam lauream philosophicam a præceptoribus obtineret, & A. L. M. omni suo merito salutaretur. Ad Facultatem, ut vocant, superiorem scansurus elegit Jurisprudentiam, sedulamque operam dedit juri interpretando. Quod enim is fuerat adgressus, id non primis tantum degustavit labris, sed pro ingenii acumine atque velocitate in intima semper rerum penetravit penetralia. Defuncto autem a. 1724. parente optimo, subito vela dedit retrorsum, & Medicinæ studium arripuit. Ducem inprimis hic fuit secutus fratrem conjunctissimum Joh. Rodolphum, Medicinæ professorem, parentis vices erga Nostrium sustinentem. Medicæ autem artis præcepta singulari industria adeo cito cognovit atque perspexit,

ut anno statim sequente, 1725., exemplo vix æquali, idque mense Aprili, Professoribus sese examinandum exhibere potuerit, eique ab illis Licentia Medica fuerit concessa. Sed majorem adhuc comparare studuit peritiā, idque apud exteros; ideo primum Tubingam abiit, & aliquot mensibus ibi commoratus Belgium petiit, atque Lugduni sedem fixit. Hic *Boerhaviū* atque *Albinum* habuit præceptores, fautores atque amicos. A. 1731. domum fuit reversus, & sequenti anno pro doctoratu medico itemque pro cathedra Anatomica specimen dissertationis edidit ac erudite defendit. Summi autem in arte medica honores ei publice fuerunt collati d. 22. Apr. a. 1732. qua occasione publice de *Veris salubritate* disseruit. A. 1737. d. 8. Jul. ambiit cathedram historicam, positiones de historia defendens. D. 7. Febr. a. 1741. lucubrationes edidit ad obtinendam cathedram Rhetoricam. Inter hos labores Medicinæ cultoribus privata institutione, ægrotisque consilio prodesse studuit, Deoque benedicente, uterque labor feliciter successit, adeo, ut a pluribus ægrotantibus expeteretur, quibus omnibus pro viribus, sæpe supra vires, adstitit atque religiosus cautusque admodum consuluit. Celliss. princeps, Marchio Bada Durlacensis, d. 1. Apr. a. 1742. honore atque favore eximio cum prosecutus, misso diplomate, Consiliarium atque Medicum suum nominavit atque constituit. Matrimonio sibi d. 22. Aug. a. 1745. junxit *Dorotheam Battier*, unicamque filiam, *Margaretham*, *Hieron. de Lachenal*, mercatori, nuptam, ex ea suscepit. Tandem Academia sibi favente sorte eximium hunc virum vindicavit d. 10. Maj. a. 1751. Anatomix atque Botanicæ Professore electum, quam spartam adiit d. 13. Jul. a. 1751. prælectione *de utriusque hujus scientiæ utilitate ac necessitate*. Hanc autem cathedram vertente anno mutavit cum cathedra Medicinæ Theoreticæ, quam novam provinciam auspicatus est d. 21. Nov. a. 1752. lectione solenni *de medicina præcipue theoretica & Medicis Academiæ nostræ illustribus*. Præter negotia consueta Rectoratum acad. III. & Decanatum med. XI. administravit fidus ac sedulus, nec sine gravitate, fructu atque prudentia. Excelluit autem doctrina, judicii dexteritate ac pietate in Deum atque proximum singulari. Fuit enim in eo non solum artis, quam profitebatur, solida cognitio, sed & singularis fides, adfi-

assiduitas, morum integritas, in Deum pietas & erga pauperes beneficentia. Obiit bonorum luctu ex marasmo leni d. 1. Aug. a. 1776. *Luc. Legrand*, J. V. D. ac Logices Professor, epitaphium, characterem ejus exacte exprimens, ei ex pietate fecit, quod hoc est:

Σεμνος ἀνὴρ κεῖται πολυδακρυτῶ δ' ἐνι τυμβῶ,
 Ἰητρος σωφρων δεξιὸς ἡδ ἀκαμας·
 Ζῶν γηροῦ τοδε σῆμ'. αὐτῷ μακαρεσσι μετεῖναι
 Ἀσμενῶ ἦν κλειτῶν κἄν γ' ἀεκητι Φιλῶν.

Auctius edidit a. 1744. *herbarium paternum*, nuperis medicamentis additis, iconibusque novis bene multis, partim passim conquisitis, partim ad plantas horti Carlsruhensis conclusis; itemque *Medicum securum atque celerem* a patre editum a. 1748. recudi curavit locupletiozem. *Qua in descriptione territorii Basiliensis Bruckneriana occurrunt Botanica*, pleraque diligentiae Zuingerianae debentur. Actis etiam Helveticis Physico Medicis varia inferi curavit, ut V. 1. *casum de suffocato puero a semine Pbaseoli in asperam arteriam illapso*. Observationem de *rifu involuntario vehementi & convulsivo, quem febris purpura rubra & alba sequebatur*. Obs. *botanicam de fungo peculiari, autumnii tempore reperto*. V. 2. Obs. *de febre miliari s. purpura alba & rubra*. V. 3. *observata nonnulla lithologica cum adjectis iconibus*, quæ in germ. conversa leguntur in *delectationibus mineralogicis* (*mineralog. Belustigungen*) Lips. 1770. 8. V. 3. p. 45. *diff. de paraphrenitide*, a. 1731. *positiones historicas*, a. 1737. *positiones anatomico botanicas*, a. 1731. *Lucubrationem rhetoricam*, a. 1745.

XIX. JOH. RODOLPHUS STÆHELIN, Societatis Physico Medicæ Basil. h. t. Præses, bono publico atque academix Basiliensis ornamento natus est d. 8. Oct. a. 1724. In latinis literis primarumque artium studiis a publicis privatisque magistris sedulo eruditus in castra academica transit & sub signis professorum philos. animo strenuo militavit, delectatus imprimis studiis physicis atque mathematicis, viam præsertim ad medicinam, cujus studium jam metam suam proposuerat, feliciter pandentibus. Postquam diligentix ac eruditionis suæ publica testimonia atque præmia, nempe a. 1740. primam lauream, & a. 1741. summum, quem Philosophi dare possunt, honorem accepit, medicinæ cultorem se profiteri coepit, ipsoque facto præstitit, non contentus,

prima tantum artis medicæ delibasse rudimenta, sed multas etiam res in naturæ obscuritate abditas eruere fuit conatus. Jactis in patria peritiæ medicæ fundamentis solidioribus, Germaniam, Belgium Galliamque peragravit, & salutatis quamplurimis in arte medica viris præcipuis, atque in una alteraque Academia, Berolin. Lugduno Batava ac Paris. paulo longiori mora facta, scientia medica multum ditatus rediit, patriæque utilis esse contendit. D. 3. Sept. a. 1748. pro vacante cathedra Mathematica specimen edidit publicum *de Elasticitate aëris in variis atmosphæra locis*; sed sortem tum expertus est novercam. Postea exhibitis pro Doctoratu medico consequendo solennibus speciminibus eundem publice magna cum laude accepit d. 1. Jun. a. 1751. habita oratione in quæstionem: *An amplum Botanicæ studium medico qua tali sit necessarium?* Vacua sede Anat. & Bot. ejusdem candidatus exstitit a. 1751. habita disputatione atque demonstratione publica, idemque fecit biennio post, eadem cessante cathedra, quæ & declinato illustriori paulo ante ipsi oblato apud exteros munere, feliciori sorte ei fuit assignata d. 26. Jan. 1753. hanc vero d. 22. Oct. 1776. cum professione Medicinæ Theoreticæ commutavit, solenni prælectione de *consuetudinibus quibusdam nostratum sanitati noxiis*. Cum Theoriâ, quam publice docet, jam dudum conjunxit Praxin, quam feliciter exercet per universam civitatem etiâque in nosodochio, cujus Medicus ordinarius est constitutus, alternis vicibus ejus curam gerens.

Hactenus edidit in Actis Helv. Phys. Med. V. 2. *Observationem botan. de floribus Peloria, nascentibus in Elatine foliis subrotundis*, C. B. V. 4. *Observ. de fractura ossis Bregmatis*. V. 8. *Observ. de Jecinore dilacerato*, it. *Obs. de suffocatione a botulo*. diss. *de pulsibus* 1749. specimen *obs. anat. & bot.* 1751. *in quo characterem Hypopitydis & Orchididis fucifloræ exposuit*. Theses anat. & botan. 1753.

PROFESSORES ANATOMIÆ ET BOTANICÆ. EXTRAORDINARIUS.

ANDREAS VESALIUS, Caroli V. Imp. & Philippi II. Regis Hispan. Archiater, Physicus atque Anatomicus consummatissimus, ex familia asclepiadea duxit originem

nem & vitæ initium sumsit Bruxellis d. 19. Dec. a. 1500. Patrem habuit Andream, Carolo V. a pharmacis, qui cum liberaliter educari & Lovanii in philosophia peripatetica instrui curavit. Puer jam physicis atque anatomicis studiis delectatus, & mures, talpas, glires, canes & feles diffecans eorum viscera rimatus legitur; naturæ itaque genio obsecutus ad artem medicam ita sese adplicuit, ut ante se in anatomicis parem vix ullum, superiorem certe neminem habuerit. Fundamenta autem peritiæ suæ medicæ posuit partim Colonix partim Lutetiæ Parisiorum, ubi præsertim viro summo, *Jac. Sylvio*, Anatomico atque Botanico eximio, præceptore fuerat usus. Anno 1537. Patavii Anatomix Professor constitutus magna nominis fama & spectatorum auditorumque fructu munere suo fuit functus. Uni autem sedi adfixus esse noluit, sed eruditione sua & aliis profuturus totam Italiam peragravit & etiam Helvetios invisit; Basileæ advenit a. 1542. & in Academia Anatomiam fuit professus publice. Hinc eandem artem Pisis traditurus a duce Florentino fuit vocatus, illincque Venetias perveniens cum legato Veneto a. 1546. ad comitia Ratisbonensia profectus est. Antequam autem Basileam reliquit, artis & industriæ suæ specimen dedit illustre; civis nempe Basiliensis ob uxorem lethaliter percussam d. 12. Maj. a. 1546. decollati cadaver artificiose paratum erexit, istudque sceleton academix in sui memoriam donavit, quod in auditorio Medico cum inscriptione auctorem muneris docente adhuc conspicitur. Vesalius postea, cujus fama jam per totam Europam volavit, ab Imperatore Carolo V. & Philippo II. Rege Hispaniarum Archiater electus & ab isto a. 1559. in Galliam missus fuit, ut Henrico II. regi, in certamine equestri ludicro, vulnere ad mortem adfecto adesset; sed serius advenit, rege jam d. 29. Jun. fato defuncto. Postquam tam in Austria quam in Hispania stupenda artis suæ documenta dedit & plures extreme laborantes vitæ restituit, in Palæstinam est profectus, cujus itineris non una ratio redditur, aliis perhibentibus, illud ex voto atque religione, aliis ex desiderio regionis hujus naturam perscrutandi, aliis ex pœnitentiæ ipsi demandatæ obedientia fuisse susceptum. Commissus nempe fuerat ejus curæ vir quidam nobilis in Hispania, quem cum obiisse existimaret, nec satis percepisse causam morbi sibi videretur,

deretur, petiit a propinquis defuncti, ut sibi liceret cadaver dissectare. Concessum est ei, quod petebat, cumque pectus aperuisset, reperit cor adhuc palpitans. Cognati mortui non contenti eum accusare factæ cædis, accusant etiam impietatis apud inquisitionem; existimantes, se ibi severiorem ultionem consecuturos. Cum constaret de cæde, nec facile excusaretur error tam periti Medici, voluit omnino Inquisitio de eo sumere supplicium, vixque potuit rex sua auctoritate, vel potius suis precibus eum periculo tanto eripere. Tandem concessus est regi & toti aulæ, pro eo deprecanti, ea conditione, ut ad expiandum illud scelus proficisceretur Hierosolymam & ad montem Sinai. Hierosolymis re-
dux in Zazyntho insula morbo correptus & ope omni destitutus inter barbaros e vita discessit Idib. Oct. a. 1564. Adeo fortuna est volubilis!

Edidit anno æt. 28. opus admirandum *de humani corporis fabrica*, Bas. 1543. & 1555. fol. germ. convers. ab Alb. Torino, Norimb. 1551. fol. Basileæ etiam scripsit *paraphrasin in l. 9. Rasis de adfectuum singularum corporis partium curatione*. Bas. 1537. *epistolam, qua docet, venam axillarem dextri cubiti in dolore laterali secandam*, Bas. 1539. 4. *aliam, qua docet rationem propinandi radicis china decoctum*, Bas. 1546. Venet. 1546. 8. ib. 1566. Emendavit etiam translationem Anatomicorum aliquot Galeni librorum. *Chirurgiam ejus magnam*, recognitam & emendatam edidit in lucem Prosper Borganutius, Venet. 1568. 8. ib. 1569. 8. *Anatomicarum Gabr. Fallopii observationum examen*, Venet. 1564. 4. *Epitome ejus anatomica* prodit 1582. 8. c. not. & comment. P. Paræ. Lugd. Bat. 1616. c. f. 4. & cum notis Nic. Fontani, Amst. 1642. c. f. fol. *Institutionum anatomicarum secundum Galeni sententiam l. IV.* 1585. 8. *aliquot consilia medica apud Scholzum*, Han. 1610. *Opera omnia anatomica & chirurgica cura Boerbavii & Albini*, Lugd. Bat. 1725. fol.

ORDINARI II.

I. CASPARUS BAUHIN, Med. Doct. & Linguae Græcæ Professor, is fuit vir eximius, quo incitante atque demerente, Professio Anatomiae atque Botanices ab ampliff. civitatis Magistratu, constituto salario, primum fuit instituta, isque, qui aliquot annis ante privato
motu

motu Anatomicas demonstrationes instituit, primus fuit, qui publica jam auctoritate idem facere fuit denominatus. Eam provinciam publice adiit d. 15. Oct. a. 1589. & commodo publico administravit, donec d. 13. Oct. a. 1614. ad Medicinam practicam docendam fuit vocatus. V. Prof. Med. Pract. n. 5.

II. THOMAS PLATER a d. 13. Oct. a. 1614. ad d. 10. Maj. 1625. hanc cathedram ornavit, Practices tunc Professor constitutus. V. Prof. Med. Pract. n. 6.

III. JOH. JACOBUS A BRUNN d. 21. Jun. a. 1625. Anatomix & Botanices Professor electus huic muneri vacavit, donec d. 20. Maj. a. 1629. ad cathedram Medicinæ Pract. transferretur. V. Prof. Med. Pract. n. 7.

IV. JOH. CASPAR BAUHIN huic professioni præfuit a d. 29. Maj. a. 1629. ad d. 31. Aug. a. 1660. quo ad Practicam transiit. V. Prof. Med. Pract. n. 8.

V. HIERONYMUS BAUHIN Anatomicam atque Botan. cathedram conscendit d. 31. Aug. a. 1660. eamque occupavit, dum ad Theoriam docendam fuit promotus, quod contigit d. 17. Oct. a. 1664. V. Prof. Med. Theor. n. 9.

VI. JOH. RODOLPHUS BURCARD, Med. Doct. & Matheseos Professor Anatomix & Botan. cathedram obtinuit d. 17. Oct. a. 1664. in eaque subfedit ad d. 30. Sept. a. 1667. Theorices Professor designatus. V. Prof. Med. Pract. n. 9.

VII. JOH. HENRICUS GLASER patre *J. Henr. Glaser*, matre *Maria Spathina*, lucem adspexit d. 6. Oct. a. 1629. Gymnasii discipulus factus, omnes classes paucis annis feliciter emensus & in numerum philosophiæ studiosorum cooptatus est. Deposita puerili prætexta, & adsumpta toga virili, infantiam ars ipsa excepit atque formavit. Philosophica studia diligenter tractavit, primamque Lauream a. 1646. Magistri vero artium titulum a. 1648. fuit consecutus. Medicina vero ea fuit scientia, quæ ipsi ex superioribus inprimis adrisit, & huic jam totus vacavit. Hujus cum haud contemnendam acquisivisset peritiam, ejus porro augendæ causa

causa iter instituit literarium. Genevam primo contendit, dein Heidelbergam; inde petiit Galliam, diuque hæsit Parisiis, Anatomicorum secandi solertiam, Chirurgorum promptam manum & horti regii amœnas divitias contemplatus atque miratus. Commoratus dein aliquamdiu fuit Sedani atque Lugduni, & quæ artis medicæ sunt diligenter observavit. Comparato magno eruditionis thesauro, novem annos peregrinatus, in patriam reversus est, & a. 1661. examina medica subiit. Exploratus placet atque laudatur, itemque, præmissa de *Rheumatismo* erudita dissertatione, eodem anno d. 6. Aug. Medicinæ Doctor publice proclamatur, qua occasione de *similitudine & differentia, quæ proli cum parentibus intercedit*, publice verba fecit. Adepta post pulverem coronâ, praxin medicam multorum laborantium solatio auspatus fuit atque profecutus. Philosophiæ etiam studia non neglexit, sed diligenter continuavit, ejusque cultoribus institutione sua profuit. Quid & hic valeat, ostendit tum vacante cathedra Mathematica a. 1664. tum d. 10. Mart. 1665. dissertatione publica, qua, vacante cathedra Græca, theses ex artibus instrumentalibus desumptas exhibuit, itaque placuit senatui acad., ut d. 21. Apr. a. 1665. *γραμματικὸν* linguæ Græcæ Professor constitueretur, quam provinciam post. Cal. Maj. 1665. lectione inaugurali, qua *studii græci utilitatem atque necessitatem* demonstravit, auspatus est. Eodem anno d. 28. Aug. iniit honorabile illud apud omnes conjugium cum *Dorothea Burcard*, Theodori Burcardi tredecimviri & Scholarchæ filia. In Græca vero cathedra, quam eximie ornavit, non diu substitit, sed jam d. 30. Sept. a. 1667. ab ea ad professionem Anat. atque Botan. fuit vocatus, quam novam provinciam adgressus est 5. Id. Dec. a. 1667. prælectione, qua ostendit, *laudabilem esse morem apud nos hætenus fere receptum, quo per professionem Anatomicam ad ceteras professiones Medicas adscenditur*. Hoc munus, ut & Rectoratum acad. Decanatum med. legationem a. 1672. ad Reverendiss. Episcopum Basil. academix nomine susceptam, aliaque officia fide summa gessit atque administravit. Sed vitæ curriculum, quod laudabiliter fecit, nimis cito lue epidemica fuit abruptum d. 5. Febr. a. 1675.

Habuit

Habuit *orationem funebrem in obitum Hieron. Baubini*, Med. Doct. & Theoriæ Prof. 3. Id. Jun. a. 1667. quæ typis fuit expressa; edidit porro d. 30. Nov. 1664. *theses opticas*; d. 10. Mart. 1665. *theses ex artibus instrumentalibus desumptas*; diss. *de similitudine & differentia, quæ proli cum parentibus intercedit*, 1661. diss. *de rheumatismo*, eod. diss. *de respiratione*, 1667. *casum medicum de mensium suppressione, eorumque per aures excretionem, ut & febre tertiana notata*, Bas. 1673. 4. *tractatum de cerebro*, Bas. 1680. 8.

VIII. JACOBUS ROTH designatus fuit Anat. & Bot. Professor d. 26. Mart. a. 1675. & ad professionem Medicinæ Theor. evectus d. 29. Dec. a. 1685. V. Prof. Med. Pract. n. 10.

IX. NICOLAUS EGLINGER Anatomicus d. 29. Dec. a. 1685. Theoricus vero d. 18. Febr. 1687. factus, prius Physicæ denique Medicinæ Pract. fuit Professor, ut & Poliater. V. Prof. Med. Pract. n. 11.

X. JOH. JACOBUS HARDER ex cathedra Physica evocatus ad cathedram Anat. & Bot. d. 18. Febr. a. 1687. in stationem Medicinæ theor. professoris successit d. 10. Jun. 1703. V. Prof. Med. Theor. n. 13.

XI. THEODORUS ZUINGER, antea Physices Professor, Anat. & Bot. Professor fuit denominatus d. 18. Dec. a. 1703. hinc ad Theor. Professionem transire iussus d. 26. Maj. a. 1711. V. Prof. Med. Pract. n. 12.

XII. JOH. HENRICUS STAEHELIN hanc vitam exorsus est d. 1. Maj. 1668. pater ejus fuit *Benedictus Stæhelin*, supremus curiæ minister, mater vero *Catharina Kiffelbach*, J. Henr. Kiffelbachii, Professoris Physices, filia. Ab istis parentibus pie fuit prospectum, ut puer egregia indole liberalibus disciplinis innutriretur atque a præceptoribus gymnasii ad vitam academicam præpararetur. Rite hoc peracto in Academiam fuit translatus, & ita diligenter scientiis philosophicis vacavit, ut a. 1683. Laureatus, & a. 1685. A. L. M. publice & cum laude fuerit renunciatus. Suadente avunculo, *Balth. Kiffelbachio*, Med. Doct. & Collegii alumnorum præposito, nec non proprio animo eo inclinante, saluberrimam corpori humano artem addiscere cœpit, præter

ter ordinarios Medicinæ professores præsertim studiorum duce usus modo dicto avunculo, quorum diligenti institutione & adhibita propria assiduitate eo fuit progressus, ut superato a. 1690. examine in numerum Medicinæ candidatorum fuerit receptus. Anatomicum atque Botanicum studium profecturus atque perfecturus Parisios petiit, & biennii spatio Domini *Marchal*, Chirurgi regii, hospitio usus amplam occasionem, in Anatomia atque Botanica proficiendi, avide est amplexus. Consuetudinem insuper habuit cum Medicis atque Botanicis celeberrimis, Domino *Tournefort* & Domino *Duvernay*, ex qua amplios fructus percepit. Sub finem a. 1692. patriam repetiit & d. 6. Jun. a. 1693. laurea apollinea fuit coronatus. Ab hoc tempore medicas artes exercuit, multisque solatio fuit atque levamini. Curas vero domesticas divisit cum *Margaretha Birr*, quam sibi fœdere conjugali junxit d. 5. Mart. a. 1694. quæque 7. filios ei peperit ac 5. filias, ex filiis *Benedictus*, Med. Doctor, Physices Professor magno suo merito fuit electus. Academia patria merita Professoris nostri agnoscens ea remunerari atque remunerata adaugere studuit. Hoc consilio ei Professionem Eloquentiæ d. 19. Oct. a. 1706. decreverunt academici antistites, & quidem unanimi consensu, eamque is d. 26. Nov. a. 1706. prælectione de *veræ eloquentiæ præstantia* solenniter auspicatus est. Huic autem cum per quinquennium laudabiliter vacasset, ad negotia magis convenientia obeunda fuit vocatus, nempe d. 13. Oct. a. 1711. professio Anatomici & Botanici ei fuit delata, cujus auspicia eodem anno, d. 18. Dec. publice cepit & oratione inaugurali *Botanici & Anatomici studii dignitatem, utilitatem & jucunditatem* ostendit. Hanc novam spartam pro viribus adornavit, sed non supra decennium, phthicus enim diem obiit 19. Jul. a. 1721.

Commercium literarum habuerat cum magni nominis *Sebeuchzero*, cui multas plantas transmittit. Edidit *theses rhetoricas* 1696. *diff. de ossibus eorumque morbis*, 1693. *theses de variis epochis & annorum periodis*, 1706. *theses anat. & botan.* 1711.

XIII. JOH. RODOLPHUS ZUINGER, Med. Doct. & Logices Professor cathedram Anat. & Bot. forte obtinuit d. 16. Dec. a. 1721. eamque reliquit a. 1724., ejusdem anni

anni d. 30. Aug. professionem medicinæ pract. auspica-
tus. V. Prof. Med. Pract. n. 13.

XIV. JOH. RODOLPHUS MIEG electus Anat. & Bot.
Professor d. 19. Dec. 1724. noctam hanc spartam exor-
navit usque ad d. 13. Sept. a. 1731. cum Medicina
Theoretica docenda ei fuit commissa. V. Prof. Med.
Theor. n. 16.

XV. EMANUEL KOENIG Anat. & Bot. Professor con-
stitutus d. 1. Febr. a. 1732. muneri huic præfuit anni
tantum spatio, & d. 3. Jun. 1733. illud cum cathedra
Medicinæ Theor. permutavit. V. Prof. Med. Theor.
n. 17.

XVI. DANIEL BERNOULLI, maximi Patris maximus
Filius, natus est d. 29. Jan. a. 1700. Groningæ Frisio-
rum, patre *Johanne Bernoulli*, Med. Doct. & Mathe-
seos tum quidem Groningæ, postea vero Basileæ, Pro-
fessore publico eximio, & matre *Dorothea Falckner*.
Cum parentibus a. 1705. iter fecit in patriam, Basileam,
& publicum gymnasium frequentavit. Ex hoc a. 1713.
ad Academiam emissus philosophiam diligenter tractavit,
mathematicis præsertim scientiis summopere delectatus.
Primam Lauream a. 1715. ex ipsius Parentis, Brabeutæ
designati, manibus accepit, habita oratiuncula in quæ-
stionem, *utrum Nobilis genere vel munere, Nobili vir-
tute & eruditione sit præferendus?* Magister autem Ar-
tium promotus fuit a. 1716. a *Joh. Buxtorffio*, Ling.
Hebr. Prof. & publice disseruit in thema præscriptum
*de insulsiatate illorum, qui mathematica studia spernunt eo
nomine, quod Mathematici quondam maleficis fuerint ad-
numerati.* Filium parentes destinarunt Mercurio merca-
tori, ille autem majori adfectione prosequeretur Mer-
curium literatorem, & Apollini medico nomen dans,
primæ artis medendi præcepta ab *Æsculapiis* Basiliensi-
bus accepit. Anno vero 1718. Heidelbergam profectus
Nebelium Medicinam docentem audivit. Sequenti anno
Argentoratum abiit, Anatomiam & Chirurgiam profe-
cuturus. Basileam reversus, a. 1721. examen medicum
subiit & Medicinæ Candidatis fuit adscriptus. Mathe-
maticas vero atque physicas scientias non seposuit, sed
ex professo & indefesso studio eas tractavit, patremque
cas

eas exponentem adtente audivit. Anno 1723. iter fecit Venetias, & in medica arte usus inprimis est institutione magni *Michelotti*, quem, ipso permittente, non solum in nosodochia sed & ad lectos nobilium fuit comitatus. Hic & familiariter usus fuit Mathematicis atque Physicis insignibus, *Rizetti* & *Ricatto*, ex quorum consuetudine multum profecit. A. 1724. adoptatus fuit sodalis instituti Scientiarum Bononiensis, & a. 1725. obtinuit præmium illustre ab academia Scientiarum Parisiensi ob optimam clepsydrarum conficiendarum ostensam rationem. Patavium dein perrexit, desiderans, celeberrimi Anatomici *Morgagnii* lectiones frequentare, quem vero scopum quominus adsequeretur febris ardente fuit impeditus. Hoc tempore Genuenses Bernoullium nostrum a Marchione *Pallavicini* de meliori commendatum Academix Scientiarum præsidem expetierunt, quorum vero precibus ipse non adnuit. Curatoribus vero Academix Petropolitane Physiologiæ Medicæ & Matheseos sublimioris Professore eum vocantibus operam suam ad quinquennium condixit. Petropoli cum fratre natu majore, *Nicolao*, J. V. L. itemque designato Matheseos Professore Petropolitano, d. 26. Oct. a. 1725. advenit, & commissum munus diligentissime, omnium plausus ferens, obiit. Cum autem modo dictus frater jam d. 26. Jul. a. 1726. febris lenta occubuisset, ipseque valetudine infirmiore uteretur, elapso desponsio quinquennio dimissionem petiit, sed non obtinuit. Precibus nempe atque promissis detentus triennii adhuc spatium ibi explevit. Promissa autem fuerant salarii augmentum, honorarium ad dies vitæ continuandum, titulusque Professoris atque Socii Academix illius honorarii atque perpetui, quibus posterioribus etiam num gaudet. Magno ipsius gaudio accidit, ut fratrum alter, *Johannes*, J. V. D. & Matheseos nunc apud nos Professor celeberrimus, ipsum ibi a. 1732. inviseret, cum quo a. 1733. periculosa navigatione superata, per Dantiscum, Belgium atque Galliam salvus in patria advenit, eodemque anno, postquam a. 1722. pro cathedra Logica, a. 1727. pro Physica, a. 1731. iterum pro Logica, & a. 1732. pro Anat. & Botan. frustraneo conatu partim specimina edidisset, partim absens candidatorum turbæ sese immiscuisset, d. 19. Sept. professionem Anat. & Bot. reportavit, quam, Medicinæ Doctor biduo post proclamatus, d. 18. Dec. a. 1733. publica

publica prælectione ingressus est. Hoc munere dum fungeretur, physica atque mathematica studia non neglexit, quin assidue tractavit, ut scripta plurima ab illo tempore edita, nec non præmia ob solutionem physicarum quæstionum accepta affatim testantur; ab academia nempe regia Parisiensi a. 1734. duplicati præmii alteram partem ipsius pater, alteram ipse, a. 1737. 1740. 1743. 1745. 1746. 1747. 1751. & 1757. præmium Noster vel totum vel ex parte obtinuit. A. 1743. accepit præmium scripto *de modo optimo construendi acus Magneticas inclinatorias.* a. 1745. & 1747. scripto *de methodo optima mari inveniendi temporis.* 1742. 1744. 1746. scripto *de theoria magnetis.* A. 1751. præmium duplicatum *sur la theorie des courans & la meilleure maniere la plus avantageuse de suppléer à l'action du vent sur les grands vaisseaux.* A. 1757. *sur la meilleure maniere de diminuer de roulis & le tangage d'un navire.* Porro d. 4. Febr. a. 1747. Borussia, & a. 1748. Academiae Scientiarum Gallica, in quam octo tantum extranei recipiuntur, membrum fuit electus. A. 1750. in academiam Londinensem, a. 1762. in societatem œconom. Bernensem, a. 1764. in societatem œconom. Tigurinam, & a. 1767. in academiam Electoralem Manheimensem fuit cooptatus; nec non sodalibus societatis Physico Medicæ Basiliensis adscriptus. Cum a. 1750. cathedra Physica professore suo privaretur, a summo Civitatis Magistratu ea d. 16. Nov. 1750. Bernoullio nostro fuit oblata, addito honorario 130. librarum, quod præter salarium Physici ordinarium esset accepturus. Extraordinariam hanc invitationem, servato tamen inter Medicos ordine, sede ac voto, nec non canonici Petrini honore, secutus, Physicam professionem accepit atque summo studiorum commodo nominisque sui decore diligentissime administravit, donec ingravescente senectute vires, nondum quidem animi, sed corporis debilitari inciperent, ipseque a. 1777. a senatu Acad. veniam petiisset, vices suas in suum ex fratre Johanne nepotem, *Danielem Bernoulli*, Medicinæ Doctorem, transferendi, quod ei haud difficulter, cum honorum atque gratiarum testificatione, fuit concessum. Ceterum vir iste egregius non solum scriptis eruditissimis, quæ statim indicabimus, sed & aliis operibus præclaris memoriam sui extendit atque ad immortalitatem consecravit; in quibus & hocce poni-

mus, quod jam a. 1762. quinquaginta Ludovicos aureos ærario academico ea lege commiserit, ut Rector Academiæ ex redditibus eorum pauperes studiosos peregrinos hac iter facientes viatico instrueret, eorumque inopiam aliquo modo sublevaret. Nec non Bibliothecæ Acad. nummos Moscoviticos varios atque rariores, aureos, argenteos ac æneos a. 1734. in sui memoriam tradidit.

Scripta ejus edita sunt: *diff. de Respiratione*, d. 2. Sept. 1721. *theses anat. & bot.* d. 24. Oct. 1721. *Theses logicæ sistentes methodum examinandi syllogismorum validitatem*, 1722. *Exercitationes quædam Mathem.* Ven. 1724. 4. *Hydrodynamica.* Arg. 1738. 4. *Sermo in promotione Garmanni Med. Doct. habitus*, Bas. 1737. fol. In *Commentariis Academiæ Petrop.* T. 1. *Examen principiorum Mechan. Tentamen novæ de motu musculorum theoria. Experimentum circa nervum opticum.* T. 2. *Theoria nova de motu aquarum per canales quoscunque fluentium Demonstratio- nes geometrica de centro virium oscillationis & gravitatis. De actione fluidorum in corpora solida & motu solidorum in fluidis.* T. 3. *Methodus universalis determinanda curvatura fili a potentiis extensi. Observationes de seriebus recurrentibus & earum insigni usu pro inveniendis radicibus omnium aequationum algebraicarum. Dissertationis de actione fluidorum in corpora solida, & motus solidorum in fluidis continuatio.* T. 4. *Problema astronomicum novum inveniendi altitudinem poli, una cum declinatione & culminatione stellæ incognita ex observatis tribus ejusdem stellæ altitudinibus & duobus temporum intervallis brevissimo calculo solutum. Theorema novum de motu curvilineo corporum, quæ resistantiam patiuntur velocitatis suæ quadrato proportionalem una cum solutione problematis in Act. Lips. M. Nov. 1728. propositi. Experimenta coram Societate instituta in confirmationem novæ theoriæ pressionum, quas latera carnalis ab aqua transfluente sustinet.* T. 5. *Notationes de aequationibus, quæ progrediuntur in infinitum, earumque resolutione per methodum serierum recurrentium, ut & de nova serierum specie; cum continuatione. De motibus corporum reciprocis oscillatoriis in medio resistente, quæ ubique resistantiam patiuntur quadrato velocitatis suæ proportionalem. Specimen theoriæ novæ de mensura sortis.* T. 6. *Theoremata de oscillationibus corporum filo flexili connexorum & catena verticaliter suspensa.* T. 7. *Demonstrationes theorematum de oscillationibus corporum, &c.* T. 8. *De legibus quibusdam mechanicis, quas natura constanter afficit, nondum descriptis earumque usu hydrodynamico.* Ej. *diff. continuatio.* T. 9. *De motu corporum a percussione excentrica, una cum theoria motuum in corporibus rotando se invicem impellentibus.* T. 10. *Commentationes de immutatione & extensione principii*

*ipii conſervationis virium vivarum, quæ pro motu corporum celeſtium requiritur. De ſtatu æquilibrîi corporum humido infidentium. Tomis ſequentibus inſertæ ſunt diſſertationes de motibus oſcillatoriis corporum humido infidentium. Specimina calculi integralis. De oſcillationibus compoſitis. De vibrationibus & ſono laminarum elæſticarum. De ſonis multivariis, quas lamina elæſtica diverſo modo edunt. De legibus motus mixti variati, quo corpus ſphæricum ſuper plano aſpero progreditur. A. 1767. de uſu algorithmi infiniteſimalis in arte conjectandi. De duratione media Matrimoniorum, pro quacunque conjugum ætate, aliſque quæſtionibus affinibus. A. 1768. commentatio de utiliſſima ac commodiſſima directione potentiæ friccionibus mechanicis adbibendarum. A. 1769. Diſquiſitiones analytica de novo problemate conjecturali. Meſſura fortis ad fortuitam ſucceſſionem rerum naturaliter contingentium applicata. Commentationes Phyſico Mechanicæ de friccionibus variis illuſtrate exemplis. A. 1770. Continuatio argumenti de meſſura fortis ad fortuitam ſucceſſionem rerum naturaliter contingentium applicata. Examen Phyſico Mechanicum de motu mixto, qui laminis elæſticis a percuffione ſimul imprimitur. A. 1771. De ſummationibus ſerierum quarundam incongrue veris earumque interpretatione & uſu. De vibrationibus chordarum, ex duabus partibus tam longitudine quam craſſitie ab invicem diverſis compoſitarum. A. 1772. De indole ſingulari ſerierum infinitarum, quas ſinus vel coſinus angulorum arithmetice progredientium formant, earumque ſummatione & uſu. Expoſitio theoretica ſingularis Machina hydraulica, Tiguri Helvetiorum extructa. A. 1773. Theoria elementaris ſerierum, ex ſinibus atque coſinibus arcuum arithmetice progredientium diverſimode compoſitarum, dilucidata. Nova determinatio centri oſcillationis in corporibus qualibuscunque filo flexili ſuſpenſis, ejusque a regula communi diſcrepantia. A. 1774. Commentatio Phyſico Mechanica generalior principii de coexiſtentia vibrationum ſimplicium baud perturbatarum in ſyſtemate compoſito. Commentatio Phyſico Mechanica ſpecialior de motibus reciprocis compoſitis, multifariis, nondum exploratis, qui pendulis bimembribus facilius obſervari poſſunt, in confirmationem principii ſui (Dan. Bernoullii) de coexiſtentia vibrationum ſimplicium. A. 1775. Adverſaria analytica miſcellanea de fractionibus continuis. Diſquiſitiones ulteriores de indole fractionum continuarum. Actis Academiæ ſcientiarum Pariſienſis hæc ejus lucubrationes fuere inſertæ: *Discours ſur la manière la plus parfaite de conſerver ſur mer l'égalité du mouvement des clepsidres, ou ſabliers.* 1725. *De l'inclinaïſon mutuelle des planetes.* 1733. *Quelle eſt la meilleure manière d'éprouver les Ancres.* 1737. *Sur le flux & le reflux de la mer.* 1740. *Sur la meilleure manière de conſtruire les bouſſoles**

Soles d'inclinaison. 1743. *Sur la meilleure manière de trouver l'heure en mer.* 1745. & 1747. *Sur la cause physique de l'Aiman.* 1746. *Essai d'une nouvelle analyse de la mortalité causée par la petite Vérole, & des avantages de l'incubation pour la prévenir,* a. 1760. p. 1. *Recherches physiques, mécaniques & analytiques, sur le son & sur les tons des tuyaux d'Orgues différemment construits,* a. 1762. p. 431. *Actis Eruditorum Lipsiensibus hæc inferi curavit: Annotationes ad Jac. Riccati animadversiones de æquationibus differentialibus secundi gradus.* Suppl. T. 8. S. 2. Art. 5. *Explication Notationum, quæ exstant Act. Erud. Suppl. T. 8. S. 2. Solutio problematis Riccatiani.* In *Act. Erud. T. 8. p. 73.* — — — In historia Academiæ Scientiarum regiæ Berolinensis hæc Ejus occurrunt: *Problème de déterminer généralement le mouvement variable d'un tuyau mobile au tour d'un point fixe & chargé de tant de corps, qu'on voudroit. Nouveau problème de Mécanique.* A. 1745. *Remarques sur le principe de la conservation des forces vives pris dans un sens général.* A. 1748. *Reflexions & Eclaircissements sur les nouvelles vibrations des Cordes exposées dans les Mémoires de l'Académie de 1747. & 1748. a. 1753.* *Sur le mélange de plusieurs espèces de vibrations simples isochrones, qui peuvent coëxister dans un même Système de corps.* Eod. *Mémoire sur les vibrations des cordes d'une épaisseur inégale.* A. 1765. *Actis helvet. Physico Medicis hæc inseruit.* V. 1. 1751. *Diverses reflexions sur la physique générale.* V. 2. 1755: *diverses reflexions, concernant la physique générale, second mémoire.* V. 3. 1758. *Mémoire sur les nouvelles aiguilles d'inclinaison, faites à Bâle par Mr. Dietric.* In descriptione ditionis Basil. Bruckneriana T. XIII. occurrit Ejus *dimensio montis altioris ope Barometri facta, cum observationibus istam mensurandi methodum illustrantibus.* Sed hæc & alia egregia hujus Viri opuscula ex votis Eruditorum olim juncta adparebunt.

XVII. FRIDERICUS ZUINGER nactus est professionem Anat. & Botan. d. 10. Maj. a. 1751. eamque anno elapso cum cathedra Medicinæ Theor. permutavit, quam primum conscendit d. 21. Nov. a. 1752. V. Prof. Med. Theor. n. 18.

XVIII. JOH. RODOLPHUS STAEHELIN sorte favente electus est Anat. & Bot. Professor d. 26. Jan. a. 1753. in hoc munere omni diligentia fuit versatus, donec ei aditus ad Medicinam Theor. aperiretur, quam publice docere incepit d. 22. Oct. 1776. V. Prof. Med. Theor. n. 19.

XIX. WER-

XIX. WERNERUS DE LACHENAL, societatis physico medicæ Basil. sodalis, in hunc mundum editus est d. 23. Oct. 1736. In patrio ludo puer literas primum imbibit; ex eo egressus philosophos docentes audivit, idque tanto ardore animi tantaque alacritate, ut pro liberali ac felici ingenio, quo erat ornatus, & indefessa, quam adhibuit, industria, in studiis philosophicis insignes cito fecerit progressus. Primum academicum gradum, cui a Laurea nomen est, adsecutus est a. 1753. sermone habito *de eloquentiæ præclaris quibusdam effectibus*; secundum autem gradum, qui in philosophia summus est, obtinuit a. 1755. publiceque tum *laudes historiæ naturalis* exposuit. Linguarum itaque scientia variarumque artium disciplinis probe instructus Medicinam, vitæ humanæ præsidem, excolendam præ reliquis sublimioribus sibi sumsit scientiis; huc eum impellebat genius; huc eum invitabat artificium paternum; pater enim cum esset pharmaceutices peritissimus & pharmacopolium possideret instructissimum, occasio ipsi erat exoptatissima omnis generis pharmaca exactius cognoscendi, eorumque præparationem, usum atque applicationem accuratius addiscendi. Tanta etiam fuit felicitate, ut Medicorum longe excellentissimorum, *J. Rodolphi & Friderici Zuingerorum* fratrum, magnorum avunculorum suorum venerandorum, privata atque publica institutione fidissima fuerit usus; ex qua fructus tulit optimos atque largissimos. His præsidii instructus, ingentem rei medicæ acquisivit peritiam, nulli parcens labori, perdius & pernox libris atque meditationibus incumbens. Theoriam Medicam sibi fecit notissimam, Anatomix studuit eandemque excoluit diligenter, Praxin junxit utrique, inprimis vero studium Botanicum habuit in deliciis, hoc tractavit sedulo, non tantum libros botanicos diligenter legendo, herbaria viva inspicendo & prata nostra visitando, sed & ejus præcipue causa plura, prætiosa quin periculosa in remotas etiam regiones instituit itinera. His tantum cognitionis herbarum acquisivit thesaurum, ut, mortuo *Hallero*, ejus amico ac patrono, Botanicis nostri seculi principibus par possit haberi, paucique reperiantur admodum, qui ipsum antecellant. Sed jam labores secuti sunt honores. Exhibitis consuetis speciminibus d. 4. Febr. a. 1763. honores Doctoris Medici a gratioso ordine ei decreti fuere atque

atque collati. Ab eo inprimis tempore omnium ordinum civibus salutare suo consilio, in periculosissima sæpe valetudine, opem tulit, morbos, Dei auxilio, depulit, & sanitatem pristinam pluribus restituit, ad lectulos ægrorum non confidentiam & audaciam, sed præter pietatem rationem & experientiam adferens. Verum alius illi successit honos. Sodalitis nempe fuit adlectus Societatis Physico Medicæ Basiliensis, cujus acta lucubrationibus suis adhuc exornavit. Denique postquam specimina varia, botanicum, anatomicum, disputatorium, cum laude edidisset, d. 29. Nov. a. 1776. Anatomix atque Botanices Professor rite fuit electus, quod officium adiit publice d. 4. Mart. a. 1777. habito sermone *de utilitate, præstantia & dignitate Anatomia & Botanica*. Commemorari hic conveniens est nobile institutum, quod a. 1777. fuit adgressus. Petiit a summo civitatis Magistratu, ut domus hortulani medici, horto medico adiacens, restaurata atque amplificata ipsi singulisque ejus in professione Anat. & Botan. successoribus habitanda concederetur, promittens, se, dum vivat, hanc cathedram Anat. & Bot. servaturum, mille thaleros gallicos majores in istud ædificium impensurum, & bibliothecam suam Botanicam, quæ instructissima est ac pretiosissima, in perennes successorum suorum usus solenni & irrevocabili pacto destinaturum. Benignissimus magistratus, musarum patronus optimus, petitioni adnuit, condiciones accepit, & tria millia Thalerorum gallicorum ex ærario publico, huic domui amplificandæ atque exornandæ, ipsi, ædificii directori, solvit magnificentissimus.

In lucem edidit *nonnullas observationes bot.* d. 30. Mart. 1759 *observationes botanico medicas* d. 26. Nov. 1776. c. f. Actis helvet. Phys. Medicis inseruit sequentia: V. 4. *Observationes nonnullas Botanicas*. V. 7. a. 1772. iterum *observationes nonnullas Botanicas*. 1. 2. 3. & V. 8. a. 1777. *Observationes nonnullas Botanicas*. In epistolis Eruditorum ad Albr. Hallerum missis ejus sunt T. 3. 81. 84. 85. 86. 92. 95. 99. 103. 106. 109. 113. 114. 116. 118. 120. P. 1. V. 5. 135. 140. 147. 157. 203. 238. 248. 250. 251. 258. 260. 263. 267. 269. 272. 277. T. 6. 257. 298. 308.



PROFESSORES PHILOSOPHIÆ.

I. JOHANNES CREUTZER, de Gebweiler, A. L. M. Canonicus & Prædicator ecclesiæ Bas. primus fuit ordinis philosophici Decanus a. 1460. V. Prof. Theol. n. 2.

II. JOHANNES DE GENGEBACH, A. L. M. S. Theol. Baccalaureus, & Juris Pontificii interpres, divinæ Poëticæ fuit Ordinarius, nec non Academiæ Rector a. 1481. V. Prof. Juris, n. 13.

III. HENRICUS LORITUS de Glarus, f. Glarona, Helvetiæ pago oriundus, a quo, sive a parentum domicilio in Mollis, *Glarea* dicto, vulgo *Glareani* nomen obtinuit, natus fuit d. 28. Maj. f. Mart. a. 1488. Ex patria egressus varias Academias adiit, & omnis generis artibus diligentissime incubuit. Inprimis Viennæ Austriæ, ubi *Vhr. Zuinglium*, *Vadianum*, *Joh. Fabri*, *Eciumque* condiscipulos habuit, & dein Colonia Agrippinæ Philosophiæ operam dedit, ubi & Magisterii titulum obtinuit. Ei domum reverso a. 1510. pastoratus ecclesiæ in *Mollis* deferebatur, quem vero non accepit & Lucernam abiit, ubi aliquamdiu commoratus *Zuinglii* & *Myconii* causam fortiter egit. In arte præsertim poëtica ita excelluit, ut a. 1512. a Maximiliano I. Cæsare laurea poëtica fuerit donatus. Ut a. 1514. Basileam venit, *Erasmo*, *Budæo* atque *Zasio* familiarissimus evasit. Dein a. 1521. Lutetiam fuit profectus, ubi per triennium, regio usus stipendio, substitit, & quæ adhuc deerant sublimioris eruditionis, ingenii felicitate & industria sibi comparavit, ut doctissimis etiam viris compararetur. Lutetiæ degens amicitiam contraxit cum *Jac. Fabro* Stapulensi, & præter literas hebraicas inprimis græcas exactius didicit a *Joh. Lascari Rhyndaceno*, natione græco. Eruditioni Glareani eximie accessit vitæ integritas, & singularis modestia, qua principum aulas, in quas sæpe fuit invitatus, fastidiebat, bonis literis unice se natum existimans. Tempe-

rantissimus fuit in victu, unde cum in convivio a quodam ad potum importunius urgeretur; *ecquem tu me putas?* inquit; cum is virum probum & doctum dixisset; *ergo ne cane meo sim indoctior, quam diu sitio, tam diu bibendum esse scio.* Ab alio interrogatus, *quomodo viveret?* respondit: *bene, vivo more principum;* tunc alteri, *quid hoc sit,* interroganti respondit: *Habeo cibum & potum, & multa debeo.* Lutetia Basileam cum rediisset, in Professorum numerum adlectus & philosophorum ordini fuit adscriptus, Poeticam præcipue & Mathesin, quam restaurasse dicitur, publice professus. Oeconomus quoque in Collegio fuit constitutus, ubi publice privatimque docendo de juventute pulchre imo optime est meritus. Decanatum etiam philos. gessit a. 1526. Basileæ etiam duxit uxorem, filiam civis haud ignobilis. Operæ pretium est audire Erasmi de eo testimonium; occurrit hoc in epistola ad Urbanum Regium, Ep. l. 18. & hujusmodi est: *Est apud nos (Basileæ) Henricus Glareanus, Cesarea laurea insignis, quod equidem decus inter tot juvenis ornamenta multo infimum esse duco. In omnibus disciplinis, quas mathematicas vocant, eximie doctus, neque vulgariter exercitatus. In omni, quæ nunc in scholis traditur, Aristotelica philosophia eo progressus, ut cum summatis etiam congregi possit. Magnam insuper Theologica rei partem affecutus. In Geographia, in historiis absolutus. Denique nullum est genus literarum, in quo ille non sit felicissime versatus. Græce quoque doctus usque ad mediocritatem, & hic brevi absolvens, quæ est hominis tum industria tum dexteritas. Adde huc ætatem maxime tempestivam huic negotio. Ad trigessimum accedit annus, quæ ætas ut grandior est, quam ut contentui sit obnoxia: ita laborum omnium longe est tolerantissima. Est autem Glareanus præter ætatem peculiari quadam naturæ dote literarii laboris & appetens & patiens. Quod nescit, discit avide, quod scit, docet libenter & candide. Moribus alacribus ac festivis, ac prorsus omnium horarum homo. Addam extremum cultulum, quem ego vel in primis æstimandum arbitror. Ingenium integritati natum. Abhorret a computationibus istis tenuentis, abhorret ab alea, a turpiloquio, a scortis ita, ut harum rerum ne mentionem quidem ferre possit. Scio quem commendem - - - Bas. non. Mart. 1516.* De hac tamen benigna æstimatione Erasmus postea aliquid

quid remississe videtur, vel paululum æmulus, quod se in studio historiæ, antiquitatum atque Critices a Glareano superatum videret, vel aliquantum offensus, quod Glareanus sententiam suam de linguæ græcæ pronunciatione falsius derideret. Certe Erasminus in testamento omnium amicorum vel Basileæ vel in vicinia habitantium memor solius Glareani immemor fuit; hoc ne exacerbaretur, hæres *Bonif. Amerbach* Glareano ex suppellectile Erasminiana vas argenteum haud exigui pretii dono misit, Erasmi amicitiam ita in mentem ipsi revocaturus. Inprimis vero jucundum, quod *Brandmullerus* in laudatione funebri *Bernh. Brandii* de Glareano refert, nempe cum audivisset, Nobiles quosdam ex Italia ipsum *videndi* causa advenisse, iussit, ut cras redirent, qui cum reversi essent, Glareanus laurea indutus & aurea torque ornatus concessit in conclave quoddam elegans & amplum, ubi se in hemicyclum recipiens iussit eos ingredi; Nobiles ingredientiæ Glareanum salutabant, tum ille sedebat immotus, perinde quasi illos non videret, quos etiam ita abire patiebatur. Hoc cum Itali mirarentur, hancque inhumanitatem per nuncium quendam Glareano exprobrarent: *Cur illis inhumanus videar, quum solum ad me videndum venerint?* respondit: at postea ab illis invitatus totus dies jucundissimis colloquiis fuit consumptus, ut ita ipsius humanitatem, prudentiam, eruditionem, faceta dicta, servata tamen gravitate, Itali cognoscerent. Sed rusticos proderet mores, si vera essent, quæ *Gasp. Ens*, Jesuita, de eo perhibet; rem ita narrat: „Magna fuit olim inter Professores Basilienses controversia, ecquis Henrico Glareano in Professorum numerum cooptato in publicis confectibus locus esset assignandus. Etenim quum illustis esset poeta, & commentariis aliquot in lucem editis clarus, Magistrorum subsellis videbatur superior; quia vero doctoralibus insignibus non erat ornatus, inter ejus ordinis homines non admittendus videbatur. Itaque bonus Glareanus vel inter scholasticos delitescere, vel magistris extremus adhærere cogeatur. Tulit quidem id molestissime, dissimulavit tamen, futurum sperans, ut sibi honestior aliquando assignaretur locus; verum posteaquam rem exitum nullum habere vidit, rationem aliquam comminisci instituit, qua certum inter Professores locum

Q5

inve-

„ inveniret. Itaque cum Doctores nonnulli creandi es-
 „ sent, asinum conducit, & conscendit, & in gymna-
 „ sium sic invehitur, & scholasticorum cœtui immistus,
 „ sic asino insidens omnium oculos in se convertit.
 „ Variæ tum erant pro cujusque ingenio spectatorum
 „ cogitationes. Erant, qui subverebantur, ne homo e
 „ mentis potestate exiisset: alii vero risu, prope rumpe-
 „ bantur, quoties asinus vel ruderet, vel calcitraret;
 „ alii denique putabant fieri hoc ab eo, ut doctorandis
 „ medium ostenderet digitum, eorumque insulstatem
 „ perstringeret. Quid multa? Cœpit ad extremum
 „ ejus Scholæ Rector e Glareano ipso percontari, quam-
 „ obrem jumento isto sic in panegyrim hanc deferri
 „ voluerit? Ut, respondit ille, certa mihi sit & sta-
 „ bilis sedes; tot enim nunc menses dubitatis, inter
 „ Doctores ne an Magistros mihi locus adsignandus sit;
 „ quamobrem ut & vobis hunc scrupulum evellam, &
 „ mihi ipse non desim, constitui deinceps huic asino
 „ insidere & ex eo vos audire. Quid sit? Non Rec-
 „ tor modo sed & universus senatus acad. summo eum
 „ opere rogat, ut asino valere jussu suam porro inter
 „ Doctores sedem sibi sumat. Quod quidem quum im-
 „ petrari tum a Glareano non posset, actum hunc in
 „ sequentem diem reiicere coacti sunt, ad quem Gla-
 „ reanus honorifice in Lycæum introductus, solenni-
 „ terque in Doctorum subselliis collocatus fuit”. Sed
 „ facta Basileæ religionis mutatione a. 1529. cum aliis Fri-
 „ burgum Brisgoiæ commigravit, identidem, ut ipse ad
 „ amicum scripsit, cantillans: - - - *veteres migrate coloni,*
 „ & historicam atque poëticam professionem ibi magna
 „ cum laude obiit; hic in *Zuinglium*, cujus ecclesiæ re-
 „ formandæ conatus olim probaverat atque defenderat,
 „ graviter fuit invecus; tandem cum rem literariam diu
 „ voce & scriptis adjuvasset, ætate & laboribus ex-
 „ stus fatis concessit d. 28. Maj. a. 1563.

Ejus scripta edita sunt: *Helvetiæ descriptio cum IV. Hel-*
vetiorum pagis ac XIII. urbium panegyrico, Bas. 1514. 1515.
 1519. 4. & 1554. 8. Insertum est hoc opusculum Freheri
 Collect. Script. Germ. T. 2. Schardio redivivo, T. 1. The-
 sauro Hist. Helv. ejusque nomine honorario amplo ab Hel-
 vetiæ civitatibus fuit adfectus. *De ratione syllabarum bre-*
vis isagoge, Bas. 1527. 8. *de figuris compendiosa lucubratio, & elegia*
quadam, Bas. 1516. *Isagoge in Musicam*, ib. eod. *Annota-*
tiones

tionis in T. Livium & *in totam Romanam historiam cum chronologia*, ib. 1531. 1535. 1540. 1542. fol. Lugd. 1542. 1555. 8. Franc. 1568. fol. de *Geographia liber*, Basf. 1527. 4. Franc. 1532. fol. ab ipso auctore tertio recognitus, Frib. 1533. iterum ib. 1539. & Col. 1581. 8. *Annotationes in Dionysium Halic.* Basf. 1532. Franc. 1586. fol. *Annotationes in Salustii historiarum fragmenta*, Basf. 1538. 1569. Franc. 1607. Amst. 1690. 8. *Isagoge in Arithmeticam*, Frib. 1539. *Annotationes in Horatium*, Paris. 1533. 4. Frib. 1535. 8. & 1540. cum ipsius Horatii operibus; seorsim ib. 1539. & Basf. 1540. 1543. 1545. & 1580. fol. *Annotationes in Caesaris commentarios*, Frib. 1538 8 Lugd. 1540. Frib. 1544. Franc. 1569. 8. Basf. 1583. 8. *Judicium in Terentii carmina*, Lugd. 1540. 8. *Annotationes in Ciceronis librum de Senectute*, Basf. 1544. *Arithmetica* & *Musica operum Bæthi demonstrationibus* & *figuris auctior*, Basf. 1546. 1570. fol. *Dodecachordon*, Basf. 1547. fol. *Ælii Donati methodus scholiis illustrata*, Tub. 1547. Tig. 1553. 8. *Elegiarum l. 2. ad Huldric. Zuinglium*, excusi una cum musica ipsius, 4. *De arte musica*, Basf. 1549. fol. *de vi arithmetica practica*, Frib. 1550. 8. *de ponderibus ac mensuris*, Basf. 1550. libellus *de asse* & *partibus ejus*, Basf. 1550. 1551. fol. *Annotationes in Valerium Max.* Basf. 1553. Lugd. B. 1726. 4. *Annotationes in Eutropium*, Basf. 1555. 1559. 8. 1594. 8. *Epistola ad Job. Hervagium*, qua continetur apologia adversus Caroli Sigonii maledicta in ipsum, & *judicium de illius doctrina* & *emendationibus Livianis*, Patav. 1557. *Annotationes in Ovidii Metamorphoses*, Basf. 1568. 8. Amst. 1727. 4. *Annotationes in Suetonium*, Antv. 1574. 8. Franc. 1588. fol. Amst. 1736. *Annotationes in Cornelium Tacitum de moribus* & *populis Germaniæ*, Basf. 1574. & in Schardio redi-vivo, T. 1. *Annotationes in Lucanum*, Basf. 1550. 8. Lugd. B. 1728. 4. *Vita S. Felicis*, *Regula* & *Exuperantii*, *Compendium romanæ historie*, Paris. 1573. *Annotationes in Job. Casarii dialecticam*, Col. Agr. 1567. 8. *Pii II. P. M. Asiæ Europaque elegantissima descriptio*; accedit H. Glareani *compendiaria Asia*, *Africa*, *Europaque descriptio*, Paris. 1534 8.

IV. JOHANNES REUCHLINUS, f. Capnio, J. V. D. linguarum restaurator egregius, natus est Phorcemii, oppido marchionatus Badensis, d. 28. Dec. 1454. alii annum 1458. vel 1459. ejus natalem fuisse perhibent. Cum fratre natu minore, *Dionysio*, ludo literario commixtus imprimis in arte musica ita profecit, ut adolescentibus in templis præcinere solitis fuerit adjunctus; dein in ipsa aula Badensi pueris symphoniacis additus atque ipsi

ipsi adolescenti marchioni Badensi, Lutetiam proficiscenti, comes fuit datus, quæ initia erant surgentis fortunæ. Lutetiæ dialecticam Aristotelis ad unguem didicit, Latinam linguam, cujus jam aliquam habuit peritiam, magis exercuit, præsertim vero literas græcas impenſe amabat, magistro usus *Hermoximo Spartiata*, a quo etiam calligraphiam didicit, qua arte & in eruditorum consuetudinem sese insinuavit & haud exiguum peculium sibi comparavit. Literas etiam hebraicas percepit a *Weffelo Frisio*, viro pio atque erudito. Per aliquot igitur annos doctissimorum virorum usu excultus, Basileam concessit a. 1474. ubi hoc eodem, quo in matricula Rectoris civis est inscriptus, anno lauream philosoph. & a. 1477. dignitatem magistralem accepit. Ab hoc tempore publico nomine in Academia literas græcas atque latinas docuit, plurimosque codices græcos a patribus concilii Basileæ relictos evolvit; hac occasione in ejus notitiam venit codex N. T. membranaceus sec. X. pretiosissimus, quem Cardinalis Ragusinus testamento legavit fratribus prædicatoribus conventus Bas. hunc Reuchlinus Stutgardia literis mutuo petiit 11. Cal. Aug. 1488. & obtinuit, ipse vero codex ultra 30. annos detentus demum post mortem Reuchlini redditus fuit. Reuchlinus autem Basileæ cum versaretur, non solum munus professoris diligenter obiit, sed & *Amorbachios* fratres typographiam instituentes opera sua multum adjuvit. Ceterum juris studio sese addixit Reuchlinus illudque diligentius profecturus Aureliam abiit, ubi præcipuum quidem laborem posuit in juris doctrinam, tamen ipse græcas atque latinas literas docuit alios, præsertim nobiles, a quibus cum largum accepit διδάσκειν, studiorum sumtus habuit copiosos. Pictavii J. V. D. creatus Tubingam petiit, & *Eberhardo*, duci Wurtemb. Romam profecturo comes fuit adjunctus. In itinere bibliothecam Florentinam lustravit & cum *Marsilio Ficino*, *Angelo Politiano* aliisque eruditis amicitiam contraxit. Reversus Roma legatus missus fuit ad *Fridericum* III. Imp. qui eum ita benigne habuit, ut ei, submone[n]te medico imperatorio, *Jehiele Loans*, Judæo, quo Reuchlinus in hebraicis præceptore fuerat usus, pretiosissimum codicem hebræum, Moſis atque prophetarum libros complectentem, muneri dederit, eum posterosque in nobilium ordinem adlegerit, comitemque palatinum dixerit.

Accepto

Accepto hoc codice, qui postea Phorcensi, denique Dur-
lacensi bibliothecæ fuit insertus, novo stimulo in lite-
ras hebraicas ferebatur, quibus omne, quod ab aulicis
negotiiis vacuum habebat, tempus impendit. Mutato
dein aulæ Wurtemb. statu, & Reuchlino, cui insidiæ
struebantur, in aulam Palatinam translato, nova mox
itineris Romani ei data fuit occasio. Romæ invenit eru-
ditum Judæum, *Abdiam* nomine, quem, cum legatio-
nis negotia supra annum protraherentur, diligentius
audivit, & perfectam linguæ hebrææ, pro singulis in-
stitutionis horis singulis aureis solutis, acquisivit noti-
tiam, quam dein per totam Germaniam dispersit. *Ar-
gyropyllum* etiam Romæ audivit Thucydidem explanan-
tem, publicasque ejus frequentavit lectiones. Rebus
feliciter gestis, in Palatinum fuit reversus, & com-
positis in ducatu Wurtembergico litibus, permittente,
ægre quidem, Palatino, illuc ad uxorem literasque re-
diit. Sed dulciori quiete haud diu fuerat gavissus. In
judicium fœderis suevici adlectus, huic muneri, ex quo
ei quater quotannis Tubingæ cum duobus aliis judici-
bus conventus erat habendus, aliquandiu præfuit, sed
ejus tandem pertæsus, quo in literas magis incumberet,
ab eo se abdicavit, totumque libris legendis atque scri-
bendis tradidit. Verum pax ista haud fuit diuturna.
Colonix nempe Agrippinæ erat impostor quidam Judæus,
qui religionem christianam simulans familiaris erat mo-
nacho inquisitori ejusque amicis. His ostendit, mag-
nam pecuniæ summam honesta specie Judæis eripi posse,
si edictum Imperator proponat, ut Judæi omnes libros,
excepto codice sacro, in curiam comburendos adferant.
Sperabat enim fore, Judæos libros magna pecunia, quam
inquisitores cum ipso partirentur, redempturos. Morta-
chi hujusmodi edictum ab Imperatore sub religionis
prætextu eliciunt, & libri Judæorum singuli Francofurti
in curia deponebantur. Judæi autem, quibus in aula
istidem erant patroni, tempestatem istam illorum au-
xilio ita temperarunt, ut Imperator hebræorum libro-
rum jam undique congestorum incendium differret, do-
nec aliquot eruditorum virorum consilium hanc in rem
perceperit. Reuchlinus præ aliis de sententia rogatus
respondit: Hebræorum libros in Christum blasphemos,
hos nominatim indicavit, aboleri, ceteros vero, gram-
maticos, medicos, theologicos posse servari. Hæc sen-
tentia

tentia Imperatori tanquam mitior atque sapientior placuit, libri Judæis fuere redditi, sed monachi, quos spes lucri fuit frustrata, odii atro felle flagrarunt, & Caphionem hæreseos accusarunt. Combusserunt quoque Moguntiae aliquot factiosi homines librum Reuchlinianum, & conviciis prosciderunt Reuchlinum; is vero luculenta oratione se defendit & ad Imperatorem atque Pontificem provocavit. Pontifex Episcopo Spirenfi mandavit, ut controversiam cognosceret. Hic delegit iudices sapientissimos, in quibus erat *Capito*, istique pro Reuchlino pronunciarunt. Sed nondum quieverant Monachi, & rursus ad Pontificem provocarunt, a quo vero Reuchlinus, *Galatino*, *Erasmo* aliisque intercedentibus, fuit absolutus. Nec furibundi isti homines in Reuchlinum ejusque amicos, *Erasmum*, *Huttenum*, aliosque debacchari desierunt, donec *Lutherus* advenit eisque silentium imposuit. Reuchlinus ita periculo liberatus, & a duce Bavariae, *Guilielmo*, jam senex invitatus, in academia Ingolstadtensi græcam & hebræam linguam docuit; postea & Tubingam accersitus est, sed morbo icterico laborans Stutgardiae d. 30. Jun. a. 1522. ex hac vita discessit. In testamento suo plura pie mandavit, librosque suos hebræos & græcos donavit collegio Phorcensi, qui ibi in templo publice servantur & ab omnibus inspicere possunt.

Edidit *Lexicon latinum*, cui nomen dedit *Breviloqui*, Basil. 1480. 1. *de accentibus* & *orthographia lingua hebraica*, Hagen. 1518. 4. ib. 1541. 4. *dictionary hebraicum cum grammatica hebraica*, Pforzhem. 1506. fol. Bas. 1537. fol. *de verbo mirifico*, Lugd. 1522. 16. Sol. 1532. 8. *de arte cabbalistica* l. 3. Spir. 1494. fol. Tubing. 1514. fol. Hagen. 1517. 1530. fol. Basil. 1550. 1587. fol. *de arte pradicandi*, Phorcæ 1504. 4. Basil. 1540. *In septem Psalmo penitenciales hebr. interpretationem*, Witteb. 1529. 8. *Scenica progymnasmata*, 1498. 4. Monasterii 1509. 4. cum explanatione *J. Spigeli*, Tub. 1512. 4. Lips. 1514. 4. ib. 1515. 4. Tub. 1516. 4. *Sergium*, s. *capitis caput*, comœdiam, Lips. 1521. 4. cum commentario *Georgii Simleri*, Pforzh. 1507. 4. *orationem de Palatini Electoris & nobiliss. ducum Bavarie reverentia erga Ecclesiam, coram Pontifice habitam*, 1498. *Oculare speculum*, Tub. 1511. 4. *defensionem contra calumniatores suos Colonienses*, 4. *Epistolas obscurorum virorum*, quæ admirabili facetiarum lepore condita stylum Monachorum ineptissimum exprimunt, editio prima prodit sine nota anni impressionis, secunda a. 1516. 4. *cum dialogo*
mire

mire festivo, 1556. 8. cum addit. Francof. 1581. 1643. 8. Lond. 1701. 12. *Epistola clarorum virorum* ad Joh. Reuchlinum, Phorcensem, missæ, latinæ, græcæ, hebraicæ, impressæ sunt Tub. 1514. 4. Hagen. 1519. 4. Tig. 1558. 8. *Dialogum, an Judæorum Talmud sit suppressendum?* Colon. 1518. 4. *destructionem cabbalæ s. cabbalistica perfidiæ*, Colon. 1519. 4. *de præexercitamentis Rhetoris l. i. de diversitate quatuor idiomatum græcæ linguæ l. i. Orationem funebrem in mortem Rudolphi Agricola.* Ex hebræo in latinum transtulit: R. Josephi Canticum, dictum: Catinus argenteus, continens sententias morales &c. Tubing. 1512. 4. Edidit porro epitomen historiarum; nec non comædiam sale plenam sub nomine fabulæ Gallicæ; *dialogum osci & volsci ludis rom. act.* sine loco & anno, 4. Multa etiam e græco in latinum vertit, ut *vitam Constantini M. S. Athanasii l. de variis quæstionibus &c.* cum annotationibus, Hagen. 1519. 4. *S. Athanasii in librum Psalmorum a Jo. Reuchlin nuper integre translat.* Tub. 1515. 4. *Xenophontis apologiam pro Socrate. Nestorium hæreticum; confessionem Cypriani; Prochum de beata Virgine. Luciani aliquot mortuorum dialogos; ejusd. dialogum de concilio Deorum; Monomachiam Iliados Homeri de Paridis & Menelai duello,* in lingua germ. metricæ. *Epiphanium de morte Prophetarum; Maximum Tyrium Platonic. Philosoph. in orat.* Si Deus fecit bona, unde veniant mala. Reuchlini vitam conscripsit J. Henricus Majus, qui plura desiderantibus consulendus.

PROFESSORES PÆDAGOGII CLASS. I. f. GRAMMAT. ATQUE AUCT. LAT.

Pædagogium erat inter Academiam ludumque triviale medium. Institutum erat a. 1544. sub Rectoratu *Oswaldi Beri.* In quatuor classes divisum quatuor Professores regebant, quorum quilibet singulis diebus, feriatis exceptis, philosophiæ studiosis lectionem habebat in collegio superiori, *Augustino sacro*, hinc & *Pædagogium Augustinianum* vocabatur. In prima classe tradebantur præcepta Grammaticæ Latinæ; in secunda auctor linguæ latinæ tractabatur; in tertia Grammatica Græca & in quarta auctor græcus explicabatur. Sub initia vero hujus instituti pensum mutatum & ita ordinatum fuit, ut in prima classe Grammatica Lat. & auctor Lat.

Lat. in secunda Rhetorica atque Poëtica; in tertia Logica & in quarta Grammatica Græca & auctor græcus tractaretur. Hoc institutum vero substitit tantum ad a. 1589. quo abrogatum, vel potius in Gymnasium translatum fuit; ex eo nempe prima atque suprema Gymnasii classis originem cepit.

I. CONRADUS LYCOSTHENES (*Wolffhardt*) natus fuit Rubeaci, Alfatix oppido, a. 1518. patre *Theobaldo Wolffhardt*, consule & quæstore, matre *Elisabetha*, *Conradi Pellicani* sorore. Rudimentis literarum domi perceptis, a. 1535. Heidelbergam profectus, atque bonis artibus & linguis eo cum successu est operatus, ut quadriennio post artium Magister crearetur. Animum deinceps ad Theologiæ studium convertit, quod diligenter tractavit. Quatuor summa Dei erga se beneficia prædicare solebat: quod *Christianus esset natus; in bonis literis educatus; ad Theologiæ professionem adductus & occasione rempublicam scriptis suis juvandi non fuisset destitutus*. Theologiæ studio historiarum quoque junxit cognitionem, omnium gentium acta observans, temporumque series inter se comparans. Quam diligentiam cum in ipso observasset M. *Henricus Stollius*, Ecclesiastes Heidelbergensis, eum plurimum dilexit, secumque Ratisbonam ad celebre illud Theologorum colloquium deduxit, ubi procerum acta moresque notavit. Comitibus finitis Heidelbergam reversus, inde anno insequenti Basileam, *Henr. Puntaleone* comite, tendit, ubi Professor constitutus a. 1542. in Pædagogio simul Linguam Latinam, Justinum explicans, & Dialecticam Willichii, in Academia vero Logicam Cæsarii docuit. Hoc triplex munus cum laude gessit per triennium, a. 1545. ad Diaconatum Leonhardinum translatus, in quo reliquum vitæ pie atque diligenter transegit. Antiquissimum Pythagorei silentii symbolum, in instaurandis ipsius ædibus a. 1549. terra egestum, humani capitis effigiem, labiis circulo confixis, auribusque patulis, sublimi domus parte publice spectandum proposuit. Anno 1691. cum eadem ædes restaurarentur, istud antiquitatis monumentum ex improvviso corruptum fuit; ejus loco sequentia muro fuere inscripta:

Pytha-

Pythagoræ lapidem, monumentum illustre silenti,
 Clauso ore humanum, sed patula aure, caput;
 Expositum hic publico, curante *Lycosthène*, posthac
 Ne quæras, opifex cuspide fregit iners.

Sed ut Lycosthenes hoc facto antiquitatis, ita & isto immortalitatis studiosum sese declaravit, quod humanæ conscius fragilitatis ac de meliore sorte assidue cogitans, alatæ mortis simulacrum privatim sibi ob oculos semper collocatum habuit. Uxorem duxerat *Christianam Herbaſter*, *Joh. Oporini*, typographi sororem, quam magni *Theod. Zuingeri* pater viduam reliquit. Infirma & sæpe adversa fuit valetudine, usque adeo, ut subita dextri lateris a. 1554. d. 21. Dec. paralyſi tactus, linguæ officio sublato, ratione tamen manente salva, omnem penitus memoriam ad aliquot dies amiserit, qua tamen redeunte ad officium, manu dextra soluta, sinistra est usus, & aliquot libros absolvit. Tandem continuis laboribus & vigiliis consumptus, apoplexia gravissima correptus, unius horæ spatio vitam cum morte, quam in voto habuit, feliciter commutavit 8. Cal. Apr. 1561.

Edidit plura. *Commentarium in Plinium Sec. de viris illustribus*, fol. Bas. 1547. 1552. 1563. *elenchum scriptorum omnium veterum ac recentiorum*, Bas. 1551. 4. *Chronicon prodigiorum*, lat. c. f. fol. Bas. 1557. item germ. per *Joh. Heroldum* translatum, Basil. 1557. fol. opus notabile atque rarum. *Joh. Ravissii Textoris officinam* auxit & in ordinem commodiorem redegit, Basil. 1552. 4. 1555. 4. in *Ptolomei geographicos libros indices* 2. collegit &c. præfixit etiam iisdem libris epistolam, in qua de utilitate tabularum geographicarum ac indicis usu late differitur, Bas. 1552. Edidit porro *Gnomologiam ex Aenea Sylvio*, s. *Pio II.* collectam, Bas. 1551. 4. 1571. *Apophthegmata*, Bas. 1555. fol. Lugd. 1561. 1571. 8. 1591. 8. Col. 1603. 8. *Parabolas s. Similitudines*, Bern. 1557. 4. & sub titulo: *Similiam loci communes*, cum *Theod. Zuingeri similitudinum methodo*, Basil. 1575. 8. 1595. 8. 1602. 8. *L. Domitii Brussonii facetiarum exemplorumque* I. VII. opera C. Lycosthenis, Bas. 1559. 4. Lugd. 1560. 8. 1562. 4. *Supplementa ad Julii Obseq. prodigiorum librum*, Bas. 1552. 8. Lugd. 1553. 1589. 12. Amstel. 1679. 8. Lugd. Bat. 1720. 8. *Epitomen Bibliotheca Gesneriana*, Tig. 1555. fol. de rep. *Rubeacensium*; de *prisca Rom. legibus*; *calendarium historicum*; *virtutum & vitiorum exempla*; *annotationes in Justinum, Val. Maximum & Fenestellam*; lib. de *mulierum præclaris dictis & factis*;
 R epitomen

epitomen Stobæi, Bas. 1557. *Regulam investigationis omnium locorum in tabula Helvetiæ contentorum*, Bas. 1560. 4. *Theatri vitæ humanæ farraginem infinitam*, labore fere incredibili, per. xv. annos congeffit, sed morte subita præventus opus adfectum privigno, *Theod. Zuingero*, perficiendum reliquit.

II. HENRICUS PANTALEON, S. Theol. Licent. Med. Doct. S. Lateranensis Palatii atque Cæsarei Consistorii Comes, in lucem editus est Basileæ d. 13. Jul. a. 1522. Studiorum fundamenta jecit in schola Petrina, in qua tum Virgilius, Q. Curtius atque Terentius primum a *Joh. Sphyractæ*, dein ab *Ant. Wild*, præceptoribus, explicabantur. Huic posteriori præceptori, quo per sexennium fuerat usus, quique pueri indolem atque industriam satis mirari non poterat, inprimis erat charus, isque patrem, *Christianum*, diligenter monuit, ut filium a literarum studio abstrahi non pateretur. Paulo post *Rod. Frey*, senator, a patre filium expetiit, ut domum suam receptus liberos suos in ludum duceret & domi informaret; ita puer pueri dux est constitutus. In vicina autem habitabat *Joh. Bebelius*, typographus, qui, perspecta pueri docilitate, consentiente Freyio & patre, puerum in generi, *Mich. Isengrini*, typographi, officinam traduxit, & optima quævis promisit. Cum autem, qui ex pacto anagnostam agere debuit, typothetæ officium obire jussus fuit, sex mensibus elapsis, amicorum consilio, relicta typographia, a. 1537. Friburgum abiit, & per unicum annum scholam trivialem frequentavit, præceptore usus *Joh. Pedio*. Hinc a Freyio revocatus Academiæ Bas. Rectori nomen dedit a. 1538. & philosophicas scientias excoluit; tum *Simonem Gryneum* præceptorem habuit atque mæcenatem, pluresque libros ab eo dono accepit, quo literis magis magisque devinciretur. Mox vero alia iterum rerum facies adparuit. A. 1539. avunculus ejus, *Melch. Kriesstein*, Basiliensis, Augustæ typographiam exercens, a patre Pantaleone contendit, ut filium, ad literas natum, sibi mitteret literis in illa academia porro imbuendum. Precibus morem gessit pater, & filius eodem hoc anno Augustæ advenit. Tum vero avunculus omnem movit lapidem, ut nepotem à literis abstractum ad typographiam perduceret, spem faciens fore, ut ipsi seni aliquando in officina

officinā succederet. Sed adolescens typographiæ jam pertæsus, adhibito consilio *Xysti Betuleji*, ludimoderatoris Augustani, quem antea Basileæ præceptorem agentem noverat, avunculi jussu recusavit, & in literarum studio constans perrexit. Paulo post *Cesar Delphinus*, Italus, medicus pius ac eruditus, Augustæ advenit & a Betulejo adolescentem petiit, qui ipsum Ingolstadtium ad academiam interpretes sequeretur. Huic Pantaleonem commendat & fidem suam pro eo obligat. Anno elapso Delphinus amplo salario soluto Pantaleonem dimisit, ilteque, qui ab Italo patrōno fundamenta atque arcana medica didicerat, Heidelbergam abiit, & in collegium Dionysianorum receptus artibus & poëticæ diligentem operam navavit; postquam autem a. 1541. primam lauream accepisset & se ad secundam obtinendam præparasset, accidit, ut *Comm. Lycosthenes*, ejus amicus, Heidelbergæ Basileam profectus, Pantaleonis laudes Academicæ proceribus proponeret, eumque illis de meliori commendaret, quo factum, ut Pantaleon a. 1542. a Deputatis in patriam revocaretur & in collegium publicum susciperetur. Hic dum dialecticas, physicas atque mathematicas lectiones audiret, ipse superiorum permisso diebus feriatis in Persii satyras publice legit & d. 25. Apr. a. 1544. Magisterii titulo fuit ornatus. Eodem autem anno d. 17. Dec. professionem Linguae Latinæ nactus publice Justinum exposuit. Ipse vero tam Theologiæ quam Medicinæ studuit, annoque 1545. in numerum candidatorum Ministerii receptus est. Eodem anno d. 22. Jan. uxorem duxit *Cleopheam Kæsinam*, ex qua pulchra prole non semel parens est factus. Nec non ipso hoc anno 1545. quo ad Ministerium S. fuit admissus, Diaconatum Petrinum d. 25. Jun. impetravit, ut & professionem Dialecticæ Willichii, quam utramque professionem una cum Diaconatu administravit usque ad a. 1548. quo ei Rhetorica docenda fuit commissa. Nec hic substitit vir laboriosissimus, sed &, concedentibus superioribus, extra ordinem publice Theologicas lectiones habuit, variosque S. S. libros illustravit; Theologicas etiam instituit disputationes, quibus ea, quæ prælegerat, confirmavit. Quam ob industriam d. 2. Jun. 1552. Theologiæ Licentiatus solenniter fuit promotus. Anno vero eodem ob vocis præcipitantiam, multis ingratam, vel potius indigne ferens, sibi *Johan-*

nem Jung, cum pastor Petrinus eligeretur, fuisse prælatum (paulo solutiori nempe vita usus fuerat Pantalæon & epulis atque sclopetariis civium exercitiis interesse solebat) sponte se diaconatu abdicavit. His curis solutus Medicinæ studium denuo excoluit & privatim ejus cultores instituit. Doloribus autem colicis atque nephriticis eum invadentibus, valetudinis causa a. 1552. iter in Galliam instituit, & Valentix eodem anno d. 21. Sept. Medicinæ Doctor fuit renunciatus. Postea ulterius progressus per Avenionem, Montempeffulanum, ad mare usque Mediterraneum & Pyrenæos montes penetravit, ubi ignotas Germaniæ stirpes, varia animalia & multa observatu digna contemplatus est. Inde in patriam rediit, & Medicinam diligenter exercuit; prius autem, quo legibus atque præsertim S. C. hoc tempore lato, ex quo nemo civium, minus exterorum, Medicinam practicam excolere potuerat, nisi prius disputatione publica suam in hac arte peritiam probasset, d. 17. Novemb. publicam disputationem cum laude sustinuit. Anno 1556. d. 7. Jan. professio Dialecticæ Willichii iterum, & d. 19. Apr. 1557. cathedra Physica ei fuit commissæ. Hoc tempore d. 19. Dec. 1557. Ofw. Berus eum in collegium Medicum recepit, quo mortuo secundus ab Academia restaurata Medicæ facultatis Decanus d. 24. Maj. 1558. electus veteres leges in usum revocavit, matriculam novam collegit, atque ærarium cum libro rationum in peculiari arca, singulis annis novo Decano tradenda, adservavit, quæ omnia a. 1542. & ordini philosophico præstitit. An. 1566. ab augusto Cæsare Maximiliano II. Poëtæ laureati & Comitæ Palatini dignitate, nec non muneribus amplis fuit ornatus, quia ei tertiam Prosopographiæ partem dedicaverat; simul etiam a *J. Vdahr. Zafio* procancellario Imper. collationem feudi & insignia illustria accepit. Rebus humanis fuit exemptus d. 3. Mart. a. 1595. postquam raro exemplo d. 2. Dec. 1594. nuptiale convivium alterum, exactis L. plenis conjugii annis, cum uxore celebrasset. Ex duodecim, quos suscepit, liberis *Maximilianus* Medicinæ Doctor obiit a. 1644.

Edidit *epicedia* in obitum *Erasmi*, *Oecolampadii*, *Sim. Grynai*, *Carolostadii*, *Hier. Gemusæi* a. 1544. *Scholia in Publîi Syri mimos*, eod. *Philargyrum* & *Zaccbaum*, comœdias, 1546. *Chronographiam Eccles.* 1550. 1561. &c. *hystoriam*

historiam Martyrum Gallia. Germania & Italia, 1563. fol. *libellum de pestis preservatione & remedio*, 1564. *Prosopographiam virorum illustrium Germaniae*, 3. T. 1565. & 1566. fol. *diarium historicum*, 1572. fol. *Omniū regum Gallia vitas versibus eleg.* 1574. *Heldenbuch &c.* f. *Prosopographiæ versionem germ.* 3. T. fol. Basil. 1568. 1578. *descriptionem comitatus Badensis*, germ. 1578. 4. *historiam Johannitarum*, Rhodiorum aut Melitensium equitum, Bas. 1580. 1581. fol. Ex Latino in Germ. transtulit & tribus libris auxit *Sleidani historias*, 1556. 1562. fol. *P. Jovii historias*, Basil. 1559. fol. *Mart. Cromeri historiam polon.* 1562. fol. *Job. Ludov. Vivis librum de veritate R. C.* 1571. *Nic. Gillet historiam Gall. cum Nicolao Falcknero convertit*, 1572. *Petr. Pauli Vergerii opus de Jubilais.* 1550. *P. Jovii descriptionem ceremoniarum Moscovit.* 1564. fol. — *Cardani opus de varietate rerum*, & ejusdem libros *de subtilitate* prius a se in compendium redactos, Basil. 1557. *Sigismundi L. B. ab Herberstein Moscoviam*, Basil. 1563. *Naucleri historiam &c. Gesneri partem secundam Eozymii &c.* 1570. Varios etiam auctores restituit, & præfationibus additis edidit, veluti *Metochitæ physica*; *Ravissi epitheta*; *G. Tyrii bellum sacrum*, & alia diversis temporibus edita; nec non in *S. Hieronymum*, *Origenem*, *Basilium*, *Hilarium* aliosque auctores a Frobeniis editos, novos atque locupletes indices concinnavit.

III. THOMAS GRYNÆUS honestis parentibus natus est a. 1512. in oppido Sueviæ, *Vehringen*, primaque literarum rudimenta ibidem posuit. Inde a. 1525. a patruo *Simone Grynæo* Heidelbergam vocatus, artibus & linguis strenuus incubuit, & præsertim Theologiæ operam dedit. Patruum istum Heidelbergæ Basileam ad professionem græcam obeundam vocatum, a. 1529. fuit comitatus, atque cum eodem privatus vixit, auditoribus ejus græcos latinosque auctores privatim prælegens. A. 1533. uxorem sibi legit *Adelheidam Steuber*, Turicensem, quæ d. 21. Dec. 1590. Basileæ, luminibus orba, fuit defuncta. Grynæi fama ad Bernenses perlata, illuc a. 1535. fuit vocatus, ut professionem linguæ græcæ atque latinæ obiret, & in cœnobio Franciscanorum studia juventutis ministerio verbi divini dicatæ dirigeret. Huic muneri cum per undecim annos fideliter præfuisset, sive amore Academiæ Basiliensis, tanquam patriæ alterius, ductus, sive litium religionis causa Bernæ exortarum pertæsus, ut erat moribus tranquillus & pacis studiosissimus, Basileam rediit, ubi inter academiæ Pro-

fectores receptus & a. 1548. VI. Id. Febr. Artium Magister creatus est; duplicem nempe eodem anno 1547. obtinuit professionem, unam Grammaticæ Latinæ atque auctorum latinorum, alteram Grammaticæ Græcæ auctorumque græcorum, utramque in pædagogio. Priori officio a. 1553. renunciavit, & Collegii superioris Oeconomiam gessit. Ab hoc tempore etiam in vicinis pagis Evangelium annunciando famam pietatis & eruditionis haud vulgarem sibi conciliavit, qua permotus Carolus Marchio Badensis a. 1556. eundem tanquam virum pietate & doctrinâ omnigena conspicuum ad opus Reformationis promovendum adscivit, & non tantum pastorem ecclesiæ Rœtelanæ sed & aliorum Ministrorum *επισκοπιον*, s. *Superintendentem* constituit, quo munere, qua decet, fide, gravitate atque modestia, omnibus charus & gratus, fuit perfunctus, donec d. 2. Aug. a. 1564. morte honesta, peste correptus, occubuit. Genuerat plures liberos utriusque sexus, inprimis quinque, in quibus revixit, filios: *Theophilum* nat. d. 30. Nov. 1534. qui patris primum Diaconus a. 1557., a. 1558. pastor in Hainingen, a. 1564. past. in Lœrach, & a 1. Jan. 1565. per sesquiannum simul in Stetten, a. 1575. past. Rœtelanus, denique, quia formulam concordiæ subscribere noluit, Basileam reversus d. 20. Febr. 1582. eodem anno d. 18. Jul. pastor Sissacensis fuit electus ibidemque mortuus d. 28. Sept. 1583. *Simonem*, Professore Ethicæ; *Joh. Jacobum* S. Theol. Doct. & Prof. Antist. Basil. *Tobiam* Oeconomum Petrinum & *Joh. Casparum*, Secretarium Ambergensem.

IV. PHILIPPUS BECHIUS, Med. Lic. Brisaco oriundus, D. *Joh. Gastii* Brisacensis ex sorore nepos, bonis literis sedulam dedit operam, quarum gratia a. 1537. Basileam concessit; quadriennio post VI. Cal. Apr. prima Laurea ornatus; legitur etiam fuisse A. L. M. sed in matricula Magistrorum Basil. ejus nomen non apparet. A. 1553. ei duplex professio fuit commissa; una in pædagogio Auctorum Latinorum, altera in Academia, Logicæ, quam utramque diligenter administravit. De eo hæc habet Vrsifilius: *Tua etiam mihi, Philippe Bachi, Medicæ facultatis cultor, recordatio jucunda est, qui ut Apollineæ artis scientia usuque, si longiora tibi hujus vite*

vita flamina fata dedissent, majorem laudem comparasset: ita & te Dialecticæ professionis fide discentium commodis studuisse, tacentibus ceteris, ego auditor & discipulus fateri debeo. Mortalitati renunciavit 3. Non. Sept. 1560.

Job. Bapt. Montani Consultationes direxit & 3. Tomis edidit; *Pachymeris Epitomen Philosophiæ*, latinitate donatam, typis excudi curavit, Basil. 1560. fol. Scripsit & tractatum de metallisodinis, in quo omnia munera, instrumenta &c. describuntur c. f. Franc. 1580. & Bas. 1621. fol. In *Virgilii Bucolica, Georgica, Aneida*, annotationes scripsit, impressas Lipsiæ cum opere Virgiliano, 1546. 8. In latinum convertit: *Georg. Agricola* libb. XII. de re metallica, Bas. 1557. fol.

V. JOH. JACOBUS WECKER, dictus *Wentokum*, Medicinæ Doctor, natione fuit Rhætus, natusque a. 1528. Basileæ. Academiæ nomen dedisse legitur a. 1544. In Pædagogio Dialecticæ a. 1557. simulque a. 1560. Grammat. Lat. atque auctorum Lat. Professor fuit designatus. Cui utrique muneri diligens præfuit, etiamque Medicinam practicam studiose excoluit, gratam & felicem ægrotis operam præstans, donec mense Aprili 1566. pesti superstes, Colmariam abiit, ubi Archiater a. 1586. fato fuit perfunctus.

Opera ejus sunt: *Medica Syntaxes*, Bas. 1562. 1581. 1582. 1601. fol. *Alexii Pedemontani thesaurum medicum* transtulit ac edidit germ. & lat. Bas. 1575. 4. *Antidotarium speciale*, in quo relatio occurrit de thermis Eiperinis, ibid. 1561. 4. 1577. 4. 1588. fol. 1595. 4. & 1617. 4. de Secretis l. 17. ib. 1582. 1587. 1598. 1604. 8. 1613. 8. 1629. 1642. & 1701. 8. *Oratoria artis præcepta* &c. ib. 1582. 8. *Organum logicum*, 8. *Pract. med.* l. 7. ib. 1585. & 1602. 16. & Bonon. 1597. 16. *Antidotarium generale*, Bas. 1576. 4. 1586. 4. *Revelatio præcipuorum articulorum Magia* &c. germ. 1576. 8. 1577. 8. Franc. 1586. fol. *Antidotarium generale & speciale*, Bas. 1595. 1601. 4. & 1647. 4. *Anatomia Mercurii Spagyrica*, a. 1620. 4. Scripsit etiam libellum de variis crasibus olei & vini, Bas. 1571. 8. ib. 1603. 8. von mancherley künstlichen Wassern und Weinen, Bas. 1593. 8. Uxor ejus, *Anna Keller*, Isaaci Med. & Prof. filia, edidit librum in 4to, quo rei culinariæ artes tradidit, quemque dedicavit *Loyse Juliana* principi Auriacæ, sub titulo *Kochbuch* &c. Amberg. 1600.

VI. MATTHÆUS MEYER, ex antiqua nobilique Basiliensium gente oriundus, natus est a. 1545. Literis artibusque ingenuis diligenter imbutus a. 1561. primæ Laureæ, a. 1565. gradu Magisterii fuit ornatus. Diligentiam ejus remuneraturi, eruditionisque ejus fructus percepturi Academiæ proceres ei primum a. 1566. professionem Grammaticæ Lat. auctorumque Lat. simulque dialecticæ Willichii, dein a. 1567. professionem Linguae Græcæ in pædagogio, denique a. 1571. itidem professionem linguae Græcæ in Academia obeundam commiserunt, quas singulas provincias diligentissime administravit. Præter linguas & Theologiæ operam dedit tam sedulus, ut præstantissimis temporis sui Theologis compararetur; vir nempe erat felicissimi ingenii & pertinacis industriæ, hinc eximie doctus & eruditionis fama præclarus. Accidit autem, ut controversiis illis tristissimis, quæ tum in ecclesiis de gratia Dei & cœna Dominica agitabantur, implicatus contra expressum Senatus consultum, omnibus cum Academicis tum Ecclesiasticis per Deputatos d. 22. Oct. 1577. inculcatum, quo singulis subscriptione libri Concordiæ fuerat interdictum, prævaricaretur, illique Concordiæ subscriberet, eo fine, ut functionem ecclesiasticam, quam in Marchionatu habebat, retineret; quo factum, ut vi ejusdem decreti professione sua decedere fuerit iussus d. 23. Apr. a. 1582. Reliquo tempore privatus vixisse videtur usque ad d. 14. Febr. 1588. quo in Domino obdormivit, relicta uxore *Anna Wolff*, & *Jacobo Reinbardo*, filio, J. V. D.

VII. VLRICUS FALCKNER, Beati Falckneri, satrapæ, senatoris atque Scholarchæ filius, A. L. M. a. 1566. designatus fuit Gramm. Lat. atque auctorum Lat. in pædagogio Professor, sed hoc officium vixdum, vel nondum ingressus eodem anno pastor Franciscanus, a. 1577. Archidiaconus & a. 1580. pastor Leonhardinus fuit vocatus, in qua statione d. 17. Febr. a. 1583. animam deposuit; filium habuit sibi superstitem *M. Job. Vlricum*; qui cum per 44. annos ecclesiæ Petrinæ concionando atque docendo fideliter inserviisset, a. 1642. cœlestia laboris præmia accepit.

VIII. PETRUS GAJUS, Maixiriensis e Friburgensium Nuitonum agro oriundus, & Basileæ 8. Cal. Febr. 1579. A.

A. L. M. creatus, electus fuit professor Grammaticæ Latinæ a. 1566. & in pædagogio Ciceronis officia explicuit. A. 1578. Præpositum collegii superioris, denique a. 1589. Gymnasiarcham egit & obiit a. 1593.

IX. SAMUEL COCCIUS (*Koch*) dictus *Effig*, in lucem editus est mense Decembri a. 1548. patre *Huldrico Coccio*, Theol. Doct. ac Prof. N. T. itemque pastore *Petrino*, & matre *Margaretha Merian*. Vestigia patris secuturus, se totum studio philos. ac theol. sacrauit, a. 1565. diligentæ præmium, primam Lauream, & a. 1567. Doctoratus philos. dignitates ac privilegia accepit. In Professorum numerum receptus, primo a. 1567. Grammaticam Lat. cum auctoribus Lat. docuit, & a. 1573. Willichii Dialecticam itidem in pædagogio explanavit, idque donec a. 1589. pædagogium in Gymnasium transferretur, qua utraque functione tunc cessit, unice ecclesiasticis functionibus vacans, quas per 60. annos obiit; ab anno enim ætatis 18. in variis pagis urbi vicinis Evangelium prædicavit per quadriennium, totidem annos in ecclesia Petrina, 15. in Elisabethana, & in Martiniana totos 37. annos, in qua functione sacra diem suum obiit ipsis Non. Aug. 1626. Matrimonium iniit cum *Catharina Bembänder*, eaque biennio post defuncta, cum *Barbara Tschudin*, ex qua reliquit filium, *Fridericum*, pastorem in Mœnchenstein, dein in Muttenz, tandem in Tennicken, ubi a. 1653. æt. 70. vita excessit.

PROFESSORES PÆDAGOGII CLASS. II. RHETORICÆ s. POETICÆ.

I. VLRICUS HUGOBALDUS s. *Hugwald*, dictus *Murius*, vitæ primordia cepit a. 1496. in pago Turgoviæ prope Episcopicellam, alii *Wylen*, alii *Stocken* illum pagum vocant. Literarum studio deditus pro ingenii elegantia & indefessa industria magnos cito fecit progressus, & eruditionem haud exiguam comparavit. Reformatæ doctrinæ favens atque adhærens incidit in Anabaptistarum consortium, quorum fanaticis opinionibus seductus, longum vale literis dicere, & in sudore vultus pane suo vesci constituit; artem proin vasorum ex

R 5

abiete

abiete & pinu conficiendorum didicit; ab ista vero arte paulo post ad agriculturam transiit. Saniora tandem edoctus, cum literis in gratiam rediit, & præter Philosophiam Medicinam diligenter excoluit, Anatomia & Botanica inprimis delectatus, quarum principia ab *Eustachio Quercetano* audiit atque didicit. Basileam cum venisset, & Professoribus diligentiam suam probasset, d. 14. Non. Nov. 1540. Baccalaureus & d. 4. Jan. 1541. L. A. M. publice creatus & in ordinem philosophorum receptus est, idque gratis, quod de literis bene meritus esset. Haud diu post duplex officium ei fuit commissum, nempe Ludimagistri in Gymnasio & in Academia Professoris Logicæ; eodem vero anno 1541. ad Ethicam docendam fuit translatus, quod præstitit usque ad a. 1571. Simul vero a. 1544. in pædagogio ei data fuit professio Poëtices, Virgiliumque auditoribus in ista cathedra exposuit; sed a. 1550. Virgilius ei fuit remissus, & in Ethica professione substitit usque ad finem vitæ, qui contigit 9. Cal. Febr. a. 1571.

Variis scriptis inclaruit, quorum præcipua sunt: *Libellus de studiorum suorum præmio*. Basl. *Epistola ad omnes, qui Christum ex animo quarunt*, ib. 1522. *de Germanorum prima origine, moribus, institutis & rebus gestis*, ib. 1539. Francof. 1584. fol. ib. 1589. fol. Hanov. 1613. fol. & inter *Pistorii scriptores Rer. germ.* Ratisb. 1720. fol. Vol. 2. do.

II. JOHANNES NISAEUS, Augustæ Vindelicorum natus, Tubingæ A. L. M. proclamatus, eruditione sua & Basiliensibus innotuit, qui ei professionem in pædagogio Rhetoricæ atque Poëticæ, s. Virgilii a. 1550. & a. 1551. in Academia itidem professionem Rhetoricæ detulerunt, quam utramque diligenter curavit adhuc a. 1556. a. 1557. ad Physicam translatus legitur; quæ postrema ejus fata fuerint, reperire nobis non licuit.

III. JOHANNES FUEGLINUS, Basiliensis, *Petri, Sitomætræ*, filius, annum habuit natalem 1533. Literis deditus ita profecit, ut a. 1550. Laureatus & a. 1556. magno suo merito artium Magister promoveretur. Citius & aliis docendis fuit adhibitus. Jam a. 1557. professio pædagogii Poëtica ei fuit demandata, quam omni diligentia administravit, symbolum suum: *Qui non est bodie, cras minus aptus erit*, subinde discipulis suis inculcans.

eulcaus. Eodem hoc anno etiam in Academia Rhetorica docenda ei fuit commissa. A. 1564. ad Professionem Logices & denique a. 1571. ad Eloquentiæ cathedram promotus. Neque vero philosophicis studiis tantum, sed vel maxime S. Theologiæ est operatus. Ecclesiæ Ministrum egit vigilantem in pago Basileæ vicino, *Alschweiler*, ab a. 1558. abhinc ad Diaconatum Petri-num a. 1564. & dein a. 1566. ad Pastoratam Leonhardinum vocatus. Vir iste pius ac eruditus gravem passus est afflictionem, mentis nempe alienationem, quam, iudice Platero, zelotypia sibi adtraxerat; restitutus tamen saniori menti ad munera rediit, quibus rite fuit defunctus ad a. 1579. quo huic mundo valedixit.

Ex latino in germanicum convertit *Job. Wierii tract. de Præstigiis Daemonum* &c. Bas. 1565. 8.

IV. ALBERTUS SULCER, *Simonis* Theologi ac Antistitis Basil. ex fratre nepos, natus Bernæ, studiis literarum vacavit Basileæ, ubi & diligentia suæ præmia tulit. A. 1553. Academia civibus adscriptus, in liberalium artium studio gnaviter ac feliciter decurrit, prima Philosophiæ Laurea a. 1557. deinceps quoque Magisterii axiomate exornatus a. 1560. Haud diu post, nempe a. 1563. constitutus fuit in pædagogio Professor Poeticæ, quam cathedram vero ut & Diaconatum summi Templi s. Pastoratam Albanum, ad quem a. 1562. fuerat vocatus, brevissimo tempore ornavit, præmatura morteferali illo ac pestifero anno 1564. d. 24. Aug. Academiae atque Ecclesiæ abreptus.

V. SAMUEL HOLZACH, ex antiqua & de patria optime merita familia oriundus, honestis parentibus in lucem est editus Basileæ a. 1536. Eos fecit in bonis literis progressus, ut a. 1549. ad lectiones publicas admissus, a. 1552. prima Laurea & a. 1558. Magisterii dignitate exornaretur. Placuit dein Academiae, ejus operam in trina statione sibi vindicare. Primo quidem a. 1565. ei professionem Poeticæ in pædagogio obeundam commiserunt Academiae antistites. Dein a. 1576. publica auctoritate in Academia docuit Rhetoricam; denique a. 1589. Linguae Græcæ professor ordinarius fuit constitutus, quibus singulis officiis affatim satisfecit, quamdiu

quamdiu per vires licuit; cum autem istæ frangerentur & ad docendum esset ineptus, præterea etiam quædam admisisset crimina, quæ eum munere reddebant indignum, vicarius primum ei datus, dein prorsus ab officio fuit remotus a. 1595. relicto tamen ei dimidio stipendio; reliquum vitæ privatis studiis vacavit, tandemque morte fuit extinctus a. 1616.

VI. THEOBALDUS MUELER, Marpurgensis, Basileæ IV. Id. Febr. a. 1572. A. L. M. dictus, a. 1574. ob eruditionis merita in consilium facultatis philos. fuit adoptatus & a. 1576. in pædagogio professor Poëtices denominatus; legit in Virgilium, ex quo tum poësin, tum linguam latinam docuit. Vocatus ad scholæ Francfurtensis moderationem Basileæ valedixit publice in promotione Laureatorum non. Maj. a. 1581.

VII. HENRICUS JUSTUS, civis Basiliensis, Academiæ atque ecclesiæ commodo mundum intravit d. 12. Dec. a. 1561. parentibus usus optimis, patre quidem *Luca Justo*, pastore Petrino, matre vero *Anna Heydelin*. Horum sollicitis auspiciis prima literarum elementa sedulus hausit, ea felicitate, ut non modo d. 14. Febr. a. 1581. gradu Magisterii fuerit decoratus, sed & paulo post, annum ætatis vicesimum vix supergressus, operam in vinea Domini collocare, & ministerio Verbi ad D. Jacobi defungi potuerit. Quadruplicem etiam in Academia occupavit stationem, a. 1582. in pædagogio Professor Rhetoricæ f. Poëticæ, a. 1584. in Academia Logicæ, a. 1587. Ethicæ, & tandem a. 1589. Organi Aristot. Professor constitutus. Etiam ab a. 1582. ad a. 1584. Præpositus inferioris Collegii fuisse legitur. Interim in ecclesia Dei partes ei fuere tributæ meliores, a. 1587. Diaconatus &, defuncto ejus patre, a. 1595. Pastoratus Petrinus, cui sacro & gravissimo muneri, juxta professionem Organi, ad finem vitæ pie, dextre, industrie præfuit. Anno, qui seculum XVI. clauderat, Rector Academiæ designatus, alterius Jani instar seculum illud finiit & novum incepit, munere amplissimo decenter defunctus, & quia Philosophum pariter & Theologum agebat, utriusque *χρησιν* & ordinem hac eleganti epigraphe in frontispicio albi academici complexus est: *Quod Hagar Saræ in domo Abrahamæ, id Philoso-*

Philosophia Theologia in domo Dei; cujus occasione lepidus aliquis, scurra, acerbiores has protulit facetias: *Ejice ancillam*. Decanatu autem philos. Professor noster functus est sextum, raro exemplo. Uxorem duxit *Matthiæ Bonhardt & Vrsulæ Wachter* filiam, *Annam*, ex qua suscepit 9. liberos, inter quos *Joh. Gernleri*, Past. Petr. Uxor, *Maria*, quæ in lucem hanc fausto sidere edidit splendidum Ecclesiæ & Academiæ lumen, *Lucam Gernlerum*, Antistitem; sic memoria *Justi* fuit in benedictione. Filius *Lucas* Pastor Bretzwilensis a. 1629. fatis concessit, biennio tantum hoc munere defunctus. Ceterum Noster per totam vitam inprimis vero duabus vicibus singularem Dei providentiam in se fuit expertus: Una quidem a. 1596. cum, duobus sibi junctis amicis, maternas ædes, novum cellæ vinarie opus fornicatum inspecturus, fuisset ingressus, & ipse pariter ac focii una cum fornicibus & pariete proximo in profunditatem cellæ decidissent, ipse & focii, ruinis licet obruti, salvi tamen effossi fuere. Altera vero vice a. 1606. ex summa eaque tertia domus contignatione in sublatos lapides delapsus, non sine miraculo illæsus mansit, & per scalas ascendens, liberos, qui parentem mortuum ex casu credebant, quasi exanimatos præsentia sua refecit, & mortuus mortuos in vitam revocavit, expertus veritatem illius Davidici: *Deum Justii ossa servare, ne ullum eorum frangatur*. Supremus interim annus vitæ incidit in feralem illum multisque claris viris, interque eos amicorum trigis, *Amando Polano*, *Jac. Zuingero*, & *Jac. Rudino* exitialem, 1610. quo & ipse d. 19. Oct. pestifera lue fuit abreptus, quem & uxor mox d. 25. Nov. itidem peste correpta, fuit secuta.

Edidit *concionem funebrem* a. 1599. in 2. Tim. 4. 6.

VIII. THOMAS COCCIIUS natus a. 1556. patrem habuit *Vlricum Coccium*, Theol. Doct. ac Prof. itemque pastorem Petrinum, matrem vero *Margaretham Merian*. Ad exemplum patris musarum delubra coluit, eoque Rectore II. a. 1571. in gremium Academiæ fuit exceptus. Primam Lauream philos. a. 1574. secundamque Magisterii deinceps annis aliquot elapsis adeptus, studium Medicum prosequendum elegit, summosque in ea arte honores accepit a. 1582. Biennio post, d. 5. Febr.

1584.

1584. Præpositus collegii inferioris simulque in pædagogio professor Poeticæ, a. 1587. in Academia Logices & denique a. 1589. Ethices Professor fuit constitutus, in qua postrema functione ad vitæ finem summa cum laude & studiosæ juventutis emolumento est versatus. Anno 1592. collegio Medico adscriptus, ejusdem Ordinis Decanatum aliquoties gessit; proximo etiam peritia sua Medica diligenter inserviit, donec summo rerum Arbitro placuit, eum 23. Mart. 1610. in immortalitatem transponere, corpore peste, vel, ut Platerus refert, peripneumonia consumto; eum eodem anno peste correpta secuta est uxor *Elisabetha Socin*, nec non 4. filii, *Samuel*, *Christophorus*, *Thomas* & *Josephus*.

IX. JACOBUS BRANDMULLER filius fuit *Johannis Brandmulleri*, Biberacensis, S. Theol. Doct. atque Prof. qui primus fuit hujus gentis, quem magistratus Basil. civitate donavit a. 1576. quique in ministerio suo 1337. conciones sacras habuit; natus autem fuit iste filius a. 1565. & a patre ut literis sacratus ita & diligenter imbutus. Deinceps a. 1583. Laureatus & a. 1585. artium Magister creatus, Theologiæ studio se sacravit, eique sedulo vacavit. Ejus vero operam mox expetiit Academia, eique 8. Id. Apr. a. 1587. professionem Poëticoes demandavit, cui sed parum temporis cum laude præfuit; cum enim a. 1589. pædagogium abrogatum in gymnasium transferretur, ejus functiones in academia finem fuere fortitæ, sed aliæ eodem anno ei fuere collatæ, cum 12. Cal. Mart. 1589. ecclesiæ Transrhenanæ simulque patris sui Diaconus fuit constitutus, postquam antea aliquamdiu pastorem *Derwilensem* egisset. Diaconatum istum, ut decet, pie gessit, atque diligenter. Etiam cum a. 1592. *Joh. Buxtorffius*, Linguae Hebr. Professor, patriam Westphalam reviseret, ejus vices cum laude sustinuit. Obiit ex peste 1. Nov. 1629. æt. 64. Minist. 42. Conjug. 41. relictis tribus filiis, *Johanne*, mercatore, qui pater exstitit *Jacobi* JC. *Henrico*, senatore, & *Jacobo*, pastore Micropolitano.

Edidit *Analyfin typicam Dominic. & Festal. c. observatt. Bas. 1620. 4. Analyfin typicam l. V. T. poëtica. & prophet. c. scholiis, ib. 1621. 4. Analyfin typicam epistol. N. T. & Apoc. ib. 1622. 4. Commentarium in Ezech. & Thre-*
nos,

nos, ib. *Locos communes theol.* ib. *Analyfin seu locos communes ex Symbolo Apostolico & Decalogo*, Basil. *Concionet nuptiales & funebres*, Hanov. 1603. 8. Basil. 1608. 8.

PROFESSORES PÆDAGOGII CLASS. III. DIALECTICÆ WILlichii.

I. CONRADUS LYCOSTHENES ab a. 1542. in Dialecticam Willichii publicus pædagogii professor legit usque ad a. 1545. quo ab hoc aliisque muneribus acad. ad diaconatum Leonhardinum fuit vocatus. V. Prof. pædag. Cl. I. n. 1.

II. HENRICUS PANTALEON professor electus Dialecticæ Will. a. 1545. eam cum Lingua Lat. docuit usque ad a. 1548. quo ad Rhetoricam transiit. V. Prof. pædag. Cl. I. n. 2.

III. VLRICUS COCCIUS, antea pastor suburbicarius, cathedram Dialect. Will. conscendere iussus est a. 1548. eamque ornavit ad a. 1552. quo cœtus Martinianus pascendus ei fuit datus. V. Prof. N. T. n. 5.

IV. JOHANNES EBLINGER, Basiliensis, quemnam annum diemque habuerit natalem vel emortualem, reperire non potuimus. Paucissima de eo constant. Laurea philos. eum cum *Vlrico Zuinglio* a. 1547. & corona Magistrali d. 14. Febr. a. 1549. a Joh. Hospiniano decoratum fuisse, programmata promotoria perhibent. Archivum porro Academicum commemorat, eum ab a. 1553. ad a. 1556. in pædagogio Dialecticam Willichii exposuisse.

V. HENRICUS PANTALEON a. 1556. ex Gallia rediit hanc professionem iterum obtinuit, eamque retinuit, donec d. 19. Apr. 1557. ad Physicam transfiret. V. Prof. Pædag. Cl. I. n. 2.

VI. JOH. JACOBUS WECKER alias *Wentokom*, successit Pantaleoni a. 1557. & Dialecticam Will. docuit usque ad a. 1566. quo Colmariam fuit profectus. V. Prof. Pædag. Cl. I. n. 5.

VII. MAT-

VII. MATTHÆUS MEYER a. 1566. Dialecticam Will. lichii una cum lingua Latina docuit in pædagogio, nec non ibidem Linguam Græcam, usque ad a. 1573. quo Dialectica alii fuit tradita. V. Prof. pædag. Cl. I. n. 6.

VIII. SAMUEL COCCIUS, Grammaticæ atque auctorum Lat. Professor, etiam Dialecticam Will. explanare incepit a. 1573. sicque perrexit, donec a. 1589. pædagogium in primam Gymnasii classẽ transiit, a quo tempore unice functionibus ministerialibus vacavit. V. Prof. Pædag. Cl. I. n. 9.

PROFESSORES PÆDAGOGII CLASS. IV. LINGUÆ GRÆCÆ.

I. THOMAS PLATER, singulare divinæ providentiæ objectum, natus est a. 1499. juxta pagum Vallesiae haud ignobilem *Grencheim*, ultimæ fortis parentibus, *Antonio Plattero & Antillia Sommermatter*; utraque parentum familia antiqua atque annis proleque ad miraculum usque fuit numerosa. Matris nempe pater, *Johannes Sommermatter*, annos natus 100. virginem duxit 30. annorum & ex ea utriusque sexus liberos suscepit, quorum nonnulli ante patris obitum, qui anno ætatis ejus 126. contigit, canuerunt. Thomas utroque parente in prima infantia orbatus, durissima fata fuit perpeffus. Puer sexennis custodiæ capellarum in solitudine quadam adhibitus, sæpius nivibus fuit ita immersus, ut vix exinde emergere seminudo daretur. Cibus ei fuit caseus vilis, & panis induratus ater, quam vitam ab anno ætatis 6. usque ad 14. penes caprimulgum aliquem in valle Staldensi toleravit. Cum plures aliquando pueri caprarum gregem in sublimem quandam & amplam planitiem seducerent, eoque pascente, lapidum testarumque projectu tempus fallerent, dum jactum effugere tentat, de rupe prærupta per inhospita tesqua ferarum decidit, ut a sodalitia amplius nec conspiceretur, nec vivus haberetur, mira tamen ope divina conservatus aliquot post horis ad socios revertitur, a quibus lacrymis, quas gaudium expressit, est exceptus.

tus. Paulo post capra ex eodem loco præcipitata, cruribus omnibus fractis, mortua reperta est. Deinceps cum capellæ acclive quoddam præcipitium conscenderent, ipse eas adsecuturus, & a periculo retracturus, lapidi uni tantum, nec nisi altero pede insistere cogitur, manum gramini iniiciens, nec ascendere nec descendere potis, insuper sibi a vulturum insidiis metuens, qui ut sunt in Vallesia stupendæ magnitudinis, ita haud raro puerulos & agnos uncis arreptos per ærem auferrunt. Præsentissima morte instante, tandem ventus salutem adtulit, qui ut togam versilem, qua erat indutus, sublevavit, conspiciendum se alicui sociorum præbuit, qui ut ipsum inclamavit, accurrit protinus, & pede prehensum sensim retraxit, donec ulnis exceptum in tuto constituit. Ab isto servitio, curante amita, ad aliud transit, caprarum nempe, ut antea capellarum, custodiam. Sed & hic varia vitæ subiit discrimina. Accidit aliquando, ut dum divitis coloni, cui serviebat, capras custodiret, capream de rupe pendentem videret, eamque de grege suo reputans & ex altissimis rupibus reducere tentans nocte præveniretur; certa itaque vestigiâ non cernens, veritus tamen gregis, quem reliquerat, jacturam, cœca nocte descensum tentat, tandemque eo extremitatis pervenit, ut si gressum vel unum protulisset, præceps ruisset in diram & imam abyssum; obdormivit per noctem quietus, nisi quod veritus erat se, corvis immane crocitantibus, quod præsentis ursi signum erat consuetum, bellæ isti prædæ esse futurum; mane vero horribilem sub se voraginem conspiciatus, gratias Deo egit, quod ulterius per noctis tenebras non progressus esset, & qua descendit, ascende-
bat, & per tutiores calles domum reversus est ad suos, quibus creditus est casu quopiam occubuisse. Hujusmodi pericula ex petris, lapidibus, arena - - adhuc alia subibat varia, donec propinqui ejus ruinam metuentes ex caprario eum bubulcū facerent; cui officio ad tempus vacavit, donec, ægre ferente domino, cui serviens fuerat utilis, ab amita illa pia literis initian-
dus *Antonio Plattero*, pastori ad S. Nicolaum, traderetur. Hic nostrum videns, dixit: *Quid rudis iste & indocilis puer? Asinus ad lyram?* quo audito respondit: *Deus nemini sua dona negat; forte & ego aliquando sacerdos probus evadam.* Hujus igitur sacer-

sacerdotis disciplinæ traditus, prima literarum elementa percepit, præceptore severo admodum & asperousus, qui eum sæpius utraque auricula prehensum humo sustulit, ut vicini clamore stentoreo permoti, miseratione ejus ducerentur, nec vererentur, sacerdotem objurgare, num tandem discipulum ad necem poscere vellet objicientes. Commodum advenit cognatorum aliquis, *Paulus Sommermatter*, qui cum sibi socium peregrinationis academicæ petiit, & ex patria egressus Lucernam venit, ubi fornacem, luna forte illustratam, vitulum magnum reputavit, anseresque, quod prius nunquam vidisset, diabolos se sibilis impetentes interpretatus est, ab iisque auffugit. Hinc Tigurum pervenit, & numerofo bacchantium sodalitio junctus in Misniam iter fecit, exinde per varios errores, quibus Poloniam, Hungariam, Germaniam pervagatus est, Monachii, Vlmæ, tandem & Selestadii apud eruditum virum, *Joh. Sapidum*, substitit, ubi anno ætatis 18. Donatum legere incepit; cum autem ob scholarium multitudinem sufficiens alimentum cantiunculis emendicare non posset, statuit in patriam redire, idque hyeme suscepit iter; Tigurum petiit denuo, & Terentium ex interpretatione *Ofw. Myconii* audiit, sed exiguo cum fructu, quippe qui nondum declinandi & conjugandi peritus erat, unde a præceptore aspere est habitus; tandem ubi ejus vidit industriam, summopere adamatus & custos constitutus fuit. Illucescebat jam tuin temporis diluculum purioris religionis, sed quod nondum poterat Papatus tenebras dispellere, horrorem tamen iis, qui naris erant emunctioris & conscientix tenuioris injiciebat, in quibus erat Myconius, Plateri præceptor, qui Missis leviusculis habendis custodem suum substituit, ceterum opera ejus domestica usus, præsertim in foco succendendo, & calefaciendo hypocausto; cui cum aliquando ligna non suppetere, nec esset, unde conquireret, ante diluculum templum, quod forte apertum invenerat, subintrat, & ligneum B. Johannis simulacrum effert & fornaci suæ infert, quod cum ex oleaginca tinctura crepere inciperet, ipse operculum superaddidit, per jocum dicens: *Mi Johannes, hinc non exhibis*. Interim anceps hærebat, an Evangelio, an sacerdotio nomen esset daturus, ratus se vitam piam probamque agendo nihilo tamen minus sacerdotio posse defungi, donec M. *Vlr. Zuinglium*

Zuinglium audiit in Papatum concionibus insurgentem, & Evangelium Joh. 10. de Pastore bono exponentem, *Bone Deus!* secum suspirat, cum tanta cura ovium pastori incumbat, quis tandem salvam conscientiam sibi in munere sacerdotali servabit? Invocato Deo sanctorumque nomine, & religiosa in eremum helveticam (*Einsidlen*) suscepta peregrinatione, quarum sex per vitam peregit, in Vallesiam abiit, ubi cum adversus traditiones, imaginum cultus, missam --- disputasset, eam sibi conflavit invidiam, ut patrium solum vertere cogeretur. Tigurum repetens *Zuinglio* & *Myconio* arctius adhæsit, illique tempore disputationis *Badensis*, cum D. coronati in ejus caput ab adversa parte constituerentur, opera sua multum profuit. Dum ita vitam in sudore vultus exigit, vocatur ab *Henr. Werdmüller*, ut filiorum duorum institutionem susciperet; hic non modo victus sed & studiorum commodiorem occasionem nactus, Latine, Græcæ & Hebraicæ linguæ operam indefessam navavit, vario artificio somnum etiam necessarium depellens, usque adeo, ut *Lucianum* & *Homerum* cum fructu legere posset. Hebraica rudimenta a *Theod. Bibliandro* bene edoctus, in quibus & proprio Marte ita profecit, ut & aliis opera sua prodesset, inprimis nonnullis in agro Tigurino pastoribus, in quibus & senex octogenarius hebraicas literas didicit, ex patrimonio exiguo sibi relicto *Platerus* Biblia hebraica comparavit, eaque studiosissime perlegit. Interim prospecturus sibi in futurum, & in sudore vultus paraturus sibi victum, cogitavit de opificio addiscendo, quod vel a *Zuinglio* suo audiit, Apostolum Paulum arte sua comparasse sibi victum, ne fratribus esset molestus. Inde cum restione quopiam, *Rod. Collino*, pactus est, ut pro centum libris cannabis, cujus pretium exsolvit, opificium hocce edoceretur. Edoctus est utcumque, sive vitium fuerit præceptoris negligentis, sive discipuli, in alia h. e. studia intenti, quippe qui altera manu cannabim, altera *Homerum* tractabat, unde magister artis restiariæ, qui & ipse prius studiis operabatur, dixit: *Platere! Pluribus intentus minor est ad singula sensus*. Deficiebat aliquando vinum, tum magister ad discipulum conversus: *ut orditur Pindarus?* respondit *Platerus*: ἀριστὸν μὲν τὸ ὕδωρ, aqua optimum; bibamus ergo, addit magister, inprimis vino deficiente. A restiario digressus clanculum apud vetulam

tulam quandam per sex septimanas latitabat, quas lectioni Euripidis impendit. Basileam dein iter direxit, ubi restiario operam suam locavit, apud quem natura moribusque asperum ipse artis minus expertus, parum gratiæ ac stipendii meruit, gratuitam tandem ei addicens operam; syllabum autem operarum cum magistro quotidie conficeret, hebdomadatim quatuor crucigeros mercedem accepit, ex quibus candelas sebaceas comparavit, ad quas lucubrationes suas instituit, nihilo tamen segnius a summo mane ad ultimam vesperam restiaria opera defunctus. *Andr. Cratander, Beatus Rhemanus*, quin ipse *Des. Erasmus* Platerum in luco Perrino laborantem inviserunt, ad studia literarum intigaverunt, ultroque operam suam promiserunt. Pactus tandem cum magistro, integrum habuit, *Oporino* horam diei unam dicare, qua literas hebraicas eum doceret. *Oporinus* his non contentus, inscio Platero, valvis templi Leonhardini publice adfixit & indicavit, esse præceptorem, qui ab hora 4. ad. 5. in ædibus *Oporinianis* grammaticam hebraicam traderet. Hoc adfixo invitati prima jam vice adparuerunt 18. juvenes; his visis Platerus omnibus modis se subducere studuit, sed ab *Oporino* fuit retentus, sicque ex privata publica orta fuit prælectio, in qua præter grammaticam hebr. in prophetam Jonam fuit commentatus. Circa hæc tempora accidit, ut Gallus aliquis illustris familiæ a regina Navarræ in Germaniam missus, quo sumtibus regiis linguam hebr. addisceret, Basileæ adveniret, & in scholam Plateri intraret; is præceptorem juxta fornacem sub tenuissima veste sedentem non agnoscens, interrogavit: *Quando venit noster præceptor?* commonstratum a discipulis intuetur non sine admirationis & commiserationis adfectu, quærens ex eo, *qui fieret, quod non esset meliori loco ac forte?* argutum hoc accepit responsum: *Mea res ad restim rediit.* Finita lectione non suam modo opem sed & reginæ gratiam amplissimam promisit, sed, gratiis actis, abnuvit Platerus. Post novennium ex Arabia redux factus Gallus, prope cœnobium Augustinianorum in Platerum incidens, totus lætabundus eum ita fuit adlocutus: *O salve præceptor Plateri!* Interea, bello intestino Helvetiorum exorto, ad ejus famam restiarii nostri ambo a. 1529. Tigurum fuere profecti. Platerus ad verbi divini Ministrum aliquem in agro Tigurino divertit,

divertit, & suasu Myconii ejus a septennio fidam & industriam ancillam, *Annam Dietschin*, ex pago Tigurino Wipphingen oriundam, anno ætatis 30. uxorem duxit, quacum paulo post in patriam suam migravit, ibique sedem fixit, nihil habens peculii, præter quindecim bacos s. florenum, quem mutuo acceperat; non tamen fuit omnibus gratus, qui maluerunt eum cœlibem vitam & sacerdotium, quam conjugium elegisse; ut primum eum *Antonius Plater*, sacerdos in Vispenfi districtu compellavit, graviter in eum est investus: *Ad orcum abi cum tua sorore, præstitisset scortum quam uxorem adduxisse.* Cui ille intrepidus: *Nuspian in Scriptura reperies, satius esse meretricem quam uxorem secum ducere, quam & secum duxisse Petrus aliique Apostoli leguntur.* Perstitit ergo in Vallesia cum uxore, victum necessarium partim ex arte restiaria, partim ex institutione puerorum parans; compulsus tandem a sacerdotibus Missam canere, maluit paternum solum vertere, quam contra conscientiam agere. Ex consilio Myconii, quem patris loco subinde coluit, Basileam reculas suas transfert, infante recens nato in humeros sublato. Ope *Henr. Billingii*, Basiliensium honestissimi civis, cui erat a Myconio commendatus, domum conduxit in angiporta ædis D. Vlrici, & salario 40. librarum addicto Oporini præceptoris provisor constituitur. Dum ipse sive pani lucrando, sive gloriæ nominis acquirendæ, diurnas non modo sed & nocturnas horas valetudinis dispendio impenderet, capitis doloribus & vertigine exinde contractis, cui malo Medici frustra sunt obluctati, tandem *Epiphanius*, olim Bavaricus, tum vero Brundusius Archiater, tunc Basileæ versatus, spem fecit restitutionis & in medica arte institutionis, si Brundusiam se sequeretur, ipseque famuli, uxor vero ancillæ loco esset futura. Adnuit Platerus & brevi valetudinem pristinam recuperavit, hac unica medicina usus, lectum cum uxore citius petendo seriusque deferendo, jureque condito a lecto surgens vascendo. Medico autem isto mox peste sublato, Tigurum iterum petiit; Zuinglio autem in pugna Cappelana defuncto, & Myconius & Platerus Basileam repetere statuerunt; prævit Platerus & viam paravit Myconio apud consulis *Meyeri* privignum, *Henr. Billing*, qui Myconii vocandi Basileam auctor fuit, ubi primum paræciæ S. Albani præficitur, paulo post vero

Oecolampadio in Antistitio sufficitur. Platerus vero ad docendam in pædagogio linguam græcam & exponendos Luciani dialogos vocatur, simulque per quadriennium Hervagii, typographi, correctorem egit. Haud diu post placuit conventui Sedunensi Platerum in patriam vocare, cujus amore ductus lautam conditionem Basileæ deserit; cunctatur tamen, dum *Christianus Herport*, præpositus superioris collegii eum technis & obtrectionibus antevertit; in patria adveniens denuo oblatam scholam accipere noluit, quia adversarius esset ejiciendus; tandem lustrata Helvetia & ubique meliori fortuna quæsitâ, Basileam revertitur, postliminio ad professoris in pædagogio & correctoris Hervagiani munus admissus, in quo tamen haud diu perseveravit, sed spe opimi lucri illectus typographiam exercuit, societate cum Oporino & Hervagio inita. Verum non modo spe concepta frustratum se videns, sed insuper damna sociorum prævidens, societatem solvit, & aliquamdiu solus libros excussit; ære alieno graviter pressus, tamen sedulus perrexerit, & adjuvantibus aliis typographis, res typographica tandem ipsi adeo feliciter cessit, ut tres ædes amplas sibi proprias faceret, studiosis peregrinis etiam victum suppeditans, & quotannis ducentos florenos lucrificiens. Ære alieno dissoluto & supellectile insigniter aucta, typographia bellicis Germaniæ motibus detrimentum cepit insigne, igitur Platerus eam penitus deseruit, & Gynasiarchæ munus, civitatis proceribus haud paucis compellentibus, accepit; dissuadente tamen Myconio, quod prævideret, genium Platerianum proceribus academicis obsequium detrectaturum, & lites, ut factum, varias exorturas. Paret tamen votis civitatis, & ad angariam crucis a. 1541. cum scholarchis de stipendio paciscitur; qui ducentos florenos ipsi promiserunt, ex quibus centum sibi retineret, centum vero provisioribus pro lubitu constituendis solveret; ea nempe lege susceperat munus, ut sibi integrum sit, reformationem Gymnasii instituere, quemadmodum vellet; Argentoratum ergo tendit, œconomiam illius Gymnasii perspecturus, indeque redux quatuor instituit classes, eo cum successu & incremento, ut a. 1546. Magistratus ædificium & numerum præceptorum augere necesse habuerit. Exortæ vero mox lites inter ipsum & professores, quod in Gymnasio disciplinas doceret, quæ in pædagogio

dagogio vel ipsa academia tractarentur, quodque titulum Magistri admittere renueret; quæ lites, licet nimis diu durarunt, tandem compositæ fuerunt. Ut vero esset, ubi ab herculeis Gymnasii laboribus respiraret, & honestum post negotia otium capefferet, vitæ rusticæ ab incunabulis aduetus, emit a. 1549. agrum tusculanum, prædium urbi vicinum, ex quatuor prædiis Gundeldingianis conflatum, quod fossa utcunque muniit, aquas circumduxit, ædificiis ornavit, agros adjecit --- quo cum uxore atque convictoribus, grassante peste, secessit; ipse vero deinceps cum uxore peste correptus revaluit. Visu denique & auditu ob ætatem deficientibus, quadriennio ante obitum a Magistratu rude fuit donatus a. 1578. decreto ei annuo honorario 80. florenorum. Cum d. 20. Febr. 1572. fidam utriusque fortunæ & thori sociam magno suo luctu morte amisit, ex qua unicum superstitem habuit filium, *Felicem*, Med. Doct. & Prof., tribus filiabus morte præmatura abreptis, eodem anno d. 24. Apr. ad secunda vota transiit cum *Esßhera Gross*: ex qua sex liberos suscepit, *Magdalenam*, *Thomam*, Med. Doct. & Prof., *Vrsulam*, *Nicolaum*, filiam anonymam, & tandem anno ætatis suæ 81. *Elisabetham*. Obiit d. 26. Jan. a. 1582. postquam per 9. septimanas ex casu & senectâ, quæ ipsa morbus est, decubuit, usu rationis ad extremum quasi vitæ suspirium pollens.

Cum typographiam exerceret, inter alia præclarum opus *Calvini Institut. Relig. Christi*, heic Basileæ prima vice typis expressit a. 1536. 8.

II. SEVERINUS ERIMONTANUS, (*Ertzberger*) natus Basileæ d. 12. Febr. a. 1520. patrem habuit honestum, *Cosmannum Erzberger*, fori mercatorum scribam. Adiit primum scholam trivialem, in qua, quæ sunt vernaculæ linguæ, addiscuntur; ex qua præclaro testimonio a *Job. Kolroß*, præceptore apud Franciscanos, a. 1531. ornatus ad linguam latinam addiscendam transiit, & a. 1533. cum aliis 7. adolescentibus collegio Sapientiæ, quod erat apud Dominicanos, est inmissus, ubi præter alios præceptoribus usus est *Simone Sulcero* & *Sebastiano Lepusculo*; a. 1538. d. 1. Oct. primi tyrocinii testimonium accepit, promotore M. *Wolffg. Wyßsenburg*; a. 1539. in superius collegium traductus studiis porro &

acrius incubuit, ut a. 1541. mense Martio secundum studiorum testimonium, quod est Magisterii, reciperet; paulo post Sebast. Lepusculi in schola dictus est collega, ad bihorium juventuti vacaturus, & sub finem anni ejusdem communis s. subsidiarius Diaconus, anno autem proxime insequente ædis D. Jacobi concionator; a. 1542. mense Majo adsumtus est in facultatem Artium; biennio post ad docendas in pædagogio literas græcas publica auctoritate vocatus Ceporini Grammaticam & Luciani dialogos exposuit. Hoc tempore cum *Salomea Buchser*, Aroviensi, nuptias contraxit, quæ filium ei peperit, *Henricum*, qui etiam literis inclaruit, & de quo mox sermo erit futurus. A. 1545. œconomiam collegii Augustiniani ab Academia sibi demandatam suscepit, quo utroque munere, qua deest dexteritate & fide, fuit defunctus, donec a. 1546. 3. Non. Oct. pastor ecclesiæ S. Albani eligeretur, retento tamen loco & sede sua, ut videtur, in facultate Artium, quæ eum Non. Maji a. 1549. Decanum suum designavit; deinceps quoque a. 1552. in senatum acad. & anno post in Consistorium Academiæ adlectus. A parochia S. Albani translatus est 4. Cal. Maji a. 1562. ad S. Martini, in qua reliquum vitæ exegit, finem vitæ sortitus d. 30. Apr. a. 1566.

III. VLRICUS COCCIUS Linguæ Græcæ in pædagogio docendæ provinciam obtinuit a. 1546. eamque administravit ad a. 1548. ad Willichii Dialecticam translatus. V. Prof. N. T. n. 5.

IV. THOMAS GRYNÆUS hanc cathedram ornavit ab a. 1548. usque ad a. 1556. quo pastor atque Superintendens Rœtelanus fuit designatus. V. Prof. Pædag. Cl. I. n. 3.

V. CHRISTOPHORUS SOLIDUS, (*Schilling*) ex familia Basiliensi, quæ a quatuor jam seculis Reipublicæ senatores atque tribunos plebis dedit varios, originem duxit. Nec vitæ ejus initium, nec finem reperire potuimus. Pauca reperta hæc sunt. Postquam a. 1547. academici civibus adscriptus & ad lectiones publicas philosophorum admissus fuit, in proposito a præceptoribus grammaticæ, dialecticæ & rhetoricæ certamine strenuum se gessit, ideoque d. 23. Apr. a. 1550. lauream publice accepit

accepit a Joh. Hospiniano, brabeuta; deinceps altero stadio philos. feliciter demenso, a. 1553. a Thoma Grynæo corona magistrali fuit exornatus. A. 1548. Præpositus collegii superioris constitutus in hac sede per decennium mansit. Linguæ Græcæ Professor in pædagogio designatus fuit a. 1557. anno vero 1558. pastorem Kiechanum obtinuit, a quo vero ob vitam minus decore actam a. 1562. fuit remotus.

VI. JOH. JACOBUS HUGKEL, f. *Huggel*, fama est ignobilior, nec multa de eo memoria. Civis fuit Basiliensis & matriculæ academicæ inscriptus a. 1546. Baccalaureus creatus d. 29. Oct. a. 1550. a Marco Hoppero; & d. 28. Jan. a. 1552. ab Henr. Pantaleone Magistrorum insignibus fuit ornatus; in programme hujus promotionis nominatur *Jacobus Huggeli*. In pædagogio Linguam Græcam docuit ab a. 1558. ad 1564. quo ab exitiali peste periit. Ceterum hoc de eo constat, eum Medicinæ Doctorem atque Collegii medici adfessorem, nec non, quæ vera laus est, virum probitate ornatissimum, egregium & adprime doctum fuisse.

Scripsit de *SemeiOTHICA medicina parte*, fol. de *salutaribus Germania balneis*, germ. Muhlhausen 1559. 8. nec non *examen leproforum*, 8. a. 1560. von dem *Aussatz*, Francof. 1566. 8. Muhlh. 1563. 8.

VII. HENRICUS ERTZBERGER parentes coluit *Severinum Ertzberger*, Prof. Linguæ Græcæ & pastorem Martinianum, & *Salomeam Buchser*, a qua in lucem editus fuit d. 7. Febr. a. 1547. Anno ætatis 7. ludo literario a patre commissus, prima, quæ domi a patre didicit, ~~seu~~ ulterius provexit, donec in Thomæ Plateri disciplinam anno ætatis suæ 10. concessit, & a. 1558. ex scholastico factus Studiosus, Weckerum, Fueglinum, Huckleium, deinceps quoque Sebast. Castellionem, Coel. Sec. Curionem, Vlr. Coccium aliosque professores in linguis & philosophicis disciplinis audivit, quorum opera, ut & propria industria tantum profecit, ut 14. Apr. 1562. ab Vlr. Hugobaldo primæ Laureæ, & a Joh. Acronio Frisio 8. Cal. Febr. 1564. Magisterii gradu, utrobique ordinis sui primicerius, ornaretur. Optione tum a parente ei facta, cui studio se vellet adserere, Theologium

cum sibi pro pietatis adfectu elegit, ac nomine eidem dato in Theologicis quidem præceptores nactus est Mart. Borrhaum & Sim. Sulcerum, in Hebraicis vero Sebast. Lepusculum, quibus ducibus, strenue eosdem sequendo brevi tempore adeo progressus est, ut post exhibitum concionis specimen a Sim. Sulcero Antistite in pagum ab Ottilia corrupte dictum *Tillichen* ad semimilliare a Basilea distantem, Marchioni Badenensi parentem, 8. Id. Oct. a. 1564. pastor mitteretur, quo munere per biennium rite pieque est defunctus, donec supervenientibus aliis cum academicis tum ecclesiasticis muneribus, quibus omnibus gerendis per ætatem teneram non sufficiebat, sponte se eo abdicavit circa festum Nativ. a. 1566. etenim d. 8. Jan. 1565. Græcarum literarum in pædagogio professio pariterque inferioris collegii præpositura, nec non d. 25. Jun. 1566. Diaconatus Petrinus ei obtigerat; præposituram vero paulo post eam susceptam, nec non a. 1566. professionem, ecclesiasticis unice vacaturus, deposuit. Verum cum a. 1570. ipso natalitatis Christi festo pro concione paulo liberius, quam tum tempora ferebant, in sententiam de corporali Christi sub pane eucharistico præsentia invecus esset, Simone Sulcero urgente, causam coram Senatu jussus est dicere 30. Dec. 1570. & d. 4. Jan. 1571. atque tum ei silentium impositum. Cum deinceps nollet formulæ Concordiæ subscribere, Diaconatu jussus est abire, maluitque officio suo cedere ecclesiastico, quam a sana doctrina ab antecessoribus hausta vel latum unguem discedere. Itaque spontaneum velut exilium subiens in Galliam iter fecit 12. Cal. Dec. 1571. Cum autem d. 24. Aug. 1572. laniens illa infamis Parisiensis, qua una nocte in hac urbe supra 10000. Protestantium contra fidem datam misere trucidati fuerant, incidisset, singulari Dei providentia & fide præsidarii militis, *Johannis Pfaffii*, Lucifvallensis, ex dirione Basiliensi oriundi, periculum evasit, & d. 16. Sept. a. 1572. Basileam rediit. Hinc autem iter Genevam paranti senatus Mullhusinus ministri ecclesiæ functionem obtulit, quam ineunte a. 1573. auspiciatus est & ad finem vitæ sanctissime obiit. Inter alia, quæ hic in ecclesiæ commoda instituit, refertur, quod primus festi natalitatis Christi publice celebrandi fuerit auctor. D. 20. Apr. a. 1573. matrimonium iniit cum *Maria Murer*. Febri tertianæ & doloribus colicis obnoxius,

obnoxius, aëris mutatione levamentum quæsit, & Basileam migravit, ubi d. 21. Nov. 1576. fata complevit, annum ætatis 30. nondum adsecutus.

Scriptit ac edidit Tiguri a. 1574. 12. ib. 1575. 8. lingua germanica: *Solidam & planam declarationem doctrinæ de S. Cæna Domini, qua genuinus sensus confessionis Basil. in articulo de S. Cæna eruitur & vindicatur.* Exstat etiam in MS. *historia controversiarum, occasione concionis supra memorata, ortarum, ab ipso Ertzbergero adornata a. 1571. 4. pagg. 336. germ.*

VIII. MATTHÆUS MEYER, tam Latinorum auctorum quam Dialecticæ in pædagogio Professor, tertiam adhuc suscepit professionem obeundam, nempe Linguae Græcæ, a. 1567. qua usque ad a. 1582. fuerat functus; nec legitur successorem habuisse, hancque professionem ante pædagogii in gymnasium translationem, a. 1589. factam, abrogatam fuisse videtur. V. Prof. Pædag. Cl. I. n. 6.

PROFESSORES RHETORICÆ ATQUE ORATORIÆ.

I. ALBANUS THORINUS, f. *Thorer*, Vitoduranus, qui a. 1516. studiorum causa Basileam profectus & a. 1522. Magister artium creatus fuit, ex schola Petrina, cui aliquandiu præfuerat, ad Academiam vocatus a. 1532. Rhetoricam atque Oratoriam simul professus est, donec a. 1535. Medicinam exculturus Galliam petiit; unde Basileam reversus a. 1537. professionem medicam obtinuit. V. Prof. Medic. Theor. n. 3.

Inter *Thorinum* & *Borrhaum* Vrtilius in MS. ponit. a. 1538. *Hermogenem*, & post hunc *Johannem Afinium*, Vrensem, quem ait d. 5. Apr. 1540. munus adgressum & a. 1542. diem defunctum fuisse. Sed neutrum agnoscit archivum Academicum. Hoc habet Matricula philos. M. *Job. Afinium* a. 1538. civibus acad. fuisse adscriptum, eumque d. 4. Jan. 1541. 5. Magistros creasse programma publ. probat.

II. MARTINUS BORRHAUS, Stutgardienfis, a. 1536. Rhetoricam atque Oratoriam publice docuit usque ad a. 1544.

a. 1544. cum ad Theologiam promotus fuit, V. Prof. V. T. n. 4.

III. JOHANNES HOSPINIANUS, germanice *Wirt*, natus est a. 1515. Lithopoli (Stein am Rhein) oppido Tigurino, a quo & *Steinanus* solet vocari. Bonis literis summa industria incubuit inprimis Tubingæ, ubi & Magisterii dignitate fuit ornatus. Basileam veniens a. 1543. in consilium facultatis philosophicæ receptus & a. 1544. Rhetoricæ atque Oratoriæ professor constitutus fuit; in orationes Ciceronis h. 2. & in Rhetoricam Herennii h. 7. publice legis. In ista autem statione non nisi biennium complevit, a. 1546. ad professionem Organicam translatus. Theologiæ etiam operam dedit, & concionando ecclesiæ prodesse studuit. Animam efflavit d. 7. Jun. a. 1575. Filius ejus *Johannes* prima tyrocinii laurea coronatus fuit d. 6. Cal. Nov. 1560. Magister vero creatus a. 1563. d. 1. Febr.

Edidit *carmen panegyricum in D. Magnum ab Emersbansen*, & aliquot *epithalamia*. 1539. *Questionum dialecticarum* l. 6. 1543. & 1557. 8. *Urbani Bellunensis institutionum Grammaticarum* l. 2. in Epitomen redactos, Basit. 1546. 1566. 1580. 8. *De syllogismi categorici modis*. 1560. 8. *Epistolas duas ad fratrem Christianum Hospin.* 1560. 8. *de modis Figurarum utilibus in Logica*, 1560. 8. *Aristotelis Organi correctionem* - Gr. & Lat. 2. Vol. 1573. 8. *Controversias Dialecticas*, a. 1576. Bas. 1580. 8 *librum de quantitate syllabarum*. *Erotemata in aliquot Organi Arist.* libror. *Elogia de Eucharistia*.

IV. COELIUS SECUNDUS CURIO, quem *Reusnerus* de se ita loquentem inducit:

*Cælo mens affixa prius mea, nunc quoque cælo,
Vivit. Quam scite Cælius ecce vocor!*

initium hujus vitæ sumsit 1. Maj. a. 1503. Cyriaci Taurinorum, quæ regio hodie Pedemontana adpellatur; pater ei fuit vir nobilis, *Jacobus Troterius Curio*, mater itidem nobilissima *Carlotta*, ex qua pater Curio vicenos ternosque liberos suscepit, ex quibus Cælius noster ultimus natus fuit. Pater cum majorem fortunarum partem Montecalerii haberet, & illic honoribus fungeretur,

retur, eo quoque Cœlium infantem deduxit, & usque ad obitum suum educavit. Hunc filium parentes præ ceteris, binæ tantum filiæ & tres filii fuerant superstites, ardentissime dilexerunt, eique præter eam bonorum partem, quæ illi ex communi divisione debebatur, domum paternam, quam illic habebant, cum quibusdam prædiis suburbanis, sacraque Biblia, auro atque coloribus interstincta, inque nobilissima membrana descripta, testamento legarunt. Mortuis parentibus annum agebat fere nonum, & a domestico pædagogo primum institutus, moxque ad publicos Grammaticos deductus, mirifice proficiebat. Majora dein moliturus Taurinum se contulit, ubi per aliquot annos apud *Magdalenam* proavam suam agens audivit *Georg. Cararam*, *Domini-cum Machaneum* & *Joh. Bremium*, oratores, poëtas atque historicos præstantissimos. Jus civile dein adigit, interpretante id inter ceteros *Sphondrato* Mediolanensi, qui postea in Cardinalium numerum fuit cooptatus. Variis rumoribus per Italiam de *Lutheri* atque *Zuinglii* nova falsaque, ut vocabatur, religione sparsis, ille annum agens nondum vicesimum, veritatis studio ductus, horum virorum libros, eos exactius exploraturus, comparavit varios; cumque *Lutheri* scripta *de indulgentiis* & *captivitate babylonica*, itemque *Zuinglii* librum *de falsa & vera religione*, cum aliis quibusdam *Melanchthonis* operibus legisset, ita est illa admiratus, ut statim decreverit, in Germaniam transire, cum ob purioris Theologiæ tum reliquarum politiorum literarum studia. Itaque inito consilio cum binis coætaneis, *Jacobo Cornello* & *Francisco Guarino*, qui postea ambo celebres divini verbi ministri facti sunt, institutum iter per *Salassorum* regionem ingreditur. Vix viam ingressi, cum minus caute de rebus ad religionem pertinentibus disputarent, re ad *Bonifacium Eporediæ* Episcopum & Cardinalem delata, omnes a Cardinalis satellitibus in custodiam coniiciuntur. Curio per duos circiter menses in arce *Capriana* detentus, intercedentibus amicis, quos in ea regione ex prima nobilitate habebat, tandem solutus fuit atque dimissus. Cardinalis vero insignem juvenis eruditionem videns, postquam eum graviter increpavit, & ne quidquam tale deinceps committat, severe admonuit, sumtus illi ad continuanda studia pollicetur, literisque commendatitiis ad proximum *S. Benigni cœnobium*,

cœnobium, cujus administrationem a Leone x. iisdem fere diebus acceperat, dimittit. Hic cum magnum mortalium concursum ad sanctorum, quas venditabant, reliquias & nominatim calvariam atque alia ossa divi Agapeti atque Tyburti martyris, adoranda vidiſſet, ipſe non niſi ſuperſtitionem eſſe cognoscens; non ſolum nullo pacto adſentiebatur, nec cultum illis exhibebat, ſed & privatim plures dehortatus in fide evangelica erudiebat. In his erat *Martinus Salierius*, juvenis alioquin eruditus ac pius; hic peregre proſectus, & *Melanchthonis locos communes* in ſinu geſtans, mox ante portam, qua flumen præterlabitur, in beſtiam quandam, ut ille quidem narrabat, veluti draconem, ſtammæ evo- mentem, incidit, a qua cum non quidem admodum læſus eſſet, ſed vehementiſſime perterreſactus, ad vicinum monaſterium Franciſcanorum confugit, & omnem rem, uti evenerat, illis conſtitetur, cumque Franciſcani in librum illum omnem cauſam rejeciſſent, eum ipſis comburendum tradidit & a doctrina, quam a Curione hauſerat, diſceſſit. Hinc novum Curioni imminebat periculum. Ipſe vero technas Satanæ hæc explicans, non tantum non deſtitit, ſed & audacius opus ſuſcepit, & de auſſerendis reliquiis conſilium iniit. Obſervato igitur clavium, quo repositæ erant, loco, capſam ubi illæ ſuper altari quodam reconditæ adſervari ſolebant, clanculum aperit, clavibus in locum ſuum repositis, die comoda, qua ceteri omnes aliis rebus erant intenti, univerſas illas reliquias auſſert & diſſipat, earumque loco S. Biblia ex cœnobii bibliotheca ſubſtituit, hac inſcriptione: *Hæc eſt arca fœderis, ex qua vera ſciſcitari oracula liceat, & in qua veræ ſunt Sanctorum reliquie.* Atque hæc quidem tam caute prudenterque patravit, ut nemo claves loco ſuo motas ſuſpicaretur. Verum cum poſtea die ſolenni reliquiarum ſercula pompa eſſent ducenda, ipſe Mediolanum auſſugit, hincque Romam abiit, aliis quoque Italiæ urbibus luſtratis. Hoc conſecto itinere, Mediolanum iterum reverſus eſt, ibique diſcendo docendoque aliquot annos tranſegit, ob eruditionem pioſque mores ſingulis amatus atque æſtimatus. Fame autem ob bellicos tumultus & ex hæc orta graviffima peſtilentia Mediolanenſibus graviffime adſectis, ipſe non modo egerios de ſuo pie & liberaliter ſublevavit ære, verum etiam extra urbem variis in locis,

locis, quo cum nobilissima Isaciorum familia secesserat, tantum valebat apud sacerdotes auctoritate, ut cum nihil suppeteret, quod in pauperes distribuëretur, bona ecclesiastica in pios hosce usus impenderentur, atque ne quidem templorum ornatui parceretur; ipse interim secus, quam permittit Italarum genius, ægrotis præfens adstitit, mortuos etiam, socio quodam stipatus, sepeliit. Quam raræ virtutis indolem in adolescente admirati Isacii, non dubitarunt, ex gente sua amplissima uxorem ei conciliare, *Margaretham Blancam*, cum qua in tranquillum Italix locum, *Casalen*, concessit, & aliquot annos ex voto ibi transegit. Sollicitatus autem ab amicis, ut in patriam rediret, quia mortuis omnibus fratribus atque sororibus, excepta unica *Maria*, ingens ibi eum maneat hæreditas, eo profectus ab adfines atque forore, existimantibus, eum nonnisi invisorum amicorum gratia venisse, peramanter fuit exceptus; sed ex quo de familia eriscunda quæstio ipsis mota, amor versus est in odium, idque vatinianum, quo eum usque ad carceres & rogam sunt persecuti. Soror nempe hæc perfida falso persuadet fratri, imminere ei ex religione periculum, ut sic ab hæreditatis paternæ petitione deterreret, & Montecalario alio migrare compelleret, quibus technis effecit, ut Ramonissium, oppidum vicinum Sabaudicæ dominationi subiectum, secederet, ibi commoraturus, donec sinistris de se rumoribus oblivioni traditis, tuto in patriam remeare daretur. Invitatus aliquando in vicinum locum, monachum Dominicanum, Taurino forte illuc profectum, audivit concionantem, & in Lutherum graviter invehentem; in aliis hoc ei vitio dederat, quod sub specioso libertatis christianæ titulo libidinum omnis generis impunitatem concedat, doceatque, Christum nec Deum, nec ex Maria virgine natum esse. Finita concione Cœlius a præfecto loci petit, ut sibi dicere quædam publice liceat. Veniā & silentio facile impetrato: *Grandia quædam*, inquit, *Lutheranis obiecisti, Domine Pater! sed ubinam hoc Lutherus adserit? velim mihi librum locumque ostendi, ubi hoc doceat.* Monachus dixit, sibi quidem extemplo id monstrare non licere, Taurini autem se ipsi hæc & his deteriora demonstraturum. Ad hæc Cœlius: *Ego vero contrarium statim ex scriptis Lutheri docebo, & producis Lutheri in epistolam ad Galatas commentariis,*
multa

multa populo legit, cum dictis Monachi e diametro pugnantiæ. Nobiles & populus universus effrenam mentiendi libidinem indignati, impetum in monachum faciunt, cæduntque atrociter, ut, nisi intercessisset præfecti auctoritas, vivus Taurinum non rediisset. Protinus autem Monachus Taurinum reversus rem ad Inquisitorem nec non ad Episcopum defert, a quo satellites mittuntur, qui Curionem in vincula coniectum Taurinum abducunt. Examini subiicitur, quæstiones de tentato olim in Germaniam itinere proponuntur, reliquæ ex cœnobio S. Benigni ablatae urgentur, hæreseos accusatur, omnia ignem flammæque minitabantur; sed Curio magno & intrepido animo carceris squalores perfert & imminentis lethi atrocitatem aspernatur; ratus, Deo confisum non iri confusum. Interim Aventinus episcopus ad evitandum nobilium Curioni impense faventium odium Romam profectus est, ut quicquid ipso absente supplicii in captivum statueretur, jussu & auctoritate Pontificis R. statutum videri possit. Cœli ergo custodia Davidi cuidam Cibonis Cardinalis fratri committitur, qui ipsum ex pristino carcere eductum in arctiorem custodiam coniecit, injectis utrique pedi vinculis ligneis, magnitudine pene incredibili, binis etiam custodibus adpositis. Postera die Curio animadvertens, se in ea domo adservari, in qua olim puer vixerat, recordatus quoque singularum domus partium situm, de liberatione sui cogitare incepit, quæ ei hoc modo feliciter successit: Cum pedes ambo ex compedibus intumuisse, rogavit custodes, ut alterum pedem ei liberum relinquant, quo, eo curato, alterum quoque liberare & sanare posset. Beneficio isto impetrato, caligam pedis liberi extraxit, eamque pannis linteis infarlit, arundinem etiam sub scamno latentem fictæ tibiæ inseruit, ut eam movere potuerit haud secus, ac si natura moveretur. Adjuvabat institutum vestis hispanica villosa, ad talos demissa, qua artificium tegebatur. Hoc peracto rogat, ut iterum liceat pedem mutare & alterum liberare, sanato vinculis constringendo. Eximitur itaque pes verus, & immittitur fictus, jamque sic utroque pede liber, nocte intempesta, custodibus profundo somno sepultis, custodiæ ostium, quod negligentius erat occlusum, quoniam vinculis constrictus credebatur, aperit, per gradus descendit, & cum infimam portam

fera

fera munitam deprehendisset, ex fenestra cochlii per duodeviginti circiter pedes, prius pallium, ut in id caderet, mox seipsum deorsum dedit & decumana prætorii porta ferreo vecte & clave exitum prohibente, non sine extremo vitæ periculo per murum, quem scandit & ex quo sese demisit, evasit. Custodes mane compedes integras & obferatas cernentes, artibus magicis evasisse adseruerunt. Curio vero statim conscripsit libellum festivum, cui dialogi formam, *Probiq*ue nomen dedit, in quo rem, ut a se gesta erat, descripsit. Interim de bonis & universa re familiari actum erat, neque enim in patriam spes erat unquam redeundi; profectus ergo est in quendam Italiæ angulum, ubi se latitare posse credebatur; agnitus tamen a quibusdam principibus Mediolanensibus & Papiensibus, in Papiensem academiam protractus, ibique professor publicus designatus est. Tantæ autem fuit æstimationis & auctoritatis, ut Inquisitores etsi in mandatis haberent, eum captivitati & inquisitioni addicere, non tamen auderent, quicquam in eum durius statuere, studiosis magno numero eum domo sua in academiam deducuntibus, & exinde domum reducentibus. Pontifice tandem Romano sub anathematis pœna iis injungente, ut ipse caperetur, submonitus ab amicis Venetias proficiscitur. Cum ne ibi quidem tutus esset, Ferrariam contendit, cum Renata Ludovici XII. Galliarum regis filia, Ducis Ferrariensis uxore, de rebus suis consilium initurus, quæ ipsum ad Lucenses in Hetruriam amandat, ubi honorifice exceptus, & academix illius professor dictus est. Sed vix per annum fartus tectusque mansit, literis Pontificis eum Romam deposcentibus. In Germaniam itaque abiit, Tigurinis atque Bernensibus a modo laudata duce Renata commendatus, a quibus posterioribus Lausannensis scholæ Rector fuit constitutus, quo in munere per quadriennium summo juventutis emolumento est versatus. Cum autem in Italiam, adducturus uxorem & liberos, quos 7. habebat, rediret, nec tamen in Lucensem urbem, ubi illos reliquerat, auderet ingredi, sed in vicino oppido, cui Pessa nomen est, subsistens expectaret, iterum innotuit, cumque inermis, nec quidquam tale expectans, prandium sumeret, adest ex improvise præfectus inquisitorum, quem *Barisellum* Itali nuncupant, cum licioribus: quibus ante portam dispositis, ipse cœ-

T
naculum,

naculum, in quo solus prandebat, ingressus: *Dabis;*
 inquit, *te captivum, summi Pontificis nomine, in meam*
potestatem. Cœlius cum & ipsum coram videret, & lic-
 tores reliquos juxta gradus portam observare cerneret,
 nec superesse ullam evadendi rationem, surgit e mensa,
 & se in ejus potestatem daturus, obviam procedit: cul-
 tellum tamen, quo cibum secando præparabat, forte
 manu retinet. Hic Barisellus subito, cum & grandi cor-
 pore virum sibi obviam procedere, eundemque cultrum
 manu tenere videret, metu concidit. Cœlius exit e
 cœnaculo, descendit, per medios lictores transit, salu-
 tat, non agnoscitur, ingreditur stabulum, equum con-
 scendit, aufugit. Cumque ipsi postea, agnito eo, quod
 factum esset, canibus equisque velocibus insequerentur,
 subito adeo gravis oborta fuit tempestas, ut ab institu-
 to discedere cogerentur. Sic iterum e mortis faucibus
 evasit & Lausannæ salvus advenit. Relicta autem hac
 schola Universitatem Basiliensem a. 1546. petiit, ulterius
 perrecturus, nisi eum Martinus Borrhaus, Theologus, Aca-
 demix tum Rector, nec non Hieron. Frobenius, Nicol.
 Episcopus & Mich. Isengrinus, typographi, quibus viri
 eruditio nota erat, rogando retinuisent. Vacua tum
 erat cathedra Rhetoricæ atque Oratoriæ, quæ academix
 procerum suffragiis ei oblata atque ab eo accepta fuit;
 quo autem hoc munere secundum leges rite fungeretur,
 d. 6. Id. Febr. 1548. cum Thomæ Grynæo, Adamo
 Bodenstein, & Matthæo Erythronaco publice Artium
 Magister fuit creatus, & quidem sedendo gradum acce-
 pit, eodem plane modo, quo Bucerus in Anglia ultimo
 ætatis suæ anno Cantabrigix promotus est; quod iis
 solum conceditur, qui ætate & eruditione insigniter ex-
 cellunt. Eodem anno 1548. Rhetorica ei remissa & Pan-
 taleoni data fuit, a quo tempore, Rhetorica & Orato-
 ria olim junctæ, ad nostra tempora separatæ manse-
 runt. Quanta fide atque industria, quanto auditorum
 confluxu, adplausu atque commodo Oratoriam profes-
 sionem administraverit, dici vix potest; scripta autem
 publica, quæ postea adferemus, perennia eruditionis ip-
 sius singularis manebunt testimonia. Vnicum exemp-
 lum studii ipsum audiendi adtulisse sufficiet, nempe
 magnifici domini *Johannis Kiskæ* Palatini Vitebliensis il-
 lustrissimi principis filii, qui ex ultimis Lituaniæ terris
 cum magna nobilium caterva Basileam unice hoc scopo
 venit,

venit, ut desiderium Cœlii nostri audiendi atque videnti expleret. Summi etiam orbis principes maximis propositis stipendiis illum ad se pertrahere, scholisque suis præficere studuerunt. Ipse Pontifex R. mandavit Episcopo Taracino, cui cum Cardinali Caraffa per Basileam erat transeundum, ut cum Curione de reditu in Italiam & quidem Romam, quo ejus in scribendo opera uteretur, pacisceretur, ipsique promitteret, dummodo deinceps de religione non disputaret, impunitatem, maximum stipendium, & filiabus ejus dotes amplissimas. Quod cum Sabaudix dux audiisset, ipse quoque ei non minora quam Pontifex proposuit, si modo in Taurinensem academiam rediret. Sed ab utroque accipiendo deterruerunt eum vestigia. Maximilianus etiam Imperator, qui filii ejus Horatii opera utebatur, parentem quoque ad se pertrahere, & Viennensi academix præficere voluit. Vaivoda Transylvaniæ rex, cum in Alba Julia scholam erigeret, patri Curioni sexcentos & filio Augustino trecentos thaleros in singulos annos offerebat, si professionem acciperent; sed neutri paruerunt, & Basileæ, ubi jure civitatis donati fuere, substituerunt. Augustinus vero, patris in cathedra Rhetorica successor, jam d. 24. Oct. a. 1566. animam efflavit, cui illacrymans pater dixit: *Oculos tibi claudio fili, quos tu, si mihi superfuisses, parvo post tempore clausisses.* Hæc patris mors paulo post obtigit 8. Cal. Dec. 1569. Uxor autem eum est secuta d. 12. Maj. 1587. æt. 78. Ex filiis C. S. Curionis *Horatius* natus erat a. 1534. Casali, Med. Doct. & Maximiliani II. consiliarius, in itinere ad Imperatorem Turcarum obiit d. 15. Febr. 1564. *Leo*, natus a. 1536. peragratis fere omnibus Europæ regionibus, mercator vita excessit Basileæ d. 6. Oct. 1601. de *Augustino* infra dicetur. Filia erudita, *Angela*, quæ germanicam, latinam, italicam & gallicam linguam callebat, patremque prælegendo, manu scriptos codices conferendo, aliisque modis multum adjuvit, vitam finivit a. 1584. Bibliothecam C. S. Curionis emit dux Brunsvico Luneburgensis.

Scripta edita C. S. Curionis hæc fere sunt: *Schola s. de perfecto Grammatico* l. 3. it. *de liberis honeste & pie educandis* libellus; nec non *de grammatica latina* l. 6. & *Sulpitii carmen de moribus & civilitate puerorum*, Bas. 1555. 8. *de litteris doctrinaque puerili & ratione docendi grammaticam*, ib.

1546. 8. *Forum Romanum* Basil. 1544. fol. ib. 1561. T. 3. fol. ib. 1576. fol. Argent. 1604. fol. auctius. Nizolius f. *ibersaurus Ciceronianus* a C. S. Curione auctus, Bas. 1548. fol. ib. 1563. f. ex offic. Aldina 1570. f. Bas. 1576. auctor per Marcell. Squarcialupum ib. 1583. f. auctus per Jac. Cellarium Lugd. 1582. f. ib. 1584. f. & 1588. f. Bas. 1595. & 1613. f. Franc. 1613. f. Venet. 1617. f. *Logices elementorum* l. 4. quibus ad Aristotelis organum aditus aperitur, Bas. 1567. 8. *Perionti dialecticam commentario illustravit* & edit. ib. 1549. 8. *quisdemque epitomen* ib. eod. 8. *de omni artificio differendi atque tractandi summa*, cum oratoris exercitamentis & juvenilibus quibusdam carminibus, Bas. 1547. 8. *Orationes*, ib. 1544. 8. *selectarum epistolarum* l. 2. & *orationes*, ib. 1553. 8. *epistolæ*, Bas. 8. *præfatio* in Olympiæ Fulviæ Moratæ epistolas, 1552. in ejus opuscula omnia, Bas. 1558. 8. ib. 1562. 8. ib. 1570. 8. nec non in ejus orationes &c. ib. 1562. 8. in ejus opera omnia, ib. 1564. 1570. 1572. 1580. *Encomium nucis*. *Dialogus Probus*, is insertus etiam legitur in Schelhornii Amœn. Hist. eccles. & literar. T. 1. p. 759—766. *De historia legenda sententia ad Basil. Amerbachium*, exstat Tomo 2. penus artis hist. Bas. 1579. 8. p. 599. *De bello melitensi historia nova*, Bas. 1567. 8. Franc. 1568. 8. ib. 1596. f. it. germ. per Hier. Halvecium, Bas. 1567. 8. insertus est hicce libellus *Gravii thesauro Antiqu. Italiæ*. In Livium edidit *notas & præfationem de mensuris, ponderibus reque nummaria Romanorum & Græcorum*, Bas. 1549. f. liber de ponderibus &c. seorsim prodiit Franc. 1588. & 1628. Lutet. 1552. f. Bas. 1554. 8. & 1555. f. *Quædam Appiani Alex. interpretatus est*, & in ejus opera *præfationem* scripsit de vita Sigismundi Gelénii, Bas. 1544. f. ib. 1554. f. Lugd. 1576. 1588. 12. Ad Sabellici opera *supplementa* fecit ac edidit Bas. 1560. f. T. 4. V. 3. *Franc. Guicciardini historiarum sui temporis* l. 20. ex italico in latinum convertit Bas. 1566. f. & 1567. 8. V. 3. *Historiam Franc. Spieræ*, qui, quod susceptam semel evangelicæ veritatis professionem abnegasset damnassetque, in horrendam incidit desperationem, ex italico latinam fecit; cui quoque accessit Martini Borrhæ de usu, quem Spieræ tum exemplum tum doctrina adferat, judicium, Bas. 1549. 1550. 8. Amberg. 1608. 12. Lips. 1729. 12. *Commentarius in Ciceronis Brutum*, Bas. 1564. 8. in *Ciceronis oratorias partitiones explicationum* l. 3. ib. 1556. 8. Franc. 1567. 8. *In Ciceronis Topica commentarius*, Bas. 1553. 8. *Omnes Ciceronis orationes* edidit Bas. 1562. 8. V. 3. *Orationes Ciceronis Philippicas* edidit cum notis Bas. 1551. f. una cum 4. orationibus ex Dione, quas vertit in lat. & explicuit, recusæ sunt ib. 1564. f. *Varia ex ore C. S. Curionis in Ciceronem commentantis excepta continentur in Tomo 1. enarrationum in Orat. Cic.* Bas. edit. p. 90—99.

728—739. 1554—88. 1762—1824. 2050—67. 2112—32. *Scholia in Juvenalem & Persium*, Bas. 1551. f. Notæ in Sat. Juven. Paris. 1603. Lutet. 1602. 1613. 4. Lugd. Bat. 1695. 4. sed non integræ. *Castigationes in Seneca opera*, Bas. 1557. f. & Paris. f. *Hermogenis Rhetoricam* e græco in lat. convertit. *Christiane religionis institutio brevis & dilucida*: itemque *epistola de pueris sancte christianeque educandis*, Bas. 1549. 8. *Araneus s. de providentia Dei: de animarum immortalitate: de liberis pie educandis: paraphrasis in principium Evangelii S. Johannis: paradoxa christiana: abortatio ad veram religionem*, Bas. 1540. 8. ib. 1544. 8. ib. 1571. 8. *De amplitudine regni cœlestis* l. 2. adversus Petr. Paul. *Vergerium* apologia, qua numerum electorum s. salvandorum in regno cœlesti multo majorem futurum quam reproborum, & Judæos hodiernos omnes ante extremum judicii diem ad veram Christi Messiae agnitionem ac fidem esse congregandos ex S. Scripturæ & Patrum recentiorumque Theologorum scriptis demonstratur, Bas. 1554. 8. Goudæ 1614. 8. Franc. 1617. 12. inserta ea etiam est Amœnitatibus litterar. Francof. 1730. Vol. 12. mo. p. 600. it. *Responsio brevis &c.* eodem tendens, germ. ibid. p. 612. *Oratio pro vera & antiqua ecclesia Christi auctoritate adversus Ant. Florebellum*, Bas. 1546. 8. *De corrupto ecclesiæ statu. Pasquillorum* T. 2. Eleuthetopoli 1544. 8. edidit cum præfatione. *Pasquilli Extatici* s. nuper e cœlo reversi de rebus partim superis &c. cum Marphorio colloquium, Bas. 8. sine anno; it. in T. 2. Pasquillor. p. 427. 529. Genev. 1544. 8. Placent. 1545. 8. it. cum *questionibus Pasquilli in futuro Concilio a Paulo III. Pontif. indicto disputandis*, sine anno & loco, liber rariss. 8. it. Genev. 1667. 12. cui accessit *Pasquillus Theologaster*; hic etiam exstat in Pasquillor. T. 2. n. 13. *Pasquilli Exst.* Pasquinus captivus, dialogus Probus, Sfortia Coræbus, Creusa, Aneas, Processus adversus Pasquillum, *Questiones Pasquilli in futuro Concilio a Paulo III. indicto disputanda*. Omnia auctiora & emendatiora, sine loco & anno, 8. it. germanice sub titulo: *Der verzückte Pasquinus, aus welscher Sprach inn das Teutsch gebracht* 1545. gedruckt zu Rom auf anhalten Maister Pasquini. *Pasquillus ecstaticus* in linguam italicam conversus prodiit Romæ, 8. in linguam gallicam conversus, 1547. 8. C. S. Curionis opuscula, Basil. 1544. 8. In aulica vita & opposita huic vita privata edita Franc. 1578. 8. etiam quædam occurrunt C. S. Curionis. *Honorii Traumannii ad milites pro tuenda libertate Germania orationem* ex germanica lingua in italicam translata C. S. Curio hinc in latinum convertit, Bas. 4. it. Bernb. *Ocbini sermones aliquot* ex italico in latinum transtulit. In *Plantum* C. S. Curionis exstant commentationes in libro, cui titulus: *Eruditorum aliquot virorum de comœdia & comicis versibus com-*

mentationes, Bas. 1568. 8. *Emendationes in Aristotelem atque Isidorum. De republica christiana; Italia querimonia; Encomium scribarum; encomium ejus, qui pro patria occubuit; Jo Cbeki, Angli, de pronuntiatione græcæ potissimum linguae disputationes cum Stephano Wintonensi Episcopo, septem contrariis epistolis comprehensæ*, Bas. 1555. 8. *Guil. Budæi opera omnia, cum ampla Curionis præfatione*, Basil. 1557. fol. 4. Voll. Quatuor ejus epistolæ hæctenus ineditæ leguntur in Mus. Helv. P. 28. p. 559. & seq. Nonnulla etiam occurrunt C. S. Curionis in Bibl. Acad. Basil. MS. quæ lucem nunquam viderunt.

PROFESSORES RHETORICÆ.

I. HENRICUS PANTALEON, S. Theol. Licent. Artium & Medic. Doct. Comes Palatinus, & Linguae Lat. in pædagogio Professor, in Rhetorica publice docenda Cœl. Sec. Curioni successit a. 1548. & perrexit ad a. 1551. quo istud officii deposuit. V. Prof. pædag. Cl. I. n. 2.

II. JOHANNES NISÆUS, Augustanus, in pædagogio Poëtices professor, in Academia cathedram Rhetoricam obtinuit a. 1551, in eaque refedit ad a. 1557. ad Physicam promotus. V. Prof. Pædag. Cl. II. n. 2.

III. JOHANNES FUEGLINUS, Poëtices in pædagogio professor, Rhetoricam professionem accepit anno 1557. eamque obiit ad a. 1564. cum ad docendam Logicam fuit vocatus. V. Prof. Pædag. Cl. II. n. 3.

IV. AUGUSTINUS CURIO, tertius Cœlii Secundi Curionis & Margarethæ Blancae Isaciæ filius, natus fuit Salis, oppido Insubriæ, a. 1538. Studiis consecratus, fratremque Horatium æmulatus, eos fecit in Italia studiorum profectus, ut non modo academix Basil. anno 1553. adscribi meruerit, sed in ipso quoque ætatis flore inclarescere cœperit. Hinc factum, ut Academix Basil. proceres a. 1564. professionem Rhetorices ei destinarent, quam brevissime sed laudabiliter administravit. Humanis fuit ereptus d. 24. Oct. 1566.

Scripsit *historia Saracenica* l. 3, & *Morocbenfis regni descriptionem*, Bas. 1567. fol. & 1568. 8. Francof. 1596. f. Germa-

Germanice etiam prodiit Bas. 1564. f. 1580. f. & 1596. f. *Hieroglyphicorum* l. 2. Job. Pierii hieroglyphicis additos, Bas. 1567. & 1575. fol. Lugd. 1579. fol. it. Francof. 1614. 4. Lugd. 1626. T. 2. fol. Col. 1631. 4. Franc. 1678. 4. In compendium eos redegit M. Henr. Schwalenberg, cujus apborismorum Hieroglyph. libellus prodiit Lips. 1592. 8. ib. 1606. de ratione consequendi stili, f. de Imitatione. 8. P. Bembi opera in unum corpus collecta edidit Bas. 1567. 8. de vita obituque quatuor sororum l. 1.

V. JOHANNES BAUHIN, Med. Doct. patrem coluit Johannem Bauhin, Ambianum, Medicum & Chirur- gum, civem Basiliensem factum, matrem vero Johannam Fontaneam; fratrem dilexit Casparem, Med. Doct. & Prof. Basil. de quo plura suo loco. Johannes noster Philosophiæ ac Medicinæ diligenter operam dedit, & a. 1566. Basileæ cathedram Rhetoricam meruit. Cum autem quadriennium in Rhetorica docenda posuisset, ab Ulrico duce Wurtembergico Mompelgardum fuit vocatus, ut officium Archjatri atque Physici sustineret, idque per quadraginta annos & plures laudabiliter præstitit. Mortuus est ibi a. 1613. cum uxore, Dionysia Bernhard, Lugdunensi; relictis aliquot filiabus.

Scripta ejus sunt: *De plantis a Divis Sanctisque nomen habentibus*. Additæ sunt *Conr. Gesneri epistola* hactenus non editæ, Bas. 1591. 8. Arnstat. 1703. *Historia laporum aliquot rabidorum*, qui circa a. 1590. apud Mompelgardum & Befortum grassati sunt; prodiit etiam gallice, ib. eod. additis medicamentis contra morsus ab animalibus rabidis factos. Montbg. 1591. 8. *De plantis. Absinthii nomen habentibus*, ib. 1593. 8. *Historia fontis & balnei Bollenfis*. ib. 1598. 4. Montb. 1600. 4. & germ. convers. per Dav. Foerter. Stutgard. 1602. 4. *De aquis medicatis* l. 4. Montbg. 1605. 4. 1607. 1612. 4. *De auxiliis adversus pestem*, germ. ib. 1607. 8. Joh. Bauh. & Joh. Henr. Cherleri *historiæ plantarum prodromus*, Ebrod. 1619. 4. *Historia plantarum universalis* - - 3. T. fol. Ebrod. 1651. c. f. editionem curavit D. a Graffenried, qui in eam 40000. florenorum impendisse dicitur.

VI. JOH. THOMAS FREY, f. Freigius, in lucem editus est a. 1543. Friburgi Brisgoiæ, patre Nicolao Freigio, qui ex rustico pagi Durlacensis, Schalbach, J. V. D. & senator Vlmensis factus, Vlmæ diem obiit anno 1550., matre Vrsula Armbruster. Literas amavit a te-

neris unguiculis & impense coluit. Audivit in academia Friburgensi *Vlricum Zasium* in studio Juris & *Henr. Glareanum* in linguis; nec non a. 1568. Basileæ in philosophia *Petrum Ramum*, Gallum. Horum trium virorum celeberrimorum vestigia per multos annos religiose & feliciter est secutus. Publice docendi initium fecit Friburgi, dein Basileæ, ubi a. 1570. Joh. Bauhino in Rhetorica docenda successit, postquam antea, nempe d. 3. Aug. 1568. ab Adamo Henric-Petri J. V. D. fuit creatus. Sed eodem, quo professionem Rhetoricam adiit, anno, 1570. Basileam reliquit, & Friburgum reversus professorem Ethices egit. Cum autem Logicæ Rameæ nimis esset addictus, inde dimissus iterum Basileam venit a. 1576. Hic privatam vitam egit & a musis alienior ruri, juxta tamen operas typographicas, otio & pietati litavit, donec a Magistratu Norimbergensi, suatore *Hieron. Wolffio*, ad rectoratum scholæ Altorffinæ fuit vocatus, quem magistratum iniit d. 30. Nov. a. 1576. in hoc munere historicos, poëtas, institutiones Justinianeas & alia magna fide atque industria explicuit. In hac palæstra literaria sudavit ad an. 1582. quo cum 5. liberis Basileam rediit. Sequenti vero anno tribus liberis peste amissis, ipse eadem lue corripitur, & referente *Basil. Amerbachio*, intra 24. horarum spatium d. 16. Jan. a. 1583. animam Deo reddidit, duobus filiis eodem fato intra octiduum patrem insecutis.

Scriptis ediditque varia. *Schematismos Logicæ, Grammaticæ & Rhetoricæ*, Bas. 1568. 8. *Paraleipomena in historiam Æmilii & Ferroni*, ib. 1569. fol. & germ. 1574. *Comment. in ep. ad Romanos*, ib. 1575. *Tabulas perpetuas in VII. artes liberales Rami*, ib. 1576. fol. ΕΥΦΡΑΣΙΩΝ ad civitatem & academiam Basil. cum Altorfum peteret, mense Oct. 1576. 4. *Rectoratum Gymnasii Altorffiani*. Norib. 1577. 4. *historiam de bello Africano*, 1578. Norib. 1580. *Synopsis historiarum*, Bas. 1580. 8. *Mosaicum s. historiam eccles.* ib. 1583. 8. *Quæstiones logicas, ethicas & politicas*, ibid. 1584. 8. *librum Tristium*; *Orationes VIII. subjunctas J. C. Scaligeri Epistolis &c.* Hanov. 1603. 12. *Orationes varias*; *Grammaticam gracam*; *Partitiones juris utriusque*, Bas. 1571. fol. *Methodicam actionis juris repetitionem*, Bas. 1569. 8. *Commentarium in Pandectas juris civilis a Zasio tractatas, s. Zasium Freigii*, Bas. 1570. fol. *Partitiones feudales*, ibid. 1581. fol. *quæstiones in Institutiones Justin.* Bas.

Baf. 1578. 1583. 1597. *de gradibus consanguinitatis & af-
finitatis*, Baf. 1583. 8. *Paratitla f. synopsis pandectarum*,
ib. 1583. 8. 1631. *de Judiciis & Consanguinitate*, ibid.
1583. 8. *Ileam boni & perfecti Jurisconsulti*, Heidelb.
1587. 8. Spir. 1588. 8. *Logicam Jureconsultorum*, Bafil.
1582. 1587. 8. *Quæstionum physis. libb. 36.* Bafil. 1579.
1585. 8. *Quæstiones geometricas & stereometricas*, Baf. 1583.
Quæstiones æconomicas & politicas. Baf. 1581. 8. *Vita Ra-
mi* prodiit per Jo. Th. Freigium, Baf. 1575. 4. 1580. 8.
*historicam narrationem Mart. Forbifferi, angli, de naviga-
tione in occidentis & septentrionis regiones latine redditam*,
Norib. 1580. 8. Hamb. 1675. 4. *Pædagogum Ciceronis*, Baf.
1582. 8. Jo. Lud. Vivis *Colloquia cum notis* Jo. Th. Frei-
gii, Norib. 1686. 8. *Commentarium in Horatii Lyrica*;
Baf. 1580. *in Ejusdem artem poeticam*, ibid. *Comment. in
Ciceronis orationes omnes*, Francof. 1592. 8. *in aliquot Ci-
ceronis orationes*, Baf. 1594.

VII. ERASMUS OSWALDUS SCHRECKENFUCHS in co-
mitatu Merckensteinio Austriacæ ditionis ortus a. 1511.
atque in ludo patrio literis mediocriter tinctus, exinde
ad varias Germaniæ academias sese contulit. Inprimis
vero Ingolstadii, Lipsiæ & Basileæ, ubi *Seb. Munste-
rum* hebræa docentem frequentavit, cœptam studiorum
telam gnaviter pertexere annisus est. Istis in locis cum
ingenium satis excoluisset, Memmingam venit, atque
ibi magistratus jussu ludum aliquandiu moderatus est.
Postea Tubingam abiit, ubi testimonio profectuum phi-
losophicorum ornatus, stipendio principis hebræas lite-
ras magna cum laude publice enarravit. Hinc a. 1541.
Friburgum Brisgoiæ vocatus mathematicas scientias unâ
cum lingua hebraica docuit. Deinceps Basileam repe-
tens a. 1570. professor Rhetoricæ fuit constitutus, quam
cathedram ornavit ad a. 1576. quo iterum Friburgum
contendit, ubi & a. 1579. naturæ debitum persolvit.

Edidit *Ptolomei Magnæ constructionis libb.* cum aliis
ejusdem, Baf. 1551. fol. Ejusdem *Quadripertiti* libros duos
posteriores latinos fecit; *Procli de Sphæra* libellum edidit
cum scholiis suis, Baf. 1561. 8. *commentarium in sphæram*,
primum mobile & theoriam planetarum, Baf. 1567. N. T.
primus in linguam hebræam transtulit. *Paraphrasin in Can-
ticum Cant. & Ecclesiasten*, cui addita est oratio funebris
hebraica in obitum *Seb. Munsteri*, Baf. 1553. 8. In lati-
num transtulit *R. Abraham Cai l. de Sphæra & arithmeticam*
R. Elia, Baf. 1546. *Commentarium scripsit in sphæram Jo-*

bannis de Sacrobusto, Bas. 1569. *Opus gentium calendaria monstrans*, edidit ejus filius, *Laurentius Schreckenfuchsius*, Mathem. Prof. Friburg. Basil. 1576. fol. reliquit ille & in *almagestum Ptolomai* annotationes.

VIII. SAMUEL HOLZACH, professor Poëticæ in pædagogio, ad hanc professionem transitum fecit an. 1576. eamque administravit, donec a. 1589. ad professionem Linguae Græcæ transferretur. V. Prof. Pædag. Cl. II. n. 5.

IX. FRIDERICUS CASTELLIO, *Sebastiani Castellionis*, Linguae Græcæ professoris, filius, civis hujus mundi factus est a. 1562. Patris institutione frui quidem ipsi non licuit, eo jam a. 1563. defuncto, sed patris imaginem sibi constanter propositam diligenter exprimere studuit, & in humaniores præsertim literas operam infumfit. A. 1580. ad lectiones philosophorum publicas audiendas admissus philosophiæ & philologiæ indefessus studuit, Lauream primam a. 1582. secundam autem a. 1588. prius non petitam, obtinuit. Theologiæ etiam operam dedit, faustosque & in ea fecit progressus, non solum musici, poetæ, oratoris, philologi sed & theologi pii titulum meritis. Pastoris Huningani ordinarias, nec non vicarias pastoris Muttecentis, *J. Conr. Holzingeri*, vices gessit sedulus, donec an. 1589. cathedra Rhetorica ei fuit commissa; hoc munere non minori diligentia functus est ad annum usque 1595. quo professio Oratoriæ s. Eloquentiæ ei fuit tradita, hanc retinuit & diligenter administravit, donec pristinam Rhetoricæ professionem d. 18. Dec. 1610. repetiit, in qua obeunda d. 16. Maji a. 1613. ex casu epileptico, vel, ut alii tradunt, catarrho apoplectico, vita fuit privatus; relictis uxore atque filio unico.

Edidit Genevæ diss. *de Categorematis* Oct. 11. 1596.

X. JACOBUS HENRIC-PETRI unicus exstitit *Adami Henrici Petri*, J. V. D. & Codicis Justin. Prof. & *Catharinæ Richer*, filius, natusque d. 26. Dec. 1570. Ingenium pueri, ad magna nati, diligens parentum magistrorumque cura suscepit; primis literarum elementis imbutus, & deinceps in gremium academici cooptatus,
ad

ad exteras Germaniæ & Italiæ academias est amandatus. Inprimis Altorffii substitit & studio Juris diligenter vacavit, ut d. 15. Aug. a. 1592. multo suo merito Basileæ J. V. D. proclamaretur. Placuit dein Academiæ, ejus operam sibi deponere, eique Rhetorices professionem, ad quam ob insitam facundiam natus videbatur, 4. Id. Jan. 1595. conferre, cui ad annum usque 1610. singulari, qua pollebat dexteritate, præfuit. Interea praxi Juris se totum tradidit, ut ad eum tanquam oraculum aliquod undiquaque in rebus arduis & dubiis multus esset clientum concursus, qui eorundem patrociniū lætus suscepit & pro causæ qualitate feliciter obivit. Consulebant eum non modo cives sed & exteri magno numero, magnique nominis viri, nobiles, barones, comites, principes, quibus singulis responsa dabat atque consilia optima, unde longe lateque prudentiæ & eruditionis ipsius fama fuit dispersa. Cum autem inter hæredes *Petrinos* atque *Ryffios* lis aliqua fuisset oborta, cujus causæ ipse actor fuerat, Petrinique causa sua coram iudice legitimo, qui academiæ erat Consistorium, cecidissent, ipseque ad forum politicum contra fidem academiæ datam provocasset & graves in academiæ iudices calumnias coniecisset, primum d. 29. Mart. anno 1599. a munere professorio obeundo, dato ei vicario *Friderico Ryhinero*, cessare, denique a. 1610. eo prorsus cedere iussus est. Haud vero diu post, a. 1612. ab Imperatore *Matthia* in comitiis Imperii Francofurti constitutis ob virtutis omnigenæ ornamenta & præclara merita in equestrem dignitatem evectus & insuper aulæ cæsareæ Comes creatus est. Anno quoque 1625. ab *Henrico Aurelianensi*, duce Longovillæ ob singularia eidem præstita officia ipse cum posteris ordini equestri duorum in Helvetia sitorum comitatum, Neocomensis & Vallangensis, est adscriptus, facta eidem potestate, ubicunque vellet illorum locorum commorandi cum privilegio exemptionis plenissimæ, qua Nobiles & Equites solent gaudere. Nuptias priores celebravit a. 1592. cum *Anna Brand*, filia *Bernhardi Brand*, J. V. D. & Instit. Prof. postea Tribuni plebis, ex quo connubio trinam sustulit prolem, *Margaretham*, *Jacobum*, Consulem Mullhusinum & *Heuricum Adamum*, in flore ætatis a. 1627. Mullhusii fato perfunctum. Secundum matrimonium iniit cum *Anna Maria Volmaria*, undecim


cim liberorum matre ex eo facta. Continuis denique laboribus & podagricis doloribus confectus catarrho suffocativo finiit vitam d. 21. Mart. a. 1641.

Edidit patris sui *historiam universalem* &c. revisam, auctam & continuatam, Basl. 1600. fol. c. f. *P. Æmilii Veronensis de rebus gestis Francorum* libb. x. *Arnoldi Ferroni de rebus gestis Gallorum* libb. ix. cum continuatione *Jac. Henric Petri*, & *Cronico Jo. Tilii de regibus Francorum*, Basil. 1601. fol.

XI. FRIDERICUS CASTELLIO Oratoriæ Professor, Rhetoricam professionem secunda vice accepit d. 18. Dec. 1610. eamque per triennium administratam alii cedere morte fuit coactus. V. supra n. 9.

XII. JOH. CONRADUS PFISTER, satus patre *Laurentio Pfister*, matre *Vrsula Han*, vitam hanc auspicatus est d. 3. Aug. a. 1576. Musis a prima infantia, licet lingua minus prompta, quatuorque literas, L. M. R. T. difficulter pronunciantem uteretur, a parentibus consecratus, easdem studiose coluit, & postquam a. 1593. academix civibus adscriptus fuit, studia philosophica assidue tractavit, ut a. 1594. Lauream & a. 1598. coronam doctoralem adipisceretur. Postea speciatim studio Physico atque Medico totum se dedit. Antequam officiis publicis fuit admotus, privatam in erudienda domi forisque juventute operam posuit diligentissimam. *Joh. Baubino* in concinnando opere Botanico, ut erat laboris extreme patiens, multum auxilii tulisse legitur. Etiam a *Jano Grutero* & *Jeremia Sobnio* publica eruditionis atque industriæ testimonia accepit. Perspecta hac doctrina atque in docendo dexteritate, Academia opera ejus publica uti constituit, eumque d. 21. Jan. 1614. ad Rhetoricam docendam rite vocavit, cui muneri fide integerrima & industria incomparabili longo tempore præfuit. Postea etiam munus Bibliothecarii ei fuit delegatum, quo officio itidem maximo Bibliothecæ acad. fructu fuerat functus, ut qui eam in commodiorem ordinem digessit, & spissa catalogorum volumina propria manu conscripsit. In conjugio per 20. annos vixit cum *Anna Meyer*. Vitam pie, juste, sobrie transactam absolvit d. 26. Apr. a. 1636.

XIII.



XIII. JOH. LUCAS GRAF nactus fuit patrem *Burcardum Graf*, qui sub Galliarum rege stipendia centurionis meruit, matrem vero, hunc filium a. 1595. enixam; *Elisabetham Iselin*. Mature fatis studiis operam dedit, ut confecto in gymnasio primarum literarum cursu, ad academiam transmissus primæ Laureæ a. 1613. & magisterii honores a. 1616. meritus acceperit. Placuit autem ei, philosophico studio ad finem perducto, Juri operam dare, in quo elegantes fecit progressus, quibus pede sat cito ad metam provehi potuisset; sed maluit vel plus fatis mereri quam frustra titulos sine usu tanquam pomparum fercula in ostentationem circumferre. Unde anno demum 1632. 5. Cal. Dec. edito prius specimine juridico-politico, *de Crimine læsæ Majestatis*, promotore Remigio Fæsch, insignia Juris Doctoris admittere voluit. Ceterum veri Jurisconsulti partes explevit, quibusvis pro eo, quo pollebat, judicii acumine & scientia de jure respondendo atque consulendo. Tria illa juris præcepta: *honeste vivere, neminem ledere, suum cuique tribuere*, non tam voce profitebatur, quam moribus, vita factisque exprimebat, pius in Deum, justus in proximum, temperans sibi etiam in iis, quæ æqua natura admittit. Ita laudabiliter cum spatium vitæ decurreret, d. 3. Mart. a. 1637. professio Rhetorica ei fuit demandata, quam supra septennium diligentissimus obiit, donec gravi morbo ex asthma est correptus atque compressus, quo d. 18. Nov. 1644. cœlebs occubuit.

XIV. PETRUS FALCKEISEN hanc lucem primum adspexit d. 19. Apr. 1618. Parentes ei exstiterunt *Theodorus Falckeisen*, senator & ædilis, ac *Vrsula Ryff*, *Petri Ryffii* Medici & Mathematici Bas. filia. Ingenium felix parentum voto ac cura ad capeffendum literarum cultum adpulit, & in liberiolem academiæ aërem a. 1634. translatus eximie excoluit. Exacto curriculo philosophico, primaque Laurea a. 1635. Magisterii vero dignitate a. 1637. ornatus, studia avi materni, cujus & prænomen gessit, Mathesin nempe atque Medicinam, omni studio profecutus est. Ea de causa a. 1640. etiam peregrinationem instituit in Galliam atque Italiam, eaque feliciter finita, Basileæ d. 28. Sept. 1641. Doctoris Medici honores atque privilegia accepit. Dum consilio atque auxilio ægrotis prodesse studuit, etiam Academia, per obitum

obitum J. Luc. Grafi vulnere adfecta, ejus auxilium petiit & obtinuit; relictam nempe ab illo cathedram Rhetoricam huic commisit d. 10. Dec. 1644. Hanc etiam provinciam optime gessit, donec, sic volentibus Academiae proceribus, cum alia eam permutavit, d. 19. Nov. 1655. ad Mathesin docendam vocatus, qua in statione, ut qui hoc studio mirifice delectabatur, publicis lectionibus & privatis institutionibus studiosæ juventuti plurimum profuit. Rectoratum acad. semel, Decanatum philos. ter, visitationemque gymnasii tribus annis, qua potuit dexteritate, qua debuit fide, administravit. Conjugium iniit geminum, alterum cum *Dorothea Lützelmann*, Tribuni plebis filia, bina prole mascula foecundum; alterum a. 1649. cum *Susanna Stabelin*, quæ quatuor liberos ei peperit, & post 16. in viduitate annos exactos a. 1677. *Joh. Conrado Hardero*, Archigrammateo & scholarchæ felici fidere nupsit. In collegium Medicorum adoptatus Noster morbo & morte præventus hanc dignitatem adire non potuit. Ex febris hæctica obiit d. 22. Oct. 1660.

XV. SIMON BATTIER, J. V. D. Rhetorices Professor electus fuit d. 19. Nov. 1655. & in hac sede permansit ad d. 11. Sept. 1668. quo ad Ethicam fuit translatus. V. Prof. Codicis, n. 19.

XVI. JACOBUS RUDIN, nobili stemmate oriundus, natus est d. 1. Aug. a. 1633. Postquam Gymnasii classes percurrit, literis se totum sacrauit, & majorum gloriam virtute propria augere contendit, illud Juvenalis secum in pectore volvens: *Stemmata quid faciunt, ubi virtus deficit omnis?* Philosophicas scientias haud leviter adtigit, quin cum cura atque labore perspexit. Dignus itaque habitus, qui a. 1646. primo philosophici honoris gradu, quem Lauream vocant, & a. 1648. summis in philosophia honoribus & Magisterii liberalium artium insignibus condecoraretur. Hoc feliciter jacto fundamento, studio theologico eodem anno nomen dedit, eique tam diligenter invigilavit, ut a. 1653. in numerum Candidatorum S. Ministerii reciperetur. Sed gradatim ad superiora scandere paravit, & primo gymnasio, deinceps vero Academiae operam suam dicavit. Ipsum enim non pudebat imprudentium præceptorem & imperitorum Magistrum

gistrum esse; itaque doctrinis puerilem ætatem imbuturus, vacantem quartam Gymnasii classem anno 1658. petiit atque obtinuit; ex hac autem a. 1666. ad quintam classem transiit. Cum ita eruditionem atque diligentiam suam senatui acad. fatis probasset, ex trivialis scientiæ magistro sapientiæ professor fuit constitutus, & primo quidem d. 19. Febr. a. 1669. cathedra Rhetorica, deinde vero d. 21. Dec. 1677. professio Ethicæ ei fuit demandata, quam utramque provinciam egit singulari fide atque industria, studiosorum commodis totus inserviens. A. 1657. uxorem duxit *Gertrudam Gemusæus*, quæ, ut ipse testatus est, plus quam humanam operam quoad corpus & animam & incomparabile pietatis exemplum ei exhibuit. Suscepit ex ea 3. filios & unicam filiam, quam una cum uno filio matreque sibi superstitem habuit. Filius iste superstes, *Joh. Jacobus*, S. Miniliterii Candidatus a. 1681. & a. 1684. Diaconus Biennensis constitutus, ibidem a. 1688. vitam clausit. Insultus denique apoplecticus Rüdino patri finem imposuit d. 26. Mart. 1689.

Edidit varias dissertationes: *de mundi principiis*, 1660. *Theses philos. misc.* 1665. *progymnasma disput.* eod. *Analecæta ex philosophia instrum.* 1667. *Theses philos.* 1668. *de Veritate*, 1671. *de Accidente*, eod. *de Fortitudine*, 1672. *Quæstiones misc. philos.* 1673. *Orationem funebrem in obitum Sam. Eglingerii*, Mathes. Prof. a. 1674. *diff. de Affectibus*, 1677. *de futo triplici*, *phys. mathem.* & *stoico*, eod. *de causa libera* 1679. *de persona*, 1680. *de jure parentum in liberos*, 1683. Scripsit & *vitas Professorum aliorumque virorum clarorum Basil.*, quæ hæcenus non editæ & ex quibus multa huc translata sunt.

XVII. JOH. JACOBUS HARDER, Med. Doct. Rhetoricam cathedram obtinuit d. 19. Febr. 1678. officioque isto functus est, donec d. 5. Jan. 1686. ad Physicam docendam fuit vocatus. V. Prof. Med. Theor. n. 13.

XVIII. BONIFACIUS FÆSCH, J. V. D. Logices prof. vicarius, Rhetorices d. 5. Jan. 1686. professor electus est, inque hac cathedra sedit, donec ei d. 5. Jul. 1689. Ethica fuit assignata. V. Prof. Codicis. N. 22.

XIX. JOH.

XIX. JOH. GEORGIUS MANGOLD, Med. Doct. Prof. Logicæ vicarius, diem vidit primum d. 17. Dec. a. 1648. Basileæ, parentibus usus *Casparo Mangold*, Mercatore, & *Rosina Falckēisen*. Ob ingenii, qua pollebat, docilitatem, ipse ut frater *Matthias*, biennio eo inferior, quique Theologus præclarus atque Archidiaconus Bas. a. 1719. ad superos abiit, literis fuit destinatus, & a primo juventæ flore huc studia, huc vota omnia direxit, ut potiolem sui partem, animum, bonarum literarum succo imbueret, eundemque virtutum variarum concentu illustraret; hinc condigna eum manebant præmia, nec virtus debita frustrata fuit mercede; anno nempe 1665. primæ Laureæ gradum & a. 1667. doctrinam philosophicam ordo sapientissimus ei decrevit atque publice conferri curavit. A disciplinis instrumentalibus ac realibus rite instructus, recta studium medicum cepellivit, & ob insignem in omnigena sapientia, sacra præsertim Medicina, comparatam eruditionem & doctrinam d. 10. Cal. Jan. 1673. supremam doctoratus medici dignitatem, jura ac privilegia accepit, habita prius publica oratione de *vite brevitate artisque longitudine*. D. 18. Mart. 1674. cum fratre *Matthia* peregrinationem literariam instituit per Galliam, Belgium, Angliam & Germaniam, eaque a. 1675. feliciter finita, praxin medicam exercere & studiosis collegiis informatoriis atque disputatoriis experimentalibus prodesse cœpit. Ab a. 1687. vicaria opera Logicam docuit, die vero 5. Jul. 1689. munus professoris Rhetorices ei fuit commissum, quo diligentissime est functus ad d. 9. Jun. a. 1693. quo ex febris acuta huic mundo valedixit.

Edidit disputationem de *Epilepsia*, Bas. 1672. de *Catalepsi*, ib. 1673. *maximas positionum logico philosophicarum*, ib. 1687. *Manipulum thesaurum Rhetor.* ib. 1689.

XX. JOH. JACOBUS BATTIER, J. V. D. & Logices professor vicarius, ordinariam Rhetorices professionem sortitus, eandem auspicatus est d. 13. Sept. 1693. prælectione de *variis artis dicendi ætatibus*, quibus illa apud *Græcos Romanosque* viguit; hanc spartam egregie administravit, donec ei alia, Oratoriæ, d. 22. Sept. 1696. ornanda fuit tradita. V. Prof. Codicis. N. 23.

XXI. EMA-

XXI. EMANUEL ZÆSLIN, patricia familia oriundus, vitæ lumen adiit d. 22. Maj. 1663. patre genitus *Henrico Zæslin, Henrici*, filio. Ex trivialibus scholis in academiam transmissus assiduo labore & pertinaci in studiis excolendis constantia eruditionem sibi solidam ex diffusis sapientiæ thesauris comparavit, eandemque moribus inculpatis & vitæ sine labe peractæ integritate exornavit; quapropter primæ Laureæ ornamenta a. 1679. postquam carmine heroico *neminem causa incognita condemnari posse* probavit, nec non a. 1681. magisterii axioma, ita decernente Philosophorum ordine, publice fuit adeptus, habita oratione, qua carmine græco *encomium Medicinæ* fecit. His ita peractis, arti medicæ operam dare cœpit, idque eo studio, eoque successu, ut post exhibita consueta specimina, habitamque de *functionibus spirituum animalium* orationem a gratioso Asclepiadeo ordine Basil. dignus fuerit habitus, qui publice d. 7. Jun. 1687. Medicinæ Doctor crearetur. Vocatus dein fuit ad Rhetoricam publice docendam, nempe d. 15. Dec. 1696. quam provinciam capeffivit d. 9. Febr. 1697. prælectione inaugurali locutus de *principiis, quibus eloquentia paratur*. Ab istius autem muneris functione ad professionem philosophiæ practicæ & Juris naturæ & gentium, licet posteriorem hunc titulum qua Medicus non adsumferit, fuit advocatus d. 27. Febr. 1714. eamque adiit d. 13. Jun. 1714. lectione de *inclinatione hominis naturali ad summum bonum*. Obitus ei obtigit a. 1727. Scholasticis Gymnasii Basil. pauperibus libras Basil. 800. nec non Bibliothecæ Acad. publ. Basil. 100. thaleros legavit.

Edidit a. 1687. dissertationem de *olsæctu*; a. 1693. *Specimen logico philosophicum*. A. 1695. *theses philologo philosophicas*. 1696. *theses rhetorico philosophicas*.

XXII. CHRISTOPHORUS EGLINGER, humanitate atque adfabilitate, nec non beneficentia olim præclarus, prognatus est d. 30. Dec. 1686. parentibus optimis, *Nicolao Eglingero*, Med. Doct. ejusdemque Professore & *Juditha Burcard*. Ab his mature literis adhibitus gymnasium cum fructu frequentavit, ex cujus umbra in lucem academiciæ prodiit a. 1698. Hic bonis artibus atque moribus animum induit, & ut mores fuerunt, ita respondit

U

respondit fortuna; jam enim a. 1699. ad priores & a. 1701. ad summos in philosophia honores ascendit. His autem pro modestia sua nec ad ostentationem usus, nec pro generositate animi contentus, sed ad ampliores, quibus civis civibus magis prodesset, contendit, sacra Medicinæ totum se consecrando. In novo hoc stadio, cooperantibus egregiis naturæ dotibus, accedente intensa sedulitate atque industria, juvante paterna præcipue disciplina, Deo benedicente ita fuit progressus, ut d. 1. Mart. 1707. lauream asclepiadeæ artis doctoralem publice adipisceretur. Studium Anatomicum atque Botanicum magis adhuc profecuturus Parisios profectus, ibique per triennium fere commoratus est. Illinc redux patri in medicina facienda adstitit, eo autem a. 1711. humanis erepto, sequenti anno novum iter per Germaniam, Belgium atque Angliam instituit, eoque feliciter atque cum fructu peracto a. 1713. ad suos rediit. Haud diu post, nempe d. 30. Apr. 1714. tori sociam sibi legit *Veronicam Battier*, *J. Jacobi Battierii*, Antecessoris juris, filiam, quæ, postquam ei septem filios atque filiam peperisset, a. 1729. ad meliorem vitam ei prævit. Interim Eglingerus cunctis academix senatorum suffragiis d. 24. Mart. 1714. Rhetorices professor fuit dictus, quod officium publica lectione de *antiquis Rhetoribus* commentante d. 15. Jun. 1714. auspicatus, eoque, quoad vixit, omni diligentia perfunctus est. Praxin etiam medicam omni fide atque pietate diligentissime atque felicissime exercuit apud omnes sine discrimine afflictos, donec ipse febris acuta correptus d. 27. Maj. 1733. labori succubuit, eoque elato, nemo fuit, quin lacrymaretur. Sex filios cum filia fecit pupillos, ex quibus hodie *Joh. Henricus* Pastorum ecclesiæ Micropolitanz omni fide gerit atque vigilantia.

Edidit *specimen medicum de spiritibus animalibus &c. eorumque usu*. Bas. 1707. *disp. de sensuum externorum insalubilitate* & *de ideis*, ib. 1712. *theses ex Anatome & Botanica*, ib. 1711. *positiones philosophicas*, ib. 1714. *theses anat. & botan.*, in quibus *polygonifolium descripsit*, a. 1721.

XXIII. JOH. BALTHASAR BURCARD electus Rhetorices Professor d. 15. Dec. 1733. munus hoc solenni lectione ingressus est d. 9. Febr. 1734. idque solertissime gessit,

gessit, donec d. 28. Nov. 1740. ad professionem Lectorum communium ac controversiarum Theol. fuit vocatus. V. Prof. N. T. n. 15.

XXIV. JEREMIAS RAILLARD natalem diem coluit 16. Apr. 1717. patrem vero *Jeremiam Raillard*, J. V. D. senatorem atque scholarcham, & matrem *Margaretham Rybner*, adhuc superstitem. A teneris literis moribusque bonis adsuetus, studio atque conatu impigro in virtute atque eruditione progredi laboravit. Curriculo philosophiæ eleganter transacto, & duplici honore philosophico, uno a. 1733. altero 1735. meritissime adepto, legum studio se addixit, eique sedulam operam navavit. Superatis consuetis tentaminibus atque examinibus, nec non disputatione inaugurali a. 1738. Licentiam in utroque jure obtinuit, & ab eo tempore consulendo, nec non privatim juris atque philosophiæ cultoribus collegia indulgendo pro commodis publicis sudavit. Mox autem janua ei fuit aperta, academici usibus publice inserviendi, dum ei d. 28. Mart. 1741. professio Rhetorices sorte assignata fuit, quod officium d. 30. Maj. 1741. lectione inaugurali *de ortu & progressu eloquentiæ* adiit, & ad dies vitæ diligentissime administravit. Postea d. 1. Jul. 1744. titulum atque dignitatem J. V. D. accepit, hisque ornatus d. 10. Sept. 1747. prosperis dubiisque sociam sibi junxit *Vrsulam Vischer*, cujus ope aliquot ante obitum annis ipse fuit destitutus, gaudio haud exiguo sibi relictis aliquot liberis, ex quibus unus filius *Jeremias* itidem nunc literis atque artibus incumbit. Interim a. 1750. in facultatem Juridicam nec non in senatum academicum receptus, & a. 1754. Bibliothecarius constitutus, commoda Academiæ atque Bibliothecæ quovis modo indefessus promovere studuit, donec vir laboriosissimus, quem patres academici conscripti archivum suum vivum privilegiorumque suorum vindicem venerati fuerant, phthisicus obiit d. 25. Nov. 1772.

Edidit diff. *de jure fructus percipiendi in re aliena bona aut mala fide possessa*, 1738. *theses philos. misc.* 1740. *Theses rhetoricas* 1741. Diff. *de Romanorum equitum transvectione & recognitione*, 1741. *observationes de privilegiis uxorum quoad bona in mariti domum illata*, 1746. *theses & observationes juridicas* a. 1757.

XXV. JOH. RODOLPHUS BUXTORFF, claris natalibus ortus, natus est d. 24. Oct. 1747. ex *Johanne Buxtorff*, Med. Doct. Poliatro & CC viro, atque *Agnete Zuinger*, *Joh. Rodolphi Zuingeri*, Med. Doct. ac Pract. Prof. filia. Horum parentum sollicita cura liberaliter educatus literisque institutus fuit. Demenso gymnasii patrii curriculo, in Academia philosophica studia diligenter tractavit, & diligentiae suæ præmium, primam Lauream accepit d. 14. Jun. a. 1764. habita oratione *de utilitate conjungendi linguam hebraicam cum græca & latina*; supremum autem in philosophia honorem obtinuit d. 5. Jun. 1766. in qua promotione *de præstantia & utilitate philosophiæ recentioris* publice disseruit. Jam nobilissimorum majorum vestigia pressurus studium theologicum sibi excolendum sumisit, nomenque ei dedit d. 8. Maj. 1765. in hoc tractando omnem operam posuit, & auxilio præsertim adjutus avunculi optimi, *Jac. Christoph. Beckii*, S. Th. Doct. ac Prof., cujus ipse jam a. 1776. in officio *lectoris instituti Freyio Gryneani* successor est designatus, eo est progressus, ut a. 1770. in numerum V. D. Ministrorum fuerit receptus. Vocatus dein fuit, ut comitum *Büchenburgensium* ephorum ageret, cui vocationi eo lubentius paruit, quod sic ei occasio daretur, *Westphalam*, Buxtorffiorum nostrorum patriam, invisendi. Impleto hoc officio in patriam redux statim aliud accepit, professoris nempe *Rhetorices*, quod ei demandatum fuit d. 8. Jun. 1773. quodque auspiciatus est d. 31. Aug. 1773. prælectione, qua *de eloquentia Pauli Apostoli* disseruit.

Edidit d. 6. Sept. 1768. *Observationes crit. misc. in quædam auctorum græcorum loca*. d. 8. Jun. 1773. *Theses rhetoricas*, & d. 26. Maj. 1778. orationem panegyricam in *J. Rod. Zuingerum*, Med. Doct. atque Prof.

PROFESSORES ELOQUENTIÆ.

I. JOHANNES SICHARDUS patriam habuit *Bischoffshemium*, oppidum superioris Franciæ, ditionis Archiepiscopi Moguntini, ubi parentibus satis honestis, sed fortuna mediocri usis, in lucem editus est a. 1499. Perceptis in patria primis literarum elementis, Erfordiam missus, sumtibus *Martini Golæ*, *Aschaffenburgensis* Decani,

cani, cognati sui, aliquamdiu bonis literis incubuit; hinc autem Ingolstadium concessit, & nobilium quorundam ephorum egit. Inde Monachium vocatus, ludo poetico, in quo nobilium pueri instituebantur, præfectus est. Animo autem ad majora contendente, eam functionem sponte deferuit, atque a. 1522. se Friburgum Brisgoiæ contulit, ibidemque operam suam nobilibus adolescentibus erudiendis locavit. Hic inscio quidem sed postmodum cognita ejus eruditione, factum adprobante socero, *Evam, Florentii Hesleri*, mercatoris, filiam, uxorem obtinuit, sed spem perpetui domicilii atque professionis, quam ex hocce matrimonio conceperat, præcidit exorta de eo suspicio, quod in partes Lutheri videretur inclinare. Unde Basileam se recepit, ibidemque a. 1525. professioni Rhetoricæ sive Oratoriæ, ut alii loquuntur, fuit adhibitus, in qua statione Ciceronis Rhetorica cum Tito Livio & Quintiliano publice exposuit. Cæpit tum quoque bonis auctoribus emendandis & nitori suo restituendis operam dare, quam in rem ei *Ferdinandus* archidux Austriæ diploma de lustrandis quibusvis bibliothecis suis indulgit. Hinc factum, ut industriæ suæ fama doctissimis quibusvis, inprimis *Erasmo & Glareano*, Basileæ tum agentibus, familiariter innotuerit. Oborta autem inter theologos helveticos dissensione, ipse cum familia a. 1530. paulo post *Erasmum & Glareanum*, Friburgum rediit, ubi juri civili sub auspiciis *Huldrici Zasii & Sebast. Dereri* per biennium fere eam dedit operam, quam vix alius, nisi pari præditus ingenii & judicii acumine, præstare potuisset. Itaque 4. Cal. Dec. 1531. insignia doctoralia magna cum laude accepit. Hoc tempore etiam instructissimam bibliothecam juridicam a *Johanne Manlio*, Imperatori Maximiliano a consiliis mediocri pretio fuit mercatus. Friburgi autem ob supradictam causam non potuit professionem potiri, Tubingæ vero opera *Martini Bucerii & Simonis Grynei*, illius scholæ restauratorum, professionem Codicis Justin. a. 1535. obtinuit, cui ad finem vitæ dexterrime vacavit, licet a. 1537. Norimbergam ad munus Advocati, & a. 1548. a Carolo V. Imperatore inter Judicii Imperialis adessores fuerit expetitus; maluit nempe sorte sua contentus vivere, quam dubia magnorum nominum omina periclitari. Neque tamen principum gratia caruit, quippe ab *Vlrico & Christophoro*, ducibus

bus Wurtembergicis, secretioribus consiliis adhibitus. Ceterum ejus prædicatur vita integerrima, morum facilitas & in rebus agendis dexteritas pariter & fides, quibus nominibus bonis quibusvis exstitit gratissimus, magna discipulorum frequentia ad eum audiendum confluyente, cui quidem viva voce dictata lubens indulsit, edi tamen in publicum, quoad vixit, vetuit, donec post ejus obitum publici juris sunt facta. Eternitatem adiut f. Id. Sept. 1552. prole destitutus, quapropter testamentum condidit, quo duo aureorum millia in usus pios legavit, ceteris facultatibus uxori & ex sorore nepotibus adtributis.

Libri ejus editi sunt: *Sexti Aurelii Victoris Epitome recognita & illustrata*. Justinii historia restituta, Bas. 1526. 1530. 1543. 1553. 8. institutiones Cæii; Pauli libros receptarum sententiarum recensuit; *Codex Theodosianus primum ejus opera in lucem productus*, Bas. 1528. sc. priores 5. libri cum initio sexti ex breviario Aniani; *Job. Tilius* deinceps l. nonum & sequentes 7. Paris. 1549. 8. & *Jac. Cujacius* sextum, septimum & octavum a *Steph. Charpenio* acceptos ib. 1566. fol. edidit. Omnes vero 16. libros *Jac. Gothofredus* 30. annorum spatio, immenso labore, ad prelum paravit, eosque, illo mortuo, *Anton. Marvilius* Lugd. 1665. fol. 6. Tomis procudendis curavit. *Sichardi prælectiones in Codicem Justinian.* edita Basil. 1565. fol. Francof. 1586. fol. 1598. 1614 fol. Genev. 1593. 4. de meliori nota ab *Eruditiss. commendantur*. *Consilia* Francof. 1598. 1599. fol. *Leges Ripuariorum, Bajoariorum & Alemannorum*, Bas. 1530. 8. *Annotationes in Quintilianum*, Bas. 1529. fol. ibid. 1548. 8. ib. 1555. 8. *Prudentii carmina recensita c. scholiis*, Basil. 1527. 8. Antverp. 1540. 8. Lugd. 1553. 16. Hanov. 1614. 8. Basil. 1562. 8. ex *Consentio & Cassiodoro* fecit excerpta, quibus titulus est præfixus: *Disciplinarum liberalium orbis*, per Jo. Sichardum. Basil. 1528. 4. *Antidotum contra hereses per varios authores*, Basil. 1528. *Chronicon e variis authoribus compilatum*, Bas. 1529. fol.

II. XYSTUS f. *Sixtus*, BETULEJUS, germanice *Birck*, vitam ingressus est Augustæ Drusi, (*Memmingen*) a. 1500. tunc,

--- --- cum sine honore jacerent.

Optima, barbarieque horrerent omnia prisca.
Pueritiam in patria transigit, & ut tempora sinebant, bonis literis addiscendis impendit. Postius primæ literaturæ

turæ fundamentis, Basileam abiit, ubi in omnibus ingenuis artibus ita est versatus, ut sub publico literatorum adplausu 4. Id. Febr. 1536. artium Magister, & quidem post Sacra reformata primus, solenniter renunciaretur. Eruditioni accedebat vitæ innocentia morumque integritas, & in rebus agendis rara dexteritas, quæ singula eum Academiæ ita commendabant, ut de eo sibi suisque usibus vindicando serio cogitaret. Itaque, ut ferebat occasio, primum scholæ puerili fuit præfectus in minori Basilea circa a. 1530., in qua schola in aliis discipulum habuit, qui magistro honori magno evasit, *Henricum Munzinger* Basil., qui postquam in collegio sapientiæ decennium transegit, scholam Petrinam aliquamdiu moderatus & A. L. M. creatus fuit, animum ad medicinæ studium adjecit, quod *Fuggerorum* sumtibus in Gallia per triennium excoluit, inde in Italiam progressus Pisis Medicinæ Doctor creatus fuit & Florentiæ sesquianno medicinam fecit; idem præstitit aliquot annis Augustæ, ad mæcenates suos reversus, donec a. 1555. a Carolo Augusto inter curiæ suæ nobiles fuit cooptatus; denique a. 1559. ab episcopo Eistensis liberali stipendio vocatus ditionis illius medicum egit, ubi omnis carnis viam fuit ingressus. Interim Beutlejus ex schola liberatus in academiam transiit a. 1537. Oratoriæ professor nominatus. Anno vero statim insequente 1538. Augustam vocatus abiit, & scholam illam multo cum fructu gubernavit; ibi etiam eum *Henr. Pantaleon* a. 1540. in magna auditorum frequentia docentem audivit; alii etiam multi egregii viri ex ejus disciplina fuere egressi, in quibus nominandi *Wolfgangus Musculus* & *Guilielmus Xylander*. Ipsum senecta ante annos laboribus contracta, magistratus rude donavit. Fatis tandem concessit d. 19. Jun. 1554. æt. a. 54. M. 3. d. 26.

Scriptit & edidit comœdias de *Susanna*, *Juditba* & *Josepho*, quas & Basileæ publice exhibuit, Tig. 1528. Col. 1539. 8. *Symphoniam in N. T. grecum* Basil. 1546. *Annotationes & collationes in carmina Sibyllina* Basil. 1545. Paris. 1599. 8. *Lactantium* cum commentario Bas. 1563. fol. *Commentarios in aliquot Ciceronis orationes*, Bas. 1533. in *Paradoxa* &c. ib. 1550. 8. 1584. in *Cicer. de Officiis* &c. ib. 1544. Paris. 1558. 4.

III. MARTINUS BORRHAUS, Rhetorices Professor a. 1536. constitutus, a. 1538. simul Oratoriam publice docendam suscepit, utroque officio perfunctus ad a. 1544. cum theologica cathedra ei fuit concredita. V. Prof. V. T. n. 4.

IV. JOHANNES HOSPINIANUS Oratoriam professionem adiit a. 1544. eamque ut & Rhetoricam administravit, donec a. 1546. ad Organicam transiit. V. Prof. Rhet. atque Orat. n. 3.

V. COELIUS SECUNDUS CURIO itidem tam Rhetoricæ quam Oratoriæ fuit Professor, idque ab a. 1546. ad a. 1569. quo diem supremum obiit. V. Prof. Rhet. & Orat. n. 4.

VI. SAMUEL GRYNÆUS vel una cum, vel pro Curione Oratoriam publice docuit a. 1565. Jureconsultis a. 1570. adscriptus Philosophis valedixit. V. Prof. Pand. n. 4.

VII. JOH. NICOLAUS STUPANUS a. 1570. Oratoriæ professor designatus hanc cathedram a. 1571. cum Logica permutavit. V. Prof. Med. Theor. n. 7.

VIII. JOHANNES FUEGLINUS, Logices Professor, a. 1571. cum Stupano professionem commutavit, & Oratoriam professus est usque ad mortem, quam passus est a. 1579. V. Prof. pædag. Cl. 2. n. 3.

IX. NICOLAUS TAURELLUS patriam habuit Montbelgardum, oppidum Wurtembergæ Ducibus subiectum. In hoc ille natus d. 26. Nov. 1547. patre, honesto quidem sed mediocri fortuna viro, qui complures annos poligrammatei munere ibidem functus fuit. Is cum nimios vitare sumtus & tamen filium in cœpto studiorum cursu progredi vellet, oblatam ab optimo principe, D. *Georgio*, comite Montbelgardenfi, conditionem grato animo accepit, ut nempe filius inter decem studiosos ex pio & æquo fœnore aliquot millium florenorum, quæ princeps testamento legaverat, sustentaretur. Tubingæ igitur annos sex eo beneficio, sæpe etiam D. *Christophori*, ducis Wurtembergensis, benignitate

gnitate adjecto auctario, fatis educatus est liberaliter. Præceptorem coluit inprimis *Jac. Schegkium*, eo tempore summum Philosophum & Medicum clarissimum, cujus doctrinæ perpetuo addictus fuit, ad ipsamque ab initio studii sui philosophici se adsuefecit, eo quidem lubentius, quod non Tubingæ modo, verum etiam in aliis omnibus Germaniæ scholis observaretur atque vigeret. Inde liberalium artium & philosophiæ lauream a. 1565. adsecutus, aliquanto post, certis de causis, a studio, cui primum erat deditus, Theologico desciscere constituit, atque cognatorum suorum ope impetravit, ut cui vellet alii Facultati se addiceret. Medicinam ergo sibi delegit, eamque exculturus a. 1566. Basileam venit, ubi adeo diligenter huic arti incubuit, ut d. 11. Cal. Dec. 1570. testimoniis doctoris medici fuerit insignitus. Ipse etiam, consentiente ordine gratioso, a. 1577. *Ægidium Steinfelder* medicinæ doctorem creavit. Academiæ Basiliensis senatores eruditum hunc virum propius sibi juncturi a. 1579. Eloquentiæ professorem constituerunt, itemque prid. Cal. Jun. 1580. ad cathedram Ethicæ promoverunt. Hanc autem antequam auspicaretur, liberali stipendio Altorfium est evocatus, ut ipse primus tam philosophiam naturalem quam medicinam publice profiteretur. Hæc cum genio ejus magis adriderent, d. 8. Oct. 1580. illuc se contulit, munusque susceptum decenti gravitate & industria, tam docendo quam scribendo, tum & medicinam faciendo per quinque lustra sustinuit. Ad eruditionem Taurelli quod attinet, omnia ejus scripta, quorum postea catalogum dabimus, testantur, eam fuisse solidam & elegantem. Ingenio præditus erat magno & acerrimo, parva vero corporis statura, quod ansam dedit ludendi poetæ cuidam: *Cor-pore taurellus, taurus ab ingenio*. Ambigua sane & parum urbana jocatione! Ceterum genere scribendi usus est gravi ac sententioso, attamen perspicuo, rebusque propositis accommodato. Neque humaniores musas ignoravit aut neglexit, sed quam familiares sibi eas reddiderit, *Emblematum physico ethicorum*, vario poemate illustratorum eleganti opere cumprimis declaravit. In philosophia ducem præcipue secutus est Aristotelem, in medicina Galenum, ita tamen, ut in neutrius verba jurarit, quin interdum ab iis recedendo paulo liberius philosophatus fuerit, & quod ad Aristotelem spectat,

ipse de eo professus est, se eum magni, imo maximi facere; sed, si quicquam sit majus maximo, veritatem Aristoteli præferendam esse se judicare; ut tantum tribuatur Aristoteli, quantum ipsa fert veritas, non autem vice versa tantum veritati tribuatur, quantum censuerit Aristoteles. Sed ea ipsa philosophandi libertate multorum offendit animos, ita ut nonnemo de eo adfirmaverit, eum nihil credere, & Turca deteriorem esse; quin Heidelbergenses theologi in literis ad Deputatos Synodi Holland. super libro & causa *Conr. Vorstii* perscriptis, Taurellum pronunciarunt *atheum Medicum*. Sed Taurello non defuerunt defensores, in quibus præcipuus fuit *Gisb. Voëtius*. Ipsemet vero optime sui causam egit in scriptis editis, quæ si absque præjudicio legantur, rem omnem conficiunt. Vel an ille in atheorum classem esset referendus, qui, ut Taurellus fecit, tanta cum reverentia de rebus divinis prolocutus, tamque pio zelo *vanitatem philosophiæ paganae* & contrarias religioni christianæ sacrarumque literarum oraculis opiniones impugnavit, singularemque in eo quæsitit gloriam, ut *christianæ philosophiæ studiosum* se nuncuparit? qui in præfatione *methodi medicæ prædictionis* aperte hæcce scripsit: *Me sibi totum Christus vendicat; nec Aristoteli quicquam attribuetur, nisi quod Christus ipse concesserit, nec si quid obtulerit Aristoteles, id protinus excipiam, nisi quod fuerit Christo acceptissimum. Hoc christiana mentis exemplar est, quod scholis omnibus & academiis propositum esse debebat.* Amicos habuit Taurellus inter eruditos clarosque viros ævi sui non paucos, quamvis alicubi confiteatur, quod cum ad literas scribendum non adeo facilis promptusque sit, causam hanc existimet, ut amicos tot non habeat, quot habeant multi. Ex illorum autem numero fuerunt *Theodorus pater & Jacobus filius Zuingeri, Sigism. Schnizerus, Dion. Gothofredus, Andr. Duditijs, Rod. Goclenius*. De domesticis Taurelli rebus ut nonnihil commemoremus, in matrimonio primo duxit *Catharinam, Israël Aeschenbergeri*, apud *Basilienfes Poligrammatei & Anna Keller*, filiam; hæc ejus focrus secundis nuptiis conjuncta fuit *J. Jac. Weckero*, Medico Colmariensi, famamque consecuta libello de re coquinaria, ægris præsertim & imbecillibus administranda, edito, atque ita comprobato, ut aliquoties idem sit recusatus. Ipsa vero post obitum utriusque mariti

riti sui habitavit apud filiam usque ad finem vitæ, qui accidit a. 1596. Ex hac uxore suscepit Taurellus liberos tredecim, ex quibus duo Basileæ, sex vero Altorffii infantes defuncti; filios sibi habuit superstites *Job. Jacobum & Nicol. Fridericum*; ex tribus filiabus *Maria Salome* a. 1622. *Stephano Deckero*, mercatori Norimbergensi, nupsit. Defuncta a. 1598. hac uxore, a. 1599. alteram sibi elegit vitæ sociam, *Vrsulam Halleriam* ab *Hallerstein*, *Martini Halleri*, senatoris Norimb. filiam, quod vero conjugium diuturnum non fuit. Vna nempe ex ancillis Taurelli peste correpta, ipse quidem metu perculsus aufugit, sed mox reversus, eodem letifero malo infectus d. 28. Sept. 1606. ex vivis secessit, eodemque statim die, ut fieri solet in ejusmodi rerum humanarum ac temporum calamitate, sepultus fuit.

Scripta ejus edita sunt: *Philosophiæ triumphus*, h. e. metaphysica philosophandi methodus, qua divinitus inditis menti notitiis, humana rationes eo deducuntur, ut firmissimis inde constructis demonstrationibus, aperte rei veritas elucescat, & quæ diu philosophorum sepulta fuit auctoritate, philosophia victrix erumpat, Bas. 1573. Arnh. 1617. 8. *Medica prædictionis methodus*, h. e. recta brevisque ratio coram agris præterita, præsentia futuraque prædicendi, morbos scilicet, morborumque causas, mortem, sanitatem, recidivam, adæque symptomata. Franc. 1581. 8. *Theses medicae de partibus humani corporis*, 1583. 4. *Annotationes in quosdam libros Arnoldi de Villa nova*, Bas. 1585. fol. *De mutatione rerum naturalium theses physicae*, 1585. 4. *de cordis natura* & viribus *theses medicae*, 1585. 4. *de vita & morte libellus*, in quo primum ex Aristotelis sententiâ vitæ mortisque causa disquiruntur: postea vero questionibus & propositionibus aliquot accuratius & magis exquisitè, quid vitæ morsque sint, exponitur. Norimb. 1586. 8. *de ventriculi natura* & viribus, *theses medicae*, ib. 1587. 4. *de putrefactione theses physicae*, ib. 1591. 4. *idea doctrinæ peripatetica de anima* & variis ejus facultatibus atque operationibus, 1591. 4. *de naturalibus facultatibus corporis humani theses*, 1594. 4. *Emblemata physico ethica*, h. e. naturæ morum moderatricis picta præcepta, vario conscripta carmine. Norimb. 1595. 8. ib. 1602. huic secundæ editioni accesserunt carmina funebria, quæ magnorum aliquot clarorumque virorum memoria dicavit. *Synopsis metaphysica Aristotelis*, Hanov. 1596. 8. recusa cura Feuerlini in Taurello defenso &c. Norimb. 1754. 4. *Theses de ornatu animæ*, 1596. 4. *Alpes cæsæ*, h. e. Andr. Cæsalpini, Itali, monstrosa & superba dogmata, discussa

Et excussa: scriptum acre, philosophia studiosis ad enodanda Et enucleandas controversias Et disputationes physicas difficillimas admodum utile Et necessarium. Franc. 1597. 8. Theoremata de causis rei naturalis, 1598. 4. Κοσμολογία, h. e. physicarum Et metaphysicarum discussionum de mundo libri 2. adversus Franc. Piccolomineum, aliosque peripateticos, Amberg. 1603. 8. Ουρανολογία; h. e. physicarum Et metaphysicarum discussionum de cælo libri 2. adversus Franc. Piccolomineum Et alios peripateticos, ib. eod. 8. de rerum æternitate, metaphysices universalis partes 4., in quibus placita Aristotelis, Valesii, Piccolominei, Casalpini, Societatis Conimbricensis, aliorumque discutiuntur, examinantur atque refutantur. Marp. 1604. 8. theses philos. de ortu rationalis animæ, Norimb. 1604. 8. disputatio physica Et metaphysica de loco, ib. 1606. Epistola quædam ad Sig Schnizerum, in bujus cista medica, ib. 1625. 4. de infiniti continui sectione, Franc. 1597. 8. Ανεκδοτα: Physiologia medica. Commentaria in Hippocr. de natura hominis. De terra motu.

X. JOHANNES BEATUS HELIUS natus Basileæ an. 1552. omnibus ingenii atque animi viribus, quas excellentes habuit, ad studia incubuit, atque literarum elementa avidissime arripuit. Ad lectiones publicas an. 1567. promotus philosophicas disciplinas sedulo tractavit & a magistris diligentia suæ testimonia publica accepit, a. 1571. prima Laurea & a. 1576. doctoris philosophici titulo honoratus; quo eodem anno professor Logices constitutus præter muneris publici officia Theologiæ studium omnibus viribus prosecutus est. Quadriennii autem spatio cum Logicam publice tradidisset, d. 31. Maji 1580. Eloquentiæ cathedram obtinuit. Postea cætus Martinianus d. 6. Apr. a. 1586. eum pastorem deposcit, votisque adnuens & istud munus optima fide gessit. Ut autem munus ecclesiasticum est adgressus, pro modestia, qua judicavit, se forte gemino ferendo oneri & muneris imparem fore, sua se sponte d. 9. Jun. 1586. professione abdicavit. Senatus vero academicus utilem, quam hactenus impendit, operam perpendens, vicariam ejusdem Oratoriæ professionis administrationem ei demandavit, loco pristino eum sedere jubens tam in regentia quam in actibus publicis. Sed a. 1590. non tam jussus quam multo honore compellatus atque expertus fuit, ut munus Gymnasiarchæ in se susciperet, precibusque ille

ille se eo adduci fuit passus, commodo publico se totum sacrificans. Hoc munus a. 1591. auspiciatus omni fide gessit ad vitæ usque extremum, maximo juventutis emolumento. Vir nempe erat formandis atque fingendis ingeniis aptissimus, lenitate atque severitate justo tempore uti sciens, omnibus justus ac æquus, moribus pius ac integerrimus, quo apud collegas & discipulos adfectionem æque atque auctoritatem, utramque præceptor admodum necessariam, sibi conciliavit. Cum calendis Jan. 1626. ipso mane vota novi anni collegis & discipulis fecisset, & paria pari adfectu recepisset, a prandio scholastico egeno beneficium expetenti obviam procedens, derepente mortuus concidit.

Scriptit *bibliothecam commentariorum in Ciceronis orationes*, Basil. 1594. fol. *Grammatica græcæ tyrocinia prima in usum adolescentum tertiæ classis Gymnasii Basiliensis*, Basil. 1610. 4.

XI. VINCENTIUS PRALLUS, Hamburgi a. 1537. genitus, studiorum causa Basileam venit a. 1561. eodemque anno prima laurea fuit ornatus. Ab hoc tempore operam suam locavit typographis, & diligentiam suam bonis auctoribus correcte excudendis impendit per annos 13., horas, quas correctoris negotiis vacuas habuit, philosophiæ ac theologiæ studio infumens. Ita bene præparatus & varia doctrina atque virtute exornatus, primum ecclesiæ Petrinæ diaconus fuit præpositus anno 1574. dein Thomæ Platero, gymnasiarchæ, rude donato, accepto prius a. 1577. L. A. M. titulo, a. 1578. vicarius constitutus, denique a. 1590. professio Oratoriæ ei fuit demandata, quam debita fide, quoad vixit, obiit. In matrimonio vixit cum *Barbara Schmied*, ex qua filium sibi cognominem, & duas filias suscepit. Terram reliquit spiritus cœlestia cupiens d. 28. Apr. a. 1594.

Edidit a. 1588. *N. T. cum translatione Erasmi, chronologia N. T., argumentis capitum, locis parallelis &c. item orationem de questione, utiliorne sit civitati, qui multos efficit idoneos gubernanda reipublicæ, quam qui ipse eandem recte gubernat? theses de storgis physicis*, d. 26. Jan. 1577.

XII. FRIDERICUS CASTELLIO, Rhetorices Professor Oratoriam cathedram adsecutus est d. 10. Jan. 1595. in
 eaque

eaque fedit ad d. 18. Dec. 1610. quo Rhetoricam repetiit. V. Prof. Rhet. n. 9.

XIII. CHRISTOPHORUS BURCARD, qui d. 17. Febr. 1585. prognatus est parentibus, *Samuele Burcard*, senatore, & *Elisabetha Iselin*, a puero literarum flagrabat desiderio, easque intenso labore prosequabatur. Postquam in prima studiosorum classe linguam latinam græcamque, poëticam atque Logicam satis mente sua cepisset, & magistrorum judicio testimonium eruditionis primum, cui a lauri bacca nomen, a. 1601. accepit, in secundam philosophiæ cultorum classem transiit, in qua professores Ethicæ, Oratoriæ, Matheseos atque Physicæ diligenter audivit & proprio studio eos fecit profectus, ut a. 1604. Magisterii dignitatem cum laude obtinuerit. Sublimior jam excolenda erat scientia, quam vero eligeret, nullus hæsitavit, sed protinus avitum studium juris arripuit, illudque omni diligentia tractavit. Nec domesticis auxiliis, quæ tamen habuit præstantissima, contentus exterorum invocavit subsidia, iterque per Germaniam atque Italiam cum fructu instituit. Hac peregrinatione satis ampla ad finem feliciter perducta, præceptoribus suis studiorum rationem reddidit & ab iis 10. Cal. Jun. 1609. meritis diligentia honores atque titulos sumsit, summum in utroque Jure gradum Doctoris Joh. Gutio JC. ipsi solenniter conferente. Academiæ proceres citius ejus opera uti decreverunt, eique cathedram Oratoriæ d. 18. Dec. 1610. detulerunt. Nondum autem integro anno in ea expleto, d. 28. Nov. 1611. ex subita defluxione vita decessit.

Edidit Specimen inaugurale, sistens *illustrum & controversarum ex Jure civili, canonico & feudali questionum decades* III. Bas. 1609. 4.

XIV. JACOBUS BURCARD telam hujus vitæ exorsus est d. 12. Apr. 1583. parentesque habuit *Theodorum Burcard*, senatorem & triumvirum, & *Mariam Oberriedt, Jacobi*, consulis, filiam. Hi observata pueri egregia indole atque sagacitate, literis eum destinarunt, & Joh. Beato Helio, gymnasiarchæ, instituendum tradiderunt, familiæ ejus ad aliquot annos adscribentes. Ejus auspiciis a. 1600. ad lectiones publicas promotus, studia philologica

lologica & philosophica impensus amare atque prosequi coepit, eo cum successu, ut a. 1601. primæ laureæ & a. 1604. Magisterii insignia solenniter reciperet. Auctore avo materno Theologiæ operam dedit per biennium, sed revocabatur imperio parentis ad Jurisprudentiæ sacra, neque tamen piguit operam Theologiæ prius impendisse, quod hæc jurisprudentiæ alter sit ocellus, scientiam & conscientiam Jurisconsulti dirigens, & justitiam atque pietatem sancto connubio jungens. Non tantum autem professores publice docentes audivit, sed multo magis ex illorum familiaribus congressibus judicium suum formavit, & legum applicationem ad usum fori didicit. Peritiam suam amplificaturus, exteris etiam nationes visitavit, cujus prima occasio ei obtigit jam a. 1602. cum legatis Helveticorum ad regem Galliarum de foedere sacro redintegrando missis jungeretur. Postea iterum Galliam adiit, nec non Angliam, Belgium atque Italiam. Finitis autem pluribus peregrinationibus, & cum magna celebritate famæ esset jam absentibus notus, natalis soli placidissimum portum repetiit, ut, cui destinatus erat, rei præficeretur; quem in finem nullis laboribus atque vigiliis pepercit, donec tandem a. 1611. Doctor in utroque Jure magno suo merito diceretur atque renunciaretur. Eodem hoc anno matrimonium contraxit cum *Elisabetha Liechtenhan*, quæ ei tres filios & filiam unam peperit, ex quibus patri superstes fuit *Lucas Burcard*, J. V. D. & Codicis Justin. Professor. Filius *Jacobus* tredecennis a. 1625. a leone Afro, spectaculo exposito, unguibus dentibusque, acerbissimo fato, fuit dilaceratus. Placuit autem senatui academico, egregium hunc virum suis usibus adferere, eique d. 3. Jan. 1612. professionem Eloquentiæ rite decernere, quam sibi concreditam provinciam per annos 17. ornavit atque exornavit, donec tandem d. 23. Oct. a. 1629. ad philosophiæ practiciæ professionem, cui per annos 13. præfuit, magno suo merito fuit vocatus. Senectutis autem & exantlatorum laborum sarcina pressus, honorum quoque iteratorum satur, pietate ductus in filium *Lucam*, sponte sua a. 1642. a professione decessit rudemque accepit, quâ occasione huic filio cathedra Logica obtigit. Peracta feliciter ætate, maturaque senectute mortuus est & ad populares suos adgregatus d. 26. Jan. 1661.

Edidit

Edidit *orationem funebrem de vita & obitu Felicis Plateri* Med. Doct. & Prof. a. 1614. *theses de contractibus innominatis*, Basil. 1611. 4. *Enodationem legis* i. D. qui testam. facere poss. ib. 1612. 4. *diff. de testamentis* a. 1623.

XV. JOH. JACOBUS HOEMANN dictus fuit Eloquentiæ professor d. 23. Oct. 1629. vix autem hocce officium ingressus ad aliud, nempe professionis Institut. d. 23. Jul. 1630. fuit vocatus. V. Prof. Cod. n. 15.

XVI. MATTHIAS HARSCHER d. 9. Nov. 1596. natus ex *Matthia Harscher*, senatore, & *Esthera Verzascha*, mature bonis literis fuit initiatus. Absoluto triennali studio philosophico, ut vitæ ac morum sic etiam doctrinæ præclaræ atque elegantis testimonium, doctoræ videlicet philosophicæ titulos & ornamenta d. 21. Mart. 1615. in publica panegyri accepit. Jam partitis studiis philosophiam ulterius excelsit & medicinæ operam dedit, eo cum successu, ut in utraque arte excelluerit. Post consueta examina atque disputationem inauguralem d. 4. Jan. 1620. Medicinæ Doctor publice fuit creatus, habita prius oratione in quæstionem: *An venenum in corpore humano generari possit?* Dein peregrinationes literarias utiliter instituit, Galliam primum lustrando, exindeque Angliam quoque adeundo. Per Belgium & Germaniam domum reversus, alterum in Italiam iter suscepit, tum linguæ addiscendæ, tum scientiæ quoque medicæ exercendæ & adornandæ desiderio, quod utrumque adeo feliciter expeditum dedit, ut non modo promptam gallicæ & italicæ linguæ facultatem, sed & brevi tempore ex praxi medica dextre & rara felicitate exercita, magnum sibi nomen compararit, civibus & exteris, summis & imis gratam opem certatim implorantibus. Qua egregia viri virtute perspecta, non modo celeberrimus *Casparus Bauhin*, Med. Doct. & Prof. filiam *Mariam*, d. 7. Maj. 1625. ei in matrimonium collocavit, sed & amplissimus Magistratus Basil. non dubitavit eum d. 11. Nov. 1629. archiattrum suum constituere. Dum ita in facienda medicina occupatus fuit, academia etiam ejus operam sibi vindicare studuit, eumque d. 23. Jul. 1630. Eloquentiæ professorem vocavit. Hanc spartam administravit sedulo, donec adversa fata cursum inhibuerunt. Sexennio nempe post dictæ uxoris

ris mortem finito a. 1636. alterum matrimonium iniit cum nobili *Veronica de Andlo*; hæc cum sacris Romanis addicta, & copulatio clam in loco pontificio peracta fuisset, primo a conventibus, deductionibus & sessionibus publicis d. 1. Mart., dein præsentibus Deputatis d. 18. Apr. 1637. a professione & salârio remotus fuit, constituto vicario M. J. Jac. Wolleb, Diacono tum Petri. Restitutus autem d. 27. Oct. 1641. in antiquum statum, officium suum diligenter explevit. Postea etiam a. 1647. in collegium medicum cooptatus & denique d. 8. Febr. 1650. ad professionem Ethices promotus fuit. Diu multumque tribus morbis familiaribus, podagra, nephritide & lenteria vexatus, tandem ex apostemate virulento spatio 24. horarum, postquam ab ægroto, quem visitaverat, domum rediit, d. 16. Apr. 1651. vita excessit.

Edidit diff. *de causis morborum*. a. 1617.

XVII. CHRISTOPHORUS BECK, filius *Sebastiani Beck*, S. Theol. Doct. ac V. T. Prof. & *Annæ Mariæ Burcard*, natus est a. 1626. & a piis parentibus doctrina sollicitè institutus. Lycæo patrio insertus sapientiæ studium ita diligenter tractavit, ut a. 1643. primam Lauream philosophicam meruerit & d. 7. Febr. ex *Germani Obermeyer*, Mathes. Prof. atque Brabeutæ constituti manibus solenniter acceperit. Insuper etiam, continuato, quem in philosophicas artes atque scientias posuerat, labore, d. 25. Mart. 1645. tiaram doctoralem ab *Hieron. Zenoino*, Linguae Græcæ professore, obtinuit. His ornatus titulis, vel potius ab hisce disciplinis probe instructus, eodem hoc anno 1645. matriculæ theologicæ nomen dedit, & S. Literis sese mancipavit, haud tamen neglecto elegantiorum literarum studio. Tempus autem cum adesset, quo specimina pro obtinendo gradu ministri Evangelii esset editurus, d. 8. Febr. 1650. academix antistites, Eloquentiæ professionem ipsi decernentes, sibi eum adseruerunt atque constanter retinuerunt. Hoc officio cum per quadriennium studiosissime esset functus, aliud ei detulerunt patres conscripti, & d. 15. Sept. 1654. Organi professorem eum constituerunt. Sed nec hoc munus ultra quadriennium administrare ei fuerat datum, cum supremo mundi arbitro placuerit,

placuerit, animam ejus e vinculis corporis exemptam mense Augusti 1658. in libertatem atque salutem filiorum Dei coelestem transferre.

XVIII. JOH. FRIDERICUS BURCARD Academiae Basiliensi procreatus est d. 22. Jun. a. 1629. a parentibus nobilissimis, *J. Rud. Burcard*, primum Ethices Prof. deinceps Reipublicæ archigrammateo, senatore atque Tribuno plebis & *Esthera Battier*. Felici huic nascendi forti accessit piæ & sollicitæ educationis cura, qua filium obsequentem præceptoribus Gymnasii nostri aliisque magistris literis moribusque bonis ab ineunte ætate imbuendum commiserunt parentes, qui etiam ad effectum honorum consiliorum venerunt, filioque pio ac erudito multum fuere delectati. Ad subsellia philosophorum ex gymnasio transmissus adtentum se præbuit auditorem, & in penso suo absolvendo impigrum se præstitit. Utriusque laureæ philosophicæ, prioris quidem a. 1645. posterioris vero a. 1646. ornatus insignibus, animum operamque studio Juris addixit. Hoc cum aliquamdiu tractasset, Galliam petiit atque lustravit; dein prudenti consilio celebre illud Imperii dicasterium, quod Spiraë viget, deinceps comitia Ratisbonæ tum habita visitavit, ubi multa & sapientiæ & prudentiæ civilis documenta percepit, quæ ipsi per vitam universam in publicis privatisque negotiis filum Ariadnaeum præbuerunt. Sed & Italiæ potiore partem peragravit, illiusque quoque linguæ cognitionem ceteris adjecit. Redux in patriam factus, protinus publicis negotiis adhibitus & d. 15. Sept. 1654. Oratoriæ professor, nec non eodem anno d. 19. Dec. J. V. D. fuit creatus. Triennio post ei sociata fuit fœdere lecti *Esther Steiger*, quæ quaterna prole eum ditavit. Sed hæc bona academici non fuere durabilia. Ab aliquo nempe tempore ex catarrhis subinde eum infestantibus valetudinis detrimenta est passus, donec asthmate atque hydrope prorsus fuit oppressus d. 26. Apr. 1673.

Edidit diss. *ad Constitutionem Henrici VII. Imp. Rom. C. unic. qui sint Rebelles in Extrav. maxime accommodatam.* Basil. d. 25. Nov. 1654.

XIX. JOH.

XIX. JOH. RODOLPHUS WETTSTEIN Burcardo in cathedra Oratoria successit d. 19. Sept. 1673. in eaque perstitit ad d. 4. Jan. 1684. quo ad Græcam fuit translatus. V. Prof. V. T. n. 17.

XX. THEODORUS ZUINGER concordibus suffragiis professionem Eloquentiæ nactus d. 22. Febr. 1684. eandem diligenter administravit, dum d. 18. Febr. 1687. ad Physicam promoveretur. V. Prof. Medic. Pract. n. 12.

XXI. SAMUEL WERENFELS ex cathedra Græca elocatus in cathedram Oratoriam d. 18. Febr. 1687. eandem ornavit, donec d. 15. Sept. 1696. ad professionem Locorum comm. ac controversiarum Theol. fuit evectus. V. Prof. V. T. n. 18.

XXII. JOH. JACOBUS BATTIER, Professor Rhetorices, dictus fuit Eloquentiæ Professor d. 22. Sept. 1696. hancque cathedram occupavit, usque dum eam cum cathedra Institutionum Imper. & Juris publici commutare fuit jussus d. 20. Sept. a. 1705. V. Prof. Codicis n. 23.

XXIII. JOH. HENRICUS STAEHELIN electus est Eloquentiæ Professor d. 19. Oct. 1706. eamque docuit usque ad d. 13. Oct. 1711. cum professio Anatomix & Botanicæ ei fuit demandata. V. Prof. Anat. & Bot. n. 12.

XXIV. NICOLAUS HARSCHER, d. 1. Mai. 1683. Reinhardo Harschero, senatore, & Rosina Gottfried generatus, mature magna animi incitatione ad literarum studia ferebatur, quam parentes neutiquam inhibere, sed pro viribus promovere quæsierunt. Ludi literarii cursum demetitus, & ad philosophorum prælectiones a. 1695. admissus ingenuis artibus studioque sapientiæ totus vacavit; meritorum etiam præmia tulit consueta, nempe a. 1697. primam & a. 1698. secundam lauream philosophicam. His ornatus disciplinis atque titulis in tribum podalirii intravit, & partim Basileæ, partim Lausannæ medicæ arti diligenter operam dedit. Diademate doctorali a. 1704. solenniter cinctus Apollini non ita fuit addictus, ut a Musis esset aversus, quin istis diligenter litare perrexit, bonam gratiam ipsi iisdem referentibus.

rentibus. Anno nempe 1706. exeunte, vocato in patriam *Jac. Christoph. Iselio*, Theologo, professio Eloquentiæ & Historiarum, quam Iselius Marburgo decedens vacuam reliquerat, sic suadente Iselio, Harschero oblata fuit, quam is quasi de manu in manum traditam sub initium mensis Februarii a. 1707. auspicatus per quinquennium fere laudabiliter gessit. Cum autem a. 1711. Basileæ cathedra Eloquentiæ fuisset vacuefacta, ea extra ordinem absque promulgatione d. 13. Oct. 1711. omnium calculis Harschero fuit assignata. Adiit eam d. 15. Apr. 1712. prælectione solemnī *de ingenio & moribus hominum ex stylo æstimandis*, eamque omni fide atque diligentia ad finem usque vitæ administravit. Præter alia munia academica ei & curâ Bibliothecæ publicæ fuit demandata, quam solertissime gessit. Præter etiam medicam diu atque frequenter, pie atque feliciter exercuit. In conjugio vixit ab a. 1712. cum *Susanna Thierri*, quam sine prole sibi superstitem habuit, iteratis apoplecticis insultibus d. 27. Oct. a. 1742. de amplexibus ejus avulsus.

Edidit diff. *de tono ventriculi & intestinorum naturali & præternaturali*, Bas. 1704. *Specimen de usu & præstantia historiæ*, imprimis recentioris, ib. 1706. *Orat. in nuptias Job. Wilb. Frisonis &c.* Marb. fol. 1709. *Orat. in memoriam Phil. Job. Tillemann*, Theol. Dr. & Prof. ibid. 1709. *hystor. vitæ Thom. Gauterij*, Theol. Dr. & Prof. ibid. 1709. *Orat. parentalem in ob. Job. Laur. Crollii*, Theol. Dr. & Prof. ib. 1709. *de divinatione Ciceronis diatriben*, ib. 1710. *Orat. in nuptias Dorotheæ Sophiæ*, Marb. 1710. *Diff. de ingenio & moribus hominum ex stylo dijudicandis*, ib. 1710. *Laudat. fun. principis Mariæ Amaliæ &c.* ibid. 1711. fol. *Programma de vario perorantium ingenio & scopo*, ib. eod. fol. *Orat. in laudem Gallorum*, Bas. 1712. *Disp. de conditionibus, quibus nascuntur respublicæ*, Bas. 1718. *Positiones de reviviscentibus iis, qui mortui credebantur*, Bas. 1721. *Disp. de variolis sponte natura sanabilibus*, 1724.

XXV. JOHANNES BERNOULLI, J. V. D. Societatis regię Berolinensis sodalis, majorum æque ac sui ipsius nec non filiorum meritis prænobilis, genitus est Basileæ d. 18. Maj. 1710. patre *Johanne Bernoulli*, Med. Doct. & Matheos Prof. omnis ætatis & memoriæ clarissimo, matre vero *Dorothea Falckner*. Puer animo vivacissimus omniumque scientiarum capacissimus sine ulla mora
confe-

ra confestim literis destinatus fuit atque initiatus. Pro singulari, quam adhibuit industria, sub manu optimi parentis privatorumque magistrorum tantos in studiis fecit progressus, ut jam a. 1721. dignus haberetur, qui academix civibus adscriptus in arcana philosophix penetrabilia intromitteretur. Amor autem sapientiæ eum adeo tenuit, ut omnes in ea acquirenda nervos intenderet, nec desisteret, donec ad altiorem ejus gradum pervenerit. Scientiis itaque atque artibus philosophicis præclare instructum ordo sapientissimus dignis studiorum atque laborum præmiis adfecit, & quidem prima Laurea d. 25. Maj. a. 1723. fuit coronatus, habita prius oratione *de nobilissimo conspiciendorum ocularium invento*; Magisterii vero dignitate una cum *Leonhardo Eulero*, Mathematicos hodie professore Petropolitano per universum orbem celeberrimo, honoratus d. 8. Jun. 1724. in qua promotione publica oratione investigavit, *utrum Galli præstent Anglis inventorum physicorum & mathematicorum laude*. Jam altioribus insudare cœpit disciplinis & præsertim ad Jurisprudentiæ studium sese contulit, tanta diligentia, tantoque profectu in eo versatus, ut a. 1729. superatis cum laude examinibus & publica disputatione masculæ defensa Licentiam in utroque Jure & dein d. 27. Mart. 1732. ipsum Doctoratus gradum dignissimus obtineret. Cum studio Juris autem indissoluto nexu conjunxit disciplinas philosophicas, & in iis præsertim Mathematicis, studium illud paternum atque quasi hæreditarium, quod licet diffusum per omnes ejus partes diligentissime tractavit, patrem præeuntem presse secutus. Hæc, quam in mathematicis atque physicis scientiis comparaverat, insignis peritia ei amicitiam peperit atque familiaritatem magni *de Maupertuis*, subinde Bernoullium patrem honoris atque amoris causa Basileæ visitantis, quæ cum illo, Bernoullio filio, facta amicitia per plures annos constans atque perpetua mansit, non nisi morte interrupta, quam summus ille vir in ædibus Bernoullianis lento morbo consumtus passus fuit d. 27. Jul. 1759. cui cum defuncti uxore atque sorore amicorum intimus Bernoullius noster, in templo Dornacensi prope Basileam mausoleum erigi curavit, nec non a. 1762. in solemnî eruditorum panegyri parentavit. A. 1732. iter suscepit Petropolim, *Danielem* fratrem, Mathematicæ sublimioris professorem, ibi visitaturus. Hic

academiæ professoribus per fratrem mox innotuit & in eorum conventus facilem habuit aditum, munus vero academicum ipsi oblatum non accepit, sed sequenti anno cum fratre illinc profectus Parisios contendit, ubi a supra laudato domino *de Maupertuis* ambo fratres humanissime excepti, in Academiam scientiarum introducti, & in familiaritatem clarissimorum virorum proVecti fuerunt. In patriam reversus utrumque studium, juridicum atque mathematicum, diligenter continuavit, & pro nata occasione aliquoties specimina publica edidit pro cathedra vel juridica vel philosophica obtinenda, sed minus prospero successu; tandem dies alba illuxit, quæ ei professionem Eloquentiæ paravit, quod accidit d. 17. Maj. 1743. hancque d. 9. Jul. 1743. lectione inaugurali, qua *sortem* sibi faventem laudavit, auspiciatus est. Hoc munere diligenter functus est, donec mortuo parente & in ejus locum *Jac. Christophoro Ramspeck* surrogato, professionem Matheseos, quam dictus *Ramspeckius* ei generoso animo obzulerat, quamque mutationem Reipublicæ Magistratus d. 7. Oct. 1748. non modo ratam habuit, sed & Bernoullio additamentum salarii, quo pater usus erat, itidem concessit, consecutus, dieque 25. Oct. 1748. solenniter auspiciatus est. Interim a Marchione Bada Durlacensi expetitus a. 1736. cum ipso regiones Marchicas peragravit eique thermis Longosteimbacensibus uso socius fuit adscriptus. Anno 1738. pro desiderio antistitum scholæ Bernensis, vacante cathedra mathematica atque philosophica *Lau-fannensi*, publicum edidit specimen, tanto adplausu acceptum, ut ab illius Reipublicæ magistratu moneta aurea honorifice dono ipsi fuerit oblata. A. 1739. comitabatur Dominum *de Maupertuis* in *Cirey*, ubi aliquamdiu commoratus eruditæ *Marggravix de Châtelet* in notitiam venit. A. 1742. eruditorum visendorum causa *Genevam* adiit, & a. 1745. cum domino *de Maupertuis* obsidionem *Friburgi Brisgoienfis* visurus animi gratia brevius iter confecit. Ceterum aliquoties problemata *Academix Scientiarum Parisiensis* dissolvere fuit conatus; nec sine successu, ut qui a. 1736. cum quæstio esset *de propagatione lucis*, præmium propositum solus obtinuit. A. 1737. ipse ut & frater *Daniel* præmium accepit ob demonstratam aptissimam anchorarum figuram, methodumque eas fabricandi atque tentandi optimam. A. 1741. præmii

præmii duplicati quartam partem fuit adeptus ob propositionem de *Carbestano* optime solutam; denique a. 1746., cum quæstio esset de *natura atque proprietatibus magnetis*, triplicati præmii, L. 7500. tertiam partem fuit sortitus; cum fratre nempe *Daniele* composuerat in hanc materiam dissertationem sub titulo: *Nouveaux principes de mechanique & de physique tendans à expliquer la nature & les propriétés de l'Aiman*; ejusdem præmii tertiam partem obtinuerat Dominus Prof. *Leonb. Euler*, Basil. & D. du Tour Correspond. Acad. Paris. quæ tres dissertationes occurrunt in actis Acad. Paris. a. 1748. Connubia autem Bernoullius noster conjunxit felicissima d. 10. Febr. 1744. cum *Susanna Kœnig*, *Emanuelis Kœnig* Med. Doct. & Prof. filia, quæ quinque filios ex eo peperit, *Johannem*, J. V. D. Astronomum regium Berolinensem; *Emanuelem*, mercatorem; *Danielem*, Med. Doct. Physices Prof. vicarium; *Nicolaum*, arti chemicæ atque pharmaceuticæ operam dantem, & *Jacobum*, J. V. L. huic fratrum quinioni illustri eximius in monetis excudendis artifex, *Vlricus Samson*, Basiliensis, effigiem patris pulcherrime æri incisam dedicavit a. 1767. D. 4. Febr. 1747. Bernoullius noster regis Borussiae Societatis Scientiarum sodalis fuit adlectus. Præter alia munera academica præclare gesta a. 1772. cum amplissimo *Falcknero* Academiae nomine legationem subiit ad Reverendissimum Episcopum Basiliensem, Procancellariatus continuationem solenniter petiturus, qua & egregie fuerat functus.

Edidit dissertationem inauguralem de *Compensationibus*. 1729. *Theses juridicas ex vario Jure desumptas*. 1731. *Theses Rhetoricas*, eod. *Theses ex Jure natura*, eod. *Reponse a une lettre Anonyme sur la figure de la terre*. Journ. Helvet. 1740. Mens. Sept. p. 219. *Theses Oratorias*. 1743. *Theses juridicas miscellaneas*. 1746.

XXVI. JACOBUS CHRISTOPHORUS RAMSPECK, natus Basileæ d. 6. Sept. 1722. ex *Jac. Christophoro Ramspeck*, pastore Elisabethano & *Dorothea Linder*, ingenium felix ad capeffendum literarum cultum citius adpulit atque studiosius. In scholam patriam ductus elementa literarum ac pietatis celeriter hausit, & præsertim in græcis latinisque literis tantum profecit, ut dignus judicaretur ab ordine sapientissimo, qui a. 1734.

ad lectiones publicas promoveretur. In studio philosophico ordine processit atque diligenter. Literaturam græcam atque latinam ad ductum optimorum præceptorum gnauiter fuit profecutus, omnis generis auctores studiose evolvendo atque in usum suum convertendo. Logicam etiam atque Ethicam, Physicam atque Mathefin non obiter sed exquisito studio atque judicio excoluit. Honoribus itaque, ut erat dignissimus, a magistris fuit adfectus; & quidem prima Laurea cinctus erat d. 5. Jun. 1736. a *Job. Balth. Burcardo*, Rhet. Prof. postquam orationem habuit *de ratiocinationis præstantia*; anno autem 1738. summa in philosophia dignitas ei fuit decreta, quam ut legitime impetraret, absque præside, rarissimo exemplo, theses varias historicas d. 14. Febr. 1738. mascule defendit. Ipsa vero hæcce dignitas doctoralis philos. ei absenti, Ebroduni nempe addiscendæ linguæ gallicæ causâ tum commorabatur, a *Job. Bernoullio*, Mathes. Prof. d. 3. Jun. 1738. fuit collata. Domum reversus de certo vitæ genere serio cogitare cœpit, & ut secundum poetam *naturæ sequitur semina quisque suæ*, animum ad medicinam inclinantem fuit secutus. Professores itaque aliosque Medicinæ doctores avidissime audivit, iterumque methodum rectam atque deliberatam, optimam in discendo magistram, rite servavit. Cum autem latissimos artis apollinæ campos summa cum laude maximoque cum fructu decurrit, & examina æque ac publicam disputationem pro gradu doctoris medici obtinendo a. 1745. cum adplausu superavit, majoris ingenii cultus gratia exterarum academias adiit, & primo quidem per Giesam, Marpurgum, Gotham, Erfurtum, Jenam, Halam, Lipsiam, atque Wittenbergam, salutatis ubique eruditibus, Berolinum se contulit, & majores in Anatomia, Chirurgia, Botanica, nec non praxi Medica, magnum nosodochium, *Charité* dictum, frequenter adeundo, fecit progressus. Hinc *Cartheuserum* & *Carolum a Bergen* invisurus, Francofurtum ad Oderam excurrit. Berolinum autem reversus decem mensium commorationis spatium explevit. Hinc peragrato Magdeburgo & Helmstadio, ubi *Heisterum* salutaverat, Gottingam contendit, ibique studia medica diligenter continuavit, sectatus præcipue *Hallerum*, cujus & singularem favorem meruit, & cum quo in sylvam hercyniam, montem bructerum - - - excursus botanicus decem dierum perfecit.

fecit. Elapso integro anno mense Dec. 1747. relicta Gottinga Lutetiam abiit, Anatomiam atque Chirurgiam, itemque praxin medicam perfecturus; hic præcipue *D. Ferreinum*, nec non publica nosodochia frequentavit. Sequenti anno reditum in patriam, ubi eum diligentiae atque eruditionis præmia atque honores manebant, paravit, atque mense Junio instituit. Salvus suis redditus, & d. 8. Jul. 1748. doctoris medici insignibus exornatus, illico d. 6. Sept. 1748. specimen pro cessante professione mathematica exhibuit, quam & d. 10. ejusdem mensis & anni sorte obtinuit; eandem vero statim cum cathedra Eloquentiæ, quam *Joh. Bernoullius* ornaverät, consensum reipublicæ magistratu d. 7. Oct. 1748. largito, commutavit, eamque Eloquentiæ cathedram d. 12. Nov. 1748. solenniter auspicatus est. A. 1753. iter botanicum instituit in Helvetiam, & montana Glaronensia atque Rhætica diligenter perlustravit. Notitiam Botanicam atque Anatomicam magis adhuc ampliaturus, consentientibus Academiæ proceribus, mense Augusti 1755. iter in Belgium suscepit, & Lugduni Bat. subsistens *Albinum*, *Gaubium*, *Muschenbræck*, *van Royen*, *Allamand* - - docentes audivit, hortosque botanicos sæpe invisit. Julio 1756. in Angliam trajecit, Londini innotuit domino *Collinson*, *Parsons*, *Hunter*, *Phil. Miller*, cujus hortum botanicum in *Chelsea* situm sæpius lustravit, & inprimis Archiatro regio, domino *Paingle*; nec intermisit & hic nosocomia celebriora invisere. Sub finem Nov. 1756. petiit Oxonium, quæ ibi literatis memorabilia occurrunt, maxime autem hortum botanicum *Dillenii*, observaturus. Anglia relicta Parisios denuo petiit, Anatomicas demonstrationes *Ferreinii* & *Antonii Petit* sedulo frequentans; institutionem etiam in chymia experimentalis a *Dn. Rouelle*, itemque in arte obstetricia a modo dicto *D. Petit* & *D. Leuret* percipiens. Tempore verno atque æstivo a. 1757. Botaniæ præcipue operam dedit, favore singulari usus *D. Bernh. de Jeussieu*, quem quotidie fere in horto regio familiariter adlocutus & botanicos excursus facientem semper est secutus, qua occasione plures plantas rariores invenit herbarioque suo inferuit. Denique mense Aug. 1757. in patriam redux officii publici negotia strenue gessit, etiamque artem clinicam diligenter exercuit. Mense autem Junio 1766.

ipso petente, gravissimum Gymnasiarchæ munus in eum fuit translatum, cui etiamnum præest.

Edidit *fasciculum thesauri histor.* 1738. *Sebediasma rhetoricum* a. 1741. *Meletemata philologica*, 1744. diff. de *Cambyse*, secundo *Persarum rege*, 1744. *Bigas remedium praestantissimum*; *Infusi resinosi atque olei Cajeput*, 1745. *Specimen thesauri mathematicarum*, 1748. *Specimen observationum Anatomico physiologicarum atque botanicarum* I. 1751. II. 1752. Etiam in epistolis eruditorum virorum ad *Alb. Hallerum* missis plures occurrunt, quæ eum auctorem agnoscunt, omnes botanici argumenti, ut P. 1. V. 2. n. 367. 373. 380. 381. 386. 392. 402. T. 3. n. 449. 464. 505. 528. 578. 598. 629. 668. V. 4. P. 4. n. 3. & 9.

XXVII. JOH. JACOBUS D'ANNONE, J. V. D. Reip. Syndicus, Fac. Jurid. Bas. adfessor, Societatis Amicorum Naturæ Curiosorum Berolinensis, Academiae item Etruscæ Cortonenfis, nec non Societatis Phys. Bas. sodalis, Juris, Naturæ, atque Antiquitatum indagator strenuissimus, natus est d. 12. Jul. 1728. patre *Joh. Jacobo d'Annone*, matre *Magdalena Bernoulli*, *Nicolai*, senatoris, filia. Puer ingenii maturitatem celeriter adsecutus literisque citius initiatus, primum gymnasium publicum intravit, ejusque classes tam laudabiliter percurrit, ut novem præmiis acceptis ex eo ad academiam transmitteretur. Hic, ingenio optimo præditus, linguas eruditæ, literas humaniores, artesque ingenuas citius atque accuratius didicit, tamque felices in studiis fecit progressus, ut honestissima eruditionis & virtutis testimonia, primam scilicet Lauream d. 2. Jun. 1744. & philosophiæ doctoris dignitatem d. 8. Jun. 1745. auferret. Jactis itaque artium & linguarum fundamentis, & eruditionis nactus insignia, recta via Jurisprudentiam est adgressus, studiis philosophicis haudquaquam neglectis. Duce inprimis est secutus *Nicolaum Bernoullium*, J. V. D. ac Prof. nec non primæ magnitudinis Mathematicum, avunculum suum optimum, a quo mathematicam puram atque adplicatam, itemque juris omnis elementa percepit, quoque duce ad sublimiorem in hisce scientiis gradum adscendit. Huic autem latissimo licet campo se nondum inclusit, sed in proximas diffusasque scientiæ regiones exspatiatus, historiam universalem & speciatim helveticam excoluit; mathesi physicam junxit antiqui-

antiquitates omnis generis, præsertim Romanas, diligenter excussit, historiæque literariæ atque naturali plurimum est operatus. Collegit etiam bibliothecam copiosam atque pretiosam, omnium facultatum rariores atque præstantiores codices complectentem. Nec non multum operæ ac sumtuum impendit in nummis græcis, romanis, helvetiis, præsertim basilienfibus, nec non rebus naturalibus, marinis atque terrestribus, metallicis, petrefactis, aliisque colligendis; ut adeo cimeliarchium *Annonianum* inter celebriora sit referendum; illud etiam ab exteris cum delectatione perlustratur, ipse vero possessor tanquam museum vivum & in rebus dubiis certum oraculum a civibus & exteris consulitur. Interim a. 1749. matrimonio sibi junxit *Annam Margaretham Burcard, Joh. Jacobi*, senatoris integerrimi, filiam, qua adjunctrice adhuc utitur fidissima atque suavissima. Ceterum d. 24. Oct. 1752. summo suo merito J. V. D. creatus fuit atque proclamatus. Etiam Academia tantum virum sibi vindicare studuit, quod autem per sortem non licuit usque ad d. 12. Sept. 1766. quo Eloquentiæ professor fuit electus; ad superiora ab illo tempore adscendisset, nisi fors obstitisset iniqua. Interim publicis privatisque lectionibus commoda studiosorum promovere omni studio laborat. Reipublicæ etiam Magistratus a. 1774. eum Advocatum suum f. Syndicum Reipublicæ dixit, quo gravissimo munere omni fide, integritate atque prudentia, cunctis amatus atque honoratus, fungi pergit. Utinam serius illa subsequatur dies, quæ cœlo reddat Virum a cœlo acceptum!

Haftenus edidit d. 30. Aug. 1748. *Solutionem tergemini problematis arithmetici, geometrici & astronomici*; d. 12. Jul. 1754. *Adumbrationem vitæ gestorumque Imp. Traiani*; d. 12. Sept. 1760. *specimen philos. vacante Juris nat. & gent. cathedra*; d. 25. Maj. 1751. *diff. de Usuris & Interusurio*. d. 23. Sept. 1757. *sarraginem Observationum Jurid.* d. 25. Apr. 1760. *Specimen jurid.* In Actis Helv. Phys. Med. V. 2. *de Balanis fossilibus, præsertim agri Basil.* Ib. V. 3. *de cancris lapidefactis Musei sui*. ib. *observationes meteorologicas Basileæ institutas*; ib. V. 4. *de Petrificatis quibusdam minus cognitis*. *Epistolam ad J. Henr. Respingerum*, Med. Doct. *Observationes Meteorologicas factas Basileæ a. 1757. ib. V. 5. observationes meteorol. a. 1759. V. 6. observ. meteor. a. 1760. Superius memorata tractatio de Petrificatis quibusdam minus cognitis, una cum observationibus litholo-*

litbologicis, de Balanis fossilibus & de Cancris lapidesactis, modo adlatis, germanice versa legitur in Delectamentis mineralogicis (mineralogische Belustigungen) Lipf. 1770. 8. Tom. V. p. 53—62. 147—175. Porro edidit descriptionem trium speciminum Quarzi verlicoloris (Schielerquarz) ex terra Labrador, cujus incolæ nomine des Eskimaux designari solent, quæ adservantur in Bibliotheca Acad. Basil. publica, insertam Commentar. Societatis Amicorum Nat. Curios. Berol. (Beschæftigungen der Berlinischen Gesellschaft naturforschender Freunde) T. 3. 1777. 8. p. 173—181. Epistolas 2. ad Cel. de Murr, notitiam librorum aliquot variorum, & symbolam ad historiam artis Xylographicæ & Chalcographicæ, subministrantes, subjuncto Indiculo Tabularum nonnullarum ligno ac æri incisarum, ex vetustioribus ac varioribus, Bibliotheca publica Basiliensis, insert. Diar. Cel. de Murr (Journal zur Kunstgeschichte und zur allgem. Litteratur Norimb. 1776. 1777. 8.) P. IV. p. 51—55. P. V. p. 3—30. p. 195—201. Notis illustravit Cel. Du Cange dissertationem de Imperatorum Constantinopolitanorum seu de inferioris ævi, uti vocant, numismatibus, subjunctam nova Glossarii Ducangiani editioni, quæ prodiit Basil. 1762. T. 3. fol. Præterea ad splendidissimum opus Knorrianum, quod Corpora lapidesacta exhibet ære suisque coloribus expressa, Norimbergæ a. 1755—1773. 4. Voll. fol. editum, ibidemque etiam gallice, & Amstelæd. 1773. belgice conversum, suam contulit symbolam LX. circiter continentem Tabulas Delineationum, variorum Musei sui Corporum lapidesactorum, quorum descriptionem cum Cel. Walchio, commentariorum opus illustrantium auctore, communicavit.

PROFESSORES LOGICÆ.

I. SIMON SULCER, A. L. M. a. 1532. Logicam professus est publice; paulo vero post Bernam fuit profectus, humaniora ibi traditurus. V. Prof. V. T. n. 5.

II. HIERONYMUS ARTOLPHUS, Rhætus, secundum Vrstisium in MS. Logicam docuit a. 1540. V. Prof. Medic. n. 7.

III. VLRICUS HUGOBALDUS Logices Professor fuisse legitur a. 1541. eodem vero anno ad Ethicam translatus. V. Prof. Pædag. Cl. 2. n. 1.

IV. SEBA-

IV. SEBASTIANUS LEPUSCULUS (*Heslein*) natus est a. 1501. in Basilea minori. Studiis dicatus & a. 1520. Academiæ civibus adscriptus, licet multum in literis fuerit progressus, sero tamen gradus academicos admisit, præferens, eosdem plus satis mereri, quam præpropere accelerare; hinc ætate jam gravis 1. Oct. 1538. cum *Jac. Wildio*, *J. Frid. Munzingero*, *Marco Hoppero* & *Severino Erzbergero*, qui singuli literis inclaruerunt, gradu Baccalaureatus, & triennio post d. 4. Jan. 1541. cum *Vdalr. Hugwaldo*, *Anton. Wildio*, *Marco Hæpèrle* & *Sever. Erzbergero* Magisterii gradu fuit condecoratus. Literis elegantioribus æque ac studio theologico multum operæ impendit, hinc & ad munera academica atque ecclesiastica fuit adhibitus. A. 1536. pastor creatus fuit in nosodochio; dein 8. Id. Febr. 1538. præceptor collegii sapientiæ apud Dominicanos, & eodem anno Diaconus ecclesiæ transrhenanæ fuit constitutus. A. 1542. professio Logica ei fuit demandata, quam in Organum Aristotelicum prælegendo administravit. A. 1545. ad pastorum apud Franciscanos atque in nosodochio rediit. Sequenti anno 1546. Augustam Vindelicorum abiit, inde tamen a. 1549. rediit & professionem Linguae Græcæ obtinuit, auditoribus Homerum exponens. Ab hac professione iterum transiit a. 1556. ad aliam, nempe Hebræam, & denique a. 1560. Archidiaconus S. Templi fuit electus, ab ipso ejusque ædibus parochialibus angiportus ille, ubi sitæ sunt, nomen *angiportus Lepusculi* (*des Heslins Winckel*) obtinuit. Ceterum vir erat pius, doctus, dexter, facundus, laboriosus, blandus, jucundus, Theologus, Philosophus, Philologus; eo d. 4. Sept. 1576. defuncto jacebant pii lepores atque gratiæ.

Edidit *Sim. Grynai*, quem præceptorem veneratus adeo diligenter frequentaverat, ut, quemadmodum ipse testatur, ne unicam quidem lectiunculam, quas in l. 8. Topic. Aristotelis habuit, neglexerit, *commentarios in l. 8. Topic. Aristot. præfatione illis præfixa, qua ecclesiæ & academiæ Basil. statum, qualis a. 1546. fuerat, descripsit.* Item *Josephum de bello Jud. hebr. & Lat. ex versione Munsteri; de suo autem addidit varia collectanea rabbinica de decalogo, de decem captivitatibus Jud. &c. Basil. 1559. 8.*

V. CON-

V. CONRADUS LYCOSTHENES docuit Logicam Cæsarij a. 1544. Professione autem sese abdicavit, Diaconus Leonhardinus a. 1545. electus. V. Prof. Pædag. Cl. 1. n. 1.

VI. MARCUS HOPPERUS, A. L. M. & J. V. D. nec non Linguae Græcæ professor, Logicam legere cœpit a. 1545. & in utraque hac professione perrexit, donec a. 1549. Physicæ Professor denominaretur. Vid. Prof. Institut. n. 3.

VII. JOHANNES ACRONIUS, alijs *Atrocianus*, natale solum habuit Frisiam, hinc Frisius & Phrysius solet vocari. Basileam juvenis studiorum gratia adiit & Academiæ nomen dedit a. 1542. Literas elegantiores, inprimis disciplinas mathematicas, excoluit diligentissime, hinc & mature laboris atque meritorum præmia accepit. Cum enim d. 21. Oct. 1545. primæ Laureæ, & d. 6. Jul. 1547. Magisterii philosophici ornamentis fuisset cohonestatus, eodem anno 1547. professio mathematica ipsi fuit commissæ, quam, dum vixit, retinuit, & omni fide gessit, maximo auditorum emolumento, in quibus & fuit *Christian. Vrsifius*, qui ipso fidissimo præceptore se usum fuisse gratus agnovit & in minori suo Chronico publice est confessus. Huic muneri procures academiæ addiderunt aliud, professionem Logices a. 1549. ei demandantes, quam cum mathesi administravit ad a. 1553. quo Logica ei fuit remissa. Præter hæc studia philosophica etiam studium Medicum diligenter tractavit, Theoriæ atque Praxi ejusdem omnem operam impendens, utque cum aliqua dignitate medicinam exerceret, ab ordine gratioso publicum testimonium petiit, quod & facile obtinuit, d. 2. Maj. 1564. a Felice Platero publice Medicinæ Doctor creatus. Obtigit autem mors viro huic doctissimo & de multorum studiis optime merito ex peste d. 18. Oct. 1564.

Scripsit *Chronicon*; *elegiam de bello rustico*; *epigrammata*, Friburg. Brisg. 1528. *scholia in Æmil. Macrum*, ibid. 1530. *de miraculorum effectibus*, Bas. 1561. 8. *Querelam carmine elegiaco de Bello rusticano in Germania &c.* Hanov. 1611. *Homiliam ad bonas literas exhortatoriam*, Bas. 1569. l. de *spæra & terræ motu*; *prognostica astronomica*; *commentationem de Astrolabii & annuli astronomici confectione*; nec non *historiam*.

Floriam Davidis Georgii, vel, ut se Basilea vocaverat, Johannis de Bruck, cum argumento ejus doctrina, 45. Apborismis expresso. Non tantum enim lingua Batava, qua Georgius iste libros suos exaraverat, erat peritissimus, sed & ipse Georgii ob pietatem, quam præ se ferebat, amicus satis familiaris. Hinc factum, ut magistratus Basiliensis, detecta Davidis Georgii jam a triennio defuncti fraude & erronea doctrina, præcipue Acronii nostri opera, traditis ei scriptis, qua in arce Binningensi arca ferrea inclusa atque alibi in adibus Georgianis reperta fuerant, tanquam testis certi atque oculati uteretur. Res ita fuerat peracta, ut a. 1559. Georgii cadaver jam a triennio fere in templo S. Leonhardi sepultum e terra effossum & in loco supplicii consueto ante portam lapideam una cum ejus libris per carnificem fuerit combustum.

VIII. PHILIPPUS BECHIUS, Medicus, Logicam professionem adiit a. 1553. eaque functus est ad a. 1560. quo vita decessit. V. Prof. Pædag. Cl. 1. n. 4.

IX. VLRICUS COCCIUS, Ecclesiastes Martinianus, vocatur ad Logicam publice docendam a. 1560. & licet a. 1562. pastor Petrinus constitueretur, tamen professionem hanc retinuit, donec d. 20. Nov. 1564. professionem N. T. obtineret. V. Prof. N. T. n. 5.

X. JOHANNES FUEGLINUS, Professor Rhetorices, eligitur Logicæ Professor a. 1564. & in hac cathedra subedit ad a. 1571. ad Eloquentiæ cathedram promotus. V. Prof. Pædag. Cl. 2. n. 3.

XI. JOH. NICOLAUS STUPANUS, Med. Doct. & Eloquentiæ Professor, Logicam professionem nactus d. 1. Febr. a. 1571. ea functus est, donec a. 1575. ad professionem Organi transfiret. V. Prof. Med. Theor. n. 7.

XII. JOH. BEATUS HELIUS, A. L. M. Professor Logices constituitur a. 1576. quam spartam d. 31. Maj. 1580. cum professione Eloquentiæ permutavit. V. Prof. Eloquentiæ n. 10.

XIII. PHILIPPUS SCHERB, Med. Doct. Logicæ professor designatus a. 1580. hanc provinciam administravit per quadriennium; vices autem permutavit d. 5. Febr.

Febr. 1584. ad Ethicam transeundo. V. Prof. Med. Theor. n. 6.

XIV. HENRICUS JUSTUS, Rhetorices in pædagogio professor, in Academiam ad docendam Logicam arcessitus fuit d. 5. Febr. a. 1584. professionem auspicatus est d. 25. Mart. 1584. & perrexit ad a. 1587. Ethicæ tunc professor constitutus. V. Prof. pædag. Cl. 2. n. 7.

XV. THOMAS COCCIUS, Med. Doct. & Prof. Poëtices in pædagogio, Justo in cathedra Logica successit d. 6. Apr. 1587. sed mense Septembri 1589. Ethicam docere fuit iussus. V. Prof. pædag. Cl. 2. n. 6.

XVI. MARTINUS CHMIELECIUS a Chmielnick lumen solis vidit primum Lublini, nobili Poloniæ civitate d. 5. Nov. a. 1559. patre usus *Johanne Chmielecio* a Chmielnick, matre *Catharina Sczuka*, Stanislai Sczukii de Sczuka filia, adeoque parente utroque ex ordine equestri. Literis devotus atque in patrio ludo pro ætate imbutus Basileam venit a. 1577. illuc ob præclaram indolem atque industriam eum vocante generosissimo *Johanne Ofmowski* L. Barone in Prawieniki. Lares hujus viri, quibus adscriptus erat, ea fide & religione coluit, ut non modo ipsius adfectum sed & præmia amplissima meruerit. Musis etiam litavit animo pio, a. 1578. ad lectiones publicas cum laude promotus. Præter philosophiam diligentem operam dedit Medicinæ, eo in hac arte progressus, ut d. 30. Maj. a. 1587. phœbeam lauream ex manibus *Felici Plateri* publice acciperet. Hac viri diligentia atque eruditione delectati proceres academix, eum a. 1589. Logicæ professorem constituerunt, quam provinciam per annos 21. integros omni, qua debebat, fide administravit. Hinc autem d. 18. Dec. 1610. ad professionem Physices vocatus eidem dexterrime per annos 22. præfuit. Membrum fuit collegii philosophici atque medici, hinc & utriusque ordinis decanatum aliquoties gessit. Artē clinicam diligenter, promte & cum singulari humanitate ac comitate exercuit, ut vere *gratiosus Medicus* audiret, non tantum a civibus nostris sed & ab exteris, imo a principibus, desideratus, ut qui duorum Episcoporum Basiliensium Archiatrum egit. Bina etiam vice Academix nomine legationem subiit ad Episco-.

Episcopum Basil., academix nostræ Cancellarium, una a. 1608. cum *Ludov. Iselio* JC. ad *Wilhelmum Rinck* de Baldenstein; altera a. 1629. ad *Henricum ab Ofstein* tum *J. Jac. Feschio* JC. Successive tres habuit uxores: primam, *Christinam Zünger*, Theodori Medici filiam, & *J. Wern. Huberi*, Medici, viduam duxit a. 1588. quina prole ex ea suscepta Hac d. 1. Oct. 1610. defuncta, ad secunda vota transiit cum *Christina Werenfels*, quæ filium ei peperit unicum; hac quoque a. 1619. ex hydrope sublata, ad tertium matrimonium accessit cum *Vrsula Vrstisen*, Christiani Vrstisii, Theologi, historici, mathematici & archigrammatei filia, cum qua reliquum vitæ exegit; cursum absolvit fulmine apoplectico tactus d. 3. Jul. 1632. Reliquit ex primo conjugio filium studiorum laudisque paternæ ex asse hæredem, *Joh. Lucam*, qui a. 1621. Basileæ Medicinæ Doctor creatus & a. 1628. Mullhusum vocatus Poliatrici, senatoris, quæstoris atque consulis munera dexterrime gessit, a. 1662. ibi fato defunctus; relicto itidem filio *Martino*, Medic. Doct. qui etiam Mullhusii Consul obiit a. 1694.

Ejus exstat diss. *de humoribus*, Basil. 1619. it. diss. *de elementis*, ib. 1623.

XVII. JOH. FRIDERICUS WERTENBERG in hanc lucem editus est a. 1572. patre *Marco Wertenberg*, senatore, matre *Vrsula Rewia*. Literis destinatus non adeo mature, neque enim juventus illis temporibus ut nostris ante ætatem sapere cogeatur, sed iusta ætatis & judicii maturitate ad studia literaria accessit, Academiae demum a. 1593. insertus, Baccalaureus d. 6. Nov. 1594. A. L. M. d. 17. Febr. a. 1596. formatus. Felicissime interim in utroque & philosophico & medico studio, quod post acceptum magisterii artium gradum est amplexatus, perrexit, Doctoris Medici titulo, insignibus & privilegiis multo suo merito d. 23. Jul. 1601. decoratus. Medicinæ practicæ sedulam dein navavit operam pius, candidus atque sincerus, civibus atque exteris charus atque gratus. Connubium iniit a. 1604. sed prole destitutum. Professio Logicæ ei data fuit d. 18. Dec. 1610. quam, quamdiu vixit, magno studiosorum fructu administravit. Juventuti studiosæ & post fata profuturus Academiae certam pecuniæ summam legavit, ex cujus redditibus annuis indultria & conatus studiosi egeni foverentur. Ex quo acidularum potu non usque adeo feliciter

liciter est usus, subinde graviter fuit adfectus, donec per mensem integrum morbo lectoque detentus supremum diem obiit d. 10. Jan. 1630.

Edidit diff. *de suffusione oculorum*, Bas. 1601.

XVIII. FELIX PLATER natalem habuit d. 1. Aug. 1605. parentes vero *Thomam Platerum*, Med. Doct. & Prof. itemque *Chrischonam Jeckelmann*. Ab his itemque a patre *Felice Platero*, Med. Doct. ac Prof. prole carente, literis moribusque optimis initiatus fuit atque innutritus, idque pro optima ejus indole felicissimo cum successu. A. 1621. ad audiendas publicas philosophorum lectiones admissus liberalibus disciplinis assiduam operam dedit, tantosque in iis fecit profectus, ut d. 26. Nov. 1622. primæ Laureæ, & d. 11. Maj. 1624. docturæ philosophicæ dignitatem reportaret; habita in prima promotione oratione in sensum oraculi Apollinis: *γυαλι σταυρον*; in secunda vero verba fecit *de viribus magnetis*. His ita præstructis, studium avitum, medicum, excolere coepit, patrum præcipue; patre præmature defuncto, ducem secutus. Sed & exteras regiones adire constituit & a. 1626. iter in Galliam, Angliam atque Belgium studiorum causa suscepit; quo feliciter finito, præviaque exquisitissima vitæ, morum & doctrinæ censura d. 28. Jul. 1629, summum doctoratus Medici axioma accepit. Eodem etiam anno matrimonium iniit cum *Helena Episcopia*, Nicolai Episcopii Reip. Bas. a consiliis secretioribus, filia, ex qua 14. liberos suscepit, ex quibus 8. præmisit, sex autem sibi superstites habuit, in his *Felix* etiam Medicinæ operam dedit, & pro gradu doctoratus obtinendo specimen disputatorium edidit, postea vero rei militaris labores suscepit, & a. 1672. centurionem & a. 1689. tribunum militum egit, sequente autem anno 1690. militiæ valedixit; alter filiorum *Franciscus*, Medicinæ Doctor, 40. annorum spatio Medicinam feliciter exercuit, & d. 17. Nov. 1711. diem obiit hujus familiæ ultimus. Platerus noster mox a conjugio contracto professoribus adnumeratus & d. 7. Nov. 1630. professor Logicæ & d. 15. Mart. 1633. professor Physicæ fuit denominatus. A. 1651. Poliatri officium a civitatis magistratu ei fuit commissum, quibus aliisque muneribus qua fide debuit, quibus viribus potuit, impiger præfuit

præfuit. Poliatri munus biennio ante obitum ob vires corporis imminutas depositum in *Bernh. Verzascham*, Med. Doct. fenatorem atque scholarcham transtulit. Sed munere academico professoris citius sese abdicavit, & jam mense Septembri a. 1656. dimissionem petiit. Senatus acad. una alterave vice ea de re habita deliberatione, æquum & utile duxit, eum privatim per amicos de dignitate acad. retinenda monere & hortari. Verum stetit sententia semel concepta, cui tandem ordo acad. adensus honorificam a professione dimissionem indulgit. Dimissus non tam ipse Reipublicæ operam dedit, quam ad ejus partes studiose fuit protractus; primum fori judicarii, dein matrimonialis adfessor & tandem a. 1664. senator electus. Praxin autem medicam, quamdiu per vires licuit, diligenter exercuit, & de ea hoc memorabile invenimus, eum nec pharmacopolis nec chirurgis magnum lucrum conciliasse, dum phlebotomiæ usum rarius consuluerit, & sumtibus ægrotorum parcens medicamenta pauca tantum, eaque simplicia atque obvia, plerumque adhibuerit. Ipse denique post diutinos scrophulariæ dolores toleratos ex phthisi obiit d. 3. Jun. 1671.

Edidit: *decades 4. thesium philos.* a. 1632. *Theoremata ex philosophia*, eod. *theoremata de physica genere*, 1634. *theoremata de physica subjecto*, eod. *theoremata philos.* 1637. *disp. de visu*, 1639. *disp. de meteoris in genere & speciatim de ignitis*, 1640. *disp. de stellis in genere*, 1641. *disp. de materia*, 1643. *disp. de motu*, eod. *disp. de maris assu*, 1644. *disp. de locinatura*, eod. *disp. de influxu astrorum*, eod. *disp. de elementis*, eod. *disp. de magistratu*, 1645. *disp. de meteoris aqueis*, eod. *disp. de toto & partibus*, 1646. *questiones philos.* eod. *disp. de anima hominis*, eod. *disp. de iride*, eod. *theses miscell.* 1648. *disp. de causa & causato*, 1651. *disp. de mundo*, 1654. *disp. de virtute heroica*, 1655. *disp. de fortitudine*, eod. *questionum medicarum centuriam*, 1656.

XIX. JOH. JACOBUS HAGENBACH natus d. 18. Febr. 1595. parentes veneratus est *Beatum Hagenbach*, fenatorem, & *Catharinam Henck*. Hi observata in puero indole satis felici eum studiis manciparunt & gymnasii disciplinæ tradiderunt. Intra hos carceres stetit ad a. 1611. quo ex iis emissus & stadium academicum feliciter ingressus ad metam strenuus decurrit & alteram laurum d. 8. Jun. 1613. alteram, quæ magisterii est, d.

21. Mart. 1615. meruit atque accepit. Summa dein animi alacritate & fervente ardore studium medicum adgressus, in patria primum privata industria atque publica professorum institutione solidiora artis medicæ jecit fundamenta, dein vero fama *Guilielmi Fabricii Hildani* permotus a. 1619. ad eundem Bernam commigravit, & triennio integro ibi substitit. Eximia in praxi medica atque chirurgica comparata notitia, ægris civibus profuturus, in patriam reversus & d. 23. Jul. 1622. Medicinæ Doctor solenniter fuit proclamatus, habita oratione in quæstionem: *an lesa cerebri substantia homini proxinus sit moriendum?* Ab hoc tempore illud sibi operæ & officii datum credidit, ut talentum a Deo concessum proximi commodis solerter impenderet, imis æque ac summis inserviando, uti etiam utrisque, quinimo principibus quoque viris eruditionem suam, fidem, dexteritatem probavit. Academix quoque ornamento fuit & usui, etenim d. 15. Mart. 1633. ad professionem Logicam & d. 21. Oct. 1642. ad professionem Ethices vocatus utramque spartam diligentissime administravit. Geminum mit matrimonium, unum cum *Catharina Gatz*, Balthasaris, senatoris & triumviri, filia, trina prole, sed præmature abrepta, fœcundum; alterum sed sterile cum *Barbara Jacklin*, senatoris filia. Cum ergo videret, se ^{artem} aliquando obiturum, memor suæ in Deum pietatis & beneficiorum ab ordine acad. acceptorum, de gratia Deo hominibusque habenda cogitavit, & testamento d. 25. Jul. 1642. cavit, ut post obitum suum Academix Basil. ex hæreditate penderentur duo millia librarum Basiliensium in sortem elocanda, atque ex illis redditibus fisco medico 10. philosophico totidem libræ quotannis cederent; reliquum in duos studiosos, medicinæ alterum, alterum philosophiæ stipendii locò conferretur, Bibliotheca quoque sua satis eleganti & ampla, una cum herbariis vivis, Bibliothecæ publicæ Basil. consecrata, quæ singula post beatum ejus obitum ex voluntate testatoris pie præstita fuere & adhuc præstantur. Mense Febuario 1649. catarrhos sibi molestos sensit, ut ad tempus domi se continere necesse haberet, a quibus tamen sed ad breve tempus utcunque convaluit; tandem malo gravius recrudescenti & extrema minitanti, diuturnos &

& exquisitos cruciatus passus, eodem anno d. 1. Jun. concessit.

Edidit *theses philof. miscell.* Bas. 1625.

XX. LUCAS BURCARD, J. V. D. Logicæ professionem adeptus est d. 21. Oct. 1642. ea decessit, d. 30. Maj. 1645. Institutionum professor designatus. V. Prof. Codicis n. 18.

XXI. CHRISTOPHORUS FÆSCH natus d. 5. Aug. 1611. patre *Joh. Rodolpho*, consule, *Remigii* consulis filio & *Anna Gebweyler*, Joh. Alberti serenissimo Marchioni Bada Durlacensi in judicibus primariis filia. Primam literaturam in gymnasio patrio hausit, ex quo d. 16. Mart. 1625. dimissus in Academia studia philosophica tractavit & laudabiles in linguis pariter ac scientiis fecit progressus. Accepta d. 13. Dec. 1626. prima Laurea, nec non deinceps magisterii dignitate, invitantibus majorum exemplis & fratre præcipue *Remigio J. V. D.* ac Prof. ita suadente, jurisprudentiæ studuit, publicos professores publice privatimque diligenter audiens. Exterorum ritus atque mores coram contemplaturus a. 1630. iter instituit Parisios, dein in Angliam trajecit, hinc per Belgium atque Germaniam reversus præceptoribus perfectum suorum rationem reddidit partim in privatis examinibus, partim in publica diserta simul & erudita disputatione, & ab iisdem Licentiam V. J. obtinuit a. 1638. His vero non dum contentus etiam Italiam petiit, pretiosissimarum antiquitatum visendarum desiderio captus, cui peregrinationi annum fere tempus impendit. Denique cum ob singularem genii & ingenii felicitatem, vitæ integritatem & morum elegantiam, tum ob multivariam præclarissimarum rerum doctrinam & experientiam, solidam inprimis & exquisitam in jure pontificio & cæsareo scientiam, quam ex celebrioribus Germaniæ, Galliæ, Angliæ, Italiæ Belgique academiis tanquam rem pretiosissimam, multo labore & sudore partam, secum reportavit, supremis ac diu promeritis in utroque jure honoribus, doctorali nimirum dignitate, a patruo Joh. Jac. Fæschio, J. V. D. ac Prof. Reip. Syndico, d. 29. Oct. 1644. fuit condecoratus, publice cum recitasset orationem in quæstionem: *An & quatenus*

nus in bene constituta Rep. Gynacocratia sit admittenda? Sed hæcce secuta sunt ornamenta sublimiora. Primo enim d. 30. Maj. 1645. electus fuit Logicæ Professor, cui muneri diligenter vacavit, donec, expirante professione Organica, aut verius ad Logicam reducta, nova publicis auspiciis felicique omine ex cineribus adfurrexit in ejus locum historiarum professio, ea lege, ut in gratiam tyronum quidem historiæ universalis compendium, in provectorum vero, inprimis exterorum Politices studiosorum usus Tacitus partitis horis prælegeretur, quod munus ipsi tanquam in utroque studio excellenter versato omnium consensu facile fuit commissum d. 25. Mart. 1659. Regentiæ vero decretum de creanda nova hac professione factum erat d. 24. Jan. idemque a summo magistratu adprobatum d. 5. Febr. anni ejusdem 1659. Novo hoc munere functus fuit itidem singulari diligentia atque dexteritate. Jam a. 1643. sociam vitæ sibi junxit *Catharinam Gunzer*, Sebastiani, mercatoris, filiam, Joh. Jac. Freyi, Linguæ Græcæ Professoris, viduam, cum qua per annos 40. pie vixit, & ex qua tres filios, tresque filias suscepit; in illis præcipue inclauit *Sebastianus*, J. V. D. ejusdemque Professor. Noster cum duodecim fratribus tribusque sororibus supervixisset, tandem etiam laboribus atque diebus contritus mortem obiit d. 22. Oct. 1683.

Edidit a. 1638. disp. *de Venatione &c.*

XXII. SAMUEL BURCARD, *Joh. Vlrici*, mercatoris, filius, *Samuelis*, senatoris, nepos, natus est a. 1634. Parentes puerum, in quo egregiam indolem excellentisque ingenium animadverterunt, gymnasio patrio bonis literis atque moribus probe instituendum & formandum mature tradiderunt. Jactis ibi primis studiorum fundamentis, & exantlatis minus gratis ludi literarii laboribus, bona pace ad musas elegantiores fuit dimissus, & in numerum Academiæ civium cooptatus. Hic cum in linguis æque ac in scientiis egregios fecisset profectus, dignissimus fuit habitus, qui d. 29. Maj. a. 1649. prima Laureâ coronaretur; in quo actu promotorio *pro Rhetoricâ* græcè disseruit. Cum etiam in secunda classe philosophica non minorem præstitisset industriam & eruditionem æque ac mores magistris satis probasset, d. 14. Jan. 1651.

1651. postquam prius disertâ oratione monstrasset, bonas leges & sedulam ipsarum custodiam Rempubicam inprimis beare, axiomate doctorum philosophiæ fuit condecoratus. Dein Jurisprudentiæ studio operam navavit, & indefessa diligentia amplam Juris scientiam inquisivit, adeo ut ei jam a. 1656. summi in utroque jure honores decernerentur, quos vero demum d. 4. Dec. 1660. publice accipere voluit, qua occasione habuit orationem in quæstionem, *quibus virtutibus judicem præcipue præditum esse oporteat, & quodnam illius sit officium?* Antequam autem corona themidea fuit decoratus, professio Logicæ ei obtigit, nempe d. 29. Apr. 1659. Tunc etiam ante electionem in Regentia studium logicum, introducto pleniore & utiliore systemate, *Burgersdicii* videlicet, & definito quoque docendi modo, reformatum fuit. Hoc munus Burcardus diligenter curavit, donec fato sinistro phantasia ejus corrupta, ipseque ad docendum minus idoneus fuit redditus. Deceverunt itaque academix patres d. 18. Nov. 1683. ut, donec convaluerit, vicarius ei constitueretur, qui dimidium salarii partem pro labore acciperet, & Burcardo defuncto in officio succederet. His conditionibus sex successive electi fuere vicarii, quorum primus erat a. 1684. *Samuel Werenfels*, d. 21. Jul. 1685. ad professionem Lingux Græcæ translatus. Secundus a. 1685. *Bonifacius Fasch*, d. 5. Jan. 1686. Rhetor electus. Tertius a. 1686. *Johannes Wettstein*, J. V. D. a. 1687. Græcæ linguæ professor designatus. Quartus a. 1687. *J. Georg. Mangold*, Med. Doct. d. 5. Jul. 1689. ex vicario ordinarius Rhetoricæ factus. Quintus a. 1689. *Joh. Jan. Battier*, J. V. D. qui a. 1693. cathedram Rhetoricam obtinuit. Sextus denique a. 1693. *Joh. Rod. Beck*, Med. Doct., qui vivo adhuc Burcardo d. 22. Sept. 1695. ordinarius Logicæ fuit denominatus, Burcardus vero rude donatus. Huic ordinario jam integrum salarium solvebatur, Burcardo vero dimidium salariumolvere tenebatur, qui in classe philosophorum novissimus erat electus. Denique Burcardus ex febre lenta & catarrho apoplectico miseram vitam finiit d. 4. Nov. 1705.

Edidit disp. de *Adulteriis* a. 1657. & disp. Log. de *Oppositione* a. 1659.

XXIII. JOH. RODOLPHUS BECK in lucem editus est d. 9. Aug. 1657. ab *Emanuele Beck*, senatore, *Sebastiani*, Theo-

Theologi, filio, & *Dorothea Hummel*. Emenso ludi literarii studio, in palæstra philosophica strenue cucurrit & palmam semel iterumque accepit; d. 10. Nov. 1674. prima Laurea, & d. 2. Maj. 1676. corona doctorali philosophica redimitus. Summis dein opibus studium medicum adgressus egregiam in arte clinica comparavit scientiam, eamque porro aucturus peregrinationem per Galliam, Angliam, Belgium atque Germaniam sapienter instituit, eamque non sine fructu feliciter absolvit. Postquam ita domi forisque nullis laboribus ac sumtibus pepercisset, nihilque omisisset eorum, quæ ad rem facere putabantur, studiorum morumque censuræ se decenter subiecit, dignusque fuit habitus, qui summos in Medicina honores acciperet; hos publice ipsi contulit *Jac. Roth*, Med. Doct. ac Anat. & Bot. Prof. d. 22. Mart. a. 1681. oratione prius habita, qua persuadere contendit: *Medice vivere optime esse vivere*. Artem autem, quam ita diligenter didicerat, in solatium proximi adfecti exercere incœpit, magnumque ægris adtulit auxilium. Philosophica vero studia itidem diligenter continuavit, probe cognoscens, ea medico haud exiguam adferre utilitatem. Mox etiam occasio ei fuit data, & hac eruditionis suæ parte commodis publicis serviendi, cum a. 1693. professor vicarius Logicæ cum spe successionis constitueretur; quæ spes haud diu post fuit completa, ipseque d. 22. Sept. 1695. ordinarius Logicæ professor designatus. Huic officio, ut & visitatoris Gymnasii, ex assè satisfecit, ut qui singulari semper fuit industria, partesque suas omni fide strenuus explevit atque assiduus. In hoc autem cum decurreret studio, d. 21. Aug. 1711. a *Theod. Zuinger*o, Med. Doct. ac Theor. Prof. unico adhuc collegii medici membro superstite, tanquam eorum philosophiæ professorum, qui medici erant, senior, in collegium medicum, ne illud totum expiraret, fuit adscitus, qui dein, postquam collegio philosophico valedixisset, ab eoque honorifice dimissus fuisset, in actibus publicis acad. nec non catalogo professorum, senatu academico consentiente, supra professores philosophiæ inter Medicos locum occupavit. Ex cathedra autem Logica d. 22. Dec. 1711. in cathedram Physicam vocatus, novum munus auspicatus est d. 27. Apr. 1712. prælectione habita de *mundo*. Uxorem interim duxit a. 1695. *Annam Margaretham Zeslin*, ipsi super-

superstitem, quæ duas filias ei peperit, in tenera ætate morte extinctas. Ipse autem supremum diem explevit d. 28. Sept. 1726. apoplexia subito abreptus.

Edidit *thematata philosophica* a. 1678. disp. de *Gonorrhœa virulenta*, a. 1680. & *positiones philos.* a. 1713.

XXIV. JOH. RODOLPHUS ZUINGER, Med. Doct. ab academiæ proceribus, tum ut fidem servarent patri ejus Theodoro factam, qua promiserant, se, si operam suam academiæ Basil. perpetuo addiceret, nec apud externos, qui eum ad se pertrahere studebant, munus professorium unquam acciperet, hunc filium proxima data occasione ad professionem ipsius eruditioni convenientem promoturos, tum ut merita ipsius filii remunerarent, eumque arctius sibi devincirent, d. 16. Febr. 1712. annos nondum natus viginti Logices Professor fuit electus, hancque cathedram ornavit, donec d. 16. Dec. a. 1721. ad ornandam cathedram Anat. & Botan. vocaretur. Biographiam magni hujus Viri jam inter Medicos traditam suppleturi, hic commemoramus, quod demum in nostri notitiam pervenit, eum aliquando singulare divinæ providentiæ objectum fuisse. Res accidit Basileæ, & hæc est. Eum pontem Rheni transiturum proxime præcedebat traha, cui magnus ferreus uncus, jungendis atque trahendis trabibus inserviens, erat adnexus. Hic autem cum inter currendum duos transversos pontis asseres secum auferret, accidit, ut Zuingerus, qui visu minus pollebat, & erecto corpore meditabundus incedere solebat, pontem apertum non observans, protinus per interruptos asseres decideret, & ab utroque latere brachiis sustentatus, ponte suspensus hæreret. Hoc viso confestim quis accurrit, eumque sub axillis, de quibus corpus admodum grave, vir nempe erat procerior, pendebat, prehensum ægerrime extraxit, & ab extremo vitæ periculo liberavit. Ereptus postmodum id doluit maxime, quod, post Deum, liberatori suo, qui ipsi ignotus mansit, gratias agere atque referre nunquam potuerit. V. Prof. Med. Pract. n. 13.

XXV. NICOLAUS BERNOULLI, J. V. D. d. 8. Apr. 1722. Logicam professionem primus forte adeptus, eadem egregie fuit functus, dum d. 28. Maj. 1731. eam

Y 5

cum

cum cathedra Codicis & Juris feudalis permutare fuerat jussus. V. Prof. Cod. n. 25.

XXVI. PETRUS RYHLNER commodis Academiæ Basil. natus d. 28. Nov. 1692. patre *Emanuele Ryhnero*, mercatore, & CC viro, matre vero *Maria Werenfels*, *Petri Werenfelsii* S. Th. Doct. ac Prof. nec non Antistitis, filia, a teneris moribus literisque bonis fuit institutus, idque felici successu. In triviali ludo rudimentis primis feliciter perceptis, ad Academiam transiit a. 1705. & philosophiæ diligentissimam operam navavit. Primum Latias atque Pelasgas artes sibi familiares reddere contendit; quo scopo Latium totum peragravit, auctores latinos, historicos, oratores, poëtas legendo atque relegendo, sparsim inde flores decerpendo, stilumque suum illis exornando. Ex Latio Athenas cursum deflexit, & græcos non minus quam romanos auctores sibi fecit familiares. Sic græcorum & romanorum literis probe tinctus, ad magis realia animum adplicuit, & metaphysicam atque logicam exactius peruestigavit, philosophiam moralem diligenter tractavit, etiamque algebræ profunda, matheseos abscondita, Physices difficillima scrutari est adgressus. Non mirum ergo, eum summa cum laude honores philosophicos adsecutum fuisse. Primam nempe Lauream obtinuit d. 31. Maj. 1707. Magisterii artium autem dignitatem d. 28. Maj. 1709. Ab his linguis, artibus atque scientiis instructissimus studium theologicum, cui d. 16. Nov. 1708. nomen dedit, capessivit, olim avunculum, *Sam. Werenfelsium*, non solum ut magnum Philosophum, sed & ut magnum Theologum, imitatione sedula expressurus. Hujus præsertim in hoc studio, ut jam antea in philosophico, usus fuit opera fidissima atque optima, eosque fecit progressus, ut a. 1712. in numerum candidatorum S. Ministerii adlegeretur. His feliciter superatis, philosophica æque ac theologica studia perfecturus, exterarum regiones invisit, & Neocomi *J. Frid. Osterwaldii*, Genevæ *Alphonse Turretini*, intimorum Werenfelsii amicorum, sibi conciliavit amorem. Dein a. 1722. Parisios contendit, ipsique ab avunculo Werenfelsio commendato ad celeberrimos illius Academiæ viros, nec non ad Academiam Scientiarum, aditus patuit. Domum reversus d. 4. Febr. 1725. matrimonium contraxit cum *Veronica Battier*, *Fride-*

Friderici Battierii, pastoris Albani & *Margarethæ Iselin*, filia, *Albrechti Schaubii* vidua, ex qua, sibi superstitē, duos filios, *Petrum* mercatorem, & *Emanuelē*, Theologiæ studiosum defunctum, tresque filias suscepit. Interim tam in lingua gallica quam germanica conciones habuit sacras, sicque ad pastorem olim rite fungendum, si ita providentiæ divinæ placeret, sese præparavit; sed & studiosæ juventuti prælectionibus privatis theologicis atque philosophicis prodesse studuit, academici usibus itidem sese consecrans. Ad utrumque, vel in Ecclesia, vel in Academia Deo proximoque servienti, paratus, Deo duce, ad usus academicos arcessebatur, cum ei primum vicariatus professionis Ethicæ deferretur, quem ab a. 1726. ad a. 1732. omni diligentia administravit. Ille autem cum laude gestus vicariatus ei ordinariam comparavit professionem, nempe Logicæ, quæ ipsi obtigit d. 26. Oct. 1731. quam d. 12. Dec. 1731. prælectione de *utilitate Logicæ artificialis* adiit, quamque ad dies vitæ ad ductum potissimum *artis cogitandi*, Basil. 1749. recusæ, summa cum laude obiit. Collegia privata studiosis indulgit utilissima, eaque, dum per vires licuit, diligentissime continuavit. Ab a. 1744. visitationem Gymnasii cum fructu subiit, & juventutis commoda strenue promovit. Rectoratum academici iterum, Decanatum philosophicum octies gessit dextre atque decenter. Ceterum vir erat acuti ingenii, pius, diligens, officiosus in omnes, philosophus atque theologus sincera fide ornatus. Ex marasmo senili obiit d. 28. Apr. 1771.

Edidit *diff. de aternitate mundi*, 1708. *diff. de usu consequentiarum in Theologia*, 1713. *theses logicas de syllogismis a Logicis vulgo omisiss*, 1722. *theses physicas*, a. 1727. *diff. de fundamento Juris N. & G. ex Matth. VII. 12.* 1727. *theses logicas de reductione cogitationum ad minimos terminos*, 1731. *theses logicas de methodo disputandi*, 1736. *dissertationes de judiciis temerariis*, I. 1736. II. 1737. III. & IV. 1739. *positiones philos. eod. orationem funebrem in obitum Sam. Werenselsii*, 1740. *Ejusd. Opuscula auctiora* 2. Tom. in 4. cum præfationibus, Lauf. 1739. *Hubneri Geographia T. I. in gallicam, & Osterwaldii observationes in V. F. in germanicam linguam transfudit.*

XXVII. LUCAS LEGRAND natus d. 15. Mart. 1735. ex parentibus *Christophoro Legrand*, mercatore ac CC. viro, & *Maria Juditha Linder*, ob acutissimum ingenium & incredibile literarum studium, quo puer erat præditus, mature musis devotus optimisque magistris instituendus fuit datus. Nec irrita fuere studia atque consilia in eum locata. Citius enim, cum ex gymnasio ad academiam transiit, omnes philosophiæ partes sibi fecit familiares, & pro singulari, quam in eas addiscendas impendit, industria pulcherrimos fecit progressus. Honores autem academicos, quos sapientissimus ordo solet largiri, nempe primam Lauream d. 26. Maj. 1750. Magistri artium autem dignitatem d. 8. Jun. 1751. dignissimus adeptus, Jurisprudentiæ se dedit, non quidem totum, literis elegantioribus partem quandam otii temporisque sui reservans. Studium tamen juris tanta diligentia fuit prosecutus, ut consueta examina magna cum laude superarit & specimen disputatorium pro gradu doctoratus obtinendo, anno 1757. exhibitum, nec non eodem anno alterum specimen pro vacante cathedra juridica, omnium adplausu defenderit; hinc & ex decreto amplissimi JC. ordinis d. 16. Dec. 1757. J. V. D. creatus fuit atque promulgatus. His ornatus titulis, cum juris scientia literarum humaniorum studium porro junxit atque prosecutus est avidissime, ut non solum cum Catone Reipublicæ prudenter consultare, sed & cum Platone in academia acute philosophari posset. Hunc in finem etiam Argentoratensis academici primarium lumen, *Dan. Schæpflinum*, adiit, ejusque prælectiones historicas atque antiquarias magno cum fructu audivit. In literatura græca atque latina versatissimus etiam hebraicam est adgressus, idque successu satis felici. Quicquid enim tentat, id haud obiter sed accurate tractat, nec desistit, donec in intimum inquisiverit. Variis autem occasionebus cum singularem suam eruditionem publice ostendisset, contigit ei tandem adeo esse felici, ut die 15. Nov. 1771. professionem *Logicæ*, cui & ex decreto senatus academici *Metaphysicæ* alternis vicibus tractanda fuerat juncta, sortito obtineret, quam d. 17. Jan. 1772. publice adgressus, quaque hætenus, *Baumeisteri* elementa philosophiæ recentioris Viennæ 1774. & alibi excusa auditoribus exponens, pro viribus diligenter est functus. Vtinam vires corporis animi responderent viribus!

Edidit

Edidit *observationes philos. misc.* d. 4. Jun. 1751. *Conjecturas misc. historicas* d. 30. Aug. 1754. *Observationes jurid.* d. 9. Sept. 1757. d. 4. Oct. 1757. iterum *observationes jurid. subitaneas*; d. 31. Aug. 1762. *Observat. philolog. gr.* d. 19. Apr. 1765. *observat. misc. hist.* d. 5. Sept. 1766. *meditationes super latina lingua studio*; *primas lineas theologiae naturalis*, 1771. 8. *tentamen philosophicum de principio rationis sufficientis*, 1772. 8. *specimen observatorum in Aeschyleo Agamemnonis*, Bas. 1778. 8.

PROFESSORES LINGUÆ GRÆCÆ.

I. SIMON GRYNÆUS, Professor Linguæ Græcæ Heidelbergensis, ab Oecolampadio, ita jubente magistratu Basiliensi, illinc vocatus, a. 1529. professionem græcam adiit, eaque sese abdicavit a. 1536. ad explicationem N. T. translatus. V. Prof. N. T. n. 2.

II. JOHANNES OPORINUS, (*Herbster*) natus est Basileæ d. 25. Jan. 1507. patre *Johanne Herbst*, Argentinenſi, pictore suæ ætatis artificum haud postremo, civē Basiliensi factō, matre *Barbara Lupfart*. Hi parentes re angusta, quæ domi erat, admodum pressi, pater nempe ad uxorem nil præter industriam, mater ad maritum excepta virtute nihil dotis adtulerat, nihil tamen in liberis bene educandis fecerant reliqui, & ipsemet pater hunc filium literarum rudimenta docuit, in publicum ludum literarium deduxit, & a præceptoribus tradita ab ipso exegit atque cum eo repetit. Postquam domi feliciter literarum rudimenta percepit, ob patris inopiam Argentinam descendit, & in pauperum scholasticorum contubernio quatuor fere annos vixit. Oporinus pro ingenii, quo pollebat, acumine in hac schola tantum profecit, ut & latine pure atque expedite loqueretur, & græcæ linguæ non prorsus esset ignarus; adeo verum est illud Virgilianum:

— — — labor omnia vincit
Improbis, & duris urgens in rebus egestas.

Maturitatem ætatis & judicii adeptus patriam repetiit, & publicos professores artes humaniores tradentes sedulus audivit. Sed cum paupertas domestica subsidia negaret, ad Abbatem S. Urbani sese contulit, & ibi juventutem,

ventutem, quæ aliquando in collegium recipienda erat, docuit. Hac vitæ conditione in monasterio Lucernenſi degens venit in familiaritatem *Xyloteſti*, canonici, qui doctum & lepidum, ut ea ferebant tempora, ſcribebat carmen, & Oporinus eo non erat inferior. Non multo poſt Xyloteſtus Evangelii puritatem amplexus, ampliffimos illos redditus deſeruit, ductaque uxore, Baſileam conceſſit, ubi deinde peſtis contagione infectus, vitam cum morte commutavit. Oporinus quoque monaſticæ ſcholæ pertæſus, amicum ſecutus, Baſileam rediit, cœptum ſtudiorum curſum continuaturus, & cum laude conſecturus. Sed cum nec tum quidem ulla ſubſidia a quopiam ſubminiſtrarentur, Græcos Theologos deſcribendos ſuſcepit, quos Frobenius typis excudit. Tandem Xyloteſti viduam a. 1527. uxorem duxit, vetulam moroſam & auſteram, imperioſam atque immitem, cum qua non minus ac olim Socrates cum ſua Xantippe philoſophari didicit & injurias patienter perferre. Hoc etiam tempore, a. 1529. Oporinus aliud patientiæ exercendæ habuit objectum, nempe ſcholam S. Templi, quam ipſe gubernabat, & in qua juventutis ſtudia, ut erat tractandorum ingeniorum peritus artifex, moderabatur. Sed is quoque ſcholæſticæ vitæ curſus cito eſt interruptus. Quum enim naturæ præſtantia non niſi ad ſumma hortaretur, & doctorum virorum, *Eraſmi* præcipue & *Glareani*, elogiis exſtimulatus non quieſceret, de ineunda alia ſtudiorum ratione cogitare cœpit. Hoc meditantem Oporino *Oecolampadius* auctor fuit, ut Medicinæ ſtudio ſe addiceret, præſertim cum Baſilææ tum verſaretur *Theophrastus Paracelſus*, qui unius anni ſpatio eximium artis doctorem ſe perfecturum ſuperbe jactitabat. Conſilium Oecolampadii ſecutus Oporinus Theophrasto ſe adjunxit, & quamdiu Baſilææ fuit, ab ejus conſuetudine nunquam diſceſſit; imo etiam operam ipſi ſuam, famuli & amanuenſis officio functus, locabat, ſperans ſe vel hac officioloſa diligentia perfectam artis cognitionem, quam doctor iſte plenis buccis crepabat, conſecuturum. Cum ita per biennium ſanos magiſtri, vino ſæpius madidi, mores patienter tuliſſet, tandem Theophrastus Baſilea diſceſſit & Oporino vaſa chymica reliquit. Oporinus autem ſpe pellectus, magiſtrum, ut promiſerat, *Laudani* conſciendi rationem ipſi traditurum, eum in Alſatiam eſt comitatus, &

bien.

biennium adhuc hominis importunitatem tulit. Tandem se a magistro suo, quod cupiebat, impetraturum diffidens eum deseruit, & ad imperia uxoris rediit, laudani portione prius ab illo accepta, qua paulo post ex mortis faucibus fuerat ereptus. Sumto enim purgandi causa mercurio præcipitato, rixa cum uxore orta, noctu domo egressus, ad patrem contendit. Hausta in via aqua copiosiore, & quia pulsandis ædibus patri dormienti molestus esse noller, ad fores adsidens, frigore oborto, toto corpore, capite inprimis, adeo intumuit, ut de vita Medici desperarent. Dum ita aliquamdiu decumberet, & quodam die solus domi in lecto esset, recordatus laudani, ad peram, qua continebatur, adrepfit, ac tres pillulas devoravit; somno dein insecuto, tumor evanuit, isque incolumis evasit, maxime stupente uxore, quæ ex templo domum reversa se virum mortuum inventuram sperabat. Non multo post Oporini uxor, cum qua per octennium vixit, Lucernæ obiit, quo bonorum suorum causa quotannis adscendebat. Amplam quidem hæreditatem ex facultatibus mortuæ conjugis sibi obventuram putabat, sed fraude adfinium ejus hac spe fuerat frustratus, sicque in pristinam concidit paupertatem atque miseriam, ex qua autem mox eum eripuit *Simon Gryneus*. Hic cum a. 1536. a professione græca & collegii Augustiniani administratione ad professionem N. T. vocaretur, auctoritate sua effecit, ut Oporinus, quem græce doctissimum noverat, in stationem hanc utramque substitueretur. Ad studia itaque & ad secundas nuptias cum *Maria Ficina* reversus, magna cum laude & auditorum fructu munere professoris est functus. Plutarchi vitas græce scriptas frequentibus auditoribus docte & prudenter enarravit. Collegio præfectus *Erasmo* Friburgo Basileam reduci vinum honorarium officii causa offerebat. In mutuum complexum postquam venirent & dexteras jungerent, Erasmi manum Oporinus durius compressit; ille, ut erat chiragricus, se graviter lædi, sive serio sive joco, exclamabat; hic adtonitus obmutuit. Id animadvertens Erasmus, Oporinum amice compellat, vinum infundi jubet, & ut animum recipiat hortatur. Consedit cum suo comitatu satis frequenti Oporinus, & semel atque iterum in orbem redeunte poculo, ad se quoque reversus, docta & gravi oratione atque ipso di-
gna

gna Erasmo Erasmus excepit. Sed hæc vitæ conditio
 supra biennium non duravit. Cum enim senatores acad.
 a. 1539. decernerent, ut quisque Ministrorum ecclesiæ,
 qui nomen in album nondum retulerat, id sine mora
 faceret, quisque etiam Professorum summum in eâ ar-
 te, quam profitebatur, gradum; si nondum haberet,
 consequatur, alii quidem obediebant, alii vero, præci-
 pue ætate jam provecti, renuebant & dimissionem ac-
 cipiebant; in horum numero erat & Oporinus. Verum
 adcessit etiam causa domestica, quæ, ut a munere pro-
 fessorio tam facile abiret, eum commovit. Vxor nem-
 pe sumtuosa tresque filii proluvium matris imitantes,
 eum hisce sumtibus imparem adegerunt aliud vitæ ge-
 nus magis lucrosum eligere. Deserta itaque academia,
 cum *Roberto Wintero*, adfinē suo, libros excudere cœ-
 pit. Verum iterum invita fortuna hæc agebantur. Con-
 traxit æs alienum, quod solvere nullus poterat. Proce-
 res quidem Academiæ ei succurrere cogitabant, eique,
 qui olim *Bonif. Amerbachium* iura explicantem audive-
 rat, professionem juridicam offerebant, quam vero, qui
 quietis erat amantissimus & flexibiles illas in utramque
 partem casuum disputationes quam maxime aversabatur,
 accipere noluit. Ita sibi relictus, soluta cum *Wintero*
 societate, accepta mutuo satis ingenti pecuniæ summa,
 solus typographiam exercere cœpit, majori autem longe
 publici quam suo cum commodo. Vir nempe erat, qui
 plures sumtus in eruditorum lucubrationes nec non in
 operas typographicas impenderat, quique præterea cen-
 suum rationes nunquam inibat, rerum suarum incurius
 atque negligens; his adcesserant etiam uxor liberique
 sumtuosi atque prodigi; quæ omnia, ut & foeneratores,
 quos pro sorte centum florenorum ipsi locata viginti imo
 triginta usuræ annuæ loco extorquere non puduit, nec
 non Oporini temeritas, qua pro aliis fidem suam inter-
 posuit, itemque alia fata adversa rem ejus familiarem
 magis magisque dissipabant. Interim licet omnes nervi
 essent præcisi, forti tamen animo has ærumnas pertu-
 lit, in officina sua operosissimus, adeo, ut omnes li-
 bros, quos majori numero imptesserat, ipsemet corre-
 xerit, hinc & correctissimi hocque etiam nomine omni-
 bus accepti ex officina ejus prodierunt. Licet autem
 ipse premeretur, pressis opera sua supra vires adstitit.
 Non solum enim patrem, qui conscientia ductus artem
 pictoriam

pictoriam deferuit; verebatur nempe, ne a se pictæ imagines ad idololatriam adhibeantur, nec non sorores, mater autem mature fuerat mortua, aluit, fovit, sustentavit, sed & hospites, auxilio destitutos, suscepit & liberaliter habuit. Subinde quidem inter nubila phœbus lucere inceperat. Nam ipse *Ferdinandus* Imperator hominis probitatem amplexus benignissime ipsi concessit, ut merces ejus improfessæ Brisaci præterveherentur. Palatinus etiam Elector *Fridericus* Oporini integritatem & in excudendis libris industriam admiratus, cum Heidelbergam amplis conditionibus evocavit; sed natalis soli dulcedine captus hæc commoda repudiavit. Etiam, ut alia mittamus, inter felices eventus numerare potuit, quod voluptuosa uxor, cum qua triginta & aliquot annos sine jurgiis (perita nempe erat artium, quibus indulgentiores mariti capiuntur, & ad obsequia uxorū flectuntur) vixerat, ipso Francofurti in nundinis absente, a. 1564. peste obierit, ejusque loco semestri elapso tertiam uxorem, *Elisabetham Holzach*, Eucharii filiam, *Joh. Hervagii* junioris, typographi viduam valde dotatam atque generosam duxerit. Sed fluxa erant hæc omnia, & commoda hæc uxor quarto conjugii mense præmatura morte ei fuit abrepta. Verum nova mox rerum oborta est catastrophe, & quidem lætior. Quartam duxit uxorem; vetulus mulierem juvenulam, *Faustinam Amerbach*, *Vtrici Hælii*, J.C. viduam, quæ præter nominis honestam exultationem in Oporino nihil expetiit. Hæc res mariti diligentius perpendens, eumque ætate jam gravem, laboribus istis ferendis imparem esse videns; assidue instabat atque orabat, ut vendita officina se expediret. Difficulus quidem conjugis precibus cessit, quod stationem hanc, in quam a Deo esset collocatus, temere deferendam, & privato otio publicum commodum postponendum non putaret, sæpe etiam diceret: *Molestiæ typographica finem mortem ipsam jam propinquam excepturam esse.* Victus tamen justis uxoris precibus typographiam vendidit, nunquam suarum rerum subducta summa. Non multo post suscepit filium, *Emanuelen*, d. 25. Jan. 1568. Lætiant quam inde perceperit Oporinus judicabunt isti, quorum omnis in prole unica nominis & generis propagatrice stat cura. Nullæ certe ad doctos mittebantur literæ, in quibus *Oporinuli* non multa figeret mentio. Sed nec hæc

bona fuere durabilia. Quinto nempe post natum filiolum mense ex catarrho & cephalalgia epidemia cœpit decumbere, nullum antea morbum passus, excepta paralyti, qua a. 1558. obruebatur, denique d. 6. Jul. 1568. fortunæ jactationi ereptus placide vita excessit. Filiolus, *Emmanuel*, patrem mox ad æterna gaudia secutus est, natus annos duos cum dimidio. Omnium ab Oporino editorum librorum catalogum satis amplum una cum ejus vita edidit *Andreas Josciscus* Argentorati 1569. 8.

Ipse autem conscripsit *scholia in Solinum, & Ciceronis varia; annotata in Demosthenem, Plinii historiam naturalem, Plutarchum, Hesiodum, Platonem, Pollucem. Bucolicorum latinorum auctores, quotquot a Virgilii ætate ad sua usque tempora eo poematis genere usi sunt, collegit ediditque.* Basil. 1546. 8. *Darii Tiberti epitome vitarum Plutarchi ab innumeris mendis repurgata per Jo. Oporinum prodit,* Basil. 12.

III. MARCUS HOPPERUS, J. V. D. Græcas literas publice professus est an. 1544. & Homerum exposuit; hoc officio se abdicavit & munus professoris Physicæ adiit a. 1549. V. Prof. Instit. n. 3.

IV. SEBASTIANUS LEPUSCULUS Hoppero successit a. 1549. sed per triennium tantum auditoribus Homerum prælegit. V. Prof. Log. n. 4.

V. SEBASTIANUS CASTELLIO ex Allobrogum exiguo vico *Chatillon*, & a tenuibus parentibus, quibus curia erat suppellex, ortum duxit a. 1515. Pertenues autem licet fuerint parentes, pii tamen fuerunt atque probi, qui liberos, quantum in illis erat, a vitiis abstractos ad virtutem ducebant. Ita ipse refert de patre: *Hoc habuit meus pater boni, quamvis in magna religionis ignorantia, ut a furto, & mendacio imprimis, & ipse abhorreret, & abhorrendum doceret. Itaque erat nobis vulgo me puero in ore hoc nostrate proverbium: ou pendre, ou rendre, ou les peines d'enfers attendre.* Omnibus igitur subsidiis destitutus, proprio Marte in literis tantum profecit, ut juvenis adhuc tribus adolescentibus nobilibus Lugdunensibus ephorus constitueretur. Lugduni cum degeret, accidit, ut eum quidam errore nominis

minis pro Castellione *Castalionem* vocitaret. Quod ille nomen audiens a musarum fonte Castalio derivatum adamavit atque amplexus est, seque, omisso deinceps Castellionis nomine patrio, Castalionem adpellavit; quin etiam idem nomen scriptis nonnullis præfixit. Sed postea, cum majorem veri adeptus est cognitionem, omissa illa, quam execratus est, gloriola græca, iterum se Castellionem vocavit & ab aliis adpellari cupivit. Lugduno relicto a. 1540. Argentinam petiit, ubi *Calvino* in notitiam venit, ejusque rogatu rectoratum scholæ Genevensis in se suscepit, & magno cum fructu per triennium gessit. Calvinus autem, qui Castellionem eruditionis causa magni habebat, mox ei fuit infensissimus, ita ut in publicis scriptis in eum acerbissime invehetur, ad quas autem objectiones Castellio fortiter nec sine sale respondit. Initium dissidii derivandum a Castellionis inconstantia: cum enim a. 1542. Genevæ pestis grassaretur & *Calvino* atque *Petro Blancheto* Castellio ex ministris solus operam suam in visitandis ægrotis offerret, accidit, ut jacta fors Castellionem primum designaret, qui istud muneris in se susciperet, quod vero is, mutata sententia, præstare negavit. His mox accesserunt & alia, nempe nonnullæ Castellionis sententiæ a *Calvini* sententia diversæ, quas jam irritatus perferre non poterat. Haud enim in *Calvinum* quadravit illud *Sim. Grynai* dictum:

*Non eadem sentire bonis de rebus iisdem
Incolumi licuit semper amicitia.*

Castellio autem, pacis amantiſſimus, maluit loco cedere, quam inter discordes vivere; dimissionem itaque petiit atque obtinuit, testimonio ornatus ab ipso *Calvino*, quod hætenus ineditum ex MS. *Zuingermanis* hic adponimus, ex quo constabit, qua mente tunc Calvinus erga Castellionem fuerit, & quænam præcipua capita fuerint inter eos controversa:

Cum Sebastianus Castalio scholæ nostræ hætenus præfuiſſet: missionem petiit a Senatu, ac impetravit. Ista enim lege suscepit hanc provinciam, ut sibi integrum foret, eam relinquere, si post aliquod temporis spatium nimis sibi incommodam esse ac gravem expertus foret. Nunc, quoniam alio migrare habebat in animo: testimo-
nium

num a nobis petiit antea acta vita, quod illi non esse denegandum censuimus. Hoc ergo breviter testamur, talem fuisse a nobis habitum, ut nostro omnium consensu jam ad minus pastorale destinatus esset, nisi obstitisset una causa. Nam cum ex more inquireremus, num in tota doctrina summa inter nos & illum conveniret, duo esse respondit, in quibus non posset nobiscum sentire: Quod Salomonis Canticum sacris libris adscriberemus: & quod descensum Christi ad inferos acciperemus in catechismo pro eo, quem sustinuit, conscientiae horrore, cum pro nobis sisteret se ad Dei tribunal, ut peccata nostra, penam ac maledictionem in se transferendo, sua morte expiaret. Quantum ad hoc posterius spectat, quin pia esset ac sancta doctrina, quam profiteamur, non negabat: de eo tantum erat controversia, num sic intelligendus esset hic locus. Primum rationibus conati sumus eum adducere in nostram sententiam: quæ contra objecit argumenta refutavimus, ut potuimus. Cum nihil hoc modo proficeremus, inita tandem a nobis fuit alia ratio. Ostendimus symbolum fidei non alio pertinere, neque in alium fuisse finem compositum, nisi ut extaret brevis ac simplex christianismi summa, quæ & sanam doctrinam contineret, & populum doceret de rebus maxime ad salutem necessariis. Sufficere ergo illi debere, si non nisi sanam pianique doctrinam haberet nostra expositio, & ad adificationem apta esset. Neque enim nos improbare ecclesias, quæ secus interpretarentur. Tantum id nobis curæ esse, ne quod ex variis expositionibus grave malum nasceretur. Respondit, nolle se recipere, quod præstare, nisi repugnante conscientia, non posset. Verum præcipuum nobis certamen de Cantico fuit. Existimat enim lascivum & obscenum esse carmen, quo Salomo impudicos suos amores descripserit. Principio obtestati eum sumus, ut ne perpetuum universæ ecclesiæ consensum temere pro nihilo duceret. Nullum dubiæ fidei librum esse, de quo non fuerit mota olim & agitata aliqua disceptatio. Quin etiam ex iis, quibus certam auctoritatem nunc deferimus, quosdam non fuisse initio absque controversia receptos: hunc a nemine palam fuisse unquam repudiatum. Obtestati quoque sumus, ne suo iudicio plus æquo arrogaret: præsertim cum nihil proponeret, quod non omnes ante eum natum viderent. Quod argumentum attinet, admonuimus formtum esse Epithalamii, alteri non absimilem, quæ Ps. 45. habetur. Nec omnino quicquam inter-

interesse, nisi quod quæ hic in genere breviter dicuntur, fusius & quasi minutatim explicantur in Cantico. Decantari enim in Psalmo Salomonis pulchritudinem & sponsæ ornatum, ita ut res respondeat: discrimen in sola dictionis figura esse. Cum hac nullius apud eum momenti essent, consultavimus inter nos, quidnam opus esset facto. Una omnium sententia fuit, periculosum & mali exempli fore, si ad ministerium cum hac conditione admitteretur. Bonos enim primum non leviter offensum iri, si audiant, ministrum esse a nobis creatum, qui librum, quem in sacrorum librorum catalogo habeant omnes ecclesiæ, respueret se ac damnare palam profiteatur. Malis & improbis, qui & infamandi Evangelii & hujus ecclesiæ lacerandæ occasionem captant, ita fenestram per nos apertam iri. Postremo hac lege nos obstrictum iri in posterum, ne cui alteri vitio vertamus, si aut Ecclesiastem, aut Proverbia, aut unumquemque librum ex reliquis repudiet: nisi forte in hoc certamen descendere libeat, quis Spiritu S. dignus sit, aut indignus. Ne quis ergo aliud quidpiam causæ esse suspicetur, cur a nobis discedat Sebastianus: hoc quocunque venerit, testatum esse volumus, schola magisterio sponte se abdicavit. In eo ita se gesserat, ut sacro hoc ministerio dignum judicarem. Quo minus autem receptus fuerit, non aliqua vitæ macula, non impium aliquod in fidei nostræ capitibus dogma, sed hac una, quam exposuimus, causa obstitit. ✓

Ministri Ecclesiæ Genevensis;

*Johannes Calvinus omnium nomine ac mandato
subscripsi.*

Castellio itaque a. 1544. cum uxore, quam ibi duxerat, Genevæ reliquit & Basileam venit, literarum studia profecturus. Hic autem cum uxore atque liberis jejunas sæpe cœnas toleravit, quin fame fere pereundum ipsi fuisset, nisi pietas Job. Oporini eum sustentasset. Hic præsertim ei fuit auctor, ut latinam Bibliorum versionem, quam a. 1542. Genevæ inceperat, absolveret, quod, præmissis aliquot Scripturæ libris particularibus, Pentateucho atque Psalterio, tandem a. 1551. præstitit, & ipsemet Oporinus editionem curavit. Ea in publicum emissâ, mox diversâ expertus est judicia; laudabatur ab his, vituperabatur ab illis. Inprimis calamum contra eum strinxerat Theod. Beza, ei imputans, quod nimia puritatis latini sermonis adfectione haud raro

impia & a mente Spiritus S. aliena in textum sacrum intulerit; sed contra hunc & alios peculiari scripto macule se defenderat Castellio; ad recte modesteque monita vero adtendere haud neglexit & plura in secunda atque tertia editione studiose correxit atque emendavit, obscurorum locorum intelligentiam precibus sæpenumero a Deo efflagitans. Paupertate autem ille, quatuor filiis quatuorque filiabus obrutus, magis magisque premebatur, ita ut ad viliores operas sese demittere necesse haberet. Aliquando occasione forte invitante, & frigore urgente, in ripa Rheni, qua ille suburbium S. Albani, in quo Noster habitabat, præterlabitur, ligna foco accendendo destinata, quæ præceps torrentum vis ex Byrsa fluvio ruptis obicibus in Rhenum abripuerat, ipse harpagone ex lintre adtraxit, sicque uno die septem lignorum ulnas fastigiavit, pro quarum singulis a Magistratu quaternos solidos, laboris pretium recepit, dum interim ex residuo musæ ejus incaluere, cujus operæ & laboris pro temporum illorum ratione eum non puduit, uti nec pisces captare, & prædiolum domui suæ adjacens colere sibi probro duxit, ut est ingeniosa & laboriosa paupertas. Cujus tamen facti fama ut ad externos, moris hujus, qui tum Basileæ vigeat, & adhuc viget, ignaros erat delata, vitio imo furto ipsi est datum, a quo tamen ipse in *defensione* ad autorem libri, (Joh. Calvinum) cui titulus est: *calumniæ nebulonis*, solide se liberum præstitit; hanc sui defensionem his verbis clausit: *Sed revera comperio verum esse dictum cujusdam antiqui: nescio quomodo nihil tam stultum est, quod non ab aliquo sapientum dictum sit. Faxit Deus, ut tam manifestus casus sis tibi occasio surgendi; id quod certe fiet, si Deum diliges.* Mitior deinde adfulsit fortuna virtuti; academia nempe a. 1553. omnigena ejus eruditione, qua non pollebat tantum, sed & jam tum inclarescebat, inprimis autem theologiæ & linguarum, hebraicæ, græcæ atque latinæ cognitione, impulsæ, Linguæ Græcæ professorem rite eum constituit, in qua statione Isocratem atque Homerum auditoribus interpretatus est magno rei literariæ commodo, nominisque sui celebritate. Etiam, ut professione rite fungeretur, d. 1. Aug. 1553, ab Henrico Pantaleone publice A. L. M. fuit creatus. Quamvis autem munus, ipsi in academia concreditum, illum quidem adjuverit, ut commodius vitam transigere

transigere potuerit, attamen non tantopere ejus facultates auxit, ut cum liberis laute viveret, sed ut cum adversariis *Calvino* atque *Beza*, hæreseos eum reum peragentibus, *Theologis Turicensibus* atque *Mart. Borrhaio*, Theologo Basil. ita & cum egestate ad extremum usque vitæ ipsi fuerat conflictandum. Adparet utrumque ex epistola excusatoria ad Consulem & Senatum Basil. a. 1563. data, in qua hæc fuerunt verba; „ Est „ mihi, mei clementissimi Domini! a magnifico Do- „ mino Rectore & ceteris Ecclesiæ Doctoribus & Pasto- „ ribus demonstratum, quemadmodum vobis scriptæ „ fuerunt literæ, in quibus ego gravissime accuser: cu- „ jus accusationis partes sunt duæ: una ex libro „ *Theod. Bezæ* sumpta, altera super mea dialogorum „ *Bernhardini Ochini* translatione. Quod istos dialogos „ transtulerim, non puto, id mihi fraudi esse debere, „ transtuli enim (sicut & alia ejus opera transtuleram) „ non ut Judex, sed ut translator, & ex ejusmodi „ operâ ad alendam familiam quæstum facere solitus.” Prima accusatio Geneva, altera Turico Basileam venerat. Castellio patronis usus est, qui causam ejus susceperunt; attamen ipsi a Senatu mandatum fuit, ut munere suo fungeretur, Græcæque doceret, Theologos vero suis rebus prospicere pateretur. Quod autem ad litem cum *Borrhaio* adinet, res ita erat comparata: Scripserat *Borrhaus commentarios in quinque libros Moysis*, in quibus doctrinam Reformationum de decreto Dei tuitus est. Castellio *annotationes in caput IX. Epistolæ Pauli ad Romanos* fecit, quas *Borrhaus* in *Commentariis* suis refutavit. Ipse autem Castellio in libello *de prædestinatione ad Martinum Borrhaum*, qui diu post ejus obitum in *scriptis selectis* & rarissimis ejus editus fuit, rem ita „ narrat: „ In præfatione statim, non semel, inquit, „ hortatus es me, Martine Borrhaë! ut, quæ tu de „ prædestinatione scripsisses, legerem, & si quid mihi „ non satisfaceret, contra scriberem, tibi que argumen- „ ta mea scripta traderem. Legi, sed quominus hæte- „ nus scripserim, causæ fuere duæ potissimum. Una „ est, quod cum olim meam hac de re sententiam scrip- „ pisset in annotatione in IX. caput ad Romanos: „ Vos censores annotationem illam jam excusam jam- „ que unis nundinis una cum Bibliis distractam, tol- „ lendam curastis de Bibliis: & tu postea in tuis

in Mosen commentariis contra annotationem istam scripsisti, cumque me postea ad scriptum tuum legendum, ut dixi, contraque scribendum hortatus fueris, & ego ex te quæsissem, num permissuri essetis, ut imprimeretur, si quid ego scripsissem; respondisti: vos omnino non permissuros, sed cupere te, mea argumenta tibi tradi, ut hac ratione redderem ego te armatiorem; miratus sum sane responsum tuum, idque mihi, ut verum tibi ingenue dicam, perinde visum est, ac si quis dicat adversario: Trahe mihi arma tua, ut ego te tanto facilius opprimam." Tandem atrophiam, quam assiduus studiis, curis & vigiliis, forte etiam vini abstinencia, contraxerat, gravissimos stomachi dolores, quos potu lactis intempestivo magis exacerbaverat, cum lenta febre percellus, itemque lapsu, vitam miseram vir vere pius ac eruditus clausit d. 29. Dec. a. 1563. Moriens eas reliquit opes, quæ christiano homine thesaurum suum in cœlis quærente dignæ erant. Sepultus in summo templo, & a tribus nobilibus Polonis epitaphio ornatus. Hoc singulare de ejus sepultura refert *Scaliger*, eum sepulcro, quod Grynææ genti fuerat proprium, conditum fuisse, sed *J. Jac. Gryneum*, qui celebris Theologus Basileæ fuit, hinc extractum in alio sepulcro posuisse, forte ne pulvis suus cum *Myfici* hujus pulvere misceretur.

Edidit *Mosen Latinum ex Hebræo factum*, 1546. *Psalterium Latinum*, 1547. Basil. 1556. 12. *Biblia S. Lat. cum annotationibus*, Bas. 1551. 1554. 1556. f. sæpius postea recusa, 1573. 1663. 1697. 1699. Lips. 1701. 8. 1728. 4. T. 12. 1750. 8. *Biblia S. Gall.* Bas. 1555. fol. *Dialogos* 4. de *predestinatione, electione, libero arbitrio & fide*. Aresdorffii (Basileæ per Petr. Bernam) 1578. cum præfatione *Felicii Turpionis* (*Fausti Socini*) his adjecit *questionem, an perfecte legi Dei ab homine per Spiritum S. obediri possit? responsionem ad D. Mart. Borrhaum de predestinatione, defensionem adversus Joh. Calvinum Nebulonem & de calumnia l. 1.* hic libellus de calumnia factus germ. iterum prodijt a. 1695. nec non in *Gottfr. Arnoldi Kirchen- und Ketzerhistorie*. Scaph. 1740. fol. recusus; hæc singula autem lat. iterum adparuerunt Goudæ a. 1613. & Francof. 1696. *Dialogos* S. 1545. 1548. 1551. 1559. 1562. 1565. & postea sæpius. *Kempisium de imitando Christo latinum edidit* a. 1563. recusum Basil. 1576. 12. 1696. Goth. 1697. Franc. 1707. 12. *Enumeratio*

nem s. impedimentorum, quæ mentes hominum a vero in di-
vinis abducunt a. 1604. *Eclogam de nativitate Christi* Bas.
1546. *Vitam Johannis Bapt. carmine græco heroico*, Bas.
1548. *Jonam prophetam carmine latino heroico*, Bas. 1545.
8. 1547. 4. *Odas in Psalmos & carmina Moſis*, Bas. 1551.
Xenophontem de Republica Athen. Cyrillum de exitu animæ
&c. latinum fecit. Sibyllina oracula carmine heroico Bas. 1546.
defensionem translationum Bibliorum, & maxime Novi
Fœderis, Bas. 1562. 8. *Theologiam germ. sub nomine Theo-*
pbili, opusculum mysticum, quod Castellio denuo vertit; ejus
auctor est aliquis ex ordine equitum Teuton. qui Francof. ad
Oderam habitaverat, quodque in Borussia inventum Lutherus
a. 1517. primus ediderat; prodiit ex versione Castellionis Basih.
1557. 8. Lips. 1730. 12. *Traité du vice & du nouvel bom-*
me. Conseil à la France desolée. Recueil latin de certaines
articles & arguments extraites des livres de M. Jean Cal-
vin, qui libellus Parisios mittendus, ut ibi imprimeretur, in-
cidit forte in via in manus Joh. Calvini, qui eum cum suis
responsionibus, inscio Castellione edidit. Sed Castellio nun-
quam suum voluit agnoscere. Ejus opera prodiit & Homerus
Gr. & Lat. in fol. c. n. Bas. 1561. Bernh. Ochini Senensis,
dialogi XXX. in duos libros divisi, quorum primus est de Mes-
sia, continetque dialogos XVIII. secundus est cum de rebus
variis, tum potissimum de Trinitate. Hic liber mysticus a
Castellione ex Italico translatus prodiit a. 1563. non tamen
nomen ejus expressum legitur. Moſis Institutionem Reipublicæ
græco latinam edidit ex Josepho &c. Basil. Liber Jobi interpr.
Seb. Castal. Tremow. 1554. 8. Nov. Test. ex versione Seb.
Castal. seorsim excusum enchiridii forma, Bas. 1551. 1556.
1572. 12. Amst. 1683. 12. Salomonis Proverbia, Sap. Ec-
clesiaſt. lat. Bas. 1556. 12. Quo jure hæretici sint coercendi
gladio vel igne, 8. belgice convers. 1613. 4. Xenophonis opera
græce, cura Seb. Castalionis, Bas. 1540. 3. Voll. 8. ibid.
1576. 8. Rutilii itinerarium cum ejusdem & aliorum
animadversionibus, Amst. 1687. 12. Herodotus, in-
terpr. Laur. Valla & Conr. Heresbachio, emenda-
tus a Seb. Castalione, Basil. 1583. 8. Castellionis librum MS.
de arte dubitandi & confitendi, ignorandi & sciendi citat
Wettſtenius in Prolegom. ad N. T. Amst. 1730. 4. Ubi p.
176. ex ejus P. I. c. 12. plura exhibet. Vulgo quidem Ca-
stellioni etiam adscribitur Dialogus inter Calvinum & Va-
ticanum, a. 1554. editus, sed is ab aliis Lælia, rectius vero
ab aliis Fausto Socino tribuitur.

VI. THEODORUS ZUINGER, Med. Doct. huic profes-
sioni vacavit ab a. 1564. ad a. 1571. quo ad professio-
nem Ethicam transiit. V. Prof. Med. Theor. n. 5.

Z 5

VII. MAT.

VII. MATTHÆUS MEYER Zuingero successit a. 1571. ab officio remotus d. 23. Apr. 1582. V. Prof. Pædag. Cl. 1. n. 6.

VIII. CASPAR BAUHIN, Med. Doct. Meyeri aliquamdiu vicarius, electus fuit linguæ græcæ professor ordinarius d. 23. Apr. 1582. hancque provinciam administravit, donec d. 15. Oct. 1589. professionem Anat. & Bot. adiret. V. Prof. Med. Pract. n. 5.

IX. FRIDERICUS CASTELLIO, *Sebastiani*, Linguæ Græcæ Professoris, filius, paternam cathedram occupavit a. 1589. exeunte, sed eam mox cum cathedra Rhetorica permutavit. V. Prof. Rhet. n. 9.

X. SAMUEL HOLZACH, Rhetor. Prof. græcam cathedram adiit a. 1589. Ejus vices aliquamdiu gessit *Joh. Buxtorff*, Prof. Linguæ Hebr. & post hunc a. 1594. *Jacobus Zuingler*, Med. Doct. Holzachius tandem a munere fuit remotus d. 16. Oct. 1595. V. Prof. Pædag. Cl. 2. n. 5.

XI. JACOBUS ZUINGER, *Theodori Zuingeri*, Medici ac polyhistoris, & *Valerie Rudin* filius, in lucem editus est d. 15. Aug. 1569. patrem autem lustricum habuit summum virum, *Petrum Ramum*, tunc Basileæ exulem, quem pater Zuingerus ad hoc officii vocaverat tum ob veterem amicitiam Lutetiæ sancitam, tum ob singularem viri doctrinam atque pietatem, qui vero triennio post in matutinis Parisiensibus sicaria manu fuit trucidatus. Pater Theodorus excellens filii ingenium præsentens in duplici hac cura mentem omnem habebat fixam, ut filium honestate morum redderet pium ac probum, deinde ut liberali artium disciplina imbueret; & quoniam satius est, liberos fieri meliores quam doctiores, ideo patri hæc erat votorum meta, ut filio cum lacte materno instillaret fidei & religionis nec tar quoddam, quod in succum sanguinemque suum converteret. Adhibuit etiam, præterquam quod ipse præceptis optimis filium instruxit, ephorum atque doctorem privatum, *Petrum Roth*, Freistadiensem Silesium, eleganter doctum. Duplex autem hæcce cura atque institutio prosperrime cessit, nec contigit Zuingero, quod multis

multis contingit parentibus, quorum concepta de filiis fallitur augurio spes bona sæpe suo. Puer enim industriam atque obedientiam, quæ, Æschylo iudice, mater est felicitatis, ita probavit omnibus, ut pares haberet paucos, superiorem vero neminem. Ludo publico a. 1583. immissus tam cito pensum absolvit, ut jam a. 1585. a patre maturus haberetur, qui cum fructu exterarum Academicarum visitaret. Quamvis enim ætate adolescens esset, ingenio tamen atque cognitione senem æquabat, linguæ non saltem latinæ atque græcæ admodum peritus, sed & philologiæ, Logicæ atque universæ philosophiæ callentissimus, quin & jam aliquam Medicinæ possedit notitiam. Primum igitur anno ætatis 16. in Italiam mittitur, philosophica atque medica studia profecturus atque perfecturus. Majorem Italiæ partem cum perlustrasset, Patavii sedem fixit, & Jac. Zabarella non tam præceptore quam domestico plane amico usus, ejus in Logicis acumen, in Physicis sublimitatem usu & consuetudine suam fecit. In Ethicæ audivit Franc. Picolomini; in arte medica imitandos sibi proposuit Capivacium, Massarium, Campolongum, Aquapendentem, Guilandinum, maxime autem Horatium Augenum & Herculem Saxoniæ; hic adeo favebat Zuingeri, ut, nisi aliqua religionum obstitisset disparitas, ipsum adoptare & amplissimi patrimonii hæredem scribere cogitarit. In philologicis autem & literis humanioribus potissimum secutus est Pancirollam & Pinellum. Biennio hic transacto, Germaniam petiit, & postquam eam majori ex parte peragrasset, satis diu in variis celebrioribus civitatibus commoratus, tandem, octennio apud exteros consumto, reditum paravit, & a. 1593. salvus Basileæ advenit. Sequenti statim anno ordini gratioso studiorum rationem reddidit, & dignus fuit habitus, qui d. 29. Oct. 1594. phœbeam lauream publice acciperet; præmissa oratione in quæstionem: *quomodo homo cetera animalia functionum præstantia certisque ad id destinatis organis exsuperet?* nec non promotoris, Felicis Plateri, Theodori Zuingeri vitæ enarratione. Circa hæc tempora, d. 25. Sept. 1596. vitæ indissolubilem consuetudinem iniiit cum Juditha Brand, Bernhardi JC. & Tribuni plebis filia, ex qua 3. filios filiasque totidem suscepit, in illis inprimis celebrem Theodorum, S. Theol. Doct. ac Prof. nec non Sacrorum Antistitem. Jam anno huic præcedente, d.

16. Oct. 1595. Academiae proceres Linguæ Græcæ professorem eum constituerunt, quam provinciam, si quisquam alius, eximie exornavit; eandem autem cathedram jam a. 1594. vicario nomine conscenderat. Erudita pietate, ac pia eruditione, qua pollebat, principibus etiam viris placebat, in his *Mauritio Hassiæ Landgravio*, coram quo potentissimo heroe Zuingerus nomine & loco publico cathedram conscendit, & facundissima oratione disseruit, *quomodo philosophandum sit principi*. Nec non, ut alios mittamus, *Guilielmo Arragoso*, Gallo Tolosano, Cæsareo ac Regio Medico summo, religionis causa apud Basilienses exuli, qui in arte medica ac præcipue chymica Zuingerum diligentissime instituit, & jam juvenem tanto favore excepit, ut cum iter in Italiam institueret, hæcce albo amicorum ejus inscripserit: *Mane in Christo, & ejus verba retine. Sic quicquid voles, obtinebis. Ergo ora Patrem, ut per Filium tibi Spiritum concedat: quo mediante, ipsius veritatem dignoscas, & ejus voluntati obedias. Hæc in ingenui, speique peroptime adolescentis, Jacobi Zuingeri gratiam, Guil. Aragosius scribebat*, XIV. Kal. Jul. ClO. Cl. XV. C. Eundem etiam in patriam reducem idem in sinu gestavit, & bibliothecæ aliarumque facultatum hæredem scripsit; coelebs autem Aragosius Basileæ mortuus est annos natus 97. ex marasmo fenili d. 12. Maj. 1610. Medicinam autem exercuit Zuingerus diligentissime atque felicissime, præcipue in pauperes benignissimus. Nosocomium etiam vario morborum genere laborantibus refertum gratis annos bene multos invisit, non sine valetudinis periculo, studiosis etiam eo ad *αυτοψιαν* deductis. Ita autem cum Civitati atque Academiae maximo esset ornamento atque emolumento, fatalis hora advenit, quæ hunc Medicorum florem in ipso ætatis flore demersit & in beatorum sedes transposuit d. 11. Sept. 1610. postquam cum uxore sex horarum spatio ante eum extincta, peste correptus septem dies decubisset. Hoc eum carmine deplo-
ravit *Janus Gruterus*:

Ergo etiam, Zuingere, jaces, medioque juvenæ

Tramite destituis corda propinqua tuo!

○ dolor! o luctus! sic luxuriantibus arbor

Plena bonis, Boreæ flamine torta cadit,

Sic

Sic ablata carina suis lætissima ventis,

In faxa, in scopulos, in vada cœca ruit.

Macte tamen Zuingere; tuis nam quicquid ab annis

Parcarum abrafit pernicioſa trias:

Fœnore multiplici ſoboles ter terna Monetæ

Adiciet ſcriptis tempus id omne tuis.

Edidit *diatriben philoſ.* 1597. 4. *theſes de methodis*, 1598. 4. *de oratione & pſalmis ſtopographiam*, 1599. fol. *auctarium dialeſtorum omnium ad Scapulam*, 1600. 1605. recuſum 1620. 1628. 1665. Lond. 1637. *Vitam Luciani*, 1602. 8. *oceanum philoſ. de anima* eod. 4. *theſes logicas de ſyllogiſmo commutari*, eod. *themata philoſ.* eod. diſp. *de ſtatu & formis Rerum publ.* Baſil. 1609. 4. diſp. *de peregrinatione*, ib. 1610. 4. *patris theſaurum vitæ humanæ* auctius 1606; *tabulas de græcorum dialeſtis*; *examen principiorum chymicorum*, ad Hippocratis, Galeni ceterorumque Græcorum & Arabum conſenſum 1606. 8. *phyſiologiam ad parentis methodum expoſitam*; *etymologicum græcum magnum*; *commentarium in l. Galeni de definitionibus medicis*; *analyſin in pleraſque Pauli epiſtolas*; *Salomonis proverbialia ad certos titulos revocata*; *formulas precum*; *catechiſmum religionis chriſtianæ*; *teſtimonium de collato in Job. Phil. Pareum Magiſterii artium gradu* d. 9. Cal. Mart. 1599. editum Hanov. 1647. 4.

XII. HENRICUS JECKELMANN, Baſilienſis, Philoſophus ac Theologus eximius, natus eſt d. 2. Maj. 1565. patre *Franciſco*, celebri chirurgo. Cum præclara ingenii, iudicii atque memoriæ dona raro connubio in ipſo juncta mature emicuerunt, amicorum hortatu ſtudiis operam dedit; ludo literario exemptus a. 1581. biennio poſt Baccalaureus & a. 1587. Magiſter artium fuit renunciatus. Poſtea Theologiæ nomen dedit & in ea magnos fecit progreſſus. Præcipue autem variis linguis addiſcendis adlaboravit, & quidem, cum tenaciſſima poluerit memoria, feliciffimo ſucceſſu. Græcam linguam tam promte loquebatur ac latinam; gallicam atque anglicam ut germanicam; libros italicos & hispanicos legit ac intellexit; hebræam, chaldaicam atque ſyriacam callebat optime, ut in his ſicut illis alios cum fructu potuerit erudire. Has autem linguas didicit partim domi proprio Marte ex libris, partim apud externos per uſum. Domo enim per XIV. annos continuos abſuit, Tubingæ; Heidelbergæ, Marpurgi, Wittenbergæ, Lipſiæ, Francofurti ad Oderam commoratus; Galliam etiã atque Angliam

Angliam peragravit, integros novem annos cum Angliæ gubernatore Douvrensi conversatus. Linguam græcam atque hebraicam studiosos docuit gnaviter jam cum inter exteros versaretur, quo non tantum sibi viaticum sed & haud modicum pecuniæ supra usus suos comparavit. Domum cum rediisset laboris præmia accepit, & d. 19. Febr. 1611. professor linguæ Græcæ fuit designatus, quam ipsi demandatam provinciam summa fide, dum vixit, administravit; vir ceterum fuit humanitatis, modestiæ, mansuetudinis, pacis atque temperantiæ, pietatis in Deum atque homines studiosissimus. Vixit cœlebs annos totos LVIII., in conjugio vero annos X. cum *Dorothea Lang*, sed prole destitutus. Sefquianno ante obitum fulmine apoplectico fuit ictus & in lectum dejectus, acceperunt dolores nephritici exquisitiores, denique his malis liberatus d. 4. Maj. 1633.

Edidit *carmine græco inferias sacratas memoriæ Amandi Polani*, Theologi, & *Jac. Zuingeri*, Medici, Bas. 1610. *deplorationem cladis Basil. græcæ, qua viri celebres peste a. 1610. defuncti commemorantur*, ib. 1611.

XIII. JOH. JACOBUS FREY natus est ex antiquissima familia Basiliensi, quæ jam a. 1438. *Burcardum Frey*, virum fortissimum, Republicæ senatorem dedit integerrimum; natalis ejus incidit in d. 6. Jun. 1606. parentes vero veneratus est *Joh. Henricum Frey*, mercatorem, & *Estheram Ostein*. Hi unicam hanc prolem omni cura educarunt, omnemque laborem ejus saluti impenderunt. Mox in infantia publicis privatisque informatoribus, præcipue *Beato Helio*, gymnasiarchæ, commendatus tantos in literis atque moribus fecit profectus, ut a. 1621. ex decreto philosophorum ordinis in promotione verna ad lectiones publicas fuerit admissus. Civibus academicis adscriptus assidua lectione, meditatione, auscultatione atque exercitatione ita urfit studia, ut jam a. 1622. d. 13. Sept. publice de *patria cœlesti* cum adplausu verba fecerit, eodemque anno d. 26. Nov. primam Lauream obtinuerit; dein Physicæ, Mathesi atque Ethicæ tam diligenter operatus est, ut summos honores philosophicos d. 14. Maj. 1624. cum laude adipisceretur. Linguis eruditis artibusque liberalibus jam probe instructus ad sublimiora, quibus hæc inferiora famulantur, transit studia.

studia, videlicet theologica, nomen suum inter theologiæ studiosos eodem a. 1624. professus; omnem nempe scientiam magis obesse quam prodesse, si desit scientia Optimi, rectissime judicavit. Magno autem animi ardore sese sacris literis addixit, illas nocturna; illas diurna manu versare delicias suas duxit, unde summo cum adplausu d. 30. Jun. 1625. theses de *triplici Christi mediatoris officio* publice defendit. Solidissimis jam eruditionis atque veræ religionis jactis fundamentis, & alias regiones invisere constituit; maturus enim jam erat ætate atque prudentia, qui cum fructu peregrinaretur; itaque permittentibus illis, a quorum voluntate pendebat, sub initium Augusti a. 1625. Genevam versus iter adgressus est, quo salutatis in via Murato, Paterniaco atque Lausanna d. 11. Aug. pervenit. Hic Theologos præsertim, *Turretinum*, *Diodatum* atque *Tronchinum* frequenter adiit atque audit, aliquoties publice concionatus est, & binis vicibus in disputationibus respondentis vices mascule egit. Genevam reliquit medio Maji 1626. & idibus Maji Lugdunum adtigit; perrexit mox in itinere, & idibus Junii Lutetiæ advenit. Diutius hic substitit & propositum in Angliam iter in sequentem annum rejecit. Salutavit studiose hujus urbis eruditos, bibliothecam regiam aliasque curiosis oculis lustravit, exercitiis academicis interfuit, & quicquid visu dignum id omne avide atque adtente consideravit. Valedixit tandem Lutetiæ d. 8. Apr. 1627. & mox ad terram anglicam adpulit feliciter. Consideratis quæ Cantuariæ, Rocestriæ, Londini sunt memorabilia, Oxoniam contendit, ibique studiorum causa aliquamdiu substitit. Paulo post vero comes Corcagiæ, *Richardus Boyle* ipsum filii primogeniti, domini de Dunganvaran ephorum desideravit, cui & operam suam addixit & mense Januario a. 1630. Lysmoram cum eo concessit; ita autem hanc spartam gessit, ut ipsemet Prorex eum omnibus modis cuperet promotum; quod & citius evenit, cum d. 6. Maj. ejusdem anni a *Theophilo* Episcopo Menevensi Diaconus ecclesiæ anglicanæ constitueretur. Sed eodem anno patriam repetiit & d. 4. Jun. salvus in ea advenit, illico pastor Margarethanus designatus. Indulgente autem magistratu Basil. alterum in Angliam atque Hiberniam sequente anno instituit iter. Cum secundo flumine in Germaniam inferiorem descendit, Lugdunum Bat. atque Hagam comitis accuratius consideravit

deravit, nec ab eruditis solum sed & a Regina *Elisabetha* & principibus Palatinis humanissime exceptus. In Hiberniam redux inprimis exoptatus fuit comiti Corcagiæ, qui tum ab ipso tum per literas a magistratu Basiliensi desideravit, ut aliquamdiu apud ipsum permaneret; filiumque suum, dominum de Dungarvan, per Angliam atque Galliam iter facientem comitaretur. Consentientibus ambobus, novam hanc provinciam adiit, & pro omnium votis administravit. Interim Basileæ cathedra Linguæ Græcæ fuit vacuefacta. Inclinabant quidem nonnullorum sententiæ in Doctorem *Joh. Lucam Chmielecium*, Medicum Mullhusinum; sed eum senatus istius loci munere senatorio arctius sibi devinctum retinere studuit. Hinc eo abnuente vocationem, d. 28. Jan. 1634. Freyius noster professionem istam obtinuit, quam polthabitis, quibus in Anglia frueretur, maximis honoribus atque redditibus accepit. Cum vero reditum in patriam non ita accelerare posset, ut studiosorum commoda requirebant, ejus interea vices egit partim *Samuel a Brunn*, minister Jacobæus; partim *Joh. Rodolphus Wettstein*, ejus postea in eodem hoc munere successor. Advenit tandem d. 17. Jul. 1635. & munus sibi commissum adiit d. 18. Aug. 1635. prælectione, qua ad historiam linguæ græcæ spectantia delineavit. Eodem anno d. 9. Nov. uxorem duxit *Catharinam Guntzer*, *Sebastiani Guntzeri* & *Margarethæ Stabelin* filiam, *Jacobi Bernoullii* viduam. Cum autem spartam suam exornare contenderet atque exornaret, eo ipso mense, quo connubia concelebravit, literas accepit a *Guilielmo Bechero*, equite aurato, quibus institutio junioris ducis Buckinghamiæ ipsi offerebatur, & cum ea reditus & honores supra votum. Sed arctioribus jam catenis patriæ adligatus hos honores a se declinavit. Sub illud ipsum autem tempus mortuo Decano Armachano ad splendidam illam in Archiepiscopatu Armachano functionem legitime fuit vocatus, eique illa vocatio a *Jac. Vsserio* Archiepiscopo Armachano & *Thoma Littell*, Proregis Hiberniæ secretario insinuata; quin ipse Prorex ea de causa ad magistratum Basil. literas pro impetranda dimissione exaravit. Re mature deliberata adnuit vocationi & proximo vere ad iter in Hiberniam faciendum sese accinxit. Sed Dei cogitationes eadem non sunt semper quæ nostræ, isque haud raro aliter disponit, quam homo sibi propo-

proponit. Id & hic accidit. Omnia cum itineri essent præparata, incidit Freyius in febrem ardentem, qua d. 21. Aug. 1636. animam exhalavit, relicta uxore gravida, quæ d. 11. Dec. 1636. filium peperit, *Job. Jacobum*, qui d. 2. Oct. 1720. pastor Leonhardinus obiit.

Scripsit *orationem de lingua græca, bodæporicon* & alia non edita; nec non diss. *de vocatione ad Christum*, Genev. 1626.

XIV. JOH. RODOLPHUS WETTSTEIN electus Linguæ Græcæ professor d. 3. Mart. a. 1637. hanc cathedram per integrum sexennium ornavit, d. 10. Mart. 1643. ad Organicam vocatus. V. Prof. N. T. n. 9.

XV. HIERONYMUS ZENOIN natus est Basileæ a. 1612. patre *Michaële Angelo Zenoin*, Veneto Vicentino, qui cum fratribus, *Thoma* atque *Hieronymo*, jus civitatis Basiliensis acquisivit. Ab ineunte ætate literis adhibitus tanta in iis fecit incrementa, ut a. 1628. gymnasii nostri carceres egressus philosophiæ cultoribus fuerit adscriptus. Philosophiæ autem cum sedulam operam navasset, & A. L. M. titulum d. 29. Nov. 1631. meritis accepisset, Medicinæ studio se totum sacravit, eo usque in eo progressus, ut summos in Medicina honores d. 28. Sept. 1641. pro merito suo publice referret. Ægrotis dein consiliis suis saluberrimis promptus adfuit atque sedulus, in praxi medica atque præsertim chymia multum occupatus. Vxorem, animi laboribus fatigati oblectationem, habuit *Elisabetham Thurneisen*, *Joh. Vlrici*, senatoris, filiam, ex qua 4. liberos sibi superstites habuit. Productus autem fuit ob singularem in studio philologico atque literatura græca peritiam ad usus academicos & d. 10. Mart. 1643. Linguæ Græcæ professor denominatus; cui provinciæ fide qua debuit, atque, qua licuit, industria præfuit. Etiam a. 1650. Oeconomia superioris collegii ei fuit commendata, quam itidem dextre atque fideliter administravit, donec præmaturem fato tactus ad metam pervenit d. 2. Jan. 1654.

XVI. THEODORUS WOLLEB, filius *Johannis Wollebii*, S. Theol. Doct. ac Prof. nec non Sacrorum Antistitis, & *Catharinæ Falckeisen*, vitæ lumen adiit d. 28.

A 2

Apr.

Apr. a. 1625. Absoluto feliciter ludi literarii curriculo, a. 1640. ad Academiam transiit & sapientiæ amorī deditus philosophicas prælectiones publice privatimque frequens audiuit; audita etiam diligenter repetendo atque meditando, insuperque optimos auctores legendo atque relegendo ad eam pervenit in hisce scientiis eruditionem, ut sapientissimus ordo ei solennia eruditionis testimonia publice conferri decreverit; accepta itaque d. 18. Jan. 1642. prima Laurea, & d. 6. Jun. 1643. doctoris philosophici dignitate, studium paternum adgressus eodem hoc anno nomen in album studioforum theologiæ retulit, & ab ore consummatissimorum Theologorum, *Seb. Beckii*, & *Theodori Zuingeri*, totus pependit. Nulla enim capitalior pestis studiosos invadit, quam si sui juris sint, priusquam sint sui iudicii; hoc demum si ad maturitatem pervenit, & verba magistrorum, in quæ utique non jurandum, æqua lance ponderari & ad lydium lapidem, infallibile Dei verbum, probari & non nisi probata retineri possunt debentque. Hac via Wollebius Theologiam tractavit, hacque via felicissimos in ea fecit progressus, ut a. 1646. omni suo merito in numerum S. Ministerii Candidatorum fuerit adlectus. Opera vicaria concionatoria in urbe & agro aliquamdiu præstita, Genevam abiit, ibique specimina eruditionis concionibus frequentibus edidit. Galliam inde petiit ad statum ecclesiarum & praxin ecclesiasticam pernoscendam. Cum deinde a. 1649. *Dorothea Sophia*, comes Hohenloënsis, concionatorem aulicum a ministerio eccles. Basil. expeteret, in eum amplissima spe consensum, ipseque in arcem Schillingsfürst amandatus est. Hinc, universæ hujus nobilissimæ familiæ perenni gratia sibi conciliata, a. 1654. in patriam reversus & d. 15. Sept. ejusdem anni professor Linguæ Græcæ & paulo post Visitator Gymnasii constitutus fuit. Biennio autem hoc munere cum laude functus, aliam vocationem obtinuit, & pastorum Martinianum d. 29. Apr. a. 1656. sibi oblatum, deposita professione, accepit. Hujus etiam muneris partes concionando, monendo, consolando, docendo, explevit singulas, ægrotos, etiam peste correptos, vocatus & non vocatus invisit, quin cum ipse primos pestiferæ luis insultus sentiret, ad peste correptum concessit, a quo domum reversus, ægrius habere cœpit & denique d. 7. Nov. 1667. lue hac epidemia fuit extinctus.

Relicta

Relicta 17. annorum conjuge, *Vrsula Imhof*, senatoris filia, ex qua quaternam prolem sustulit, filiolum autem *Johannem* jam a. 1661. defunctum deslevit.

Edidit idiomate germanico aliquot conciones funebres, itemque *decadem questionum physicarum de cælo sydereo* &c. Bas. 1646. 4.

XVII. JOHANNES ZUINGER Linguæ Græcæ Professor denominatus est d. 3. Oct. 1656. illudque munus obiit, donec d. 3. Mart. 1665. Locorum communium ac Controversiarum Theol. Prof. fuit designatus. V. Prof. V. T. n. 15.

XVIII. JOH. HENRICUS GLASER Zuingeri in professione græca successor constitutus fuit d. 21. Apr. 1665. & in hac cathedra subsedit usque ad d. 30. Sept. 1667. quo professio Anat. & Botan. ei obtigit. V. Prof. Anat. & Bot. n. 7.

XIX. JOH. JACOBUS HOFFMANN natus 11. Sept. 1635. ex *Joh. Jacobo Hoffmann*, præceptore gymnasii & *Juditha Kærber*, literis moribusque bonis mature atque sollicitè imbutus, &, emenso scholæ trivialis curriculo, a. 1647. ad lectiones publicas fuit promotus. Philosophiæ autem cum sedulus studuisset, & professoribus diligentiam suam in studio philosophico certis argumentis probasset, laboris mercedem, primam Lauream, obtinuit d. 12. Dec. 1648. præmissa oratiuncula in quæstionem: *An arrogantia sit scopulus virtutis?* continuato hoc studio atque eruditione haud parum adaucta, etiam altero præmio adfectus, &, postquam *causas eclipsium solis & lunæ* publice edisseruit, d. 20. Aug. 1650. doctoris philosophici titulo fuit condecoratus. Eodem anno studio sacro initiatus Theologiæ dogmaticæ atque polemicæ diligentem operam navavit, & linguarum textus Scripturæ originalium, historiæ ecclesiasticæ atque antiquitatum sacrarum eximiam sibi comparavit notitiam, adeo ut d. 23. Mart. 1655. magno suo merito Ministris verbi divini fuerit adnumeratus. Cum autem corporis atque valetudinis infirmitas obstaret, quo minus duriores Ministerii S. labores perferret, in id incubuit maxime, ut scientia atque peritia divinarum atque humanarum

narum rerum, quam indies cumulaverat, aliis pròdes-
set & instar Bezaleelis Nasiræos sacros ad opus Dei in
ecclesia atque academia perficiendum formaret atque in-
strueret. Hanc suam singularem in aliis docendis in-
dustriam atque peritiam cum jam satis probasset, Aca-
demiæ procures ei publicum munus detulerunt, eum-
que d. 19. Nov. 1667. linguæ Græcæ professorem dixe-
runt. Hanc provinciam omni diligentia administravit,
donec d. 21. Dec. 1683. ad professionem Historiarum
fuit translatus, quam adiit d. 7. Mart. 1684. prælectio-
ne inaugurali de *Historici officio*, atque, dum vixit,
diligentissime obiit. Interim vacante ex morte Joh. Ro-
dolphi Wettstenii, patris, cathedra theologica, operam
suam una cum Joh. Rod. Wettstenio, filio, amplissi-
mæ Regentiæ & ordini theol. modeste obtulit, & editis
consuetis speciminibus petiit, imo ut peteret animatus
fuit, ἀξιωμα doctoris theologiæ, quod, quia id prolixè
meritus fuerat, promotione solenni cum J. Rod. Wett-
stenio, qui hanc cathedram tum obtinuit, a Doctore,
Professore atque Antistite, Petro Werenfelsio, d. 2.
Jun. 1685. accepit, qua occasione de ecclesia ultimorum
temporum publice disseruit. Denique aliis cum satis do-
cendo profuisset, d. 10. Maj. 1706. marasmo senili con-
sumtus ad astra scandit. Donavit fisco acad. in usum
pauperum scholarium libras ducentas valoris Basil.

Edidit dissertationem de *Individuo*, 1659. de *scientia de-
monstrativa*, eod. de *notitia Dei naturali*, 1660. *questio-
nes philos.* 1661. *assertiones philos.* 1665. *theses ex Socrati-
cis dialogis*, 1667. de *successione*, 1670. de *natura anima
humana*, 1671. *theses ex philosophia organica*, 1674. de
mendacio officioso, eod. *positiones philos.* 1677. de *mundo*,
1679. de *politica natura*, 1684. *positiones politicas*, I. 1687.
II. eod. III. 1689. IV. eod. V. eod. VI. VII. VIII. 1690.
IX. 1691. X. XI. XII. 1694. XIII. 1695. XIV. 1696. XV.
XVI. 1697. XVII. 1698. XVIII. 1700. *theses ex philosophia
moral.* 1691. de *sermone ad reip. salutem relato*, I. 1695.
II. 1696. de *hospitalitate*, 1697. de *passionibus anima Christi*,
1685. de *peccato*, eod. *Lexicon univ. historico, geographicum,
chronologico, poetico philologicum*, 1667. recusum 1674. 4.
T. fol. ejus continuatio edita 1683. & totum opus auctius
prodiit Lugd. Bat. 1698. *Poëmata*, 1684. *Epitomen histo-
ria univ.* 1686. 12. *historiam Paparum*, 2. T. 1687. *Pro-
gymn. poet. rerum terrenarum*, Bas. 1691. 12. Ejus etiam
opus est *Historia Augusta Impp. Rom. a C. Jul. Cas. usque
ad*

ad *Josephum* ex Jo. Petri Lotichii & Jo. Jac. Hofmanni & *traffichis*, &c. Amstelæd. 1707. fol. c. f.

XX. JOH. RODOLPHUS WETTSTEIN ex Oratore fit Græcus d. 4. Jan. 1684. & d. 10. Jul. 1685. ad professionem Locor. comm. & Controv. Theol. transfertur. V. Prof. V. T. n. 17.

XXI. SAMUEL WERENFELS, vicarius professoris Logici, Græcus eligitur d. 21. Jul. 1685. & ad Oratoriam transiit d. 18. Febr. 1687. V. Prof. V. T. n. 18.

XXII. JOHANNES WETTSTEIN, J. V. D. Logicæ professor vicarius, Græcam cathedram occupavit d. 10. Jun. 1687. prælectione inaugurali *de græcæ linguæ studio recte formando*, mutavit autem hanc cathedram cum Ethica d. 27. Sept. 1695. V. Prof. Pand. n. 11.

XXIII. EMANUEL KOENIG, Med. Doct. constitutus linguæ græcæ professor d. 19. Dec. 1695. ad Physicam vocatur d. 18. Dec. 1705. V. Prof. Med. Theor. n. 15.

XXIV. JOHANNES BERNOULLI, seculi sui *Archimedes*, *Cartesius*, *Newtonis*, *Leibnitii* non secundus, decimus fuit partus parentum, *Nicolai Bernoullii*, mercatoris ac CC. viri & *Margarethæ Schænauer*, editus d. 27. Jul. 1667. In juvene raræ animi dotes observatæ atque a parentibus ad mercaturam faciendam destinatæ fuerunt, quo fine a. 1682. carceres Gymnasii egressus, Neocomum abiit, ut linguam gallicam simulque mercaturæ elementa addisceret. Sed, divina providentia ad mercaturam bonarum artium destinatus, hoc negotii genus majori amore atque labore fuit prosecutus, quam illud, cujus gratia illuc fuerat missus. Hæc cum in eo a. 1683. domum reverso observarentur, genio suo, id est, musis, optimis ominibus, fuit permissus. Hanc facultatem adeptus, novo fortiorique impetu in literarum studia ferebatur. Philosophiæ sedulam operam dedit, & in omnes ejus partes penetrare contendit. Primam Lauream d. 10. Jun. 1684. ei imposuit Nicol. Eglinger, Med. Doct. & Phys. Prof., in qua promotione *de igne lambente* carmine latino verba fecit. Secunda autem

laurea, quæ Magisterii est, idem promotor eum ornavit d. 8. Dec. 1685. habita prius oratione, qua carmine græco *principem esse propter subditos* facunde probavit. His jactis fundamentis, Medicinæ studium sibi prosequendum proposuit, quod itidem omnibus viribus præstitit, ut a. 1690. præmissis consuetis examinibus atque erudita dissertatione de *effervescentia & fermentatione* Licentiam summum in Medicina honoris gradum accipiendi maxima cum laude obtineret. Hunc autem Medicinæ Doctoris titulum, præmissa altera dissertatione de *motu musculorum*, sibi demum tribui passus est d. 20. Mart. 1694. publice sermocinatus de *origine & dignitate Medicinæ*, & *una de utilitate Matheſeos ad studium medicum*. Ceterum ad exemplum atque ductum fratris XIII. annis majoris, *Jacobi Bernoullii*, Matheſeos Professoris Basiliensis celeberrimi, a prima jam juventute mathematicis scientiis vacavit, tanto fervore tantaque animi intentione, ut non solum biennii spatio omnes tam veteres quam recentiores mathematicos perlegerit, sed & plura meditando ipse nova detexerit, quemadmodum ejus scripta demonstrant; in primis laboribus, quos edidit, quique famam eruditionis ejus longe lateque sparserunt, nominandus est *calculus differentialis* atque *integralis*; scripta autem huc pertinentia occurrunt in actis Eruditorum, collecta autem cum aliis in Operibus ejus Lausannæ editis. Labente anno 1690. Genevæ profectus Mathematicorum præcipue aliorumque Eruditorum amicitia fuit usus, præ aliis autem sibi habuit conjunctissimum *Joh. Christophorum Fatio de Duillier*. Elapsis 8. mensibus, Septembri 1691. in Galliam transiit, & per Lugdunum Lutetiam Parisiorum, elegantiorum literarum patriam, contendit. Hic hebdomadariis Academiæ Scientiarum conventibus atque exercitiis interfuit, & in familiaritatem venit *P. Malebranche*, *de la Hire*, *Varignon*, aliorumque primi ordinis eruditorum; quin a nobilissimo Marchione de *l'Hospital* hospitio exceptus, magnique habitus fuit. In hujus patroni agro tusculano, in *Blois* sito, quatuor menses commoratus *calculum exponentialem* invenit. Pro desiderio parentum Novembri 1692. patrios lares revisit, & cum magno *Leibnitio* commercium philosophicum & mathematicum instituit, quod in lucem prodiit 2. T. in 4. Lausannæ 1745. Eodem Leibnitio auctore princeps Braunschwei-

Braunschweigenfis, *Antonius Vltricus*, a. 1693. Bernoullium nostrum Guelpherbytum vocavit, ut publico nomine disciplinas mathematicas doceret, sed de ea provincia accipienda sese apud eum humillime excusavit. Paulo post, nempe d. 6. Mart. 1694. matrimonio sibi conjunxit *Dorotheam Falckner*, quæ novem liberorum ex eo facta est mater. Ex quibus duo filii, *Daniel* atque *Johannes*, ille Physicam, hic Mathesin, in Academia Basil. summa cum laude adhuc docent; natu major vero, *Nicolaus*, J. V. L. natus d. 27. Jan. 1695. postquam inde ab a. 1722. Bernæ per triennium Jura, & Petropoli a d. 26. Oct. 1725. per octo saltem menses Mathesin docuisset, etiamque scriptis variis inclaruisset, acerbissimo fato d. 26. Jul. 1726. Petropoli diem obiit, honoris causa sumtibus imperatoriis elatus. Patri autem Bernoullio a. 1695. duæ simul oblatae fuere cathedræ mathematicæ, una Halæ Saxonum, altera Groningæ Frisiorum, hanc illi prælatam adiit d. 28. Nov. 1695. eamque provinciam maximo cum adplausu & auditorum atque spectatorum concursu, inprimis cum physicam experimentalem tractavit, solertissime obiit. Certatim mox a plurimis scientiarum academiis atque societatibus sodalis fuit adlectus, ut a. 1699. a *regia academia scientiarum Parisina* una cum fratre *Jacobo*, qui honos eo magis æstimandus, quod 8. tantum peregrinis ad eum aditus pateat; a. 1701. a *regia Berolinensi*; d. 1. Dec. 1712. a *regia Londinensi*; a. 1724. a *Bononiensi*; a. 1725. ab *imperatoria Petropolitana* -- -- Rex Borussiae, *Fridericus I.* ad cujus mandatum Bernoullius in *Academiæ Scientiarum Berolinensem* susceptus fuit, eidem moneatam auream, 40. ducatorum pondere, cui effigies regia impressa est, ex occasione barometri lucentis ab eo confecti, quo rex inprimis delectabatur, dono misit. Interim a. 1703. Curatores academix Ultrajectinæ magnum hunc virum sibi vindicare studuerunt, eique professionem Mathematicam decreverunt; sed Groningenses, aucto salario, eum retinuerunt. Academia etiam Basiliensis fructus a cive suo percipere desiderans eum d. 18. Dec. 1703. professorem linguæ Græcæ designavit; quam quidem provinciam cum gratiarum actione accepit, efflagitavit tamen, ut ipsi permitteretur, adhuc aliquamdiu Groningæ subsistere. Hoc ei concessum, & interea vicarius, qui integro salario frueretur, constitutus

tus est *Samuel Battier*, Med. Doct. Antequam autem Groninga discederet, & professionem Græcam adiret, senatus acad. Basil. d. 21. Sept. 1705. ei obtulit professionem Matheseos, ex obitu fratris Jacobi vacantem, quam & d. 17. Nov. 1705. publice auspiciatus est prælectione *de altioris geometriæ nova analysi*, ejusque usu & necessitate ad studium physicum; quæ academiciæ vocatio non tantum a Magistratu Basil. ratâ habita fuit atque adprobata, sed & novo huic professori supra salarium consuetum, honorarium, ad dies vitæ continuandum, fuit decretum. Circa hæc tempora iteratum sed frustraneum iterum fecerunt tentamen de Bernoullio adipiscendo Ultrajectini curatores, quod a. 1709. repetierunt, sed irritum conatu. Etiam an. 1714. Patavini & an. 1717. Groningenses iterum lautis conditionibus eundem ad se invitarunt. Sed his omnibus jam amor prævaluit patriæ. Præterquam quod officii publici partes omnes exacte implevit, Rectoratum acad. iterum & Decanatum philos. octies dextre gessit; commoda Gymnasii, cujus visitator erat ab a. 1725. singulari industria promovit. A. 1722. legatione fungebatur nomine Academiæ ad Episcopum Basil., idque graviter atque decenter. Inter hosce honores atque labores publicos privatim physica atque mathematica studia diligentissime prosecutus est, non solum legendo atque meditando, sed & scribendo atque libros plurimos edendo; commercium literarium instituit atque continuavit cum philosophorum atque mathematicorum principibus, *Leibnizio*, *Newtonio*, *de Fontenelle*, *Marchione de l'Hopital*, *de Moivre*, *de Mairan*, *de Montmort*, *Varignon*, *Hermanno Basil.*, equite *Renau*, *de Maupertuis*, *de Tschirnhaus*, *Jac. Scheuchzero*, *Michelotti*, *Craig*, *Burnet*, *Wolfio*, *Cheyne*, *Poleni*, *de Croufaz*, *Cramer*, *Bulfinger*, *Sgravefande*, *Eulero Basil.* cum quibus aliisque de suis aliorumque inventis diligenter communicavit. Controversiæ quæ ipsi cum equite *Renau*, *Jurin*, *Broock*, *Taylor*, *Keil*, *Pemberton*, *Robins*, comite *Ricati* atque aliis fuere obortæ, ejus famæ non solum nihil detraxerunt, sed eam auxerunt potius atque gloriosorem reddiderunt. A. 1730. ab academia scientiarum Parisiensi obtinuit præmium L. 2500. ob solutionem problematis *de causis physicis ellipticarum figurarum planetarum*; & a. 1734. geminati præmii L. 5000. dimidiam

diam partem ipse & alteram filius *Daniel* ab eadem academia accepit ob solutionem problematis *de inclinatione mutua orbitalium planetarum*. Tandem vir acutissimus, a multis ad altra sublatus, marasmo senili exesus, d. 1. Jan. 1748. astra petiit, cœlitibus æternum adsociatus. Ejus Elogium legi potest in *Histor. Acad. Scient. Paris.* a. 1748. p. 124. ut & in *Histor. Acad. Scient. Berolin.* a. 1747. p. 22. it. a. 1750. p. 173. nec non in *Pinacotheca Bruckeriana*.

Opera ejus *Actis Eruditorum Lipsiensibus*, *Parisiensibus*, *Berolinensibus* ac *Petropolitanis* inserta, nec non separatim excusa, etiamque manuscripta, in unum collecta & IV. Tomis in forma 4. c. f. edita sunt *Lausannæ* 1742. præter commercium literarium *Leibnitianum* atque *Bernoullianum*, quod ibidem seorsim 2. T. in 4. c. f. prodit 1745.

XXV. SAMUEL BATTIER, facundia græca pollentissimus, lucem hanc adspexit primum d. 23. Jan. 1667. Puer missus est in gymnasium patrium, in quo absque ullius præceptoris privati opera per singularem discendi cupiditatem tantum profecit, ut a. 1680. sub æquinoctiî autumnalis tempus ad lectiones publicas in academia audiendas admitteretur. Ab eo tempore audivit diligentissime professores in philologicis & philosophicis disciplinis docentes; præcipue autem usus est institutione privata *Joh. Rod. Wettstenii*, filii, tum quidem *Oratorix*, postea *S. Theologiæ* professoris, quo duce etiam in græcis egregia eruditionis suæ fundamenta posuit. Eodem etiam *Wettstenio* brabeuta utramque philosophicam lauream publice obtinuit; primam quidem d. 30. Maj. 1682. secundam autem 4. Dec. 1683. Laureatus *Hectorem* carmine heroico laudavit; artium vero Magister carmine græco *triumphum Germaniæ de Turca* exposuit. In omnigena jam sapientia probe exercitatus, & artium propædeuticarum notitia eleganter imbutus, studio artis medicæ se dedit, cujus discendi causa audivit publice privatimque *Joh. Casp. Bauhinum*, *J. Rod. Burcard*, *Jac. Roth*, *J. Jac. Harder*, *Nic. Eglinger* & *Theod. Zuinger*. Non abiecit interim studium philosophicum & philologicum. *Mathesin* solertissime didicit, præceptore usus *Jac. Bernoullio*. *Algebram* item calculum differentialem ac analysin infinite parvorum sibi familiarem reddidit. Studio medico finito, doctoratus

A a 5

medici

medici dignitates & immunitates accepit d. 30. Dec. 1690. publice differens *de matheſeos in medicina utilitate*. A. 1696. iter literarium ſuſcepit in Galliam, ibique mathematicos, philoſophos, philologos & medicos, *Tournefort, du Vernay, Homberg, P. Malebranche* &c. frequenter audivit publice privatimque differentes. In bibliothecis Pariſiſis, regia præcipue, adſiduus fuit, in qua & sæpius quinque aut ſex horas continuas exegit, manuſcripta omnis generis græca evolvens. Argentoratum dein profeſtus adiit *Bæclerum, Kibnium & Scheidum*. Cum rediſſet domum, accepit literas a *Nic. Gurtlero*, Baſil., qui tum apud Bremenſes docebat, qui eum ad ſtationem aliquam in ea ſchola obeundam invitabat. Porro *J. Henr. Wettſtein*, etiam Baſilienſis, ſed qui Amſtelodami typographicam artem ſumma cum laude exercebat, ipſum ad ſe aut in aliam Batavorum academiam traducere laborabat. Verum patriam relinquere noluit Battierius, quæ & ipſum paulo poſt præmiis laboris dignis remunerata eſt, d. 18. Febr. 1704. vicarius & d. 14. Dec. 1705. ordinarius linguæ Græcæ profeſſor ab Academia proceribus conſtitutus. Dum ita provinciam ſuam ſtrenue ornaret, menſe Sept. 1711. a *Luca Schrackio*, Acad. nat. curioſ. præſide, accepit literas, quibus ejus Academiae ſocius, cognomento *Erotianus*, dicebatur. Tantum autem abſuit, ut artis medicæ ſtudium abjecerit, ut potius & optimos quoſque libros legendo, & medicinam faciendo docendoque eam ſedulo excoluerit. Imo vero etiam a. 1711. item a. 1721. nec non 1724. editis ſpeciminibus diſputationum atque prælectionum Medicam cathedram tum vacantem ambibat. Sed Deo viſum fuit, ut ad finem uſque vitæ græcæ linguæ docendæ inſudaret, id quod etiam docendo atque ſcribendo ſedulo fecit. Inde ab a. 1727. viſitator fuit Gymnaſii Baſil. eique utilem operam præſtitit. Obiit tandem cœleſtis tot laboribus & ſenio debilitatus d. 23. Apr. 1744. Legavit Academiae ſortem 1200. florenorum, cujus uſura, impletis nonnullis conditionibus, cedit Studioſo Baſilienſi.

Scripta ejus edita ſunt: *Diſſ. de generatione hominis*, 1690. *Cogitata de ſimplici apprehenſione*, cum adnexis notis in varios autores græcos, 1693. *Specimen philolog. ſ. Observationes in Diog. Laërt.* - - 1695. *hypoſnemata de eloquentia*, cum notis in auctores græcos, 1696. *de mente humana*, I. 1697.

I. 1697. II. 1701. *cum manipulo emendationum in Diog. Laërt. Observationes in Diog. Laërt.* 1705. *diff. de mundo*, 1710. *de cognitione sui ipsius*, 1711. *descriptio œconomia corporis humani*, I. 1711. II. 1721. *Positiones medica*, 1724. *disquisitio de idea Dei non innata*, in qua Lockius adversus Sberlockium vindicatur, 1721. *Observationes. S. in loca quædam N. T. Bibl. Brem.* cl. 6. p. 84. in l. ad Gal. 2. 3-5. ib. cl. 7. p. 56. in Job. 7. 21-23. ib. cl. 8. p. 745. *decas observ.* in N. T. ib. p. 941. *οὐδοα; obs.* in N. T. Mus. Brem. V. 2. P. 2. p. 181. *prælectio de requisitis professoris linguæ græcæ &c.* Mus. helv. P. 10. p. 289. *Oratio de studii linguæ græcæ utilitate atque commodis, deque aptissimo modo & ratione facilissima studium illud incipiendi*, ib. P. 12. p. 523. *prælectio de iis, ad qua potissimum attendi debeat, ut quis in antiquis græcorum scriptis non solum loca corrupta deprehendere, sed & eadem, si ullo modo id fieri possit, emendare valeat*, ib. P. 13. p. 1. *Oratio de literarum græcarum post indurctam plurimum seculorum horrendam barbariem in occidentalibus Europæ partibus interitu, & quomodo ex singulari Dei beneficio tandem illa insigniter restoruerint*, ib. P. 14. p. 163. *Observationes in Euripidis Hecubam*, ib. P. 17. p. 30. it. in *Euripidis Orestem*, ib. P. 18. p. 175. it. in *Eurip. Phœnissas*, ib. P. 19. p. 341. it. in *varias Euripidis tragedias*, ib. P. 22. p. 201. *Pollucis etiam Onomastici editionem Hemsterhusianam, nec non editionem operum Origenis a Ruao curatam, itemque editionem Hippocratis Trillerianam*, licet ejus nomen fuerit suppressum, ipsum opera sua multum juvasse constat, missis & observationibus & variis lectionibus ex codicibus Biblioth. Basil. Mst. collectis.

XXVI. JOH. JACOBUS WETTSTEIN, vir in Theologia Patristica versatissimus, natus est Basileæ d. 5. Mart. 1693. patre Joh. Rod. Wettstein, pastore Leonhardino, matre Sara Sarasin. A patre erudito, ac matre prudentissima, utrisque veræ pietatis amantibus, omnia adminicula filio ex 13. liberis secundo fuere suppeditata, quibus animus & mores in sui atque societatis commoda formarentur. Mature æmulari cœpit non solum parentum sed & majorum virtutem atque eruditionem, nec sine successu. Latinis græcisque literis, nec non aliis scientiis, quibus pueri solent imbui, jam satis instructus, ad academiam accessit a. 1706, & prælectiones philosophicas diligenter atque adtente audivit. Privatim autem indefesso studio artes atque scientias, ad pensum ejus pertinentes, excoluit, dignusque etiam habitus fuit, qui

qui titulis philosophicis exornaretur. Prima nempe Laureæ condecoratus fuit d. 22. Maji 1708. oratione publica probans, *bonis omnia in bonum cedere*. Corona autem Magistrali redimitus fuit d. 28. Maj. 1709. & tum *Chilonem*, secundum ex septem Græciæ sapientibus, publice atque diserte laudavit. Eodem isto anno, nempe d. 26. Apr. 1709. studio theologico nomen dedit, & ita strenue in eo versatus est, duces inprimis secutus patrum *J. Rod. Wettstein, Sam. Werenfels, Jac. Christoph. Iselin & Job. Lud. Frey*, singulos Theologos consummatissimos, ut mense Martio 1713. S. Ministerii Candidatus designaretur. Vulgari autem Ministrorum eruditione haud contentus altius scandit & ipsos fontes adiit, scriptores græcos, ecclesiasticos atque profanos, summa industria legens & in usum suum convertens; etiam codices manuscriptos græcos, quos Bibliotheca publica Basil. plures possidet antiquissimos, sub auspiciis patrum *J. Rod. Wettstenii*, bibliothecarii, diligenter evolvit, & varias exinde lectiones collegit. Linguam etiam hebraicam, nec non dialectum rabbinicam, talmudicam, chaldaicam atque syriacam, *Job. Buxtorfio* duce, sibi fecit familiarem, harumque linguarum ope utriusque Fœderis librorum sensum penitus atque feliciter indagare didicit. Cum autem non omnis ferat omnia tellus, etiam exterarum regiones invisere statuit. Itaque mense Aprili 1714. iter literarium instituit, atque primum per Turicum & Bernam Genevam petiit, ibique per aliquod tempus commoratus est. Inde per Lugdunum Lutetiam Parisiorum adiit; tandem sequentis anni mense Augusto in Angliam trajecit. Ubique viros literatos salutavit, eorumque familiari commercio usus est. In his præter alios erant *Montefalconius, Ruæus, Courayerus* atque *Bentlejus*. Ubique etiam, qui potissimus itineris literarii scopus erat, Codices N. T. manu exaratos avide pervolvit, & cum impressis studiose contulit, eorumque accuratam descriptionem deinceps in Prolegomenis N. T. exhibuit. Dum in Anglia commorabatur, a nobilissimo *Chambrierio* legionis helveticæ, stipendia hollandica merentis, & tunc temporis Rochestriæ militantis, duce, ut vocatur, Brigaderio, legionis concionator electus est a. 1716. Rochestriam ergo se contulit, legionem tamen, ejusdem anni mense Julio in Hollandiam traicientem, non e vestigio secutus est.

Moram

Moram injecit Rich. Bentejus, qui visis schedis, in quibus variæ lectiones ex codicibus Mst. Gallicanis a Wettstenio notatæ fuerant, eum rogavit, ut Lutetiam rediret, & codicem S. Ephraim Syri iterum & quantum fieri posset, accuratissime conferret, quod &, consentiente Chambrierio, fecit. Hinc elapsis tribus mensibus ad legionem in Sylvam Ducis rediit, & quæ fecit notata Bentejo misit. Sacra ergo apud legionem facere incepit mense Nov. 1716. Vix autem aliquot mensibus elapsis, in patriam vocatur ad communem Diaconatum obeundum. Reversus itaque mense Julio 1717. Basileæ advenit & commissum munus adgressus est. Triennio autem exacto Patri a Diaconatu Leonhardino ad ejusdem coetus Pastorum translato successor datus est atque collega. Ab isto autem Diaconatu, urgentibus causis commotus, a. 1730. decessit, & ad Batavos contendit; Amstelodami apud Wettstenios, bibliopolas, degens mox Remonstrantibus innotuit, qui perspecta ejus eruditione a. 1731. Clerico, jam senio debilitato, eum successorem dederunt; munus vero istud demum mense Majo 1733. postquam nempe prius Basileam hincque iterum Amstelodamum rediisset, solenniter auspicatus est. Dum vero hic strenue atque cum adplausu philosophiam doceret, d. 12. Oct. 1744. a senatu academiciæ Basiliensis professor Linguæ Græcæ electus & pro more a Magistratu Reip. confirmatus est. Sed Societas Remonstrantium omnem movit lapidem; ut egregium hunc virum retineret, ipsique aucto honorario historiæ ecclesiasticæ professionem decrevit. Precibus tandem Remonstrantium cessit & vocationem Basiliensem recusavit. Sequente anno autem Basileam iterum petiit, matrem atque amicos visurus. Batavis dein redditus ad pristinos labores rediit & auditoribus Clerici opera philosophica explicuit methodo perquam concinna atque perspicua; interspersis etiam iis, quæ Newtonus ejusque discipuli deinceps invenerunt noviter vel clarius exposuerunt. Historiæ autem ecclesiasticæ compendium ipse confecit, quo in prælectionibus tanquam filo utebatur. Inter hos labores continuos propositum Varias Lectiones N. T. undique colligendi & aliquando edendi non abjecit, sed diligenter urisit, per literas ab eruditis subsidia petens, etiamque in Angliam proficiscens, ubi ipsemet iterum varios codices contulit. Tandem opus diu desideratum prodiit, prior

prior quidem Tomus a. 1751. posterior vero a. 1752. Complectitur autem opus textum receptum, variantium lectionum farraginem, numero omnes alias collectiones superantem, nec non commentarium criticum, stupendam lectionem prodentem. Adjecit etiam duas Clementis Romani epistolas, hæcenus non editas, e codice Mst. N. T. Syriaci erutas, textuique syro versionem latinam adposuit. Fama eruditionis Wettstenianæ præsertim etiam hocce ingentis laboris opere longe lateque dispersa, effectum est, ut d. 15. Jun. 1752. in regiam *scientiarum academiam Borussicam* & d. 5. Apr. 1753. in *regiam scientiarum societatem Londinensem* sodalis fusciperetur; etiam d. 15. Febr. 1754. cooptatus fuerat membrum anglicanæ *societatis de propaganda fide evangelica in exteris regionibus*. Diem supremum obiit coelebs, ex gangræna in altero crure exorta d. 23. Mart. 1754.

Edidit diff. *de variis lectionibus N. T.* Basf. 1713. quæ recusa est in Mus. Helv. P. 26. *concionem funebrem* germ. in Pf. 90. 12. 1719. Basf. *Cantica quadam sacra*, Germ. Basf. 1728. *Prolegomena ad N. T. græci editionem*, Amst. 1730. 4. ea denuo edidit, notasque adjecit atque appendicem de *vetustioribus latinis recensionibus*, J. S. Semler, Halæ 1764. 8. *concionem germ.* in Esai. 8. 19—22. Basf. 1732. *Orthodoxiam a falsis criminationibus J. L. Frey vindicatam*, Amst. 1733. *Orationem funebrem in obitum Job. Clerici*, ib. 1736. 4. *Sermonem in funere Job. Driebergii* habitum ib. 1746. 4. *N. T. græcum cum V. L. & commentario critico* &c. ib. 1751. 1752. 2. T. in fol. *Duas epistolas S. Clementis Rom.* ex codice Mst. N. T. Syr. & lat. Lugd. Bat. 1752. fol. *Epistolam ad Herm. Venenam de genuinitate epistolarum Clementinarum*, 1754. 8. *Observationes ad versionem epistola ad Hebraeos a comite Zinzendorff editam*, in *Bibliothèque Raisonnée*, ubi & alia Wettstenii reperiuntur.

XXVII. ANTONIUS BIRR, vir in literatura græca atque latina incomparabilis, natus est Basileæ d. 20. Apr. 1693. Tener ante diem vicit gressu æquales, literisque probe imbutus civitatem academicam adsecutus est a. 1708. Musarum choro adscriptus iisdem diligenter litavit, & in linguarum atque liberalium artium studiis tam strenue versatus est, ut sibi præclaram in rebus philosophicis acquisiverit eruditionem, adeo cito in singulis progressus scientiis, ut qua ætate alii in illis discendis incipiunt laborare, ea ipse ætate in iisdem excelleret. Pri-
ma

ma Laurea cum d. 10. Jun. 1710. a Sam. Battierio esset cingendus, publice verba fecit in sententiam Plinii Sec. *Multi famam, conscientiam pauci verentur.* Artium autem cum crearetur Magister a Joh. Buxtorfio d. 9. Jun. 1711. *de studio antiquitatum Romanarum* differuit. Huic autem linguarum atque philosophicarum scientiarum cognitioni jam gravius doctrinæ genus adjungere paravit & naturæ propensione maxime ad medicinæ studium ductus illud omnibus nervis excoluit. Celeriter autem ac multum tum ob excellentem ingenii vim, tum ob præclaram philosophiæ cognitionem, tum ob impigram in discendo assiduitatem, & in hacce arte fuit progressus, ut citius summos Doctoratus Medici honores mereretur; quos vero per modestiam nondum accipere voluit. Hac autem multo labore parta multiplici eruditione jam & aliis prodesse studuit. Medica quidem ægrotis consulendo atque auxiliando; philosophica vero peritia, quæ, inprimis in utraque lingua, græca atque latina, eximia erat, studiosos instruendo atque in parnassum deducendo, iisdem illud Quintiliani sæpe inculcans: *Is demum se profecisse putet, cui Cicero placet.* Aliquoties etiam ex occasione vacantis cathedræ vel medicæ vel philosophicæ operam suam Academiæ obtulit, sed fortis iniquitate identidem fuit repulsus. Tandem vero bona causa triumphavit, & Birrius d. 15. Jan. 1745. professor Linguæ Græcæ longe meritissimus fuit constitutus; hanc provinciam d. 15. Mart. ejusdem anni capessivit prælectione *de causis neglecti a multis græcæ linguæ studii.* Triennio post, nempe d. 20. Maj. 1748. passus est, se titulo Doctoris Medici insigniri atque salutari. Postquam autem diu multumque commodis publicis inservivisset, tandem ad æternam quietem abiit d. 29. Mart. 1762.

Edidit *adumbrationem historiæ rationalis philosophiæ*, 1722. *Theses de naturalis scientiæ universa materia*, 1727. *Specimen hypomnematum ad Grotium de J. B. & P.* 1727. *Dissertationes II. de requisitis in demonstratione Anatomica*, 1732. *Animadversiones Rhetoricas*, 1733. *Theses ex moralis philosophiæ*, 1734. *Excursus in historiam helveticam, ea quæ sædus antecesserunt, ejusque causas perstringentem*, 1737. *Animadversiones Horatianas*, 1743. *Animadversiones in B. Clementis epistolas*, 1744. 8. *Orationem de causis neglecti a multis græcæ linguæ studii*, Mus. Helv. P. 5. p. 79. *Tbesaurum Lingua Lat. Rob. Stephani auctum atque castigatum*

tum, Bas. 1741. IV. Tom. fol. N. T. *græci curavit editionem*, Bas. 1749. 8. *Et ipsi præfationem adjecit; eidem autem loca parallela addidit vir, dum viveret, reuerendus atque doctiss.* Benedictus Bernoulli, S. M. C. qui *Et cum reuerendo itemque doctissimo viro*, J. Georg. Erzbergero, tum S. M. C. postea Diacono Petrino maiorem operis partem recensuit.

XXVIII. JOH. JACOBUS SPRENG, Poëta Cæsar. Laur. Societatum germ. Lipsiensis, Bernensis, Basiliensis, & Gottingensis socius; hanc lucem adspicere cœpit d. 31. Dec. 1699.; patre genitus *Joh. Jac. Spreng*, A. L. M. calligrapho eximio & Gymnasii præceptore, matre *Vrsula Pfannenschmid*. Velocissimum ingenium in puero mox observabatur, & ad literarum studia adhibebatur. Classes gymnasii cum fructu percurrit & in Academiæ gremium a. 1713. exceptus artes, quæ ingenuos decent, liberales atque ingenuas inde vocatas, diligenter coluit, omnemque etiam in addiscenda latina græcaque lingua adhibuit diligentiam. Insignia itaque eruditionis philosophicæ accepit solennia, primam nempe Lauream a Joh. Bernoullio, Math. Prof. d. 4. Jun. 1715. habita prius oratione in quæstionem: *Utrum præstantius sit amari quam amare?* Doctrinæ vero philosophicæ dignitatem ei tradidit Joh. Buxtorf, Linguæ Hebr. Prof. d. 26. Nov. 1716. qua occasione publice καλλιγραφίας laudem exposuit. Hisce peractis nomen in album studiosorum Theologiæ retulit d. 1. Dec. 1716. & S. Literis strenue incubuit. Elapso autem quadriennio tum huic studio dato, tentamina ac examina solennia cum laude superavit, & Verbi divini Minister a. 1721. rite fuit denominatus. Jam aliis de eruditione sua impertire incepit, & primo quidem anni spatio satrapæ Fraubrunnensis filios instituit. A. 1724. Ratisbonæ ephoriam suscepit filii Baronis *de Schütz*, legati ducis Wurtembergici, quem paulo post Viennam comitatus est ad aulam Cæsaream, titulum gerens concionatoris hujus legati. Per huncce patronum etiam ad ipsam aulam obtinuit aditum, quin etiam honorem, ipsi *Carolo VI.* carmen germanicum a se compositum offerendi, quod gratiosè acceptum & deinceps diplomate poëtæ Cæsarei remuneratum est. Exacto Viennæ annuo tempore, Stutgardiam aliasque Germaniæ civitates peragravit, septemque mensibus cœtui gallico,

lico; qui Heilbrunnæ colligitur, præfuit. Dein, scilicet a. 1727. pastoris munus suscepit Perusæ, quæ colonia est Valdensis, in ducatu Wurtembergico, ibique d. 16. Dec. 1730. uxorem duxit *Franciscam Gross*, Offenbachensem, quæ d. 28. Jun. 1739. ad meliorem vitam transiit, relictis 4. liberis, ex quibus filia deinceps Basileæ nupta parvulumque enixa matrem secuta est; reliqui etiam tres liberi itemque nepos idem fatum habuerunt. Hic autem cum degeret, & quasi in exilio inter, ut ipse loquebatur, Musarum antipodas sordidissimos atque ab omni literarum cultu gustuque alienissimos conversaretur; graviter etiam multumque ei conflictandum fuit cum valetudine adversa, ut ævum cum diis agere sibi videretur, si unum alterumve annum respirandi ab acuto atque ancipiti morbo facultas obtingebat. Aliquando autem de eo fuisset conclamatum, nisi præsentior succurrisset Deus. Accidit nempe a. 1735. cum gregem ad Sacra Pentecostes ritè celebranda præpararet, ut subito omnibus resolutus. membris & quasi fulminis adflatus ventis in imum suggestum diffunderet. Accurrerunt anxii seniores cœtus, pastoremque suum vita ereptum putantes domum portant. Arcessuntur medici e longinquo. Descenditur ad extrema. Adfulsit iterum salutis scintilla, quæ verò postero die prorsus evanuit; cum gravior apoplexia omnium membrorum sensus exstingeret animamque clauderet. Desperantibus autem salutem medicis, inopinatam stupendamque Deus ipse malo adtulit medicinam, ut sensim manuum pedumque ministerio uti, verbaque faciliora eluctari, quin septimo vel octavo abhinc mense publice de suggestu verba ad populum facere ipsi liceret. Per duo lustra cum istum cœtum pavisset, pastorum Perusensem cum Ludweilensi commutare iussus est a. 1737. Ad vota autem secunda transiit a. 1740. cum *Sophia Fechter*; Basil., quæ duos filios, tresque filias, quarum una quinquennis exstincta, ipsi peperit; ista etiam uxor d. 4. Apr. 1763. ipsum reliquit mortē erepta. Magistratus Basil. merita civis remuneraturus a. 1743. professorem extraordinarium eloquentiæ atque poëseos teutonicæ eundem nominavit. A. 1746. in patriam revocatus eique pastoratus orphanotrophil commissus; nec non a. 1754. munus professoris historiæ patriæ extraordinarie, exhibito etiam salario, ei fuit collatum, quod d. 24. Oct. ejusdem anni oratione

tione germanica *de civitatis Basiliensis origine publicè* adiit. Denique etiam ipsi sortito obtigit Linguæ Græcæ professio d. 14. Sept. 1762. quam d. 15. Dec. ejusdem anni prælectione *de revocando græcæ linguæ studio* solenniter auspicatus est. Hanc provinciam omni studio administravit maximo auditorum emolumento, facillima præsertim atque perspicua maxime usus methodo. Apoplexia denique laboriosæ vitæ ejus finem imposuit d. 24. Maj. 1768. Memoriam Sprengii æternitati mandaturus *Vlr. Samson*, artifex Bas. monetam cudit cum ejus effigie & hacce epigraphe: *J. Jac. Spreng, Bas. Germaniæ Psalter. nec non Vir Rev. Sim. Gryneus, Minister Petrinus, concionem funebrem habuit d. 27. Maj. 1768. in Eccles. 9. 11. 12. quæ Basileæ fuit impressa.*

Edidit *novam Davidis psalmorum translationem* carmine germ. Bas. 1741. & 1770. 8. *Duas conciones* in 2. Cor. 10. v. 5. Francof. 1723. 8. *Cantica sacra* 1741. 4. *Laudationem funebrem Drollingeri* germ. separatim editam in 4. Bas. 1743. itemque junctam Drollingeri operibus, quæ etiam Sprengius edidit Bas. 1743. 8. *Breve commentarium rerum Rauracarum usque ad Basiliam conditam*, Bas. 1744. 4. *Conjecturales animadversiones in Olympionicas & Pythionicas Pindari*, ib. eod. 4. *Testimonia gentium & Judæorum de Christo, ab Addisonio collecta, in germanicum transtulit & edidit* Bas. 1745. 8. *Carmina sacra atque profana*, T. I. Turici 1748. *Job. Drydii tragædiam de lapsu hominis ex anglico in germanicum a se translatam* edidit Bas. 1757. 8. *Specimen glossarii teutonici* 1759. fol. *Commentaria satyrica moralia, sub nomine Eidsgenoss, Bas. 1749. 8. item sub nomine Sintemal, ib. 1759. 8. Orationem de pugna Jacobæ prope Basileam, germ. ib. 1748. 4. Duodecim prælectiones de gestis Helvetiorum ante Imp. Vitellium, ib. sine impressionis anno, 12. plag. Thurnisii Orationem sec. Jubil. Acad. in Germ. versam, ib. 1760. 4. Cantum atque psalmum in eodem actu Jubil. Acad. decantatos, ib. eod. 4. Tractatum de origine atque antiquitate utriusque urbis Basileæ, ib. 1756. 4. Prælectionem de revocando apud Rauracos græcæ linguæ studio, ib. 1762. 4. J. Christ. Beckii introductionem in historiam belv. germanicam fecit, editam Tig. 1768. 8. item varia carmina gratulatoria atque epicedia. Præter complura carmina sacra atque profana ineditum reliquit opus ingens atque multiplici eruditione refertum, pluribus voluminibus constans, & Glossarii teutonici nomine insignitum.*

XXIX. **ACHILLES WIERZ**, natus Basileæ d. 24. Apr. 1745. & a puero bonis artibus ac moribus expolitus, statim in patrio ludo præclara egregiæ indolis dedit argumenta. Exinde ad scholas publicas missus philosophiæ juxta ac linguis eruditis, philologiæ & literis elegantioribus studium suum omne dicavit, tantumque in iis profecit, ut a magistris suis ad amplissimos honores produceretur; baccalaureus nempe philosophicus creatus fuit d. 8. Jun. 1762. in qua promotione publica oratione germanica *Vniversitatem alicujus civitatis verum esse ornatum* facundo ore probavit. Supremos autem philosophiæ honores ex decreto philosophorum ordinis ei contulit J. Henr. Gernler, Hist. Prof. d. 14. Jun. 1764. ubi ex mandato Domini Brabeutæ *lingue germanicæ eadem lingua dixit encomium*. Hanc dignitatem consecutus in ampliorem gradum promoveri contendit. Pio nempe proposito studium theologicum elegit, Deo proximoque vel in ecclesia vel in academia, quocunque ferat divina voluntas, olim serviturus, quod utrumque, ut statim diceretur, ei contigit præstare. Nomen itaque, auspice Deo, studio theologico dedit d. 29. Apr. 1763. eique se totum sacravit. Acquisita autem in litteratura græca atque hebraica, historia ecclesiastica atque doctrina theologica præclara notitia, consueto tempore examinibus subjectus & ecclesiæ minister constitutus atque ordinatus fuit a. 1768. Eodem autem anno, cum cathedra græca ex decessu Sprengii vacua relicta & successore digno explenda esset, candidatorum turbæ sese immiscuit, spartamque optimi quondam sui magistri amibivit. Quam etiam benigna sorte d. 9. Sept. ad ipsum devolutam d. 13. Dec. 1768. publice atque solenniter adgressus est prælectione *de scriptorum græcorum versionibus vernaculis*. Sed brevissima fuit academici hæcce prosperitas. Vixdum enim eam incepit gustare, jam iterum ea ipsi fuit subtrahenda. Cœtus nempe Petrinus eundem sibi expetiit Diaconum, & in urnam conjectum obtinuit a. 1769.

Edidit *Oden germ.* a. 1762. ex occasione J. Jac. Sprengii in cathedram græcam evecti. *Specimen cogitationum in methodum linguam græcam addiscendi*, d. 9. Sept. 1768. *Carmen musicum* in templo Petrino decantatum a. 1769. cum Reipublicæ Magistratus annum dixit sacramentum. *Carmena varia germanica*, Turici 1766. 8. *Concionem funebrem* in

in obitum Petri Rybineri, Log. Prof. in 1. Reg. 19. 4. 5. d. 1. Maj. 1771. *Concionem fun.* in Joh. 16. 15. d. 29. Sept. 1774. Francof. 1774. *concionem eucharisticam* hab. d. 17. Jul. 1774. in Hebr. 10. 23. Bas. 4. 1776.

XXX. MATTHÆUS MERIAN, J. V. C. prognatus est d. 22. Dec. 1744. parentibus *Andrea Merian*, J. V. C. & prætore transrhenano, & *Salome Wettstein*. Pueritiam bonis literis addiscendis impendit sedulo, & incredibili legendi cupiditate atque facilitate, juvante etiam felicissima memoria, tantos fecit profectus, ut philosophiæ cultoribus meritisissimus adscriberetur. Academix jam civis adscriptus in omnibus ingenuis artibus atque scientiis ita est versatus, ut promerente id erudita doctrina vitæque integritate, duplici eruditionis testimonio publico fuerit ornatus, prima quidem Laurea d. 8. Jun. 1762. Magisterii vero dignitate d. 14. Jun. 1764. A philosophicis itaque disciplinis bene instructus ac præparatus ad altiora enitens jurisprudentiæ se dedit, quam etfi studiorum caput posuerat, philosophicum studium diligenter continuavit, & græcos latinosque auctores multo labore evoluit. Græcis autem, ut dignum Sprengii decebat auditorem, imprimis delectabatur. Elapso ab accepta magisterii dignitate triennio examina juridica subiit atque non sine laude superavit, in numerum Juris Candidatorum cooptatus. Biennio post, cum græca Sprengii cathedra iterum vacaret, ad eam obtinendam specimen disputationis publicum edidit atque defendit d. 22. Sept. 1769. quo observationes criticas in nonnulla auctorum græcorum loca exhibuit. Obtigit etiam a forte hæcce cathedra d. 29. Sept. 1769. eamque prima vice occupavit d. 19. Jan. 1770. inaugurali lectione *de professoribus græca linguæ, qui ab epocha beata reformationis ad nostra usque tempora in Vniuersitate Basil. floruerunt*. Cum autem hancce provinciam aliquamdiu diligenter administrasset, cupido eum incescit aliam, genio forsan magis convenientem, quærendi, quam mox invenit, a. 1773. ad munus secretarii in cancellaria nostra promotus.

XXXI. CHRISTOPHORUS LEGRAND natalem habuit d. 21. Nov. 1748. parentesque *Christophorum Legrand*, mercatorem ac CC virum & *Mariam Juditham Linder*. Cum

Cum ingenio esset felici, ad literarum studia inclinante, literis a puero dicatus atque adhibitus fuit; magnos etiam statim in studio literario fecit progressus, & mature spem præclaram doctrinæ atque virtutis de se excitavit. Etiam messis, quæ jam in herba adparebat, advenit opulentior. Academiæ traditus a. 1761. non solum professores prælegentes publice atque privatim diligenter audivit, sed & privata industria literas græcas atque latinas, artesque liberales tractavit sedulus; in primis fratre, *Luca Legrand*, J. V. D. & Log. atque Metaphys. Prof. P. duce usus atque magistro optimo pariter atque fidissimo. Cum autem honos alat artes, illo autem negato istæ frigescent, philosophorum chorus huic suo alumno nequaquam defuit, eumque dignis præmiis adfecit; primam nempe Lauream ei impertivit d. 14. Jun. 1764. *Henr. Gernler*, Hist. Prof. habita prius oratione publica in sententiam a promotore præscriptam: *Oratores, poetas, philosophos natura, non arte, diligentiae fieri*. Summum autem in philosophia honorem ex decreto ordinis publice d. 5. Jun. 1766. ei contulit *Jac. Basler*, Ling. Hebr. Prof. tuncque Candidatus *de utilitate studii antiquitatum* verba fecit. Jam studio philosophico addere decrevit studium jurisprudentiæ, cui a. 1767. nomen dedit, quodque præeuntibus juris antecessoribus consultissimis, *J. Rod. Thurnisio* & præsertim *J. Rod. Iselio*, diligentissime tractavit. Interea Lausannam profectus linguam gallicam didicit, annoque elapso patriæ restitutus Juris studium denuo excoluit. Hoc absoluto, a. 1770. examen subiit, & in Juris utriusque Candidatorum numerum cum laude fuit relatus. Paulo post iter instituit literarium, & per potiores Germaniæ civitates Gottingam tendens Marpurgi Cattorum salutavit *Estorem* magni nominis *JC. Gottingæ* cum advenit, audivit in philosophia quidem *J. Georg. Henr. Federum*; in Digestis vero *Christ. Frid. Georg. Meisterrum*, magnæ Britannici regi a consiliis aulicis; in jure Feudali & S. R. J. historia *Georg. Lud. Böhmerum* & *Joh. Steph. Pütterum*, utrumque regi Brit. a consiliis intimis; in jure denique publico *J. Henr. Christ. de Selchow*, eidem regi a consiliis aulicis. Anno sequente 1771. infecuta parentis optimi morte, patriam repetiit, seque ad munus publicum aliquando cum dignitate obeundum diligenter præparavit. Mox etiam variæ

ei oblatae fuere occasiones, eruditionem suam probandi publiceque demonstrandi; vacante nempe cathedra græca a. 1769. iterum a. 1771. cessante cathedra Logica, porro a. 1773. pro vacante sede Rhetorica, nec non eodem anno iterum vacante professione Græca solennia specimina edidit, tandemque optatam cursu contigit metam, d. 1. Oct. 1773. Linguæ Græcæ professor electus; hanc provinciam, bono cum Deo, adgressus est d. 14. Dec. 1773. prælectione solenni *de lingua græca cum studio juris civilis conjungenda*, hancque hæctenus summam cum diligentia atque studiosorum utilitate administravit. Ornatus etiam fuit pro merito d. 6. Sept. 1774. J. V. D. titulo atque dignitate.

Edidit d. 29. Sept. 1769. *observationes varias in literaturam græcam*; d. 15. Nov. 1771. *specimen meditationum in Platonis Cratylum de recta nominum ratione*; d. 11. Maj. 1773. *theses rhetoricas*; d. 6. Sept. 1774. *observationes juridicas de legislatione Helvetiorum*; d. 27. Sept. 1774. *Theses juridicas*.

PROFESSORES ORGANI ARISTOT.

I. HIERONYMUS GEMUSÆUS, civis Müllhusinus, natus est a. 1505. In triviali schola cum fratre natu majore, *Augustino*, literarum elementa percepit; cum vero ex pueris atque crepundiis excessit, in vicinam Academiam Basiliensem fuit transmissus a. 1523. Hic diligenter literis græcis atque latinis operam dedit, præceptore potissimum usus *Henr. Glareano*, cujus ductu, accedente optimo ingenio atque singulari industria, tantum profecit, ut dictus Glareanus, si quando negotiis a docendo impediabatur, ipsi vices suas commiserit; cumque etiam in reliquis artibus atque scientiis studiose esset versatus, philosophica præmia solennia fuit adsecutus, nempe primam Lauream a. 1524. & dignitatem magistralem d. 10. Febr. a. 1525. Hisce ornatus literis atque titulis in Galliam est profectus, philosophiæ studium profecuturus, sibi que Aristotelem atque Platonem adeo familiares reddidit, ut in numero subtilissimorum philosophorum haberetur. Cum studio physiologico junxit & alterum illi adfinem, nimirum Medicinæ, tanto labore, tanto-

tantoque cum fuoſſeſſu, ut doctoratus medici inſignia a. 1533. in feriis Pentecoſtalibus Taurini, non tam a ſe expetita, quam a profeſſoribus oblata retulerit. Dein multiplici doctrina inſtructus Baſileam rediit, & ſtatim a. 1534. profeſſionem Phyſices obtinuit. Philoſophiam autem naturalem non ex lacunis latinis neque ex triobolaribus compendiorum libellis, ut ipſe vocabat, ſed cum dulcius ex ipſo fonte bibuntur aquæ, ex ipſo textu græco Ariſtotelis libros phyſicos expoſuit. Paulo poſt uxorem duxit *Sibyllam*, *Andrea Cratandri*, typographi, filiam, ex qua ſuſcepit *Polycarpum* atque *Hieronymum*, quorum uterque optimos libros excudit, in primis Hieronymus, qui fratre longævior re typographica & ſenatoria dignitate inclaruit, pietate quoque conſpicuus, qui trecentas libras in uſum pauperum ſcholaſticorum legavit; avus is exſtitit Jeremiæ Gemuſæi, ſenatoris, XIII. viri & ſcholarchæ Baſil. ut & Hieron. Gemuſæi, paſtoris primum Rothenſuſſis, dein Lucifvallenſis, cujus filius cognominis fuit paſtor Benckenſis. A provincia philoſophiæ naturalis docendæ avocatus fuit Gemuſæus noſter a. 1537. ad profeſſionem Organi Ariſtotelici, quam etiam magno diſcentium fructu obivit. Licet autem in omni diſciplinarum genere fuerit verſatiſſimus, nullique ſecundus, ipſum tamen non puduit a. 1540. ſe *Seb. Münſteri* in Hebraicis diſcipulum profiteri, eum in finem, ut ex fontibus purioribus doctrinam Evangelii melius cognoscere & adverſus antagoniſtas fortius defendere poſſet. Sed præmatura mors laudabiles ejus conatus interrupit. Cum enim ſub autumnum 1542. in Italiam ad Principem vocaretur, ex inſueta coeli intemperie morbum ſibi contraxit, quo domum redire coactus, accedente feбри ardente, d. 20. Jan. 1543. magno cum luctu bonorum exſtinctus eſt.

Tranſtulit *epitomen* 17. librorum *Geographiæ Strabonis* ex græco in latinum, quæ verſio cum Strabonis operibus edita eſt Baſ. 1539. & ib. 1557.; *praſationes* ſcripſit in græca *opera Galeni*, cujus & vitam delineavit; in *Almageſtum Ptolemæi latinum*; in *Theophraſti opera græca*; *Fumanelli tractatum de febribus*; in *Ariſtotelis opera*, quæ ipſe recognovit & quorum quædam de græco in latinum tranſfudit; *eis cenſuram de Ariſtotelis dogmatibus* adjecit; *analytica poſteriora* commentariis illuſtravit; *ejusdem* libros duos de Plantis latinos fecit, qui cum Ariſtotelis operibus latinis Baſileæ excuſi ſunt, interpretis nomine omiſſo.

II. SIMON GRYNÆUS, N. T. professor, suscepit etiam a. 1541. professionem Organi Aristot. & legit in ejus Topicorum l. 8. sed eodem anno præmaturæ morti occubuit. V. Prof. N. T. n. 2.

III. SEBASTIANUS LEPUSCULUS in Organum Aristotelis legere cœpit a. 1542. & perrexit ad a. 1545. qua ad pastorem apud Franciscanos transiit. V. Prof. Log. n. 4.

IV. JOHANNES HOSPINIANUS, Rhet. atque Orat. Professor, ad Organum fuit promotus a. 1546. sed demum d. 12. Jun. 1547. in illud legere incepit, sicque continuavit usque ad ejus mortem, quæ contigit d. 7. Jun. 1575. V. Prof. Rhet. & Orat. n. 3.

V. JOH. NICOLAUS STUPANUS, Med. Doct., d. 10. Oct. 1575. electus Organi professor hanc provinciam administravit, donec, urgente præcipue *Hottomanno* JC. ob dedicationem Machiavelli principi præfixam, & ad Episcopum Basil. directam, qua huic nimium adulatus dicebatur, ex SC. d. 31. Dec. 1580. lectione suspenderetur, quod decretum ei d. 16. Jan. 1581. per Scholarchas fuerat insinuat. Ejus interea vices egit M. Phil. Scherb. Intercedentibus autem popularibus ejus Rhætis, in integrum fuit restitutus S. C. d. 31. Jul. 1583. & post Michaelis festum iterum cœpit Organum profiteri; anno vero 1589. d. 24. Apr. ad professionem Med. Theor. fuit vocatus. V. Prof. Med. Theor. n. 7.

VI. HENRICUS JUSTUS, A. L. M. Ecclesiæ Petr. Diaconus, a professione Ethica mense Septembri 1589. ad Organi professionem transire jussus, eandem auspiciatus est d. 15. Oct. ejusdem anni, adfixa pridie scheda, qua se reginam cum pedissequa, majorum scitu, commutaturum denunciabat. Obiit ex peste d. 19. Oct. 1610. V. Prof. Pædag. Cl. 2. n. 7.

VII. LUDOVICUS LUCIUS editus est in hanc lucem Basileæ d. 9. Febr. 1577. patre *Basilio Lucio*, Diacono Petrino, matre *Elisabetha Müller*. Puer sexennis a patre privatim prima literarum elementa est edoctus; biennio post ludo literario Petrino traditus græcæ latinis

nis miscere coepit, felicibus industrii & eruditi viri, *Valentini Cherleri*, auspiciis. Parente ad ministerium ecclesiasticum Müllhusinum vocato, magni *Theod. Zuingeri* curæ a. 1587. est commissus, cui a manibus fuit, qua tamen grata studiorum occasione haud diu frui fuerat datum; etenim anno proxime sequente Zuingeri fato suo pie functo, ad patrem Müllhusium descendere necesse habuit, a quo privatim in græcis fuit institutus. Dein a. 1589. Basileam reversus, gymnasium frequentavit, ex quo a. 1590. ad academiam transiit. Philosophicis disciplinis imbutus, primam Lauream accepit d. 2. Maj. 1592. quo etiam anno d. 30. Nov. in disp. de Conciliis sub Polani præsidio respondentis vices egit. Magistri vero artium insignia obtinuit d. 15. Aug. 1594. Jam theologica tractare incepit, ita tamen, ut simul philosophica atque philologica studia diligenter prosequeretur. D. 2. Aug. 1595. sub præsidio Vorstii disputationem defendit de Sacramentis, nec non d. 16. Aug. ejusdem anni, eodemque præside dissertationem de causis salutis hominum. Eodem anno Scaphusium abiit, & cum *Joh. Jetzlero* & *Henr. Planco* amicitiam contraxit. In patriam brevi post reversus iterum respondentis partibus defunctus est in diss. Polani de regimine ecclesiæ d. 16. Sept. 1596. Eodem anno *Petri Ryffii*, Mathem. prof. ad nundinas Francofurtenses profecti vices ad tempus sustinuit. D. 14. Apr. 1597., quo anno in matricula theol. inscriptus legitur, theses proposuit de salutari Jesu Christi cognitione, & sequente anno d. 27. Jul. defendit disp. de Justificatione nostri coram Deo. Eodem anno 1598. *Joh. Buxtorfii* patriam revisentis vices in professione hebræa egit dextre, nec non anno 1599. *Joh. Molitorem*, pastorem Riechanum fideliter adjuvit. A. 1600. ab *Ernesto Friderico*, Marchione Durlacensi per *J. Jac. Gryneum* Durlacum vocatus, habito prius colloquio publico de articulis fidei inter Reformatos & Lutheranos controversis, ab eodem duplici muneri, Diaconi in ecclesia, & rectoris in schola, fuit adhibitus, variis interim negotiis aliis a principe optimo ei demandatis, quibus singulis egregie, dextre, & quod caput est rei, ex conscientiae integritate est perfunctus. Principe autem isto mortalitati erepto, urgentibus illis, quibus purior Lucii religio minus placebat, ab officio dimissus in pagum vicinum Palatinum, *Weingarten*,

transiit, Deo confisus, non confundendus. Hinc paulo post Heidelbergam arcessitus, commendantibus eum *Dav. Paræo*, *Quir. Reutero* & *Barthol. Pirisco*, quibus solida ejus eruditio fuerat perspecta, in pædagogio Ambergensi Conrector est constitutus. Hoc munere cum fungeretur, anno 1605. negotiorum publicorum causa Norimbergæ & Altorfii agens cum *Nic. Taurello*, *Phil. Scherbio*, Basileæ quondam professoribus, aliisque eruditis amicitiam sibi comparavit. Hoc ipso anno edidit principis sui defuncti, Ernesti Friderici, Marchionis Durlacensis, confessionem latine redditam. A. 1606. Francofurtum ad nundinas, exinde Heidelbergam, Wormatiæque excurrrens familiaritatem sibi cum *Conr. Schoppio* conciliavit. A. 1608. Ratisbonam tempore comitiorum concessit, & inter alia collegium Jesuiticum diligenter visitavit, quod forte concinnandæ historiæ Jesuiticæ occasionem præbuit. Accepto rumore de lethali patris morbo, cito pede, omnibus valedicens, Müllhufium petiit, eundemque quartana febris laborantem invenit. Basileam dein invisit & in ea priscos fautores atque amicos, *J. Jac. Grynaum*, *Polanum*, *Thom. Coccium*, *Jac. Zuingerum*, *Henr. Justum*, ut & fratres suos, *Basilium* & *Joh. Jacobum*: quos omnes anno sequente 1610. excepto Grynæo, lue epidemia sublato luxit. Ex his Justus ei viam ad professionem Organî pandit, quæ ei absenti d. 2. Apr. 1611. fuit commissa. Tum nempe S. Galli fanum, quo ad obeundum gymnasiarchæ munus deposcebatur, petierat, & eadem occasione iter per totam fere Sueviam, Ingolstadium & Ratisbonam perfecerat. Stationem in patria omnibus aliis præferens, domum festinavit, & demandatam professionem post ferias caniculares, d. 19. Aug. 1611. exorsus est oratione erudita *περι τροπῆς τῆς παιδείας*, quæ postea lucem vidit. Hoc ipso anno parentem defunctum pie luxit. Anno sequente Heidelbergæ *Paræum*, *Phil. Hofmannum*, *Henr. Smetium* visitavit. Basileam cum rediit, ordini philos. & senatui acad. adscriptus, nec non sequente anno Decanus ordinis sui, quam dignitatem postea sextum gessit, fuit constitutus, etiamque d. 18. Sept. 1629. Visitator gymnasii electus. A. 1614. Elector Brandenburgicus, *Joh. Sigismundus*, ei professionem theol. in academia Francofurtensi ad Viadrum per litteras solenniter obtulit, cui tamen vocationi ob varias rerum

rerum difficultates obtemperare non potuit. Anno vero 1619. *Ludovico*, principi Anhaltino, ad scholam Cotheniensem instaurandam sollicitè eum expetenti ab utroque, Reipublicæ atque Academiæ, magistratu ad tempus fuit indultus. Mense ergo Martio ejusdem anni secundo Rheno Spiram descendit, unde iter Heidelbergam & Francofurtum descecit, amicos quos ibi habebat satis multos invisens; hinc vero Moguntiam, Bingam, Aram Bacchi, (Baccharach) Bonnam, Coloniam Agrippinam, Düsseldorfium, Rhenobergam, Vesaliam, Rhesam, Embricum, Arnhemium, Ultrajectum, & tandem Dordracum fuit delatus, ubi potissimos totius Europæ Theologos Reformatos in Synodum coactos intueri, Helveticos quoque ac Palatinos per decendium familiariter nosse datum fuit. Dehinc in Hollandia reliqua Roterodamum, Delphos, Hagam Comitum, Leydam, & Amstelodamum; in Frisia occidentali Franequeram, Leovardiam, Groningam, in Frisia orientali Emdam, Olderfomam, Stickhusam; in comitatu Oldenburgico Apenam, Oldenburgum, Delmenhorstium transeundo vidit. In Saxoniam dehinc & Bremam quoque pervenit, tandem ad principem Anhaltinum suum Cothenis adpulsus, a quo etiam honorifice exceptus, & ad opus necessarium reformationis gymnasii est adhibitus, de quo sententiam suam libere & dextre exposuit, non principum modo calculo, sed & ipso successu comprobata. Quibus rebus feliciter constitutis, bona superiorum venia, multa quoque gratia, cum *Jac. Martino* Wittenbergam concessit, indeque Berolinum, Cultrinum, Francofurtum ad Viadrum, aliaque Marchiæ Brandenburgicæ loca lustranda, præsentiam Electoris est præstolatus, donec in saltum Thuringicum ad fontem Reinhardi proficisci iustus est, a quo ut missionem impetravit, variis Imperii urbibus perlustratis, salvus in patriam rediit, & docendo ac scribendo officiis suis satisfecit. A. 1629. excurrit Bernam, Lausannam atque Genevam; & anno sequente iterum Bernam petiit, cum theologis super sua adversus *Job. Piscatorem* disceptatione de causa meritoria Justificationis uberius collaturus. Ceterum modica satis ipsi fuit res familiaris, neque enim professoribus aut verbi ministris largiora honoraria pendi consueverunt, quam quæ alendæ familiæ sufficiant; annum salarium professoris Organi tum erant floreni 60. Matrimonium

monium iniit d. 11. Jun. 1599. cum *Barbara Irmii, J. Henr. Irmii & Cath. Welflin* filia, ex qua prolem quinquam suscepit; amissa a. 1628. ista uxore, supra octennium cœlebs vixit, donec a. 1635. d. 1. Jun. alterum matrimonium in solatium senectæ iniit cum *Maria David, Laurentii*, senatoris, filia, cum qua reliquum vitæ blande exegit. Paulo ante obitum a. 1641. mense Septembri præpositi superioris collegii munus sibi commissum suscepit. Ceterum toto fere tempore, quo in gemino conjugio vixit, privatæ non modo studiosorum philosophiæ & theologiæ institutioni vacavit, sed & peregrinos plurimos adolescentes supra 352. contubernio & mensa hospitaliter excepit. Ceterum vir fuit candidus, sincerus, officiosus & vel supra facultates liberalis, sermone non jucundus modo sed vel festivus ingenioseque lepidus, qui jocos & dicere & ferre noverat, vultu blandus, consuetudine suavis, omnibus gratus & acceptus; præterea, quæ summatalus est, pietatis, probitatis, religionis studiosissimus, pacis amans, in adversarios nunquam asperius invecus. Valetudine usus satis firma, exceptis hypochondriaci mali variis atque gravioribus insultibus, horam fati extremam habuit d. 10. Jun. 1642.

Scripta ejus sunt: *Compendium Theologiæ*, 1598. 8. *Confessio Ernesti Friderici*, March. Bad. & Durl. lat. 1605. *Regula via veritatis Phil. Marnixii ejus opera edita*, eod. *Jodoci Nabumi postilla Evang.* lat. 1609. *Tractatus de Antichristo*, 1610. *Synopsis Antisociniana*, 1612. Basf. 1628. 8. *Nota in Apocal. Job.* 1613. *Adversaria contra Andr. Libavium* &c. 1618. *Andr. Friccii libellus de providentia & prædestinatione ab eo editus*, 1614. *Semipelagianismus Remonstrantium in Belgio*, 1618. *S. Theologia Συναγωγικη*, 2. libris, de fide & moribus, Basf. 1624. 8. *Clavis S. S. M. Fl. Illyrici ab eo recensitus* a. 1627. *N. T. germanice redditum singulari artificio*, 1628. disp. cum *Piscatore de Justificatione*, 1630 Basf. 1642. 8. Lond. 1641. 8. in quam disceptationem censuram & animadversiones scripsit Thom. Gattackerus, ibid. *Commonesactio ad S. P. Q. Basf. super grata memoria Reformationis*, strenæ loco exhibita, a. 1631. *V. T. germanice redditum*, 1636. *Grammatica latina & græca pro usu gymnasii Basf. itemque Logica & Rhetorica*; eadem auctiora pro usu Academiæ; *Poëtices rudimenta pro gymnasio*, singula a. 1620. oratio περί παιδείας &c. 1611. *Organi Arist. thetica & aphoristica expositio*, item commentarius

rius analyt. in Org. Arist. gr. & lat. 1619. *Epitome physica*, 1597. *tract. de structura & usu plenisphaerii s. Astrolabii. Virgilius c. n. Variorum*, fol. 1613. *Thesaurus linguae lat.* eod. *Dictionary græcum in N. T.* 1639. Basil. 1640. 8. *Scapula Lexicon* recognovit a. 1640. & 1641. *Historia eccles. centuriatorum Magdeb.* 1621. *Historia Jesuitica*, c. f. germ. 1626. 4. Eadem latine Basil. 1627. 4. *Petri Rami Basilea* ab ipso recusa 1606. *historia Augustini ex ejus operibus excerpta*; *Lexicon latino græcum contractum*. Basil. 1638. 8. *Epistolica dissertatio inter Gittichium & L. Lucium, an Christus pro peccatis nostris divina justitia satisfecit, nec ne?* Basil. 1612. 1628. 8. *Ærarium s. thesaurus latine linguae*, Francof. 1613. fol.

VIII. JOH. RODOLPHUS WETTSTEIN, Linguae Græcæ professor ad docendum Organum Arist. vocatus fuit d. 10. Mart. 1643. ab hac autem provincia ad tractandas controversias theolog. translatus d. 1. Sept. 1654. V. Prof. N. T. n. 9.

IX. CHRISTOPHORUS BECK, a professione Eloquentiæ promotus est in cathedram Organi arist. d. 15. Sept. 1654. & in ea sedit usque ad mortem ipsius, quæ ei contigit mense Aug. 1658. cum eo & ipsa Organi aristot. professio mortua. Academia nempe patres in rem studiosæ juventutis d. 24. Jan. 1659. decreverunt, ut pensum professoris Organi cum penso Logico conjungatur, & loco professionis Organi nova, nempe *historiarum*, professio instituat; quod academia decretum etiam a summo Reipublicæ magistratu ratum habitum, & d. 5. Febr. 1659. confirmatum fuit. V. Prof. Elog. n. 17.

PROFESSORES HISTORIARUM.

I. CHRISTOPHORUS FAESCH, J. V. D. Logices professor, primus fuit, qui in academia Basil. Historias publico nomine exposuit. Electus fuit d. 25. Mart. 1659. & obiit d. 22. Oct. 1683. V. Prof. Log. n. 21.

II. JOH. JACOBUS HOFFMANN, S. Theol. Doct. ex cathedra linguæ græcæ in cathedram historicam transpositus est d. 21. Dec. 1683. eamque ornavit, dum d. 10. Maj. 1706. ex marasmo senili exstingeretur. V. Prof. Ling. Gr. n. 19.

II. JAC.

III. JAC. CHRISTOPHORUS ISELIN, S. Theol. Doct. Eloquentiæ & historiæ eccles. apud Marpurgenses professor, denominatus est historiarum professor Basileæ d. 20. Sept. 1706. & hanc spartam administravit, donec d. 15. Sept. 1711. ad professionem Locc. comm. ac contr. Theol. accersitus est. V. Prof. Locc. comm. n. 10.

IV. JOH. LUDOVICUS FREY, S. Theol. Doct. & ecclesiæ Huninganæ pastor, omnium suffragiis Iselii in cathedra historica constitutus est successor die 15. Sept. 1711. cum adnexo titulo professoris Theologiæ extraordinarii, quo officio functus est ad d. 20. Maj. 1737. quo ad professionem V. T. fuit vocatus. V. Prof. V. T. n. 20.

V. JAC. CHRISTOPHORUS BECK, S. Theol. Doct. designatus fuit historiarum professor d. 12. Sept. 1737. munerique huic strenue præfuit usque ad diem 8. Jul. 1744. cum ad tractandas controversias Theol. transferretur. V. Prof. V. T. n. 21.

VI. JOH. RODOLPHUS THURNEISEN, J. V. D. & Reip. Syndicus, obtinuit cathedram historicam die 22. Dec. 1744. eamque servavit ad d. 2. Dec. 1746. ad professionem Pandectarum promotus. V. Prof. Pandect. n. 13.

VII. JOH. HENRICUS BRUCKER, S. M. C. in lucem editus Lucisvalli, oppido ditionis Basiliensis, d. 12. Mart. 1725. patre usus est *Joh. Henr. Bruckero*, tum pastore Lucisvallensi, postea Archidiacono, denique pastore Petrino, matre vero *Elisabetha Bischoff*. Pater, acerrimus ingeniorum censor, excellens ingenium admiratus, ex optima pueri indole eximiam quandam frugem & fecuturam omnium virtutum & doctrinarum maturitatem rectissime divinavit. In colenda ergo nobilissima hac planta omnem curam ipse adhibuit, filiumque in omni virtutum ac literarum genere, quantum puerilis ætas ferebat, diligenter instituit. Anno autem 1737. pater filium in professorum philosophiæ custodiam concedidit, eumque illis porro formandum demandavit. Sub horum cura, adhibita summa diligentia, in literis latinis atque græcis, in Logica atque Rhetorica, mirum in modum profecit, etiamque digna laboris præmia retulit,

lit; die nimirum 9. Jun. 1739. a Samuele Battierio, Ling. Gr. Prof. primam Lauream philos. publice accepit, postquam prius solenni oratione probavit: *Quod per multiplicata juramenta, quando populi mores jam sunt corrupti, repagulum corruptioni ponere velle, nihil aliud sit, quam multiplicare perjuriam.* Hinc ad studium physicæ atque matheos, historiarum atque philosophiæ moralis transiit, nec mirum, eum & hic celerrimos atque maximos progressus fecisse; cum enim ad hæc studia piam mentem, felicissimam memoriam, acrem atque ardentem ingenii vim, impigramque ad labores solertiam adtulerit, fieri aliter non potuit, quin ad altiore eruditionis gradum adscenderit. Itaque & hic honores summi eum fuere secuti; dignitas nempe in philosophia doctoralis, quam ei ex decreto Ordinis sui contulit Bened. Stæhelin, Phys. Prof. d. 8. Jun. 1741. facundiam atque eruditionem suam Bruckerus in ista promotione publice auditoribus comprobavit oratione solenni *de Matheos & veræ Physicæ usu in Theologia.* Jam sese integrum Theologiæ tradendi cepit consilium, & d. 13. Oct. 1740. inter S. Theologiæ cultores nomen suum professus est. In hoc autem stadio rite currendo præcipue ducem secutus est summum virum, J. Lud. Frey, S. Theol. Doct. atque Prof. & sub ejus auspiciis, continuatis diligenter studiis philosophicis, magnam linguæ hebrææ aliarumque orientis linguarum, nec non philologiæ sacræ sibi comparavit notitiam. Haudquaquam enim omnem eam operam, quæ in Judæorum magistris legendis consumitur, perditam esse arbitrabatur. Sciebat nempe a Freyio edoctus, quantum impeerint in Scriptura interpretanda, qui ritus hebræos ignorarunt; quam fœde hallucinati sint, qui ab isto literaturæ atque philologiæ sacræ subsidio destituti Prophetarum & Apostolorum scripta tractare aggressi sunt; noverat e contrario ex exemplis Buxtorffiorum, Cocceji, Seldeni, Bocharti, Lightfooti, Schætgenii, Meuscheni, atque aliorum, imprimis ipsius Freyi, quam feliciter plurima, etiam abstrusissima, Scripturæ loca ex linguis orientalibus & monumentis Rabbiorum enodari possint atque illustrari. Ab hisce autem subsidiis bene instructus, ad ipsa sanctæ Theologiæ adyta alacri animo se contulit, & a Gamaliele suo *υποτυπωσιν εν γινεστων λογων*, expressam sanorum verborum formam, divina-

divinarum rerum solidam doctrinam percepit, quam & cum fide & caritate in Christo Jesu posita studiose retinuit, eamque ut præclarum depositum per Spiritum S. in ipso habitantem diligenter servavit. Ita autem juvenis academix proceribus eruditionem suam in literaturæ hebraica probavit, ut a. 1745. ipsum Vicarium professoris Hebræi constituerint. Anno autem sequente, 1746. non cum laude saltem, sed cum admiratione pro obtinendo S. Ministerii munere subiit examina, statimque præconium Dei publice annunciandi potestatem est adsecutus. Decreverat autem providentia divina, ipso non Ministro in Ecclesia, sed formandorum Ministrorum instrumento in Academia uti, & vacante cathedra historica electorum animos fortemque ita direxit, ut d. 9. Maj. 1747. ei ista cathedra decerneretur, quam spartam d. 12. Jul. 1747. prælectione *de concilio Amphictyonum apud Græcos ejusque cum comitiis Helvetiorum publicis convenientia* solenniter auspicatus est. De re autem sua arbitratus, non mortuos saltem atque domesticos, sed & vivos atque externos consultatores adire, permittentibus Academix antistitibus, iter literarium cum amico conjunctissimo, *Simone Grynaeo*, jam Ministro Petrino, pluribus scriptis optimis celebratissimo, facere instituit. Laribus itaque a. 1749. relictis, cursum direxit per Argentoratum in Galliam, hinc Angliam, Belgium atque Germaniam, ubique bibliothecas, academias, doctorum musea, celeberrimorum in re literaria virorum societates secutus atque scrutatus. Perfecto itinere, non doctior modo, sed & cultior & ad vitam suam recte instituendam acutior, a. 1750. in patriam rediit, & eodem anno curam Bibliothecæ academicæ obtinuit, quam provinciam cum munere professoris omni fide atque diligentia administravit. Sed ut vulgo cito pereunt, quæ cito crescunt, nobilissimæque plantæ tenerimæ atque maxime caducæ esse solent, ita hic accidit. Vix dum academia optimo hoc viro frui incepit, eo iterum carere necesse habuit; a Deo nempe non diu fruendus sed brevi admirandus fuerat concessus; jam enim d. 17. Apr. 1754. asciticus fato suo fuit defunctus.

Edidit diss. de *περιαιτολογία* d. 28. Apr. 1741. *compendium regularum de ratione emendandi scriptores*, d. 14. Maj. 1743. *observationes philolog. circa causas obscuritatis in scriptoribus græcis*, d. 18. Sept. 1744. *stricturas hist. chronol. de ætate mundi*,

munid, d. 21. Apr. 1747. *Scriptores verum Basil. minores*, V. 1. plerisque ex MS. cum erudita præfatione. Bas. 1752. 8.

VIII. JOH. HENRICUS GERNLER, vir singulari vereque divino ingenio, primum luminis auras vidit d. 2. Febr. 1727. a patre susceptus *Job. Henr. Gernlero*, J. V. L. CC viro & Reipublicæ a Secretis, ex *Sara Merian*. Doctarum literarum elementis instituendus tradebatur gymnasii publici magistris, hisque imbutus, inter æquales industria atque ingenio primus, ex gymnasio ad academiam, heliconis rivulos degustaturus, cito pede transiit. Academix civis non monitis, non laborum gloriæque incitamenti indigebat, sed ipse sitiebat eruditionem, & ex proprio jam sensu literarum dulcedine trahebatur; dies studiorum exercitiis, noctes lucubrationibus exegit, atque cum Plinio censuit: *vigilare denuum vitam esse, literis invigilare vitam esse pulcherrimam*. Quid mirum ergo, juvenem tanto ingenio, tanto discendi desiderio præditum, tot omnis generis subsidiis stipatum, celerrimos atque pulcherrimos in omnibus philosophiæ partibus progressus fecisse? latinos græcosque auctores plerisque optimos evolvit, nec evoluit tantum, sed & in usum suum omnifarium convertit. Dignissimus itaque fuit habitus, qui præmiis virtutis atque eruditionis ab ordine philosophico adficere-tur. Primum gradum, quem *primam lauream* nominant, ascendit d. 9. Jun. 1740. verba faciens de *adolescencia Reipublicæ Romanæ*; secundum autem, qui *Magisterii artium* est, occupavit d. 5. Jun. 1742. oratione habita, qua demonstravit, *quam indignum sit philosopho studium partium*. Ita ergo paratus ornatusque ad studium S. Theologiæ accessit d. 3. Nov. 1741. quo nomen matriculæ theologicæ inseruit. In istud studium omnes vires, omnesque nervos intendit, nihil intermit-tens, quin omnia impendens sedulo, quæ a doctoribus suis ad illud vel aliquo modo pertinere percepit. Non solum philosophiæ studium, græcam latinamque literaturam, historiarum omnium temporum ac populorum indagati-onem, atque alia huc pertinentia strenue continuavit, sed & quæ ad sacrarum literarum intellectum perfectio-rem faciunt, omni studio excoluit & pro acerrimo suo ingenio penitus penetravit. Linguam hebræam cum ejus dialectis sibi fecit notissimam; philologiam sacram perspectam

perspectam habuit atque exploratam; historiam ecclesiasticam omnium seculorum perlegit omni diligentia, felicissimæque suæ memoriæ altius impressit; ecclesiæ patres, orientales atque occidentales, consuluit frequenter, & eorum dogmata exploravit studiosissime; inprimis vero sectabatur *ἐπιγινώσκιν ἀληθείας τῆς κατ' εὐσεβείαν, ἐπ' ἐλπίδι ζωῆς αἰωνίου*, veritatis cognitionem, quæ in religione cum spe vitæ sempiternæ sita est, solidamque Dei scientiam cum pietate semper conjunxit; in hisce omnibus ducem secutus est magni nominis Theologum, *J. Lud. Frey*, cujus primum fuit auditor carissimus, postea amicus familiarissimus. Interim & ipse instituendæ juventuti academicæ magno cum fructu fuit adhibitus; primum a. 1749. amici sui integerrimi, *J. Henr. Bruckeri*, Histor. Prof. literarum causa peregrinantis, vices sustinuit, res romanas sub Cæsaribus ad ductum Chr. Cellarii exponens; dein ab a. 1754. *J. Rod. Battierii*, Ling. hebr. prof. qui ob valetudinem adversam officio suo fungi non poterat, vicarium egit strenuum; donec ipse ordinarius Historiarum professor constitueretur die 20. Sept. 1754. quod munus publice adiit d. 29. Nov. 1754. prælectione solenni *de Martyrum actis*, hocque summa cum laude atque auditorum utilitate ita diligenter administravit, ut integro decennio, quo hanc cathedram ornaverant, ne unicam quidem prælectionem neglexerit. Licet collegia, ut vocant, privata ob valetudinem incertam studiosis non indulserit, iis tamen liberum ad se accessum semper concessit, & præstantissima de studiis instituendis largitus est consilia. Præmatura autem morte, communi omnium luctu, ex variolarum morbo, ulibus academix fuit subductus d. 11. Dec. 1764.

Scripta ejus edita sunt: *Bigæ historicorum graecorum. Herodoti atque Thucydidis*, d. 8. Maj. 1742. *diff. de difficultatibus studii lingua graeca levandis*, d. 2. Oct. 1744. *Observationes historicae*, d. 11. Apr. 1747. *observationes philosophicae*, d. 7. Febr. 1749. *observationes historicae*, d. 20. Sept. 1754.

IX. JACOBUS MEYER genere nobili atque antiquo studiis natus est d. 26. Sept. 1741. Parentes optimi, perspecta in puero ingenii judiciiue dexteritate, memoriæque capacitate, eum protinus pio proposito Deo ejusque cultui consecrarunt & in arenam scholasticam ablega-

ablegarunt. Perceptis autem atque comprehensis primis virtutis, literarum atque artium ingenuarum elementis, excusso hoc pulvere, in academix solem ex umbra prodit, & cœptum iter acrius urfit. Philosophix universæ studium intenso animo profecutus, mentem suam omnigena doctrina excoluit atque ornavit. Utriusque linguæ auctores, oratores, poëtas, historicos evolvit, eoque quoad linguam & quoad argumentum in usum suum convertit. Denique, in philosophicis disciplinis laudabiliter versatus, etiam publica philosophorum brabea reportavit; primam Lauream quidem d. 31. Maj. 1757. Magisterii autem dignitatem d. 25. Maj. 1758. Hisce jam honoribus mactus, non illam animo suo induit persuasionem, quasi ad metam & arcem felicitatis pertigisset, ut superatis & exantlatis laboribus in utramque aurem posset dormire, sed, a torpore atque otio alienissimus, honores illos academicos, ut veterum fuit institutum, gradus censuit esse, non culmina, ad quæ nitendum. Nihil ergo a pristina industria atque discendi ardore remittens, quin magis adhuc incitatus, ad altiora sine mora contendit, & studio sacro nomen dedit d. 11. Maj. 1758. Hoc novis viribus adgressus, eo felicius ac citius perfecit, quo instructior pluribus linguarum artiumque adminiculis ad illud accessit. Linguam atque philologiam hebræam indefesso studio didicit, fata ecclesiæ ex ipsis fontibus hausta cognovit, & viam salutis a Prophetis atque Apostolis, imo ipso Dei filio, traditam sibi fecit notissimam. Omni vero suo merito a. 1763. in classẽ Ministrorum verbi divini receptus nondum substitit, nec sibi respirandi tempus fumsit, sed tam in philosophico & philologico quam theologico studio strenue perrexerit, & scientiam suam magis magisque adaugere laboravit; inprimis eximix, quam in latina, græca atque hebraica lingua possedit, notitiæ, addere studuit etiam dialecti rabbinicæ atque chaldaicæ, quin etiam ipsius Arabicæ linguæ cognitionem, idque feliciori successu; consultore atque adjutore in hisce ut & antea in philosophicis atque theologicis usus eruditissimo *Gernlero*, quem sibi conciliaverat amiciorem. In ejusdem autem magistri sui optimi, acerbissimo fato Academix erepti, locum singularis Dei providentia hunc ejus interioris admissionis discipulum suffecit d. 26. Apr. 1765. hancque professoris Historia-

rum provinciam adgressus est publice d. 2. Jul. 1765. prælectione, qua demonstravit, *quam late pateat usus ex historiarum cognitione percipiendus*. Eodem anno, permittente senatu acad. literarum causa peregrinationem fecit in Angliam, ubi anni circiter spatio versatus eruditos salutavit, bibliothecas excussit, atque visu digna lustravit. Ingenti eruditionis fœnore patriæ redditus, provinciam suam strenue adiit, quam adhuc omni diligentia administrat, privatim studiosorum commoda consilio atque opera studiosissime promovens.

Hactenus edidit d. 28. Sept. 1759. pro cathedra hebræa *Specimen observationum misc. ad quadam Scripturæ S. loca*; d. 2. Sept. 1760. pro cathedra Morali *specimen observ. misc. ex philosophia morali desumptarum*. d. 7. Sept. 1762. pro cathedra græca *specimen observ. misc. in nonnullos auctores græcos*; d. 16. Apr. 1765. pro cathedra Historica *delineationem vitæ gestorumque Numa Pompilii*.

PROFESSORES PHYSICÆ.

I. HIERONYMUS GEMUSÆUS, Müllhusinus, Med. Doct. Physices professor fuit constitutus a. 1534. & a. 1537. professor Organi aristotelici; utramque professionem administravit ad a. 1541. quo Sim. Grynæum in professione Organi Successorem accepit, Physicam autem retinuit ad d. 29. Jan. 1543. quo diem suum obiit. V. Prof. Org. n. 1.

II. JOHANNES HUBER, Med. Doct. Physicam professionem nactus est a. 1544. eamque administravit ad a. 1549. cum ad docendam Medicinam Practicam fuit vocatus. V. Prof. Med. Pract. n. 3.

III. MARCUS HOPPER, J. V. D. in professione physica Hubero successit a. 1549. eamque cum laude obiit, donec ineunte a. 1557. Institutionum professor fuit appellatus. V. Prof. Instit. n. 3.

IV. HENRICUS PANTALEON, Med. Doct. successor datus est Hoppero in cathedra physica d. 19. Apr. 1557. & in hac provincia ornanda perrexit ad d. 3. Mart. 1595. quo ex hydropo ante mediam noctem, cum eodem die ante

ante meridiem ut Comes Palatinus duos creasset notarios, vitæ terminum adsecutus est. V. Prof. Pæd. Cl. I. n. 2.

V. JOH. GEORGIUS LEO natus est in minore Basilea d. 14. Febr. 1565. patrē, *Theobaldo Læw*, opifice honesto. Invitante genio periculum fecit studiorum, in quibus, Deo bene fortunante, eo est progressus, ut, superatis gymnasii laboribus, cum laude ad academiam transmitteretur. Hic studium philosophicum atque medicum adgressus, utrumque tanto cum fervore, tantoque cum successu tractavit, ut ab utroque ordine summos honores fuerit adeptus. Primæ Laureæ insignia accepit d. 28. Apr. 1584. ab Henr. Justo, publice differens in quæstionem: *Rectene Solon neminem ante obitum beatum nominandum pronunciaverit, nec ne?* Doctoratu autem philosophico atque medico uno eodemque actu honoratus fuit a Thoma Coccio, philosopho, die 20. Mart. 1593. Ubi primo verba fecit in quæstionem philosophicam: *Vtrum virtutes natura an arte hominibus insint?* dein in quæstionem medicam: *Cur homini insalubre variis cibari ferculis?* Mortuo Pantaleone, jussu senatus acad. ejus vices aliquandiu sustinuit, donec d. 16. Oct. 1595. Physicæ professor ordinarius nominaretur. Natura ad jocos, sales & facetias propensus in aliis sæpe tritum illud proferebat: *Philosophus omnia novit.* Contigit autem aliquando, ut noctu rivulum transiturus in eundem pronus incideret, conquestus de famuli, faculam sinistre præferentis, incuria, ab eo suum illud audiit: *Putabam, philosophum omnia nosse.* Praxi medica cives suos strenue & feliciter adjuvit; ceterum non legendo solum, sed & disputando studia juventutis multum promovit. Mathematicis scientiis impense delectatus calculum & prædictiones astrologicas per annos complures tentavit, & in vulgus edidit. Terris eum pestis abripuit d. 23. Nov. 1610. ut & ejus uxorem, *Ephoram Fridericiam*, cum 3. liberis. Sepultus ad S. Theod. epitaphio honoratus est a *Sebast. Sperlino*, Trib. pleb. & *J. Jac. Grassero*, V. D. M.

Edidit: *ενδοξα παραδοξα εριστικα διδακτικα*, 1593. *de principiis corporis naturalis*, 22. Nov. 1595. *theses de anima ejusque functionibus in corpore*, 2. Aug. 1596. *diff. de anima humana*,

humana, 27. Jul. 1597. *disp. -de respiratione*, 19. Dec. 1597. *de sensibus exterioribus & internis*, 3. Febr. 1599. *Conclusiones de Justitia*, 29. Sept. 1599. *de Elementis*, d. 18. Maj. 1600. *de anima humana*, d. 27. Jul. eod. *de amicitia*, d. 12. Nov. eod. *de mundo*, 6. Dec. eod. *de Meteoris*, 7. Sept. 1601. *de terra motu*, 31. Dec. eod. *de principiis rerum natur.* 5. Jan. 1602. *de uno rerum nat. principio mobili*, 5. Apr. eod. *de infinito*, 15. Jun. eod. *problemata physica*, 7. Aug. eod. *thematata ethica*, 10. Nov. eod. *de infinito*, 13. Jun. 1603. *de loco*, 20. Jul. eod. *de motus definitione*, 6. Aug. eod. *de vacuo*, 15. Sept. eod. *theses de tota philosophia*, 23. Apr. 1606. *de putredine*, 8. Jan. 1608.

VI. MARTINUS CHMIELECIUS, Med. Doct. & Logices Professor, ad Physicam translatus fuit d. 18. Dec. 1610. eamque docuit ad finem vitæ suæ, qui contigit d. 3. Jul. 1632. V. Prof. Log. n. 16.

VII. FELIX PLATER, Med. Doct. ex Logico fit Physicus d. 15. Mart. 1633. officium hoc resignavit mense Sept. 1656. senator electus a. 1664. V. Prof. Log. n. 18.

VIII. HENRICUS KISSELBACH, vir si quisquam alius erudiendæ juventuti natus & singulari Dei providentia usibus academix Basil. datus, patriam habuit Lorchium, oppidum agri Rinchaviensis, qui Archiepiscopatu Moguntino subest. Hic genitus est d. 14. Mart. 1600. parentibus, *Nicolao Kisselbachio*, fori judic. assessore & *Maria Merin*, qui filium a pueritia studiis literarum adhibuerunt, ad annum usque ætatis 21. in variis gymnasiis & academiis, ut Confluentix, Colonix Agripp. Paderbornæ, Moguntix, assidue versatum. Deinde ordini Franciscanorum adscriptus aliquot inter eos obiit munera. Post ea vitæ puritate, eruditione atque facundia commendatus pastor castrensis fuit constitutus, quo munere assidue fuerat functus, donec sedula Scripturæ S. lectione, domi jam, ubi pater exemplum Bibliorum clam servaverat, incepta, itemque sanioris philosophiæ studio, eo fuit adductus, ut relicta patria religione ad sacra reformata transiret; ea autem ut liberius proficeretur, Basileam contendit, ubi d. 3. Aug. 1635. cucullatus advenit. Editis certioribus sinceritatis signis inter alumnos magistratus, & dein exhibita fidei confessione in gremium ecclesiæ nostræ fuit receptus. In collegio

collegio sapientiæ cum versaretur, non tantum, ut necessaria acquireret, juventutem in bonis literis sedulo erudivit, sed &, quo in posterum absque publica sustentatione vitam sustineret, philosophiæ atque theologiæ diligenter incubuit, eosque fecit progressus, ut die 3. Maj. 1636. a Joh. Buxtorfio, Ling. hebr. prof. A. L. M. publice crearetur, habita oratione in quæstionem: *Αν πολυδραλλητον illud sit adprobandum: quod antiquissimum, illud verissimum & optimum?* & sequente anno in numerum verbi divini Ministrorum reciperetur, postquam prius d. 13. Maj. 1637. sub præsidio Theod. Zuingeri veræ & orthodoxæ fidei confessionem adversus antagonistas defendisset. Sub initium a. 1638. laboribus gymnasii in erudienda juventute scholastica fuit mancipatus, quibus patienter, dextre & industrie in classe tertia per annos 12. & in quinta classe per septennium multo civitatis universæ emolumento est perfunctus, Conrectoris titulo ornatus. Inter herculeos autem gymnasii labores studia philosophica & theologica diligenter continuavit, etiamque studiosis philosophiæ in collegiis didacticis & polemicis utilissimam operam præstitit. A. 1656. cum professio physica vacaret, & academiæ proceres decernerent, ut in posterum candidati professionum publica eruditionis suæ specimina ederent, ipse senatui acad. bina disputatione atque lectione physicam suam peritiam ita probavit, ut philosophiæ naturalis professio a. 1657. ipsi demandaretur, cui ad vitæ usque finem etiam supra senectutis vires utilissime præfuit, & ne quid bono publico decederet, quoties valetudo non permittebat, filium *Balthasarem Kisselbach*, Med. Doct. ex *Catharina Schlichter*, uxore, cum 5. filiabus, susceptum indultu ordinis acad. in vices suas substituit. A. 1658. ipsi etiam munus Præpositi superioris collegii fuit commissum, quo vero septennio post in gratiam filii sese abdicavit, professione tamen retenta. Valetudine tandem pleuritide iterata, senio atque laboribus adfecta atque labefactata, vitæ huic valedixit d. 26. Apr. 1673.

Edidit *confessionem veræ fidei* a. 1637. *diff. de universalibus & singularibus*, a. 1645. *de substantia & accidente*, eod. *Aspiculos philos.* eod. *de formis rerum* publ. 1651. *de primis rerum principiis*, 1654. *de indivisibilibus*, 1657. *theses physicas*, eod. *de causis in genere*, eod. *de religione*, 1659. *theses*

theses physicas, 1659. *de motu*, 1660. *de existentia formæ substantialis*, eod. *de elementis*, eod. *quaestiones philos.* 1667. *theses physicas*, eod. *quaestiones philos. alteras*, eod. *theses philos.* 1668. *de anima in genere*, eod. *de anima rationali*, eod.

IX. JOHANNES WOLLEB natalem celebravit diem 1. Oct. 1640. parentes vero honoravit *J. Jac. Wolleb*, pastorem Elisabethanum, Musicesque professorem, *Johannis Wollebii*, S. Theol. Doct. & Prof. Sacrorumque Antistitis filium, & *Annam Mariam Ubelm*. Cum ingenio esset felici, majorum exemplo de voluntate parentum a puero literis operam dedit, primisque earum elementis in ludo triviali perceptis, ad publicas scholas, denique a. 1654. ad ipsam academiam adiit, studioque philosophico nomen dedit. In hisce disciplinis philosophicis assidua & indefessa diligentia progressus utrumque honoris gradum meruit atque accepit, d. 16. Febr. 1658. Magistri artium titulo condecoratus. Hisce rite expeditis, studio Medico sese mancipavit, non tamen sepositis philosophiæ artibus, tanquam præcipuis rei medicæ adminiculis. In Gallias dein profectus, ibidem, inprimis Parisiis, per aliquot annos scientiæ & experientiæ medicæ augmenta haud contemnenda sibi comparavit. In patriam redux solennia specimina exhibuit, & dignus fuit habitus, cui supremi in Medicina honores conferrentur, quos d. 29. Aug. 1667. publice accepit, eodemque anno in locum defuncti patris professor Musicæ & Organista S. Templi constitutus est. Vocatus dein etiam fuit ad docendam philosophiam naturalem, d. 19. Sept. 1673. professor Physicæ denominatus; utramque hanc provinciam diligenter administravit, studiosis opera sua multum profuit, nec non ægrotos consiliis suis impiger adjuvit, etiam dubiis temporibus eos non deserens. Lues etiam pestifera ipsi denique fuit exitiosa. Ex crebris enim ægrorum visitationibus feбри ardente infectus & gravissimis doloribus confectus d. 17. Mart. 1675. animam efflavit, relinquens ex *Juditha Hagenbach*, uxore, *Lucæ XIII* viri filia, filium unicum *Lucam*, M. D. a. 1698. creatum.

Scripta ejus edita sunt diff. *de cancro mammarum*, 1667. diff. *de tropis*, 1668. diff. *de formali existentia elementorum in mixto*, 1672. diff. *de alteratione elementor.* 1673.

X. NICO-

X. NICOLAUS EGLINGER, Med. Doct. electus Physices Professor d. 20. Sept. 1675. noctam spartam exoravit ad d. 29. Dec. 1685. in cathedram anat. atque bot. hinc vocatus. V. Prof. Med. Pract. n. 11.

XI. JOH. JACOBUS HARDER, Med. Doct. & Rhet. Prof. Physicus fuit constitutus d. 5. Jan. 1686. mox autem, d. 18. Febr. 1687. ad professionem Anat. & Botan. translatus. V. Prof. Med. Theor. n. 13.

XII. THEODORUS ZUINGER, Med. Doct. & Eloq. Prof. Physicæ professor designatus fuit d. 18. Febr. 1687. inque officium istud vacavit, donec ei d. 18. Dec. 1703. professio Anat. & Bot. fuit demandata. V. Prof. Med. Pract. n. 12.

XIII. EMANUEL KOENIG, Med. Doct. & Linguae Græcæ professor, cathedram græcam cum physica commutare jussus est d. 18. Dec. 1703. sed eam alteri cessit, cum d. 15. Dec. 1711. Medicinæ Theor. professor nominaretur. V. Prof. Med. Theor. n. 15.

XIV. JOH. RODOLPHUS BECK, Med. Doct. & Log. Prof. obtinuit professionem Physicam d. 22. Dec. 1711. eamque administravit ad mortem suam, quæ ei obtigit d. 28. Sept. 1726. V. Prof. Log. n. 23.

XV. BENEDICTUS STÆHELIN, ab illustri academia regia Scientiarum Parisiensi ad commercium literarium adscitus, natus fuit a. 1695. ex parentibus, Joh. Henr. Stæhelin, Med. Doct. & Anat. & Bot. Prof. atque Margaretha Birr, & a tenera ætate literarum deliciis initiatus. Emenso classium gymnasii curriculo, lectiones philosophicas frequentavit animumque doctrina & philosophiæ cognitione expolivit. Acceptis diligentiae præmiis, prima Laurea d. 28. Maj. 1709. Magistri artium autem dignitate d. 10. Jun. 1710. ad rem medicam ferebatur, omnique animi intentione in eam incubuit, eoque citius atque felicius in studio isto medico fuit progressus, quo præclarius in universa philosophia fuerat versatus. Cum autem tam a parente quam a ceteris medicinæ professoribus satis amplam artis medicæ hausisset peritiam, ejus augendæ causa Galliam petiit, & Parisiis Seb. Vail-

lant, Botanicum atque demonstratorem regium, diligenter audivit. Alia etiam itinera instituit & magno Hallero in excursionibus montanis dux sociusque sæpius fuit. Domum paternam, multa eruditione locupletatus, tandem repetiit, & d. 16. Apr. 1716. maximo suo merito Medicinæ Doctor fuit renunciatus. Totum dein se tradidit philosophiæ naturali studioque botanico, quo quammaxime delectabatur, & in quo maximos faciebat progressus; non solum omnes veterum atque recentium eruditorum circa physicam atque botanicam editas observationes habuit perspectas, sed & nova varia, satis memorabilia, ipse primus detexit. Mira ei fuit in muscis & fungis indagandis solertia, quorum non sine magno suo sumtu magnum numerum delineari curavit. Horum multi fuerant novi, quos cum merita laude recensuit Hallerus in *Stirpium historia*. Ut autem ei in colligendis plantis, iisque perlustrandis, erat constantia, ita non par erat in conservandis, inque ordine & in collectione adnotationum suarum patientia. Fama eruditionis physicæ atque botanicæ, qua multum pollebat, ad externos perlata, solenne cum eo commercium literarium instituit academia scientiarum regia Parisiensis. Academia etiam patria, Basiliensis, singularia ejus merita agnoscens, eum d. 1. Apr. 1727. publicum Physicæ Professore constituit, istamque provinciam is adiit d. 26. Maj. 1727. prælectione publica *de usu philosophiæ experimentalis*. Ut autem omnia sub leges mors vocat atra suas, ita etiam illa celebrem hunc virum fuit insecuta atque adsecuta d. 2. Aug. a. 1750.

Edidit *diff. de solidorum corporis humani adtritione & dissipatione*, a. 1715. *theses physico anat. botanicas*, ad classem flore composito pertinentes, a. 1721. *positiones ex philosophia Lockiana*, 1722. *tentamen medicum de pollinis staminei globulis. liquore & particulis, de materia vegetabili Woodwardi; de particulis floris a staminibus & tubis diversis*, 1724. *tentamen physicum de analysi corporum*, 1727. *diff. de propagatione luminis*, a. 1728. *observationes anatomico botanicas* a. 1731. *de elastis & partibus floris a staminibus diversis; de subsultu particularum equiseti*. In *hist. de l'Acad. des sciences* a. 1730. edita est pars aliqua egregiæ adnotationis, *particularum n. spermaticarum equiseti quadricurium subsultus*, quem primus microscopii ope speculatus est; eadem academix misit etiam observationem *de structura quarundam plantarum, imperfectarum dictarum; Epistolam eucharisti-*

charissimam ad eruditum virum D. Daniel Hartleyum &c. in qua traduntur quadam observationes circa structuram & dissolutionem filicum & calculorum. Basl. 1742. 8. quam subjunxit ejusdem Hartleyi dissertationi epist. de Lithontrip-tico a Joanna Stephens invento &c. una cum tractatu Theo-philii Lobb de dissolventibus calculos &c. latine, ibid. eodem-que anno a se editæ. Stabelini porro in epistolis Germ. ad Albr. Hallerum missis Cent. 1. n. 7. legitur epistola. Ei in-scripsit idem Hallerus seine Gedanken über Vernunft, Aber-glauben und Unglauben; it. die Falschheit menschlicher Tu-genden, in dem Versuche Schweizerischer Gedichte, n. 5. & 6. nec non C. F. Drollinger, JC. epistolam de flore au-ricularum. Ejus operum p. 330.

XVI. DANIEL BERNOULLI, Med. Doct. a professione Anat. & Bot. extra ordinem ob singularem in rebus phy-sicis experientiam per summum Reipublicæ magistratum ad professionem Physices translatus est d. 16. Nov. 1750. eamque summa cum laude administravit, donec nuper, ob ingravescentem ætatem, ex fratre nepotem, Dan. Bernoulli, Med. Doct. in ipsius locum substituit. V. Prof. Anat. & Bot. n. 16.

PROFESSORES MATHEMATICÆ.

I. HENRICUS GLAREANUS, Poëta Cæsareus, Mathe-maticen Basileæ docuit a. 1515. testis est Erasmus in epistola ad Capitonem, Ep. l. 1. itemque in ep. ad Vr-banum Regium, ep. l. 18. an publico stipendio id fe-cerit, ignoratur. Substitit autem Basileæ ad a. 1529. quo Friburgum, motus religionis causa metuens, dis-cessit. V. Prof. Philos. n. 3.

II. WOLFGANGUS WISSENBURGER Matheseos Pro-fessor publicus constitutus fuit a. 1520. eamque provin-ciam administravit, donec ad aliam transferretur. V. Prof. N. T. n. 3.

III. CHRISTIANUS MORFIANUS, Danus, Matheseos professor fuisse legitur a. 1536. plura de eo non potui-mus reperire, præterquam quod a. 1534. Paulo Constan-tino Phrygione, Rectore, & D. Sebast. Sinckelero,
Decurio-

Decurione, Basileæ insignia philosophica acceperit & d. 13. Mart. 1537. Basilea demigraverit.

IV. PETRUS PICELLIUS, f. *Pizellius*, J. V. L. Mathesin publice tradidisse traditur a. 1537. plura de eo non habemus. Forſan idem eſt cum Petro Pitrellio, JC. qui occurrit inter Prof. Cod. n. 1.

V. VITUS ARDISÆUS natione fuit Leopontino Rhætus, Baſileam venit a. 1536. quo magnus Eraſmus ibidem fato ſuo fuerat defunctus & Mathesin Baſileæ docuit a. 1542. hoc enim anno ſe eum audiviſſe teſtatur Henr. Pantaleon; forſan jam antea eodem officio fungebatur; certe Vrſiſius in MS. jam a. 1537. eum Mathesin profeſſum fuiſſe perhibet, docere autem deſiit a. 1547. & ob nonnullos ſiniſtros de eo ſparſos rumores, a. 1556. Baſileam reliquit. Plura de eo reſcire nobis non licuit, excepto quod, cum iter literarium in Galliam fecit, prænomen *Viti*, ne quid ſcævi pateretur, ac ſi S. *Vito* illuſiſſet, mutaverit, ſequē *Titum* dixerit.

VI. JOHANNES ACRONIUS, Friſius, Med. Doct. Matheseos profeſſor fuit denominatus a. 1547. eandemque cum Logica, quæ ei a. 1549. docenda fuit commiſſa, quam vero a. 1553. Bechio ceſſit, profeſſus eſt ad finem uſque vitæ, qui ei ex peſte contigit d. 18. Oct. 1564. V. Prof. Log. n. 7.

VII. CHRISTIANUS VRSTISIUS, S. Theol. Doct. profeſſionem Mathematicam obtinuit a. 1564. & licet a. 1585. V. T. profeſſor fuit designatus, Mathesin publice docere perrexit, donec a. 1586. ad munus archigrammatei arceſſeretur. V. Prof. V. T. n. 7.

VIII. PETRUS RYFF, claris natalibus ortus, ſolis lumen primum adſpexit d. 8. Maj. 1552. parentibus uſus *Dan. Ryff*, ſenatore, & *Vrſula Zimmermann*, quæ cum iſto marito integros annos 61. tranſegit. Ad bonas literas pronus, iſdem diligenter invigilavit, & a. 1569. ex ludo literario inferiori ad altiorem ſcholam fuit promotus. Aliquamdiu philoſophatus diligentia & eruditionis honores bene promeritos impetravit, primam ſcilicet Lauream d. 26. Oct. 1572. Magiſterii vero insignia d. 31. Jan. 1576. Hinc ad ſtudium Medicum tranſiit, in

in quo partim privatis studiis, partim celeberrimorum tum temporis medicorum, inprimis *Theod. Zuingeri*, *Thomæ Erasti*, *Fel. Plateri* & *Joh. Nic. Stupani*, ductu & auspiciis ita profecit, ut d. 9. Mart. 1584. supremam in medicina lauream, diu ante meritam, adeptus fuerit. Tum praxi medicæ strenuam navavit operam, & æquo promptoque animo ægrotis omnis generis, ejus opem petentibus, solatio fuit atque salutis. Cum autem ab ineunte adolescentia disciplinis mathematicis delectatus fuisset, cathedrâ mathematicam ambiit & d. 22. Sept. 1586. obtinuit. Ceterum, ut vita fuit integer, moribus facilis, laborum patiens, industria indefessus, conscientiæ studiosus, ita modis omnibus spartam, quam nactus erat, exornare sibi curæ habuit, hinc ut non modo vivus sed vel mortuus prodesset, compendia mathematica varia adornavit & in lucem dedit, a senatu acad. perpetuis studiosæ juventutis usibus destinata. Conjugium iniit geminum, alterum cum *Anna Isengrien*, sterile 12. annorum, alterum 36. annorum cum *Dorothea Wasserhun*, liberis 12. fecundum, ex quibus fuit *Reinhardus Ryff*, ecclesiarum in agro Basil. primum Sissfacensis, dein Lucisvallensis pastor, & utriusque dioceseos Decanus. Suprema autem sua obiit ex morbo fenili d. 19. Maj. 1629.

Edidit *quæstiones geometricas in Euclidis elementa*, Franc. 1600. 4. eadem & *geodasia per usum radii geometrici prodierunt* ibid. 1606. 4. & *cum tractatu de Perspectiva communi*, Oxon. 1665. 8. *compendium arithmetica Vrsisii*, Bas. 1626. 8. *elementa sphaeræ mundi* Bas. 1627. 8. *Georg. Purbachii theoriâ planetarum* recudi fecit; *ephemerides* & *prognostica astrologica* ad plures annos. *Historiam Basiliensem*, quam patruus ejus *Fridolinus Ryff*, senator ac scholarcha, a primordiis urbis inceptam & ad sua usque tempora tractatam reliquit, ab a. 1514. ad vitæ suæ terminum continuavit, quæ verò hæcenus non fuit edita.

IX. GERMANUS OBERMEYER natus est Basileæ d. 30. Apr. 1588. parentibus honestis, *J. Jac. Obermeyer* & *Magdalena Iselin*. Musis dicatus prima linguarum eruditæ disciplinarumque rudimenta gustavit in gymnasio patrio, ex quo a. 1604. emissus philosophica studia in academia diligenter tractavit, & latinæ græcæque linguæ, rhetoricæ, logicæ atque eloquentiæ, nec non ethi-

cæ, physicæ atque mathematicæ cognitionem fatis amplam sibi comparavit. Honores nactus in philosophia primos d. 3. Jun. 1606. posteriores vero d. 12. Maj. 1608. prius habita oratione in quæstionem, *sitne cometa stella?* Dein ad studium artis medicæ sese applicavit, illudque cum disciplinis mathematicis, quas impense amabat, adfide tractavit. Postea iter instituit per Germaniam, Galliam atque Italiam, & multo cum sænore rediit. Reddita studiorum ratione, non sine eximia laude in numerum Medicinæ Doctorum cooptatus & tiara doctorali publice cinctus fuit d. 20. Dec. 1614. Theoreticæ autem atque practicæ medicinæ proporro sedulam navavit operam; ut autem quemvis sua trahit voluptas, ita is artibus mathematicis, quibus quam maxime delectabatur, multum laboris atque temporis sacrificavit; id vero haud sine fructu ad ipsum & ad academiam redundante. Accidit nempe, ut is d. 2. Febr. 1630. ordinarius matheseos professor vocaretur, sicque ei lata porta aperiretur, studium matheseos, cujus cupiditate fuerat incensus, omnibus viribus sectandi, illudque publico commodo impendendi, quod, dum vixit, totus peregit. Vir fuit ceterum fide germana, pietate, probitate atque eruditione conspicuus. Duplex contraxit conjugium, unum cum *Magdalena Verzascha*, alterum cum *Susanna Burcard*, ex qua sustulit præter filias duas filium *Danielem*, amplissimis peregrinationibus experientiam rerum agendarum consecutum, bonorum ecclesiasticorum administrationi adhibitum, denique a. 1681. ad senatoriam dignitatem evectum. Senex noster viduus a. 1654. ad administrationem superioris collegii fuit admotus, sed huic muneri haud diu præfuit, d. 1. Maj. 1655. his terris ereptus.

Edidit varia *prognostica astrologica*, quæ *calendaria* vocant, arguta divinandi felicitate exarata; nec non aliquot *dissertationes*.

X. PETRUS FALCKEISEN, Med. Doct. & Rhet. Prof. cathedram mathematicam conscendere iussus est d. 19. Nov. 1655. supremumque vitæ diem clausit 23. Oct. 1660. V. Prof. Rhet. n. 14.

XI. JOH. RODOLPHUS BURCARD, Med. Doct. nactus est

est cathedram mathematicam d. 13. Mart. 1661. eamque possedit, dum d. 17. Oct. 1664. ad cathedram Anat. & Bot. fuit traductus. V. Prof. Med. Pract. n. 9.

XII. SAMUEL EGLINGER luci editus est d. 30. Apr. 1638. patre *Sam. Eglingero*, pharmacopola & CC viro, & *Monica Mirville*. Quamprimum per ætatem licebat, ludo literario immissus, præceptorumque publicorum fidei concreditus est. Ordines gymnasii potiores emensus, Montisbelgardum mittitur, præter linguam latinam præsertim gallicæ quoque operaturus; inde redux d. 31. Aug. 1652. in ordinem philosophiæ studiosorum receptus est. Liberiores, quam hic spirabat, auras non ad licentiam sed ad laborum lenimentum adhibuit, animum suum, bonarum artium cupidum, ad optima quæque intendens. In linguis autem atque artibus præclare progressus, etiam exantlatorum laborum præmia reportavit, primam quidem Lauream d. 31. Jan. 1654. doctoræ autem philosophicæ axiomæ d. 26. Jun. 1655. Cum studio philosophico, quod non seposuit, sed diligenter porro prosequendum duxit, conjunxit jam studium medicum, quod acri animo & singulari industria omni-que cogitatione pertractavit, adeo feliciter, ut superatis cum laude & ex præceptorum voto solennibus examinis, d. 15. Maj. 1661., corona apollinea publice condecoraretur. Antequam autem facultate amplissima docendæ faciendæque medicinæ sibi concessa ipso facto uteretur, prudens statuit, eruditionem atque experientiam magis adhuc idque apud externos augere. Biennale itaque iter adhuc a. 1661. instituit, & quidem in Italiam atque Galliam; fines helveticos egressus & altissimos alpium montes supergressus, Mediolanum pervenit, hic aliquandiu *Manfredi Septalii* humanitate atque eximia in philosophia naturali peritia usus, Patavium perrexit per Mantuam, ubi diutius hæsit & per semestre tempus *Marchettium* jun. privatim audivit. Deinde adiit Venetias, & observatis observandis Ferraram, Bononiam atque Florentiam, hinc Lauretum, denique recto pede Romam petiit; inde totius fere Italiæ longitudinem emensus, Genuam pervenit, hinc mare petit Ligusticum, quo Tolonium devehitur, inde in Galliam Narbonensem sese retulit atque Massiliam. Animus erat jam Tholosam tendere, sed studii medici amor & ardor Montispe-
tissu-

tispeffulum eum compulerunt, quatuor menses, quos anatomicis atque botanicis exercitiis impendit, ibi re-
tentum. Hic inter alios, quos sibi familiares reddidit,
offendit *Marcum Mappum*, tum Medicinæ studiosum,
postea ejusdem apud Argentinenses professorem, cum
quo ibidem sacram contraxit amicitiam, quam commer-
cio literario & mutuis, quoad licuit, studiis, ad vitæ
usque terminum religiose coluit. Hinc orbis compen-
dium, Parisios, profectus, studiorum & amicitiae con-
sortem nactus est *Heinr. Meybomium*, jam tum in Aca-
demia Julia Anat. & Bot. professorem designatum. Ba-
sileæ tandem redditus non diu substitit, sed mox Ar-
gentoratum ad *Spenerum* suum, a quo olim Basileæ ma-
thematicarum scientiarum principia hauserat, contendit,
eadem aucturus atque perfecturus. Illinc reversus d.
10. Jan. 1665. Matheseos professor constituitur, eique
ocasio conceditur, vastam suam in hacce disciplina scien-
tiam declarandi, & in commodum publicum impen-
dendi. Huic studio, quod totum virum postulat, jam
totum se dedit, & omnes Matheseos partes sibi fecit
notissimas. Bibliothecam etiam collegit instructissimam,
ex Ecclesiæ patribus compluribus, Medicis, philosophis,
historicis atque mathematicis fere cunctis constatam.
Cimeliarchium etiam nec non laboratorium habuit chy-
micum; illud complectebatur, quicquid in regno vege-
tabili, animali atque minerali curiosum occurrit; hoc
non habuit ostentationis causa, sed in eo ipse diligen-
ter tincturas, essentias, elixiria, salia qua volatilia, qua
fixa, atque hujus generis alia confecit. Duo interea sus-
cepit itinera, unum sanitatis causa ad aquas Fabarien-
ses in Rhætiae convallibus scaturientes, alterum pieta-
tis, sed sibi lethale, ad fratrem *Nicolaum Eglinger*,
mercatores Francofurtensem, periculose ibidem decum-
bentem. Salvus Francofurti advenit & fratrem conva-
lescentem invenit. Fratre dein Lipsiam tendente, ipse
Basileam reverti fuit adgressus. In itinere vehementis
morbi impetus passus Heidelbergam se transferri cura-
vit, ubi febris maligna, coelebs, relicta tamen moestis-
sima matre, d. 27. Dec. 1673. supremum vitæ diem
obiit.

Edidit diss. *de humoribus*, 1660. diss. *de nephritide*, eod.
Endoxa & paradoxa ex variis matheseos partibus, 1664. diss.
de lienteria & solis adfectibus, 1667.

XIII. PE.

XIII. PETRUS MEGERLIN natus Campoduni d. 25. Febr. 1623. patrem coluit *Davidem Megerlin*, J. V. D. urbis Campodunensis syndicum & consiliarium Würtembergicum; mater autem ei erat *Felicitas Eckgoldt*, filia *Petri Eckgoldtii*, physici Lindaviensis. Teneros annos liberalibus artibus discendis impendit; ad maturiorem ætatem progressus studium Juris inchoavit, & brevi haud exiguos in eo fecit profectus. Cum enim & ingenio valeret, & nullis fatigaretur laboribus, præceptore insuper uteretur optimo, ipso nempe parente, profectus insignes abesse non potuerunt. Hos vero ut magis auget, Tubingam fuit missus, ubi per integrum lustrum lectiones antecessorum juris audivit, multumque legendo atque meditando in usum suum convertit. Animo autem etiam ad mathematicas scientias inclinate, iisdem gnave operam navavit, & proprio Marte plurimum in iis profecit. Relicta Tubinga a. 1645. Spiram abiit, cum theoria juridica etiam praxin conjuncturus. Dein munus a comitibus Hohenloënsibus ipsi delatum accepit & omni dexteritate eodem functus dimissionem petiit, quam ut & honorificam summo officio præditi hominis testificationem obtinuit. A. 1651. mathesein atque juris studium perfecturus Basileam se contulit, ibique d. 29. Apr. ejusdem anni publice J. V. D. fuit proclamatus, postquam in quæstionem: *an subditi arma gerere possint contra principem?* facunde disseruisset. Elapso quadriennio uxorem duxit *Juditham Falckner*, quæ ei duos filios & quinque filias peperit, ex quibus liberis duas tantum filias cum matre sibi superstites habuit. Licet ei ampla munera apud externos offerrentur, in quibus etiam erat Syndicatus Campodunensis, ea tamen omnia recusavit, liberum religionis purioris exercitium, quo Basileæ fruebatur, omnibus præferens. Nec intermiserunt Basilienses, ejus diligentiam remunerari, fructusque eruditionis ipsius percipere. Summus nempe civitatis magistratus a. 1660. Reipublicæ Syndicum, & academix procures d. 26. Jan. 1674. Matheseos professorem eum denominaverunt. Utrique autem huic officio cum dexteritate, fide atque industria, qua debuit licuitque, præfuisse, & civibus consulendo, studiosis vero docendo multum profuisset, ipse Marasmo senili consumtus est d. 26. Oct. 1686.

Edidit *theses jurid. de actionibus in genere*; 1641. *discursum mathematicum de cometa nuper viso*, 1661. *theses mathematicas*,
D d

themáticas, eod. *de cometa viso* a. 1664. germ. c. f. Bas. 4. *Astrologicas conjecturas de cometis*, 1665. disp. *de chronologia principiis & computo ecclesiastico*, 1676. *descriptionem cometae*, qui a. 1680. adparuit, 1680. fol. *systema mundi Copernicanum theologia conciliatum*, Amst. 1682. c. f. 8. *theatrum divini regiminis a mundo condito usque ad nostrum seculum in tabella mathematico historica cum indice chronologico historico & commentario chronologico*. Bas. 1683. 4. *Indicem historiae chron.* &c. ib. eod. 4. *Confessionem fidei* germ. MS. Ministerio ecclæs. Campidunensi exhibuit d. $\frac{5}{15}$ Jul. 1652. quam hoc disticho clausit :

*Non ego Calvinum, magnum nec suro Lutherum;
Verus uterque placet, falsus uterque jacet.*

XIV. JACOBUS BERNOULLI, Mathematicorum sui temporis princeps, natus est d. 27. Dec. 1654. ex patre *Nicolao Bernoulli*, fori judicialis & cameræ rationum adfessore, qui inverso factorum ordine octogesimo ætatis anno primogeniti hujus filii sui funus duxit; matre vero *Margaretha Schænauer*, quam præcoce funere ereptam in adolescentia deslevit. Quamprimum per ætatem licebat, gymnasii nostri præceptoribus iis literis, quibus pueritia ad eruditionem & honestatem informari solet, instruendus est traditus. Horum industria cum jam eo usque in literis profecisse est visus, ut in academicam lucem translatus philosophiæ studio vacare posset, academix civibus adscriptus philosophiam omnem excoluit, privata præcipue usus opera *J. Jac. Hofmanni*, S. Theol. Doct. tunc græcæ linguæ, postea historiarum professoris; cum autem solennia industriæ præmia, nempe primam laurum d. 31. Maj. 1670. & d. 21. Nov. 1671. supremam in philosophia lauream, accepisset, ex voluntate patris studio S. Theologiæ nomen dedit d. 22. Nov. 1671. ipse vero animum magis ad studium mathematicum inclinavit, cujus amore ita fuerat captus, ut, si forte figuras geometricas adspexit, earum consideratione quam maxime delectaretur. Patri autem cum hocce studium minus probaretur, absque ullis subsidiis & non nisi furtim ei inhiavit, nullosque alios libros, quam quos fors aliunde objecit, vel quos mutuo accepit, evolvere potuit; quibus vero eo diligentius fuerat usus, quod eos paulo post restituendos, nunquam in manus suas redituros esse nosset. In hisce angustiis, quod ad mathematica subsidia adtinet, positus eo uti solebat emblemate, quod Phaëntem Phœbi patris sui currui insistentem

stentem exprimebat, cum hac epigraphe: *Invito patre sidera verso*. Licet autem furtivo tantum studio dilectos suos numeros atque figuras absque ulla manu ductione, subsidiis omnibus destitutus, tractaret, in istis tamen scientiis tantum profecit, ut anno ætatis 18. celebre problema chronologicum de inveniendò anno periodi Julianæ ex datis tribus cyclis, solis, lunæ & indictionum, quod in prima parte deliciarum mathematicarum

*Dan. Schwenter*i exstat, proprio Marte felicissime resolverit. Inter hæc studia non solum theologiam, ut patri placeret, sed & literas præsertim humaniores, sibi ipsi satisfactorius, diligenter tractavit, iisque eo cum effectu incubuit, ut in utroque & solutæ & ligatæ orationis genere ea jam tum ediderit artis documenta, quæ ingenii acumine, verborum nitore, sententiarum elegantia, etiam peritissimis illarum artium magistris potuerint satisfacere. Quinquennio, quod studio theologico constitutum erat, elapso ratio studiorum erat reddenda, quam ita exhibuit, ut a. 1676. in eorum numerum reciperetur, quibus sacrorum publice docendorum facultas conceditur: quo ille officio postea & Basileæ & Genævæ præcipue, tum & in Lemovicensi illa commoratione sua concionibus ad populum habendis feliciter est defunctus. Hæc studiorum fundamenta postquam in patria posuit, peregrinatione literaria linguarum & artium cognitionem locupletare constituit, hancque mense Majo 1676. ingressus Genævæ primum substitit, ibique mox insigne dexteritatis & iudicii sui specimen edidit. Erat tum Domino a *Waldkirch*, mercatori, filia *Elisabetha*, quæ bonarum literarum capaci ingenio a natura instructa, calamitate aliqua jam inde a secundo post natiuitatem mense omnem oculorum usum amiserat. Hanc ille solerti & arguta quadam docendi ratione usus non eo tantum perduxit, ut literas expedite pingere disceret, sed & Logicæ, Physicæ & Historicæ artis scientiam non pœnitendam sibi compararet. Post viginti mensium commorationem, Geneva relicta, totam fere Galliam perlustravit. Accidit autem tum temporis, ut cum *Claudius Blancherius*, Marchio Lothangius ex Lemovicensibus, filio suo ephorum & præceptorem quæreret, ipse oblata sibi ea conditione a. 1678. per Lugdunenses & Arvernos facto itinere, Nedam, ejus Marchionis sedem, peteret, in qua postquam per menses tredecim concionatoris & informatoris officio est functus, continuata per

Lemovicenses & Petrocorios profectioe, Burdegalam venit, cujus urbis amœnitate captus per semestre tempus, quo in ea substitit, præter consuetudinem, quam cum doctis ejus civitatis viris, *Baudovero* mathematico, nec non *Rondeletio*, *Goyonio*, & *Sarravio*, qui tum in Reformatorum ecclesia sacra ministrabant, frequentem habuit, tabulas quoque Gnomonicas universales magno studio concinnavit: excursionem quoque in vicinam Regulam, ubi tum Aquitanix Parliamentum jus dicebat, fecit. Hinc secundo Garumna in Oceanum delatus, Aquitanix litora & Ream insulam prætervectus, Rupellam adpulit, unde per Nannetes & Salmurium, ubi *Capellum*, hinc per Aurelianum, ubi *Pajotum* compellavit, Lutetiam Parisiorum venit, in qua urbe postquam duorum mensium spatio quicquid visu memorabile occurrit, curiosis oculis perlustrasset, patriæ & parentum iterum adspiciendorum desiderio impulsus, per Franciæ insulam, Campaniam, Lotharingiam, Alsatiam, ipso die Ascensionis Basileam intravit. Jam amicorum suasu *Malebranchii* scrutinium veritatis & *Cartesii* scripta tum primum cœpit evolvere, cujus scriptoris methodum potius quam principia adprobabat. Hæc ei lectio ad id profuit, ut jam in philosophia ultra consueta compendia sapere inciperet. Dum in his est, Cometæ, qui per id tempus in cœlo formidandæ magnitudinis effulsit, occasione, quendam ingenii lusum de futura ejus nova adparitione in publicum edidit, pauloque post alteram in Belgium & Angliam profectionem instituit. Et in Belgio quidem Amstelodami aliquanti temporis moram traxit, ibique *Alexandrum de Bie*, Matheleos professorem, res mathematicas in gratiam nautarum vernacula lingua explicantem aliquoties audiit, ac per otium in vicinas urbes & provincias excurrit. Inprimis autem Lugduno Batavæ universitati penitus lustrandæ aliquod tempus dedit, in qua *Wittichio*, *le Moine*, theologis, *Bæckelmanno* J.C. & *Woldero* philosopho innotuit. Et huic certe Belgicæ commorationi illud se debere sæpe prædicabat, quod excussis, quibus hactenus immerfus erat, tenebris atque præjudiciis, sanioris philosophiæ & demonstrationum mathematicarum, quas a præstantissimis ejus scientiæ magistris publice videbat exhiberi, dulcedine inescatus, ipse quoque ad illorum exemplum ad altiorem aliquem doctrinæ gradum viam adfectare cœperit. Aliquod etiam profectuum suorum,

suorum, quos in Belgio fecerat, specimen publice extare volens, primo quidem *conamen* illud suum *de cometarum motu* in latinam linguam translatum, multo quam prius auctius: postea etiam tractatum *de gravitate ætheris* belgicis typis excusum in publicum edidit, quo fama ejus longe lateque fuit dispersa, nec non illis eruditis observationibus, quas ab eo tempore singulis annis diario eruditorum Parisiensi & actis Lipsiensibus inferi curavit. Tandem per præcipuas Brabantix, Zelandix, Flandrixque civitates Caletum usque continuato itinere in Angliam trajecit, in qua insula *Baylium*, *Isaacum Vossium* ejusque famosum hospitem, *Adr. Beverlandium*, *Rob. Hookium*, *Justellum*, *Stillingfleetum*, *Baxterum*, *Galium* aliosque celeberrimos viros salutare non intermisit. Ex Anglia Hamburgum est transvectus, unde brevi per Germaniam transitu domum a. 1682. rediit. Quamquam ne tum quidem prius sibi cessandum existimavit, quam bimestri itinere Helvetix pagos omnes esset emensus. Ex eo tempore stabilem in patria pedem posuit, & mathematica studia majori adhuc labore urgenda sumsit. Hoc tempore collegium, quod vocant, experimentale physico mechanicum publice aperuit; primusque rerum harum pulcherrimarum in urbe nostra vel auctor vel evulgator exstitit. Contigit tum, ut ab ecclesia Reformata, quæ Argentinæ colligitur, opera ejus in Sacris gallica & germanica lingua populum docendis requireretur, quam vero is negavit. Haud multo post Heidelbergam fuit vocatus, ut mathesein vicario nomine doceret; paruiſſet etiam, nisi a. 1684. matrimonium interceſſiſſet cum *Juditha Stupanus*, e qua geminæ sobolis, masculæ & foemineæ, pater est factus: filia in *Nic. Ryhineri*, mercatoris, conjugio vixit, filius autem, *Nicolaus*, pictor atque senator, a. 1769. diem suum obiit. Inter præclara hujus viri gesta poni & præcipue debet, quod fratrem suum, *Johannem*, acutissimi ingenii tum adolescentem, ad eadem studia mathematica perduxerit, eumque matheseos principia magna fide & egregio cum successu docuerit; cum eo dein junctis viribus laboravit, & in aliis cum eodem *calculus differentialium & integralium*, quem *Leibnizius* in actis eruditorum Lips. M. Oct. 1684. recens inventum sed tecte admodum in problemate aliquo innuit, feliciter detexit, cujus ille primum specimen exhibuit

in iisdem actis m. Maj. 1690. solutione problematis, quod a Leibnitio *de inveniendâ lineâ descensus æquabilis* olim fuerat propositum; hancque ejus dexteritatem mirifice sibi probari testatus est Leibnitius, adserens, neminem sibi esse notum, qui melius quam Bernoullius mentem suam penetraverit, hancque inventionem non minus fratrum Bernoulliorum quam suam esse habendam. In hisce laboribus atque novis detectionibus cum versaretur, opportune accidit, ut cathedra mathematica vacaret, quæ ipsi conspirantibus in unum suffragiis d. 15. Febr. 1687. fuit delata, quamque is adiit d. 11. Mart. 1687. prælectione, qua *historiam originis & progressus matheseos* exposuit. Inter complures eruditissimos viros, qui Bernoullium nostrum suum in mathematicis præceptorem agnoverunt, vel per literas cum eo de rebus gravissimis contulerunt atque interiorem amicitiam conjunxerunt, nominandi imprimis sunt *Rogerus Broulartus*, Marchio de Puyseux & Silleri, regis Galliarum ad Helvetios Legatus - - *Guilielmus Hospitalius*, eques & marchio S. Mesmii & Montelerii, *Nicol. Fatio Duilherius*, *Leibnitius*, *Petr. Varignonius*, *Otto Menkenius*, *Pfauzius* - - *Academia etiam Scientiarum Parisiensis* a. 1699. nec non *regia Berolinensis*, simul ac ea fuit instituta, a. 1701. Bernoullium nostrum solenniter suum sodalem adlegerunt. Sed mors ultima linea rerum ei post tot exantlato labores acceptosque honores evenit d. 16. Aug. 1705. quo phthisicus occubuit. Morti proximus præcepit, ut saxo ejus sepulchrali lineâ spiralis logarithmica circulo inclusa insculperetur, cum hac epigraphe: *Eadem mutata resurgo*. In ejus honorem non solum Basileæ concio funebris germ. a *J. Rod. Wettstenio* in 1. Reg. XIX. 4. 5. nec non oratio parentalis lat. a *J. Jac. Battierio* JC. habita lucem viderunt, sed & Parisiensis Academia ejus memoriam solenni ritu in publico Societatis conventu d. 14. Nov. 1705. parentali oratione, singulari nec promiscue omnibus tribui solito honoris genere, prosecuta est.

Opera ejus omnia collecta, edita atque inedita, junctim prodierunt notis illustrata a Nicol. Bernoulli, J. V. D. ac Prof., Auctoris ex fratre Nicolao nepote, Genev. 1744. 2. T. in 4.

XV. JOHANNES BERNOULLI, Med. Doct. apud Groningenses Matheseos professor, Jacobi Bernoullii frater, & designatus professor Linguæ Græcæ, electus fuit Basileæ Matheseos professor d. 21. Sept. 1705. hancque cathedram summa cum laude exornavit ad vitæ suæ usque terminum, qui contigit d. 1. Jan. 1748. V. Prof. Ling. Gr. n. 24.

XVI. JAC. CHRISTOPHORUS RAMSPECK, Med. Doct. cathedram mathematicam d. 10. Sept. 1748. fortitus eandem statim, ita d. 7. Oct. 1748. summo Reip. magistratu adprobante, cum cathedra Eloquentiæ, quam *Joh. Bernoulli*, fil. occupaverat, commutavit. V. Prof. Elog. n. 26.

XVII. JOHANNES BERNOULLI, Joh. fil. J. V. D. hactenus Eloquentiæ professor, cathedram Matheseos paternam jure commutationis obtinuit d. 7. Oct. 1748. eamque huc usque magna nominis sui fama atque auditorum utilitate occupat. V. Prof. Elog. n. 25.

PROFESSORES ETHICÆ.

I. OTTO WERDMÜLLER, Tigurinus, alias dictus *Napemylus*, vel *Myliander*, natus est a. 1512. genitore *Henrico Werdmüller*, senatore, & quia mature bonæ indolis ingenique boni indicia ostenderat, ipsum pater in literarum & artium studio educari curavit. Itaque, jactis in scholis domesticis, *Thoma Platero* usus præceptore, scientiarum fundamentis, arteque etiam manualia cum literis conjuncta, auctore *Henr. Bullingero*, missus fuit Basileam & a. 1531. Argentinam, ubi per triennium & supra græcam latinamque linguam, ut & philosophicas artes, diligenter excoluit. Hinc a. 1535. Wittenbergam abiit, & præcipue Physicæ, Ethicæ & Mathematicæ operam dedit. Theologiæ etiam fuit operatus, & *Mart. Lutheri*, *Phil. Melanchthonis*, aliorumque publicas privatasque prælectiones audivit. Postquam hic omnium suffragiis Magister liberalium artium publice creatus atque duplici testimonio, uno Universitatis publico, altero *Phil. Melanchthonis* privato, ornatus fuisset, a. 1539. pedibus iter fecit Lutetiam Parisiorum,

ubi facultatem, qua jam etiam Wittenbergæ gaudebat, accepit, in collegio Blasiano in Ciceronis orat. ad equites Romanos, Isocratis orat. de pace, aliquot Luciani dialogos - - - quotidie atque publice prælegendi; hinc profectus etiam Aureliæ brevi tempore eloquentiæ præcepta tradidit. Eodem anno 1539. Basileam venit, ubi ei statim professio artium deferebatur, anno vero 1540. a parentibus atque amicis domum vocatus reditum in patriam, ægerrime quidem dimissus, paravit atque perfecit. In synodo majali ejusdem anni Tiguri in ordinem ministrorum verbi divini receptus, eodemque anno professor philosophiæ moralis & naturalis, a. 1545. plebanus & diaconus S. Templi & denique a. 1547. archidiaconus atque canonicus constitutus fuit. Diem emortualem habuit 25. Mart. 1551. relictis aliquot liberis, quorum natu maximus, *Abel*, a. 1566. diaconus Stammheimensis & a. 1577. pastor Hengkartensis electus decem liberorum pater exstitit.

Scriptis Otto de dignitate, usu & methodo philosophiæ moralis, quam Aristoteles ad Nicomachum scripsit l. 2. Bas. 1545. *commentarium in orationem Ciceronis ad equites Rom.* qui sub nomine Myliandri Tigurini prodit Bas. 1539. *una cum aliorum laudationibus in omnes orationes Ciceronis, & Parisiis scriptis* 1540. Tiguri item ex recognitione auctoris & Bas. 1553. *de officio concionatoris christiani* 2. sermones 1551. & l. *de justificatione* 1552. Herborn. 1588 & 1607. *summam christiana fidei; libellum de morte, germ.* Tigur. 1552. 12. *de adfectionibus &c.* germ. Tiguri 1548. 8. 1. *de similitudinibus ab animantibus desumptis*, Tig. 1555. *de bonis operibus*, 1551. Ab istis scriptis vir iste laboriosus atque judiciosus *Scholasticus Reformatus* solebat vocari.

II. ANTONIUS WILD præceptor fuit Petrinus post *Joh. Sphyractem* studiorum causa in Galliam profectum, ab a. 1531. ad a. 1538. dein d. 2. Nov. 1540. Basileæ publice philosophiæ Laureatus una cum Vdalr. Hugobaldo fuit creatus, & quidem, ut diserte in matricula adnotatum est, gratis, quod de literis bene meriti essent, d. 4. Jan. 1541. publice in ordinem philosophiæ magistrorum receptus, nec non philosophiæ professor constitutus est, quo vero eodem anno ex peste diem suum obiit. Virtilius in Chronico eum elogio eruditi professoris condecoravit.

III. VDAL-

III. **VDALRICUS HUGOBALDUS**, Mutius, Thurgæus, prius Ludimoderator S. Templi, dein professor Pædag. Grammaticæ Lat. nec non Rhetoricæ, postea in academia professor Logicæ, denique a. 1541. Ethicæ professor designatus, eandem cum Rhetorica, quam ab a. 1544. ad a. 1550. docuerat, professus est, donec fatum ei silentium imposuit d. 24. Jan. 1571. V. Prof. Pæd. Cl. I. n. 2.

IV. **THEODORUS ZUINGER**, Med. Doct. Linguae Græcæ professor, in cathedram Ethicam evectus fuit anno 1571. ex eadem vero advocatus & ad Medicam professionem translatus a. 1580. V. Prof. Med. Theor. n. 5.

V. **NICOLAUS TAURELLUS**, Medicus, & professor Eloquentiæ, Zuingeri surrogatus fuit d. 31. Maj. 1580. sed ante cœptam hanc professionem Altorfium abiit, ubi d. 28. Sept. 1606. ex peste obiit. V. Prof. Eloq. n. 9.

VI. **SIMON GRYNÆUS**, cujus avi, *Johannis, Simon Gryneus*, philosophus atque theologus, fuerat frater, natus est Bernæ a. 1539. d. 1. Dec. ex patre *Thoma Gryneo*, Vehringensi, qui tum temporis Bernæ latinam græcamque linguam publice fuit professus, matre vero *Adelheida Stouber*, Tigurina. Ab ipso patre latinis græcisque literis institutus puer, & cum eodem Basileam, quo pater ad docendam Grammaticam latinam fuerat vocatus, mense Januario 1546. profectus, cum fratre *Joh. Jacobo*, postea ecclesiæ Basil. Antistite atque Theologiæ Professore, a. 1551. academiciæ Rectoris matriculæ nomen dedit. Hic præter patrem publice privatimque docentem, in poësi Nisæum, in Dialecticis Vlr. Coccium, Joh. Acronium & Joh. Hospinianum, in Rhetoricis eundem Nisæum, ut & Cœl. Sec. Curionem, in Homerum & Plutarchum legentem Seb. Castellionem, in Physicis Acronium Frisium atque Henr. Pantaleonem & in Ethicis Hugobaldum diligenter audivit, & tantum profecit, ut d. 28. Oct. 1556. philosophicos honores, primam nempe Lauream, publice acceperit. Horum præceptorum opera ulus est ad an. 1559. quo Heidelbergam missus Thomam Erastum, Guil. Xylandrum, Sigism. Melanchthonem atque alios

D d 5

habuit

habuit magistros, ubique diligentia atque eruditione sua se ita commendavit, ut ipsi a. 1564. Mathematicum professio, oblato salarii 120. flor. demandaretur, quam &, adsumto prius A. L. M. titulo adiit atque diligenter administravit. Simul autem arti medicæ operam dedit, ducem præcipue secutus Thom. Erastrum, & tantos in anatomia atque praxi medica fecit progressus, ut propria manu sceleton artificiose concinnaverit, quod is *Friderico*, Electori, obtulit, hujusque principis admirationem meruit. A. 1567. iniit matrimonium cum *Clara Simelbechia*, Heidelb. Sequentē anno 1568. Medicinæ Doctor creatus moxque collegii administrator constitutus fuit. Paulo post Bernam vocabatur ad medicinam faciendam, sed Heidelbergam eum retinuit. Cum autem postea variæ religionis causa obortæ fuissent factiones, ipseque Lutheranorum partibus accedere nollet, honestam a. 1580. obtinuit dimissionem & Basileam, alteram suam patriam, concessit, ubi tum vacantem philosophiæ moralis professionem eodem anno 1580. obtinuit, eique fide integra præfuit, profuturus uberius, si ulterius vivere datum fuisset. Jam enim die 3. Sept. 1582. terræ valedixit, peste abreptus.

Edidit *commentarium de ignitis meteoris & de cometarum causis ac significationibus*, 1580. 4. *de cometa, qui fuit annis 1577. 1578. de inusitata magnitudine & figura Veneris annis 1578. 1579.*

VII. THEOPHILUS MADER, A. L. M. & Med. Doct. Frauenfelda Thurgoviensis, natus est a. 1541. & primam pueritiam non sine diligente morum ingenique cultura in patria schola exegit; adolescens studiis humanitatis strenuam operam dedit, & incredibili literarum græcarum amore flagravat. Inprimis vero Basileæ atque Heidelbergæ ductu *Thomæ Erastræ*, philosophi ac medici celeberrimi, quem per 12. annos docentem audivit, in arte medendi insignes fecit progressus, & cum *Adriano Borckio*, Cameræ postea Imperialis adfessore dignissimo, cui deinceps in signum pristinæ amicitiae Erastræ disputationes & epistolas dedicavit, tanta vixit familiaritate, ut ambo uno convictu & mensa, eodemque contubernio usi sint. Basileæ a. 1582. per aliquot menses cathedram Ethicam vicario nomine occupavit. A dicto

dicto Eraſto diligentiffime omnibus bonis commendatus, varias Germaniæ partes adire ſecum decreverat. Quæ etiam commendatio ſuo non caruit pondere, ſiquidem in itinere conſtitutus, Norimbergæ perilluſtrium Dn. Curatorum academiæ Altorffinæ gratiam ita ſibi conciliatam reddidit, ut Organi Ariſtotelici profeſſionem an. 1584. ultro ipſi offerrent. Accepit quoque publicum hocce docendi munus, & magno quidem adplauſu, ſed non diu illi præfuit. Nam a. 1585. Ambergam ad functionem Medici ac Phyſici ordinarii obeundam fuit vocatus. Hac etiam relicta Heidelbergam eſt profeſſus, ibidemque Medicinæ ac Phyſices profeſſionem conſecutus, quo in officio d. 26. Jan. 1604. vitam cum morte commutavit.

Edidit *Thoma Eraſti diſputationes & epistoſas medicinales*, Tig. 1595. 4.

VIII. THOMAS ERASTUS (*Liebler*, ſ. *Lüber*) natus eſt d. 7. Sept. 1524. non, ut quidam perhibent, in Auggen, vico ditionis Badenweiler, Marchionatus Badeniſis, ſed in oppido helvetico Baden, unde & *Aqueniſis* dicebatur. Badenſem certe ipſe ſe vocavit in matricula Reſtoris academiæ Baſil. & in ejus epitaphio, Baſileæ exſtante, itidem Helveto Aqueniſis vocatur. Parentes habuit tenuibus opibus præditos, quod unum erat ſtudiorum impedimentum; alterum erat dextræ manus ἀδυναμία, in cujus locum ſiniſtra ſuffecta & ad ſcribendum tam feliciter fuit aduſeſacta, ut nullum inde detrimentum tam päteretur, quin hæc atque alia gravia licet literarum obſtacula ita ſuperavit, ut acutus philoſophus, elegans medicus, ſincerus theologus, Heidelbergeniſis academiæ columen, Baſilienſis lumen evaſerit haud exiguum. Domi ad academiā, quoad licuit, præparatus, ſtudiorum cauſa Baſileam venit, & a. 1542. academiæ civibus ſeſe adjunxit. Linguis artibusque pro virili operam dedit, itemque S. Literarum lectioni atque meditationi diligenter incubuit integri biennii ſpatio, quo Baſileæ commorabatur; anno autem 1544. quo peſte correptus, divina vero gratia reſtitutus fuit, Baſileam reliquit & Italiam petiit. Bononiæ inprimis acutiori philoſophiæ ſe dedit, & merito doctiſſimis philoſophis adnumeratus fuit. Medicinam etiam philoſophiæ con-

conjunxit & strenue excoluit, præstantissimo usûs magistro D. Luca Ghyno, nec non studiorum socio suavissimo, Camillo Franchino, postea medico Bononiensi experientissimo, amico Erasti constantissimo. Summis in medicina apud Italos inactatus honoribus, exacto in Italia novennio, patriam suam revisit; mox vero in aulam principum Hennebergensium vocatus aliquandiu medicinam exercuit. Jam hic quædam adversa, criminationes nempe, ac si Arianismo faveret, fuit passus, a quibus tamen, quantum licuit, sese purgavit, inprimis in epistola ad anonymum scripta, quæ inter Goldasti epistolas 70. adparet, in qua præter alia hæc scripsit: *ego a nullo errore & peccato in omni mea vita alienior fui quam ab isto; & vix puto vivere illum hominem, qui minus me de articulo Trinitatis sacrosanctæ unquam dubitarit.* Suspicio autem ista orta fuerat ex amicitia qualicunque, quam cum Andrea Duditio, episcopo Quinqueecclesiensi, in Scepticismum, Arianismum atque Socinianismum prolapso, fecerat. Postea a Friderico III. Electore Palatino, Heidelbergam vocatus & Medicinæ professor, quin & principis archiater atque consiliarius nominatus, etiamque ob peritiam theologiam colloquio in monasterio Maulbrunnensi a. 1564. inter theologos Palatinos atque Würtembergicos de præsentia corporis Christi in S. Coena instituto adhibitus fuit. Hic dum ageret, alia sed mitior controversia ipsi contigit cum Theod. Beza, in cujus, in Italia adhuc commoratus, tam arctam venerat familiaritatem, ut ad eum sæpius sua non excudenda solum, sed & examinanda miserit. Accidit nempe, cum sub Friderico III. ecclesia Heidelbergensis instauraretur, ut etiam Erastus sententiam rogatus diceret, idque opus egregie promoveret, qua vero occasione cum primario illius ecclesiæ pastore D. Casp. Oleviano in disceptationem venit, adeo vehementem, ut iste Erastum Arianismi reum agere tentarit. Hoc cum innotuit Bezæ, ad utrumque fraternas dedit literas, quibus Erastum ut amicum, Olevianum ut suum olim discipulum graviter admonuit, &, ut contentio ista amice & placide statim componeretur, diligentem operam contulit. Dum autem hæc aguntur, adferuntur Bezæ theses Erasti de excommunicatione manuscriptæ, ad quas Beza quædam modeste notavit, quæque notata Tigurinis atque ipsi

Erasto

Eraſto legenda miſit. Ad hæc Eraſtus reſponſionem & ulteriorem deſenſionem paravit, quam vero divulga-
re noluit, metuens, ne mutuæ amicitix vel paci ec-
cleſiæ palatinæ jam ſtabilitæ aliquid damni adferret, ut
adeo res inter Bezam atque Eraſtum amice peracta pro-
funde ſepulta manſiſſet, niſi *Caſtelvetrus* quidam, qui
Eraſti deſuncti viduam duxerat, illud ſcriptum evulgaſ-
ſet, ſicque oleum igni adſudiſſet. Beza tunc veritati &
famæ ſuæ conſulens ſuam de excommunicatione ſenten-
tiam argumentis adſtruxit tractatu de Excommunicatione
atque preſbyterio Genevæ a. 1590. impreſſo, ita tamen
modeſte & temperanter, ut quam Eraſto vivo, quantum-
vis diſſentienti, amicitiam exhibuit, mortuo quoque
præſtiterit. Interim Eraſtus quieti ſe traditurus, cum
Iſotta a Canonicis, nobilis Bononiensis Catalani filia,
quam Bononiæ duxerat, cujuſque ſoror *Lavinia* Heidel-
bergæ apud Iſottam educata *J. Jac. Gryneo*, Theologo,
nupſerat, Baſileam a. 1580 ad adſinem iſtum proſectus
eſt, ubi d. 17. Jan. 1583. profeſſionem Ethices obti-
nuit, quam vero is in gratiam viduæ Sim. Grynæi, J.
Jac. fratris, nonniſi vicario nomine & ea conditione
accipere voluit, ut integrum ſalarium illi viduæ cede-
ret. Sed eodem anno d. 31. Dec. 1583. mors miſeria-
rum quies ei obtigit. Vir erat Eraſtus pius, modeſtus,
laborioſus, eruditus in theologia, medicina atque phi-
loſophia; moribus integerrimus, quem non puduit,
ſicubi erraſſet, humani lapſus culpam proſiteri. In pra-
xi medica ſatis fuit felix, hydropem, epilepſiam, po-
dagram, alioſque morbos complures, quos Paracelſus
dicitur incurabilium loco habuiſſe, haud raro curans.
Aſtologiam judiciariam, medicis haud paucis ominis &
numinis loco cultam, ipſe nihili fecit, & ſolidis argu-
mentis refutavit, uti & Paracelſicam medicinam, ſive
novitate blandientem, ſive vanitate illudentem, acer-
rime eſt infectatus. Vti utrique academiæ, Baſilienſi
& Heidelbergenſi, plurimum ſe debere agnovit, ita
illuſtre grati animi monumentum editurus, bonis lite-
ris, inprimis arti medicæ & veræ religioni fovendum
ſtipendium legavit quatuor millium librarum ſortis ca-
pitalis, quam fidei academiæ Baſil. commiſit, ea lege,
ut quantum ex redditibus annuis proventurum eſſet,
cederet alendis quatuor ſtudioſis, duobus in academia
Baſil.

Basil. totidemque in Heidelbergensi, confessioni Basiliensi & Heidelbergensi addictis.

Scripta ejus sunt: *Aliquot dissertationes de cometis*, Basl. Disq. de S. Cæna, germ. 1562. 4. Herborn. 1619. 16. *Epistola de discrimine logica, dialecticæ & scientiæ demonstrativæ*, & ratio formandorum syllogismorum, Basl. 1565. *declaratio libri Jac. Sheggii de una persona & duabus naturis Christi*, Genev. 1566. *Defensio libelli Hier. Savanarolæ de astrologia divinatoria contra Stathmionem*, ib. 1569. *disputationes 4. contra Paracellum, quibus tamen chymiam non omnino damnavit, sed, ubi illa utilis, laudibus extulit*, Basl. 1571. 1572. *Expositio questionis: an aurum ex ignobilibus metallis confari possit?* Basl. 1572. 4. *Epistola de natura & materia lapidis sabulosi, qui in Palatinatu ad Rhenum reperitur*, ib. eod. 4. Περὲς, seu belli detestatio, Col. 8. disp. de occultis pharvacorum facultatibus, & de medicamentorum purgantium facultate, Basl. 1574. 4. *Judicium de indicatione cometarum*, ib. 1578. 8. 1580. disp. de lamiis & strigibus, ib. repetitio disputationis de lamiis seu strigibus, ib. 1578. 8. Amberg. 1606. 8. disp. de auro potabili, Basl. 1578. 8. 1584. 8. *Epistola de astrologia divinatrice*, ib. 1580. *Anatome 5. librorum Comitæ Montani de morbis*, Basl. 1581. 4. *Resp. ad Archangeli Mercenarii disputationem de putredine*, ib. 1583. 4. disp. de animæ facultatibus, ib. eod. *An excommunicatio sit jure divino?* Pefclavii 1589. 4. *Opuscula medica varia*, Francof. 1590. fol. *Dissertationes & epistolæ medicinales*, Tig. 1595. disp. de putredine, Lipf. 1599. 4. *Examen de simplicibus, quæ ad compositionem Theriacæ Andromachi requiruntur*, &c. Lugd. 1607. 8. *de excommunicatione ecclesiastica scriptum, thesium de excommunicatione positarum defensio*, Pefclavii. *Consilia & epistolæ medicinales apud Scholzum*, Hanov. 1610. *Comm. in 2. hymnos Prudentii poetæ*, ib. 1613. 8.

IX. PHILIPPUS SCHERB, Med. Doct. & Logices Professor d. 5. Febr. 1584. in locum Erasmi surrogatus Ethicam docuit ad a. 1586. quo Altorfium Medicinam atque Logicam professurus discessit. V. Prof. Log. n. 13.

X. JOH. WERNERUS HUBER natus Basileæ a. 1554. patre gavissus est Joh. Hubero, Med. Doct. ejusdemque Prof. nec non civitatis archiatro, matre vero Margaretha Wælsin. Hi parentes filium istum solícite educarunt, & literarum studio adhibuerunt. Optimo ingenio præditus citius prima literarum elementa percepit, &

& a. 1569. in ordinem philosophiæ studiosorum fuit adscitus. Academiæ civis ad linguas, artes atque scientias animum adpulit, idque eo studiosius, quod a patre sciverat, magnum inde ad medicum studium, cui destinatus erat, adjumentum profecturum. Absoluto curriculo philosophico, studium medicum alacriter est adgressus, eoque contendit, ut paterna vestigia legeret, & si liceret, adsequeretur. In isto autem studio adeo feliciter erat progressus, ut votorum compos summos in medicina honores, jam dudum quidem promeritos, d. 9. Mart. 1584. publice acciperet. Jam peritia sua medica, quam domi forisque satis magnam sibi comparaverat, ægrotis prodesse studuit, multumque ipso facto profuit. Adscitus etiam d. 28. Sept. 1586. in tribum professorum, Ethicæque professor designatus, studiosæ juventutis commoda studiosissime laboravit promovere, multumque promovisset, si per fata licuisset; jam enim d. 13. Febr. 1587. hac vita decessit, relicta uxore, *Christiana Zuinger*, *Theodori*, Medici, filia, *Mart. Chmielecio*, Medico, deinceps nupta, unicoque filiolo, *Theodoro*, qui a. 1602. ætatis 17. gurgite Rhæni, matre ex ædibus adspectante, insciæque infelicem matrem commiserante, abreptus animam exspiravit.

XI. HENRICUS JUSTUS, A. L. M. prius Poët. in Pædag. dein Logicæ professor, in professione Ethica Hubero successor datus d. 6. Apr. 1587. munus orditus est d. 19. Jun. 1587. ipso autem a. 1589. ad Organum Arist. translato, illud alii cessit. V. Prof. Pæd. Cl. II. n. 7.

XII. THOMAS COCCIUS, Med. Doct. Poët. prius dein Logicæ professor, Ethicus constituitur mense Septembri 1589. ex peste obiit d. 21. Mart. 1610. V. Prof. Pædag. Cl. II. n. 8.

XIII. WOLFGANG SATTLER, dictus *Weissenburger*, natus est d. 15. Maj. 1579. patre *Wolfgango Sattlero*, senatore, matre *Juditha Keller*. Lustricos patres sortitus est viros eximios, *Vlricum Coccium*, Theologum, & *Sam. Gryneum*, J.C. Horum vestigia lecturus, literis egregiam operam impendit, ita ut a. 1597. a *Jac. Zuinger*o, agonotheta, prima philosophicæ eruditionis laurea,

laurea, & d. 1. Apr. 1600. a *Mart. Chmielecio*, hierophante, docturæ philosophicæ titulo ex merito fuerit condecoratus. Deinceps studio Juris incubuit ea solertia & felicitate, ut d. 5. Oct. 1609. a *Lud. Iselin*, præmiorum diribitore summos in utroque Jure honores obtineret. Ita ornatus studium mathematicum, ad quod ipsum genius jam dudum abripuerat, diligenter porro excoluit, & præclaros in eo fecit progressus, ut scripta ejus publica testantur. Hinc academix proceres, surgentis famæ ejus auspiciis commoti, a. 1610. Ethicæ cathedram ipsi commiserunt, quam vix conscensam deserere fuit coactus, d. 23. Dec. 1610. pestifera lue abreptus.

Libri ab ipso editi sunt: *Judicium de cometa*; *libellus de calendarum Januarii ominationibus*; *prognosticon astrologicum*; *topographia Montisbelligardi oppidi*; *dianæa astrologica*; itemque *Mercurius astrol. disp. de jure & privilegiis medicorum*, Basil. 1609. 4.

XIV. JOH. RODOLPHUS BURCARD procreatus est Academix atque Reipublicæ d. 30. Nov. 1585. patre *Joh. Rodolpho Burcardo*, collybi præfecto & fori judic. adfessore, matre *Salomea Rüdin*, *Jacobi Rüdini*, Tribuni plebis, nepte. Amplissimæ familiæ suæ novum decus ex literis adlaturus diligenter iis incubuit, & eos in illis fecit progressus, ut jam an. 1599. ad lectiones publicas promoveretur. Sub signis philosophorum strenue militans linguas atque artes assidue tractavit sibi que notas reddidit. Acceptis consuetis diligentix præmiis, prima Laurea d. 26. Nov. 1601. & d. 24. Apr. 1604. Magistri artium dignitate, animum ad studium Juris adhibuit, illudque tam in patria quam in celeberrimis Germaniæ, Galliæ, Italiæ, Angliæque academiis summis vigiliis & laboribus excoluit. Cum vero jam omni virtutum ac scientiarum laude, inprimis exquisita ac singulari Juris utriusque cognitione & doctrina conspicuus esset, eamque suam eruditionem publice privatimque, præclarissimis editis speciminibus, magna cum laude comprobasset, ex decreto ordinis JC. amplissimi, *J. Jac. Fesch*, designator rite lectus, ei supremos in utroque Jure honores, Docturæ nempe gradum ac privilegia, d. 12. Jun. 1610. publice contulit. Novum dein iter literarium instituit, ex quo ab academix antistitibus

litibus revocatus & d. 17. Nov. 1611. Ethicæ professor constitutus fuit. Hoc autem munere cum per 18. fere annos præclare esset perfunctus, a. 1628. ad gravissimum Archigrammatei atque Scholarchæ munus fuit translatus, in quo administrando Reipublicæ, Ecclesiæ atque Academiæ plurimum profuit. A. 1654. in senatum, eumque secretiorem, qui est XIII. virorum, est adlectus, Scholarchæ quoque munere ei adserto, biennio post ad tribunitiam dignitatem evectus, cui summo muneri ad supremum vitæ diem laudabiliter præfuit, justitiæ adsertor & vindex, iniquitatis hostis, S. Ministerii verbique divini ministrorum amantissimus pater & observantissimus, civibus facilis, blandus, benignus, cunctis gratissimus. Blandum ei contigit conjugium per annos XII. cum *Esthera Battier*, dena prole fecundum, filius, *Joh. Jacobus*, Reipublicæ Basil. Consul genuit *Joh. Rodolphum Burcard*, M. D. & Practicæ Professore. Catarrhis denique continuo recurrentibus obrutus animam exhalavit d. 28. Jan. 1657.

In scriptis ejus est *manipulus epigrammatum ludicrorum*, Basl. 1676. 4.

XV. GEORGIUS SPOERLIN natus Basileæ d. 29. Febr. 1598. patre *Sebastiano Spærli*no, consule, matre *Mariæ Magdalena Hagenbach*, a teneris moribus literisque optimis fuit adsuetus, & cum in academiæ theatrum esset productus, philosophiæ tam acriter incubuit, ut d. 28. Febr. 1617. summo suo merito Magisterii gradu fuërit ornatus. Dein medicæ arti sese mancipavit, & in ea addiscenda omnem posuit diligentiam; præter magistros domesticos & externos audivit, Italiam imprimis & Galliam pervagatus; præsertim autem in re anatomica tantum profecit, ut vix ulli esset secundus. Quapropter, exhibitis singularis medicæ peritiæ speciminibus, dignus fuit habitus, qui in publicâ panegyri d. 24. Maj. 1625. supremis in Medicina honoribus doctoralibus adficere-tur. Sociam dein vitæ torique sibi junxit *Margaretham Lichtenhan*, quod vero matrimonium spatio unius anni fuit terminatum, illa d. 2. Jan. 1629. in puerperio exstincta. Anno, quo matrimonium celebravit, scilicet d. 3. Oct. 1628. academiæ usibus adhibitus, & philosophiæ moralis professor est electus; sed brevissimo

E e

tempore

tempore spei optimæ de ipso conceptæ ei responderet. Cui. Cum enim, ut vir erat pius, officiosus, blaudus, grassante peste, præsentis consilio rogantibus quibusvis intrepidus adfuisse, ipse contagium sibi arcessivit, quod ei 18. a decubitu die mortis causa exstitit d. 5. Sept. 1629.

Edidit *thesaurum Rolandinum*, 8. diss. de *ptbibi*, Basil. 1621.

XVI. JACOBUS BURCARD, J. V. D. ex Oratore factus est philosophiæ practicæ professor d. 23. Oct. 1629. hancque cathedram, ut & priorem, cum splendide diu fatis exornasset, honorum atque laborum satur, in gratiam filii, *Luca Burcardi*, a. 1642. ea sese abdicavit. V. Prof. Eloq. n. 14.

XVII. JOH. JACOBUS HAGENBACH, Med. Doct. ex cathedra Logica ad professionem Ethicæ vocatus est d. 21. Oct. 1642. eamque laudabiliter gessit ad 1. Jun. 1649. quo ex terrena in cœlestem academiam fuit translatus. V. Prof. Log. n. 19.

XVIII. MATTHIAS HARSCHER, Med. Doct. Poliater & Eloquentiæ professor provinciam tradendæ Ethicæ accepit d. 8. Febr. 1650. sed jam d. 17. Apr. 1651. his terris morte fuit ereptus. V. Prof. Eloq. n. 16.

XIX. REINHARDUS ISELIN in lucem prolatus est d. 10. Sept. 1608. patre *Germano Iselin*, Reip. Bas. præ-tore, matre vero *Sara Wasserhun*. Literarum artiumque elementis intinctus ad academiam accessit a. 1624. in qua cum philosophica studia assidue tractasset, & consuetos honorum gradus conscendisset, accepit autem primam philosophicam lauream d. 10. Jun. 1626. secundam autem atque supremam, s. docturæ philosoph. tiam, d. 1. Apr. 1628. ad Jurisprudentiæ sacrarium contendit, viribusque omnibus in arcana ejus penetralia intrare studuit. Deinceps studiorum, morum, linguarum gratia exteras regiones, & in iis academias celebriores, invisit, per quadriennium in Gallia, Italia, Anglia, Belgio, Germania non sine fructu & successu versatus. Basileam reversus privatis publicisque speci-minibus

minibus eruditionem suam declaravit, & d. 19. Dec. 1637. nobilissimis in utroque Jure doctoratus honoribus & privilegiis, ceu splendidissimis & maxime proficuis laborum suorum præmiis publice fuit exornatus. Paulo post thori consortem sibi legit *Vrsulam Iselin*, septena utriusque sexus prole ex ipso matrem factam. Ad obeundam professionem Ethicæ d. 4. Dec. 1651. vocatus; nihil, quod officii sui erat, fecit reliqui, omnibus prodesse, nemini nocere studens, bonos amans, bonis adamatus; donec vitam piam probamque mors placida atque beata, prævia peste atque apoplexia, fuit secuta, d. 27. Maj. 1668.

Edidit diss. *de Juramentis* a. 1637.

XX. SIMON BATTIER, J. V. D. Rhet. Prof. successit Iselio in cathedra Ethica d. 11. Sept. 1668. eamque occupavit, donec d. 11. Dec. 1677. ad professionem Instit. Imp. vocaretur. V. Prof. Inst. n. 19.

XXI. JACOBUS RUDIN, Phil. Doct. & Rhet. Prof. in Battierii locum successit d. 21. Dec. 1677. officio suo strenue satisfecit; apoplectico autem insultu d. 26. Mart. 1689. vitam efflavit. V. Prof. Rhet. n. 16.

XXII. BONIFACIUS FÆSCH, J. V. D. Rhetorices Professor, electus est professor Ethicæ d. 5. Jul. 1689. eique muneri diligenter vacavit, dum d. 17. Sept. 1695. in cathedram Institutionum transferretur. V. Prof. Codicis n. 22.

XXIII. JOHANNES WETTSTEIN, J. V. D. Linguae Græcæ professor, Ethicam docere iussus est d. 27. Sept. 1695. idque præstitit solers ad d. 27. Febr. 1714. hinc ad professionem Institutionum & Juris publici avocatus. V. Prof. Pand. n. 11.

XXIV. EMANUEL ZÆSLIN, Med. Doct. Rhetorices professor, Ethicæ professor designatus d. 27. Febr. 1714. in hac cathedra ad mortem usque suam sedit, quæ contigerat a. 1727. V. Prof. Rhet. n. 21.

XXV. JACOBUS HERMANN, *Germani Hermannii*, Gymnasiarchæ, & *Cathar. Richard* filius, lucem hanc primum adspexit d. 16. Jul. 1678. Quamprimum per ætatem licuit, ludum literarium frequentavit, & sub auspiciis paternis pro ingenii felicitate atque adhibita assiduitate celeres atque præstantes fecit profectus. Ex gymnasio a. 1693. cum bona gratia dimissus, philosophum egit diligentem, linguis, artibus atque scientiis addiscendis totus deditus. Cum autem singulares in virtutis ac bonarum literarum, inprimis philosophiæ sanioris studio progressus fecisset, eosque variis speciminibus abunde commonstrasset, præmissa, quæ cum adplausu excepta fuerat, erudita oratione *de virtutibus & requisitis bonorum philosophorum*, d. 17. Sept. 1695. primam Lauream philosophicam & d. 17. Nov. 1696. Magisterii dignitatem ex merito accepit. Dehinc studio theologico d. 20. Nov. 1696. nomen dedit, & in illud adeo diligenter incubuit, ut a. 1701. in numerum S. Ministerii Candidatorum cum laude fuerit receptus. Genio autem ejus magis ad philosophicas artes, præsertim ad mathematicas scientias, inclinante, has a juventute inprimis coluit, atque adultior factus studiosissime excoluit, optima atque fidissima usus institutione *Jac. Bernoullii*, Prof. Math. celeberrimi, idque felicissimo cum successu, adeo ut jam a. 1700. responsionem eruditissimam ad *Cl. Nieuventye* considerationes circa calculi differentialis principia ediderit, quo eruditionis suæ specimine plurimorum Eruditorum, & in illis maxime summi viri, *Leibnitii*, favorem atque honorum testificationem meruit, cujus effectus erat, ut, auctore eodem Leibnitio, *academiæ scientiarum Berolinensis* socius eo ipso anno 1701. quo illa fuerat fundata, honorifice admodum fuerit denominatus. Eodem anno 1701. iter literarium in Germaniam, Belgium, Angliam atque Galliam instituit, ubique, quæ visu fuerant digna, oculis lustravit, & inprimis viros eruditos, philosophos speciatim atque mathematicos, inquisivit, audivit, sibi que amicos conciliavit. Hoc itinere maximo cum fructu confecto, Basileam salvus reversus mathematica studia ardentissime fuit prosecutus & orbi literato observationes suas subinde communicavit. Commendatus vero a patrono suo, *Leibnitio*, Patavii Matheseos professor constitutus, eandem ab a. 1707. ad a. 1713. magno auditorum commodo, famæque

samæque suæ incremento, publice docuit, interea a. 1708. *Instituti scientiarum Bononiensis* membrum adlectus. Hinc, iterum commendante Leibnitio, a Rege Borussiae ad professionem mathematicam Francofurti ad Oderam obeundam vocatus, eandem a. 1713. adgressus est, ibique Academiae Rectoratum aliquoties cum laude gessit. Anno autem 1724. ab Imperatore Moscoviae, Petro I. lautis conditionibus arcessitus fuit, ut Petropoli sublimiorem Mathesin profiteretur, quod vero officium demum imperante Catharina adiit, ab ea humanissime exceptus & ad deoscultationem manus, porrecto aureo nummo, admissus. Postea etiam adhibebatur, ut juveni Imperatori, Petro II. elementa mathematica traderet, in cujus principis gratiam ipse *compendium Matheseos* confecit. Tandem d. 12. Dec. 1727. ab exte-
ris revocatus & a senatu acad. Basil. Philosophiæ moralis professor sorte fuit electus, quam provinciam, ægre dimissus & ab Imperatrice Anna honorario annuo quadringentorum florenorum (200. Roubles) adfectus, demum auspiciatus est d. 22. Maj. 1731. oratione solenni *de evidentia & certitudine principiorum doctrinae moralis*. Sed febris acuta conflictatus jam d. 11. Jul. 1733. naturæ debitum persolvit, anno hocce emortuali *Academiae scientiarum Parisiensis*, ipso Rege adprobante, sodalis nominatus.

Edidit *disputationem theol., qua probatur, homini nihil magis curæ esse debere quam religionem*. Basl. 1700. *Respons. ad Cl. Nieuwentyt considerationes secundas circa calculi differentialis principia*, ib. eod. *Specimen de requisitis ad veram eloquentiam*, ib. 1706. *Phoronomiam*, Amst. 1716. *compendium matheos in usum majest. Imper. universa Russia*, Petrop. 1728. In Novis Liter. Helv. a. 1703. *animadversiones circa novissimam regulam ducendi perpendiculares ad curvas ex focis descriptas*, in *secunda Medicina Mentis* editione Lipsiæ facta publicata, p. 33. In actis Eruditorum Lipsi. *Methodum inveniendi radios osculi in curvis ex focis descriptis*, a. 1702. p. 501. *Demonstrationem geminae formulæ a Cel. Joh. Bernoullio in actis Mens. Apr. 1701. pro multifsectione anguli, vel arcus circularis sine demonstratione exhibitæ*, a. 1703. p. 345. *disquisitionem dioptricam de curvatura radiorum Visivorum, atmospheram trajicientium, cui accedit indefinita sectio angularis ope Tangentium & Secantium*, a. 1706. M. Jun. p. 256. *Diff. de nova accelerationis lege, qua gravia versus terram feruntur, suppositis motu diurno*

terra & vi gravitatis constanti, a. 1709. m. Sept. p. 404. disquisitionem de vibrationibus chordarum tensarum, a. 1716. m. Aug. p. 370. Solutionem problematis de trajectoriis curvarum inveniendis, a. 1717. m. Aug. p. 288. Ejusdem solutionis supplementum, a. 1718. m. Jul. p. 335. additamentum ad easdem schedas, a. 1719. m. Febr. p. 68. Methodum novam solvendi problemata, quæ circa figuras isoperimetricas aliasque proponi possunt, a. 1718. m. Jan. p. 32. solutionem duorum problematum, quorum alterum integrale ex data quadam formula differentiali per areas circulares & hyperbolicas exhibendum postulat, alterum vero curvam projectionum in medio resistendi construendam proponit, a. 1719. m. Aug. p. 351. & 1723. m. Apr. p. 171. In Giornale de Letterati d'Italia. Metodo d'investigare l'orbita de planeti nell'ipotesi, che le forze centrali, o pure le gravita delli Steffi Planeti sono in ragione reciproca de quadrati delle distanze, che i medesimi tengono dal centro, à cui si dirivano le forze Steffe. T. II. p. 447. Continuazione dell'Articolo XV. del Tomo II. ovvero Soluzione generale del problema inverso delle forze centrali per via di methodo ivi proposto e solo applicato ad un'ipotesi particolare. Con l'aggiunta d'una Soluzione d'un altro problema piu generale toccante le forze requisite ad un mobile per descrivere su un mezzo fluido e resistente (qual si sia la legge delle resistenze:) una data curva, T. V. p. 312. Breve aggiunta agli articoli XV. e XVI. del II. e V. Tomo T. 6. p. 441. Rasseffioni Geometriche in difesa dell'Artic. XVI. del T. V. del Giornale intorno i problemi delle forze centrali nel moto e nel pieno, contra l'impugnazioni fattene nell'Art. XI. del T. VI. T. 7. p. 173. Modum facilem determinandi leges vis centralis, T. 13. p. 221. In Miscellaneis Berolinensibus: Diss. qua explicatur methodus generalis puncta stationum in orbitis planetariis determinandi, T. 1. p. 197. Observationes in schediasma Rollii de constructione equationum. De quantitate virium recte æstimanda, & de motu corporum in mediis resistentibus schediasma. Meditationes analyticas de motu, ad phoronomiam suam. In commentariis academiciæ Scientiarum Imper. Petropolitane. T. 1. de mensura virium corporum; de problemate Kepleriano de calculo integrali; de Epicycloidibus Sphericis. T. II. de constructione cujusdam equationis differentialis primi gradus: theoriam generalem motuum; de constructione equationis differentialium. T. III. de oscillatione pendulorum compositorum. In Journal Littéraire occurrit: Epistola Joh. Keillii quadam plagia recensens. In exercitationibus subcesivis Francofurtensibus. T. I. S. 1. & 11. suppresso tamen auctoris nomine: Exercitatio de Mechanica gravitatis causa nondum inventa. De motu gravium. De motu chordarum, quibus instrumenta musica instruuntur.

Arui solent, ac stabili sonorum mensura. De legibus virium centralium, quibus planeta in orbitis suis urgentur; & T. II. S. I. de quantitate virium recte æstimanda. Elementis etiam Geometricis Ser. Burgundiæ ducis a Guisnæo ex Gallico sermone in Latinum translatis, ad usum seminarii Patavini, adjecit quatuor propositiones ad trigonometriam apprime utiles. Ejus etiam epistola ad Victorium Franciscum Stancarium, in Bononiensi Archigymnasio analyticæ lectorem, ejusdem schedis mathematicis sunt adnexæ. *Méthode géométrique & générale de déterminer le Diamètre de l'Arc en-Ciel, quelque hypothèse de la Réfraction qu'on suppose dans l'eau &c. & le diamètre de l'arc en ciel étant donné par observation, en trouver la raison de la Réfraction,* Nouvell. de la Républ. des Lettr. Mens. Jun. 1704. p. 658.

XXVI. ANDREAS WEISS, dubium, birretone an toga præstantior, lucem vidit primum d. 13. Oct. 1713. parentes nactus *Emanuelem Weiss, J. V. L. & CC. virum, & Annam Mariam Fesch, Sebastiani J. C. filiam.* Ab his ad mores bonos atque literas præstantiores educatus, scopo atque labori tam parentum quam præceptorum ex assere respondit, & in gremium academici susceptus philosophicis artibus atque scientiis sedulus incubuit, literis, quæ ab humanitate atque elegantia nomen gerunt, imprimis delectatus. Ita magistrorum gratiam promeritus digna laboris atque eruditionis præmia tulit, scilicet primam Lauream d. 3. Jun. 1727. a Joh. Bernoulli, Math. Prof. in ista promotione publica oratione probavit, *ingrato homine terrant nihil pejus alere; dignitatem autem magistralem d. 10. Jun. 1728. a Sam. Batzler Ling. Gr. Prof. ubi sententiam suam dixit de lege Thebanorum, qua, sicut Aristoteles docet, ab administratione Reipublicæ arcebat, is, qui per decem annos a mercatura faciendâ non abstinuisset.* Artibus hisce politus novum studium est adgressus, nempe utriusque Juris, quod cum philosophico diligenter tractavit & egregiam ejus cognitionem sibi comparavit, antiquitatum atque legum Romanarum, nec non modernorum statutorum studiosissimus. Prudentiæ viam terebat adfiduus, & studia sua ad salutem publicam, communem omnibus bonis finem, direxit unice, & cum sibi cum Cicerone persuasum habuit, quod præcipuum societatis humanæ vinculum sit ratio & oratio, ideo cum jurisprudentiæ studio sedulo conjunxit eloquentiam virilem atque exercitatam,

citata, ut, quæ didicisset, aliis quoque decenter & eleganter, clare atque ad persuadendum apte proponeret, qua in re lenis adpellatio literarum, sermonisque, qua natura eum ornavit, suavitas ipsum multum adjuvit. Sic varia doctrina ornatus d. 16. Mart. 1734. Philosophiæ moralis atque Juris naturæ & gentium professor fuit electus, quam provinciam eodem anno d. 20. Maj. publice adiit oratione sollemni, qua *de usu librorum Novi Fœderis in philosophia practica* disseruit. Triennio abhinc fere elapso, n. d. 6. Jun. 1737. J. V. D. solenniter creatus fuit atque proclamatus. Antea autem, indulgentibus academix proceribus, nempe a. 1735. iter literarium instituit per Galliam, Belgium atque Germaniam, ex quo multa doctrina atque experientia locupletatus rediit. In administranda autem professione, nec non Bibliotheca publica, cujus cura ei a. 1746. fuerat demandata, quum magna fide, diligentia atque dexteritate, nec non eximio cum fructu fuisset versatus, professionem Juris publici & privati a curatoribus academix Lugduno Batavæ oblatam a. 1747. accepit, & præclara nominis sui fama atque auditorum, qui magno numero ad ipsum adfluebant, utilitate obiit; hujus Academix Rectoratum a. 1753. laudabiliter gessit, eodemque anno Basileæ CC vir fuit electus. Anno vero 1759. alia, multo honore sociata, sparta gubernanda ei fuit commissa, studiis nempe atque moribus Celsiss. ac Sereniss. Arausionis & Nassaviæ principis, *Wilhelmi V.* fuit præfectus, servato ordine atque titulo pristino Professoris; quo officio, ut valde honorifico ita gravissimo, integro sexennio fuit ita perfunctus, ut omnium plausus, præcipue vero Celsissimi hujus Principis gratiam atque honorum testimonium, referret. Postea ad Academiam Lugduno Batavam reversus pristinos labores continuavit, & d. 15. Apr. 1766. solennem orationem habuit, qua Principi suo Wilhelmo fasces Imperii feliciter sumtos Academix nomine gratulatus eique bene precatus est. Patriæ tandem amore ductus dimissionem petiit & cum amplissimo honorario annuo 6000. librarum gallicarum obtinuit. Suis restitutus a. 1773. ad senatoriam dignitatem fuit evectus, cui ut & aliis muneribus perfecta fide, gravitate atque prudentia adhuc præest.

Scripta

Scripta ejus edita sunt: *theses Logicae* a. 1731. *Specimen Rhetoricum* a. 1733. *theses morales* a. 1734. *Disp. de usu aequitatis in interpretatione legum*, a. 1737. *Disp. de Jure Victoriae*, a. 1738. *disp. de vera gloria*, a. 1739. *de opere pandectarum*, & *ejus interpretandi ratione quædam generalliora* &c. quibus subiiciuntur capita nonnulla *Jurisprudentiæ eccles.* 1746. *Oratio ad principem Arausion.* & *Nassav. Wilhelmum V.* 1766. Lugd. Bat. fol.

XXVII. JOH. HENRICUS FALCKNER, J. V. D. Reip. Syndicus, professionem Ethicam d. 13. Maj. 1749. sortito nactus eandem diligenter curavit, donec d. 29. Apr. 1760. ad ornandam cathedram Codicis & Juris feudalibus vocaretur. V. Prof. Cod. n. 26.

XXVIII. JOH. HENRICUS RYHNER, Med. Doct. & Societatis Physico Medicæ Basil. sodalis, præclaris parentibus editus est d. 20. Mart. 1732. patre *Emanuele Ryhner*, S. Theol. Doct. ac Locc. comm. ac Controv. Theol. Prof, matre vero *Anna Maria Zeslin*. Pii parentes filium hunc, de quo propter maturam in tenella ætate indolem optima quæque ominari licebat, sollicitè educarunt & post religionem mature literis adhibuerunt. Procedente ætate in academia patria, omnis eruditionis instructissima officina, ingenii cultum capere, & humanitatis elementis operari jubetur. Is vero non primos adolescentiæ annos ignavia & otio perdere, sed his artibus arripiendis, quæ sublimius studium deinceps tractandum egregie juvarent, quasque postea magno Academix emolumento exferere posset, impendere gaudebat. Profectibus, quos in philosophia fecerat, demonstratis atque a magistris adprobatis, sapientissimus ordo ei publica probatæ eruditionis testimonia conferre decrevit, nempe primam Lauream, quam ei tradidit *Ant. Birr*, Ling. Gr. Prof. d. 6. Jun. 1748. declamatione candidati præmissa, qua probavit, *cum christiana pietate conspirare solidæ eruditionis studium*; doctoris autem philosophici dignitatem ei tribuit dictus brabeuta, *Jac. Christoph. Ramspeck*, Eloq. Prof. d. 26. Maj. 1749. habita prius oratione, qua adseruit, *in republica bene constituta comædos non esse tolerandos*. His ita feliciter jactis fundamentis, philosophiæ cognitioni Medicinæ studium mature adjunxit, inque illud industriam atque solertiam suam

E c 5

suam strenue posuit. Non tantum autem Basileæ sed & apud exteros, præcipue in Germania, viros in arte medica experientissimos audivit atque consuluit, tandemque d. 5. Apr. 1754. Medicinæ Doctor solenniter fuit renunciatus, postmodum facultatis medicæ Basil. adfessor susceptus. Favente dein sorte d. 3. Oct. 1760. Philosophiæ moralis & Juris naturæ & gentium professor denominatus munus sibi commissum adiit d. 23. Dec. 1760. oratione solenni *de felicitate*. Etiam a. 1773. Bibliothecarius ordinarius constitutus hoc munere ut illo omni diligentia fungitur ac fide.

Edidit diss. de *febri semitertiana*, a. 1754. *theses philosophiæ* a. 1760. in Actis Helv. Phys. Medicis V. 5. 1762. *analysin seminum Caffææ*.

PROFESSORES LINGUÆ HEBRÆÆ.

I. WILHELMUS TEXTORIS, S. Theol. Doct. ac Prof. primus est, qui Basileæ linguam Hebræam publice docuit, ejusque Professor dicitur fuisse a. 1462. de eo hæc habet matricula Theol. M. *Wilhelmus Textoris magna fuit honestatis & reverentia in humanis, & in Aquensi ecclesia Canonicus adhuc a. 1500.* V. Prof. Theol. n. 3.

II. CONRADUS PELLICANUS, Rubeaquensis, ordinis minoritarum Guardianus, literas Hebræas Basileæ publico nomine docuit ab a. 1524. usque ad 1526. quo Tigurum ad easdem ut & græcas literas docendas abiit. V. Prof. Theol. n. 19.

III. SEBASTIANUS MUNSTER, Ingelheimensis, A. L. M. cum Sim. Grynæo Heidelbergæ a. 1529. Basileam vocatus, hebræas literas tradidit, donec d. 23. Maj. 1552. ex peste mortem obiret. V. Prof. V. T. n. 3.

IV. SIMON SULZER, Bernas, Phil. Doct. professionem hebraicam cum pastornatu Petrino administravit ab a. 1552. & licet a. 1553. Sacrorum Antistes & a. 1554. N. T. Professor constitueretur, tamen vir diligentissimus hebraicam cathedram retinuit, donec non tam laboribus

boribus pressus, quam de digno successore certus, a. 1556. ab ea decessit. V. Prof. V. T. n. 5.

V. SEBASTIANUS LEPUSCULUS, A. L. M. & pastor apud Franciscanos itemque Archidiaconus, cum munere sacro junxit cathedram hebræam ab a. 1556. Ipsi autem ætate atque laboribus fracto a. 1573. *Johannes Tenantius* vicarius fuit datus; isto autem alio profecto, a. 1575. rude donatus professione abiit; fato autem concessit d. 5. Sept. 1576. V. Prof. Log. n. 4.

VI. SIMON SULCER, S. Theol. Doct. & sacrorum Antistes, abdicata professione N. T. cathedram hebræam iterum ambiit & d. 18. Febr. 1578. obtinuit; quadrien- nio autem ante ejus obitum, qui contigit d. 22. Jun. 1585. rude professionis hebraicæ, servato antistitis officio, fuit donatus. V. Prof. V. T. n. 5.

VII. JOHANNES BRANDMULLER, S. Theol. Doct. & pastor ad D. Theod. d. 24. Febr. 1581. Linguæ Hebrææ professor denominatus, hanc cathedram ut & suggestum sacrum conscendit, dum d. 22. Sept. 1586. Professor V. T. constitueretur. V. Prof. V. T. n. 8.

VIII. ISRAEL RITTER, Basiliensis, natus Lucifvalli, oppido agri Basil. loco quidem ignobili, ex doctrina tamen satis nobilis evasit, & tam ecclesiæ quam academix haud parum profuit. Literarum amore captus Basileam contendit & a. 1563. nomen inter studiosos philosophiæ professus est. Cum autem in palæstra literaria Palladisque arena se strenuum atque industrium exhibuit, atque liberalium artium cognitioni morum integritatem modestiamque conjunxit, dignus fuit habitus, qui prima Laurea tanquam virtutis ac eruditionis insigni d. 28. Oct. 1565. publice redimiretur, prius habita oratione in quæstionem: *Vtrum oratori bono adfectus in auditorum animis permovere conveniat, nec ne?* Hæc vero studia philosophica ulterius profecutus & sublimiores harum artium gradus adsecutus, etiam secundam lauream reportavit d. 13. Jul. 1567. & speciminis loco declamationem habuit in quæstionem: *An, quæ de amazonibus literarum monumentis posteritati consecrata sunt, profabula an historia potius habenda sint?* Ab istis philosophicis

phicis studiis ad theologica transiit, nec minorem in iis tractandis adhibuit diligentiam. Citius progressus jam a. 1570. pastor cœtus Lauffelsingensis in agro Basil. constituebatur. Hic cum singularem fidem, eruditionem atque assiduitatem probasset, ad sublimiora ascendit & a. 1583. pastorem Leonhardinum suscepit. Ista autem ejus eruditio jam propius perspecta ipsi etiam viam munivit ad professionem hebræam, quæ ei delata fuit d. 22. Sept. 1586. quamque cum pastore diligentissime obiit. Ceterum, teste *Jac. Gryneo*, vir fuit fervente zelo pro adstruenda veritate, & *Joh. Gualterius* in Chron. Eccles. l. 2. p. 1250. eum inter illustres theologos refert. Diu autem academix prodesse haud poterat, ut qui jam d. 14. Febr. 1588. vita excessit.

IX. JOHANNES BUXTORFF, pater gentis Basileæ adhuc florentis & literaturæ hebrææ per universam Europam restaurator eximius, originem duxit ex Westphaliæ oppido Camena, ubi in lucem editus fuit d. 25. Dec. 1564. a patre *Johanne Buxtorff*, ecclesiæ patriæ antistite, *Joachimi s. Severini* filio, *Richardi*, consulis Camensis, nepote, qui majores vulgo *Bockstrop* s. *Bextrop*, appellari solebant, unde insignia Buxtorffiana, hircum referentia, derivanda. Mater autem Nostro fuit *Maria Volmaria*. Parentes puerum optimæ spei atque indolis mature miserunt in ludum literarium Hammonensem & Tremonensem, ubi artium & linguarum prima tyrocinia fecit. Hinc ob patris obitum domum quidem reversus, haud diu tamen ibi commoratus est, sed mox, studia literarum prosecuturus, prius Marpurgum, inde Herbornam abiit, & *Olevianum* atque *Piscatorem*, ambos Theologiam tradentes, frequenter audivit; linguæ vero hebrææ fundamenta jecit sub Piscatoris auspiciis, easque literas tanta assiduitate fuit prosecutus, ut non tantum æquales suos longe anteverterit, sed & ipsum magistrum in transferendis libris sacris multum juvarit. Herborna relicta, cum ab artium & linguarum principum adparatu satis esset instructus, uberioris ingenii cultus capiendi ergo Heidelbergam se contulit, mox vero a. 1588. *Jac. Gryneum* atque *Hospinianum* auditorus Basileam petiit; dein Tigurum profectus *Henr. Bullingerum*, & Genevæ postea *Theod. Bezam* adiit, eorumque institutionem percepit. Basileam reversus *Jac. Gryneus*,

Grynæus, perspecta in juvene judicii acrimonia, indefesso studio, morum probitate, omnibus modis, ut hic retineretur, laboravit, eumque *Leoni Curioni* commendavit, qui ipsum mensa & hospitio liberali excepit, Buxtorffius vero eidem operam suam in informandis liberis ejus condixit atque præstitit. Ceterum ut omnibus eruditis cunctisque bonis fuerat amatus, ita præsertim Grynæo carissimus exstitit atque magni æstimatus, qui in aliis adfectus sui erga eum datis argumentis biblia hebraica Veneta posuit, quibus eum bono omine donavit. Adsumto dein in publica panegyri die 6. Aug. 1590. Magistri artium titulo, eodem anno linguæ hebrææ professionem, quam jam ab a. 1588. vicario nomine laudabiliter administraverat, omnium votis non tam quæsitam quam oblatam obtinuit; deinceps etiam præter alia munia acad. gymnasii cura ei fuit demandata, quibus singulis officiis, præsertim professioni, ingenti studiorum commodo & immortalis nominis sui fama præfuit. Mense Augusto 1592. iter in patriam instituit, ex quo post trimestre spatium exactum salvus Basileam rediit, vices autem ejus interea sustinuerat *Jac. Brandmüller*, tum Diaconus ad S. Claræ, antea pastor Derwilensis. Amici Buxtorffii vitam ejus jucundiorē eiusque habitationem sibi certiorē reddituri, jucundam thori consortem ipsi prospexerunt, *Margaretham Curionem*, *Leonis*, patroni pristini, filiam, & *Cælii Secundi*, Professoris, neptem, quam connubio sibi junxit a. 1592. & quæ ipsi XI. liberos peperit, quinque filios & sex filias, tres filii, *Leon*, *Chananeel* & *Cælius Augustinus* uno partu nati d. 15. Febr. 1596. in S. Templo baptizati fuere; ex filiabus *Maria*, nata 21. Apr. 1594. & nupta *Sam. Grynæo*, Pastori Leonh. ob. d. 1. Maj. 1666. *Lucia* nata 4. Aug. 1597. nupta *Joh. Lud. Kenig*, typographo, ob. d. 11. Oct. 1634. *Magdalena* nata 17. Jun. 1604. nupta *Theod. Zuingero*, S. Theol. Doct. ac Prof. nec non Antistiti ob. 13. Mart. 1670. ex filiis præcipue memorandus *Johannes*, S. Theol. Doct. Linguæ hebr. simul & Theol. Prof. de quo suo loco plura sunt adlata. Buxtorffius curis domesticis si non solutus certe levatus omne jam tempus posuit in literas hebraicas linguasque hebrææ adfines, & indefesso studio omnes Judæorum libros evolvit, Rabbiorum in Scripturam S. commentarios, philosophos, historicos, medicos

medicos omnes, quos reperire potuit, legit atque relēgit, & stupendum linguarum orientalium, antiquitatum judaicarum, philologiæ atque criticæ sacræ thesaurum sibi comparavit, ita ut ipsimet Judæi in rebus dubiis, quoad legis ceremonias, ad ipsi confugerent, ac instar oraculi eum consulerent. Libros rabbinicos, tum adhuc rariores, per amicos christianos, plures vero per ipsos Judæos ex tota Europa magnis sumptibus collegit, quæ bibliotheca a filio atque nepote insigniter aucta tandem a. 1705. pretio mille thalerorum bibliothecæ academicæ adserta fuit. Nec tantum mortuos sed & vivos super mysteriis rabbinicis diligenter consuluit Judæos, plurimum cum illis conversatus. Etiam cum Biblia hebraica imprimenda curaret, permittente civitatis Magistratu, eruditum Judæum cum uxore atque liberis domi suæ aluit, qui correctoris officio fungeretur; quæ vero res ei haud exiguam exhibuit molestiam. Cum enim, ut Mss. perhibent *Iseliana*, mense Junio 1619. hujus Judæi, *Abrahami*, uxor puerum esset enixa, paterque *Georgium Martinum Glæserum*, supremum Magistratus ministrum, ad quem jurisdictio in causis Judæorum pertinet, rogasset, ut aliquot popularibus suis, quibus circumcisionis pueri testibus uteretur, liberum in civitatem aditum concedat, hocque concessio circumcisio præsentibus illis Judæis, itemque Buxtorffio ejusque genero, Kœnigio, nec non duobus aliis civibus, peracta fuisset, res ad civitatis senatum fuit delata, qui d. 16. Jun. 1619. Buxtorffio atque Kœnigio, cuique multatitiam pecuniam centum florenorum indixit, Judæum Abrahamum poena quadringentorum florenorum adfecit, & Glæserum ut & duos reliquos cives, qui actui huic circumcisionis intererant, in carcerem conjici jussit, ex quo tertio post die liberati fuerunt. Sed hæc amara dulcia plura prægressa fuerunt atque secuta. Plura tacentes, tantum publicos quosdam atque majores honores, quibus adfectus fuerat, commemorabimus. A. 1610. a senatu acad. Basil. professio theologica ei fuit oblata, quam vero non accepit. Anno sequente 1611. curatores academix Salmuriensis eum ad professionem hebræam obeundam quam humanissime invitarunt, sed & hanc vocationem recusavit, ut & eam, quam academia Lugduno Batava aliquot annis antea tentaverat. Qua viri incomparabilis pariter & æquissi-

æquissimi pietate motus amplissimus magistratus Basil. pro sua in bonas literas & academiam munificentia honorarium professorium ei liberaliter satis auxit, sibi que eum & hoc modo magis devincire studuit. Inter hos labores muneris ordinarii atque lucubrationum continuarum, quarum plurimi fructus infra nominandi in publicum emanarunt, etiam frequentissimum habuit cum viris eruditissimis literarum commercium, *Phil. Mornæo*, *Jos. Scaligero*, *Is. Casaubono*, *Dan. Heinsio*, *Franc. Donato*, *Baudio*, aliisque pluribus. Etiam Judæi per Germaniam, Poloniam, Moraviam, Bohemiam, Italiam dispersi creberrimas ad eum literas dederunt, ad quas ipse respondit & intricatissimas sæpe in iis propositas quæstiones erudite dissolvit, quemadmodum plures epistolarum centuriæ adhuc in Bibliotheca publica Basil. servatæ fidem faciunt. Cum doctrina autem eximia non minorem conjunxit pietatem, probe sciens, illam sine hac non solum nihil prodesse, sed & multum obesse. E virtutum autem ejus choro maxime refulserunt pietas in Deum, humilitas & candor, nec non erga pauperes liberalitas, & studiosorum comoda promovendi nobilis ardor. Tandem optatam contigit metam & d. 12. Sept. 1629. virtute beatus beatissimam adiit vitam, ex peste defunctus.

Scripta ejus sunt: *Manuale hebraicum*, Bas. 1602. 1612. 1613. 1619. 1630. 1631. 12. &c. editio 6. castigatio cura *Job. filii*, Bas. 1658. 12. *Synagoga Judaica*, germ. Basil. 1603. &c. recusa Francof. 1729. c. f. 8. in latinum conversa per *Hermannum Germbergium*, correctorem Corbaciensem, Hanov. 1604. dein per *Dav. Clericum*, revidentibus tam Buxtorffio patre quam filio, Basil. 1641. 1661. cura *J. Jac. Buxtorffii* 1680. 1712. 8. belgice translata Amsterd. 1650. 1694. 8. c. f. *Epistolarum hebraicarum decas*, hebr. & lat. Bas. 1603. 8. *Epitome Grammaticæ hebr.* Bas. 1605. 1613. 1616. 1629. 1640. editio 7. ib. cura *Joh. filii cum consilio universali de studio hebr. rite instituendo & promovendo*, Basil. 1658. 8. 1669. 1710. 8. nec non *Amstelodami cum notis & appendice Christ. Schotani ad pleniorum Etymologia instructionem, item Ultrajeclii* 1672. & 1675. 8. per *Joh. Leusdenium. Epitome radicum hebr. & chald.* Bas. 1607. 8. *Lexicon hebr. & chald. cum brevi lexico rabbin. philof.* Bas. 1607. &c. Editio 4. 1631. 1663. 1667. 1676. 1698. &c. 1735. item Londini cum abbreviaturis hebr. 1646. 8. *Franeq. & Amstel.* 1654. 8. *Thesaurus grammaticæ hebr.* Bas. 1609. 8. 1615.

8. 1615. 8. 1619. 1629. 1651. Amstel. 1650. 8. editioni 6tæ Basil. 1663. 8. per Joh. fil. curatæ additi sunt indices, nec non *exercitatio de prosodia metrica & lectione hebræo germanica*. *Institutio epistolaris hebr. cum epistolarum hebr. centuria*, Basl. 1610. 8. *appendice epistolarum Maimonidis &c.* aucta per Joh. fil. ib. 1629. 8. *de abbreviaturis hebr. recensio operis talmudici & bibliotheca rabbin.* ibid. 1613. 8. 1640. 8. Franeq. 1696. Herborn. 1708. 8. *Grammatica chaldaica & syriaca*, Basl. 1615. 8. 1650. 8. 1685. 8. *Biblia hebraica, cum paraphrasi chald. & commentariis Rabbino-rum* 2. T. fol. Basl. 1618. *Tiberias s. Commentarius Mosorethicus*, Basl. 1620. fol. & 4. 1665. 4. *Concordantiarum hebr.* opus adfectum & ad vocem ענין confectum reliquit, a filio *Johanne* perfectum ac editum Basil. 1632. fol. *Epistola ad Matthiam Martinium scripta* d. 4. Sept. 1606. & edita in *Bibl. Brem.* cl. 4 F. 3. p. 598. In hac epistola, ut & alicubi in synagoga Jud. commemorat Buxtorffius, se librum composuisse ac prope absolvisse, adhuc vero suppressisse, qui contineat causas odii Judæorum in omnes gentes ac mundi populos, omnium autem maxime in Christianos initium, progressum, continuationem, blasphemias duras, convitia in Christum, Christianorum magistratum, Christianos omnes, imprecationes & similia, ex ipsissimis Judæorum, non baptizatorum, sed circumcisorum saltem libris collecta; hic autem liber hætenus suppressus mansit.

X. JOHANNES BUXTORFF, S. Theol. Doct. ejusdemque Professor, ex Diacono Petrino, loco Patris defuncti, d. 4. Maj. 1630. electus fuit linguæ hebrææ professor, istamque linguam optima fide docuit, donec in cœlestem academiam vocatus abiit die 17. Aug. 1664. V. Prof. V. T. n. 13.

Scripsit & edidit præter ibi commemorata *patris manuale hebr. cum consilio de instituendo studio hebr.* Basl. 1631. 8. *Patris sui Synagoga Jud.* ib. 1641. 1661. 8. *Patris epitomen Grammaticæ hebr. cum consilio supra dicto*, ib. 1658. 8. *Ejusdem thesaurum Grammaticæ hebr.* ib. 1663. 8. *Institutiones epist. Patris auctiores*, 1629. 8. *Epistolam de recte instituendo studio rabbin.* Mus. Helv. P. 9. p. 122. *Manuale Concordant. Ebræo Bibl.* 4. f. l. & a. *Diatribam de compendiosa & facili linguam hebræam & chaldaeam addiscendi ratione*, Basil. 1637. 8. ea adjuncta est *Mercurio quadrilingui C. Scioppii*, it. ib. 1658. 8. *Epistolam ad Theoph. Spizelium, præfixam huius libro, cui titulus: Elevatio relationis Montezinianæ de repertis in America tribubus Israël*, Basl. 1661. 8. Collegit & V. L. ex Codd. hebr. MS. & impressis

pressis, de quibus singulis iudicium suum adjecit, quod vero opus lucem hætenus non vedit. V. Walton. in app. ad Biblia Polygl. Prolegom. VIII. S. 22. p. 50. & Catalecta Buxtorff. p. 448.

XI. JOH. JACOBUS BUXTORFF septima fuit proles *Job. Buxtorffii*, S. Theol. Doct. Ling. Hebr. ac Theol. Prof. quam is suscepit ex quarta conjuge, *Elisabetha Lützelmann, Leonhardi*, Tribuni plebis, filia. Ab his parentibus d. 4. Sept. 1645. procreatus. ob. vividum in eo animadversum ingenium erectamque indolem tempestive literis dicatus fuit atque adhibitus. Educationis partem & quidem præcipuam pater ipse suscepit, partem vero idoneis magistris delegavit. Præcipua cura eo erat directa, ut tenello pueri pectori vera pietas, in qua omnis religionis vis posita est, instillaretur; dein ut puer latinarum atque græcarum literarum primis elementis, nec non linguæ S. rudimentis imbueretur; hæc etiam fundamenta ita feliciter fuere posita, ut puer septennis & octennis hebrææ linguæ jam tantam peritiam habuerit, ut omnibus fuerit admirationi; unde etiam derivandum, quod postea illi per reliquum vitæ tempus hebraica lingua haud multo minus ac vernacula familiaris exstiterit; nam *qui discit puer, similis est atramento scripto in charta nova; qui vero discit senex, similis est atramento scripto in charta veteri vel bibula*, dicunt Rabbinii; *a teneris adsuescere, multum est*. Factum hinc etiam, ut puer jam ad consuetudinem virorum admissus, non solum morum facilitatem & suavitatem sed & virilem prudentiam imbiberit; adeo ut *Lucas Gernlerus*, Ivehabilis Ecclesiarum Bas. Antistes, de illo ad amicum loquens dixerit: *se in hoc juvene senilem prudentiam admirari*. Ex gymnasio a. 1659. ad academiam transmissus, non solum, patre duce, Istudium hebraicum diligentissime excoluit; & ad altiora ascendit, sed & cum eodem philosophicarum artium & humaniorum literarum notitiam non vulgarem conjunxit, publicis professoribus usus magistris, privata etiam opera *J. Jac. Hofmanni* adjutus, qui eum in omnigena literatura diligentissime instituit. Postquam publicis atque privatis speciminibus profectus, quos in philosophicis fecerat egregios, satis probasset, d. 28. Aug. 1660. prima Laurea solenniter fuit insignitus, publice habita

F f

oratione

oratione de *præstantia linguæ hebrææ*, quam hebraice compositam hebraice proposuerat; die vero 26. Nov. 1661. docturæ philosophicæ dignitatem publice retulit, prius enodato symbolo Pythagoræ: *Adversus solem ne loquitor*. Hoc philosophiæ studio feliciter confecto, ad Theologiam se convertit, & d. 6. Jul. 1661. matriculæ nomen suum intulit. In literatura autem hebraica non solum strenuus perrexit, sed & vicinas dialectos adgressus est. Cum autem in medio studiorum theologicorum cursu versaretur, & jam egregios in eo fecisset profectus, pater senex a theologiæ studio filium retractum unice avito linguæ hebrææ studio adstrinxit, & gradatim ad difficillimos auctores deduxit. Certam vero filio prospecturus in academia stationem, a senatu acad. petiit, ut is sibi in hebraicæ linguæ professione vicarius, simulque in ea post obitum suum indubius successor decerneretur, & utrumque, (posterius adnuentibus etiam scholarchis) propter utriusque, patris & filii, singularia merita haud gravatim obtinuit; itaque d. 21. Jun. 1664. vivo quidem sed morbo lethali jam correpto parente, vicarius ejus cum spe indubitata successio- nis fuit electus. Mortuo autem paulo post parente, professionem d. 15. Nov. 1664. solenniter auspicatus est. Mox Tigurum profectus præsertim *Job. Henr. Hottingerum* sibi fecit familiarissimum. Etiam frequentissime usus fuerat opera *R. Abrahami*, in vicinia Basil. habitantis & parenti, Doctori Buxtorffio, familiaris, viri eruditi, quem recutitorum integerrimum adpellare solebat. Hic paucis ante obitum Buxtorffii patris annis aliquid genti suæ sacrosanctum amisit, quod ad Buxtorffium fuerat delatum; cumque de re perditâ aliquando anxius ingemisceret atque lamentaretur, interrogavit Buxtorffius, ecquod indici præmium sit expectandum? cumque Judæus nihil non, quod quidem in sua sit potestate, pollicitus esset: Nihil, inquit, a te postulo, nisi ut contractam inter nos familiaritatem ad filium, si quid mihi humanitus accadat, derives, huncque, sicubi in scriptis tuæ gentis interpretandis operam tuam desiderabit, candide adjuves, simulque Rabbino id, quod tam anxie quærebat, restituit. Memor postea Judæus, quoad vixit, datæ fidei permansit. Buxtorffio autem nostro cum cognitum esset, quantum peregrinationes literariæ conferant cum ad eruditionem prudentiam.

dentiamque augendam; tum ad morum culturam, tale iter, quod jam beatus pater ipsi suaserat, vere anni 1665. ingruente, venia a senatu acad. impetrata; & *Petro Werenfelsio*, tum Archidiacono, in muneris administratione vicario tantisper relicto, bonis avibus est adgressus, una cum *Frid. Seilero*, tum S. M. C. postea pastore Petrino. Cum hoc Achate, Solothuro, Berna & Lausanna in transitu salutatis, Genevæ aliquamdiu commoratus est; hinc Lugdunum, indeque per Aureliam Lutetiam Parisiorum venit, ibique per aliquod tempus substitit. Hinc Picardia, Hannonia, iisque Belgii civitatibus, quæ hispanicæ tum ditioni suberant, peragratis, in foederata tandem Belgica adpulit, dualque inprimis ejus civitates, in quibus justum tempus consisteret, Trajectum ad Rhenum & Lugdunum Bat. delegit; ubique horum locorum viros eruditos, in his *Hummelium* Bernæ, *Müllerum* & *Schœnauerum* Lausannæ, *Mestrezatium*, *Turretinum* & *Tronchinum* Genevæ, *Dalleum*, *Morum*, *Justellum*, *Cappellum* Lutetiæ, *Voetium*, *Essenium*, *Nethenum*, *Leusdenium*, Trajecti, *Coccejum*, *Heidanum*, *Hornbeckium*, *Golium*, *Vchtmannum* Leidæ sibi fecit amicissimos, ubique etiam bibliothecas, cimeliarchia aliaque visu digna diligenter perlustravit. Postquam hyemem Lugduni Bat. transegisset, ibique studiosis hebraicarum literarum id petentibus, magnaue ad eum frequentia adcurrentibus, privatum interea collegium indulgisset, vere sequente in Angliam trajecit, Londinumque venit paulo ante lamentabile illud incendium, quod magnam spaciosissimæ urbis partem atque inter alia LXXXVII. templa parochialia absumsit. Hoc miserabile spectaculum cum oculis spectasset, idque non sine periculo, cum plebi concitata & incendii auctores quærenti peregrini omnes suspecti essent: ut studiis, Arabicæ inprimis linguæ, liberius & tranquillius vacaret, in propinquum urbi pagum secessit, ibique apud quendam *M. Bonde*, virum orientalium linguarum petitisimum, aliquamdiu latuit; ita tamen, ut subinde in urbem migraret ad visendos eruditos, inter quos fuerunt *Duportus*, *Oldenburgerus*, *Durellus*, *Morlaeus* & *Wardus*, episcopi. Inde Oxoniū delatus, omnes bibliothecas, præsertim Bodleianam, diligenter excussit, & *Pocockio*, *Hydio*, *Smithio*, *Leighio*, *Clerico*, aliisque familiarissimus evasit.

Mundoniæ dein invisit *Job. Lightfootum* & *Cantabrigiam* delatus, raro honore, in collegium *Emanuelis* receptus fuit, *Peartsonio*, *Moro*, *Cudwortho* inprimis amatus atque æstimatus. Anglia denique relicta *Hamburgum* trajecit, ubi *Ezhardi* familiaritate usus fuerat atque delectatus. Tandem per *Germaniam* sospes & incolumis a. 1669. *Basileam* rediit, & commissæ professionis munia repetiit. Dein a. 1670. in perpetuum vitæ consortium adscivit *Cleopheam Brandmuller*, *Jacobi JC.* & *Salomeæ Kæmig* filiam unicam. Ex hoc conjugio sex liberos suscepit, quorum quatuor ad meliorem vitam præmisit, interque eos *Jacobum* summæ spei filiolum; patris funera viderunt filius *J. Jacobus*, natus d. 8. Oct. 1687. filiaque *Dorothea*, quæ, nata d. 16. Jan. 1682. *Joh. Hauslero*, mercatori, nupta, obiit d. 26. Oct. 1752. Sub idem fere conjugii celebrati tempus commissæ ei fuit cura *Bibliothecæ acad.* paulo ante *bibliotheca Amerbachiana* insignique *cimeliarchio* auctæ & in ampliorem locum translata; nec non visitatio *gymnasii Mariani*, qua magna fide & diligentia defunctus est. *Septies* philosophici ordinis *Decanatum*, *Rectoratium acad.* bis gessit prudentissime. Præter publicas lectiones etiam privatas indulgit petentibus, in quibus *hebraicam*, *rabbinicam*, *talmudicam*, *chaldæam* atque *syriacam* linguam docuit. Ceterum præter pietatem in Deum singularem in eo conspiciebatur prudentia circumspecta, modestia germana, adfabilitas, officiosus in quosvis, & beneficus in pauperes animus. Cum variis morbis, *asthmate*, *arthritide*, *hypochondriaco malo*, *podagra* a multis jam annis conflictatus, atque iisdem excruciat, denique d. 1. Apr. 1704. *phthisico hydro-* *picus* obiit.

Nihil vir literatissimus lucubrationum suarum ex summa modestia typis mandavit nisi *præfationem* ad avi sui commentarium *maforethicum* a. 1665. editum, ejusdemque *Synagogam Jud.* revisam & a mendis expurgatam edidit *Basil.* 1680. 8. quorundam *Rabbinicorum librorum versiones*, nec non *insigne auctarium bibliothecæ Rabbinicæ* conscripserat quidem, sed intra *scrinia sua servavit.*

XII. JOHANNES BUXTORFF, ex præclara & de academia *Basil.* quin universo literato orbe, bene merita familia oriundus, editus est in lucem d. 8. Jan. 1662. patre

patre *Johan. Buxtorffio*, iterum senatore, & satrapa Varnspurgensi primum, dein Waldenburgenfi, *Johannis*, S. Theol. Doct. & ejusdem nec non linguæ hebrææ Professoris filio, matre autem *Dorothea Beck*, *Sebastiani*, Theologi, filia. Majorum fama puerique optima indole adlectus parens filium literis destinavit, Deoque libavit. Mittebatur itaque in scholam latinam, in qua a pueritia ad pietatem, honestatem, humanitatem, nec non ad linguæ latinæ atque græcæ, historiæ, geographiæ atque aliarum scientiarum cognitionem diligenter deducebatur, ibique, ob ingenium, industriam, solertiam a præceptoribus plurimum amatus, in studiis brevi tempore adeo laudabiles fecit progressus, ut ad audiendas lectiones publicas admitteretur. In istis philosophorum lectionibus audiendis consuetum tempus consumpsit, sed auditione prælectionum non contentus, audita etiam notavit, observavit, excoluit, & ad usum revocavit, tum frequenter in lingua & ligata & prosa perorando, tum alia exercitia componendo atque exhibendo. Quo pacto ingenium, solertiam, & in omni philosophia factos profectus præclaros denuo magistris suis ita probavit, ut utraque laurea philosophica ipsum dignum judicarent; quarum prima d. 3. Jun. 1679. secunda d. 8. Jun. 1680. fuit cohonestatus, qua posteriore occasione *de lauro ab ictu fulminis immuni* publice disseruit. Eodem anno 1680. nomen dedit studio theologico, illudque diligentissime tractavit. Sanam Theologiam, ut par est, præcipue ex fonte purissimo Scripturæ S. haurire studuit, hancque ut accuratius intelligeret, linguæ græcæ atque hebrææ indefessam operam dedit; majorum vero vestigia ut sequeretur, inprimis literaturam hebraicam excoluit, & præter theologos ordinarios etiam patrum suum, *Job. Jacobum Buxtorffum*, frequenter adiit atque audiit, privata ejus opera quam plurimum sublevatus. In horum theologorum schola, adhibita omni diligentia adeo profecit, ut examen a futuris S. Ministerii candidatis requisitum cum laude subierit atque superarit, in eorum numerum a. 1685. omnium calculis receptus. His vero tentaminibus atque examinibus feliciter superatis, nequitiam, ut haud pauci perperam facere solent, torpori, otio atque pigritiæ sese tradidit, sed, ut ingenuum hominem decet, studium linguarum atque Scripturæ S. assidue continuavit, quæ ipsi adhuc deerant, compa-

ravit, cognitionem rerum divinarum adauxit, sicque se ad ministerium S. olim rite obeundum digne præparavit. Haud diu post occasio ipsi fuit oblata, sese in ministerialibus functionibus exercendi, & quantum in illis valeat demonstrandi, a. 1689. a *baronis Striönckedensis Marchici* vidua, ut sibi a concionibus esset, vocatus. Ea a. 1690. defuncta, sermoneque funebri, qui typis expressus legitur, in ejus honorem in Pf. xvi. 5. 6. habito, iter in Belgium instituit, ibique inprimis linguarum orientalium studium excoluit. Comparato pretioso eruditionis thesauro, & conciliata cum plurimis eruditis arctiore amicitia, a. 1694. in patriam reversus, eodem hoc anno pastor in pago Basil. *Aristdorff*, designatus fuit. Hinc autem ab academix proceribus d. 19. Sept. 1704. revocatus & linguæ hebrææ professor constitutus est, quam provinciam adiit d. 19. Dec. 1704. *de hebræorum circa bonos malosve angelos erroribus* nonnulla publice præfatus. Spartam istam satis diu magno literarum incremento, academix honore, nominisque sui fama eximia exornavit, donec d. 19. Jun. 1732. ex hydrope pectoris extinctus ad majores suos collectus fuit; relictis ex *Augusta Dorothea Hummel*, uxore, tribus liberis, *Augusto Johanne*, qui a. 1765. pastor ad D. Theodori, *Joh. Jacobo*, qui a. 1767. Lugduni mercator obiit, & *Dorothea Emanueli Streckeyßen* nupta, quæ vidua adhuc superest.

In lucem edidit *exercitationem de Pontifice M. V. T.* 1685. *conversionem gentium*, s. *de propagatione Evangelii apud Indos*, 1698. 16. *concionem funebrem* in Dan. XII. 3. 1703. *Specimen thesauri philologicarum*, 1704. *Drelincourtii tractatum gallicum de patre Dei erga pios adfectu in germanicum translatus*, 1705. *Catalecta philologico theologica cum mantissa epistolar. viror. claror. ad Job. Buxtorffium, patrem & filium, scriptarum*, 1707. *Specimen phraseologia V. T. hebr. Francof.* 1717. *Musas errantes collectas*, Amst. 1714. 4. *iterum auctiores & emendatas*, Bas. 1717. 8. *Orat. de nonnullis studiorum juveniliū impedimentis*, habitam d. 28. Jun. 1716. Bas. 1719. 4. *diff. de Alcorani editione Arabica, ejusque versionibus*, Bibl. Brem. Cl. 6. F. 2. p. 271. *Dissertationes varii argumenti*, Bas. 1725. 8. *diatriben de iudicio particulari*, ib. eod. *Prelo etiam paraverat Catalectorum volumen alterum cum epistolis virorum clarorum nondum editis; fasciculum dissertationum selectarum; volumen concionum selectarum; orationes academicas, epistolas & poemata*; hæc vero lucem nunquam viderunt.

XIII. JOH.

XIII. JOH. RODOLPHUS BATTIER, *Friderici Battierii*, pastoris Albani, & *Margarethæ Iselin*, filius, natus est d. 9. Nov. 1693. Adolescens ingenio bono præditus mature ad literarum laborem adsuëfactus, omnique humanitatis disciplina cultus fuit atque instructus. Doctarum literarum elementis instituendus traditus est gymnasii publici magistris, iisque probe instructus ad academiam tranſiit & philosophica studia diligenter tractavit. Linguas eruditas artesque ingenuas cum acriter intellexit atque consuetis speciminibus eruditionem suam probavit, etiam solennia præmia a sapientissimo ordine accepit. Prima nempe Laurea cinctus fuit d. 10. Jun. 1710. philosophici vero Magisterii honore mactatus die 16. Nov. 1711. Eodem hoc anno studio theologiæ nomen dedit, & cum præclara fuisset præditus indole, mente acutus, discendi cupidus, in audiendis lectionibus assiduus atque adtentus, privatim etiam diurnas nocturnasque horas legendis optimis libris, repetitioni atque meditationi impendisset, in lingua græca atque hebræa, philologia sacra, historia ecclesiastica, ipsaque theologia dogmatica, morali atque elenctica adeo amplam acquisivit notitiam, ut a. 1716. dignus haberetur, qui in numerum Evangelii præconum adſcisceretur. His vero nondum contentus, etiam apud externos eruditionem suam augere studuit, aliquot annos in Gallia, Belgio atque Anglia commoratus. Ita multifaria, literaria atque ecclesiastica, eruditione locupletatus primum a. 1730. pastor Orphanotrophii, dein d. 27. Mart. 1733. linguæ hebraicæ professor fuit electus, quam provinciam d. 15. Maj. 1733. lectione publica *de linguæ hebræe præstantia* auspiciatus diligentissime administravit, donec tristissimo casu tantam animi fecit labem, ut, dum vixit, pristinam sanitatem non recuperarit. Vices ejus professorias egit a. 1736. *Job. Gryneus*, postea Theologus; a. 1738. *Job. Balth. Burcard*, Rhetorices Professor, ad docendam Theologiam vocatus; a. 1741. *Jacobus Psaff*, S. M. C. qui quadriennio post obiit; a. 1745. *Job. Henr. Brucker*, postea Historiarum Professor; a. 1747. *Georgius Erzberger*, deinceps Diaconus Petrinus; a. 1752. *Job. Henricus Gernler*, professor dein historiarum; & a. 1754. *Jacobus Basler*, qui post fata Battierii hujus linguæ professor ordinarius fuit electus. Denique Battierius corporis ergastulo fuit solutus & in

ætherem cœlestem susceptus Prid. Pasch. 1759. Relicta vidua *Dorothea Bernoulli*, *Johannis Bernoulli*, Mathes. Prof. filia, unicoque filio *Joh. Battier*, mercatore.

Edidit *disputationem theol. qua loca V. T. in Evangelii citata expendit*, & *contra Judæorum strophas atque cavillos defendit*, a. 1716. *Positiones Logicas miscell.* 1722. *Theses philologicas misc. pro cathedra hebrææ*, a. 1733.

XIV. JACOBUS BASLER, Societatis Physico Medicæ Basiliensis sodalis, natalem habuit d. 10. Sept. 1725. Studiis ab ineunte ætate imbutus, pro animo doctrinarum ut capacissimo ita avidissimo, magnos cito in iis fecit profectus. Prima morum præcepta & literarum atque scientiarum elementa in gymnasio percepit. Depositis autem tyrocinii rudimentis, civibus academix adscriptus philosophia animum excoluit, omneque tempus literis dedit. Linguæ latinæ atque græcæ sedulam dedit operam, inprimis autem Logica atque Metaphysica, Mathesi atque Physica delectatus, omni diligentia hasce artes atque scientias adfectavit. Accepta dein prima Philosophiæ Laurea, nempe d. 8. Jun. 1741. itemque d. 11. Jun. 1743. suprema in philosophia dignitate, ad studium theologicum animum adplicuit, & d. 11. Dec. 1742. sacris literis solenniter nomen dedit. Licet autem in omnibus Theologiæ partibus diligenter esset occupatus, non tamen sapientiæ deposuit amorem, quin universam philosophiam, quam maxime vero mathesin atque physicam, ad quas scientias animus inprimis inclinabat, diligentissimus didicit atque excoluit, ubi ei tam fortunato esse contigit, ut non solum publica sed & privata trium in his scientiis principum, *Joh. Bernoulli*, patris, ejusque duorum filiorum, *Danielis* & *Johannis*, optima frueretur institutione, quam postmodum non sine ingenti sænore reddidit nobilissimis fratribus, *Johanni*, *Danieli* atque *Jacobo Bernoulliis*, *Johannis Bernoulli* filii natis, quos per plures annos philosophia instrumentali ac reali, præsertim hujus parte theoretica, Physica atque Mathematica, fidissimus & felicissimo cum successu instituit. In classem verbi divini ministrorum a. 1747. adoptatus, linguæ gallicæ facultatis acquirendæ causa a. 1748. postquam prius specimen pro obtinenda professione mathematica edidisset, Genevam

Gonevam petiit, anno vero 1749. Lutetiam Parisiorum profectus est, officio ephori filii, nec non concionatoris Genevensis ad Regem Galliarum Legati, per annos fere quinque summa fide functus. Hoc temporis spatio plurimis academix Scientiarum conventibus atque exercitiis interfuit, magnumque inde, ut & ex consuetudine, quam cum clarissimis illius Academix sociis habuit, fructum percepit. Circa finem a. 1754. vicariatus professionis linguæ hebrææ ei fuit demandatus. Philosophicam autem scientiam magis adhuc perfecturus, anno 1756. Lausannam abiit, ibique integro anno substitit. Reversus illum vicariatum repetiit & diligenter administravit, donec d. 28. Sept. 1759. ordinarius Linguæ Hebrææ professor esset denominatus. Officium hocce adiit publice lectione inaugurali *de scholis atque academiis Hebræorum* d. 21. Apr. 1760. eoque ut & munere visitatoris gymnasii ordinarii a. 1773. ipsi demandato hætenus diligenter fungitur, studiosorum conatus atque labores philosophicos animo promptissimo promovens.

Edidit *theses mathematicas* a. 1748. & *observationes philologicas, vacante cathedra hebræa*, a. 1759.

PROFESSOR ANTIQUITATUM EXTRAORDINARIUS.

FRID. SAMUEL DE SCHMIDT, Bernas, Sereniss. princ. marchionis Bada Durlacensis consiliarius aulicus & Philos. Doctor, postquam a magistratu Basiliensi civitate donatus & ipso petente d. 13. Sept. a. 1762. a Senatu academico *Antiquitatum professor honorarius* designatus fuit, publicis prælectionibus nummos antiquorum explicavit, de eorundem picturis, sculptis quoque cælatisque gemmis egit; majora minoraque veterum perustravit signa; inscriptiones antiquas, & manuscriptos codices exposuit; sed biennio post, relicta Basilea, Durlacensis bibliothecæ curam suscepit; illinc autem, elapsis aliquot annis, Francofurtum contendit, ubi solemnibus nuptiarum celebratis, sedem suam fixit.

Edidit *Recueil d'antiquités trouvées à Avanches, à Culm &c. Berne* 1760. 4. c. f. *Lettre à Mons. d'Annone, Doct. & Prof. à Bâle*, in Act. Helv. V. IV. 1760. p. 167. *Mémoire*

F f 5

moire sur les Oolibes, ibid. V. v. 1762. p. 97 -- 119. *Dissertation sur une Colonie Egyptienne établie aux Indes &c.* à Berne 8. d. 30. Maj. 1763. *Theses antiquarias*, Basil. 4. *Opuscula. quibus res antiqua, praeprae Egyptiaca, explanantur*, Carolsr 1765. 8. *dissertationem de sacerdotibus & sacrificiis Egyptiorum*, Tub. 1768. 8. Hæc opuscula fructus sunt laborum, quibus ante aliquot lustra varia præmia academica meruit.

ADDENDA & CORRIGENDA.

Scriptis *Capitonis* p. 12. addantur 3. epistolæ ad *Lutberum* datæ; quarum prima scripta Basileæ 11. Non. Sept. 1518. secunda Moguntiz prid. Non. Dec. 1520. tertia sine anno; nec non epistola ad *Melanchthonem*. Halæ d. 21. Dec. 1521. Omnes istæ epistolæ typis expressæ sunt in Bibl. Brem. Cl. 4. F. 5. p. 920. & seq.

Scriptis *Oecolampadii* p. 15. addantur: Sermo de Sacramento Eucharistiæ, lat. August. 1521. 4. Sermo de laudando in Maria Deo, lat. ib. 1521. 4. Concio germ. in *nunc dimittis* &c. Vertit de pœnitentia Petri archiepiscopi alex. canones, de simonia Gennadii epistolam, nec non epistolam Nicephori Chartophylacis de ligandi & solvendi potestate, Basil. 1518. 4. Psephmata quædam Chrysostomi ab illo cum notis in latinum versa prodierunt Basil. 1523. 4. Theses 3. ex prophetia Danielis desumptæ & publice in aula Theologorum Basil. ventilatæ, sine anno ib p. 15. in scriptis Oecol. l. 1. pro ritu l. *risu*.

Pag. 99. n. 2. pro Helnich l. *Helmich*.

Pag. 254. Scriptis *Reuchlini* addantur: Tract. in 7. Psalmos pœnitentiales &c. 1512. Tabulæ 20. institutionum in linguam S. Basil. 1554. Compendium Grammaticæ hebr. Wittenb. 1581. 8. Tractatui de *verbo mirifico* addendum, ipsum Auctoris autographum existare in Biblioth. publica Basil. fol.

P. 379. Scriptis *Battierianis* addantur notæ in Sophoclis tragœdias, quæ leguntur Mus. Helv. P. 24. p. 612.

Pag. 387. addendum vitæ *Ach. Wierzii*, eum in flore primo extinctum d. 2. Aug. 1778. omniumque lacrymis elatum fuisse d. 5. ejusdem, relicta uxore *Antonia Catharina Laroche*, filia *Job. Davidis*, J. V. C. ab Prætoris Lucisvallenfis & *Anna Maria Stupanus*, quam sibi vitæ sociam adjunxerat die 9. Aug. 1773.

CATALOGUS RECTORUM ACADEMIÆ BASILIENSIS.

1460. *Georg. de Andlo*, Eccles. Bas. Præp. Jur. Can. Doct.
Casp. de Rheno, Custos, dein Episcopus, ecclesiæ Bas.
1461. *Petrus zum Lust*, Decr. Doct. Canonicus.
Job. Creutzer, A. L. M. S. Theol. Prof. & Canon.
1462. *Gerhardus in Curia*, J. V. D. & ordinarius Sexti,
Wernerus Wätslin, Med. Doct. ordinarius in Medic.
1463. *Wilhelm Textoris*, Theol. Prof.
Job. Helmich, Can. Doct. Can. Petr. Fac. Jur. ordinar.
1464. *Joh. Blichenrod*, Theol. Baccal. Canonicus Petr.
Arn. Truchsess, Canonicus ecclesiæ Basil.
1465. *Nicol. Betzlin*, A. L. M. Basiliensis, per anni circulum.
1466. *Joh. Grutsch*, Decret. Doct. Canon. Petr. & Custos.
Steph. Mistralis, Juris civilis scholaris.
1467. *Petrus zum Lust*, Jur. Pont. Doct. & Canon. II.
Wilb. Textoris, Theol. Prof. & B. Virginis Canon. II.
1468. *Georg. Bernolt*, Jur. pont. scholaris,
Jodocus de Bruchsfella, A. L. M.
1469. *Gerhard. de Eremberg*, Canonicus Mogunt.
Petrus Textoris, Decret. Licent. Canonicus Basil.
1470. *Petrus Brunnenstein*, Canonicus & Cantor Lucern,
Job. Siber de Wangen, Theol. Baccal. Canon. Petr.
1471. *Hiltbrandus Brandenburg* de Bibraco.
Petrus de Andlo, Jur. Pont. Doct. & Præpos. Luterbac.
1472. *Otto Klingen de Campis*, Jurium studiosus,
Jac. Lapidis de Pinguia, Juris Pont. Doct.
1473. *Georg. Fuchs de Wunffurt*, Canonicus Herbipol.
Christoph. de Vtenheim, A. L. M. Juris pont. scholaris,
Præpos. & Canon. Argent. postea Episcopus Basil.
1474. *Job. de Berwangen*, Juris pont. scholaris,
Adam Brunn de Eppfich, A. L. M.
1475. *Job. Instititoris de Ettenheim*, A. L. M.
Wilb. Dremborn, Juris Pont. Doct.
1476. *Vlricus Wild*, Norimb. Presbyter & Juris pont. studios.
Jac. Louber Lindov. Decret. Licent.
1477. *Job. Louber*, Canonicus Limpurgensis.
Jac. Hugonis de Maursmunster, A. L. M.
1478. *Arnoldus Rich de Richenstein*, Canonicus Bas.
Bernb. Ouglin, A. L. M. & S. Canonum Licent.

1479. *Bernb.*

1479. *Bernb. Molitoris* de Liestal, Præpos. Colmar. & Canon. Bas.
Job. Sporer de Isnina, A. L. M.
1480. *Jac. de Liebenstein*, Canon. Mogunt. postea Archiepiscopus & Elector.
Hieron. de Weiblingen, A. L. M.
1481. *Job. de Gengenbach*, Theol. Baccal. Juris pont. interpret. & Poeticæ ordinarius.
Bernb. Ouglin, A. L. M. in decretis Licent. II.
1482. *Job. Siber*, Artium & Theol. Prof. Canon. Petr. II.
J. Vlr. Surgant, Art. & Decr. Doct. ad Theod. Curat.
1483. *Job. Herborn*, Theol. Baccal.
Adam Brunn de Epfich, A. L. M. II.
1484. *Henr. Vischer*, alias Currificis, A. L. M. & Capellanus.
Andr. Ondorp, alias de Alcmaria, Art. & utr. Med. Doct.
1485. *Hier. de Weiblingen*, A. L. M. & Juris pont. Lic. II.
Georg. Bernolt, Norimb. Juris pont. Doct. Canonicus Bas. II.
1486. *Lud. Odertzheim* in Decret. Licent. A. L. M.
Tbanimo Loser, Saxo, Præpos. Clodensis, Canonicus Misnenfis, durante rectoratu suo Juris Can. Doct.
1487. *J. Vlr. Surgant*, Decret. Doct. Canon. Petr. Theol. Curatus, II.
Job. Siber, Theol. Prof. Scholasticus & Can. Petr. III.
1488. *Job. de Warambone*, comes de parva petra & de rupe, S. sedis Protonot. Archidiacon. & Canon. Bisunt. & Baioc.
Bernb. Oiglin, Decret. Doct. III.
1489. *Mich. Wildeck*, Mullhuf. S. pag. Licent.
Job. Sigrift de Rufach, A. L. M.
1490. *Job. Marloff*, de Fridberg, Jur. C.
Henr. Vogt, Præpos. Lucern. Canon. Beron. Decr. Doct.
1491. *Andr. Ondorp* de Alcmaria, Art. & Med. Doct. II.
Jac. Carpentarii, Argent. Canonicus Petr. Basil.
1492. *Job. Schenck*, L. B. de Limpurg, S. R. Imp. hæres & pincerna, Canon. Wurzburg. & Bamberg.
Erbard. Battmann, Canonicus Beronenf. A. L. M.
1493. *Wilb. Grieb*, Bas. Art. & J. V. D.
Job. Instititoris de Ettenheim, Can. Doct. & in novis Jurib. Prof. II.
1494. *Job. Stümp*, de Weschhufen, Decr. Lic. Canon. Petr.
J. Vlr. Surgant, Decr. Doct. Curatus ad S. Theod. III.
1495. *Mich. Wildek*, Theol. Doct. II.
Vlr. Kraft, Vlmens. Legum Doct. & ordinarius Juris.
1496. *Melchior de Baden*.
Bernb. Oiglin, Decret. Doct. IV.

1497. *Job.*

1497. *Job. de Tunfel*, d. Silberberg, Bas. Art. Med. & Juris Doct.
Matthæus Bubenboffer.
1498. *Henr. Vischer*, d. Currificis, A. L. M. Episcopi Vicarius, II.
Job. Herborn, A. L. M. Theol. Baccal. II.
1499. *Leonb. Marschalck*, Juris civ. scholaris.
Hier. de Weiblingen, &c. III.
1500. *Arnold zum Lust*, J. V. D. Canon. & Officialis Bas.
Vlr. Krafft, J. V. Doct. Canon. Petr. II.
1501. *J. Vlr. Surgart*, Decret. Doct. Curatus ad Theod. IV.
Georg. Bernolt, Decret. Doct. Canon. Bas. III.
1502. *Job. Wentz*, A. L. M. & Canon. Petr.
Job. de Tunfel, d. Silberberg, Decr. & Med. Doct. II.
1503. *Theob. Wefchbaffer* de Richenwir, Decret. Doct. Decan. Petr.
Adam. de Mullenberg, Doct. comes Palatinus.
1504. *Ladislaus Protbens*.
Wilb. Grieb, Bas. Art. & J. V. D. II.
1505. *Hier. Brytlinger*, ecclesiæ Bas. Capellanus.
Job. Sellatoris de Gebwiler, A. L. M.
1506. *Theob. Wefchbofer*, Decret. Doct. & Dec. Petr. II.
Wern. Schlierbach, Mülhuf. A. L. M. & S. Pag. Baccal.
1507. *Joh. Gebwiler* de Columbaria, Licent.
Christian. Strub de Sulgen, A. L. M.
1508. *Job. Wysbar*, Rotenburg. Plebanus ad S. Theod.
Arn. zum Lust, J. V. D. Canon. & Officialis Bas. II.
1509. *Adam. de Mullenberg*, Doctor, II.
Job. Justinger, A. L. M. Theol. Baccal. S. Can. Doct.
1510. *Jac. de Gottesbeym*, de Aft, Argent. Legum Doct. Juris civ. Prof.
Augustin. Lutenwang, Suevus, LL. civ. interpres, parochus Bas.
1511. *Georgius*, comes in Tengen, Dominus in Nellenburg.
Nic. Briefer, Bas. A. L. M. Canonicus Petr.
1512. *Martin. Schyner*, Decanus Valerii.
Job. Wentz, A. L. M. Juris Pont. Doct. & ordinarius, Canon. Petr.
1513. *Job. Sellatoris* de Gebwiler, A. L. M. Theol. Baccal. & Canon. Petr. II.
Matthias Sambucellus (Hœlderlin) Art. & Theol. Doct. Sulgenfis.
1514. *Lud. Berus*, Basil. Art. & Theol. Doct. Canon. Petr.
Henr. Rinck, A. L. M.
1515. *Petr. Wenck*, de Lor, A. L. M. Theol. Baccal.
Job. Sellatoris de Gebwiler &c. III.
1516. *Werner. Schlierbach*, A. L. M. & Theol. Baccal. II.
Job. Suter, A. L. M. & Capellan, eccles. cathedr. Bas.
1517. *Wolffg.*

1517. *Wolfg. Fabricius Capito*, Theol. Doctot.
Augustin. Lutterwang, LL. Doctor, II.
1518. *Job. Sellatoris de Gebwiler &c.* IV.
Wern. Schlierbach, S. Pag. Licent. III.
1519. *Job. Romanus Wonnecker*, Artium, Med. & J. V. D.
Claudius Cantiuncula, Metensis, J. V. D. ejusque Prof.
1520. *Lud. Berus*, Baf. Artium & Theol. Doct. Præpos. &
Canon. Petr. II.
Nic. Brieser, Art. Mag. Canonicus Petr. II.
1521. *Petr. Wenck*, A. L. M. &c. II.
Job. Sellatoris de Gebwiler &c. V.
1522. *Job. Gebwiler*, Doctor, II.
Job. Rom. Wonnecker, Legum Doctor, II.
1523. *Petr. Fabrinus*, Augustanus, legum civ. Licent.
Nicol. Brieser, A. L. M. &c. III.
1524. *Petr. Wenck*, Theol. Licent. III.
Wern. Schlierbach &c. IV.
1525. *Job. Vischer*, d. Currificis, A. L. M.
Henr. Rinck, A. L. M. Theol. Baccal. II.
1526. *Bonif. Amerbach*, Legum Doct. ac Prof.
Leonb. Rebhan, Canonicus Petr.
1527. *Hier. Blatzheim*, A. L. M. capellanus Baf.
Nic. Dumannus, alias Gaillard, Lotharing. studiosus.
1528. *Sebast. Molitor*, animarum cultos ad D. Petri.
Osw. Berus, Athesinus, Medicus.
1532. *Osw. Berus*, Med. Doct. ac Prof. II.
1533. *Paul. Constantin. Pbrygio*, Selestadiensis.
1534. *Paul. Const. Pbrygio*, Theol. Prof. II.
1535. *Bonif. Amerbach*, Legum Prof. II.
1536. *Wolfg. Wissenburg*, parochus ad D. Theod.
1537. *Andr. Bodenstein*, d. Caroloftadius, Theol. Doct. ac
Prof.
1538. *Hier. Artolphus*, Rhætus, Med. Cand.
1539. *Nic. Brieser*, Decarus Petr. & Juris Licent. IV.
1540. *Bonif. Amerbach*, JC. III.
1541. *Simon Grynaus*, philos. ord. Theolog. extraord. Prof.
1542. *Albanus Thorinus*, Vitoduranus, Med. Prof.
1543. *Job. Huberus*, Med. Doct.
1544. *Osw. Berus*, Med. Doct. ac Prof. III.
1545. *Job. Sphyractes*, J. V. L. Canon. Petr. & præpos. Instit.
Prof.
1546. *Martin. Borrhaus*, Theol. Prof.
1547. *Sebast. Munster*, Ingelheim. Linguae Hebr. Prof.
1548. *Vdalr. Iselin*, J. V. D. & Legum Prof.
1549. *Wolfg. Wissenburg*, Theol. Doct. ac Prof. II.
1550. *Osw. Berus*, Med. Doct. ac Prof. IV.
1551. *Bonif. Amerbach*, J. V. D. ac Prof. rude donatus, IV.

1552. *Simon*

1552. *Simon Sulcer*, Bernensis, A. L. M. Minister Petr. h. a. Antistes.
1553. *Martin. Borrhaus*, Theol. Prof. II.
1554. *Vlr. Iselin*, J. V. D. ac Prof. II.
1555. *Job. Huber*, Med. Doct. II.
1556. *Bonif. Amerbach*, JC. rude donatus, V.
1557. *Wolfg. Wissenburg*, Theologus, III.
1558. *Job. Sphyraestes*, J. V. L. Codicis Prof. II.
1559. *Isaacus Keller*, Med. Doct. ac Prof.
1560. *Vlr. Iselin*, J. V. D. & Legum Prof. III.
1561. *Bafil. Amerbach*, J. V. D. ac Prof.
1562. *Simon Sulcer*, Antist. & Theol. Prof. II.
1563. *Vlr. Coccius*, Pastor Petrin.
1564. *Marc. Hopper*, Juris Doct. ac Prof.
1565. *Theod. Zuinger*, Med. Doct. Ling. Gr. Prof.
1566. *Bafil. Amerbach*, JC. II.
1567. *Job. Huber*, Med. Doct. Archiater, & Prof. III.
1568. *Simon Sulcer*, Antistes & Theol. Prof. III.
1569. *Isaacus Keller*, Med. Doct. & Prof. II.
1570. *Felix Plater*, Med. Doct. ac Prof. & Archiater.
1571. *Vlr. Coccius*, Theol. D. & Prof. ac Pastor Petrin. II.
1572. *Theod. Zuinger*, Medicus, II.
1573. *Bafil. Amerbach*, JC. III.
1574. *Sam. Grynaus*, J. V. D. ac Prof.
1575. *Simon Sulcer*, Antist. & Theol. Prof. IV.
1576. *Felix Plater*, Med. Doct. ac Prof. II.
1577. *Christian. Vrstisius*, Mathematicus.
1578. *J. Nic. Stupanus*, Med. Doct. & Org. Arist. Prof.
1579. *Vlr. Coccius*, Theol. Doct. ac Prof. III.
1580. *Bafil. Amerbach*, J. V. D. ac Prof. IV.
1581. *Theod. Zuinger*, Medicus, III.
1582. *Felix Plater*, Medicus, III.
1583. *Christian. Vrstisius*, Mathematicus, II.
1584. *J. Jac. Grynaus*, Theol. Doct. ac Prof. elque mox Heidelbergam vocato successus Christ. Vrstisius III.
1585. *Henr. Pantaleon*, A. L. M. Med. Doct. Theol. Licent. Phys. Prof. & comes Palat.
1586. *Bafil. Amerbach*, J. V. D. ac Prof. V.
1587. *Job. Brandmuller*, Biberacensis, Theol. Doct. ac Prof. & pastor Micropolit.
1588. *Felix Plater*, Med. Doct. ac Prof. IV.
1589. *Sam. Grynaus*, J. V. D. ac Prof. II.
1590. *J. Jac. Grynaus*, Theol. Doct. N. T. Prof. & Ant. II.
1591. *Job. Gut*, Rætelandus, J. V. D. ac Cod. Prof.
1592. *Casp. Baubin*, Med. Doct. Anat. & Bot. Prof.
1593. *Sam. Grynaus*, J. V. D. ac Prof. III.
1594. *Job. Brandmuller*, Theol. Doct. V. T. Prof. Pastor Micropolit. II.

1595. *Felix*

1595. *Felix Plater*, Med. Doct. ac Prof. V.
 1596. *J. Jac. Grynaeus*, Antist. Theol. D. & Pr. III.
 1597. *Ludov. Iselin*, J. V. D. ac Prof.
 1598. *Casp. Baubin*, Medicus, II.
 1599. *Henr. Just*, Baf. A. L. M. Pastor Petrin. Organi Arist.
 Prof.
 1600. *Amand. Polanus a Polansdorff*, Theol. D. ac V. T. Pr.
 1601. *Jobannes Gut*, J. V. D. ac Prof. II.
 1602. *Thom. Coccius*, Med. Doct. & Ethicæ Prof.
 1603. *J. Jac. Grynaeus*, Antistes, &c. IV.
 1604. *J. Jac. Fasch*, J. V. D. ac Instit. Prof.
 1605. *Felix Plater*, Archiater &c. VI.
 1606. *Jacobus Zuinger*, Med. Doct. Linguae Gr. Prof.
 1607. *Ludov. Iselin*, JC. II.
 1608. *Petrus Ryff*, Phil. & Med. D. Mathes. Prof.
 1609. *Amand. Polanus a Polansdorff*, Theologus, II.
 1610. *Job. Gut*, JC. III.
 1611. *Casp. Baubin*, Med. D. Anat. & Bot. Prof. III.
 1612. *J. Jac. Fasch*, JC. II.
 1613. *Mart. Chmielecius*, a Chmielnick, Med. Doct. Physic.
 Prof.
 1614. *Job. Baxtorff*, A. L. M. Ling. Hebr. Prof.
 1615. *Job. Gut*, JC. IV.
 1616. *Petr. Ryff*, Med. Doct. Math. Prof. II.
 1617. *Sebast. Beck*, Theol. Doct. V. T. Prof.
 1618. *J. Jac. Fasch*, J. V. D. ac Prof. III.
 1619. *Casp. Baubin*, Med. D. Archiater, Prax. Pr. IV.
 1620. *J. Rod. Burcard*, J. V. D. Ethic. Prof.
 1621. *Job. Wolleb*, Th. D. V. T. Prof. Antist.
 1622. *Job. Gut*, JC. V.
 1623. *Thom. Plater*, Med. D. Anat. & Bot. Prof.
 1624. *Lud. Lucius*, A. L. M. Organi Log. Prof.
 1625. *Sebast. Beck*, Theol. Doct. N. T. Prof. II.
 1626. *J. Jac. Fasch*, J. V. D. Cod. Prof. & Synd. IV.
 1627. *Mart. Chmielecius*, Med. Doct. Phys. Prof. II.
 1628. *J. Rod. Burcard*, J. V. D. Ethic. Prof. II. eique Archi-
 grammateo electo successit Mart. Chmielecius III.
 1629. *Job. Wolleb*, Th. Doct. ac Prof. & Ant. ejusque defun-
 cti vices egit Chmielecius IV.
 1630. *J. J. Fasch*, J. V. D. Pand. Prof. Synd. V.
 1631. *Eman. Stupanus*, Med. Doct. Theor. Prof.
 1632. *Jac. Burcard*, J. V. D. Eth. Prof.
 1633. *Sebast. Beck*, Theologus, III.
 1634. *J. Jac. a Brunn*, Med. Doct. Pract. Prof.
 1635. *German. Obermeyer*, Med. Doct. Math. Prof.
 1636. *Theod. Zuinger*, Th. Doct. V. T. Prof. Ant.
 1637. *Remig. Fasch*, J. V. D. Pand. Prof.
 1638. *J. Casp.*

1638. *J. Casp. Baubin*, Med. Doct. Anat. & Bot. Prof.
 1639. *Job. Buxtorff*, fil. Linguae S. Prof.
 1640. *Sebast. Beck*, Theologus, IV.
 1641. *J. Jac. Hofmann*, J. V. D. Cod. Prof.
 1642. *Eman. Stupanus*, Med. Doct. Theor. Prof. II.
 1643. *Jac. Hagenbach*, Med. Doct. Ethic. Prof.
 1644. *Theod. Zuinger*, Theologus & Antistes, II.
 1645. *J. Jac. Faesch*, JC. & Syndic. VI.
 1646. *J. Jac. a Brunn*, Med. Doct. Pract. Prof. II.
 1647. *Jac. Burcard*, J. V. D. Ethic. Prof. II.
 1648. *Sebast. Beck*, Theologus, V.
 1649. *Remig. Faesch*, J. V. D. Pand. Prof. II.
 1650. *J. Casp. Baubin*, Med. Doct. Anat. & Bot. Prof. II.
 1651. *Felix Plater*, Med. Doct. Phys. Prof.
 1652. *Job. Buxtorff*, Th. Doct. Ling. Hebr. & Locc. Comm.
 Th. Prof. II.
 1653. *Luc. Burcard*, J. V. D. Cod. Prof.
 1654. *Eman. Stupanus*, Med. Doct. Theor. Prof. III.
 1655. *Petr. Falckeisen*, Med. Doct. Rhet. Prof.
 1656. *J. Rod. Wettstein*, Th. Doct. N. T. Prof.
 1657. *Jac. Brandmuller*, J. V. D. Instit. Prof.
 1658. *J. Jac. a Brunn*, Med. Doct. Pract. Prof. III.
 1659. *Luc. Gernler*, Th. D. Antist. Locc. Comm. & Controv.
 Th. Prof.
 1660. *Remig. Faesch*, J. V. D. Pand. Prof. III.
 1661. *J. Casp. Baubin*, Med. Doct. Pract. Prof. III.
 1662. *Job. Buxtorff*, Th. Doct. V. T. & L. H. Prof. III.
 1663. *Luc. Burcard*, J. V. D. Cod. Prof. II.
 1664. *J. Casp. Baubin*, Med. Doct. Pract. Prof. IV.
 1665. *J. Frid. Burcard*, J. V. D. Orat. Prof.
 1666. *Job. Zuinger*, Th. D. Controv. Th. Prof.
 1667. *J. Rod. Burcard*, Med. Doct. Anat. Prof.
 1668. *Sim. Battier*, J. V. D. Rhet. Prof.
 1669. *J. Rod. Wettstein*, Th. Doct. N. T. Prof. II.
 1670. *Jac. Brandmuller*, J. V. D. Pand. Prof. II.
 1671. *J. Henr. Glaßer*, Med. D. Anat. Prof.
 1672. *Christoph. Faesch*, J. V. D. Hist. Prof.
 1673. *Luc. Gernler*, Th. D. V. T. Prof. & Antist. II.
 1674. *Nic. Passavant*, J. V. D. Instit. Prof.
 1675. *J. Casp. Baubin*, Med. D. Pract. Prof. V.
 1676. *Jac. Rudin*, A. L. M. Rhet. Prof.
 1677. *Petr. Werenfels*, Th. D. Locc. C. Prof. & Ant.
 1678. *Luc. Burcard*, J. V. D. Cod. Prof. III.
 1679. *J. Rod. Burcard*, Med. D. Theor. Prof. II.
 1680. *J. Jac. Buxtorff*, A. L. M. Ling. Hebr. Prof.

1681. *Job. Zuinger*, Th. D. V. T. Prof. II.
 1682. *Nic. Passavant*, J. V. D. Pand. Prof. II.
 1683. *Jac. Rot*, Med. Doct. Anat. Prof.
 1684. *J. Jac. Harder*, Med. D. Rhet. Prof.
 1685. *Petr. Werensfels*, Th. D. V. T. Prof. Ant. II.
 1686. *Sebast. Faesch*, J. V. D. Inst. Prof.
 1687. *Nic. Eglinger*, Med. D. Theor. Prof.
 1688. *Bonif. Faesch*, J. V. D. Ethic. Prof.
 1689. *J. Rod. Wettstein*, fil. Theol. Doct. Locc. Comm. Th. Prof.
 1690. *Luc. Burcard*, J. V. D. ac Prof. emeritus, IV.
 1691. *Jac. Rot*, Med. D. & Pract. Prof. II.
 1692. *Job. Wettstein*, J. V. D. Ling. Gr. Prof.
 1693. *Job. Zuinger*, Th. Doct. N. T. Prof. III.
 1694. *Sebast. Faesch*, J. V. D. Cod. Prof. II.
 1695. *J. Jac. Harder*, Med. Doct. Anat. Prof. II.
 1696. *J. Jac. Buxtorff*, Ling. Hebr. Prof. II.
 1697. *Petr. Werensfels*, Th. D. N. T. Prof. Antist. III.
 1698. *Jac. Burcard*, J. V. D. Pand. Prof.
 1699. *Nic. Eglinger*, Med. Doct. Theor. Prof. II.
 1700. *Jac. Bernoulli*, Math. Prof.
 1701. *J. Rod. Wettstein*, Th. Doct. V. T. Prof. II.
 1702. *Bonif. Faesch*, J. U. D. Inst. Prof. II.
 1703. *J. Jac. Harder*, Med. Doct. Theor. Prof. Comes Palat. III.
 1704. *Theod. Zuinger*, Med. Doct. Anat. Prof.
 1705. *Sam. Werensfels*, Th. Doct. V. T. Prof.
 1706. *Sebast. Faesch*, J. V. D. Cod. Prof. III. ipsi ad munus Archigrammatei provecto suffectus *Jac. Burcard*, Pand. Prof. II.
 1707. *Nic. Eglinger*, Med. D. Pract. Prof. Archiater. III.
 1708. *J. Jac. Battier*, J. V. D. Inst. Prof.
 1709. *J. Rod. Wettstein*, Th. Doct. N. T. Prof. III.
 1710. *Bonif. Faesch*, J. V. D. Cod. Prof. III.
 1711. *Theod. Zuinger*, Med. Doct. Pract. Prof. II.
 1712. *Eman. Zaeslin*, Med. Doct. Rhet. Prof.
 1713. *Hier. Burcard*, Th. Doct. V. T. Prof. Antist.
 1714. *J. Jac. Battier*, J. V. D. Cod. Prof. II.
 1715. *Job. Rod. Beck*, Med. Doct. Phys. Prof.
 1716. *Job. Bernoulli*, Med. Doct. Mathes. Prof.
 1717. *Jac. Christoph. Iselin*, Th. D. Controv. Th. Prof.
 1718. *J. Jac. Battier*, J. V. D. Cod. Prof. III.
 1719. *J. Henr. Staebelin*, Med. Doct. Anat. Prof.
 1720. *Job. Buxtorff*, Ling. Hebr. Prof.
 1721. *Nic. Harscher*, Med. Doct. Orat. Prof.
 1722. *Sam. Werensfels*, Th. Doct. N. T. Prof. II.

1723. *Sam.*

1723. *Sam. Battier*, Med. Doct. Linguae Gr. Prof.
 1724. *J. Rod. Beck*, Med. Doct. Phys. Prof. II.
 1725. *Hier. Burcard*, Th. D. V. T. Prof. Ant. II.
 1726. *Eman. Zaeslin*, Med. Doct. Ethic. Prof. II.
 1727. *J. Rod. a Walldkirch*, J. V. D. Instit. Prof.
 1728. *J. Rod. Mieg*, Med. D. Anat. Prof.
 1729. *J. Rod. Zuinger*, Med. Doct. Pract. Prof.
 1730. *Hier. Burcard*, Theol. D. V. T. Prof. Ant. III.
 1731. *Job. Toniola*, J. V. D. Pand. Prof.
 1732. *Christoph. Eglinger*, Med. Doct. Rhet. Prof.
 1733. *Nic. Harscher*, Med. Doct. Orat. Prof. II.
 1734. *Eman. Kœnig*, Med. Doct. Theor. Prof.
 1735. *Jac. Christoph. Iselin*, Theol. Doct. Controv. Theol. Prof. II.
 1736. *Bened. Staebelin*, Med. Doct. Phys. Prof.
 1737. *Petr. Rybiner*, Log. Prof.
 1738. *Nicol Bernoulli*, J. V. D. Cod. Prof.
 1739. *Nicol Bernoulli*, J. V. D. Cod. Prof. II.
 1740. *J. Rod. Zuinger*, Med. Doct. Pract. Prof. II.
 1741. *Job. Bernoulli*, Med. Doct. Math. Prof. II.
 1742. *Job. Grynaus*, Theol. D. N. T. Prof.
 1743. *Nic. Bernoulli*, J. V. D. Cod. Prof. III.
 1744. *Dan. Bernoulli*, Med. D. Anat. Prof.
 1745. *Andr. Weifs*, J. V. D. Ethic. Prof.
 1746. *J. Balth. Burcard*, Theol. Doct. N. T. Prof.
 1747. *Nic. Bernoulli*, J. V. D. Cod. Prof. IV.
 1748. *Eman. Kœnig*, Med. Doct. Theor. Prof. II.
 1749. *Jerem. Raillard*, J. V. D. Rhet. Prof.
 1750. *Jac. Christoph. Beck*, Theol. Doct. Locc. Comm. Th. Prof.
 1751. *J. Rod. Thurneisen*, J. V. D. Pand. Prof.
 1752. *J. Rod. Zuinger*, Med. Doct. Pract. Prof. III.
 1753. *Petr. Rybiner*, Log. Prof. II.
 1754. *J. Balth. Burcard*, Th. Doct. N. T. Prof. II.
 1755. *Nic. Bernoulli*, J. V. D. Cod. Prof. V.
 1756. *Dan. Bernoulli*, Med. Doct. Phys. Prof. II.
 1757. *Jer. Raillard*, J. V. Doct. Rhet. Prof. II.
 1758. *Jac. Christ. Beck*, Th. Dr. Contr. Th. Prof. II.
 1759. *J. Rod. Thurneisen*, J. V. D. Pand. Prof. II.
 1760. *Frid. Zuinger*, Med. Doct. Theor. Prof.
 1761. *Jac. Christoph. Ramspeck*, Med. Doct. Eloq. Prof.
 1762. *Eman. Rybiner*, Th. Doct. Locc. C. Th. Prof.
 1763. *J. Rod. Iselin*, J. V. D. Inst. Prof.
 1764. *J. Rod. Staebelin*, Med. Doct. Anat. Prof.
 1765. *Job. Bernoulli*, J. V. D. Math. Prof.
 1766. *Jac. Christ. Beck*, Theol. Doct. V. T. Prof. III.

1767. *Job.*

1767. *J. Henr. Falckner*, J. V. D. Cod. Prof. Reip. Synd.
1768. *Frid. Zuinger*, Med. Doct. Theor. Prof. II.
1769. *Jac. Basler*, Ling. Hebr. Prof.
1770. *J. Werner. Herzog*, Th. Doct. Locc. C, Th. Prof.
1771. *J. Rod. Thurneisen*, J. V. D. Pand. Prof. R. Synd. III.
1772. *J. Rod. Staebelin*, Med. Doct. Anat. Prof. II.
1773. *J. Henr. Rybiner*, Med. D. Ethic. Prof.
1774. *J. Baltb. Burcard*, Th. Doct. N. T. Prof. III.
1775. *J. Henr. Falckner*, J. V. D. Cod. Prof. Reip. Synd. II.
1776. *Jac. Meyer*, Histor. Prof.
1777. *Jac. Cbrist. Beck*, Th. D. V. T. Prof. IV.
1778. *J. Henr. David*, J. V. D. Pand. Prof.

CATALOGUS PROFESSORUM

ALPHABETICUS.

A cronius Joh.	p. 334.	<u>412</u>
Aerimontanus Severinus.		279
Afinius Joh.		<u>283</u>
Amerbach Bonif.		III
——— Basil.	<u>114.</u>	<u>132</u>
Andlo (de) Petr.		100
Annone (de) Joh. Jac.		330
Ardisaeus Vitus.		<u>412</u>
Artolphus Hieron.	173.	332
Atrocianus Joh.		334
B asler Jac.		<u>456</u>
Battier Simon.	<u>142.</u> <u>162.</u> <u>302.</u>	435
——— J. Jac.	<u>147.</u> <u>162.</u> <u>304.</u>	<u>323</u>
——— Samuel.		<u>377</u>
——— Joh Rod.		455
Bauhin Casp.	183.	<u>234.</u> 362
——— Joh. Casp.		<u>189.</u> <u>235</u>
——— Hieron.		<u>218.</u> <u>235</u>
——— Johann.		295
Bech Philip.		<u>262.</u> 335
Beck Sebast.		38. 75
——— Jac. Christoph.	<u>64.</u> <u>95.</u>	398
——— Christoph.		<u>321.</u> <u>397</u>
——— Joh. Rod.		<u>343.</u> <u>409</u>
Bernoldt Georg.		<u>101</u>
Bernoulli Nicol.		<u>148.</u> <u>345</u>
——— Daniel.		<u>239.</u> 411
——— Johan. pat.		373. <u>423</u>
——— ——— fil.		324. 423
——— Jacob.		<u>418</u>
Berus Ludov.		8
——— Oswald.	<u>176.</u>	<u>206</u>
Betuleius Xyftus.		310
Bez Joh.		101
Birr Anton.		<u>382</u>

Bodenstein Andr.	p. 19
Borrhaus Martin.	24. 283. 312
Brand Sebast.	103
—— Bernh.	154
Brandmuller Jac. JC.	122. 162
—— — Theol.	270
—— — Johann.	35. 443
Brieffer Nicol.	108
Brucker Joh. Henr.	398
Brunn Joh. Jac.	187. 235
Burcard Hieron.	60. 91
—— Joh. Balth.	81. 95. 106
—— Joh. Jac.	125. 144. 162
—— Lucas.	141. 162. 341
—— Joh. Rod. Med.	192. 220. 235. 414
—— — — JC.	432
—— Christoph.	318
—— Jacob.	318. 434
—— Joh. Frid.	322
—— Samuel.	342
Buxtorff Joh. fil.	44. 88. 448
—— Joh. Rod.	308
—— Joh. pat.	444
—— Joh. Jac.	449
—— Joh. nep.	452

Cantiuncula Claud.	110
Capito Wolfg. Fabr.	10
Capnio Joh.	251
Carlostadius Andr.	19
Castellio Sebast.	354
—— Frid.	298. 300. 317. 362
Chmielecius Mart.	336. 406
Christ Franc.	163
Coccius Huldric.	74. 271. 280. 331
—— Samuel.	265. 272
—— Thomas.	269. 336. 431
Collibus (a) Hippol.	157
Copus Guil.	169
Creutzer Joh.	1. 247
Cridenwyfs Adam.	101
Curia (in) Gerhard.	106
Curio Coel. Sec.	284. 312
—— Augustin.	294
Cynus Joh.	108

David Joh. Henr.
Dieck Joh.

p. 129
6

Eblinger Joh.
Eglinger Nicol.
—— Christoph.
—— Samuel.
Eraftus Thom.
Ertzberger Severin.
—— Henr.
Ettenheim (de) Joh.

271
194. 221. 237. 409
305
415
427
279
281
104

Faesch J. Jac. pat.

118. 138. 141. 159

—— Remig.

119. 139. 161

—— J. Jac. fil.

140. 161

—— Sebast.

144. 162

—— Bonif.

146. 162. 303. 435

—— Christoph.

341. 397

Falckeisen Petr.

301. 414

Falckner Joh. Henr.

151. 441

—— Vlric.

264

Finiger Mauric.

6

Freigius Joh. Thom.

295

Frey Joh. Jud.

61. 398

—— Joh. Thom.

295

—— Joh. Jac.

366

Fueglin Joh.

266. 294. 312. 335

Gaius Petr.

264

Gebwyler Joh.

7

Gemusaeus Hieron.

190. 404

Gengenbach Joh. Matth.

102. 247

Gernler Luc.

48. 89

—— Joh. Henr.

401

Geyler Joh.

3

Glareanus Henr.

247. 411

Glafer J. Henr.

235. 371

Gottesheim (de) Jac.

108

Graf Joh. Luc.

301

Gratarolus Guil.

174

Grieb Wilhelm.

105

Groß Joh. Georg.

83

Grüningen (de) Joh.

2

Grutſch Joh.	p. <u>100</u>
Grynæus J. Jac.	29. 75
—— Simon, Theol.	69. 349. <u>392</u>
—— ——— Med.	<u>425</u>
—— Joh.	79. 95
—— Samuel.	115. 136. 157. <u>312</u>
—— Thom.	261. <u>280</u>
Guarletis (de) Frid.	<u>101</u>
Gut Joh.	117. 137. <u>159</u>

H agenbach J. Jac.	<u>339.</u> 414
Harder J. Jac.	221. <u>237.</u> 303. 409
Harſcher Matthias,	<u>320.</u> 434
—— Nicol.	<u>123</u>
Helius Joh. Beat.	<u>316.</u> 335
Helmich Joh.	<u>99</u>
Helmut Andr.	<u>103</u>
Henric Petri Adamus	133. <u>157</u>
—— ——— Jac.	298
Hermann Jac.	416
Hermogenes Jac.	281
Hervagius Caſp.	<u>112</u>
Herzog J. Wern.	98
Hofmann J. Jac. ſen.	<u>139.</u> 161. 320
—— ——— iun.	<u>371.</u> 397
Holzach Sam.	<u>267.</u> 298. 362
Hopper Marc.	156. 334. 354. 404
Hospinianus Joh.	284. <u>312.</u> 392
Hottomannus Franc.	<u>114</u>
Huber Mart.	132
—— Joh.	180. 404
—— J. Wern.	410
Hugkel J. Jac.	281
Hugobaldus Vlric.	265. <u>332.</u> 425

I eckelmann Henr.	365
Inſtroris Joh.	104
Infula (de) Melch.	159
Ifelin J. Rod.	164
—— Jac. Chriſtoph.	91. 398
—— Reinh.	<u>431</u>
—— Vlric.	113. 152
—— Ludov.	137. <u>159</u>
Iuſtus Henr.	268. <u>336.</u> 392. 431

Keller

Keller Isaac,	p. <u>207</u>
Kiffelbach Henr.	<u>406</u>
Klett Luc.	<u>108</u>
Koenig Eman. pat.	223. <u>373.</u> <u>409</u>
———— fil.	<u>227.</u> <u>239</u>
Kraft Vlric.	<u>104</u>
Lachenal (de) Wern.	245
Legrand Luc.	<u>348</u>
———— Christoph.	<u>388</u>
Lep J. Georg.	<u>405</u>
Lepusculus Sebast.	333. 354. 392. <u>443</u>
Loritus Henr.	247. <u>411</u>
Lüblerus Thom.	<u>427</u>
Lucius Ludov.	<u>392</u>
Luft (zum) Petr.	<u>99</u>
———— Arnold.	<u>106</u>
Lupabus (de) Gerh.	<u>105</u>
Lüttwang August.	<u>107</u>
Lycosthenes Conr.	256. <u>271.</u> <u>334</u>
Mader Theoph.	<u>426</u>
Maner Casp.	<u>1</u>
Mangold J. Georg.	<u>304</u>
Megerlin Petr.	<u>417</u>
Merian Matthaeus.	<u>388</u>
Meyer Wolfg.	<u>85</u>
———— Matthaeus.	264. <u>272.</u> <u>283.</u> <u>362</u>
———— Jac.	<u>402</u>
Mieg J. Rod.	226. <u>239</u>
———— Achill.	<u>204</u>
Moernach Joh.	<u>107</u>
Morfianus Christian.	<u>411</u>
Müllenberg Adam.	<u>106</u>
Müller Matthaeus.	<u>100</u>
———— Theobald.	<u>268</u>
Münster Sebast.	<u>22.</u> <u>442</u>
Mutius Vlric.	265. 332. <u>425</u>
Myconius Ofwald.	<u>67</u>
Nisaeus Joh.	<u>266.</u> <u>294</u>
Noldt Henr.	<u>2</u>

Obermeyer

Obermeyer German.

P. 413

Oecolampadius Joh.

12

Oeglin Bernh.

102

Ondorp Andr.

168

Oporinus Joh.

349

Pantaleon Henr.

258. 271 — 294. 404

Paracelsus Theophr.

170

Passavant Nicol.

124. 162

Pellicanus Conr.

17. 442

Peyer Mart.

112

Pfister Joh. Conr.

300

Phrygio Paul. Const.

18

Picellius Petrus.

412

Pieraeus } Petr.

130

Pizellius Petr.

411

Plater Felix sen.

181

—— Thomas fil.

187. 215

—— ——— pat.

272

—— Felix iun.

338. 400

Polanus Amand.

17

Prallus Vincent.

317

Raillard Jerem.

307

Ramspeck Jac. Christoph.

327. 423

Reuchlin Joh.

251

Rich Arnold.

102

Richil Andr.

167

Riedtmüller Henr.

3

Ritter Israël.

443

Roth Jac.

193. 221. 217

Rudin Jac.

302. 435

Ryff Petr.

412

Ryhiner Eman.

95

—— Petr.

346

—— J. Henr.

441

Sambucellus Matthias.

Sattler Wolfg.

431

Scherb Philip.

211. 335. 430

Schilling Christoph.

280

Schmidt Frid. Sam.

457

Schreckenfuchs Eras. Osw.

297

Sichardus

Sichardus Joh.	p.	308
Silberberger Joh.	105.	168
Sinckeler Sebast.	180.	206
Solidus Christoph.		280
Sphyraetes Joh.		153
Spoerlin Georg.		433
Spreng J. Jac.		384
Stachelin J. Rod.	231.	244
—— J. Henr.	237.	323
—— Bened.		409
Steinanus Joh.	284. 312.	392
Stupanus Joh. Nicol.	215. 312. 335.	392
—— Emanuel.		217
Sulcer Simon.	26. 74. 332 442.	443
—— Albert.		267
Surgant Joh. Vlr.		102
Syber Joh.		2

T aurellus Nicol.	312.	425
Tenantius Joh.		443
Textoris Wilhelm.	1.	442
—— Joh.		107
Thorinus Alban.	206.	283
Thurneisen J. Rod.	127.	398
Toniola Joh.	127.	148
Tunfel Joh.	105.	168

V efalius Andr.		232
Vlricher Ladisl.		6
Vrřtifiſius Chriřtian.	34.	412

W aldkirch J. Rod.		164
Wecker J. J.	263.	271
Weiblingen Hieron.		104
Weifs Andr.		439
Wentz J. Henr.		108
Werdmuller Otto		423
Werenfels Petr.	53. 79.	89
—— Sam.	57. 79. 89. 323.	373
Wertenberg J. Frid.		337
Wettstein J. Rod. fil.	55. 79. 89. 323.	373
—— pat.	76. 89.	369. 397
—— Joh.	126. 163. 373.	435
—— J. Jac.		379

Wierz

476 CATALOGUS PROFESSORUM ALPHABETICUS.

Wierz Achill.	p. 387.	458
Wild Anton.		424
Wildegk Mich.		6
Wissenburger Wolfg. Theol.	72.	411
_____ JC.		431
Wittenbach Thom.		7
Woelflin Wern.		167
Wolleb Joh. Theol.		40
_____ Med.		408
_____ Theod.		369
Wonnecker Joh. Roman.		168

Zaeslin Emanuel.	305.	435
Zafius Joh. Vdalr.		130
Zenoin Hieron.		369
Zuinger Theod. Theol.		41. 76
_____ Joh.	50. 79. 89.	371
_____ J. Rod. Theol.		89
_____ Theod. Med. iun.	196. 223.	237. 323. 409
_____ J. Rod. Med.		201. 238. 345
_____ Theod. Med. sen.	208.	361. 425
_____ Frider.		229. 244
_____ Jacob.		362







